

Samantapāsādikāya Vinayaṭṭhakathāya

Gaṇṭhipadādhippāyapakāsanā

Bhadantavajirabuddhittherena katā

Vajirabuddhiṭikā



Buddhavasse 2552

Marammavasse 1370

AD. 2008

Romanized from Myanmar version published in 1960

© Buddhasāsana Society

Ṭikā Series 06

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃya	ဠ ပla	ဣ လla
ကွ kka	ဠ cca	ဏ္ဍ န္ဍa	ဠ သ္ဃya	ဠ ပba	လျ lya
ကျ kya	ဠ ccha	ဏ္ဍ န္ဍa	ဠ နta	ဠ bbha	လှ lha
ကြ kri	ဠ jja	ဏ္ဍ န္ဍa	ဠ နtva	ဠ bya	ဂှ vha
ကလ kla	ဠ jjha	တ္တ tta	ဠ နtha	ဠ bra	တ္တ sta
ကွ kva	ည ṅṅa	တ္တ ttha	ဠ nda	ဠ mpa	တ္တ strā
ချ khya	ည ṅṅha	တွ tva	ဠ ndra	ဠ mpha	သ္ဍ sna
ခွ khva	ည ṅṅca	ကျ tya	ဠ ndha	ဠ mba	သျ sya
ဂွ gga	ဠ ṅṅcha	တြ tra	ဠ nna	ဠ mbha	သ ssa
ဠ ggha	ည ṅṅja	ဠ dda	ဠ nya	ဠ mma	သ္ဍ sma
ဂျ gya	ည ṅṅjha	ဠ ddha	ဠ nha	ဠ mya	သ္ဍ sva
ဂြ gra	ဠ ṅṅṭta	ဠ dya	ဠ ppa	ဠ mha	တွ hma
ကံ ṅka	ဠ ṅṅṭtha	ဠ dra	ဠ ppha	ဠ yya	တွ hva
ခံ ṅkha	ည ṅṅṭṭa	ဠ dva	ဠ pya	ဠ yha	ဠ ḷha
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Vajirabuddhiṭkā

Mātikā		Piṭṭhaṅka	
Ganthārambhakathā	1
Ganthārambhakathāvaṇṇanā	4
Bāhiraṇidānakathā			
Paṭhamamahāsaṅgītikathāvaṇṇanā	21
Dutiyasaṅgītikathāvaṇṇanā	25
Tatīyasaṅgītikathāvaṇṇanā	26
Verañjakaṇḍa			
Pubbenivāsakathāvaṇṇanā	48
Dibbacakkhuñṇānakathāvaṇṇanā	51
Āsavakkhayañṇānakathāvaṇṇanā	54
Upāsakattapaṭivedanānakathāvaṇṇanā	55
1. Pārājikakaṇḍa			
1. Paṭhamapārājika			
Sudinnabhāṇavāraṇṇanā	66
Makkaṭṭivattukathāvaṇṇanā	75
Vajjiputtakavattuvaṇṇanā	77
Catubbidhavinayakathāvaṇṇanā	85
Padabhājanīyavaṇṇanā	90
Sājīvapadabhājanīyavaṇṇanā	96
Sikkhāpaccakkhānakathāvaṇṇanā	98

Mātikā	Piṭṭhaṅka
Mūlapaññattikathāvaṇṇanā	100
Paṭhamacatukkakathāvaṇṇanā	101
Ekūnasattatidvisatacatukkakathāvaṇṇanā	103
Santhatacatukkabhedakakathāvaṇṇanā	105
Pakiṇṇakakathāvaṇṇanā	106
Vinītavatthuvaṇṇanā	111

2. Dutiyapārājika

Dhaniyatthuvaṇṇanā	119
Pāḷimuttakavinicchayaṇṇanā	122
Padabhājanīyavaṇṇanā	124
Pañcavīsati-avahārakathāvaṇṇanā	126
Bhūmaṭṭhakathādivaṇṇanā	126
Āpattibhedavaṇṇanā	136
Anāpattibhedavaṇṇanā	138
Pakiṇṇakakathāvaṇṇanā	139
Vinītavatthuvaṇṇanā	141
Kusasaṅkāmanavatthukathāvaṇṇanā	141

3. Tatiyapārājika

Paṭhamapaññattinidānavaṇṇanā	144
Ānāpānassatisamādhikathāvaṇṇanā	148
Padabhājanīyavaṇṇanā	155
Vinītavatthuvaṇṇanā	167

4. Catutthapārājika

Vaggumudātīriyabhikkhuvatthuvaṇṇanā	170
Savibhaṅgasikkhāpadavaṇṇanā	171

Mātikā		Piṭṭhaṅka
Padabhājanīyavaṇṇanā	...	171
Vattukāmaṅgavāraṅgathāvaṇṇanā	...	173
Anāpattibhedakathāvaṇṇanā	...	173
Vinītavatthuvaṇṇanā	...	173
Nigamanavaṇṇanā	...	174

2. Saṅghādisesakaṇḍa

1. Sukkavissatṭhisikkhāpadavaṇṇanā	...	175
2. Kāyasaṅgassikkhāpadavaṇṇanā	...	180
Padabhājanīyavaṇṇanā	...	182
Vinītavatthuvaṇṇanā	...	186
3. Duṭṭhullavācāsikkhāpadavaṇṇanā	...	187
Padabhājanīyavaṇṇanā	...	188
Vinītavatthuvaṇṇanā	...	189
4. Attakāmapāricariyasikkhāpadavaṇṇanā	...	189
5. Sañcarittasikkhāpadavaṇṇanā	...	190
Padabhājanīyavaṇṇanā	...	190
Vinītavatthuvaṇṇanā	...	191
6. Kuṭikārasikkhāpadavaṇṇanā	...	191
7. Vihārakārasikkhāpadavaṇṇanā	...	195
8. Paṭhamaduṭṭhadosaṅgassikkhāpadavaṇṇanā	...	195
9. Dutiyaduṭṭhadosaṅgassikkhāpadavaṇṇanā	...	200
10. Paṭhamasaṅghabhedasikkhāpadavaṇṇanā	...	204
11. Dutiyasaṅghabhedasikkhāpadavaṇṇanā	...	206
12. Dubbacasikkhāpadavaṇṇanā	...	207
13. Kuladūsakasikkhāpadavaṇṇanā	...	207

Mātikā

Piṭṭhaṅka

3. Aniyatakaṇḍa

1. Paṭhama-aniyatasikkhāpadavaṇṇanā	210
2. Dutiya-aniyatasikkhāpadavaṇṇanā	211
Pakiṇṇakavaṇṇanā	212

4. Nissaggiyakaṇḍa**1. Cīvaravagga**

1. Paṭhamakathinasikkhāpadavaṇṇanā	214
2. Udositasikkhāpadavaṇṇanā	230
3. Tatiyakathinasikkhāpadavaṇṇanā	234
4. Purāṇacīvarasikkhāpadavaṇṇanā	237
5. Cīvarapaṭiggaḥaṇasikkhāpadavaṇṇanā	238
6. Aññātakaviññattisikkhāpadavaṇṇanā	241
7. Tatuttarisikkhāpadavaṇṇanā	243
8. Paṭhama-upakkhaṭasikkhāpadavaṇṇanā	245
9. Dutiya-upakkhaṭasikkhāpadavaṇṇanā	245
10. Rājasikkhāpadavaṇṇanā	247

2. Kosiyavagga

1. Kosiyasikkhāpadavaṇṇanā	250
2. Suddhakāḷakasikkhāpadavaṇṇanā	251
3. Dvebhāgasikkhāpadavaṇṇanā	251
4. Chabbassasikkhāpadavaṇṇanā	252
5. Nisīdanasantahasikkhāpadavaṇṇanā	253
6. Eḷakalomasikkhāpadavaṇṇanā	255
7. Eḷakalomadhovāpanasikkhāpadavaṇṇanā	258
8. Rūpiyasikkhāpadavaṇṇanā	259

Mātikā	Piṭṭhaṅka
9. Rūpiyasamvohārasikkhāpadavaṇṇanā	264
10. Kayavikkayasikkhāpadavaṇṇanā	266

3. Pattavagga

1. Pattasikkhāpadavaṇṇanā	267
2. Ūnapañcabandhanasikkhāpadavaṇṇanā	268
3. Bhesajjasikkhāpadavaṇṇanā	268
4. Vassikasāṭṭikasikkhāpadavaṇṇanā	273
5. Cīvara-acchindanasikkhāpadavaṇṇanā	276
6. Suttaviññattisikkhāpadavaṇṇanā	277
7. Mahāpesakārasikkhāpadavaṇṇanā	278
8. Accekacīvarasikkhāpadavaṇṇanā	278
9. Sāsaṅkasikkhāpadavaṇṇanā	282
10. Pariṇatasikkhāpadavaṇṇanā	284

5. Pācittiyakaṇḍa

1. Musāvādavagga

1. Musāvādasikkhāpadavaṇṇanā	286
2. Omasavādasikkhāpadavaṇṇanā	288
3. Pesuññasikkhāpadavaṇṇanā	290
4. Padasodhammasikkhāpadavaṇṇanā	291
5. Paṭthamasahaseyyasikkhāpadavaṇṇanā	294
6. Dutiyasahaseyyasikkhāpadavaṇṇanā	294
7. Dhammadesanāsikkhāpadavaṇṇanā	295
8. Bhūtārocanasikkhāpadavaṇṇanā	295
9. Duṭṭhullārocanasikkhāpadavaṇṇanā	296
10. Pathavīkhaṇanasikkhāpadavaṇṇanā	296

Mātikā

Piṭṭhaṅka

2. Bhūtagāmaṅga

1. Bhūtagāmasikkhāpadavaṅṅanā	297
2. Aññavādasikkhāpadavaṅṅanā	298
3. Ujjhāpanakasikkhāpadavaṅṅanā	299
4. Paṭhamasenāsanāsikkhāpadavaṅṅanā	299
5. Dutiyasenāsanāsikkhāpadavaṅṅanā	301
6. Anupakhajjasikkhāpadavaṅṅanā	301
7. Nikkaḍḍhanāsikkhāpadavaṅṅanā	302
8. Vehāsakuṭṭisikkhāpadavaṅṅanā	302
9. Mahallakavīhārasikkhāpadavaṅṅanā	303
10. Sappāṅkasikkhāpadavaṅṅanā	303

3. Ovādaṅga

1. Ovādasikkhāpadavaṅṅanā	304
2. Atthaṅgatasikkhāpadavaṅṅanā	306
3. Bhikkhunupassayasikkhāpadavaṅṅanā	306
4. Āmisāsikkhāpadavaṅṅanā	307
5. Cīvaradānasikkhāpadavaṅṅanā	308
6. Cīvarasibbanāsikkhāpadavaṅṅanā	308
7. Saṃvidhānasikkhāpadavaṅṅanā	309
8. Nāvābhiruhasikkhāpadavaṅṅanā	310
9. Paripācitasikkhāpadavaṅṅanā	310
10. Rahonisajjasikkhāpadavaṅṅanā	311

4. Bhojanaṅga

1. Āvasathapiṇḍasikkhāpadavaṅṅanā	311
2. Gaṇabhojanāsikkhāpadavaṅṅanā	311

Mātikā	Piṭṭhaṅka
3. Paramparabhojanasikkhāpadavaṇṇanā	313
4. Kāṇamātāsikkhāpadavaṇṇanā	316
5. Paṭhamapavāraṇasikkhāpadavaṇṇanā	317
6. Dutiyapavāraṇasikkhāpadavaṇṇanā	319
7. Vikālabhojanasikkhāpadavaṇṇanā	319
8. Sannidhikāraṇasikkhāpadavaṇṇanā	321
9. Paṇītabhojanasikkhāpadavaṇṇanā	322
10. Dantaponasikkhāpadavaṇṇanā	323

5. Acelakavagga

1. Acelakasikkhāpadavaṇṇanā	324
2. Uyyojanasikkhāpadavaṇṇanā	325
3. Sabhojanasikkhāpadavaṇṇanā	325
4. Rahopaṭicchannasikkhāpadavaṇṇanā	325
5. Rahonisajjasikkhāpadavaṇṇanā	325
6. Cārittasikkhāpadavaṇṇanā	325
7. Mahānāmasikkhāpadavaṇṇanā	326
8. Uyyuttasenāsikkhāpadavaṇṇanā	326
9. Senāvāsasikkhāpadavaṇṇanā	327
10. Uyyodhikasikkhāpadavaṇṇanā	327

6. Surāpānavagga

1. Surāpānasikkhāpadavaṇṇanā	327
2. Aṅgulipatodakasikkhāpadavaṇṇanā	328
3. Hasadhammasikkhāpadavaṇṇanā	328
4. Anādariyasikkhāpadavaṇṇanā	328
5. Bhimsāpanasikkhāpadavaṇṇanā	329
6. Jotisikkhāpadavaṇṇanā	329

Mātikā			Piṭṭhaṅka
7. Nahānasikkhāpadavaṇṇanā	329
8. Dubbaṇṇakaraṇasikkhāpadavaṇṇanā	330
9. Vikappanasikkhāpadavaṇṇanā	330
10. Cīvarāpanidhānasikkhāpadavaṇṇanā	330

7. Sappāṇakavagga

1. Sañciccaṇasikkhāpadavaṇṇanā	331
2. Sappāṇakasikkhāpadavaṇṇanā	331
3. Ukkoṭanasikkhāpadavaṇṇanā	331
4. Duṭṭhulasikkhāpadavaṇṇanā	331
5. Ūnavīsativassasikkhāpadavaṇṇanā	332
6. Theyyasatthasikkhāpadavaṇṇanā	333
7. Saṃvidhānasikkhāpadavaṇṇanā	333
8. Ariṭṭhasikkhāpadavaṇṇanā	334
9. Ukkhittasambhogasikkhāpadavaṇṇanā	334
10. Kaṇṭakasikkhāpadavaṇṇanā	334

8. Sahadhammikavagga

1. Sahadhammikasikkhāpadavaṇṇanā	335
2. Vilekhanasikkhāpadavaṇṇanā	335
3. Mohanasikkhāpadavaṇṇanā	336
4. Pahārasikkhāpadavaṇṇanā	336
5. Talasattikasikkhāpadavaṇṇanā	336
6. Amūlakasikkhāpadavaṇṇanā	337
7. Sañciccaṇasikkhāpadavaṇṇanā	337
8. Upassutisikkhāpadavaṇṇanā	338
9. Kammaṭṭhānaṇasikkhāpadavaṇṇanā	338
10. Chandamadatvāgamanasikkhāpadavaṇṇanā	338

Mātikā			Piṭṭhaṅka
11. Dubbalasikkhāpadavaṇṇanā	339
12. Pariṇāmanasikkhāpadavaṇṇanā	339

9. Ratanavagga

1. Antepurasikkhāpadavaṇṇanā	339
2. Ratanasikkhāpadavaṇṇanā	340
3. Vikālagāmappavisanasikkhāpadavaṇṇanā	340
4. Sūciḡharasikkhāpadavaṇṇanā	341
5. Mañcasikkhāpadavaṇṇanā	341
6. Tūlonaddhasikkhāpadavaṇṇanā	341
7. Nisīdanasikkhāpadavaṇṇanā	341
8. Kaṇḍupaṭicchādīsikkhāpadavaṇṇanā	342
9. Vassikasāṭīkasikkhāpadavaṇṇanā	342
10. Nandattherasikkhāpadavaṇṇanā	343

6. Pāṭidesanīyakaṇḍa

1. Paṭhamapāṭidesanīyasikkhāpadavaṇṇanā	344
2. Dutiyapāṭidesanīyasikkhāpadavaṇṇanā	344

7. Sekhiyakaṇḍa

1. Parimaṇḍalavaggavaṇṇanā	345
2. Ujjagghikavaggavaṇṇanā	346
3. Khambhakatavaggavaṇṇanā	346
4. Sakkaccavaggavaṇṇanā	347
5. Kabaḷavaggavaṇṇanā	347
6. Surusuruvaggavaṇṇanā	348
7. Pādukavaggavaṇṇanā	348

Mātikā		Piṭṭhaṅka
Pakiṇṇakavaṇṇanā	...	349
8. Sattādhikaraṇasamathavaṇṇanā	...	350

Bhikkhunīvibhaṅga

1. Pārājikakaṇḍa

Ganthārambhavaṇṇanā	...	351
1. Paṭhamapārājikasikkhāpadavaṇṇanā	...	351
2. Dutiyapārājikasikkhāpadavaṇṇanā	...	355
3. Tatiyapārājikasikkhāpadavaṇṇanā	...	355
4. Catutthapārājikasikkhāpadavaṇṇanā	...	356

2. Saṃghādisesakaṇḍa

1. Paṭhamasaṃghādisesasikkhāpadavaṇṇanā	...	357
2. Dutiyasaṃghādisesasikkhāpadavaṇṇanā	...	357
3. Tatiyasaṃghādisesasikkhāpadavaṇṇanā	...	358
4. Catutthasaṃghādisesasikkhāpadavaṇṇanā	...	360
5. Pañcamasaṃghādisesasikkhāpadavaṇṇanā	...	361
6. Chaṭṭhasaṃghādisesasikkhāpadavaṇṇanā	...	361
7. Sattamasāṃghādisesasikkhāpadavaṇṇanā	...	362
8. Aṭṭhamasaṃghādisesasikkhāpadavaṇṇanā	...	362
9. Navamasāṃghādisesasikkhāpadavaṇṇanā	...	362

3. Nissaggiyakaṇḍa

1. Paṭhamanissaggiyapācittiyasikkhāpadavaṇṇanā	...	363
2. Dutiyānissaggiyapācittiyasikkhāpadavaṇṇanā	...	363
3. Tatiyānissaggiyapācittiyasikkhāpadavaṇṇanā	...	363
4. Catutthanissaggiyapācittiyasikkhāpadavaṇṇanā	...	364

Mātikā	Piṭṭhaṅka
5. Pañcamanissaggiyapācittiyasikkhāpadavaṇṇanā	... 364
6. Chaṭṭhanissaggiyapācittiyasikkhāpadavaṇṇanā	... 364
7. Sattamanissaggiyapācittiyasikkhāpadavaṇṇanā	... 364
8. Aṭṭhamanissaggiyapācittiyasikkhāpadavaṇṇanā	... 365
9. Navamanissaggiyapācittiyasikkhāpadavaṇṇanā	... 365
10. Dasamanissaggiyapācittiyasikkhāpadavaṇṇanā	... 366
11. Ekādasamanissaggiyapācittiyasikkhāpadavaṇṇanā	... 366

4. Pācittiyakaṇḍa

1. Lasuṇavagga

1. Paṭhamalasūnasikkhāpadavaṇṇanā	... 368
2. Dutiyasikkhāpadavaṇṇanā	... 368
5. Pañcamasikkhāpadavaṇṇanā	... 368
7. Sattamasikkhāpadavaṇṇanā	... 369
8. Aṭṭhamasikkhāpadavaṇṇanā	... 370
9. Navamasikkhāpadavaṇṇanā	... 371
10. Dasamasikkhāpadavaṇṇanā	... 371

2. Andhakāravagga

1. Paṭhamasikkhāpadavaṇṇanā	... 372
2-4. Du-ta-ca-sikkhāpadavaṇṇanā	... 373
5. Pañcamasikkhāpadavaṇṇanā	... 374
6. Chaṭṭhasikkhāpadavaṇṇanā	... 374
7. Sattamasikkhāpadavaṇṇanā	... 375
8. Aṭṭhamasikkhāpadavaṇṇanā	... 375
9. Navamasikkhāpadavaṇṇanā	... 375
10. Dasamasikkhāpadavaṇṇanā	... 376

Mātikā

Piṭṭhaṅka

3. Naggavagga

1-2. Paṭhamadutiyasikkhāpadavaṇṇanā	376
3. Tatiyasikkhāpadavaṇṇanā	376
4. Catutthasikkhāpadavaṇṇanā	377
5. Pañcamasikkhāpadavaṇṇanā	377
8. Aṭṭhamasikkhāpadavaṇṇanā	377
9. Navamasikkhāpadavaṇṇanā	377
10. Dasamasikkhāpadavaṇṇanā	378

4. Tuvattavagga

1. Paṭhamasikkhāpadavaṇṇanā	378
2. Dutiyasikkhāpadavaṇṇanā	378
3. Tatiyasikkhāpadavaṇṇanā	379
6. Chaṭṭhasikkhāpadavaṇṇanā	379
9. Navamasikkhāpadavaṇṇanā	379
10. Dasamasikkhāpadavaṇṇanā	380

5. Cittāgāravagga

1. Paṭhamasikkhāpadavaṇṇanā	380
2. Dutiyasikkhāpadavaṇṇanā	381
3. Tatiyasikkhāpadavaṇṇanā	381
4. Catutthasikkhāpadavaṇṇanā	381
6. Chaṭṭhasikkhāpadavaṇṇanā	381
9. Navamasikkhāpadavaṇṇanā	382

6. Ārāmavagga

2. Dutiyasikkhāpadavaṇṇanā	382
4. Catutthasikkhāpadavaṇṇanā	383

Mātikā

Piṭṭhaṅka

7. Gabbhinivagga

1. Paṭhamādisikkhāpadavaṇṇanā	384
-------------------------------	-----	-----	-----

8. Kumāribhūtavagga

2. Dutiyādisikkhāpadavaṇṇanā	384
------------------------------	-----	-----	-----

9. Chattupāhanavagga

11. Ekādasamādisikkhāpadavaṇṇanā	387
Nigamanavaṇṇanā	388

Mahāvaggavaṇṇanā

Mātikā

Piṭṭhaka

1. Mahākhandhaka

Bodhikathāvaṇṇanā	391
Ajapālakathāvaṇṇanā	396
Mucalindakathāvaṇṇanā	396
Rājāyatanakathāvaṇṇanā	396
Brahmayācanakathāvaṇṇanā	397
Pañcavaggiyakathāvaṇṇanā	398
Pabbajjākathāvaṇṇanā	407
Dutiyamārakathāvaṇṇanā	412
Uruvelapāṭihāriyakathāvaṇṇanā	413
Bimbisārasamāgamakathāvaṇṇanā	414
Sāriputtamoggallānapabbajjākathāvaṇṇanā	415
Upajjhāyavattakathāvaṇṇanā	416
Nasammāvattanādikathāvaṇṇanā	418
Rādhabrāhmaṇavatthukathāvaṇṇanā	418
Ācariyavattakathāvaṇṇanā	419
Nissayaapaṭippassaddhikathāvaṇṇanā	419
Upasampādetabbapañcakakathāvaṇṇanā	422
Aññatitthiyapubbavatthukathāvaṇṇanā	422
Pañcābādhavatthukathāvaṇṇanā	423
Coravatthukathāvaṇṇanā	423
Ṇāyikadāsavatthukathāvaṇṇanā	424
Kammārabhaṇḍuvatthādikathāvaṇṇanā	424
Rāhulavatthukathāvaṇṇanā	425

Mātikā			Piṭṭhaṅka
Sikkhāpadadaṇḍakammavattukathāvaṇṇanā	428
Anāpucchāvaraṇavatthu-ādikathāvaṇṇanā	428
Paṇḍakavatthukathāvaṇṇanā	429
Theyyasaṁvāsakavatthukathāvaṇṇanā	430
Titthiyapakkantakathāvaṇṇanā	431
Tiracchānagatavatthukathāvaṇṇanā	432
Mātughātakādivatthukathāvaṇṇanā	432
Ubhatobyañjanakavatthukathāvaṇṇanā	432
Anupajjhāyakādivatthukathāvaṇṇanā	433
Apattakādivatthukathāvaṇṇanā	435
Hatthacchinnādivatthukathāvaṇṇanā	435
Alajjīnissayavatthukathāvaṇṇanā	439
Gamikādinissayavatthukathāvaṇṇanā	440
Upasampadāvidhikathāvaṇṇanā	443
Cattāronissayādikathāvaṇṇanā	443

2. Uposathakkhandhaka

Sannipātānujānanādikathāvaṇṇanā	447
Sīmānujānanakathāvaṇṇanā	451
Uposathāgārādikathāvaṇṇanā	455
Avippavāsasīmānujānanakathāvaṇṇanā	456
Gāmasīmādikathāvaṇṇanā	458
Uposathabhedādikathāvaṇṇanā	461
Pātimokkhuddesakathāvaṇṇanā	462
Adhammakammaṭṭikkosanādikathāvaṇṇanā	463
Pātimokkhuddesaka-ajjhesanādikathāvaṇṇanā	463
Disaṁgamikādivatthukathāvaṇṇanā	463
Pārisuddhidānakathāvaṇṇanā	463

Mātikā		Piṭṭhaṅka
Chandadānādikathāvaṇṇanā	464
Āpattiṭṭikammavidhikathādivaṇṇanā	464
Anāpattiṭṭannarasakādikathāvaṇṇanā	465
Simokkantikaṭṭeṭṭyālakathāvaṇṇanā	465
Liṅgādidassanakathāvaṇṇanā	465
Nagantabbagantabbavārakathāvaṇṇanā	465
Vajjanīyapuggalasandassanakathāvaṇṇanā	466

3. Vassūpanāyikakkhandhaka

Vassūpanāyikānujānanakathāvaṇṇanā	467
Vassānecārikāṭṭikheṭṭādikathāvaṇṇanā	467
Sattāhakarāṇīyānujānanakathāvaṇṇanā	467
Pahiteyeva-anujānanakathāvaṇṇanā	468
Antarāye-anāpattivassacchedakathāvaṇṇanā	468
Vajādisuvassūpagamanakathāvaṇṇanā	469
Adhammikakāṭṭikādikathāvaṇṇanā	471

4. Pavāraṇākkhandhaka

Aphāsukavihārakathāvaṇṇanā	474
Pavāraṇābhedaṭṭanā	474
Pavāraṇādānānujānanakathāvaṇṇanā	474
Anāpattiṭṭannarasakādikathāvaṇṇanā	474

5. Cammakkhanda

Soṇakoḷivisavattukathāvaṇṇanā	476
Soṇassapabbajjākathāvaṇṇanā	476
Sabbanīlikāṭṭipāṭṭikheṭṭakathāvaṇṇanā	477

Mātikā		Piṭṭhaṅka	
Yānādipaṭikkhepakathāvaṇṇanā	477
Sabbacammaṭṭikkhepādikathāvaṇṇanā	477

6. Bhesajjakkhandhaka

Pañcabhesajjādikathāvaṇṇanā	479
Guḷādi-anujānanakathāvaṇṇanā	482
Manussamaṃsapaṭikkhepakathāvaṇṇanā	482
Hatthimaṃsādipaṭikkhepakathāvaṇṇanā	483
Yāgumadhugoḷakādikathāvaṇṇanā	483
Kappiyabhūmi-anujānanakathāvaṇṇanā	486
Keṇiyajaṭilavatthukathāvaṇṇanā	486

7. Kathinakkhandhaka

Kathinānujānanakathāvaṇṇanā	488
Ādāyasattakathāvaṇṇanā	493

8. Cīvarakkhandhaka

Jīvakavatthukathāvaṇṇanā	496
Pajjotarājavatthukathāvaṇṇanā	496
Samattimaṃsavirecanakathāvaṇṇanā	496
Varayācanakathāvaṇṇanā	496
Kambalānujānanādikathāvaṇṇanā	496
Bhaṇḍāgārasammuti-ādikathāvaṇṇanā	497
Cīvararajanakathāvaṇṇanā	497
Nisīdanādi-anujānanakathāvaṇṇanā	497
Samghikacīvaruppādakathāvaṇṇanā	497
Upanandasakyaputtavatthukathāvaṇṇanā	498
Matasantakathāvaṇṇanā	498

Mātikā			Piṭṭhaṅka
Vassaṃvuttānaṃanuppānacīvarakathāvaṇṇanā	500
Samghebhinnecīvaruppādakathāvaṇṇanā	500
Aṭṭhacīvaramātikākathāvaṇṇanā	500
9. Campeyyakkhandhaka			
Dvenissāraṇādikathāvaṇṇanā	503
Upālipucchākathāvaṇṇanā	503
10. Kosambakakkhandhaka			
Kosambakavivādakathāvaṇṇanā	504
Dīghāvuvatthukathāvaṇṇanā	504
Pālileyakagamanakathāvaṇṇanā	504
Aṭṭhārasavatthukathāvaṇṇanā	504
Samghasāmaggīkathāvaṇṇanā	505

Cūlavaggavaṇṇanā

Mātikā		Piṭṭhāṅka
1. Kammakkhandhaka		
Adhammakammadvādasakakathāvaṇṇanā	...	507
2. Pārivāsikakkhandhaka		
Pārivāsikavattakathāvaṇṇanā	...	510
Mūlāyapaṭīkassanārahavattakathāvaṇṇanā	...	511
3. Samuccayakkhandhaka		
Sukkavissatṭhikathāvaṇṇanā	...	512
Parivāsakathāvaṇṇanā	...	512
Paṭicchannaparivāsādikathāvaṇṇanā	...	514
4. Samathakkhandhaka		
Sammukhāvinayakathāvaṇṇanā	...	515
Sativinayakathāvaṇṇanā	...	515
Amūḷhavinayakathāvaṇṇanā	...	515
Paṭiññātakaraṇakathāvaṇṇanā	...	516
Tassapāpiyasikākathāvaṇṇanā	...	516
Tiṇavatthārakādikathāvaṇṇanā	...	516
Adhikaraṇakathāvaṇṇanā	...	518
5. Khuddakavatthukkhandhaka		
Khuddakavatthukathāvaṇṇanā	...	522
6. Senāsanakkhandhaka		
Vihārānujānanakathāvaṇṇanā	...	525
Senāsanaggāhakathāvaṇṇanā	...	526

Mātikā		Piṭṭhaṅka
Upanandavatthukathāvaṇṇanā	...	528
Avissajjiyavatthukathāvaṇṇanā	...	528
Navakammadānakathāvaṇṇanā	...	529
Samṅhabhattādi-anujānanakathāvaṇṇanā	...	529
Uddesabhattakathāvaṇṇanā	...	529
Nimantanabhattakathāvaṇṇanā	...	530
Salākabhattakathāvaṇṇanā	...	530
Pakkhikabhattakathāvaṇṇanā	...	531
7. Samṅhabhedakakkhandhaka		
Chasakyapabbajjākathāvaṇṇanā	...	532
8. Vattakkhandhaka		
Āgantukavattakathāvaṇṇanā	...	535
Anumodanavattakathāvaṇṇanā	...	535
9. Pātimokkhatṭhapanakkhandhaka		
Pātimokkhuddesayācanakathāvaṇṇanā	...	536
Attādāna-aṅgakathāvaṇṇanā	...	536
10. Bhikkhunikkhandhaka		
Mahāpajāpatigotamīvatthukathāvaṇṇanā	...	537
Bhikkhunī-upasampadānujānanakathāvaṇṇanā	...	537
11. Pañcasatikakkhandhaka		
Saṅgītinidānakathāvaṇṇanā	...	540
Khuddānukhuddakakathāvaṇṇanā	...	540
Brahmadaṇḍakathāvaṇṇanā	...	540
12. Sattasatikakkhandhakavaṇṇanā		
Dasavatthukathāvaṇṇanā	...	541

Parivāraṇṇanā

Mātikā		Piṭṭhaṅka
Soḷasamahāvāra		
Paññattivāraṇṇanā	...	543
Kathāpattivārādivaṇṇanā	...	544
Samuṭṭhānasāsa		
Paṭhamapārājikasamuṭṭhānavaṇṇanā	...	545
Dutiyapārājikasamuṭṭhānavaṇṇanā	...	545
Antarapeyyāla		
Katipucchāvāraṇṇanā	...	546
Cha-āpattisamuṭṭhānavārādivaṇṇanā	...	546
Samathabheda		
Adhikaraṇapariyāyavārādivaṇṇanā	...	548
Yatthavāra, pucchāvāraṇṇanā	...	549
Samathavāra, vissajjanāvāraṇṇanā	...	549
Saṃsaṭṭhavārādivaṇṇanā	...	550
Khandhakupucchāvāra		
Pucchāvissajjanāvaṇṇanā	...	551
Ekuttarikanaya		
Ekakavāraṇṇanā	...	552
Dukavāraṇṇanā	...	557

Mātikā		Piṭṭhaṅka
Tikavāraṇṇanā	...	557
Catutthavāraṇṇanā	...	558
Pañcamavāraṇṇanā	...	560
Chakkavāraṇṇanā	...	560
Sattakavāraṇṇanā	...	561
Aṭṭhakavāraṇṇanā	...	561
Navakavāraṇṇanā	...	561
Dasakavāraṇṇanā	...	561
Ekādasakavāraṇṇanā	...	562
Uposathādīpucchāvissajjanāvaṇṇanā	...	562
Atthavasapakaraṇavaṇṇanā	...	562

Paṭhamagāthāsaṅgaṇika

Sattanagaresu paññattasikkhāpadavaṇṇanā	...	566
Catuvipattivaṇṇanā	...	567
Chedanakādivaṇṇanā	...	567
Asādhāraṇādivaṇṇanā	...	567
Pārājikādi-āpattivaṇṇanā	...	568

Adhikaraṇabheda

Ukkoṭanabhedādivaṇṇanā	...	569
Adhikaraṇanidānādivaṇṇanā	...	569

Dutiyagāthāsaṅgaṇika

Codanādīpucchāvissajjanāvaṇṇanā	...	570
---------------------------------	-----	-----

Codanākaṇḍa

Anuvijjakakiccavaṇṇanā	...	570
------------------------	-----	-----

Mātikā

Piṭṭhaṅka

Cūlasaṅgāma

Anuvijjakassapaṭipattivaṇṇanā	571
-------------------------------	-----	-----	-----

Mahāsaṅgāma

Voharantenajānitabbādivaṇṇanā	571
-------------------------------	-----	-----	-----

Kathinabheda

Kathina-atthatādivaṇṇanā	572
--------------------------	-----	-----	-----

Kathinādi jānitabbavibhāgavaṇṇanā	572
-----------------------------------	-----	-----	-----

Palibodhapañhābyākaraṇakathāvaṇṇanā	572
-------------------------------------	-----	-----	-----

Upālīpañcaka

Anissitavaggavaṇṇanā	574
----------------------	-----	-----	-----

Nappaṭippassambhanavaggavaṇṇanā	574
---------------------------------	-----	-----	-----

Vohāravaggavaṇṇanā	574
--------------------	-----	-----	-----

Diṭṭhāvikammavaggavaṇṇanā	574
---------------------------	-----	-----	-----

Musāvādavaggavaṇṇanā	574
----------------------	-----	-----	-----

Bhikkhunovādavaggavaṇṇanā	575
---------------------------	-----	-----	-----

Ubbāhikavaggavaṇṇanā	575
----------------------	-----	-----	-----

Adhikaraṇavūpasamavaggavaṇṇanā	575
--------------------------------	-----	-----	-----

Kathinatthāravaggavaṇṇanā	575
---------------------------	-----	-----	-----

Āpattisamuṭṭhānavaṇṇanā	575
-------------------------	-----	-----	-----

Dutiyagāthasaṅgaṇika

Kāyikādi-āpattivaṇṇanā	576
------------------------	-----	-----	-----

Pācittiyavaṇṇanā	576
------------------	-----	-----	-----

Avandanīyapuggalādivaṇṇanā	576
----------------------------	-----	-----	-----

Soḷasakammādivaṇṇanā	576
----------------------	-----	-----	-----

Mātikā

Piṭṭhaṅka

Sedamocanagāthā

Avippavāsapañhāvaṇṇanā	577
Pārājikādīpañhāvaṇṇanā	577
Pācittiyādīpañhāvaṇṇanā	577

Pañcavagga

Kammavaggavaṇṇanā	579
Apalokanakammakathāvaṇṇanā	579
Apaññattepaññattavaggavaṇṇanā	581
Nigamanakathāvaṇṇanā	581

Vajirabuddhiṭikāya mātikā niṭṭhitā.

Vinayapiṭaka

Vajirabuddhiṭikā

Namo tassa Bhagavato Arahato Sammāsambuddhassa.

Ganthārambhakathā

Paññāvisuddhāya dayāya sabbe,
Vimocitā yena vineyyasattā.
Taṃ **cakḅhubhūtaṃ** sirasā namitvā,
Lokassa lokantagatassa **dhammaṃ**.

Samḅhañca sīlādiguṇehi yutta-
Mādāya sabbesu padesu sāraṃ.
Saṅkhepakāmena mamāsayena,
Saṅcodito bhikkhu hitaṅca disvā.

Samantapāsādikasaññitāya,
Sambuddhaghosācariyoditāya.
Samāsato līnapade likhissaṃ,
Samāsato līnapade likhītaṃ.

Saññā nimittaṃ kattā ca, parimāṇaṃ payojanaṃ.
Sabbāgamaṃsa pubbeva, vattabbaṃ vattumicchātī—

vacanato¹ **samantapāsādiketi** saññā. **Dīpantare bhikkhujanassa atthaṃ**
nābhisambhuṇātīti nimittaṃ. **Buddhaghosoti garūhi gahitanāmadheyenāti**
kattā. **Samadhikasattavīsatisahassamattena tassa ganthenāti** parimāṇaṃ.
Ciraṭṭhitatthaṃ dhammassāti payojanaṃ.

1. Pavuttā sabbatantānaṃ, pacchā atthānuvaṇṇaye—tyādapacānena (Ka)

Tatrāha—¹vattabbaṃ vattumicchātī yaṃ vuttaṃ, tattha¹
kathaṃvidho vattā”ti? Uccate—

Pāṭhatthavidū’samhīro, vattā suci amaccharo.
Catukkamapariccāgī, desakassa hitussukoti².

Tatra paṭhīyateti **pāṭho**. So hi anekappakāro atthānurūpo atthānanurūpo ceti. Kathaṃ? Sandhāyabhāsito byañjanabhāsito sāvasesapāṭho niravasesapāṭho nīto neyyoti. Tatra anekatthavattā **sandhāya bhāsito** nāma “mātaraṃ pitaraṃ hantvā”ti-ādi³. Ekatthavattā **byañjanabhāsito** nāma “manopubbaṅgamā dhammā”tyādi⁴. **Sāvaseso** nāma “sabbaṃ bhikkhave ādittam”ityādi⁵. Viparīto **niravaseso** nāma “sabbe dhammā sabbākārena buddhassa bhagavato ñāṇamukhe āpāthaṃ āgacchanti”tyādi⁶. Yathā vacanaṃ, tathā avagantabbo **nīto** nāma “aniccaṃ dukkhamanattā”tyādi. Yuttiyā anussaritabbo **neyyo** nāma “ekapuggalo bhikkhave”tyādi⁷.

Atthopi anekappakāro pāṭhattho sabhāvattho ñeyyattho pāṭhānurūpo pāṭhānanurūpo sāvasesattho niravasesattho nītattho neyyatthotyādi. Tattha yo taṃtaṃsaññāpanatthamuccārīyate pāṭho, sa **pāṭhattho** “sātthaṃ sabyañjanam”ityādīsu viya⁸. Rūpārūpadhammānaṃ lakkhaṇarasādi **sabhāvattho** “sammādiṭṭhiṃ bhāveti”tyādīsu viya⁹. Yo ñāyamāno hitāya bhavati, sañātumarahattā **ñeyyattho** “atthavādī dhammavādī”tyevamādīsu viya¹⁰. Yathāpāṭhaṃ bhāsito **pāṭhānurūpo** “cakkhu bhikkhave purāṇakammaṃ”ti¹¹ bhagavatā vuttamato cakkhumapi kammanti. Byañjanacchāyāya atthaṃ paṭibāhayamānena vutto **pāṭhānanurūpo**. Vajjetabbaṃ kiñci apariccajitvā parisesaṃ katvā vutto **sāvasesattho** “cakkhuñca paṭicca rūpe ca

1-1. Vattabbaṃ vatthumicchātī, pacchā atthānuvaṇṇayetyuttaṃ, (Ka)

2. Mahāniddeśa-Ṭṭha 7 piṭṭhādīsupi passitabbaṃ. 3. Khu 1. 55 piṭṭhe Dhammapade.

4. Khu 1. 13; Khu 10. 107, 112, 184 piṭṭhesu. 5. Vi 3. 44; Saṃ 2. 251 piṭṭhesu.

6. Khu 7. 277; Khu 8. 275; Khu 9. 375 piṭṭhesu. 7. Aṃ 1. 21 piṭṭhe.

8. Vi 1. 1; Dī 1. 59 piṭṭhesu. 9. Abhi 2. 245; Saṃ 3. 3 piṭṭhesu.

10. Dī 1. 4, 60; Dī 3. 142; Ma 1. 335 piṭṭhādīsu. 11. Saṃ 2. 346 piṭṭhe.

uppajjati”ti¹ ca, “sabbe tasanti daṇḍassa, sabbe bhāyanti maccuno”tyādīsu² viya. Viparīto **niravasesattho** “sandhāvitam saṃsaritam mamañceva tumhākañca³. Tatra bhikkhave ko mantā ko saddhātā -pa- aññatra diṭṭhapadehī”tyādi⁴. Saddavaseneva vedanīyo **nītattho** “rūpā saddā rasā gandhā, phoṭṭhabbā ca manoramā”tyādīsu⁵ viya. Sammutivasena veditabbo **neyyattho** “cattārome bhikkhave valāhakūpamā puggalā”tyādīsu⁶ viya. Āha ca—

“Yo attho saddato ñeyyo, nītattham iti tam vidū.
Atthassevābhisāmaggī, neyyattho iti kathyate”ti.

Evam pabhedagate pāṭhatthe vijānātīti **pāṭhatthavidū**. Na saṃhīrate parapavādīhi dīgharattam titthavāsenetyasaṃhīro. Bhāvanāyāgamādhigamasampannattā vattum sakkotīti **vattā**, saṅkhepavittāranayena hetudāharaṇādīhi avabodhayitum samatthotyattho. Socayatyattānam pare ceti **suci**, dussilyaduddiṭṭhimalavirahitotyattho. Dussilo hi attānamupahantyanādeyyavāco⁷ ca bhavatyapattāhārācāro iva niccāturo vejjo. Duddiṭṭhi param upahanti, nāvassam nissayo ca bhavatyahivālagahākulo iva kamalasaṇḍo. Ubhayavipanno sabbathāpyanupāsānīyo bhavati gūthagatamiva chavālātam gūthagato viya ca kaṇhasappo. Ubhayasampanno pana suci sabbathāpyupāsānīyo sevitabbo ca viññūhi, nirupaddavo iva ratanākaro. Nāssa maccharotyama**maccharo**, ahinācariyamuṭṭhīyattho. Suttasuttānulomācariyavāda-
attanomatisaṅkhātassa catukkassāpariccāgī, tadatthasseva byākhyātetyattho⁸.
Atha vā paccakkhānumānasaddatthāpattippabhedassa pamāṇacatukkassāpariccāgī.

“Ekaṃsavacanam ekaṃ, vibhajjavacanāparam.
Tatiyam paṭipuccheyya, catuttham pana ṭhāpaye”ti—

1. Saṃ 2. 261; Khu 7. 213 piṭṭhesu.

2. Khu 1. 32 piṭṭhe Dhammapade.

3. Dī 2. 77; Vi 3. 325; Khu 10. 144 piṭṭhesu.

4. Am 2. 476 piṭṭhe.

5. Saṃ 1. 113, 132; Vi 3. 28 piṭṭhesu.

6. Am 1. 416; Abhi 3. 148 piṭṭhesu.

7. Vākyo (Ka) vacano (Ka)

8. Byākhyāto naviparītavādīyattho (Ka)

evaṃ vuttacatukkassa vā apariccāgī. Hitussuko iti sotūnaṃ hitāyossuko, tesamavabodhanaṃ pati patthetī¹ tyattho. So eso sucittā piyo. Catukkassa apariccāgittā garu. Asaṃhīrattā bhāvanīyo. Desakattā vattā. Hitussukattā vacanakkhamo. Pāṭhatthaviduttā gambhīrakathaṃ kattā. Amaccharattā no caṭṭhāne niyojakoti.

“Piyo garu bhāvanīyo, vattā ca vacanakkhamo.
Gambhīraṇca kathaṃ kattā, no caṭṭhāne niyojako”²—

Ii-abhihito desako.

Sotā idāni abhidhīyate³—

Dhammācariyagaru saddhā-paññādiguṇamaṇḍito.
Asaṭhā’ māyo sotāssa, sumedho amatāmukho.

Tattha dhammagaruttā kathaṃ na paribhavati, ācariyagaruttā kathikaṃ na paribhavati, saddhāpaññādiguṇapaṭimaṇḍitattā attānaṃ na paribhavati, asaṭhāmāyattā amatābhimukhattā ca avikkhittacitto bhavati, sumedhattā yonisomanasikarotītyattho. Vuttaṃ hetam—

“Pañcahi bhikkhave dhammehi samannāgato suṇanto saddhammaṃ bhabbo niyāmaṃ okkamituṃ kusalesu dhammesu sammattaṃ. Katamehi pañcahi? Na kathaṃ paribhoti, na kathikaṃ paribhoti, na attānaṃ paribhoti, avikkhittacitto dhammaṃ suṇāti ekaggacitto yoniso ca manasi karotī”⁴.

Taṃlakkhaṇapattattā bhāvanā bhavati savanassettyutto sotā.

Ganthārambhakathāvaṇṇanā

Idāni assārambho⁵—tattha yoti aniyamaniddeso, tena visuddhajātikulagottādīnaṃ kilesamalavisuddhiyā, pūjārahatāya vā akāraṇataṃ dassetvā yo koci imissā samantapāsādikāya ādigāthāya niddiṭṭhalokanāthattahetuṃ yathāvuttahetumūlena

1. Paccalletī (Ka) 2. Am 2. 422; Khu 10. 142 piṭṭhesu. 3. Vuccate (Ka)

4. Am 2. 154 piṭṭhe.

5. Gantho ārabbhate (Ka)

thiratarāṃ acalāṃ katvā yathāvuttahetukālaṃ accantameva pūrento avasāne yathāvuttahetuphalāṃ sampādetvā yathāvuttahetuphalappayojanaṃ sādheti, sova paramapūjārahoti niyameti.

Ettāvatā—

Bhayasammohaduddiṭṭhi-pañāmo nesa sabbathā.

Paññāpubbaṅgamo eso, pañāmoti nidassito.

Tatra hetūti atidukkarāni tiṃsapāramitāsaṅkhātāni puññakammāni. Tāni hi accantadukkhena kasirena vacanapathātītānubhāvena mahatā ussāhena karīyantīti atidukkarāni nāma. Atidukkarattā eva hi tesam¹ atidullabham loke anaññasādhāraṇaṃ nāhattasaṅkhātāṃ phalaṃ phalanti, taṃ tattha hetuphalaṃ, hetumūlaṃ nāma yathāvuttassa hetuno nipphādanasamatthā mahākaruṇā, sā ādipaṇidhānato paṭṭhāya “mutto mocessāmī”ti-ādinā nayena yāva hetuphalappayojanā, tāva abbochinnam pavattati. Yaṃ sandhāya vuttaṃ—

“Sakānanā sagrivarā sasāgarā,

Gatā vināsaṃ bahuso vasundharā.

Yugantakāle salilānalānile,

Na bodhisattassa mahātapā kuto”ti.

Yāya samannāgatattā “**namo mahākāruṇikassa tassā**”ti āha. Hetukālaṃ nāma catu-aṭṭhasoḷasa-asaṅkhyeyyādippabhedo kālo, yaṃ sandhāyāha “**kappakoṭīhipi appameyyaṃ kālan**”ti. Tattha accantasamyogatthe upayogavacanāṃ veditabbaṃ “māsaṃ adhīte, divasaṃ caratī”ti-ādīsu viya. Kāmañca so kālo asaṅkhyeyyavasena pameyyo viññeyyo, tathāpi kappakoṭivasena aviññeyyatāṃ sandhāya “kappakoṭīhipi appameyyaṃ kālan”ti āha. Tattha kālayatīti **kālo**, khipati viddhamsayati sattānaṃ jīvitamiti attho. Kala vikkhepe. Tattha kappīyati saṅkappīyati sāsapapabbatādīhi upamāhi kevalaṃ saṅkappīyati, na manussadīvasamāsasaṃvaccharādigaṇanāya gaṇīyatīti **kappo**. Ekanti-ādigaṇanapathassa koṭībhūtattā koṭi, kappānaṃ koṭīyo

kappakoṭṭiyo. Tāhipi na pamiyatīti appameyyo, taṃ **appameyyaṃ.** **Karontoti** nānatthattā dhātūnaṃ dānaṃ dento, sīlaṃ rakkhanto, lobhakkhandhato nikkhamanto, attahitaparahitādibhedam taṃ taṃ dhammaṃ pajānanto, vividhena vāyāmena ghaṭento vāyamanto, taṃ taṃ sattāparādham khamanto, paṭiññāsammutiparamatthasaccāni saccāyanto¹, taṃ taṃ sattahitaṃ adhiṭṭhahanto, sakalalokaṃ mettāyanto, mittāmittādibhedam pakkhapātam pahāya taṃ taṃ sattaṃ ajjupekkhanto cāti attho. **Khedam gatoti** anantappabhedam mahantaṃ saṃsāradukkham anubhavanaṭṭhena gato, sampattotyattho. Saṃsāradukkhañhi sārīrikaṃ mānasikañca sukham khedayati pātayatīti “khedo”ti vuccati. **Lokahitāyāti** idaṃ yathāvuttahetuphalappayojananidassanaṃ, saṃsāradukkhanubhavanakāraṇanidassanaṃ”tipi eke—

“Jātsaṃsāradukkhaṇaṃ, gantuṃ sakkopi nibbutiṃ.

Cirallīṭṭhopi saṃsāre, karuṇāyeva kevalan’ti—

ca vuttan”ti, tamayuttaṃ. Na hi bhagavā lokahitāya saṃsāradukkhamanubhavati. Na hi kassaci dukkhānubhavanaṃ lokassa upakāraṃ āvahati. Evaṃ panetaṃ dasseti tiṃsapāramitāpabhedam hetuṃ, pāramitāphalabhūtaṃ nāhattasaṅkhātāṃ phalañca. Yathā cāha “mamaṃ hi ānanda kalyāṇamittaṃ āgamma jātidhammā sattā jātiyā parimuccantī”ti-ādi². Tattha bhagavā yathāvuttahetūhi sattānaṃ vineyyabhāvanipphādanapaññābījāni vapi, hetuphalena paripakkindriyabhāvena parinipphannavineyyabhāve satte vinayi, saṃsāradukkhatō mocayīti attho. Na evaṃ saṃsāradukkheṇa lokassa upakāraṃ kiñci akāsi, tasmā karonto atidukkarāni lokahitāyāti sambandho. Imissā yojanāya sabbapaṭhamassa bodhisattassa uppattikālato paṭṭhāya bodhisattassa nāhattasaṅkhātāpāramitāhetuphalādhigamo veditabbo. yo nāthoti hi sambandho adhippeto. Imassa panatthassa—

“Yadeva paṭhamam citta-muppannam tava bodhaye.

Tvam tadevassa lokassa, pūjite parivasittha”—

iti vacanam sādhamam. Paṭhamacittassa pāramitābhāvo rukkhassa aṅkurato paṭṭhāya uppatti-upamāya sādhetabbo. Etthāha—“khedam gatoti vacanam

1. Saccāpento (Ka)

2. Saṃ 1. 88; Saṃ 3. 3 piṭṭhesu.

niratthakaṃ, yathāvuttanayena guṇasādhanāsambhavato”ti? Na, antarā anivattanakatāvadīpanato. Dukkarāni karonto khedaṃ gato eva, na antarā khedaṃ asahanto nivattaṭṭi dīpeti. Lokadukkhāpanayanakāmassa vā bhagavato attano dukkhānubhavanasamatthatam dasseti.

“Yassa kassaci varadossaṃ, yāvāhaṃ sabbasattadukkhāni.

Sabbāni sabbakālaṃ yugaṃ, padmasseva bujjhantomhī”ti—

evaṃadhippāyassa attamattadukkhānubhavanasamatthatāya kāyeva kathāti¹ atisayaṃ atthaṃ dasseti attho. Atha vā **khedaṃ gatoti** byāpāraṃ paricayaṃ gatotipi attho sambhavati. Kammādisu sabyāpāraṃ purisaṃ disvā santi hi loke vattāro “khinnoyaṃ kamme, khinnoyaṃ satte”ti-ādi. Imissā yojanāya nāthoti iminā buddhattādhigamasiddhaṃ koṭippattaṃ nāthabhāvaṃ patvā ṭhitakālo dassitoti veditabbo. Keci “mahākāruṇikassāti vadanto buddhabhūtaṃ dasseti”ti likhanti, taṃ na sundaraṃ viya, bodhisattakālepi tabbohārasabbhāvato. Tasmā so ettakaṃ kālaṃ dukkarāni karonto avasāne dukkarapāramitāpāripūriyā tāsāṃ phalabhūtaṃ nāthabhāvaṃ patvā lokahitāya byāpāraṃ gatoti ayamattho nidassito hoti. “Bodhiṃ gato”ti vuttepi subyattaṃ hetuphalaṃ dassitaṃ hoti. Buddhabhāvappattasseva ca nāthassa namo kato hoti visesavacanasabbhāvato, na bodhisattassa. Evaṃ santepi vinayādhikāro idhādhippeto. So ca pabbajitakālato paṭṭhāya yāvamarāṇakālā hoti. Taṃ ativiya parittaṃ kālaṃ lajjino atisukaraṃ sīlamattaṃ ekakassa attano hitāya attamattadukkhāpanayanādhippāyena paripūrento ko nāma idhalokaparalokātikkkamasukhaṃ na gaccheyya, nanu bhagavā sakalalokadukkhāpanayanādhippāyena kappakoṭṭhipi appameyyaṃ kālaṃ karonto atidukkarānirassādaṃ khedaṃ gatoti aññāpadesena guṇaṃ vaṇṇeti ācariyo.

Lokahitāyāti ettha lokiyati ettha dukkhanti loko, luyate vā jātijarāmarāṇadukkhehīti loko, iminā sattalokaṃ jātilokaṃ saṅgaṇhāti. Tasmā tassa sattalokassa idhalokaparalokahitaṃ atikkantaparalokānaṃ vā ucchinnalokasamudayānaṃ

1. Gatāti (Ka)

lokānaṃ, idha jātiloke okāsaloke vā diṭṭhadhammasukhavihārasaṅkhātāñca hitaṃ sampiṇḍetvā lokassa, lokānaṃ, loke vā hitanti sarūpekaḍḍekasesaṃ katvā “lokaḥitaṃ” iccevāha. **Nāthoti** sabbasattānaṃ āsayānusayacariyādhimuttibhedānurūpadhamma desanasamatthatāya “dhammaṃ vo bhikkhave desessāmi -pa- taṃ suṇāthā”ti¹ evaṃ yācanaṭṭhenāpi nāthateti nātho. Bhikkhūnaṃ vītikkamānurūpaṃ sikkhāpadapaññāpanena diṭṭhadhammikasamparāyikāya ca karuṇāya upagantvā tapati, suttantavasena vā tesāṃ sabbasattānaṃ anusayite kilese karuṇāya ca paññāya ca upagantvā tapati, abhidhammasavasena vā te te saṅkhāre aniccādilakkhaṇavasena upaparikkhitvā attano kilese paññāya upecca paricchinditvā tapatīti tapanāṭṭhenāpi nāthateti nātho. Sadevake loke appaṭipuggalattā kenaci appaṭihatadhammasanattā paramacittissariyappavattito ca issariyaṭṭhenāpi nāthateti nātho. “Dhammiyā kathāya sandassesī samādapesī samuttejesī sampahaṃsesī”ti² vacanato sampahaṃsanasaṅkhātēna āsīsaṭṭhena, paṇidhānato paṭṭhāya “kathaṃ nāmāhaṃ mutto mocayissāmi”ti-ādinā nayena āsīsaṭṭhena vā nāthateti nāthoti veditaḍḍo, sammāsambuddho. Catūhipi nāthaṅgehi catuvesārajjacatupaṭisambhidādayo sabbepi buddhaguṇā yojetabbā, ativithārikabhayā pana na yojitā.

Namoti paramatthato buddhaguṇabahumānapabbhārā cittanati, cittanatippabhavā ca vacīkāyanati. Atthu meti pāṭhasesena sambandho. **Mahākāruṇikassāti** ettha sabbasattavisayattā mahussāhappabhavattā ca mahatī karuṇā **mahākāruṇā**. Tattha paṇidhānato paṭṭhāya yāva-anupādisesanibbānapurappavesā niyuttoti mahākāruṇiko, bhagavā. Ettha ca mahākāruṇikassāti iminā yathāvuttahetumūlaṃ dasseti. Nikkaruṇo hi paradukkhesu udāsino buddhatthāya paṇidhānamattampi atibhāriyanti maññanto appameyyaṃ kālaṃ atidukkaraṃ hetuṃ pūretvā nāthattasaṅkhātāṃ hetuphalappayojanabhūtaṃ lokaḥitaṃ kathaṃ karissati. Tasmā sabbaguṇamūlabhūtattā mahākāruṇāguṇameva vaṇṇento “namo mahākāruṇikassā”ti āha. Ettāvatā hetu-anurūpaṃ phalaṃ

1. Ma 3. 327 piṭṭhe.

2. Vi 3. 104 piṭṭhe.

phalānurūpo hetu, dvinnampi anurūpaṃ mūlaṃ, tiṇṇampi anurūpaṃ
payojananti ayamattho dassito hoti.

Evam acchariyapuriso, nātho nāthaguṇe ṭhito.

Namoraho anāthassa, nāthamānassa sampadam.

Ettha siyā “anekesu bhagavato guṇesu vijjamānesu kasmā
‘mahākāruṇikassā’ti ekameva gahitan”ti? Uccate—

Dosahīnassa sattassa, codanā tu na vijjate.

Dosayuttamasatthañca, tasmā codanā apattakāti.

Na mayā codanā katā, kintu pucchā eva katā. Apica—

Phalaṃ satipi rukkheḍḍhe¹, na patatyavikampite.

Codanā yā’tthu sattānaṃ, pucchanātyatthaphalaṃ mahatā.

Na bhottuṃ kurute sammā, gahituṃ nāḍḍhate ghaṭaṃ.

Akkhepe hi kate tadi-cchissāṇābuddhibandhanaṃ.

Yathā himapado paddho, pabuddho gandhalimpiyā.

Bhinnatthaviramassevaṃ, satthakatātthalimpiyā”ti—

Evam cekam—

Sammāpi codanā taṃ khalu, guravo vivākyā vivaddha.

Yatisissā āghaṭṭitāti-vākyenābhyadhikaṃ gopaya.

Saravatī āceram kiliṭṭhā, tadicchissajitāttānaṃ.

Jayatyattānamācero, sadassasseva sārathīti—

Atrocate—

Yassa hi vākyasahassaṃ, vākye vākye satañca jivhā.

Nāmaṃ dasabalaguṇapadesaṃ, vattuṃ kappenapi na sakkā.

1. Rukkheddhe (Ka)

Yathā—

Buddhopi buddhassa bhaṇeyya vaṇṇam,
Kappampi ce aññamabhāsamāno.
Khīyetha kappo ciradīghamantare,
Vaṇṇo na khīyetha tathāgatassāti¹—

Cottattā na sakkā bhagavatam guṇāna'mavasesā'bhidhātuṃ.

Apica—

Yathā tvam sattānam, dasabala tathā nāṇakaruṇā.
Guṇadvandaṃ seṭṭham, tava guṇagaṇā nāma tiguṇāti—

Sabbaguṇaseṭṭhattā mūlattā ca ekameva vuttam. Atha vā “chasu asādhāraṇañānesu aññatarattā taggahaṇena sesāpi gahitāva sahacaraṇalakkhaṇena”ti ca vadanti. Visesto panettha abhidhammassa kevalam paññāvisayattā abhidhammaṭṭhakathārambhe ācariyena “karuṇā viya sattesu, paññā yassa mahesino”ti paññāguṇo vaṇṇito tesam tesam sattānam āsayānusayacariyādhimuttibhedānurūpaparicchindanapaññāya, sattesu mahākaruṇāya ca adhikāratā. Suttantaṭṭhakathārambhe “karuṇāsītalahadayam, paññāpajjotavihatamohataman”ti bhagavato ubhopi paññākaruṇāguṇā vaṇṇitā. Idha pana vinaye āsayādinirapekkham kevalam karuṇāya pākātikasattenāpi asotabbāraham suṇanto apucchitabbāraham pucchanto avattabbārahaṇca vadanto sikkhāpadaṃ paññapesīti karuṇāguṇoyeveko vaṇṇitoti veditabbo.

Paññādayā attaparattahetū,
Tadanvayā sabbaguṇā jinassa.

Ubho guṇā te guṇasāgarassa,
Vuttā idhācariyavarena tasmā.

Ettāvatā aṭṭhakathādigāthā,
Samāsato vuttapadatthasobhā.
Ayampi vitthāranayoti cāham,
Uddham ito te paṭisaṃkhipāmi.

1. Dī-Ṭṭha 1. 257; Dī-Ṭṭha 3. 61; Ma-Ṭṭha 3. 289; Udāna-Ṭṭha 305;
Cariyā-Ṭṭha 9, 324 piṭṭhesu.

Dutiyaḡāthāya **asambudhanti** dhammānaṃ yathāsabhāvaṃ abujjhanto. **Buddhanisevanti** buddhānubuddhapaccekabuddhehi gocarabhāvanāsevanāhi yathārahaṃ nisevitaṃ. **Bhavā bhavanti** vattamānabhavato aññaṃ bhavaṃ **gacchati** upagacchati, paṭipajjati attho. Atha vā **bhavoti** sassatadiṭṭhi. Tassa paṭipakkhattā **abhavoti** ucchedadiṭṭhi. **Bhavoti** vā vuddhi. **Abhavoti** hāni. **Bhavoti** vā duggati. **Abhavoti** sugati. “Appamāṇā dhammā, asekkhā dhammā”¹ti¹ādīsu viya hi vuddhi-atthattā akārassa. Bhāvayatīti **bhavo**, jāti. Bhavatīti vā **bhavo**. Savikārā bahuvīdhakhandhuppatti dīpitā. **Abhavoti** vināso, jātibhāvaṃ maraṇabhāvaṃca gacchati vuttaṃ hoti. Ettha arahantānaṃ maraṇampi khaṇikavasena gahetabbaṃ. Bhavesu abhavo bhavābhavo, taṃ **bhavābhavaṃ**, bhavesu abhāvapaññattiṃ gacchati attho. **Jīvalokoti** sattaloko, saṅkhāraloka-okāsalokānaṃ bhavābhavagamaṇāsambhavato sattalokaṃ jīvalokoti viśeṣeti. **Avijjādīkilesajālaviddhaṃsinoti** ettha navapi lokuttaradhammā saṅgahaṃ gacchanti. Apacayagāmitā hi catumaggadhammassa odhiso avijjādīkilesajālaviddhaṃso, so assa atthi, tadāramaṇaṃ hutvā tatta sahāyabhāvūpagamaṇena nibbānassāpi. Yathāha “yo kho āvuso rāgakkhayo -pa- idaṃ vuccati nibbānaṃ”²ti². Arahattassāpi tathā rāgādīkikhayavacanasabbhāvato. Phalāsāmaññaṇa tiṇṇampi phalānaṃ atthīti navavidhopesa “avijjādīkilesajālaviddhaṃsī”³ti vuccati. Atha vā sahacaraṇalakkhaṇakāraṇatāya paṭipakkhagocaraggahaṇatā. Anabhihitopi hi dhammassa tatrābhihitova bujjhitabbo iti vacanato kāraṇagocaraggahaṇena cattāripi phalāni gahitāni. Narakādīsu apatamānaṃ dhāreti sugatiyaṃ uppādanenāti **dhammo**. Puna sugatimhi aṇaṇakārī akusaladhamme nivāretvā poṣeti pavatteti vaḍḍhetīti dhammo. So pana kāmarūpārūpabhedato tivīdho accantasukhāvahanato, tatopi uttamattā **dhammavaro**.

Etthāha—“catunnaṃ bhikkhave ariyasaccānaṃ ananubodhā appaṭivedhā evamidaṃ dīghamaddhānaṃ sandhāvītaṃ saṃsaritaṃ”³ti³ vacanato catusaccadhammaṃ asambudhaṃ bhavābhavaṃ gacchati jīvalokoti siddhaṃ. Tasmā yaṃ asambudhaṃ gacchati, tasseva “tassā”³ti ante taṃnidhesena niyamanato catusaccadhammopi

1. Abhi 1. 2 piṭṭhe.

2. Saṃ 2. 445 piṭṭhe.

3. Dī 2. 77; Vi 3. 325 piṭṭhesu.

avijjādikilesajālavidhamsī dhammavaroti cāpajjati. Aññathā “namo avijjādikilesajālavidhamsino dhammavarassa tassā”ti taṃnidhesena samānavibhattikaraṇaṃ na yujjati atippasaṅganiyamanato, ‘avijjādikilesajālavidhamsino dhammavarassā’ti vacanaṃ visesanavacanaṃ. Tasmā dukkhasamudayasaccānaṃ tabbhāvappasaṅgo natthīti ce? Na, taṃnidhesena samānavibhattiṭṭhāne avisesitattā. Api ca maggasaccanirodhasaccesu phalānaṃ apariyāpannattā nava lokuttaradhammā saṅgahitāti vacanavirodho, phalānaṃ asaṅgahe verañjakaṇḍavaṇṇanāyaṃ na kevalaṃ ariyamaggo ceva nibbānaṃ, api ca ariyaphaladhammehi saddhiraṃ pariyattidhammopi. Vuttañhetam ‘rāgavirāgamanejamasokaṃ -pa- dhammamimaṃ saraṇatthamupehī’¹ti vacanavirodho cāti pubbāparaviruddhā esā gāthā sāsana viruddhā cā”²ti? Vuccate—sabbametamayuttaṃ vuttagāthathājānanato. Ettha hi ācariyena pavattipavattihetuvisayavibhāgo ()² ca dassīto. Kathaṃ? Tattha **asambudhanti** asambo dho so atthato avijjā, tāya ca taṇhupādānāni gahitāni tayopi te dhammā samudayasaccaṃ, bhavābhavanti ettha dukkhasaccaṃ vuttaṃ. Sugatiduggatippabhedo hi bhavo atthato pañcupādānakkhandhā honti. “Evametassa kevalassa dukkhakkhandhassa samudayo hotī”³ti vacanato dukkhappavatti **pavatti** nāma, dukkhasamudayo **pavattihetu** nāma, avijjāsāṅkhātassa ca pavattihetussa aggahitaggahaṇena nirodhamaggasaccadvayaṃ **visayo** nāma. Vuttañhetam “tatha katamā avijjā? Dukkhe aññāṇaṃ -pa- dukkhanirodhagāminiyā paṭipadāya aññāṇaṃ”⁴ti.

Ettha ca nirodhasaccaṃ buddhena gocarāsevanāya āsevitam, maggasaccaṃ bhāvanāsevanāya. Ettāvātā sambudham buddhanisevitam yanti upayogappatto yo visayo nirodho ca maggo ca, tassa yathāvuttāvijjādikilesajālattayavidhamsino namo dhammavarassāti ayaṃ gāthāya attho. Pariyattidhammopi kilesavidhamsanassa suttantanayena upanissayapaccayattā kilesavidhamsanasīlatāya “avijjādikilesajālavidhamsī”⁵ti vattum sambhavati. Evañhi sati rāgavirāgāti gāthattho, so dhammaṃ deseti -pa- brahmacariyaṃ pakāsetī⁵ suttattho ca asesato gahito hoti.

1. Khu 2. 76 piṭṭhe.

3. Vi 3. 1 piṭṭhe.

2. (Tathā nivatti nivattihetu visayavibhāgo) (Ka)

4. Abhi 2. 142 piṭṭhe.

5. Dī 1. 59; Vi 1. 1 piṭṭhesu.

Atha vā imāya gāthāya kevalam pariyaṭṭidhammova gahito hoti, yaṃ sandhāyāha “so dhammam deseti ādikalyāṇam -pa- brahmacariyam pakāseti”ti, tampi asambudham buddheveva nisevitam gocarāsevanāya anaññanisevitam. Yathāha “bhagavamūlakā no bhante dhammā bhagavannettikā bhagavaṃpaṭisaraṇā -pa- Bhagavato sutvā bhikkhū dhāressanti”ti¹.

Tatiyagāthāya sīlādayo kiñcāpi lokiyalokuttarā yathāsambhavam labbhanti, tathāpi ante “ariyaśaṃghan”ti vacanato sīlādayo cattāro dhammakkhandhā lokuttarāva. Ettha ca “sīlasamādhipaññāvimuttivimuttiñāṇappabhutīhī”ti vattabbe sarūpekasesam katvā “**vimuttiñāṇappabhutīhī**”ti vuttam. Ettha ca kiñcāpi vimuttīti phaladhammāva sutte adhippetā, tathāpi “maggā vuṭṭhahitvā maggam paccavekkhati. Pahīne kilēse paccavekkhati. Phalam paccavekkhati. Nibbānam paccavekkhati”ti² vacanato maggādipaccavekkhaṇāñāṇam vimuttiñāṇanti veditabham. Vimutti vimokkho khayoti hi atthato ekaṃ. “Khaye ñāṇam anuppāde ñāṇanti³ ettha khayō nāma maggo, rāgakkhayō dosakkhayoti⁴ phalanibbānānam adhivacanan”ti sutte āgatameva. Pahīnakilesānam khayō pākatiko khayō eva. **Pabhuti**-saddena tisso vijjā cha abhiññā catasso paṭisambhidāti evamādayo guṇā saṅgahitā. Samannāgamaṭṭhena aparihīnaṭṭhena ca yutto. **Khettaṃ janānam kusalatthikānanti** “anuttaram puññakkhettaṃ lokassā”ti⁵ suttato kusalassa viruṇaṭṭhānattā, suttantanayena upanissayapaccayattā ca kāmam kusalassa khettaṃ hoti saṃgho, na kusalatthikānam janānam. Tasmā na yujjati ce? Na, suttatthasambhavato. Sutte “anuttaram puññakkhettaṃ lokassā”ti hi vuttam. Kassa lokassa? Puññatthikassa khettaṃ saṃgho, puññupanissayattā puññakkhettaṃ hoti saṃgho, kusalatthikānanti ca vuccanti. Lokepi hi devadattassa khettaṃ yaññadattassa khettaṃ sāliyavupanissayattā sālikhettaṃ yavakhettaṃ ca vuccati. **Ariyaśaṃghanti** vigatakilesattā ariyam parisuddham ariyānam, ariyabhāvam vā pattam sīladiṭṭhisāmaññena saṃghatattā saṃgham. “Ariya-saddena sammutisaṃgham nivāreti”ti keci likhanti, tam na sundaram vimuttiñāṇaguṇaggahaṇena visesitattā.

1. Saṃ 1. 402 piṭṭhe. 2. Abhi 8. 133-4 piṭṭhesu. 3. Abhi 1. 16; Dī 3. 180 piṭṭhesu.
4. Saṃ 2. 445 piṭṭhe. 5. Saṃ 2. 465 piṭṭhe.

Sirasāti iminā kāmaṃ kāyanatiṃ dasseti, tathāpi uttamaṅgameva guṇagāravena uttamaṅgameva niddisanto “sirasā namāmi”tyāha. Sirassa mana uttamatā uttāmānaṃ cakkhusotindriyānaṃ nissayattā, tesam uttamatā ca dassanānuttariyasavanānuttariyahetutāya veditabbā. Etthāha—
anusandhikusalo

“Upogghāto padañceva, padattho padaviggaho.

Codanāpratyavajjānaṃ, byākhyā tantassa chabbidhā”ti—

Evamavatvā kasmā ratanattayapaṇāmaṃ paṭhamam vuttanti? Vuccate—
satācārattā. Ācāro kiresa sappurisānaṃ, yadidaṃ samvaṇṇanārambhe
ratanattayapūjāvidhānaṃ. Tasmā “satācārato bhaṭṭhā mā mayam homā”ti
karīyati, catugambhīrabhāvayuttaṅca vinayapiṭakaṃ samvaṇṇetukāmassa
mahāsamuddam ogāhantassa viya paññāveyyattiyasamannāgatassāpi
mahantam bhayam hoti, bhayakkhayāvahañcetam
ratanattayaguṇānussaraṇajanitam paṇāmapūjāvidhānaṃ. Yathāha “evam
buddham sarantānaṃ”ti-ādi¹. Apicācariyo satthupūjāvidhānena asatthari
satthābhīnivesassa lokassa yathābhūtam satthari eva sammāsambuddhe
satthusambhāvanam uppādeti, asatthari satthusambhāvanam pariccajāpeti,
“tathāgatappaveditam dhammavinayam attano dahati”ti vuttadosam
pariharati. Antarāyabahulattā khandhasantatiyā vippakatāya
vinayasamvaṇṇanāya attano āyuvaṇṇasukhabalānaṃ
parikkhayasambhavāsānkāya “abhivādanasīlissa -pa- āyu vaṇṇo sukham
balan”ti² vuttānisamse yāva samvaṇṇanāpariyosānā pattheti. Api cettha
buddhassa bhagavato paṇāmapūjāvidhānaṃ
sammāsambuddhabhāvādhigamattham **buddhayānam** paṭipajjantānaṃ
ussāham janeti. Lokiyalokuttarabhedassa, lokuttarasseva vā saddhammassa
pūjāvidhānaṃ paccekabuddhabhāvādhigamattham **paccekabuddhayānam**
paṭipajjantānaṃ ussāham janeti. Saddhammapaṭivedhamattābhilāsino hi te.
Paramatthasamghapūjāvidhānaṃ paramatthasamghabhāvādhigamattham
sāvakayānam paṭipajjantānaṃ ussāham janeti, maṅgalādīni vā sātthāni
anantarāyāni ciraṭṭhitikāni bahumatāni ca bhavantīti evamladdhikānaṃ
cittaparitosanattam “pūjā ca pūjaneyyānaṃ”ti bhagavatā pasatthamaṅgalam
karoti. Vuccate ca—

1. Saṃ 1. 222 piṭṭhe.

2. Khu 1. 29 piṭṭhe Dhammapade.

“Maṅgalaṃ bhagavā buddho, dhammo saṅgho ca maṅgalaṃ.
Maṅgalādīni sātthāni, sīghaṃ sijjhanti sabbaso.

Satthu pūjāvidhānena, evamādī bahū guṇe.
Labhatīti vijānanto, satthupūjāparo siyā”ti.

Ettha ca satthupadhānattā dhammasaṅghānaṃ pūjāvidhānaṃ
satthupūjāvidhānamicceva daṭṭhabbaṃ sāsanato lokato ca. Tenetaṃ
vuccati—

“Satthā”ti dhammo¹ sugatena vutto,
Nibbānakāle yamato sa satthā².
Suvatthigāthāsu “tathāgato”ti,
Saṅgho ca vutto yamato sa satthā².

Kiñca bhiyyo—

Dhammakāyo yato satthā, dhammo satthā tato mato.
Dhammaṭṭhito so saṅgho ca, satthusāṅkhyāṃ nigacchati.

Santi hi loke vattāro kosagataṃ asim̐ gahetvā ṭhitaṃ purisaṃ visum̐
aparāmasitvā “asim̐ gahetvā ṭhito eso”ti. Tenevāha cāriyamātracceva—

“Namatthu buddharatnāya, dhammaratnāya te namo.
Namatthu saṅgharatnāya, tiratnasamavānayī”ti.

Api ca sabbadhammesu

appaṭihatañāṇanimittānuttaravimokkhapātubhāvā bhisaṅkhātāṃ
khandhasantānamupādāya “buddho”ti yadi paññāpiyati, dhammo
paṇāmārahoti kā eva kathā, saṅgho ca “saṅghe gotami dehi, saṅghe te
dinne ahañceva pūjito bhavissāmi saṅgho cā”ti³ vuttattā bhājananti dīpeti.
Atha vā “buddhasubodhito dhammo ācariyaparamparāya suvaṇṇabhājane
pakkhittatelamiva aparihāpetvā yāvajjatanā ābhatattā⁴ eva mādisānampi
sotadvāraṇamuppatto”ti saṅghassa ācariyo atīva ādarena paṇāmaṃ karoti
“sirasā namāmi”ti.

1. Suttābhidhammo (Ka) 2. Pasatthā (Ka) 3. Ma 3. 296 piṭṭhe. 4. Āgatattā (Ka)

Evam̄ anekavidham̄ paṇāmappayojanam̄ vadanti, ācariyena pana adhippetappayojanam̄ attanā eva vuttam̄ “**iccevamaccantanamassaneyyan**”ti-ādinā catutthagāthāya. **Icevanti** ettha **iti**-saddo ratanattayapūjāvidhānaparisamattattho. Yadi evam̄ yathāvihitamattameva pūjāvidhānam̄ arahati ratanattayam̄, na tato uddhanti āpajjatīti aniṭṭhappasaṅganivāraṇattham̄ “**evamaccantanamassaneyyan**”ti āha. Tattha evanti iminā yathāvuttavidhim̄ dasseti. Yathāvuttena vidhinā, aññena vā tādīsena accantameva muhuttamapi aṭṭhatvā abhikkhaṇam̄ nirantaram̄ niyamena namassanāraham̄ namassamānassa hitamahapphalakaraṇatoti attho. Evam̄vidham̄ dullabhaṭṭhena mahapphalaṭṭhena ca siddham̄ ratanabhāvam̄ ratanattayam̄ namassamāno yam̄ puññābhisandam̄ alattham̄ alabhim̄. Akusalamalam̄ tadaṅgādippahānena punātīti puññam̄. Kilesadarathappaṭippassaddhiyā sītalattā cittam̄ abhisandētīti abhisando. Puññañca tam̄ abhisando cāti puññābhisando, tam̄ **puññābhisandam̄**. **Gaṇṭhipade** pana “puññamahattan”ti bhaṇanti, “vipulan”ti vacanato so attho na yujjatīti ācariyo. Atha vā puññānam̄ abhisando puññābhisando, tam̄ **puññābhisandam̄**. Sanda savaneti dhātu. Tasmā puññasotam̄ puññussayanti attho yujjati, tam̄ pana vipulam̄, na parittanti dassitam̄ **vipula**-saddena.

Pañcamagāthā **yasmim̄** vinayapiṭake pālito ca atthato ca anūnam̄ lajjīpuggalesu pavattanaṭṭhena **ṭhite** sakalam̄ tividhampi **sāsanam̄** tesveva puggalesu **paṭiṭṭhitam̄** hoti. Kassa sāsananti ce? **Aṭṭhitassa** bhagavato. Bhagavā hi ṭhitihetubhūtāya ucchedadiṭṭhiyā abhāvena aṭṭhitoti vuccati. Ucchedadiṭṭhiko hi paraloke nirapekkho kevalam̄ kāmasukhallikānuyogamanuyuñjanto tiṭṭhati, na paralokahitāni puññāni kattuṃ byāvaṇo hoti, sassatadiṭṭhiko tāni kattuṃ āyūhati. Bhagavā pana tathā abhiṭṭhanto anāyūhanto majjhimam̄ paṭipadam̄ paṭipajjanto sayañca ogham̄ tari, pare ca tāresi. Yathāha “appaṭiṭṭham̄ khvāham̄ āvuso anāyūham̄ oghamatarin”ti¹. Catubrahmavihāravasena sattesu suṭṭhu sammā ca ṭhitassāti atthavasena vā **susaṇṭhitassa**. Susaṇṭhitattā hesa kevalam̄ sattānam̄ dukkham̄ apānetukāmo hitam̄ upasam̄haritukāmo sampattiyā ca pamodito apakkhapatito ca hutvā vinayam̄ deseti, tasmā

1. Sam̄ 1. 1 piṭṭhe.

imasmiṃ vinayaśaṃvaṇṇanādhikāre sārūppāya thutiya thomento āha “susaṅghitassā”ti. **Gaṇṭhipade** pana “manāpiye ca kho bhikkhave kammavipāke paccupaṭṭhite”ti¹ suttassa, “susaṅghānā surūpatā”ti² suttassa ca vasena susaṅghitassāti attho vutto, so adhippetādhikārānurūpo na hoti. **Amissanti** kiṃ vinayaṃ amissaṃ, udāhu pubbācariyānubhāvanti? Nobhayampi. Amissā eva hi vinayaṭṭhakathā. Tasmā bhāvanapumsakavasena amissaṃ taṃ vaṇṇayissanti sambandho. **Pubbācariyānubhāvanti** aṭṭhakathā “yasmā pure aṭṭhakathā akaṃsū”ti vacanato tesāṃ ānubhāvo nāma hoti. Kiñci apubbaṃ disvā santi hi loke vattāro “kassesa ānubhāvo”ti. Atha vā bhagavato adhippāyaṃ anugantvā taṃtampāṭhe atthaṃ bhāvayati vibhāvayati, tassa tassa vā atthassa bhāvanā vibhāvanāti ānubhāvo vuccati aṭṭhakathā.

Pubbācariyānubhāve sati kiṃ puna taṃ vaṇṇayissanti iminā ārambhenāti tato vuccanti chaṭṭhasattamaṭṭhamanavamagāthāyo. Tattha ariyamaggañāmbunā niddhotamalattā visuddhaviṇṇehi, teneva niddhotāsavattā visuddhapaṭisambhedehi, visuddhapaṭisambhidattā ca saddhammasaṃvaṇṇanakovidehī yojanā veditabbā. Keci “pubbācariyāti vutte lokācariyāpi, sāsane rāhulācariyādayopi saṅgayhanti, te apanetuṃ kāmañcāti-ādi vuttan”ti vadanti. “Taṃ vaṇṇayissan”ti vuttattā pubbaṭṭhakathāya ūnabhāvo dassitoti ce? Na, cittehi nayehi saṃvaṇṇitoti dassetuṃ “**kāmañcā**”ti-ādi vuttam. Saddhammaṃ saṃvaṇṇetuṃ kovidehi, tāya saṃvaṇṇanāya vā kovidehi **saddhammasaṃvaṇṇanakovidehi**.

Sallekhiyeti kilesajātaṃ bāhullaṃ vā sallikhati tanuṃ karotīti sallekko, sallekhassa bhāvo sallekhiyaṃ, tasmim sallekhiye. **Nosulabhūpamehī** asulabhūpamehi. **Mahāvihārassāti** mahāvihāravamsassa. Paññāya accuggataṭṭhena dhajo upamā etesanti dhajūpamā, tehi **dhajūpamehi**. Sambuddhavarāṃ anu-ayehi anugatehi **sambuddhavarānavayehi**, buddhādhippāyanugehī adhippāyo. Idha vara-saddo “sāmaṃ saccāni buddhattā sambuddho”ti³ vacanato paccekabuddhāpi saṅgayhanti. Tasmā te apanetuṃ vutto.

1. Ma-Ṭṭha 3. 260; Dī-Ṭṭha 2. 40 piṭṭhesu.

2. Khu 1. 10 piṭṭhe Dhammapade.

3. Vi-Ṭṭha 1. 88; Visuddhi-Ṭṭha 1. 196 piṭṭhesu atthato samānaṃ.

Aṭṭhakathāya ūnabhāvaṃ dassetvā idāni attano karaṇavisesaṃ tassa payojanaṅca dassetuṃ “**saṃvaṇṇanā**”ti-ādimāha. **Na kiñci atthaṃ abhisambhuṇātī**ti kiñci payojanaṃ phalaṃ hitaṃ na sādhetīti attho “na taṃ tassa bhikkhuno kiñci atthaṃ anubhotī”ti-ādīsu¹ viya. **Ajjhesanaṃ buddhasirivhayassā**ti iminā yasmā sahampatibrahmunā ajjhīṭṭhena dhammo desito bhagavatā, sārīputtassa ajjhesanaṃ nissāya vinayo paññatto, tasmā ayampi ācariyo taṃ ācariyavattaṃ pūjento imaṃ saṃvaṇṇanaṃ buddhasirittherassa yācanaṃ nissāya akāsīti dasseti. **Samanussarantoti** tassābhāvaṃ² dīpeti ādaraṅca.

Tato paraṃ dve gāthāyo kattabbavidhidassanatthaṃ vuttā. Tena tāsū aṭṭhakathāsu vuttavinicchayapaccayavimatiṃ vinodeti, ekaṭṭhakathāya kusalassa vā “ayaṃ nayo aṭṭhakathāyaṃ natthī”ti paṭikkhepaṃ nivāreti, ayuttatthapariccāgena tattha abhiniviṭṭhānaṃ abhinivesaṃ pariccajāpeti, theravādadassanena vinayavinicchayaṃ pati vinayadharānaṃ kāraṇopapattito uhāpohakkamaṃ³ dasseti, ayuttattheravādapaṭikkhepena puggalappamāṇataṃ paṭikkhipatīti ime cānisaṃsā kattabbavidhidassanena dassitā honti. Saṃvaṇṇanaṃ taṅca samārabhanto tassā saṃvaṇṇanāya mahā-aṭṭhakathaṃ sarīraṃ katvā samārabhissaṃ, mahāpaccariyampi yo vutto vinicchayo, tatheva kurundīnāmādīsu loke vissutāsū aṭṭhakathāsu ca yo vutto vinicchayo, tatopi vinicchayato mahā-aṭṭhakathāyena, vinayayuttīyā vā yuttamatthaṃ tassa sarīrassa alaṅkāraṃ viya gaṇhanto samārabhissaṃ. Kiṃ saṃvaṇṇanameva, na aññanti dassanatthaṃ puna saṃvaṇṇanāggahaṇaṃ. Atha vā antogadhattheravādaṃ saṃvaṇṇanaṃ katvā samārabhissanti yojanā veditabbā. Theravādā hi bahi-aṭṭhakathāya vicaranti. Ettha **ādi**-saddena cūḷapaccari-andhaka-ariyaṭṭhakathāpannavārādayopi saṅgahitā. Tattha **paccarī** nāma sīhaḷabhāsāya uḷumpaṃ kira, tasmīṃ nisīditvā katattā tameva nāmaṃ jātāṃ. Kurundīvallivihāro nāma atthi, tattha katattā **kurundī** nāma jātā.

Samma samārabhissanti kattabbavidhānaṃ sajjetvā ahaṃ ṭhito, tasmā **taṃ me nisāmentū**ti gāthāya taṃ saṃvaṇṇanaṃ me mama, mayā vā vuccamānanti

1. Vi 1. 326 piṭṭhe.

2. Tassa bhāvaṃ (Ka)

3. Upāyopeyyakkamaṃ (?)

pāṭhaseso. **Nisāmentu** passantu paññācakkhunā suṇantu vā saddhāvīriyapītipāmojjābhisaṅkhārena saṅkharitvā pūjayantā **sakkaccam dhammam**. Kassa dhammam? **Dhammappadīpassa tathāgatassa**. Kim dasseti? Padīpaṭṭhāniyo hi dhammo hitāhitappakāsanato, padīpadharaṭṭhāniyo dhammadharo tathāgato, tasmā parinibbutepi tasmim tathāgate tattha sokaṃ akatvā sakkacca dhammam paṭimānayanā nisāmentūti dasseti. Atha vā “dhammakāyā tathāgatā”¹ti vacanato dhammo ca so padīpo cāti **dhammappadīpo**, bhagavā.

Yo dhammavinayo yathā buddhena vutto, so tatheva buddhaputtehi sāvakehi **ñāto** avabuddho, yehi **tesam** buddhaputtānam **matim** adhippāyam **accajantā** niravasesam gaṇhantā. **Pureti** purā, porāṇattherā vā. **Aṭṭhakathāti** aṭṭhakathāyo, upayogabahuvacanam.

Yam atthajātam aṭṭhakathāsu vuttam, tam sabbampi pamādalekhakānam pamādalekhamattam vajjayitvā. Kim sabbesampi pamāṇam? Na, kintu sikkhāsu sagāravānam idha vinayamhi paṇḍitānam, mahā-aṭṭhakathāyam pana saccepi alikepi dukkaṭamava vuttam, tam pamādalekhanti vedittabbanam. Pamādalekham vajjayitvā pamāṇam hessatīti sambandho.

Tato cāti aṭṭhakathāsu vutta-atthajātato² **tantikkamam** pālīkkamam. Suttantā suttāvayavā. Antoti hidam abhantarāvayavasambhāvanādīsu dissati. Suttantesu bhavā suttantikā, tesam **suttantikānam**, suttantaganthesu āgatavacanānanti attho. Atha vā amīyatīti anto, sādhiyatīti adhippāyo. Kena sādhiyati? Suttana, suttassa anto suttanto, ko so? So so atthavikappo, tasmim suttante niyuttāni vacanāni suttantikāni. Tesam **suttantikānam** vacanānamattham. Tassa tassa āgamasuttassa abhidhammavinayasuttassa cānurūpaṃ paridīpayantī, ayam bhāvettha samāsato atthavibhāvanā—“itipi so bhagavā”³ti-ādīnam³ suttantikānam vacanānamattham āgamasuttantānurūpaṃ. “Vivādādhikaraṇam

1. Dī 3. 69 piṭṭhepi passitabbanam. 2. Tato cāti vutta-aṭṭhakathāto (?)

3. Ma 3. 329; Sam 1. 298; Sam 2. 462; Sam 3. 172; Am 2. 252; Am 3. 351; Vi 1. 8 piṭṭhesu.

siyā kusalam siyā akusalam siyā abyākatan”ti¹ evamādīnam
 abhidhammasuttantikānam vacanānamattham abhidhammasuttantānurūpanti
 evamādi. **Hessatī**ti bhavissati, karīyissatīti adhippāyo. **Vaṇṇanāpī**ti ettha **api-**
 saddo sampiṇḍanattho, so tasmāti padena yojetabbo. Katham? Paṇḍitānam
 pamāṇattāpi vitthāramaggassa samāsītattāpi vinicchayassa asesītattāpi
 tantikkamassa avokkamītattāpi suttantikavacanānam
 suttantaṭṭhakathānurūpam dīpanatopi tasmāpi sakkaccam anusikkhitabbāti.
 Ettha “tantikkamam avokkamitvā”ti vacanena siddhepi “aṭṭhakathācariyā
 verañjakaṇḍādīsu ‘suttantikānam bhāro’ti gatā, mayam pana vatvāva
 gamissāmā”ti dassetum “suttantikānam”ti vuttam kira.

Ganthārambhakathāvaṇṇanā niṭṭhitā.

1. Vi 4. 216 piṭṭhe.

Bāhīranidānakathāvaṇṇanā

Tadaṅgavinayādibhedena vinayassa bahuttā vinayo tāva vavatthapetabbo. “Buddhena dhammo vinayo ca vutto”ti pubbe vuttattā idāni “vuttaṃ yenā”ti na vattabbanti ce? Tassa evamādivacanaṃ sandhāya vuttanti sambandho. **Dhāritaṃ yena cābhataṃ. Yatthappatiṭṭhitañcetanti** vacanaṃ sakalampi vinayaṭṭakam sandhāya vuttaṃ.

Attapaccakkhavacanaṃ na hotīti āhacca bhāsitaṃ na hotīti adhippāyo. Na hi bhagavato atītādīsu appaccakkham kiñci atthi. Yadi attapaccakkhavacanaṃ na hoti, padasodhammāpattim na janyeyyāti ce? Na, sāvakahāsitasappi padasodhammāpattijananato. Niyamābhāvā atippasaṅgoti ce? Na, padasodhammasikkhāpadaṭṭhakathāyaṃ “saṅgītittayaṃ āruḷho”ti visesitattā. Tathā aṭṭhakathāyampi saṅgītim āruḷhattā “khandhānañca paṭipāṭi -pa-saṃsāroti pavuccatī”ti¹ evamādivacanaṃ, yañca saṅgīti-āruḷhakkamānugataṃ, taṃ padasodhammāpattim janetīti āyasmā upatisso.

Paṭhamamahāsaṅgītikathāvaṇṇanā

Paṭhamamahāsaṅgīti nāma cāti ettha ca-saddo atirekattho, tena aññāpi atthīti dīpeti. Tampi² sālavanaṃ upagantvā mittasuhajje apaloketvā nivattanato **upavattananti** pākaṭam jātam kira. **Yamakasālānanti** ekā kira sālapani sīsabhāge, ekā pādabhāge. Tatrāpi eko taruṇasālo sīsabhāgassa āsanne hoti, eko pādabhāgassa, mūlakhandhaviṭṭapapattehi aññamaññaṃ saṃsibbitvā ṭhitasālānantipi vuttaṃ. **Anupādisesāya nibbānadhātuyāti** itthambhūtalakkhaṇe karaṇavacanaṃ katakicco pītijahāsaceto averamukhenābhatakuṇḍalenā”ti-ādīsu viya. Parinibbāne parinibbānabetu, tasmim ṭhāne vā mā socittha cittaṃ, mā paridevittha vācāya “paridevanaṃ vilāpan”ti vacanato. **Mahāsamañenāti** nissakkatthe karaṇavacanaṃ. Sūriyam’ sūbhi paṭukarā’bhā’riṇassa tāṇā ityatreva. Yañca bhagavato anuggahaṃ, tassa anuggahassatī ācariyā. Ekacce pana “yaṃ yasmā ahaṃ anuggahito”ti vadanti. **Nibbasanānīti** niṭṭhitavasana-kiccāni, mayā paribhuñjitvā

1. Abhi-ṭṭha 1. 11; Abhi-ṭṭha 2. 142 piṭṭhesu.

2. Taṃ hi (Ka)

apanītāni. Yadi suyuttāni dhāressasīti pucchati, kavacasadisāni sāṇāni. Issariyasadisā nava anupubbavihārādayo. Aṭṭha samāpattiyo nirodhasamāpatti ca paṭilābhakkamena “**anupubbavihārā**”ti vuttā.

Anāgate sannikaṭṭhe, tathātīte cirantane.

Kāladvayepi kavīhi, purāsaddo payujjate¹.

Satthusāsanameva pariyatti satthusāsanapariyatti, sā suttageyyādivasena navaṅgā. Tipiṭakameva sabbapariyattippabhedam dhārentīti **tipiṭakasabbapariyattippabhedadharā**. “Vinā na sakkā”ti na vattabbam “tipiṭakasabbapariyattippabhedadhare”ti vuttattā, evam santepi atthi viseso tehi sammukhāpi asammukhāpi sutam, therena pana asammukhā paṭiggahitam nāma natthīti. **Na vāyanti** ettha **vāti** vibhāsā, aññāsipi na aññāsipīti attho. **Tatra** uccinane. Bahusaddo vipullattho “anantapāram bahu veditabbamitya”treva. Pubbe “tipiṭakasabbapariyattippabhedadhare”ti vuttattā “bahu cānena -pa- pariyatto”ti na yujjatīti ce? Na, tipiṭakassa anantattā, tasmā amhe upādāya tena bahu pariyattoti adhippāyo. Itarathā ānandatthero tehi appassutoti āpajjati, “asammukhā paṭiggahitam nāma natthī”ti vacanavirodho ca. **Aḍḍhamāso atikkantoti** ettha eko divaso naṭṭho, so pāṭipada-divaso, kolāhaladivaso nāma so, tasmā idha na gahito. Saṁvegavatthum kittetvā kīlanato **sādhukīlanam** nāma. **Svepīti api**-saddo apekkhāmantānuññāya. Subhasuttam “acirapariniibbute bhagavatī”ti² vuttattā caturāsītidhammakhandhasahassesu antogadham na hotīti ce? Na, bhagavato kāle laddhanayattā kathāvatthu viya. Chaḍḍitā patitā uklāpā **chaḍḍitapatita-uklāpā**. Āṇā eva appaṭihataṭṭhena cakkanti **āṇācakkam**. Ekato ettha nipatantīti **ekanipātanam**. **Ākāsenā āgantvā nisīdīti** eketi etam dutiyavāre gamanam sandhāyāti āyasmā upatisso. Paṭhamam vā ākāsenā gantvā parisam patvā bhikkhupantim apīlento pathaviyam nimujjitvā āsane eva attānam dassesi. Ubhayathā ca āpātham gato, tena ubhayampi yujjati, aññathā dvīsu ekam abhūtam āpajjati.

1. Nipātyate (Ka)

2. Dī 1. 188 piṭṭhe.

Atha kho āyasmā mahākassapo āyasmantaṃ upālīṃ pucchi -pa-āyasmā upālittthero vissajjesīti idaṃ pubbe “paṭhamāṃ āvuso upālī”ti-ādinā¹ vuttapucchāvissajjanāṃ saṅkhipitvā saṅgītikārakehi dassitavacananti **gaṇṭhipade** likhitāṃ. Tathā hotu, kimatthaṃ panettha “nidānampi pucchi, puggalampi pucchi, vatthumpi pucchi”ti evaṃ pubbe dassitānukkamena avatvā “vatthumpi pucchi, nidānampi pucchi, puggalampi pucchi”ti evaṃ anukkamo katoti? “Vatthumūlakattā sikkhāpadapaññattiyā uppaṭipāṭiyā vuttan”ti vadanti eke. Ettha pana vicāraṇā verañjakaṇḍe sampatte karīyati. **Rājāgāra**keti evaṃnāmake uyyāne. Abhiramanārahaṃ kira rājāgārampi. Tattha, yassa vasenetāṃ evaṃ nāmaṃ labhati. Atha kho “āyasmā mahākassapo”ti-ādinā pubbe vuttameva saṅkhipitvā dasseti saṅgītikārake vasīgaṇo. Yadi evaṃ yathā nidānampi pucchi, puggalampi pucchīti ettha pucchākkamo dassito, tathā ānandattherassa vissajjanakkamopi kimatthaṃ na dassitoti ce? Iminānukkamena saṅgahaṃ pañcapi nikāyā anāruḷhāti dassanattāṃ. Kathaṃ pana āruḷhāti? Āyasmā mahākassapo pañcapi nikāye anukkameneva pucchi, ānandatthero pana anukkameneva pucchitampi apucchitampi tassa tassa suttassa sabhāvaṃ antarā uppannaṃ vatthum uddesaniddesakkamaṃ mātikāvibhaṅgakkamanti evamādisabbari anurūpavacanaṃ pakkhipitvā vissajjesi, tenevāha “**eteneva upāyena pañcapi nikāye pucchi**”ti. Atha vā “ambalaṭṭhikāyaṃ rājāgārake”ti vattabbe “rājāgārake ambalaṭṭhikāyan”ti uppaṭipāṭivacanenapi imamatthaṃ dīpeti. “Ambalaṭṭhikāyaṃ viharati rājāgārake”ti hi vuttaṃ.

Gahakāranti imassa attabhāvagehassa kāraṃ taṇhāvaḍḍhakim gavesanto yena nāṇena sakkā so daṭṭhum, tassatthāya dīpaṅkarapādamūle katābhinihāro ettakaṃ kālaṃ anekajāṭisaṃsāraṃ taṃ nāṇaṃ avindanto vicarinti attho. **Dukkhā jāti punappunanti** idaṃ gahakāragavesanassa kāraṇācānaṃ. **Sabbā te phāsukā**ti tava sabbā anavasesakilesaphāsukā mayā bhaggā. **Gahakūṭaṃ** nāma avijjā. Somanassasahagataṃ nāṇaṃ **somanassamayaṃ**. Na hi somanassamayaṃ nāṇaṃ khandhasabhāvabhedaṭṭo. **Daḷhīkammasithilakaraṇappayojanā**ti yebhuyyatāya vuttaṃ,

1. Vi 4. 482 piṭṭhe.

taṃ pana tattha tattha pakāsayissāma. **Aññamaññasāṅkaravirahite dhamme ca vinaye cāti** ettha paṇātipāto akusalanti evamādīsu maraṇādhippāyassa jīvitindriyupacchedakappayogasamuṭṭhāpikā cetanā akusalā, na paṇasaṅkhātajīvitindriyassa upacchedakasaṅkhāto atipāto. Tathā adinnassa parasantakassa ādānasaṅkhātā viññatti abyākato dhammo, tabbiññattisamuṭṭhāpikā theyyacetanā akusalo dhammoti¹ evamādinā aññamaññasāṅkaravirahite dhamme paṭibalo vinetuṃ. Jātarūparajataṃ parasantakaṃ theyyacittena gaṇhantassa yathāvatthum pārajikathullaccayadukkaṭesu aññatarā, bhaṇḍāgārikasīsena diyyamānaṃ gaṇhantassa pācittiyā, attatthāya gaṇhantassa nissaggiyā pācittiyā, kevalā lolatāya gaṇhantassa anāmāsadukkaṭaṃ, rūpiyachaddaka-sammataṃ anāpattīti evaṃ aññamaññasāṅkaravirahite vinayehi paṭibalo vinetunti attho. **Bhāvetīti** vaḍḍheti, etena phalavasena javanavasena ca cittassa vuddhiṃ dasseti. “Avisiṭṭhan”ti pāṭho, sādharāṇanti attho.

Desentassa vasenettha, desanā piṭakattayaṃ.

Sāsitabbavasenetā, sāsantipi vuccati.

Kathetabbassa atthassa, vasenāpi kathāti ca.

Desanā sāsanaṃ kathā, bhedaṃpevaṃ pakāsaye.

Sāsanaṃ napuṃsakattā “**yathā -pa- dhammasāsanaṃ**”ti vuttaṃ.

Duccaritasāṅkilesaṃ nāma atthato cetanā, tathākārappavattacittuppādo vā. Aniccādilakkhaṇaṃ paṭivijjhivā pavattattā vipassanācittāni visayato lokiyā’bhisamayo asammohato lokuttaro, lokuttaro eva vā abhisamayo visayato nibbānasaṅkhātassa atthassa, itarassa maggādikassa asammohatotipi eke. Ettha “paṭivedho”ti vuttaṃ nāṇaṃ, taṃ kathaṃ gambhīranti ce? Gambhīrassa udakassa pamāṇaggahaṇakāle dīghena pamāṇena bhavitabbaṃ, evaṃ alabbhaneyyabhāvadassanattaṃ idānīti vuttanti eke. **Yassa catthāya** maggaphalattāya. **Taṅca atthaṃ nāubhonti** nādhigacchanti kaṅci attanā adhippetā, itivādapamokkhaṅca. Kasmā? Atthassa anupaparikkhitvā gahitattā. Adhigataphalattā **paṭividdhākuppo**.
Puna

1. Abhi 8. 11 piṭṭhe.

khīṇāsavaggahaṇena arahantameva dasseti, na sekkham. So hi yathā bhaṇḍāgāriko rañño kaṭakamakuṭādiṃ gopetvā icchiticchitakkhaṇe upaneti, evaṃ sahetukānaṃ sattānaṃ maggaphalattḥāya dhammaṃ desesi. Tāsaṃyeva tattha vinayaṭṭake pabhedato vuttattā, vāyamitvā tā eva pāpuṇātīti ācariyā. Kimatthaṃ tissova vijjā tattha vibhattāti? Silasampattiyā etaparamupanissayabhāvato. “Aparehipi sattahaṅgehi samannāgato bhikkhu vinayadharo hoti. Āpattim jānāti, anāpattim, lahukam āpattim, garukam āpattim, anekavihitam pubbenivāsam anussarati -pa- dibbena cakkhunā visuddhena atikkantamānusakena satte passati -pa- āsavānañca khayā -pa- upasampajja viharatī”¹ti¹ suttamettha sādhamam. Vinayam pariyāpuṇitvā silasampattim nissāya āsavakkhayañāṇena saheva viya dibbacakkhupubbenivāsānussatiñāṇāni paṭilabhati. Visum etesaṃ parikammakiccaṃ natthīti dassanattam tāsaṃyevāti vuttanti ca vadanti eke. Abhidhamme pana tisso vijjā cha abhiññā catasso ca paṭisambhidā aññe ca sammappadhānādayo guṇavisesā vibhattā. Kiñcāpi vibhattā, tathāpi visesato paññājātikattā catasso paṭisambhidā pāpuṇātīti dassanattam **tāsaṃ tatthevāti** avadhāraṇavipallāso kato. Attanā duggahitena dhammenāti pāṭhaseso. Kattari cetam karaṇavacanaṃ, hetutthe ca, attanā duggahitahetūti adhippāyo. **Kasmā panāti** “anulomiko”ti vuttatthaṃ dīpeti.

Paṭhamamahāsaṅgītikathāvaṇṇanāyayo.

Dutiyasaṅgītikathāvaṇṇanā

Pannabhārāti patitakkhandhabhārā. “Bhārā have pañcakkhandhā”²ti² hi vuttaṃ. “Sammukhā bhavissāma na bhavissāmā”²ti vattāro. Tesu daharā kira. **Jamminti** lāmakam.

Dutiyasaṅgītikathāvaṇṇanāyayo.

1. Vi 5. 241 piṭṭhe.

2. Saṃ 2. 22 piṭṭhe.

Tatīyasāṅgītikathāvaṇṇanā

Brahmalokā cavitvāti ettha cattāro maggā pañcānantariyāni niyatamicchādiṭṭhīti imeyeva niyatā, na mahaggaṭā, tasmā paṇidhivasena heṭṭhupapattipi hoti. **Aticchathā**ti aticca icchatha, gantvā bhikkham pariyesathāti adhippāyo. **Keṭubham** nāma kabyakaraṇavidhiyuttam sattham. Kiriyākappam ityeke, kattākhyādilakkhaṇayuttasattham. **Asandhimittā**ti tassā nāmam. Tassā kira sarīre sandhayo na paññāyanti, madhusitthakena kataṃ viya sarīram hoti. Tasmā “evamnamikā jātā”tipi vadanti. Māghadhakena patthena cattāro patthā āḷhakam, cattāri āḷhakāni doṇam, catudoṇā mānikā, catumānikā khārikā, vīsatikhāriko vāhoti. **Ketumālā**ti “sīsato utthahitvā ṭhito obhāsapuṅjo”ti vadanti. Rājiddhi-adhikārappasaṅgetam vatthu vuttam, nānukkamena. Anukkamena pana buddhasāsanāvahāram vatthum dīpento “**rājā kirā**”ti-ādimāha. Kilesadamanena **dantam**. Kāyavācāhi **guttam**. “Pācīnamukho”tipi pāḷho atthi. Pubbe jeṭṭhabhātikattā teneva paricayena pattaggahaṇatthāya ākāram dasseti. **Abhāsī**ti “bhāsissāmī”ti vitakkesi. Apare “aññātanti vuttepi sabbam abhaṇī”ti vadanti. **Amatanti** nibbānasāṅkhātāya nivattiyā saṅgādhivacanam, tassā **appamādo padam** maggo. **Maccū**ti pavattiyā sadosādhivacanam, tassā pamādo padam maggoti evam cattāri saccāni sandassitāni honti. Saṅghasaraṇagatattā saṅghanissitā pabbajjā, bhaṇḍukammasa vā tadāyattattā. Nigrodhattherassānubhāvakkittanādhikārattā pubbe vuttampi pacchā vattabbampi sampiṇḍetvā āha “puna rājā asokārāmam nāma mahāvihāram kāretvā saṭṭhisahassāni -pa- caturāsītivihārasahassāni kārāpesī”ti. “Puthujjanakalyāṇakassa vā paccavekkhitaparibhogo”ti vacanato sekkhāva paramatthato dāyādā, tathāpi thero mahindakumārassa pabbajjattham ekena pariyāyena lokadhammasiddhena evamāha “**yo koci mahārājā -pa- orasam puttā**”ti. Vuttañhi **vede**—

“Aṅgā aṅgā sambhvasi, hadayā adhiyāyase.
Attā ve putto nāmāsi, sa jīva saradosatan”ti¹.

1. Ma-Ṭī, Laṭukikopamasuttavaṇṇanāyampi.

Tasmā iminā pariyāyena oraso putto mātāpitūhi pabbajito ce, atthato te sayam pabbajitā viya honti. Dhammakathikā kasmā nārocenti? Rājā “theram gaṇhitvā āgacchathā”ti amacce pesesi, dhammakathikā therassa āgamanakāle parivāratthāya pesitā, tasmā. Apica tena vuttavidhināva vadanti caṇḍattā, caṇḍabhāvo cassa “ambam chinditvā veḷuyā vatim karohi”ti vutta-amaccavatthunā vibhāvetabbo. Kasmā pana dhammakathikā rājāṇāpanam karontīti? “Sāsanam paggahetum samattho”ti vuttattā.

Dīpakatittiroti kūtattittiro. Ayam pana kūtattittirakamme niyuttopi suddhacitto, tasmā tāpasam pucchi. **Sāṇipākāranti** sāṇipākārena. Vibhajitvā vadatīti **vibhajjavādī** “atthi khvesa brāhmaṇa pariyāyo”ti-ādina¹. Apica **sassatavādī** ca bhagavā “atthi bhikkhave ajātam abhūtam asaṅkhatan”ti-ādi² vacanato. **Ekaccasassatiko** ca “sappaccayā dhammā, appaccayā dhammā”ti³ vacanato. **Antānantiko** ca—

“Gamanena na pattabbo, lokassanto kudācanam.

Na ca appatvā lokantam, dukkhā atthi pamocanam”⁴.

“Anamataggoyam bhikkhave saṁsāro pubbakoṭi na paññāyatī”ti⁵ vacanato. **Amaravikkhepikapakkhampi** īsakam bhajati bhagavā “sassato lokoti abyākatametam asassato lokoti abyākatametam”ti-ādi-abyākatavatthudīpanato sammutisaccadīpanato ca. Tañhi ajjhatabhahiddhādivasena na vattabbam. Yathāha “ākīṇcaññāyatanam na vattabbam ajjhattārammaṇantipī”ti-ādi⁶. Tathā **adhiccasamuppannikapakkhampi** bhajati “laddhā mudhā nibbutim bhuñjamānā”ti⁷ vacanato. Tatha hi mudhāti adhiccasamuppannavacanam. **Saññīvādādiko** ca bhagavā saññībhava-asaññībhavanevasaññīnāsaññībhavavasena. **Ucchedavādī** ca “aham hi brāhmaṇa ucchedam vadāmi rāgassā”ti⁸ vacanato.

Diṭṭhadhammanibbānavādī ca “khīṇā jāti, vusitam brahmacariyan”ti⁹ vacanato, “natthi dāni punabbhavo”ti¹⁰ vacanato, diṭṭheva dhamme

1. Vi 1. 2 piṭṭhe.

3. Abhi 1. 4 piṭṭhe.

5. Saṁ 1. 387; Khu 8. 136 piṭṭhe.

7. Khu 1. 5, 313 piṭṭhesu.

9. Vi 3. 20; Dī 2. 126; Saṁ 1. 106; Saṁ 2. 29 piṭṭhesu.

2. Khu 1. 220 piṭṭhe.

4. Saṁ 1. 61; Am 1. 357 piṭṭhe.

6. Abhi 1. 274 piṭṭhe.

8. Vi 1. 3 piṭṭhe.

10. Vi 3. 16 piṭṭhe.

nirodhasamāpattidīpanato ca. Evaṃ tena tena pariyāyena tathā tathā veneyyajjhāsayanurūpaṃ vibhajtvā vadatīti vibhajjavādī bhagavāti.

Tatīyasāṅgītikathāvaṇṇanāyayo.

Pupphanāmo sumanatthero. Mahāpadumattheroti eke.

Mahimsakamaṇḍalaṃ **andharatṭhanti** vadanti. **Dhammacakkhu** nāma tayo maggā. Sotāpattimagganti ca eke. Pañcapi ratṭhāni **pañca cīnaratṭhāni** nāma. **Rājagaheti** deviyā katavihāre. **Silakūṭamhīti** pabbatakūṭe. **Vaḍḍhamānanti** alaṅkaraṇacuṇṇaṃ. Ariyadese atīva sammataṃ kira. Ekarasena nāthakaraṇā¹ itī damiḷā. **Sārapāmaṅganti** uttamaṃ pāmaṅgaṃ. Petavatthu-ādinā saṃvejetvā abhisamayatthaṃ saccasaṃyuttaṅca. **Meghavanuyyānaṃ** nāma mahāvihāratṭhānaṃ. “Dvāsattṭhiyā leṇesū”ti pāṭho. **Dasabhātikanti** abhayakumārādayo dasa, te idha na vuttā. **Vutthavasso pavāretvāti** cātumāsiniyā pavāraṇāyāti attho. Paṭhamapavāraṇāya vā pavāretvā ekamāsaṃ tattheva vasitvā kattikapuṇṇamāsiyaṃ avoca, aññathā “puṇṇamāyaṃ mahāvīro”ti vuttattā na sakkā gahetuṃ. **Mahāvīroti** buddhopacārena dhātuyo vadati. **Jaṅghappamāṇanti** “thūpassa jaṅghappamāṇaṃ”ti vadanti. **Mātulabhāgineyyā** cūḷodaramahodarā. Dharamānassa viya buddhassa rasmi sarasarasmi, rañño lekhāsāsaṇaṃ appesi, evaṅca mukhasāsaṇamavoca. Doṇamattā magadhanāḷiyā dvādasa nāḷimattā kira. “Paricchinnatṭhāne chijjivā”ti pāṭho. **Sabbadisāhi pañca rasmiyo āvaṭṭetvāti** pañcahi phalehi nikkhantattā pañca, tā pana chabbaṇṇāva. **Kattikajūṇhapakkhassa pāṭipadadivaseti** jūṇhapakkhassa paṭhamadivaseti attho. Mahābodhiṭṭhāne parivāretvā ṭhitanāgayakkhādevatākulāni. **Gopakā** nāma rājaparikammīno tathābhāvakkicā. Tesāṃ kulānaṃ nāmantipi keci. Udaḷādivāhā kāliṅgā. Kāliṅgesu janapadesu jāṭisampannaṃ kulaṃ kāliṅgakulanti keci.

Paṭhamapāṭipadadivaseti dutiya-uposathassa pāṭipadadivaseti attho. Tattha ṭhitehi samuddassa diṭṭhattā taṃ ṭhānaṃ samuddasālavatthu. **Soḷasa jāṭisampannakulāni** atṭha brāhmaṇāmacculāni. Mahā-ariṭṭhatthero

1. Ekaṇasneharāṇā (Ka)

2. Saṃ 3. 363 piṭṭhe.

cetiyaḡirimhi pabbajito. **Amaccassa parivenaṭṭhāneti** sampatikālavasenāha. Mahindatthero dvādasavassiko hutvā tambapaṇṇidīpaṃ sampatto, tattha dve vassāni vasitvā vinayaṃ patitṭhāpesi, dvāsaṭṭhivassiko hutvā parinibbuto. **Vinayo saṃvaratthāyāti** vinayapiṭakaṃ, tassa pariyāpuṇaṇaṃ vā. Yathābhūtañāḡadassanaṃ sappaccayanāmarūpapariggaho. Maggādipaccavekkhaṇe asati antarā parinibbanaṃ nāma natthi sekkhassa maraṇaṃ vā, satiyeva hoti. Tasmā āha “**vimuttiñāḡadassanaṃ**”ti. **Anupādāparinibbānatthāyāti** kañci dhammaṃ anupādāya aggahetvā īsakampi anavasesetvā parinibbānatthāyāti attho. **Upanisāti** “vinayo saṃvaratthāyā”ti-ādikā kāraṇaparamparā. Ettāvataṭṭhaṃ attahitanipphattiṃ dassetvā idāni parahitanipphattiṃ dassetuṃ “**etadatthaṃ sotāvadhānaṃ**”ti āha. Tassattho—attano vinayakathanāṃ vinayamantanaṃ uggahetuṃ paresaṃ sotassa odhanaṃ **sotāvadhānaṃ**. Tato uggahitavinayakathāmantanaṃ tesāṃ upanisā yathāvuttakāraṇaparamparā siddhāyevāti na puna dassitāti veditabbā. Aññathā etadatthā upanisāti iminā vacaneneva anupādāparinibbānassa saṅgahitattā anupādāparinibbānato uddhaṃ sotāvadhānāsambhavato etadatthaṃ sotāvadhānanti ante na sambhavatīti niratthakaṃ bhaveyya, na ca niratthakaṃ parahitanipphattiyā mūlakāraṇadassanatthattāti veditabbaṃ.

Evamaṃ yathā yathā yaṃ yaṃ, sambhaveyya padaṃ idha.

Taṃ taṃ tathā tathā sabbāṃ, payojeyya vicakkhaṇoti.

Bāhiraṇidānakathāvaṇṇanā niṭṭhitā.

Verañjakaṇḍavaṇṇanā

“Tena samayena buddho bhagavā vesāliyaṃ viharati mahāvane kūḷāgārasālāyaṃ. Tena kho pana samayena vesāliyaṃ avidūre kalandagāmo nāma hoti”¹ti vinayanidāne ārabhitabbe verañjakaṇḍassa ārambho kimatthoti ce? Vuccate—mūlato pabhuti vinayanidānaṃ dassetuṃ. Yadi evaṃ “paṭhamam āvuso upāli pārājikam kattha paññattanti, vesāliyaṃ”ti vacanena virujjhatīti ce? Na virujjhati. Kasmā? Kattha paññattanti hi nidānapucchā. Evaṃ santepi “paṭhamassa pārājikassa kiṃ nidānaṃ”ti pucchite sādharmaṇamahānidānavissajjanaṃ ayuttaṃ viyāti? Nāyuttaṃ, sabbesaṃ sikkhāpadānaṃ pāṭekkaṃ nidānassa puṭṭhattā tassa vissajjetabbattā ca sabbasādharmaṇamahānidānaṃ paṭhamamāha. Ekantena pucchāvissajjanakkamena pārājikādīni saṅgahaṃ āropitāni. Kathaṃ āropitānīti ce? Āyasmatā mahākassapena anukkamena sabbopi vinayo pucchito, puṭṭhena ca āyasmatā upālittherena yathāsambhavaṃ nirantaram vissajjītameva. Apucchitānīpi vinītavatthu-ādīni yujjamānāni vatthūni antokatvā vissajjanakkameneva gaṇasajjhāyamakaṃsūti veditabbaṃ. Aññathā verañjakaṇḍam paṭhamapārājikasseva nidānanti vā anadhikārikam vā nippayojanaṃ vā pāṭekkaṃ sikkhāpadanidānapucchānantaram tadeva vissajjetabbanti vā āpajjati, tasmā ādito pabhuti vinayanidānaṃ dassetuṃ “**tena samayenā**”ti-ādi āradham.

Idāni nidānabhaṇane payojanaṃ vakkhāma—vinayassa āṇādesanattā bhagavato tāva āṇārahabhāvadīpanam, āṇābhūtaṃ ca vinayassa anaññavisayabhāvadīpanam, āṇāya ṭhitānaṃ sāvakaṇam mahānubhāvadīpanaṅcāti tividhamassa payojanaṃ. Kathaṃ? Āṇāsāsanāraho hi bhagavā pahīnakilesattā, adhigataguṇavisesattā, lokajetṭhasetṭhattā, tādibhāvappattattā ca, arasarūpatādīhi aṭṭhahi akkosavatthūhi akampanato bhagavato tādibhāvappatti veditabbā, aṭṭhannampi tesaṃ akkosavatthūnaṃ attani sambhavapariyāyadīpanapāḷiyā pahīnakilesatā

veditabbā. Catunnaṃ jhānānaṃ tissannañca vijjānaṃ adhigamaparidīpanena adhigataguṇavisesatā veditabbā, “nāhaṃ taṃ brāhmaṇa passāmi sadevake -pa- muddhāpi tassa vipateyyā”ti ca “jetṭho seṭṭho lokassā”ti ca vacanena jetṭhaseṭṭhatā veditabbā, idañca bhagavato āṇārahabhāvādīpanappayojanāṃ. “Āgamehi tvaṃ sārīputta, āgamehi tvaṃ sārīputta, tathāgatova tatha kālaṃ jānissatī”ti vacanaṃ anaññavisayabhāvādīpanāṃ. “Sādhāhaṃ bhante pathaviṃ parivatteyyan”ti ca “ekāhaṃ bhante paṇiṃ abhinimminissāmi”ti ca “sādhu bhante sabbo bhikkhusaṅgho uttarakuruṃ piṇḍāya gaccheyyā”ti ca imehi therassa tīhi sīhanādehi āṇāya ṭhitānaṃ sāvakanāṃ mahānubhāvātādīpanāṃ veditabbāṃ. Sāvattiyādīsū avihāritvā kimatthaṃ bhagavā verañjāyameva tadā vihāsīti ce? Naḷeruyakkhassa pītisañjananattāṃ, bhikkhusaṅghassa bhikkhāvasena akilamanattāṃ, verañjabrahmaṇassa pasādasañjananattāṃ, mahāmoggallānatherassa ānubhāvādīpanaṭṭhānabhūtattā, sārīputtattherassa vinayapaññattiyācanahetubhūtaparivitakkanaṭṭhānabhūtattā ca. Tesu pacchimaṃ balavakāraṇaṃ, tena vuttaṃ aṭṭhakathāyaṃ “tena samayenāti yena kālena āyasmato -pa- tena kālenā”ti. Purimesu catūsū asaṅghakāraṇesu¹ paṭhamena bhagavā mettābhāvanādīnā amanussānaṃ cittasaṃrakkhaṇena bhikkhūnaṃ ādaraṃ janeti. Dutiyena parisāvācarena bhikkhunā evaṃ parisā saṅghetabbā, evaṃ appicchena santuṭṭhena ca bhavitabbanti vā dasseti. Tatiyena paccaye nirapekkhena kulānuggaho kātabboti. Catutthena evaṃ mahānubhāvenāpi paccayatthaṃ na loluppaṃ kātabbaṃ, kevalaṃ paradattupajīvinā bhavitabbanti dasseti. “Tenāti-ādīpāṭṭhassa -pa- vinayassatthavaṇṇanaṃ”ti vacanato añño tenāti-ādīpāṭṭho, añño vinayo āpajjati.

“Tenāti-ādīpāṭṭhamhā, ko añño vinayo idha.

Tassatthaṃ² dassayantova, kare vinayaṇṇanaṃ”ti—

ce? Nanu vuttaṃ pubbeva “idaṃ hi buddhassa bhagavato attapaccakkhavacanaṃ na hotī”ti-ādi, tasmā upālīttherena vuttassa tenāti-ādīpāṭṭhassa atthaṃ nānappakārato dassayanto karissāmi vinayassa bhagavato attapaccakkhavacanabhūtassa atthavaṇṇananti evamettha attho daṭṭhabbo. Yadi evaṃ

1. Ānubhāvasaṅghakāraṇesu (Ka)

2. Yassatthaṃ (Ka)

“tena samayena buddho bhagavā verañjāyaṃ viharatīti evamādivacanapaṭimaṇḍitanidānaṃ vinayapiṭakaṃ kena dhāritan”ti-ādivacanaṃ virujjhati “tena samayenā”ti-ādivacanassa vinayapiṭakapariyāpanabhāvadīpanatoti ce? Na, aññatthe pi tabbohārasiddhito “nānāvidhabhittikammaṭimaṇḍitavasano puriso”ti-ādīsu viya. Vinayassādibhāvena saṅgītikārakehi anuññātattā vinayapariyāpanatāpi yujjati tassa vacanassa. Etthāha—yathā suttante “ekaṃ samayan”ti ca, abhidhamme ca “yasmim̐ samaye”ti aniyamato vuttaṃ, tathā avatvā idha “tena samayenā”ti paṭhamaṃ taṃniddesova kasmā vuttoti? Vuccate—tassa tassa sikkhāpadapaññattisamayassa, yassa vā sikkhāpadapaññattihetubhūtaṃ samayassa hetu bhagavā tattha tattha vihāsi, tassa ca samayassa atītaṃ tesāṃ saṅgītikārakānaṃ vasīnaṃ suviditattā. Kathaṃ? “Ye te bhikkhū appicchā te ujjhāyanti”ti-ādivacanato, “atha kho te bhikkhū bhagavato etamatthaṃ ārocesun”ti ca “atha kho bhagavā etasmim̐ nidāne sannipātāpetvā”ti ca “bhikkhūnaṃ tadanucchavikaṃ tadanu -pa- dasa atthavase paṭicca saṅghasutthutāyā”ti ca “evañca pana bhikkhave imaṃ sikkhāpadaṃ uddiseyyāthā”ti ca khandhakesu ca “anujānāmi bhikkhave tīhi saraṇagamaṇehi pabbajjan”ti-ādivinayakkamassa vacanato yo so sikkhāpadapaññattisamayo, tassa tassa vinayakkamassa so paññattisamayo ca suvidito tesāṃ pañcasatānaṃ dhammadharānaṃ bhikkhūnaṃ, nāyaṃ nayo suttantābhidhammesu sambhavati. Tasmā suviditattā tena samayena hetubhūtena viharatīti viharatīpadena ekasambandhattā ca paṭhamaṃ yaṃniddesādino asambhavato ca vinayapiṭake taṃniddesova paṭhamaṃ vutto. Kathaṃ? Ettha “yena kho pana samayena vesāliyaṃ avidūre kalandagāmo nāma hotī”ti vā “yena kho pana samayena vesālī -pa- hotī”ti vā asambhavato yaṃniddesena avatvā taṃniddesasseva sambhavato **“tena kho pana samayena -pa- kalandagāmo nāma hotī”**ti vuttanti, kevalaṃ suviditattā vā. **Aniyamaniddesavacananti** ettha kiñcāpi yathāvuttanayena niyamaniddesavacanamevetaṃ taṃniddesattā, tathāpi sampatikālavasena taditaresāṃ bhikkhūnaṃ aviditattā “aniyamaniddesavacanan”ti vuttaṃ. Yaṃ pana vuttaṃ “ayañhi sabbasmim̐pi vinaye yuttīti, taṃ tabbahulena vuttanti veditabbaṃ.

Yadi sabbaṃ tenāti aniyamaniddesavacanaṃ bhaveyya, tena hi bhikkhave bhikkhūnaṃ sikkhāpadanti ettha idampi pubbe siddhatthaṃ tenāti padaṃ aniyamaniddesavacanaṃ bhaveyya. “Tena samayena buddho bhagavā uruvelāyaṃ viharatī”ti-ādīsu vuttaṃ tenāti padañca aniyamaniddesavacanaṃ bhaveyya, na ca hoti, tasmā yesaṃ tena taṃnidhesena niddiṭṭhattho avidito, tesāṃ vasenāha “aniyamaniddesavacanametan”ti. Atha vā tato paṭhamāṃ tadatthādassanato pacchāpi taṃsambandhena yaṃnidhesadassanato ca “aniyamaniddesavacanametan”ti vuttaṃ. Atha vā pubbaṅghādīsu ayaṃ nāmāti aniyamtvā kālaparidīpanassa samayasaddassa upapadabhāvenapi evaṃ vattumarahati “yadidaṃ aniyamaniddesavacanaṃ”ti. Atha vā “tenā”ti vutte tena ghaṭena paṭenāti sabbatthappasaṅganivāraṇatthaṃ niyamaṃ karoti “samayenā”ti. Kena pana samayena? Parabhāge atthato siddhena sārīputtassa parivittakassamayena. Etthāha—vittakassamayo ce idhāhippeto, “parato idha pana hetu-attho karaṇattho ca sambhavati. Yo hi so sikkhāpadapaññattissamayo sārīputtādīhipi dubbiññeyyo, tena samayena hetubhūtena karaṇabhūtena cā”ti-ādivacanaṃ virujjhatīti? Na, bāhullena vuttattā. Suttantābhidhammesu viya avatvā idha vinayapiṭake karaṇavacanaṃ kasmā niddesoti hi codanā. Tasmā tassā vissajjane bāhullena karaṇavacanaṃ payojanaṃ vattukāmo ācariyo āha “yo so sikkhāpadapaññattissamayo”ti-ādi. Na sampati vuccamānasseva karaṇavacanaṃ payojanaṃ vattukāmo, imassa pana hetu-atthova sambhavati, na karaṇattho, tasmā āha “**aparabhāge atthato siddhenā**”ti-ādi. **Samayañcāti** āgamanapaccayasamavāyaṃ tadanurūpakālañca upādāyāti attho. Paccayasāmaggiñca āgamanakālañca labhitvā jānissāmāti adhippāyo.

Etthāha—yathā “ekova kho bhikkhave khaṇo samayo cā”ti ettha khaṇasamayānaṃ eko attho, tathā kālañca samayañca upādāyāti kālasamayānaṃ eko attho siyā, apica āgamanapaccayasamavāyo cettha samayo kālassāpi āgamanapaccayattā samayaggahaṇeneva so gahitoti visum kālo kimatthaṃ gahitoti ca? Vuccate—appeva nāma svepīti kālassa paṭhamāṃ niyamatattā na samayo

kālattho. Tasmim̄ sveti niyamitakāle itaresam̄ āgamanapaccayānam̄ samavāyam̄ paṭicca upasaṅkameyyāma yathāniyamitakālepi pubbaṅhādippabhedam̄ yathāvuttasamavāyānurūpaṃ kālāṅca upādāyāti sveti paricchinnadivase pubbaṅhādikālaniyatabhāvam̄ dasseti, tasmā kālasamayānam̄ na ekatthattā kālassa visum̄ gahaṅampi sātthakanti veditabbam̄. Yasmā khaṇe khaṇe tvaṃ bhikkhu jāyasi ca jīyasi ca mīyasi ceti bhikkhuniyā santike abhikkhaṇam̄ gacchatī¹ ca khaṇe khaṇe bhāsati satthusāsananti ca khaṇasaddo anekattho, tathā समयasaddo ca, tasmā ekamekena niyamento “**ekova kho bhikkhave khaṇo ca samayo cā**”ti āha. Khaṇasamayānam̄ attho ekattho yujjati khaṇo okāsalābho, aṭṭhakkhaṇavajjito navamo khaṇoti attho. Attano attano ucchedādayo diṭṭhigatasāṅkhāte samaye ettha pavadantīti **samayappavāḍako**. Sveva tindukācīrasaṅkhātāya timbarurukkhapantiyā parikkhattattā **tindukācīram̄**. **Ekasālaketi** eko sālarukkho. “Kuṭikā”tipi vadanti. **Atthābhisamayāti** attano hitapaṭilābhā. **Dhīroti** ca **paṇḍito** vuccati, nāñño. **Sammā mānābhisamayāti** suṭṭhu mānassa pahānena, samucchadavasena suṭṭhu mānappahānenāti attho. **Dukkhassa pīḷanaṭṭhoti**-ādīsu “catunnam̄ saccānam̄ catūhi ākārehi paṭivedho”ti-ādīsu khandhapañcakasaṅkhātassa dukkhassa dukkhākāratāyaṭṭho. **Saṅkhataṭṭho** kāraṇuppatti-attho, dukkhāya vedanāya **santāpaṭṭho**. Sukhāya vedanāya **vipariṇāmaṭṭho**. Pīḷanaṭṭhādikova **abhisamayāṭṭhoti** attho daṭṭhabbo. **Gabbhokkantisamayoti**-ādīsupi pathavīkampana-ālokapātubhāvādīhi devamanussesu pākaṭo. **Dukkarakārikasamayopi** kāḷo samaṇo gotamo na kāḷoti-ādīnā pākaṭo. Sattasattāhāni ca aññāni ca **diṭṭhadhammasukhavihārasamayo**.

Accantameva taṃ samayanti ārambhato paṭṭhāya yāva pattasanniṭṭhānā, tāva accantasampayogena tasmim̄ samaye. **Karuṇāvihārena vihāsīti** karuṇākiccavihārena tasmim̄ samaye vihāsīti attho. Taṃ samayañhi karuṇākiccasamayam̄. Ñāṇakiccam̄ karuṇākiccanti dve bhagavato kiccāni, abhisambhodhi **ñāṇakiccam̄**, mahākaruṇāsamāpattim̄ samāpajjitvā

veneyyasattāvalokanaṃ katvā tadanurūpakaraṇaṃ **karuṇākiccaṃ**.

“Sannipatikānaṃ vo bhikkhave dvayaṃ karaṇīyaṃ”¹ ti hi vuttaṃ, taṃ bhagavāpi karotiyeva. Atha vā āgantukehi bhikkhūhi ādisamayogaṇca. Tattha karuṇākiccaṃ vihāraṃ dassento “karuṇāvihārena vihāsī”² ti āha.

Adhikaraṇaṇhi kālatthoti ettha **hi**-kāro kāraṇattho. Tattha hi abhidhamme kālasamūhakkhaṇasamavāyahetusāṅkhātavasena pañcavidho samayaṭṭho daṭṭhabbo. Kālasamūhaṭṭho samayo kathaṃ adhikaraṇaṃ hoti?

Adhikaraṇamuppattiṭṭhānaṃ pubbaṇhe jātoti yathā, evaṃ kālaṭṭho samayasaddo daṭṭhabbo. Kathaṃ rāsaṭṭho? Yavarāsīmhi jātoti yathā. Tasmā yasmiṃ kāle puñje vā cittaṃ samuppannaṃ, tasmīṃ kāle puñje vā phassādayo uppajjantīti vuttaṃ hoti. **Adhikaraṇaṇhīti** ettha abhidhamme niddiṭṭhaṃ adhikaraṇaṃ kālaṭṭho samūhaṭṭho ca hoti, “yasmiṃ samaye”³ ti vuttaṃ adhikaraṇaṃ sandhāya vuttanti daṭṭhabbaṃ. Idāni

bhāvenabhāvalakkhaṇaṇca dassento “**tattha vuttānaṃ**”⁴ iccādimāha. Tattha abhidhamme vuttānaṃ bhāvo nāma kinti? Uppatti vijjamaṇatā, sā tesāṃ tattha vuttānaṃ phassādiddhammaṇaṃ, sā pana samayassa bhāvena bhāvo lakkhīyati ñāyati, tasmā tattha bhummacananiddeso katoti vuttaṃ hoti.

Tattha **khaṇo** nāma aṭṭhakkhaṇavinimutto navamo khaṇo, tasmīṃ sati uppajjati. **Samavāyo** nāma cakkhundriyādikāraṇasāmaggi², tasmīṃ sati uppajjati. **Hetu** nāma rūpādi-ārammaṇaṃ. Tasmā tasmīṃ khaṇakāraṇasamavāyahetumhi sati tesāṃ phassādīnaṃ bhāvo vijjamaṇatā hotīti vuttaṃ hoti. **Idha pana hetu-attho karaṇattho ca sambhavatīti** ettha atthadvayamekassa sambhavatīti idha vinaye vuttassa samayasaddassa kattukaraṇatthe tatiyā hetumhi ca ityuttatā. **So dubbhiṇṇeyyoti** “tathāgatova tattha kālaṃ jānissatī”³ ti vuttatāti vuttaṃ hoti. Tena samayenāti tassa samayassa kāraṇā “annaṃ vasatī vijjāya vasatī”⁴ ti yathā annaṃ vā vijjāṃ vā labhāmīti tadatthaṃ vasatīyatho. Evaṃ “tena samayena viharatī”⁵ ti vutte hetvatthe tatiyā daṭṭhabbā, tasmā sikkhāpadapaññattiyā samayaṇca vītikkamaṇca olokayamāno tattha tattha vihāsīti vuttaṃ hoti.

Satisaddārādikādīsu “icchāmataṃ bhikkhave

1. Ma 1. 217; Khu 1. 89, 113 piṭṭhesu.

2. Tāni cakkhundriyādīni kāraṇaṃ (Ka)

addhamāsaṃ paṭisalliyitun”¹ti¹ evamādīsu daṭṭhabbā, tasmā dutiyā kāladdhāne accantasamyogeti dutiyātra sambhavati “māsamadhīte divasamadhīte”²ti yathā. Idha pana hetu-attho karaṇattho ca sambhavatīti ettha yassa karaṇavacanassa hetu-attho sambhavati, tena samayena hetubhūtena taṃ taṃ vatthuvītikkamasasaṅkhātāṃ vītikkamasamayasaṅkhātāṃ vā sikkhāpadapaññattihetuṅca apekkhamāno bhagavā tattha tattha vihāsi. Yassa karaṇattho sambhavati, tena karaṇabhūtena samayena sampattena sikkhāpadāni paññāpayanto bhagavā tattha tattha vihāsīti adhippāyo.

Gaṇṭhipade pana “sudinnādīnaṃ vītikkamova kāraṇaṃ nāma, tassa niyamabhūto kālo pana karaṇameva taṃ kālaṃ anatikkamitvāva sikkhāpadassa paññāpetabbatā”³ti vuttaṃ, taṃ niddosaṃ. Yaṃ pana vuttaṃ “idaṃ karaṇaṃ pubbabhāgattā paṭhamāṃ vattabbampi pacchā vuttan”⁴ti, taṃ duvuttaṃ. Hetu-atthato hi yathā pacchā karaṇattho yojyamāno anukkameneva yogāṃ gacchati, tathā ca yojito. Yaṃ pana aṭṭhakathācariyo pacchā vuttaṃ idaṃ karaṇattham paṭhamāṃ yojetvā paṭhamāṃ vuttaṃ hetu-attham pacchā yojesi, taṃ yojanāsukhattāti veditabbanti **ācariyena** likhitaṃ. Ito paṭṭhāya yattha yattha “ācariyena likhitan”⁵ti vā “ācariyassa takko”⁶ti vā vuccati, tattha tattha ācariyo nāma **ānandācariyo** kalasapuravāsīti gahetabbo. Etthāha—yathā suttante “ekaṃ samayaṃ bhagavā”⁷ti vuccati tathā “tena samayena bhagavā verañjāyan”⁸ti vattabbaṃ, atha savevacanaṃ vattukāmo thero, tathāgato sugatoti-ādīnipi vattabbāni, atha imasseva padadvayassa gahaṇe kiñci payojanaṃ atthi, taṃ vatabbanti? Vuccate—kesaṅci buddhassa bhagavato paramagambhīraṃ ajjhāsayakkamaṃ ajānataṃ “apaññatte sikkhāpade anādīnavadasso -pa- abhiviññāpesī”⁹ti-ādikaṃ² “atha kho bhagavā āyasmantaṃ suddinnaṃ paṭipucchī”¹⁰ti-ādikaṅca³ “sādiyi tvaṃ bhikkhūti. Nāhaṃ bhagavā sādiyīn”¹¹ti-ādikaṅca⁴ tathā purāṇavohārikaṃ bhikkhuṃ pucchitvā tena vuttaparicchena dutyapārājīkapaññāpanaṅca devadattassa pabbajjānujānanaṅcāti evamādikaṃ vinayapariyattim disvā buddhasubuddhataṃ paṭicca saṅkā sambhaveyya, “tathā kiṃ pana tuyhaṃ chavassa

1. Vi 1. 86 piṭṭhe.

2. Vi 1. 21 piṭṭhe.

3. Vi 1. 23 piṭṭhe.

4. Vi 1. 45 piṭṭhe.

kheḷāsakassā”ti¹ evamādikaṃ pharusavacanapaṭisaṃyuttaṃ
vinayapariyattim nissāya khīṇāsavattaṃ paṭicca saṅkā sambhaveyya,
tadubhayasaṅkāvinodanattamaṃ āyasmataṃ upālittherena idameva
padadvayaggahaṇaṃ sabbattha katanti veditabbaṃ. Tenetaṃ dīpeti—kāmaṃ
sabbañeyyabuddhattā buddhoyeva, bhaggasabbadosattā bhagavāva, so
sattāhi. Paratopi vuttaṃ “jānantāpi tathāgatā pucchanti -pa- anattasamhite
setughāto tathāgatānaṃ”ti². Suttante ca vuttaṃ “saṅhenapi kesi vinemi
pharusenapī”ti-ādi³.

Asādhāraṇahetumhīti ettha kusalamūlāni na akusalam kadāci mūlāni
honti, tathā akusalamūlāni kusalānaṃ, abyākatamūlāni na kadāci kusalānanti
ayameva nayo labbhati, yasmā kusalā hetū taṃsamuṭṭhānānaṃ rūpānaṃ
hetupaccayena paccayo⁴, tasmā kusalāni kusalānaṃyevāti-ādinayo na
labbhati. Puci vuccate kuṭṭhā, te mandayati nāsayatīti **pucimando**. **Sattānaṃ**
hitasukhanipphādanādhimuttatanti ettha sāmāññato vuttasatte dvidhā
bhinditvā dassetuṃ “**manussānaṃ upakārabahulatan**”ti-ādi vuttaṃ.
Bahujanahitāyāti bahuno janassa hitatthāya. Paññāsampattiyā
diṭṭhadhammikasamparāyikahitūpadesako hi bhagavā. **Sukhāyāti**
sukhatthāya. Cāgasampattiyā upakārasukhasampadāyako hi esa.
Mettākaraṇāsampattiyā lokānukampāya mātāpitaro viya. Lokassa
rakkhitagopitā hi esa. **Devamanussānanti** ettha bhabbapuggale
veneyyasattheyeva gahetvā tesam nibbānamaggaphalādhigamāya attano
uppattim dasseti. “Atthāyā”ti hi vutte paramatthatthāya nibbānāya, “hitāyā”ti
vutte taṃsampaṅkamaṃmaggaṭṭhāyāti vuttaṃ hoti, maggato uttari hitaṃ nāma
natthīti. **Sukhāyāti** phalasamāpattisukhatthāya tato uttari sukhābhāvato.
Diṭṭhisīlasaṅghātenāti ettha samādhim paññañca aggahetvā
diṭṭhisīlamattaggahaṇaṃ sabbasekkhāsekkhasāmaññattā. **Kosambakasuttepi**⁵
“sīlasāmaññagato viharati, diṭṭhisāmaññagato viharatī”ti vuttaṃ.
Diṭṭhiggahaṇena paññāpi gahitāti ce? Na, sotāpannādinampi paññāya
paripūrakāribhāvappasaṅgato, tasmā ekalakkhaṇānampi tāsam
paññādiṭṭhīnaṃ avatthantarabhedo atthi
dhitisamādhindriyasammāsamādhīnaṃ

1. Vi 4. 347 piṭṭhe.

2. Vi 1. 7 piṭṭhe.

3. Am 1. 427 piṭṭhe.

4. Abhi 8. 132 piṭṭhe.

5. Ma 1. 397 piṭṭhe.

viya. **Aññāsīti** ettha sotadvārānusāreṇa ñātā, atthā sutāti hi vuccanti “sutametaṃ bho gotama pāpakā samācārā dissanti ceva suyanti cā”¹ti-ādīsu viya. “Bhikkhu kho upāli saṅghaṃ bhindatī”¹ti-ādīsu¹ viya **avadhāraṇatthe** vā. Verañjāyaṃ **bhavo** vijjamāno. **Itthambhūtassa** evaṃ bhūtassa. Kathaṃ bhūtassa? Sakyaputtassa sakyakuḷā pabbajitassa, evaṃ hutvā ʘhitassa kittisaddo abbhuggatoti abhisaddena yoge upayogavacanāni hontīti attho.

Kāmupādānapaccayā eva mettaṃ bhāveti, brahmaloke nibbattatīti iminā kāmupādānahetu kammaṃ katvā kāmabhāve eva nibbattatītivādīnaṃ vādo paṭikkhittoti vadanti, “brahmaloke paṇitā kāmā”²ti sutvā, kappetvā vā pacchā “tattha sampattiṃ anubhavissāmī”²ti kāmupādānapaccayā tadupagaṃ karotīti brahmalokepi kāmāniyaṭṭhena kāmā, “tadāraṃmaṇattā taṇhā kāmupādānanti vuttā”²ti ca vadanti, vīmaṃsitabbaṃ. Kammaṃca cakkhussa janakakāraṇaṃ, kammaṃ mūlakāraṇaṃ taṇhā, tasmā na mūlakāraṇaṃ hoti janakaṃ. Rūpataṇhādayo dukkhasaccaṃ khandhāpariyāpannattā, “yampicchaṃ na labhati, tampi dukkhaṃ”²ti² vacanato ca. **Tassa mūlakāraṇabhāvena samuṭṭhāpikāti**³ tassa kāraṇabhūtassa imassa khandhapañcakassa samuṭṭhāpikāti yojetabbaṃ. “Āsavaśamudayā avijjāśamudayo”⁴ti⁴ vacanato tassa eva kāraṇantipi vattuṃ vaṭṭati. Apica “rūpādi viya taṇhāpi taṇhāya uppattippahānaṭṭhānaṃ”⁵ti vacanato rūpādi viya taṇhāpi dukkhasaccaṃ kataṃ. Vuttañhettaṃ “rūpataṇhā loke piyarūpaṃ sātārūpaṃ, etthesā taṇhā uppajjamānā uppajjati”⁵ti⁵ ca “etthesā taṇhā pahīyamānā pahīyati”⁶ti⁶ ca. **Visuddhimagge** “sabbākāreṇa pana upādānakkhandhapañcakaṃ dukkhañceva ariyasaccañca aññatra taṇhāyā”⁷ti vacanato idha rūpataṇhādayo dukkhasaccanti vacanaṃ virujjhatīti ce? Na, aññamaññāsaṅkarabhāvena dassetuṃ tattha tattha vuttattā. Yadi taṇhā upādānakkhandhāpariyāpannā na bhāveyya, **saccavibhaṅge** “tattha katame saṅkhittena pañcupādānakkhandhā dukkhā. Seyyathidaṃ

1. Vi 4. 368 piṭṭhe.

2. Dī 2. 243; Ma 1. 84; Abhi 2. 104 piṭṭhesu.

3. Taṃsamuṭṭhāpikāti (Chaṭṭha-Ṭṭha)

4. Ma 1. 67 piṭṭhe.

5. Dī 2. 247; Abhi 2. 108 piṭṭhesu.

6. Dī 2. 249; Ma 1. 87 piṭṭhādīsu.

7. Abhi 2. 106 piṭṭhe.

rūpupādānakkhandho -pa- viññāṇupādānakkhandho”ti ettha “ṭhapetvā taṇham saṅkhārupādānakkhandho”ti vattabbaṃ bhaveyya, na ca vuttaṃ, tasmā dukkhasaccapariyāpannā taṇhāti ce? Na, hetuphalasaṅkaradosappasaṅgato. Na saṅkaradosoti ce? Saccavibhaṅgapāḷiyaṅhi pañcahi koṭṭhāsehi samudayasaccaṃ niddiṭṭham.

Katham? Taṇhāti eko vāro, taṇhā ca avasesā ca kilesāti dutiyo, taṇhā ca avasesā ca kilesā avasesā ca akusalā dhammāti tatiyo, taṇhā ca avaseso ca kilesā avasesā ca akusalā dhammā tīṇi ca kusalamūlāni sāsavānīti catuttho, taṇhā ca avasesā ca kilesā avasesā ca akusalā dhammā tīṇi ca kusalamūlāni sāsavāni avasesā ca sāsavā kusalā dhammāti pañcamo vāroti. Āma niddiṭṭham, tathāpi abhidhammabhājanīyeyeva, na aññasmim, so ca nayo ariyasaccaniddese na labbhati. Tathā hi tattha “cattāri saccāni”ccevāha, suttantabhājanīyapañhapucchakesu viya “cattāri ariyasaccāni”ti na vuttaṃ, tasmā suttantabhājanīyova pamāṇaṃ tattha ca taṇhāya vuttattā. Yathāha “tattha katamaṃ dukkhasamudayaṃ ariyasaccaṃ, yāyaṃ taṇhā ponobhavikā -pa-. Seyyathidaṃ, kāmataṇhā”ti-ādi¹. “Yadaniccaṃ taṃ dukkhaṃ”ti² iminā pariyāyena vuttattā tattha vuttampi pamāṇameva. “Paṭhamaṃ jhānaṃ upasampajja viharati pathavīkasiṇaṃ”ti³ vacanato “kasiṇāni”ti jhānāni vuttāni. Keci “uggahanimittapaṭibhāganimitte sandhāya vuttan”ti vadanti, taṃ na sundaraṃ. “Dvattimsākārāpi paṇṇattim vijjajetvā paṭikūlāti sati paṭṭhapetabbā”ti vacanato satigocarā rūpādayo ca veditabbā.

Saddhāhirottappabāhusaccavīriyārambhopaṭṭhitasatisampajaññatāti ime **satta saddhammā** nāma. **Sabhāvatoti** dukkhato. **Na cavatīti** deve sandhāya. **Ñāteyyanti** ñātabbaṃ. **Daṭṭheyyanti** daṭṭhabbaṃ. Atha vā pana “nāhaṃ gamanena lokassa antaṃ ñāteyyan”ti vadāmīti attho. **Lokanti** khandhalokaṃ. **Gamanena na pattabboti** sarīragamanena, agatigamanena vā na pattabbo, ariyagamanena lokantaṃ patvāva dukkhā atthi pamocananti vuttaṃ hoti. **Samitāvīti** samitakilesa. **Āhāraṭṭhitikāti** paccayaṭṭhitikā. Ye

1. Abhi 2. 106 piṭṭhe.

2. Saṃ 2. 19 piṭṭhe.

3. Abhi 1. 52 piṭṭhe.

keci paccayaṭṭhitikā, sabbe te lujjanapalujjanaṭṭhena eko lokoti adhippāyo. Saṅkhārā hi sakasakapaccayāyattatāya sattā visattā sattā nāma. **Pariharanti** paricaranti. **Disāti** upayogabahuvacanāṃ. **Bhanti** paṭibhanti. Ke te? Teyeva virocāmānā pabhassarā candimasūriyā. **Aṭṭha lokadhammā** saṅkhārāva. **“Sinerussa samantato”**ti vacanato yugandharādayo sineruṃ parikkhipitvā parimaṇḍalākārena ṭhitāti vadanti. Parikkhipitvā accuggato lokadhātu ayaṃ. **“Ma-kāro padasandhikaro”**ti vadanti. Aññathāpi lakkhaṇādibhedato saṅkhāralokaṃ, āsayānusayabhedato sattalokaṃ, cakkavāḷādiparimāṇato okāsalokaṃca sabbathāpi viditattā lokavidū.

Vimuttiñāṇadassanaṃ kāmāvacaraṃ parittaṃ lokiyaṃ, tena sabbam lokam katham abhivati? Asadisānubhāvattā sabbaññutaññāṇaṃ viya. Tañhi attano visaye bhagavato sabbaññutaññāṇagatikaṃ, lahutarappavatti ca bhavaṅgacittadvayānantaraṃ uppattito. Na kassaci evaṃlahutaraṃ cittaṃ uppajjati, api āyasmato sārīputtassa, tassa kiresa cittavāro pañcadasabhavaṅgānantaranti. **Aggisikhadhūmasikhā** ca nāgā kira sīhaḷadīpe. Atthassa dīpakaṃ padaṃ **atthapadaṃ**. Ekatthadīpakaṃ padaṃ, sabbametaṃ vākyanti attho. **Aṭṭha disā** nāma aṭṭha vimokkhā, samāpattiyo vā. Satthavāho satthāti nipātito yathā pisitāso pisāco. Udake maṇḍūko aham āsim, na thale maṇḍūko, vārimattameva gocaro, tassa me tava dhammaṃ suṇantassa sīsam daṇḍena sannirumbhitvāti pāṭhaseso. Anādaratthe vā sāmivacanāṃ. “Ettakenapi evarūpā iddhi bhavissatī”ti sitaṃ katvā. **Vimokkhoti** cettha maggo, tadanantarikaṃ **ñāṇaṃ** nāma phalaññāṇaṃ, tasmim khaṇe buddho nāma. **Sabbassa buddhattāti** kattari. **Bodhetāti** hetukattari. Setṭhatthadīpakaṃ vacanaṃ **setṭhaṃ** nāma, tathā **uttamaṃ**. **Sacchikāpaññattī**ti sabbadhammānaṃ sacchikaraṇavasena sayambhutā paññatti, attanā eva vā ñātā sacchikatātipi sacchikāpaññatti. **Bhagī** bhagavā cīvarapiṇḍapātādīnaṃ. **Bhajā** araññavanapatthāni pantāni senāsanāni. **Bhāgī** atthadhammavimuttirasassa. Rāgādikilesagaṇa**bhaggamakāsi**. **Bhāvitattano** bhāvitakāyo. Bhavassa antaṃ nibbānaṃ maggādhi gamena taṃ gatoti **bhavantago**.

“Lobham bhikkhave ekaṃ dhammaṃ pajahathā”ti-ādinā¹ nayena ekakādivasenāgate gahetvā vadati.

Samkilesataṇhādiṭṭhiduccaritasamkilesavasena aniccadukkha-anattāsubhesu niccanti-ādivipariyesā. Cīvarahetu vā bhikkhave bhikkhuno taṇhā uppajjamānā uppajjati, piṇḍapātasenāsana-itibhavābhavaahetu vā². **Cetokhilā** satthari kaṅkhati, dhamme, saṅghe, sikkhāya, sabrahmacārīsu kupitoti³ āgatā **pañca**. Kāme avītarāgo hoti -pa- kāye, rūpe, yāvadattham udarāvadehakaṃ bhuñjitvā, aññataram devanikāyam paṇidhāya brahmacariyam caratīti⁴ āgatā **pañca vinibandhā**. Vivādamūlāni kodho upanāho makkho paḷāso issā macchariyam māyā sāṭheyyam thambho sārambho sandiṭṭhiparāmāsītā ādhānaggāhī duppaṭinissaggitā⁵. **Vibhaṅge** pana “kodho makkho issā sāṭheyyam pāpicchatā sandiṭṭhiparāmāsītā”ti⁶ āgataṃ. Taṇham paṭicca pariyesanā, pariyesanam paṭicca lābho, lābham paṭicca vinicchayo, evam chandarāgo, ajjhosānam, pariggaho, macchariyam, ārakkho, ārakkhādhikaraṇam, daṇḍādānasatthādāna -pa- akusalā dhammā sambhavanti⁷ vuttānam. Rūpasaddagandharasaphoṭṭhabbadhammataṇhāti cha, tā kāmabhavavibhavataṇhāvaseneva aṭṭhārasa, tā eva ajjhaticassupādāya aṭṭhārasa, bāhirassupādāya aṭṭhārasāti chattimsa, tā atīte chattimsa, anāgate chattimsa, paccuppanne chattim sāti evam **aṭṭhasatataṇhāvīcaritānī**ti. Māretīti māro, pamādo “pamādo maccuno padan”ti⁸ vacanato. Sammā-ājīvināsanato vā kilesā vuccanti “māro”ti, vadhakūpamattā khandhāva mārā. Abhisankhārā jātīdukkhābhiniḥbattāpanato, jātassa jarādisambhavato ca mārā. Ekabhavapariyāpanajīvitamāraṇato maccu māro. **Aṇimatā** nāma paramāṇu viya adassanūpagamanam. **Laghimatā** sarīrena, cittena vā sīghagamanam. **Mahimatā** candimasūriyādīnampi paṇinā parāmasanādi. **Patti** nāma yathicchitadesappatti. Pakāsanatā, lābhakassatthasādhanam vā **pākammam**. Īsattam nāma **sayamvasitā**. Vasittam nāma **aparavasitā**. **Yatthakāmāvasāyitam** nāma yatthicchati yadicchati yāvadicchati, tattha tāva tadatthasādhanam.

1. Khu 1. 195 piṭṭhe Itivuttake.

2. Am 1. 316 piṭṭhe.

3. Dī 3. 198; Abhi 2. 391 piṭṭhādīsu.

4. Dī 3. 198; Abhi 2. 392 piṭṭhesu.

5. Am 2. 294; Ma 3. 33; Dī 3. 204; Vi 4. 212 piṭṭhādīsu.

6. Abhi 2. 394 piṭṭhe.

7. Dī 2. 50; Dī 3. 253; Am 3. 201; Abhi 2. 404 piṭṭhesu.

8. Khu 1. 16 piṭṭhe Dhammapade.

Piḷanasañkhatasantāpavipariṇāmaṭṭhena vā dukkhamariyasaccanti-ādimhi idaṃ codanāpubbaṅgamaṃ atthavissajjanaṃ—dukkhādīnaṃ aññepi rūpaṇhādāyo atthā atthi, atha kasmā cattāro eva vuttāti ce? Aññasaccadassanavasena āvibhāvato.

“Tattha katamaṃ dukkhe ñāṇaṃ, dukkhaṃ ārabba yā uppajjati paññā”ti-ādināpi¹ nayena ekekasaccārammaṇavasenāpi saccañāṇaṃ vuttaṃ. “Yo bhikkhave dukkhaṃ passati, dukkhasamudayampi so passatī”ti-ādinā² nayena ekaṃ saccaṃ ārammaṇaṃ katvā sesesu kiccanipphattivāsenāpi vuttaṃ. Tattha yadā ekekaṃ saccaṃ ārammaṇaṃ karoti, tadā samudayadassanena tāva sabhāvato **pīḷanalakkhaṇassāpi** dukkhassa yasmā taṃ āyūhanalakkhaṇena samudayena āyūhitaṃ saṅkhataṃ, tasmāssa so **saṅkhataṭṭho** āvi bhavati. Yasmā pana maggo kilesasantāpaharo susītaḷo, tasmāssa maggadassanena **santāpaṭṭho** āvi bhavati nandassa accharādassanena sundariyā anabhirūpabhāvo viya. Avipariṇāmadhammassa pana nirodhassa dassanena tassa vipariṇāmaṭṭho āvi bhavatīti vattabbameva natthi. Sabhāvato **āyūhanalakkhaṇassāpi** samudayassa dukkhadassanena **nidānaṭṭho** āvi bhavati asappāyabhojanato uppanabyādhidassanena bhojanassa byādhinidānabhāvo viya. Visamyogabhūtaṃ nirodhassa dassanena **saṃyogaṭṭho**. Niyyānabhūtaṃ ca maggassa dassanena **palibodhaṭṭhoti**. Tathā nissaraṇassāpi nirodhassa avivekabhūtaṃ samudayassa dassanena **vivekaṭṭho** āvi bhavati. Maggadassanena **asaṅkhataṭṭho**. Iminā hi anamatagge saṃsāre maggo na diṭṭhapubbo, sopi ca sappaccayattā saṅkhato evāti appaccayadhammassa asaṅkhatabhāvo ativiya pākaṭo hoti. Dukkhadassanena panassa **amataṭṭho** āvi bhavati. Dukkhañhi viṣaṃ, amataṃ nibbānanti. Tathā **niyyānalakkhaṇassāpi** maggassa samudayadassanena “nāyaṃ hetu nibbānassa pattiyā, ayaṃ hetū”ti **hetvattho** āvi bhavati. Nirodhadassanena **dassanaṭṭho** paramasukhumarūpāni passato “vippasannaṃ vata me cakkhū”ti cakkhussa vippasannabhāvo viya. Dukkhadassanena **adhipateyyaṭṭho** anekarogāturakapaṇajanadassanena issarajanassa uḷārabhāvo viyāti evamettha lakkhaṇavasena, ekassa aññasaccadassanavasena ca itaresaṃ tiṇṇaṃ

1. Abhi 2. 341 piṭṭhe.

2. Saṃ 3. 382 piṭṭhe.

āvibhāvato ekekassa cattāro atthā vuttā. **Upadhiviveko** nikkilesatā.

Paṭipakkham atthayantīti **paccatthikā**. Pati viruddhā amittā **paccāmittā**. **Sacchikatvā Pavedetīti** ettāvata bhagavato sabbaññutam dīpeti. Tena ñāṇasampattim dīpetvā idāni karuṇāsampattim dīpetum “**so dhammam desesī**”ti-ādimāha. Atha vā kim so pavedesīti? Ñāṇam¹, tam sabbam tilokahitabhūtaeva. So dhammam desesīti kīdisam? “**Ādikalyāṇan**”ti-ādi. Anena vacanena vattum arahabhāvam dīpeti. **Sāsanadhammoti** ovādapariyatti. **Kiccasuddhiyāti** kilesappahānanibbānārammaṇakiccasuddhiyā. **Sāsanabrahmacariyam** nāma sikkhattayam, navakoṭisahasānīti-ādikam vā. Maggameva brahmacariyam **maggabrahmacariyam**. Tassa pakāsakam piṭakattayam idha **sāttam** **sabyañjanam** nāma. Chasu atthapadesu saṅkhepato kāsanaṃ **saṅkāsanaṃ**. Ādito kāsanaṃ **pakāsanaṃ**. Ubhayampi vitthāretvā desanaṃ **vivaraṇam**. Puna vibhāgakaṇaṃ **vibhajaṇam**. Opammādinā pakaṭakaraṇam **uttānikaṇaṃ**. Sotūnaṃ cittaparitosajananena, cittanisānena ca **paññāpanam** veditabbaṃ. Byañjanapadesu akkharaṇato **akkharam**, “ekakkharapadamakkharan”ti eke. Vibhatti-antaṃ **padam**. Byañjayatīti **byañjanam**, vākyam. Padasamudāyo vā vākyam. Vibhāgapakāso **ākāro** nāma. Phusatīti phassoti-ādi nibbacanaṃ **nirutti**, niruttīyā niddiṭṭhassa apadeso **niddeso** nāma. Phusatīti phasso, so tividho sukhavedanīyo dukkhavedanīyo adukkhamasukhavedanīyoti. Etesu ayaṃ yojanā— akkharehi saṅkāsayaṭi, padehi pakāsayaṭi, byañjanehi vivarati, ākārehi vibhajati, niruttīhi uttānim karoti, niddesehi paññāpeti. Akkharehi vā saṅkāsayaṭivā padehi pakāseti, byañjanehi vivarivā ākārehi vibhajati, niruttīhi uttānim katvā niddesehi paññāpeti. Akkharehi vā ugghāṭetvā padehi vineti ugghāṭitaññum, byañjanehi vivarivā ākārehi vineti vipaṇcītaññum, niruttīhi netvā niddesehi vineti neyyanti veditabbaṃ. **Atthoti** bhāsitattho. Tassevatthassa paṭivijjhitabbo sako sako bhāvo **paṭivedho** nāma. Tam ubhayampi attho nāma. Tena vuttam “**atthagambhīratāpaṭivedhagambhīratāhi sāttan**”ti. **Dhammoti** vā **desanāti** vā byañjanaeva. Niddosabhāvena parisuddham sāsanabrahmacariyam,

1. Ñātam (?)

sikkhattayapariggahito maggo ca, ubhayampi brahmacariyapadena saṅgahitaṃ. **Paṭipattiyā**ti paṭipattihetu. **Āgamabyattitoti** punappunam adhīyamānā khandhādayo pākaṭā honti. Duruttasatthāni adhīyamānāni sammohamevāvāhanti.

2-3. **Kacci khamanīyam** sītuṅhādi. **Kacci yāpanīyam** yathāladdhehi jīvitasādhanehi jīvitaṃ. **Appābādhanti** appopasaggaṃ, **appātaṅkanti** apparogaṃ. **Kacci lahuṭṭhānaṃ** sarīrakicce. **Kacci balaṃ** samaṇakicce. **Kacci phāsuvihāro** yathāvuttanayena appābādhatāya, anukkaṇṭhanādivasena vā. Sattasatṭhito paṭṭhāya **pacchimavayo**, uttarāmukhoti vuttaṃ hoti. Lokavivaraṇe jāte idha kiṃ olokesi, natthettha tayā sadisopīti āha “**tvam sadevakassa lokassa aggo**”ti-ādi. **Āsabhiṃ** uttamaṃ. **Upapattivāsena** devā. Rūpānaṃ paribhogavasena, patthanāvāsena vā uppannā rāgasampayuttā somanassa vedanānurūpato uppajjitvā hadayatappanato ambarasādayo viya “rūparasā”ti vuccanti. **Tathāgatassa pahīnā**ti adhikaravasenāha. Tathāgatassapi hi kassaci te pahīnāti matthakacchinnatālo viya katā. Kathaṃ? Rūparasādivacanena vipākadhammadhammā gahitā, te vijjamānāpi matthakasadisānaṃ taṅhāvijjānaṃ maggasatthena chinnatā āyatim tālāpantisadise vipākakkhandhe nibbattetuṃ asamatthā jātā. Tasmā tālāvatthu viya katā. “Kusalasomanassāpi ettha saṅgahitā”ti vadanti. Paṭhamamaggena pahīnā kammaṭṭhānīyā, dutiyena ucchinnamūlā oḷārikā, tatiyena tālāvatthukatā kāmarāgaṭṭhānīyā. Catutthena anabhāvaṃkatā rūparāgarūparāgaṭṭhānīyā. Aparihānadhammataṃ pana dīpento “**āyatim anuppādadhammā**”ti āha. Tadaṅgappahānena vā pahīnā vipassanākkhaṇe, jhānassa pubbhāgakkhaṇe vā, vikkhambhanappahānena ucchinnamūlā jhānakkhaṇe. “Vivicceva kāmehi”ti¹ hi vuttaṃ. Samucchedappahānena tālāvatthukatā tatiyavijjādhigamakkhaṇe. Itthambhūtā pana te rūparasādayo anabhāvaṃkatā āyatimanuppādadhammāti ekamevidam atthapadam. Paṭhamāya vā abhinibbhīdāya pahīnā, dutiyāya ucchinnamūlā, tatiyāya tālāvatthukatā. Itthambhūtā yasmā anabhāvaṃkatā nāma honti, tasmā āyatimanuppādadhammāti veditabbā. Atha vā dukkhañāṇena pahīnā, samudayañāṇena

ucchinnamūlā nirodhañāṇena tālavatthukatā, maggañāṇena anabhāvaṃkatā, paccavekkhaṇañāṇena āyatim̄ anuppādadhammāti veditabbā. Lokiyamaggena vā pahīnā, dassanamaggena ucchinnamūlā, tividhena bhāvanāmaggena tālavatthukatāti-ādi. Brāhmaṇassa avisayattā dhammarasā na uddhaṭā.

11. **Dhammadhātunti** ettha sabbaññutaññāṇaṃ dhammadhātu nāma. Anukampavacanānurūpaṃ “**puṇṇacando viyā**”ti vuttam̄, sūriyavacanāṃ “**suppaṭividdhattā**”ti vacanānurūpaṃ, pathavīsamacittatāya kāraṇaṃ “**karuṇāvippahāraṃ**”ti vadanti. Paṭicchādetabbe hi attano guṇe “āraddham̄ kho pana me vīriyan̄”ti-ādinā pakāseto attano karuṇāvippahāraṃ pakāsetīti gahetabbo. **Varabhūrimedhaso** varaputhulañāṇo, bhūrīti vā bhūmi, bhūmi viya patthaṭavarapaññoti attho. Abujjhi etthātipi adhikaraṇena **rukko bodhi**. Sayam̄ bujjhati, bujjhanti vā tena taṃsamaṅginoti **maggo bodhi**, evam̄ **sabbaññutaññāṇampi**. Bujjhīyatīti **nibbānaṃ bodhi**. Tissannaṃ vijjānaṃ upanissayavato yathāsambhavaṃ **tisso vijjā** veditabbā. Ekaggatāvasena **tikkabhāvo**. Tikkhopi ekacco saro lakkham̄ patvā kuṇṭho hoti, na tathā idaṃ. Satindriyavasenassa **kharabhāvo**, saddhindriyavasena **vippasannabhāvo**, antarā anosakkivā kilesapaccatthikānaṃ suṭṭhu abhibhavanato vīriyindriyavasenassa **sūrabhāvo** ca veditabbo. Maggavijāyanattham̄ gabbhaggahaṇakālo saṅkhārupekkhānantaramanulomattā.

Chandoti ca saṅkappoti ca avatthantarabhedabhinno rāgo—

“Senahātthyaṅgamupeti,
Rattahadayo rāgena.
Sammagate rattakāmamupeti,
Kāmapatitaṃ lokassa mātrālamatī”ti¹—

Ādisu viya—

Vibhaṅgeyeva kiñcāpi attho vuttoti ettha ayamadhippāyo—
vibhaṅgapāliṃ ānetvā idha vuttopi sabbesaṃ upakārāya na hoti, tasmā taṃ aṭṭhakathāyaneva pakāsayissāmīti. **Itoti kāmehi**.

1. Missā matīti (Ka)

Kāyavivekādīsu upadhiviveko tatiyo, tasmā tatiyaṃ chaḍḍetvā dve gahetvā tadaṅgādīsu vikkhambhanavivekaṃ gahetvā “**tayo evā**”ti vuttā. Evaṃ sati cittavikkhambhanā ekatthā evāti viseso na siyāti ce? Appanāvārattā na panevaṃ daṭṭhabbaṃ. Kāyavivekaggahaṇena pubbabhāgaggahaṇaṃ ñāyati, tasmā **cittavivekoti** tadaṅgaviveko vutto, vikkhambhanena appanākāleti gahetabbaṃ asaṅkarato. Atha vā cittavivekena tadaṅgavikkhambhanā gahitā, itarena vikkhambhanaviveko evātipi yuttaṃ, kilesakāmattā vā dvīsu kammesu pariyāpanno puriso viya. Yathā avijjamānena avijjamānapaññattivasena loke “saphalo rukkho”ti vuccati, tatheva vijjamānena vijjamāna paññattivasena sāsane “savitakkaṃ savicāraṃ jhānaṃ”ti vuccatīti adhippāyo.

Vūpasamāti ettha kesaṃ vūpasamāti, kiṃ paṭhamajjhānikānaṃ, udāhu dutiyajjhānikānanti? Ettha yadi paṭhamajjhānikānaṃ, natthi tesāṃ vūpasamo. Na hi paṭhamajjhānaṃ vitakkavicārahitaṃ atthi. Yadi dutiyajjhānikānaṃ, nattheva vūpasamo tattha tadabhāvāti ce? Tenetaṃ vuccati “**samatikkamā**”ti, samatikkamopi na tesāmyeva. Kintu sakalassapi paṭhamajjhānadhammarāsissāti ce? Tenetaṃ vuccati “**oḷārikassa pana samatikkamā**”ti-ādi. Sabbepi paṭhamajjhānadhammā oḷārikāva dutiyajjhānato, na kevalaṃ vitakkavicāradvayamevāti ce? Na vitakkavicārāyeva tehi sampayuttānaṃ oḷārikabhāvatoti tesveva ādīnavadassanena dutiyajjhānakkhaṇe tesāṃ abhāvo hoti. Tena vuttaṃ “**dutiyajjhānakkhaṇe apātubhāvā**”ti, yassa dhammassānubhāvena, yogena vā idaṃ jhānaṃ “**sampasādanan**”ti vuccati “**ekodibhāvan**”ti ca, tassa dassanattamaṃ saddhāsamādhayo **vibhaṅge** vuttā. **Paṇītabhojanasikkhāpade**¹ sappi-ādayo viyāti vutte ayaṃ atthavaṇṇanā na virujjhati. **Samaṃ passatīti** līnuddhaccaṃ pahāya khīṇāsavassa chasu dvāresu iṭṭhāniṭṭhachaḷārammaṇāpāthe parisuddhapakatibhāvāvijahanākārahūtā upekkhā **chaḷāṅgupekkhā**. Nīvaraṇādipaṭisāṅkhāsantiṭṭhanāgahaṇe majjhattabhūtā upekkhā, ayaṃ **saṅkhārupekkhā** nāma. Vicinane majjhattabhūtā upekkhā **vipassanupekkhā** nāma. Tattha chaḷāṅgupekkhā brahmavihārupekkhā bojjaṅgupekkhā tatra majjhattupekkhā jhānupekkhā

1. Vi 2. 119 piṭṭhe.

Pārisuddhupekkhā ca atthato ekā tatramajjhattupekkhāva, avatthābhedenā bhedo nesaṃ. Saṅkhārupekkhāvīpassanupekkhānampi ekatā paññāvasena, kiccavasena pana duvidhatā veditabbā.

Chaḷaṅgupekkhā kāmāvacarā, brahmavihārupekkhā rūpāvacarāti-ādinā bhūmivasena. Chaḷaṅgupekkhā khīṇāsavasseva, brahmavihārupekkhā tiṇṇampi puthujjanasekkhāsekkhānanti evaṃ puggalavasena. Chaḷaṅgupekkhā somanassupekkhāsahagatacittasampayuttā, brahmavihārupekkhā upekkhāsahagatacittasampayuttā evāti evaṃ cittavasena. Chaḷaṅgupekkhā chaḷārammaṇā, brahmavihārupekkhā dhammārammaṇāvāti ārammaṇavasena. Vedanupekkhā vedanākkhandhena saṅgahitā, itarā nava saṅkhārakkhandhenāti khandhasaṅgahavasena. Chaḷaṅgupekkhā brahmavihārabojjhaṅgajhānupekkhā pārisuddhitatramajjhattupekkhā ca atthato ekā, tasmā ekakkhaṇe ekāva siyā, na itarā, tathā saṅkhārupekkhāvīpassanupekkhāpi. Vedanāvīriyupekkhānaṃ ekakkhaṇe siyā uppattīti. Chaḷaṅgupekkhā abyākatā, brahmavihārupekkhā kusalābyākatā, tathā sesā. Vedanupekkhā pana siyā akusalāpi. Evaṃ kusalattikavasena. Dasapetā saṅkhepena cattārova dhammā vīriyavedanātatramajjhattañāvasena.

“Dukkhadomanassasukhasomanassānaṃ”ti-evaṃ pahānakkamena avatvā vibhaṅge vuttanayena kasmā vuttānīti ce? Suttānurakkhaṇattham.

Īṭṭhāniṭṭhaviparītanti ettha “ārammaṇavasena aggahetvā iṭṭhāniṭṭhaviparītākārena anubhavatīti gahetabban”ti vadanti. Kasmā? Ekaṃyeva kaṣiṇaṃ ārabha sabbesaṃ pavattito. Tatiyajjhānato paṭṭhāya upakārā hutvā āgatāti satisīsenā desanā katā, vīgatavalāhakādinā sommatāya rattiyā valāhakādinā kālussiye satipi divā viya anupakārikā na hoti rattim, tasmā “**attano upakārakattena vā**”ti vuttaṃ. “Sūriyappabhābhāvā, rattiyā alābhāti ime dve hetū aparisuddhatāya kāraṇaṃ. Sommabhāvena, attano upakārakattena cāti ime dve sabhāgatāya kāraṇaṃ”ti vadanti, tassā aparisuddhāya jātiyāti vuttaṃ hoti, tasmā kāraṇavacananti eke.

Jhānakathāvaṇṇanā niṭṭhitā.

Pubbenivāsakathāvaṇṇanā

12. Cittekaggatāsabhāgattā jhānānaṃ “**kesañci cittekaggatathānī**”ti āha. Kusalānaṃ bhavokkamanasabhāgattā “**kesañci bhavokkamanatthānī**”ti. Asabhāgattā sesaṭṭhānesu “pādakathānī”ti avatvā “**pādakānī**”ti āha. Tena pādakabhūtānampi yathāsambhavaṃ cittekaggatā bhavokkamanatāvahataṃ, itaresaṃ yathāsambhavaṃ pādakatāvahatañca dīpeti. Asabhāgattā javanavipassanāpādakāni samānāni abhiññāpādakāni ca honti, abhiññāpādakāni ca vipassanāpādakāni hontīpi¹ dīpeti, tathā pādakābhāvaṃ dīpehi. Abhiññāya hi catutthameva pādakaṃ, na itarāni. Tesu catutthassa tatiyaṃ pādakaṃ, tatiyassa dutiyaṃ, dutiyassa paṭhamanti. Atha vā “cattāri jhānāni”ti yathālābhato vuttaṃ.

Vinayanidānanimittaṃ, verañjanivāsakappanaṃ.

Satthu yasmā tasmā bhagavā, vijjattayamāha verañje.

Vuttañhetāṃ “vinaye suppaṭipanno bhikkhu sīlasampattiṃ nissāyā”ti-ādi². Sīlavato hi sīlapaccavekkhaṇattham rattiṭṭhānadivāṭhānesu nisinnassa nisajjanato paṭṭhāya attano atītakiriyānussaraṇabahulatāya pubbenivāsānussativijjā appakasirena samijjhati. Tathā attānaṃ paṭicca sattānaṃ cutipariggahaṇasīlatāya cutūpapātāñānaṃ appakasirena samijjhati, udakādīsu sukhumatta³ dassanasīlatāya dibbacakkhuñāṇaṃ samijjhati. Yasmā sattavidhamethuna saṃyogaparivajjanena, kāmāsavādiparivajjanena vā brahmacariyaṃ akhaṇḍādibhāvaṃ pāpuṇāti, tasmāssa āsavakkhayañāṇaṃ appakasirena samijjhatīti ettha vinayanidāne vijjattayameva dassitaṃ, tasmā āha “**yesañca guṇānaṃ dāyakaṃ ahoṣi, tesam ekadesam dassento**”ti, aññathā vijjattayapaṭilābhamattappasaṅgo siyāti.

So evanti iminā kiñcāpi catunnaṃ jhānānaṃ pubbhāgapaṭipadāpi saṅgahaṃ gacchati, na kevalaṃ purimajjhānattikameva, tathāpi kevalaṃ purimajjhānattikameva gaṇhanto “evanti catutthajjhānakkamanidassanametāṃ, iminā paṭhamajjhānādhiḡamādinā kamena⁴ catutthajjhānaṃ paṭilābhivāti vuttaṃ hotī”ti āha, taṃ

1. Na hontitipi (Ka)

2. Vi-Ṭṭha 1. 20 piṭṭhe.

3. Sukhumasatta (Ka)

4. Iminā kamena (Chaṭṭha-Ṭṭha) Visuddhi 2. 5 piṭṭhepi passitabbaṃ.

kasmāti ce? Sambhārabhūmittā. Vuttañhetam **atṭhakathāyam**¹”ettha ca purimāni tīṇi jhānāni yasmā pītipharaṇena ca sukhapharaṇena ca sukhasaññaṇca lahusaññaṇca okkamitvā lahumudukammaññakāyo hutvā iddhiṃ pāpuṇāti, tasmā iminā pariyāyena iddhilābhāya saṃvattanato sambhārabhūmiyoti veditabbāni. Catutthajjhānam pana iddhilābhāya pakatibhūmi evā”ti. Idameva vā attham sandhāyāha “pubbe imāni cattāri jhānāni kesañci abhiññāpādakānī”ti. Yadi evam catutthajjhānampi antokatvā evanti kimattham na vuttam. Tañhi pakatibhūmīti ce? Na vattabham, catutthajjhānato parassa samāhitādibhāvappattassa cittassa atthibhāvappasaṅgato. Yasmā yasmim sati “pubbenivāsānussatiññāyā cittaṃ abhininnāmesin”ti vuttam, tasmā tasmim catutthajjhānacitte pakatibhūmibhāvappatte abhiññāpādake jāte parikammacittam “pubbenivāsānussatiññāyā abhininnāmesin”ti āha. **Abhinīhārakkhamam hotīti** ettha tam iddhividhādhiḡamatthāyā parikammacittam abhinīharati. Kasiṇārammaṇato apanetvā iddhividhābhimukham pesesi. **Gaṇṭhipade** pana “abhiññāpādakajjhānato iddhividhāññādīnam nīharaṇatthan”ti vuttattā abhinīhārakkhamanti attho pakappito.

So evam samāhite evam āneñjappatteti yojanā veditabbā dutiyavikappe, **nīvaraṇadūrībhāvena vitakkādisamatikkamenāti** paṭhamajjhānādīnam kiccasaṅgaṇhanato. Ayam yojanā paṭhamavikappe na sambhavati “parisuddheti-ādīsu panā”ti vacanena “evan”ti padassa anuppabandhanivāraṇato. Teneva “upekkhāsatiḡarisuddhibhāvena parisuddhe”ti-ādīmāha. **Ichhāvacarānanti** “aho vatāham āpattiñceva āpanno assam, na ca mam bhikkhū jāneyyun”ti-ādīnā² nayena uppanna-icchāvasena pavattānam kopa-apaccayānam abhāvena anaṅgaṇeti attho. Ettha ca pana yathāvuttappakārā icchāpi paṭhamajjhānādīnam adhiḡamāyā antarāyikā “sampajānamusāvādo kho panāyasmanto antarāyiko dhammo”ti³ vuttattā, pageva icchāvacarā kopa-appayā, tasmā vuttam **“jhānapaṭilābhapaccanīkānam pāpakānam icchāvacarānan”**ti-ādi. Katthaci pana “jhānapaṭilābhapaccayānam icchāvacarānan”ti potthakesu pāṭho disati, so pamādalekho, **gaṇṭhipade** ca “aho vata satthā mamaññeva paṭipucchitvā dhammam

1. Visuddhi 2. 13 piṭṭhe. 2. Ma 1. 32 piṭṭhe atthato samānam. 3. Vi 3. 141 piṭṭhe.

deseyyā”ti yo tadattho likhito, so dullikhito. Na hi jhānapaṭilābhapaccayā kopādayo **anaṅgaṇasutte**¹ vuttā, “na ca yuttito sambhavanti jhānalābhino tadabhāvā”ti ācariyo vadati, taṃ vīmaṃsitabbaṃ. Ettha vijjattayassa uttaruttaravisesadassanatthaṃ “so evaṃ samāhite citte”ti-ādinā punappunaṃ aṭṭhaṅganidassanaṃ katanti veditabbaṃ. Uttaruttaravisesā cetāsā attadukkhaparadukkhadassanatadupasamattadīpanato veditabbā. Bhagavā hi pubbenivāsānussatiñāṇena attano anantasāmsārādukkhaṃ passivā, cutūpapātañāṇena parassa ca lokassa āsavakkhayañāṇena tadubhayavūpasamattañca passivā taṃ deseti, paṭhamena vā attadukkhadassanato attasinehapariccāgaṃ dīpeti. Dutiyena paradukkhadassanato paresu kopapariccāgaṃ, tatiyena ariyamaggadassanato mohapariccāgañca dīpeti. Evaṃ nānāguṇavisesadīpanato imasseva lokiyābhiññādvayassa idha gahaṇaṃ katanti veditabbaṃ.

Yasmā atītajāti eva nivāso, tasmā “atītajātīsu”ti na vattabbanti ce? Na, jātiyā ekadesepi nivāsavohārasiddhidassanato. **Pāliyaṃ** kiñcāpi “ekampi jātiṃ dvepi jātiyo”ti-ādivacanena sakalajātiyā anussaraṇameva pubbenivāsānussati viya dissati, na evaṃ daṭṭhabbaṃ. Tadekadesānussaraṇampi pubbenivāsānussati evāti dassanatthaṃ, bhummavacanāṃ kataṃ okāsādisaṅgahatthañca.

“**Chinnavaṭumakānussaraṇādīsū**”ti **ādi**saddena anivutthalokadhātudīparaṭṭhanagaragāmādigghaṇaṃ veditabbaṃ. **Gaṇṭhipade** pana “tesāṃ chinnavaṭumakānaṃ lokuttarasīlādīni na bhagavatā bodhisattakāle viññātānī”ti vuttaṃ. Atthāpattito lokiyāni viññātānīti āpajjati, taṃ dibbacakkhuñāṇādhikāre “ariyānaṃ upavādakā”ti vacanena samentaṃ viya dissati. Na hi ariye apassantassa evaṃ hoti. Kimatthaṃ panettha anussati vuttā, nanu esa vijjādhikāroti ce? Ādikammikassa sativasena nibbattito, atītadhammānaṃ satiyā visesādhikārattā ca vuttañhi “anussarāmi”ti.

“Vattamānesu vijjāna-matītesvassa sarati.

Anāgatesu dhammesu, sarati vijjāna paṇidhī”ti.

Ācariyakumārītena² silokopi vutto.

1. Ma 1. 32 piṭṭhe.

2. Ācariyakumārīto tena (Ka)

Tattha rāge ussannatare tejosamvaṭṭo. Dose āposamvaṭṭo. Mohe vāyosamvaṭṭo. Keci “dose tejosamvaṭṭo, rāge āposamvaṭṭo, mohe vāyosamvaṭṭo”ti vadanti. Yasmā amutrāti cittaṃ, vacanaṃ vā bhavādiniyamena hoti, tasmā “**bhave vā**”ti-ādi. **Evamṇāmo evaṃgottoti** padadvayena ajjhatabhiddhāmūlakam paññattisaṅkhātam gocaranivāsam dīpeti. **Pavattaphalabhojano** sayampatitaphalāhāro.

Caturāsītikappasahassaparamāyupariyanto vāti paṇidhānato pubbe. Paṭinivattantassa paccavekkhaṇam pubbenivāsānussatiñāṇam na hoti. “Pubbenivāsānussatiñāṇalābhīnam panetaṃ ānubhāvaparidīpanan”ti **gaṇṭhipade** vuttaṃ. **Amutrāti** ettha paṭhamayojanāyam sīhokkantavasena anussaraṇam vuttaṃ, tañca kho anulomavasena. “Paṭilomavasenā”tipi likhinti, taṃ duviññeyyam. Sīhokkantaṃ dassetuṃ “**anekāsu kappakoṭṭisū**”ti-ādi vuttaṃ. **Yathā tanti** nidassanena paṭipattisādhāraṇena phalasādhāraṇataṃ dassento brāhmaṇassa ādaraṃ janeti, attānamevekaṃ ukkaṃsetīti vacanaṃ nivāreti. “Sādhu kho pana tathārūpānam arahataṃ dassanaṃ hoti”ti tassa pubbe uppannacitte eva niyojati. **Paṭhamā abhinibbhidāti** vacanena avijjaṇḍakosassa bahupaṭalabhāvam dasseti, tena aṭṭhaguṇissariyādinā anabhinibbhidam dīpeti.

Pubbenivāsakathāvaṇṇanā niṭṭhitā.

Dibbacakkhuñāṇakathāvaṇṇanā

13. “**Cutūpapātañāyā**”ti phalūpacārena vuttaṃ. Idañhi dibbacakkhuñāṇam rūpārammaṇattā parittapaccuppanna-ajjhatabhiddhārammaṇam hoti. Na cutim vā paṭisandhim vā ārammaṇam karoti. Tasmā “yathākammūpage satte pajānāmī”ti¹ vacanaṃ viya phalūpacāreneva vuttamidanti veditabbaṃ. Dibbavihārasannissittā kāraṇopacārena dibbam. Iminā pana keci ācariyā “kusalā kusalā cakkhū dibbacakkhu kāmāvacaran”ti vadanti, te paṭisedhitā honti. Catutthajjhānapaññā hi ettha adhippetā. **Mahājutikattā mahāgatikattāti** etesu “saddasatthānusārenā”ti vuttaṃ. Ekādasannaṃ

1. Vi 1. 6 piṭṭhe.

upakkilesānaṃ evaṃ uppattikkamo upakkilesabhāvo ca vedītabbo, mahāsattassa ālokaṃ vaḍḍhetvā dibbacakkhunā nānāvidhāni rūpāni disvā “idaṃ nu kho kin”ti vicikicchā udapādi, so upakkileso **upakkilesasutte**¹ “vicikicchādhikaraṇaṃ pana me samādhimhi cavi, samādhimhi cute obhāso antaradhāyati dassanaṃ rūpānaṃ”ti vacanato. Tato “rūpāni me passato vicikicchā uppajjati, idāni na kiñci manasi karissāmī”ti cintayato amanasikāro, tato kiñci amanasikarontassa thinamiddhaṃ udapādi, tato tassa pahānatthaṃ ālokaṃ vaḍḍhetvā rūpāni passato himavantādisu dānavarakkhasādayo passantassa chambhitattaṃ udapādi, tato tassa pahānatthaṃ “mayā diṭṭhabhayaṃ pakatiyā olokiyamānaṃ natthi, adiṭṭhe kiṃ nāma bhayaṃ”ti cintayato uppilāvitattaṃ udapādi. **Gaṇṭhipade** pana “uppilāṃ dibbarūpadassenenā”ti vuttaṃ, “taṃ duvuttaṃ parato abhijappāvacanena tadatthasiddhito”ti **ācariyo** vadati. Tato chambhitattappahānatthaṃ “mayā vīriyaṃ daḷhaṃ paggahitaṃ, tena me idaṃ uppilāṃ uppannaṃ”ti vīriyaṃ sithilāṃ karontassa kāyaduṭṭhullaṃ kāyadaratho kāyālasīyaṃ udapādi, tato taṃ cajantassa accāradhāvīriyaṃ udapādi, tattha dosaṃ passato atilīnavīriyaṃ upadādi, tato taṃ pahāya samappavattena vīriyena chambhitattabhayā himavantādiṭṭhānaṃ pahāya devalokābhimukhaṃ ālokaṃ vaḍḍhetvā devasaṅghaṃ passato taṇhāsaṅkhātā abhijappā udapādi, tato “mayhaṃ ekajātikarūpaṃ manasi karontassa abhijappā uppannā, tasmā dāni nānāvidhaṃ rūpaṃ manasi karissāmī”ti kālena devalokābhimukhaṃ, kālena manussalokābhimukhaṃ ālokaṃ vaḍḍhetvā nānāvidhāni rūpāni manasi karoto nānattasaññā udapādi, tato “nānāvidharūpāni me manasi karontassa nānattasaññā udapādi, tasmā dāni abhijappādibhayaṃ iṭṭhādinimittaggāhaṃ pahāya ekajātikameva rūpaṃ manasi karissāmī”ti tathā karoto abhinijjhāyitattaṃ rūpānaṃ udapādi evaṃ pahīna-upakkilesasāpi anadhiṭṭhitattā. Obhāsaṃ hi kho jānāmi, na ca rūpāni passāmīti-ādi jātaṃ.

Tassattho yadā parikammobhāsameva manasi karomi, tadā obhāsaṃ sañjānāmi, dibbena cakkhunā rūpāni na ca passāmi, rūpadassanakāle

1. Ma 3. 196 piṭṭhe.

ca obhāsaṃ na jānāmīti. Kimatthamidam vuttam, na hi etam upakkisesagatanti? Na kevalam upakkilesappajahanamevettha kattabbam, yena idam visuddham hoti, aññampi taduttari kattabbam atthīti dassanattam. **Vicikicchā cittassa upakkilesoti-ādīsu** “ime dhammā upakkilesāti ādinavadassanena pajahim, na mayham tadā uppunnattā”ti keci vadanti. **Mānusakam vāti** iminā sabhāvātikkamam dasseti. **Maṃsacakkhunā viyāti** iminā pariyattiggahaṇam, vaṇṇamattārammaṇatañca upameti. Vaṇṇamate hettha satta-saddo, na “sabbe sattā āhāraṭṭhitikā”ti¹ ettha viya sabbasaṅkhatesu, hīnajāti-ādayo mohassa **nissando** vipāko. Kāyaduccaritena samannāgatā pubbe atītabhave ahesum, sampati nirayam upannāti evam pāṭhasesena sambandho vedītabbo. “Yathākammūpagaññaṇāhi ekantamatītārammaṇam, dibbacakkhu paccuppannārammaṇam”ti ubhinnam kiccavasena vuttam. **Mahallakoti** samaṇānam sārūppamasārūppam, lokācāram vā na jānātīti adhippāyena vuttattā guṇaparidhamāsanena garahatīti vedītabbam. “Niyato sambodhiparāyano”ti² vutto ariyapuggalo maggāvaraṇam kātum samattham pharusavacanam yadi katheyya, apāyagamanīyampi kareyya, tena so apāyupagopi bhaveyya, tasmā upaparikkhitabbanti eke. “**Vāyāmam mā akāsīti** therena vuttattā maggāvaraṇam karotī”ti vadanti. Pubbeva sotāpannena apāyadvāro pihito, tasmāssa saggāvaraṇam natthi. “**Pākatikanti** pavattivipākam ahoṣī”ti vadanti. “Vuddhi hesā bhikkhave ariyassa vinaye, yo accayam accayato disvā yathādhammam paṭīkarotī”ti³ vacanato pākatikam ahoṣīti eke. **Sace so na khamatīti** sotāpannādīnam khantiguṇassa mandatāya vā āyatim tassa suṭṭhu samvaratthāya vā akkhamanam sandhāya vuttam. **Sukhānam vā āyassa** ārammaṇādino abhāvā kālakañcīkā asurā honti. “Ito bho sugatim gacchā”ti⁴ vacanato **manussagatipi**. **Dibbacakkhuññaṇavijjāti** dibbacakkhumeva dassanaṭṭhena ñāṇam, tassa tassa atthassa vindanaṭṭhena vijjāti attho.

Dibbacakkhuññaṇakathāvaṇṇanā niṭṭhitā.

1. Am 3. 297 piṭṭhe.

3. Ma 3. 290; Dī 1. 80 piṭṭhesu.

2. Sam 1. 297; Sam 3. 299, 311 piṭṭhādīsu.

4. Khu 1. 248 piṭṭhe Itivuttake.

Āsavakkhayañāṇakathāvaṇṇanā

14. **So evaṃ samāhite citteti** kim purimasmiṃ yeva, udāhu aññasmiṃ yeva catutthajjhānacitte. **Aṭṭhakathāyampi** yato vuṭṭhāya purimavijjāvayaṃ adhigataṃ, tadeva puna samāpajanavasena abhinavaṃ abhinhaṃ katanti dassanattamaṃ “so evaṃ samāhite citteti idha vipassanāpādakaṃ catutthajjhānacittam veditabban”ti vuttaṃ. Etthāha—yadi tadeva puna samāpajanavasena abhinavaṃ kataṃ, atha kasmā pubbe viya “vipassanāpādakaṃ abhiññāpādakaṃ nirodhapādakaṃ sabbakiccasādhakaṃ sabbalokiyalokuttaraguṇadāyakaṃ idha catutthajjhānacittam veditabban”ti avatvā “idha vipassanāpādakaṃ catutthajjhānacittam veditabban”ti ettakameva vuttaṃ, nanu idha tathāvacanaṭṭhānameva taṃ arahattamaggena saddhiṃ sabbaguṇanipphādanato, na paṭhamavijjāvayamattanipphādanatohi? Vuccate—ariyamaggassa bojjhaṅgamaggaṅgajhānaṅgapaṭipadāvimokkhavisesaniyamo pubbhāgavūṭṭhānagāminīvipassanāya saṅkhārupekkhāsāṅkhātāya niyameṇa ahoṣīti dassanattamaṃ vipassanāpādakamidha vuttanti veditabban. Tattha pariyāpannattā, na tadārammaṇamattena. **Pariyāyatoti** aññenapi pakārena. **“Ime āsavā”**ti ayaṃ vāro kimatthaṃ āradho? “Āsavānaṃ khayañāṇāyā”ti adhikārānulomanattamaṃ. **Maggakkhaṇe hi cittaṃ vimuccati, phalakkhaṇe vimuttaṃ hotīti** idaṃ ekattanayena vuttaṃ. Yañhi vimuccamānaṃ, tadeva aparabhāge vimuttaṃ nāma hoti. Yañca vimuttaṃ, tadeva pubbhāge vimuccamānaṃ nāma hoti. Bhuñjamāno eva hi bhojanapariyosāne bhuttāvī nāma. “Iminā paccavekkhaṇañāṇaṃ dassetī”ti paccavekkhaṇañāṇassa ca paṭṭhāne “maggā vuṭṭhahitvā maggaṃ paccavekkhati, phalaṃ, nibbānaṃ, pahīne kilese paccavekkhatī”ti¹ ayamuppattikkamo vutto. Pavattikkamo panettha sarūpato atthatoti dvidhā vutto. Tattha “vimuttamiti ñāṇaṃ ahoṣī”ti sarūpato catubbidhassapi paccavekkhaṇañāṇassa pavattikkamanidassanaṃ. “Khīṇā jāti”ti-ādi atthato. Teneva ante “abbhaññāsin”ti puggalādhiṭṭhānaṃ desanaṃ akāsi paccavekkhaṇañāṇassa tathā appavattito. Appaṭisandhikaṃ hotīti jānanto “khīṇā jāti”ti jānāti nāma. “Dibbacakkhunā paccuppannānāgatamañāṇaṃ”ti anāgatamañāṇassa ca dibbacakkkhusannissitattā vuttaṃ.

Āsavakkhayañāṇakathāvaṇṇanā niṭṭhitā.

1. Paṭṭhāna 1. 333, 335 piṭṭhesu.

Upāsakattapaṭivedanākathāvaṇṇanā

15. **Kaṇṇasukhato hadayaṅgamatoti** vacanameva sandhāya vuttaṃ. **Anattukkaṃsanatoti**-ādi puggalavasena, **kaṇṇasukhatoti** sotindriyaṃ sandhāya. **Āpāthāramaṇīyatoti** nānāpāthāramaṇīyato. Sayameva **heṭhāmukhajātaṃ vā**, maggo pana asoko hoti. Tadā hi soko pahīyamāno. Cariyādi-anukūlato **appaṭikūlaṃ**. “**Madhuramiman**”ti vuttattā “dhammamiman”ti vacanaṃ adhikaṃ viya dissati. Tasmā “rāgavirāgamiman”ti evaṃ visuṃ visuṃ yojetvā puna piṇḍetvā dhammamimaṃ upehīti yojetabbaṃ, “dhammameva saraṇatthamupehī”ti paṭhanti kirāti dīpeti. Saraṇagataṇaṃ teneva saraṇagamanena bhayaṃ santāsaṃ duggatiṃ parikkilesaṃ dukkhaṃ himsaṭīti ratanattayaṃ **saraṇaṃ** nāma. Tappasādataggarutādīhi vihatakiṇeso tapparāyanatākārappavatto cittuppādo **saraṇagamanāṃ**. Taṃsamaṅgīsatto **saraṇaṃ gacchati**. Pabhedena pana duvidhaṃ saraṇagamanāṃ lokuttaraṃ lokiyanti. Tattha lokuttaraṃ diṭṭhasaccānaṃ maggakkhaṇe saraṇagamanupakkilesasamucchena nibbānārammaṇaṃ hutvā kiccato sakalepi ratanattaye ijjhati. Lokiyaṃ puthujjanānaṃ saraṇagamanupakkilesaṃ tadaṅgavikkhambhanaena ārammaṇato buddhādiguṇārammaṇaṃ hutvā ijjhati. Taṃ atthato ratanattaye saddhāpaṭilābho, saddhāmūlikā ca sammādiṭṭhi. Lokuttarassa cattāri sāmaññaphalāni vipākaphalaṃ, sabbadukkhakkhaya ānisaṃsaphalaṃ. “Yo ca buddhaṅca dhammaṅca -pa- sabbadukkhā pamuccatī”ti¹ vuttaṃ. Lokiyassa bhavabhogasampadā. “Ye keci buddhaṃ saraṇaṃ gatāse”ti² hi vuttaṃ. Lokiyasaraṇagamanāṃ tisu vatthūsu aññāsaṃsayamicchāññādīhi saṃkilissati, na mahājutikaṃ hoti, na mahāvippahāraṃ. Lokuttarassa natthi saṃkiṇeso. Lokiyassa sāvajjo anavajjoti duvidho bhedo. Tattha aññasatthārādīsu attasanniyyātanādīhi sāvajjo hoti, so aṇiṭṭhaphalo. Anavajjo kālakiriyāya, so avipākattā aphalo. Lokuttarassa nevatthi bhedo. Bhavantarepi hi ariyasāvako aññaṃ satthāraṃ na uddisati. Yo koci saraṇagato gahaṭṭho **upāsako**. Ratanattaya-upāsanato upāsako. Pañca

1. Khu 1. 42 piṭṭhe.

2. Dī 2. 204; Saṃ 1. 25 piṭṭhesu.

veramaṇiyo **sīlaṃ**. Satthasattamaṃsamajjavisaṅgavāṇijjārahitaṃ dhammena jīvikam **ājīvo**. Vuttasilājīvavipatti **vipatti** nāma. Viparītā **sampatti**.

16. **Lacchāma nukhoti** duggate sandhāya vuttam. **Sakkhissāma nu kho noti** samiddhe sandhāya. **Tattha** verañjāyam. **Paggayhatīti** pattam paggaho, tena paggahena pattenāti attho. **Samādāyevāti** nidassanam. **Na ca vaṭṭatīti** puna pākam kiñcāpi vaṭṭati, tathāpi na suṭṭhu pakkattā vuttam, “uttaṇḍulabhattam labhitvāpi pidhetum na vaṭṭatī”ti aṭṭhakathāvacanañcetta sādhamam. “Sāvakānam vā sikkhāpadam paññapessāmī”ti iminā vacanena ājīvapārisuddhisīlam sandhāya “pacchā sīlam”ti vuttam. Upālītheropi tam tam vatthum paṭicca bhagavatā bahūni sikkhāpadāni paññattāni atthīti dīpeti. Yadi evam verañjāyam “etassa bhagavā kālo”ti vacanam na sametīti ce? Na, tato pubbe sikkhāpadābhāvappasaṅgato. Thero pana paññattāni ṭhapetvā idāni paññapetabbāni pātimokkhuddesappahonakāni sandhāyāha. Bhagavāpi “na tāva sārīputta satthā sāvakānam sikkhāpadam paññapetī”ti **bhaddālisutte**¹ viya ekaccesu paññattesupi tato param paññapetabbāni sandhāyāha. Idheva **aṭṭhakathāyam** “sāmampi pacanam samaṇasārupam na hoti na ca vaṭṭatī”ti vacanañca, tathā “ratticchedo vā vassacchedo vā”ti-ādivacanāni ca atthi. Aññathā “dvīhākārehi buddhā bhagavanto bhikkhū paṭipucchantī”ti idhevedam pālīṭhapanam virujjhatīti ācariyena vicāritam, tam sundaram pubbepi paññattasikkhāpadasambhavato. Kintu idha pālīṭhapanavirodhavicāraṇā pana nippayojanā viya mama dissati. Kasmā? Upālītherena saṅgītikāle vuttapāṭhattā. **Ratticchedoti** sattāhakkiccam sandhāya vutto. “Sattāhakarāṇiyena gantvā ratticchedo vā vassacchedo vā ekabhikkhunāpi na kato”ti vuttam kira **mahā-aṭṭhakathāyam**, tasmā vassacchedassa kāraṇe sati sattāhakkiccam katum vaṭṭatīti eke. Vinayadharā pana nicchanti, tasmā aṭṭhakathādhīppāyo vīmaṃsitabbo, imāya verañjāyam appicchatādīpaṭīpadāya pasannā. Sālīnam vikati **sālīvikati**.

17-8. **Upapannaphaloti** bahuphalo. “Khuddam madhun”ti pāṭho. **Theram sīhanādam nadāpetum** pucchīti iminā ācariyo yam pubbe āṇāya

1. Ma 2. 100 piṭṭhe.

ṭhitānaṃ sāvakaṇaṃ mahānubhāvatādassanaṃ “veraṅjāhaṃ
nivāsappayojanaṃ”ti amhehi vuttaṃ, taṃ sampādeti, rājagahe veraṅjāyañcāti
ubhayattha vitakkuppāde ekato piṇḍetvā dassento “**atha kho āyasmato
sāriputtassā**”ti-ādimāha. Kālaṃ sandhāya **ciraṃ**, ṭhitim sandhāya **cirāti**
viggaho.

Kāmaṃ hinoti attano phalanibbattiyā sahāyaṃ gacchatīti kattari **hetu**,
tathāpi idha tena karaṇabhūtena tassa phalaṃ hinoti pavattatīti **hetu**. Tathā¹
ghaṭanti tenāti ghaṭo. **Kilāsunoti** payoṇābhāvena avāvaṭā. **Abbokiṇṇāni**
visabhāgehi. **Āgāminiyā** anāgateti attho. Imesaṃyeva noti dassanattamaṃ
“sabbabuddhānaṃ hī”ti vuttaṃ. **Yāva sāsanaṇariyanti** yāva buddhā
dharanti, tāvāti attho. Khatthiyabrāhmaṇāva uccā, tathāpi visesaṃ dassetuṃ
“uccaṇica-ulaṇṇarabhogā”ti. “Manasi katvā”tipi pāṭho. Upasampādyā-
upasampādyā-iccetaṃ dvayaṃ māgadhe “upasampajjā”ti vuccati.
Anupādāyāti āramaṇakaraṇavasena aggahetvā. **Āsavehīti** kattari
tatiyāvibhatti. **Cittānīti** paccatabahuvacanaṃ. **Vimuccimsūti** kammakārake.
Vimocitaṇīti adhippāyoti ācariyo. Āsavehīti padaṇca paccatte
karaṇavacanaṃ katvā **gaṇṭhipade** attho pakāsito. Yadi ariyamaggena
niruddhānaṃ āsavānaṃ vasena anāsavatā, loke cittaṇipi anāsavā siyumaṃ. Na
hi niruddhāni cittaṇi āramaṇāni karontīti tāni aniruddhāsavavasena
sāsavānīti ce. Sotāpannaṃ maggacittaṃ uparimaggavajjhāsavavasena
sāsavaṃ, avasiṭṭhāsavasamucchindanānubhāvattā phalaṇi sāsavāni siyunti?
Na, āsavasamucchindanānubhāvāgataphalattā. Bhiṃsanassa karaṇaṃ
bhiṃsanakataṃ, tasmim **bhiṃsanakatasmim**, bhiṃsanakiriyaṇyāti attho.
Itthiliṅgaṃ vipallāsaṃ katvā napuṃsakaliṅgaṃ, purisaliṅgaṃ vā katvā.
Nimittattheti ettha—

“Cammani dīpinaṃ hanti, dantesu hanti kuṅjaraṃ.

Vālesu cāmarim hanti, siṅgesu sarabho hato”ti—

Adhikaraṇaṃ.

20-21. Naciraṭṭhitikakāraṇe kathite ciraṭṭhitikakāraṇaṃ atthato vuttapaṭipakkhavasena kiñcāpi siddhaṃ, tathāpi taṃ therassa vinayapaññattiyācanāya okāsakāraṇādhippāyato vinayapaññattiyācanokāsaṃ pāpetuṃ puna bhagavantaṃ “ko pana bhante hetū”ti pucchi. Bhagavāpi yācanaṃ sampaṭicchitukāmo byākāsi. “Āsavaṭṭhānīyā saṃghe pātubhavanti”ti puggalassa saṃghapariyāpannattā vuttaṃ.

Ādaratthavasenevettha¹ **dvikkhattuṃ vuttanti** yasmā thero pubbe rājagahe, sampati verañjāyanti dvikkhattuṃ kāci, tasmā ādarena punappunaṃ yācayamaṇaṃ passivā sayampi bhagavā ādareneva “āgamehi tvaṃ sārīputta”ti āha. Tenetaṃ dīpeti “mā tvaṃ punappunaṃ yācāhi, sampaṭicchitāva mayā te yācana, pubbenanu tava yācanaṃ sampaṭicchitāva mayā ettake kāle ettakāni sikkhāpadāni paññattāni, na tāva me sāvakaṇaṃ āṇāpātīmokkhuddesaṇujānanakālo sampatto, takkānumānavasena tayā ‘etassa bhagavā kālo’ti punappunaṃ niddiliyamānopi nesa so kālo, kintu tathāgatova tattha kālaṃ jānissati”ti. Yasmā pana “sikkhāpadapaññattikālato pabhuti āṇāpātīmokkhameva uddisiyati”ti vuttaṃ, tasmā pātīmokkhuddesappahonakasikkhāpadameva sandhāyāha. “Tatthāti sikkhāpadapaññattiyācanāpakkaṃ bhummavacanaṃ”ti ekameva padaṃ vuttaṃ tassā siddhiyā itarassa siddhito. “Sāvakaṇaṃ visayabhāvanti iminā mahāpadumattheravādo paṭikkhitto”ti **anugaṇṭhipade** vuttaṃ, taṃ sundaraṃ viya². Sammukhe **garahā**. Parammukhe **upavādo**. “Na bhikkhave ūnadasavassena -pa- dukkaṭassa”ti³ idaṃ sikkhāpadaṃ bhagavā buddhattena dasavassiko hutvā paññapesi ūnadasavassikassa tassa tathā sikkhāpadapaññattiyā abhāvato. Na tadā atirekadasavassikova dasavassikānaṃ rattaññumahattappattito, tasmā taṃ sikkhāpadaṃ verañjāyaṃ vassāvāsato pubbe rājagahe eva paññattanti siddhaṃ, tasmīṃ siddhe siddhameva “yāva na saṃgho rattaññumahattaṃ pattoti vacanaṃ ito pubbe paṭhamayācanāyapi vuttan”ti. **Aṭṭhakathāyampi** rattaññumahattappattakāle “dve sikkhāpadāni”ti gaṇanaparicchedavacanaṃ paṭhamayācanāya vuttavacanaṃ sandhāya vuttaṃ. Aññathā rattaññumahattappattakāle dve eva, na aññanti āpajjati.

1. Ādaravasena cetam (Chaṭṭha-Ṭṭha)

2. Na taṃ sundaraṃ viya khāyati (Ka)

3. Vi 3. 75 piṭṭhe.

“Atha kho āyasmato sārīputtassā”ti-ādimhi ayamādito paṭṭhāya atthavibhāvanā—ayam kirāyasmā assajittherato paṭiladdham ekagāthāmatkamaṃ dhammapariyāyam nayasatasahasseehi vivecento arahattaṃ patvā sāvakaṃpāramīṇāṇe ṭhito “aho vata mahānubhāvoyaṃ saddhammo, yo vināpi dhammasāminā parammukhato sutamattepi mayhaṃ mahantaṃ guṇavisesaṃ janesi, sādhu vatāyaṃ saddhammo ciraṃ tiṭṭheyyā”ti cintento katamesānaṃ nu kho buddhānaṃ bhagavantānaṃ -pana ciraṭṭhitikaṃ”ti tamatthaṃ, kāraṇaṃca attano aggasāvakaṃpāramīṇāṇa paṭivijjhivā “sāvakaṃpāramīṇāṇaṃ paṇṇattinti-ādi ciraṭṭhitikāraṇaṃ”ti niṭṭhaṃ katvā vinayapaṇṇattiyācanokāsakaraṇatthaṃ bhagavantaṃ pucchi. Tato paṇṇassa vissajjane vinayapaṇṇattiyācanokāse sampatte “etassa bhagavā kālo, etassa sugata kālo”ti “vinayapaṇṇattim yāci. Tato bhagavā tassa yācanāya sampaṭicchitabhāvaṃ, “etassa bhagavā kālo”ti vuttakālassa akālatam, kālassa ca anaṇṇavisayataṃ dīpento “āgamehi tvaṃ”ti-ādimāha, tato bhagavā tassa yācanaṃ, sattesu kāruṇṇataṃca paṭicca “tena kho pana samayena bhikkhū anupajjhāyakā anācariyakā anovadiyamānā”ti-ādinā¹ nayena vepullamahattataṃ paṭicca satthā sāvakaṃpāramīṇāṇaṃ upajjhāyavattādīni vinayakammāni, tadanurūpasikkhāpadāni ca paṇṇapesi. Tato anukkamena dvādasamavassaṃ veraṇjāyaṃ vasi. Tadā ca āyasmā sārīputto satthārā niddiṭṭhesu ciraṭṭhitihetūsu jātesu “navaṅgasatthusāsana mahattatā ca sampati jātā, vinayapaṇṇatti ca bahutarā jātā, pātimokkhuddeso eveko na tāva sāvakaṃpāramīṇāṇaṃ anuṇṇāto, so ca parisuddhena saṃghena karīyati. Saṃghopi etarahi parisuddho pacchimakassa sotāpannattā”ti cintetvā pātimokkhuddesaṃ anujānāpetukāmo yatthakehi ca sikkhāpadehi pātimokkhuddeso anujānīyati, tattakānaṃ paṇṇattiyācanapubbaṅgamaṃ pātimokkhuddesaṃ yācanto pubbuppannavitakkasūcanapucchāvissajjanakkamavasena yācanokāse sampatte “etassa bhagavā kālo”ti-ādimāha.

Tattha “yam bhagavā sāvakaṃpāramīṇāṇaṃ sikkhāpāramīṇāṇaṃ paṇṇapeyyā”ti pātimokkhuddesappahonakasikkhāpāramīṇāṇaṃ sandhāyāha, ayamattho **bhaddālisuttena**²

1. Vi 3. 56 piṭṭhe.

2. Ma 2. 100 piṭṭhe.

dīpetabbo. Tattha hi bahūsu sikkhāpadesu paññattesu, paññapiyamānesu ca “na tāva bhaddāli satthā sāvakānaṃ sikkhāpadaṃ paññapeti”¹ti-ādi¹ vuttaṃ apaññattaṃ upādāya, tathā idhāpi apaññattaṃ sandhāya vuttanti veditabbaṃ. Parisuddhattā saṃghassa sampati sāvakānaṃ āṇāpātīmokkhuddesaṃ nānujānāmīti dassento “**nirabbudo**”²ti-ādimāha. Na hi parisuddhe saṃghe ovādapātīmokkhuddesassa anuddesakāraṇaṃ atthi tasmim sati āṇāpātīmokkhuddesaṇujānanādhippāyato. Tathā ca so tato aṭṭhannaṃ vassānaṃ accayena anuññāto. Yathāha **pātīmokkhaṭṭhapanakkhandhake**² “na dānāhaṃ bhikkhave ito paraṃ uposathaṃ karissāmi -pa- pātīmokkhaṃ uddiseyyāthā”²ti. Yaṃ pana **upasampadakkhandhake**³ “tena kho pana samayena bhikkhū aññataṃ bhikkhū upasampādetvā ekakaṃ ohāya pakkamiṃsu -pa- so tassā methunaṃ dhammaṃ paṭisevitvā cirena agamāsī”³ti vatthu āgataṃ, taṃ sudinnavatthuto parato uppannampi tattha yathādhiḱāraṃ samodhānetuṃ vuttaṃ. Tathā tattheva “ubhayāni kho panassa pātīmokkhāni vitthārena svāgatāni hontī”⁴ti-ādinā⁴ aṅgānīpi veditabbāni. Na hi ādito eva ubhatopātīmokkhāni siddhānīti. Apica ādito paṭṭhāya ayamanukkamo veditabbo—seyyathidaṃ? Rāhulakumāre uppanne bodhisatto nikkhamitvā chabbassāni dukkaraṃ katvā sattame abhisambuddho, tasmim eva saṃvacchare kapilavatthuṃ gantvā rāhulakumāraṃ pabbājesi. **Ambalaṭṭhikarāhulovādasuttaṭṭhakathāyaṃ**⁵ “ayañhi āyasmā sattavassikakāle bhagavantaṃ cīvarakaṇṇe gahetvā ‘dāyajjaṃ me samaṇa dehi, dāyajjaṃ me samaṇa dehi’⁵ti dāyajjaṃ yācamāno bhagavatā dhammasenāpatisāriputtattherassa niyyādetvā pabbājito”⁵ti ca vuttaṃ, tasmā rāhulakumāraṃ ārabha “anujānāmi bhikkhave tīhi saraṇagamaṇehi sāmaṇerapabbajjan”⁶ti⁶ vuttattā saraṇagamanupasampadā paṭhamavassabbhantare eva paṭikkhittā, ñatticatutthakammavasena upasampadā anuññātāti paññāyati. Apica **rāhulavatthumhi**⁷ “na bhikkhave ananuññāto mātāpitūhi putto pabbājetabbo, yo pabbājeyya, āpatti dukkaṭassā”⁷ti sikkhāpadaṃ paññattaṃ, tasmā ito pubbepi sikkhāpadāni paññattānīti siddhaṃ.

1. Ma 2. 108 piṭṭhe.

2. Vi 4. 424 piṭṭhe.

3. Vi 3. 134 piṭṭhe.

4. Vi 2. 74; Aṃ 3. 106, 312 piṭṭhesu.

5. Ma-Ṭṭha 3. 88 piṭṭhe.

6. Vi 3. 115 piṭṭhe.

7. Vi 3. 116 piṭṭhe.

Sutvā ca yo hetunirodhamaggaṃ,
Nirodhupāyaṃ paṭivijjhi khippaṃ.
Jātovapekkhena asesametam,
Lokaṃ vipassī sugataggasisso.

So dhammasenāpati aggasisso,
Saddhammarājassa tathāgatassa.
Sayam munindena yasassa patto,
Anekaso soḷasadhā pasattho.

Tasmā hi sikkhāpadabandhakālo,
Ñātumpi loke atibhāriyova.
Pageva sikkhāpadabhāvabhedo,
Pageva añño ubhayattha tattha.

Paccekabuddhā api taṃ dvayantu,
Ñātuṃ na sakkāva pageva netuṃ.
Nissamsayaṃ tattha tathāgatova,
Jānissaticcāha tathāgatoti.

Iccetamatthaṃ idha bhikkhu ñatvā,
Sikkhāpadānaṃ kamabhāvabhedaṃ.
Ñātuṃ sayam no na pare ca netuṃ,
Pariyesitabbo idha yuttimaggo.

Tattha kamabhedo sikkhāpadānaṃ parato āvi bhavissati. Bhāvabhedo tāva ukkhittakānuvattanapaccayā bhikkhu anāpattiko, bhikkhunī pana samanubhaṭṭhā pārājikā hoti. Pārājikāpattiṭṭhādane bhikkhussa dukkaṭaṃ, bhikkhuniyā pārājikaṃ. Duṭṭhullaṃ ārocentassa, paṭicchādentassa ca pācittiyam. Mahāsāvajjam pārājikaṃ ārocentassa, paṭicchādentassa ca bhikkhussa dukkaṭaṃ. Icevamādīhi abhāvabhedasikkhāpadānaṃ idha bhāvabhedena yuttipariyesanaṃ sādhamānānāni siyā anummadavighātābhāgīti. Ettāvata sakalassapi vinayapaṭikassa vitakkayācanakālakālaññūkāraṇaphalāpayojanehi sattahi aṅgehi paṭimaṇḍitaṃ nidānamāyasmatā upālittherena nidassitaṃ hoti. Tattha therassa

vinayapaññattiyācanahetubhūto **vitakko** nāma. Tasseva “etassa bhagavā kālo”ti-ādinā pavattā **yācanā** nāma.

Rattaññūvepullalābhagabāhusaccamahattappatti **kālo** nāma. Sabbaññū eva **kālaññū** nāma. Āsavaṭṭhānīyānaṃ dhammānaṃ pātubhāvo **kāraṇaṃ** nāma. “Tesamyeva āsavaṭṭhānīyānaṃ dhammānaṃ paṭighātāya”ti vacanato āsavaṭṭhānīyadhammapaṭighāto **phalaṃ** nāma. “Yathayidaṃ brahmacariyaṃ addhaniyaṃ assā”ti vacanato sāsana brahmacariyassa ciraṭṭhiti **payojananti** veditabbaṃ. Hoti cettha—

“Vitakko yācanā kālo, kālaññū kāraṇaṃ phalaṃ.
Payojananti sattaṅgaṃ, nidānaṃ vinayassidhā”ti.

22. **Antimamaṇḍalanti** abbhantaramaṇḍalaṃ. Tañhi itaresaṃ anto hoti, khuddakamaṇḍalaṃ vā. Anumatidānavasena tesāṃ bhikkhūnaṃ **datvā**. Tesāṃ buddhānaṃ cārikāya vinetabbā **veneyyasattā**. **Ocinantā viyāti** bahupupphaṃ gacchaṃ mālākārā ciraṃ ocinanti, evaṃ bahuveneyyesu gāmādīsu ciraṃ vasantā veneyyapuññaṃ pariharantā¹ caranti. **Santaṃ sukhaṃ**, na vedanāsukhaṃ viya saparipphandaṃ. **Dasasahassacakkavāleti** devānaṃ vasena vuttaṃ. Manussā pana imasmiṃ yeva cakkavāle bodhaneyyā uppajjanti. Mahākaruṇāya dhuvāṃ sattasamavalokanaṃ. **Otiṇṇeti** parisamajjhaṃ āgate, ārocite vā. Yena kāraṇena mayaṃ tumhākaṃ deyyadhammaṃ dadeyyāma, taṃ kuto sakkā laddhuṃ. Bahukiccā hi gharāvāsāti. Dutiyavikappe **tanti** deyyadhammaṃ. “Tumhehi taṃ kuto laddhā”ti **anugaṇṭhipade** vuttaṃ. Keci pana “paṭhamaṃ kiriyaṃ pekkhati, dutiyaṃ deyyadhammaṃ”ti vadanti. **Ācariyo** pana “paṭhamayojanāya yaṃ dānapuññaṃ, taṃ kuto labbhā. Puññantarāyabahulā hi gharāvāsāti. Dutiyayojanāya temāsabbhantare yamaṃ dadeyyaṃ, atikkantakālattā tamahaṃ sampati kuto dadeyyanti dasseti”ti vadati. **Silādikusaladhammasandassanādidhammaratanavassaraṃ**.

23. Pattuṇṇadese pattuṇṇaṃ paṭavaraṃ. **Mahāyāganti** mahādānaṃ. **Paripuṇṇasaṅkappanti** temāsaṃ sotabbaṃ ajja suṇinti.

Tatridanti idaṃ kāraṇaṃ.

1. Pariggaṇhantā (Ka)

Upāli dāsakoti **ācariyaparamparato**. Bāhirabbhantaranidānaṃ, sikkhāpadānaṃ paññattiṭṭhānasaṅkhātaṃ āveṇikanidānaṅca sandhāyāha “**nidānassa pabhedadīpanato**”ti. Theravādādi **vatthuppabhedo**. Sakāya paṭiññāya mettiyaṃ bhikkhunim nāsethāti-ādi **parasamayavivajjanatoti**-ādi. **Vibhaṅganayabhedadassanatoti** tisso itthiyo bhūmaṭṭham thalaṭṭhanti-ādi. Etthāha—kiṃ bhagavato mārāvaṭṭanapaṭighātāya satti natthīti? Atthi, tathāpissa pacchā upaguttakāle pasādahetuttā adhvāseti. Ettha upaguttādhiṭṭhānaṃ vattabbaṃ. Buddhānaṃ āciṅṅanti dijadassanena kiṃ payojananti ce? Mārāvaṭṭanahetu brāhmaṇassa puññantarāyoti payojanaṃ.

Dijopi so māramanorathassa,
Bhaṅgaṃ karonto jinapuṅgavassa.
Sassissasaṃghassa adāsi dānaṃ,
Asesakam kappiyabhaṅḍabhedam.

Kiṃ bhagavā sassisso tāva mahantaṃ kappiyabhaṅḍam ubbhaṅḍikam katvā agamāsīti? Na agamāsi, temāsibhāgiyaṃ pana puññarāsikam deyyadhammaṃ appaṭikkhipanto brāhmaṇassa upāyato satthā adāsi.

Tadaññathā māramanorathova,
Pūro siyā neva dijassa bhiyyo.
Pāpaṃ mahantaṃ api pāpuṇeyya,
Micchābhimānena tathāgate so.

Tasmā bhagavā assādiyanto taṃ deyyadhammaṃ appaṭikkhipanto upāyena brāhmaṇassa puññabuddhim katvā, mārassa ca manorathavighātaṃ katvā agamāsīti, “ayaṃ nayo aṭṭhakathaṃ vināpi pāḷinayānulomato siddho”ti vadanti. Kathaṃ?—

“Satthā sasisso yadi aggaheṣi,
Dijassa taṃ cīvaramādītova.
Nāthassa no vīsativassakāle,
Virujjhate jīvakayācanāpi.
Tathāpi sabbaṃ suvicārayitvā,
Yuttam nayaṃ cintayitumva yuttan”ti.

Idāni āyasmā upālitthero vinayapaññattiyā sādharmaṇidānaṃ dassetvā sikkhāpadānaṃ pāṭekkaṃ paññattiṭṭhānaśāṅkhātāṃ nidānamādiṃ katvā puggalapaññatti-anupaññattivibhāgāpattibhedantarāpatti-ādikaṃ nānappakāraṃ vidhiṃ nijjaṭaṃ niggumbaṃ katvā dassetuṃ “**atha kho bhagavā verañjāyaṃ yathābhirantaṃ viharitvā**”ti-ādimāhāti. Idha ṭhatvā—

Sikkhāpadāna sabbesaṃ, kamabhedaṃ pakāsaya.

Tasmiṃ siddhe nidānaṃ, kamasiddhi yato bhava.

Tattha sabbasikkhāpadānaṃ yathāsambhavaṃ desanākkamo pahānakkamo paṭipattikkamo uppattikkamoti catubbidho kamo labbhati. Tattha bhagavatā rājagahe bhikkhūnaṃ pātimokkhuddesaṃ anujānanta pātimokkhuddessa yo desanākkamo anuññāto, taṃ desanākkamamanulomanto āyasmā mahākassapo paṭhamaṃ pārājikuddesaṃ pucchi, tadanantaraṃ saṃghādisesuddesaṃ, tato aniyatuddesaṃ vitthāruddesaṃ pucchitvā tadanantaraṃ bhikkhunīvibhaṅgaṃ teneva anukkamena pucchi, nidānuddesanto gadhānaṃ sarūpena anuddiṭṭhānaṃ pucchantaṃ khandhakepi pucchi. Etena ca khandhake paññattā thullaccayā saṅgahitā honti. Pucchitānukkameneva upālitthero taṃ sabbam sāpattibhedādikaṃ desento thullaccayadubbhāsita-āpattisamuṭṭhānādīpakāṃ antokatvā desesi, ayamettha desanākkamo. Ubhatovibhaṅgakhandaṃ pana uccinitvā tadā parivārapāḷi visum katā. Imameva nayaṃ sandhāya **aṭṭhakathāyaṃ** vuttaṃ “eteneva upāyena khandhakaparivārepi āropesun”ti-ādi¹. Apica **pāḷiyā** “etenevupāyena ubhatovinaye pucchi. Puṭṭho puṭṭho āyasmā upāli vissajjesi”ti ettakameva vuttaṃ, tasmā mahākassapo ubhatovibhaṅge eva pucchi. Vissajjento pana āyasmā upāli nivarasesaṃ desento khandhakaparivāre antokatvā desesi. Tadā ca khandhakaparivārapāḷi visum katāti ayaṃ desanākkamo. Yadi evaṃ nidānuddeso paṭhamaṃ desetabboti ce? Na, tadasambhavato. So hi “yassa siyā āpatti”ti-ādina² nayaṃ pavattattā paṭhamaṃ sikkhāpadasaṅgahitāsu āpattisu adassitāsu na sambhavati. “Yāni mayā bhikkhūnaṃ paññattāni sikkhāpadāni, tāni nesaṃ pātimokkhuddesaṃ anujāneyyaṃ”ti² vacanato sikkhāpadāneva paṭhamaṃ desetabbānīti pārājikuddesakkamo sambhavati.

1. Vi-Ṭṭha 1. 12 piṭṭhe.

2. Vi 3. 140 piṭṭhe.

Pārājikuddesādisaṅgahitānaṃ āpatti-akusalānaṃ yatho|ārikakkamena pahātabbattā pahānakkamopettha sambhavati. Upasampannasamanantaraṃ “tāvadeva cattāri akaraṇīyāni ācikkhitabbāni”¹ vacanato “samādāya sikkhati sikkhāpadesū”² vacanato ca yathā garukaṃ ācikkhaṇaṃ sikkhanena paṭipattikkamopettha sambhavati, evamimehi tīhi kamehi desetabbānampetesāṃ sikkhāpadānaṃ yathāsambhavaṃ uppattikkamo sambhavati. Tathā hi yaṃ yaṃ sādharmaṇaṃ, taṃ taṃ bhikkhuṃ ārabha uppanne eva vatthusmiṃ “yā pana bhikkhunī chandaso methunaṃ dhammaṃ paṭiseveyyā”³ ti bhikkhunīnampi paññattaṃ. Aññathā taṃ bhikkhunīnaṃ anuppannapaññatti siyā. Tato “anuppannapaññatti tasmim natthi”⁴ **parivāre** etaṃ vacanaṃ virujjhati, ettāvata purimena kamattayena paṭhamāṃ desetabbatāṃ patte pārājikuddese paṭhamuppannatā methunadhammapārājikaṃ sabbapaṭhamāṃ desetukāmo upālithero “tatra sudaṃ bhagavā vesāliyaṃ”⁵ ti vesālimeva pāpetvā ṭhapesi. Aññathā bārāṇasiyaṃ paññattānaṃ “na bhikkhave manussamaṃsaṃ paribhuñjitabban”⁶ ti⁴ evamādīnaṃ desanādhippāye sati bārāṇasiṃ pāpetvā ṭhapeyyāti.

Abbhantaranidānakathā niṭṭhitā.

Verañjakaṇḍavaṇṇanā niṭṭhitā.

1. Vi 3. 134 piṭṭhe. 2. Dī 1. 59 piṭṭhe. 3. Vi 5. 145 piṭṭhe. 4. Vi 3. 312 piṭṭhe.

1. Pārājikakaṇḍa

1. Paṭhamapārājika sudinnabhāṇavāraṇṇanā

Paṭhamassettha nidāne, ṭhatvā pārājikassa viññeyyo.
Codanāparihāranayo, puggalavatthupakāsaneveva.

Tattha bhagavā verañjāyaṃ vutthavasso anupubbena cārikaṃ caranto kattikajuṅhapakkhe eva vesāliṃ pāpuṇitvā yāva paṭhamapārājikasikkhāpadapaññāpanaṃ, tāva aṭṭha vassāni vesāliyaṃveva viharanto viya pālikkamena dissati, na ca bhagavā tāvattakaṃ kālaṃ tattheva vihāsi. So hi sudinnassa sāvakānaṃ santike pabbajjāṃ upasampadañca anujānitvā yathābhirantaṃ tattha viharitvā cārikaṃ caranto bhesakaḷāvaṇaṃ patvā tattha terasamaṃ vassaṃ vasi, teneva anukkamena sāvattimāṃ patvā cuddasamaṃ vassaṃ vasi, pannarasamaṃ kapilavatthumhi, soḷasamaṃ ālavīyaṃ, tato vutthavasso cārikaṃ caranto rājagahaṃ patvā sattarasamaṃ vasi, iminā anukkamena aparānīpi tīṇi vassāni tattheva vasi. Ettāvataḥ bhagavā paripuṇṇavāsativasso rājagahato anupubbena vesāliṃ pāpuṇi, tato upasampadāya aṭṭhavassiko sudinno vesāliyaṃveva methunaṃ dhammaṃ abhiviññāpesi, tato bhagavā tasmimā vatthusmimā paṭhamamaṃ pārājikaṃ paññāpesīti veditabbaṃ. Tattha yasmā upālitthero ito paṭhamataraṃ tattha vesāliyañca paññattasikkhāpadāni adassetukāmo, vinayanidānānantaraṃ paṭhamapārājikameva dassetukāmo, tasmā vesāliyaṃ paṭhamamaṃ nivāsaṃ, pacchā imassa sikkhāpadassa paññattikāle nivāsañca ekato katvā “tatra sudaṃ bhagavā vesāliyaṃ”ti-ādimāha, tena vuttaṃ “paṭhamassettha nidāne, ṭhatvā -pa- pakāsanevā”ti. Tasmā imasmimā paṭhamapārājikassa paññattiṭṭhānasaṅkhāte nidāne ṭhatvā “tena kho pana samayena vesāliyā avidūre kalandagāmo nāma hoti -pa- aññataraṃ vajjigāmaṃ upanissāya viharatī”ti etasmimā imassa sikkhāpadassa puggalappakāsane, “tena kho pana samayena vajjī dubbhikkhā hoti -pa- tikkhattuṃ methunaṃ dhammaṃ abhiviññāpesī”ti¹ imasmimā vatthupakāsane ca codanānayo, parihāranayo ca

veditabboti vuttaṃ hoti. Tatrāyaṃ pakāsanā—kimatthaṃ therena aññesaṃ sikkhāpadānaṃ puggalavatthūni viya saṅkhepato avatvā yattha ca so uppanno, yathā ca dhamme pasanno, yathā ca pabbajito, yathā ca imaṃ vatthuṃ uppādeti, taṃ sabbaṃ anavasesetvā puggalavatthūni vitthārato vuttānīti ce? Vuccate—

Evam saddhāya kicchena, mahante bhogañātake.

Hitvā pabbajitānampi, pesalānampi sabbaso.

Sabbalāmakadhammāyaṃ, methuno yadi sambhave.

Na dhammadesanāyeva, siddhā virati sabbaso.

Tasmā navaṅgasaddhamme, satthārā desitepi ca.

Vinayo paññapetabbo, tato dhammavisuddhihi.

Vinayābhāvato evaṃ, ajjhācāro bhavissati.

Tasmā vinayapaññatti, sātthikā pesalassapi.

Anādīnavadassāvī, yasmā yaṃ pāpamācari.

Vinayoyeva saddhānaṃ, ādīnavavibhāvino.

Tasmā saddhānusārīnaṃ, vinayo sātthakova yaṃ.

Dhammo dhammānusārīnaṃ, tato ubhayadesanā.

Api ca yadi paṇṇattivītikkamaṃ akarontassāpi yāva brahmalokā ayaso paṭthaṭo, pagevaññesanti dassanatthaṃ ajjhācārassa pākaṭabhāvadīpanaṃ. Kathaṃ?—

Abhabbo arahattassa, sudinno puttamātaro.

Bhabbānuppannapaññatti, tadatthaṃ na katā yaṃ.

Nanu māgaṇḍikaṃ ajjupekkhitvā mātāpitūnamassā hitatthaṃ dhammaṃ desetīti imamatthaṃ dassetuṃ bījakabījakamātūnaṃ arahattuppatti therena dīpitā. “Tena kho pana samayena vesāliyā avidūre kalandagāmo nāma hoti, yena samayena sudinno purāṇadutiyaikāya methunaṃ dhammaṃ paṭisevī”ti vā “yena samayena bhagavā paṭhamapārājikaṃ paññapesī”ti vā vacanaṃ idha na yujjati. Kasmā? Idha pana hetu-attho karaṇattho ca sambhavatī”ti vuttaṃ aṭṭhakathāvacanañhi idha na labbhati. Ciraniviṭṭho hi so

gāmo, na tasmim̄ yeva samayeti. Yasmā pana so ciraniviṭṭhopi ca gāmo attano nivīṭṭhakālato paṭṭhāya sabbakālamatthīti vattabbatam̄ arahati, tena pariyāyena “tena kho pana samayena vesāliyā avidūre kalandagāmo nāma hotī”ti vuttam̄.

25-6. **Anuññātosī pana tvanti** samaṇavattadassanattam̄ bhagavā pucchati. **Mātāpitūhi ananuññātanti** ettha janakeheva ananuññātadassanattam̄ pucchīti vuttam̄. **Na kho sudinna tathāgatāti** “pabbājetu mam̄ bhagavā”ti yācanāvasena¹ panevamāha, na bhagavā sayam̄ saraṇāni datvā pabbājesi. **Dukkhasāti** ettha “kalabhāgampī”ti pāṭhaseso. **Vikappadvayepīti** dutiyatatiyavikappesu. **Purimapadassāti** kiñcīti padessa. **Uttarapadenāti** dukkhasāti padena. **Samānavibhattīti** sāmivacanam̄. Yathā kim̄? “Kassaci dukkhasā”ti vattabbe “kiñci dukkhasā”ti vuttanti veditabbarim̄. **Akāmakā vinā bhavissāmāti** tayā saddhim̄ amaritvā akāmā jīvissāma. Sacepi na marāma, akāmakāva tayā viyogam̄ pāpuṇissāma, tayi jīvamāne eva no maraṇam̄ bhaveyya, maraṇenapi no tayā viyogam̄ mayam̄ akāmakāva pāpuṇissāma.

30. **Katipāham̄ balam̄ gāhetvāti** kasmā panāyam̄ tathā pabbajjāya tibbacchando anuññāto samāno katipāham̄ ghareyeva vilambitvā kāyabalañca aggaheṣīti? Anumatidānena mātāpitūsu sahāyakesu ca tuṭṭho tesam̄ cittatuṭṭhattham̄. Kesuci aṭṭhakathāpotthakesu keci ācariyā “ayam̄ sudinno jīvakavatthuto pacchā paṃsukūlikadhutaṅgavasena paṃsukūliko jāto”ti saññāya “gahapaticīvaram̄ paṭikkhipitvā paṃsukūlikadhutaṅgavasena paṃsukūliko hotī”ti likhanti, tam̄ “acirūpasampanno”ti vacanena virujjhati. “Tathā sudinno hi bhagavato dvādasame vasse pabbajito, vīsati me vasse ñātikulam̄ piṇḍāya pavīṭṭho sayam̄ pabbajjāya aṭṭhavassiko hutvā”ti, “bhagavato hi buddhattam̄ pattato² paṭṭhāya yāva idam̄ vattham̄, etthantare vīsati vassāni na koci gahapaticīvaram̄ sādīyi, sabbe paṃsukūlikāva ahesun”ti³ ca vuttena aṭṭhakathāvacanena virujjhati, pabbajjāya aṭṭhavassiko, na upasampadāya. Upasampadam̄ pana **jīvakavatthuto**⁴

1. Pucchāvasena (Ka)

3. Vi-Ṭṭha 3. 401 piṭṭhe.

2. Buddhupattito (Ka)

4. Vi 3. 377 piṭṭhe.

pacchā-alattha tasmā avassiko ñātikulaṃ piṇḍāya pavīṭṭho siyāti ce? Na, “alattha kho sudinno kalandaputto bhagavato santike pabbajjaṃ, alattha upasampadan”ti ekato anantaraṃ vuttattā. Pabbajjānantarameva hi so upasampanno terasadhutaṅgaguṇe samādāya vattanto aṭṭha vassāni vajjigāme viharitvā nissayamuttattā sayamvasī hutvā “etarahi kho vajjī dubbhikkhā”ti-āditakkavasena yena vesālī, tadavasari, tasmā “paṃsukūlikadhutaṅgavasena paṃsukūliko hotī”ti ettakoyeva pāṭho yesu potthakesu dissati, sova pamāṇato gahetabbo. “Āraññiko hotī”ti iminā pañca senāsanapaṭisaṃyuttāni saṅgahitāni nesajjikaṅgañca vihārasabhāgattā, “piṇḍapātiko”ti iminā pañca piṇḍapāṭisaṃyuttāni, “paṃsukūliko”ti iminā dve cīvarapaṭisaṃyuttāni saṅgahitānīti. Ñātigharūpagamanakāraṇadīpanādhippāyato sapadānacārikaṅgaṃ visuṃ vuttanti veditabbaṃ. “Mā atiharāpesun”ti kālabyattayavasena vuttaṃ. Dhammassantarāyakaratarattā “imaṃ nayan”ti anayoyeva.

Yebhuyyena hi sattānaṃ, vināse paccupaṭṭhite.

Anayo nayarūpena, buddhimāgamma tiṭṭhati.

36. **Apaññatte sikkhāpadeti** ettha duvidhaṃ sikkhāpadapaññāpanaṃ. Kathaṃ? Evañca pana bhikkhave imaṃ sikkhāpadaṃ uddiseyyāthā”ti evaṃ sa-uddesānuddesabhedato duvidhaṃ. Tattha pātimokkhe sarūpato āgatā pañca āpattikkhandhā sa-uddesapaññatti nāma. Sāpi duvidhā sapuggalāpuggalaniddesabhedato. Tattha yassā paññattiyā anto āpattiyā saha, vinā vā puggalo dassito, sā sapuggalaniddesā. Itarā apuggalaniddesāti veditabbā. Sapuggalaniddesāpi duvidhā dassitādassitāpattibhedato. Tattha adassitāpattikā nāma aṭṭha pārājikā dhammā. “Pārājiko hoti asaṃvāso”ti hi puggalova tattha dassito, nāpatti. Dassitāpattikā nāma bhikkhunīpātimokkhe “sattarasa saṃghādisesā dhammā nissaraṇīyaṃ saṃghādisesan”ti hi tattha āpatti dassitā saddhiṃ puggalena, tathā apuggalaniddesāpi dassitādassitāpattitova duvidhā. Tattha adassitāpattikā nāma sekhiyā dhammā. Sesā dassitāpattikāti veditabbā. Sāpi duvidhā aniddiṭṭhakāraṇaniddiṭṭhakārabhedato. Tattha aniddiṭṭhakāraṇā nāma sukkavissatṭhi musāvāda-

omasavādapesuññabhūtagāma-aññavādaka-ujjhāpanakagaṇabhojanaparampa
rabhojana
surāmeraya-aṅgulipatodakahasadhamma-anādariyatalaghātakajatumattḥakasi
kkhāpadānaṃ vasena pañcadasavidhā honti. Sesānaṃ puggalaniddesānaṃ
vasena niddiṭṭhakārakā veditabbā.

Anuddesapaññattipi

padabhājanantarāpattivinītavatthupaṭikkhepapaññatti avuttasiddhivasena
chabbidhā honti. Tattha “yebhuyyena khāyitaṃ āpatti thullaccayassā”¹
evamādikā padabhājanīye sandissamānāpatti **padabhājanasikkhāpadam**
nāma. “Na tveva naggena āgantabbaṃ, yo āgaccheyya, āpatti dukkaṭassā”²
ādikā² **antarāpattisikkhāpadam** nāma. “Anujānāmi bhikkhave divā
paṭisalliyantena dvāraṃ saṃvaritvā paṭisalliyitun”³ evamādikā
vinītavatthusikkhāpadam nāma. “Lohituppādako bhikkhave anupasampanno
na upasampādetabbo, upasampanno nāsetabbo”⁴ evamādikā
paṭikkhepasikkhāpadam nāma. Khandhakesu paññattadukkaṭathullaccayāni
paññattisikkhāpadam nāma. “Yā pana bhikkhunī naccaṃ vā gītaṃ vā
vāditaṃ vā dassanāya gaccheyya, pācittiyā”⁵ iminā vuttena “yā pana
bhikkhunī nacceyya vā gāyeyya vā vādeyya vā pācittiyā”⁵ evamādikā
yaṃ kiñci aṭṭhakathāya dissamānaṃ āpattijātaṃ, vinayakammaṃ vā
avuttasiddhisikkhāpadam nāma. Chabbidhampetaṃ chahi kāraṇehi
uddesārahaṃ na hotīti anuddesasikkhāpadam nāmāti veditabbaṃ.
Seyyathidaṃ? Pañcahi uddesehi yathāsambhavaṃ visabhāgattā
thullaccayadubbhāsītānaṃ, sabhāgavatthukampi dukkaṭathullaccayadvayaṃ
asabhāgāpattikattā, antarāpattipaññattisikkhāpadānaṃ
nānāvattukāpattikattā, paṭikkhepasikkhāpadānaṃ kesañci
vinītavatthupaññattisikkhāpadānaṃ adassitāpattikattā, adassitavatthukattā
bhedānuvattakathullaccayassa, adassitāpattivatthukattā
avuttasiddhisikkhāpadānanti. Ettāvatā “duvidhaṃ sikkhāpadapaññāpanaṃ
uddesānuddesabhedato”⁶ ti yaṃ vuttaṃ, taṃ samāsato pakāsitaṃ hoti.

Tattha **apaññatte sikkhāpadeti** sa-uddesasikkhāpadam sandhāya vuttanti
veditabbaṃ. Ekacce ācariyā evaṃ kira vaṇṇayanti “cattāro pārājikā
kativassābhisambuddhena bhagavatā paññattāti-ādinā pucchāṃ katvā tesu

1. Vi 1. 38 piṭṭhe.

2. Vi 1. 314 piṭṭhe.

3. Vi 1. 48 piṭṭhe.

4. Vi 3. 123 piṭṭhe.

5. Vi 2. 350 piṭṭhe.

paṭhamapārājiko vesāliyaṃ paññatto pañcavassābhisambuddhena
hemantānaṃ paṭhame māse dutiye pakkhe dasame divase
aḍḍhateyyaporisāya chāyāya puratthābhimukhena nisinnena aḍḍhaterasānaṃ
bhikkhusatānaṃ majjhe sudinnaṃ kalandaputtaṃ ārabha paññatto”ti, taṃ
na yujjati, kasmā?—

Yasmā dvādasamaṃ vassaṃ, verañjāyaṃ vasi jino.

Tasmiñca suddho saṃghoti, neva pārājikaṃ tadā.

Therassa sārīputtassa, sikkhāpaññattiyācanā.

Tasmiṃ siddhāti siddhāva, garukāpatti no tadā.

Ovādapātimokkhañca, kiṃ satthā catuvassiko.

Paṭikkhipi kimāṇaṃca, samattaṃ anujāni so.

Ajātasattuṃ nissāya, saṃghabhedamakāsi yaṃ.

Devadatto tato saṃgha-bhedo pacchimabodhiyaṃ.

Ārādhayimsu maṃ pubbe, bhikkhūti munibhāsitaṃ.

Suttameva pamāṇaṃ no, sova kālo anappakoti¹.

Yaṃ pana vuttaṃ “atha bhagavā ajjhācāraṃ apassanto pārājikaṃ vā
saṃghādisesaṃ vā na paññapesī”ti, taṃ sakalasikkhāpadaṃ sandhāyāha. Na
kevalaṃ sa-uddesasikkhāpadamattaṃ, tena sa-
uddesānuddesapaññattibhedam sakalaṃ pārājikaṃ sandhāyāhāti vuttaṃ hoti.
Kiñcāpi nābhiparāmasanampi kāyasaṃsaggo, tathāpi etaṃ
visesaniyamanato, acchandarāgādhippāyato ca visum vuttaṃ.
Chandarāgarattasseva hi kāyasaṃsaggo idhādhippeto. Asucipāne pana
hatthiniyā tāpasapassāvapānena **vālakābyo** nāma uppajjati, vālakābyassa
vatthu vattabbaṃ. **Maṇḍabyassa** nābhiyā parāmasaneneva kira. Rūpadassane
pana vejjakā āhu—

“Thīnaṃ sandassanā sukkaṃ, kadāci calito’vare.

Taṃ gāmadhammakaraṇaṃ, dvayasamaṃ saṅgamiya.

Gabbhā’di’ti ayaṃ nayo, thīnaṃ purisadassanāsītyūpaneyya”.

1. Anuppattoti (Ka)

Tathāpyāhu—

“Pupphike edhiyya suddhe, passaṃ naraṅca itthi taṃ.
Gabbhaṅca nayetyutta-miti tasmā kāso itī”ti.

Rājorodho viyāti sihaḷadīpe ekissā itthiyā tathā ahoṣi, tasmā kira evaṃ vuttaṃ. Kiñcāpi yāva brahmalokā saddo abbhuggacchi, na taṃ manussānaṃ visayo ahoṣi tesāṃ rūpaṃ viya. Teneva bhikkhū pucchimsu “kacci no tvaṃ āvuso sudinna anabhirato”ti.

39. **Kalīti** kodho, tassa sāsanaṃ **kalisāsanaṃ**, kalaho. **Gāmadhammanti** ettha janapadadhammaṃ janapadavāsīnaṃ siddhiṃ. **Attāti** cittaṃ, sarīraṅca. **Asuttantavinibaddhanti** vinayasutte anāgataṃ, suttābhiddhammesupi anāgataṃ, **pālivinimuttanti** attho. **Kusumamālanti** nānāguṇaṃ sandhāyāha. **Ratanadāmanti** atthasampattiṃ sandhāya vadati. **Paṭikkhipanādhippāyā** bhaddāli viya. Padaniruttibyañjanāni nāmavevacanāneva “nāmaṃ nāmakammaṃ nāmadheyyaṃ nirutti”ti-ādīsu¹ viya. Nippariyāyena virati sikkhāpadaṃ nāma. Akusalapakkhe dussīlyaṃ nāma cetanā. Kusalapakkhepi cetanāpariyāyato **vibhaṅge** “sikkhāpadaṃ”ti vuttaṃ. **Samghasutṭhutāyāti** ettha lokavajassa paññāpane samghasutṭhutā hoti pākaṭādīnavato. Paññattivajassa paññāpane samghaphāsutā hoti pākaṭānisamsattā. Tattha paṭhamena dummaṅkūnaṃ niggaho, dutiyena pesalānaṃ phāsuviḥāro. Paṭhamena samparāyikānaṃ āsavānaṃ paṭighāto, dutiyena diṭṭhadhammikānaṃ. Tathā paṭhamena appasannānaṃ pasādo, dutiyena pasannānaṃ bhīyyobhāvo. “Pubbe katapuññatāya codiyamānassa bhābbakulaputtassā”ti² vuttattā “sudinno taṃ kukkucchaṃ vinodetvā arahattaṃ sacchākāsi, teneva pabbajjā anuññātā”ti vadanti, upaparikkhitabbaṃ. Tathā paṭhamena saddhammaṭṭhiti, dutiyena vinayānuggaho hotīti veditabbo.

Apicettha vatthuvītikame yattha ekantākusalabhāvena, taṃ samghasutṭhubhāvāya paññattaṃ lokavajjato, yattha paññattijānane eva atthāpatti, na aññadā, taṃ saddhammaṭṭhitiyā vāpi pasāduppādabuddhiyā dhammadesanāpaṭisaṃyuttaṃ, itaraṅca sekhiyaṃ, idaṃ **lokavajjaṃ** nāma. Vatthuno paññattiyā vā vītikamacetanāyābhāvepi paṭikkhittassa karaṇe, kattabbassa akaraṇe

1. Abhi 1. 256 piṭṭhe.

2. Vi-Ṭṭha 1. 168 piṭṭhe.

vā sati yattha āpattippasaṅgo, taṃ sabbaṃ ṭhapetvā surāpānaṃ **paṇṇattivajjanti** veditabbaṃ. Āgantukavattaṃ, āvāsika, gamika, anumodana, bhattagga, piṇḍacārika, āraññaka, senāsana, jantāghara, vaccakuṭi, saddhivihārika, upajjhāya, antevāsika, ācariyavattanti etāni aggahitaggahaṇanayena gaṇiyamānāni **cuddasa**, etāni pana vitthārato **dve-asīti mahāvattāni** nāma honti. Sattahi āpattikkhandhehi saṃvaro **saṃvaravinayo** paññattisikkhāpadameva. Tattha **paññattivinayo** samathavinayatthāya **samathavinayo** saṃvaravinayatthāya **saṃvaravinayo** pahānavinayatthāyāti yojanā veditabbā. **Yaṃ saṃghasutṭhu**, taṃ **saṃghaphāsūti** ekamiva vuttaṃ saṃghasutṭhutāya sati saṃghaphāsu bhavissatīti dipanattam. Pakarīyanti ettha te te payojanavisesasaṅkhātā atthavasāti atthavasam **“pakaraṇan”**ti vuccati. Dasasu padesu ekekaṃ mūlaṃ katvā dasakkhattuṃ yojanāya padasataṃ vuttaṃ. Tattha pacchimassa padassa vasena **atthasataṃ** purimassa vasena **dhammasataṃ** atthajotikānaṃ niruttīnaṃ vasena niruttisataṃ, dhammabhūtānaṃ niruttīnaṃ vasena niruttisatanti **dve niruttisatāni**, atthasate nāṇasataṃ, dhammasate nāṇasataṃ dvīsu niruttisatesu dve nāṇasatānīti **cattāri nāṇasatāni** veditabbāni. Ettha **saṃghasutṭhutāti** dhammasaṃghassa sutṭhubhāvoti attho. “Atthapadānīti aṭṭhakathā. Dhammapadānīti pālī”ti vuttaṃ kira.

Methunaṃ dhammanti evaṃ bahulanayena laddhanāmakaṃ sakasampayogena, parasampayogena vā attano nimittassa sakamagge vā paramagge vā paranimittassa sakamagge eva pavesapaviṭṭhaṭhituddharaṇesu yaṃ kiñci ekaṃ paṭisādiyanavasena seveyya pārājiko hoti asaṃvāsoti. Keci pana “pavesādīni cattāri vā tīṇi vā dve vā ekaṃ vā paṭiseveyya, pārājiko hoti. Vuttañhetam ‘so ce pavesanaṃ sādīyati, paviṭṭham, ṭhitam, uddharaṇam sādīyati, āpatti pārājikassā’ti-ādī”ti¹ vadanti, tesam matena catūsupi catasso pārājikāpattiyō āpajjati. Teyeva evaṃ vadanti “āpajjatu methunadhammapārājikāpatti methunadhammapārājikāpattiyā tabbhāgiyā”ti, “attano vītikame pārājikāpattim, saṃghādisesāpattiṃca āpajjitvā sikkham paccakkhāya gahaṭṭhakāle methunādipārājikaṃ āpajjitvā puna pabbajitvā upasampajjitvā ekaṃ saṃghādisesāpattim ekamanekaṃ vā paṭikarivāva so puggalo yasmā nirāpattiko hoti, tasmā so

1. Vi 1. 37 piṭṭhe.

gahaṭṭhakāle sāpattikovāti antimavatthum ajjhāpannassāpi attheva āpattivuṭṭhānam. Vuṭṭhānadesanāhi pana asujjhanato ‘payoge payoge āpatti pārājikassā’ti na vuttam gaṇanapayojanābhāvato. Kiñcāpi na vuttam, atha kho **padabhājane** ‘āpatti pārājikassā’ti vacanenāyamattho siddho”ti yuttiñca vadanti. Yadi evam **mātikāyampi** “yo pana bhikkhu methunam dhammam paṭiseveyya pārājikan”ti vattabham bhaveyya, pārājikassa anavasesavacanampi na yujjeyya. Sabbepi hi āpattikkhandhe bhikkhugaṇanañca anavasesetvā tiṭṭhatīti anavasesavacananti katvā paveseva āpatti, na pavuṭṭhādīsu, tamevekaṃ sandhāya “yassa siyā āpatti”ti pārājikāpattimpi anto katvā nidānuddese vacanam veditabham. Tasmā **mātikāyam** “pārājikan”ti avatvā “pārājiko hoti”ti puggalaniddesavacanam tena sarīrabandhanena upasampadāya abhabbhāvadīpanattham. “Āpatti pārājikassā”ti **padabhājane** vacanam antimavatthum ajjhāpannassāpi pārājikassa samvāsassa sato puggalassa attheyyasamvāsakabhāvadīpanattham. Na hi so samvāsam sādiyantopi theyyasamvāsako hoti, tasmā “upasampanno bhikkhu”tveva vuccati. Tenevāha “asuddho hoti puggalo aññataram pārājikaṃ dhammam ajjhāpanno, tañce suddhadiṭṭhi samāno anokāsam kārapetvā akkosādhippāyo vadeti, āpatti omasavādena dukkaṭassā”ti¹. Anupasampannassa tadabhāvato siddho so “upasampanno bhikkhu”tveva vuccatīti. Tena padasodhammam sahaseyyañca na janeti, bhikkhupesunñādiñca janetīti veditabham. Bhikkhunīnam saṃghādisesesu pana bhikkhusaṃghādisesato vuṭṭhānavidhivisesadassanattham “ayampi bhikkhunī -pa- āpannā”ti² puggalaniddesam katvāpi pārājikato adhippāyantaratassanattham “nissāraṇīyam saṃghādisesan”ti³ āpattināmaggaḥaṇaṇca katam. Ettāvata sapuggalaniddese dassitādassitāpattidukam vitthāritam hoti. Apuggalaniddesesu sekhiyesu āpattiyā dassanakāraṇam sekhiyānam **aṭṭhakathāyameva** vuttam. Tadabhāvato itaresu āpattidassanam katam. Apuggalaniddesepi dassitādassitāpattidukañca vitthāritam hotīti.

Paṭhamapaññattikathāvaṇṇanā niṭṭhitā.

Sudinnabhāṇavāram niṭṭhitam.

1. Vi 1. 254 piṭṭhe.

2. Vi 2. 289 piṭṭhādīsu.

3. Vi 2. 289 piṭṭhe.

Makkaṭṭivattukathāvaṇṇanā

40-41. Dutiyapaññattiyam “idha mallā yujjhanti”ti-ādīsu viya paṭisevatīti vattamānavacanam pacurapaṭisevanavasena vuttam, “tañca kho manussitthiyā, no tiracchānagatāyā”ti paripuṇṇatthampi paṭhamam paññattim attano micchāgāhena vā lesa-oḍḍanathāya vā evamāha. Paripuṇṇatthataṃyeva niyametuṃ “nanu āvuso tatheva taṃ hotī”ti vuttam, teneva makkaṭṭivattu vinītavattūsu pakkhittam avisesattā, tathā vajjiputtakavatthu. Vicāraṇā panettha tatiyapaññattiyam āvi bhavissati. “Nanu āvuso bhagavatā anekapariyāyenā”ti-ādi na kevalam sa-uddesasikkhāpadeneva siddham, “tiracchānagatādīsūpi pārājikan”ti anuddesasikkhāpadenapi siddhanti dassanattam vuttam. Atha vā yadi sa-uddesasikkhāpadam sāvasesanti paññapesi, iminā anuddesasikkhāpadenāpi kim na siddhanti dassanattam vuttam. “Tena hi bhikkhave bhikkhūnam sikkhāpadam paññapessāmī”ti tadeva sikkhāpadam paṭhamapaññattameva lesatthikānam alesokāsam katvā āmedittam katvā paññapessāmīti attho. Aññathā “aññavādake vihesake pācittiyam”ti-ādīsū¹ viya vatthudvayena āpattidvayam āpajjati, na cāpajjati, so evattho aññenāpi vacanena suppakāsito, supariyattakaraṇatthena daḷhataro katoti adhippāyo. Tatiyapaññattiyampi aññesu ca evam visuddho.

Yassa sacittakapakkheti-ādimhi pana gaṇṭhipadanayo tāva paṭhamam vuccati, **sacittakapakkheti** surāpānādi-acittake sandhāya vuttam. Sacittakesu pana yaṃ ekantamakusaleneva samuṭṭhāpitañca. Ubhayam lokavajjam nāma. Surāpānasmiñhi “surā”ti vā “pātum na vaṭṭati”ti vā jānitvā pivane akusalameva, tathā bhikkhunīnam gandhavaṇṇakatthāya² lepane, bhesajjatthāya lepane adosattā “avicāraṇīyam”ti ettam vuttam. Tattha na vaṭṭatīti “jānitvā”ti vuttavacanam na yujjati paṇṇattivajjassāpi lokavajjabhāvappasaṅgato. Imaṃ aniṭṭhappasaṅgam pariharitukāmatāya **vajirabuddhittherassa gaṇṭhipade** vuttam “idha sacittakanti ca acittakanti ca vicāraṇā vatthuvijānaneyeva hoti, na paññattivijānane. Yadi paññattivijānane hoti, sabbasikkhāpadāni lokavajjāneva siyūm, na ca sabbasikkhāpadāni

1. Vi 2. 55 piṭṭhe.

2. Gandhavaṇṇakāratthāya (Ka)

lokavajjāni, tasmā vatthuvijānaneyeva hotī”ti, idaṃ yujjati. Kasmā? Yasmā sekhiyesu paññattijānanameva pamāṇaṃ, na vatthu mattajānananti, yaṃ pana tattheva vuttaṃ “pasuttassa mukhe koci suraṃ pakkhipeyya, anto ce paviseyya, āpatti, tattha yathā bhikkhuniyā adhakkhakaṃ ubbhajāṇumaṇḍalaṃ parassa āmasanādikāle kāyaṃ acāletvā citteneva sādiyantiyā āpatti ‘kiriyaṃ hotī’ti vuttā yebhuyyena kiriyasambhavato, tathā ayampi tadā kiriyāva hotī”ti, taṃ suvicāritaṃ anekantākusalabhāvasādhanato. Surāpānāpattiyā ekantākusalatā pana majjasaññinopi sakiṃ payogena pivato hotīti katvā vuttā.

Ayaṃ panettha attho—sikkhāpadasīsenā āpattiṃ gahetvā yassa sikkhāpadassa sacittakassa cittaṃ akusalameva hoti, taṃ lokavajjaṃ. Sacittakācittakasaṅkhātassa acittakassa ca sacittakapakkhe cittaṃ akusalameva hoti, tampi surāpānādi lokavajjanti imamatthaṃ sampiṇḍetvā “yassa sacittakapakkhe cittaṃ akusalameva hoti, taṃ lokavajjan”ti vuttaṃ. Sacittakapakkheti hi idaṃ vacanaṃ acittakaṃ sandhāyāha. Na hi ekaṃsato sacittakassa sacittakapakkheti visesane payojanaṃ atthi. Yasmā panettha paṇṇattivajjassa paññattijānanacittena sacittakapakkhe cittaṃ akusalameva, vatthujānanacittena sacittakapakkhe cittaṃ siyā kusalaṃ siyā akusalaṃ siyā abyākataṃ, tasmā “tassa sacittakapakkhe cittaṃ akusalamevā”ti na vuccatīti “sesaṃ paṇṇattivajjan”ti vuttaṃ. Adhimāne vītikkamābhāvā, supinante abbohārikattā supinante vijjamānāpi vītikkamachāyā abbohārikabhāvenāti vuttaṃ hoti. Idaṃ pana vacanaṃ daḷhīkammasithilakaraṇappayojanattā ca vuttaṃ, tena yaṃ vuttaṃ bāhiraṇidānakathādhikāre “daḷhīkammasithilakaraṇappayojanāti yebhuyyatāya vuttan”ti-ādi, taṃ suvuttamevāti veditabbaṃ.

Makkaṭṭivattukathāvaṇṇanā niṭṭhitā.

Vajjiputtakavatthu vaṇṇanā

43-4. Vajjīsu janapadesu vasantā **vajjino** nāma, tesam puttā.

Yāvadatthanti yāvatā attho adhippāyoti vuttam hoti, tatthayam vuttam “sikkham appaccakkhāya dubbalyam anāvikatvā”ti, tam kāmam sikkhāpaccakkhāne, tadekaṭṭhe ca dubbalyāvikaraṇe paññatte sati yujjati, na aññathā. Tathāpi idāni paññapetabbanam upādāya vuttam, katham hi nāma chabbaggiyā bhikkhū atirekacīvaram dhāressanti¹, ālavakā bhikkhū kuṭiyō kārāpentī appamāṇikāyo², bhikkhuniyo dve vassāni chasu dhammesu asikkhitasikkham sikkhamānam vuṭṭhāpentī³, saṅghena asammatam vuṭṭhāpentīti-ādi⁴ viya daṭṭhabbam. Na hi tato pubbe adhiṭṭhānam vikappanam vā anuññātam. Yadabhāvā atirekacīvaranti vadeyya, pamāṇam vā na paññattam, yadabhāvā appamāṇikāyoti vadeyya, evaṃsampadamidaṃ daṭṭhabbam. “Ullumpatu maṃ bhante saṅgho anukampam upādāya”ti⁵ upasampadam yācivā upasampannena upasampannasamanantareva “upasampannena bhikkhunā methuno dhammo na paṭisevitabbo, asakyaputtiyo”ti⁶ ca paññattena assamaṇādibhāvam upagantukāmena nanu paṭhamam ajjhupagatā sikkhā paccakkhātabbā, tattha dubbalyam vā āvikātabbam siyā, te pana “sikkham appaccakkhāya dubbalyam anāvikatvā methunam dhammam paṭiseviṃsū”ti anupaññattiyā okāsakaraṇattham vā tam vuttanti veditabbam. “So āgato na upasampādetabbo”ti kiñcāpi ettheva vuttam, tathāpi itaresupi pārājikesu yathāsambhavam veditabbam. Na hi sikkham appaccakkhāya dubbalyam anāvikatvā yo pārājikavatthum adinmam theyyasaṅkhātāni ādiyati, manussaviggaham vā jīvitā voropeti, paṭivijānantassa uttarimanussadhammam vā ullapati, so āgato na upasampādetabbo. Anupaññatti hi dalhīkammasithilakammakaraṇappayojanā. Sā hi yassa pārājikam hoti aññā vā āpatti, tassa niyamadassanappayojanātilakkhaṇānupaññattikattā. Evañhi ante avatvā ādimhi vuttā “gāmā vā araññā vā”ti⁷ anupaññatti viya. Paripuṇṇe panetasmim sikkhāpade—

“Nidānā mātikābhedo, vibhaṅgo tamniyāmakō.

Tato āpattiyā bhedo, anāpatti tadaññathā”ti—

1. Vi 1. 294 piṭṭhe. 2. Vi 1. 218 piṭṭhe. 3. Vi 2. 419 piṭṭhe. 4. Vi 2. 421 piṭṭhe.
5. Vi 3. 72, 131 piṭṭhādīsu. 6. Vi 3. 134 piṭṭhe. 7. Vi 1. 56 piṭṭhe.

ayaṃ nayo veditabbo. Tattha sudinnavatthu makkaṭṭivatthu vajjiputtakavatthu cāti tippabhedam vatthu imassa sikkhāpadassa nidānam nāma, tato nidānā “yo pana bhikkhu bhikkhūnam sikkhāsājīvasamāpanno -pa- asaṃvāso”ti imissā mātikāya bhedo jāto. Tattha hi “antamaso tiracchānagatāyā”ti itthiliṅgavacanena “saccam āvuso bhagavatā sikkhāpadam paññattam, tañca kho itthiyā no purise no paṇḍake no ubhatobyañjanake cā”ti makkaṭṭipārājiko viya aññopi lesam oḍḍetum sakkoti, tasmā tādisassa alesokāsassa dassanattham idam vuccati. Makkaṭṭivatthusankhātā nidānā “antamaso tiracchānagatāyapī”ti mātikāvacanabhedo na itthiyā eva methunasiddhidassanato kato, tasmā **vibhaṅgo tamniyāmako** tassā mātikāya adhippetatthaniyāmako vibhaṅgo. **Vibhaṅge** hi “tisso itthiyo. Tayo ubhatobyañjanakā. Tayo paṇḍakā. Tayo purisā. Manussitthiyā tayo magge -pa- tiracchānagatapurisassa dve magge”ti-ādinā¹ nayena sabbalesokāsam pidahitvā niyamo kato.

Etthāha—yadi evam sādharmaṇasikkhāpadavasena vā liṅgaparivattanavasena vā na kevalam bhikkhūnam, bhikkhunīnampi “sikkhāsājīvasamāpanno”ti vibhaṅge vattabham siyā. Tadavacanena bhikkhunī purisaliṅgapātubhāvena bhikkhubhāve ṭhitā evam vadeyya “nāham upasampadakāle bhikkhūnam sikkhāsājīvasamāpannā, tasmā na appaccakkhātāsikkhāpi methunadhammena pārājikā homī”ti? Vuccate—tathā na vattabham anīṭṭhappasaṅgato. Bhikkhunīnampi “sikkhāsājīvasamāpanno”ti vutte bhikkhunīnampi sikkhāpaccakkhānam atthīti āpajjati, tañcāniṭṭham. Idam aparam anīṭṭhappasaṅgoti “sabbasikkhāpadāni sādharmaṇāneva, nāsādharmaṇāni”ti. Apicāyam bhikkhūnam sikkhāsājīvasamāpannovāti dassanattham “anujānāmi bhikkhave tamyeva upajjhan”ti-ādi² vuttam, apica yo tathā lesam oḍḍetvā methunam dhammam paṭisevanto vajjiputtakā viya pārājiko hoti. Te hi “bhikkhūnam sikkhāsājīvasamāpanno”ti vacanābhāve sati “āpattim tumhe bhikkhave āpannā pārājikan”ti vuttā bhagavatā. Ettha pana “bhikkhave”ti vuttattā keci bhikkhuliṅge ṭhitā, “idāni cepi mayam bhante ānanda labheyama bhagavato

1. Vi 1. 34, 35 piṭṭhe.

2. Vi 1. 43 piṭṭhe.

santike pabbajam labheyyāma upasampadan”ti vuttatā keci vibbhantāti veditabbā. **Tato āpattiyā bhedoti** tato vibhaṅgato “akkhāyite sarīre pārājikam, yebhuyyena khāyite thullaccayan”ti-ādi āpattiyā bhedo hoti. **Anāpatti tadaññathāti** tato eva vibhaṅgato yenākārena āpatti vuttā, tato aññenākārena anāpattibhedova hoti. “Sādiyati āpatti pārājikassa, na sādiyati anāpatti”ti hi vibhaṅge asati na paññāyati. Ettāvata samāsato gāthāttho vutto hoti. Ettha ca pana—

“Nidānamātikābhedo, vibhaṅgassa payojanam.

Anāpattipakāro ca, paṭhamo nippayojano”ti—

imaṃ nayaṃ dassetvāva sabbasikkhāpadānaṃ attho pakāsitabbo. Kathaṃ? Bhagavatā pana yenākārena yaṃ sikkhāpadaṃ paññāpitam, tassa ākārasa samattham vā asamattham vāti duvidham nidānam, ayaṃ **nidānabhedo**. Mātikāpi nidānāpekkhā nidānāpekkhāti duvidhā. Tattha catutthapārājikādisikkhāpadāni nidānāpekkhāni. Na hi vaggumudātīriyā bhikkhū sayameva attano attano asantam uttarimanussadhammaṃ musāvādalakkhaṇam pāpetvā bhāsiṃsu. Aññamaññassa hi te uttarimanussadhammassa gihīnam vaṇṇam bhāsiṃsu, na ca tāvatā pārājikavatthu hoti. Tattha tena lesena bhagavā tam vatthum nidānam katvā pārājikam paññāpesi, tena vuttam “nidānāpekkhan”ti. Iminā nayena nidānāpekkhāni ñatvā tabbiparītāni sikkhāpadāni nidānāpekkhānīti veditabbāni, ayaṃ **mātikābhedo**.

Nānappakārato

mūlāpattipahonakavatthupayogacittaniyāmadassanavasena mātikāya vibhajanabhāvadīpanattham tesam appahonakatāya vā tadaññataravekallatāya vā vītikkame sati āpattibhedadassanattham, asati anāpattidassanatthañcāti sabbattha tayo atthavase paṭicca mātikāya vibhajanam vibhaṅgo ārabhīyatīti veditabbo. Ettha pana “bhikkhakoti bhikkhu, bhikkhācariyam ajjhupagatoti bhikkhu, bhinnapaṭadharoti bhikkhū”ti kevalam byañjanatthadīpanavasena pavatto vā, “samaññāya bhikkhū”ti bhikkhubhāvasambhavam anapekkhitvāpi kevalam bhikkhu nāma pavattiṭṭhānadīpanavasena pavatto vā, “chi bhikkhūti bhikkhu, saraṇagamanehi upasampannoti bhikkhu, ñatticatutthena kammaena upasampannoti bhikkhū”ti upasampadānantarenāpi

bhikkhubhāvasiddhidīpanavasena pavatto vā, “bhadro bhikkhu, sāro bhikkhu, sekkho bhikkhu, asekkho bhikkhū”ti bhikkhukaraṇehi dhammehi samannāgatabhikkhudīpanavasena pavatto vā vibhaṅgo ajjupekkhito sabbasāmaññapadattā, tathā aññabhāgiyasikkhāpadādīsu sadvāravasena, adhikaraṇadassanādivasena pavatto ca ajjupekkhito itarattha tadabhāvatoti vedītabbo.

Tattha tisso itthiyoti-ādi vatthuniyamadassanavasena pavatto, manussitthiyā tayo magge methunaṃ dhammaṃ paṭisevantassa āpatti pārājikassāti-ādi payoganiyamadassanavasena pavatto, bhikkhussa sevānacittaṃ upaṭṭhiteti-ādi cittaniyamadassanavasena pavatto, sādiyati āpatti pārājikassa, na sādiyati anāpattīti-ādi vatthupayoganiyame sati cittaniyamabhāvābhāvavasena āpattānāpattidassanattaṃ pavatto, mataṃ yebhuyyena khāyitaṃ āpatti thullaccayassāti-ādi vatthussa appahonakatāya vītikkame āpattibhedadassanattaṃ pavatto, na sādiyati anāpattīti cittaniyamavekalyena vītikkamābhāvā anāpattidassanattaṃ pavattoti. Evaṃ itaresupi sikkhāpadesu yathāsambhavanayo ayanti payojano¹ vibhaṅgo.

Anāpattivāro pana mūlāpattito, tadaññekadesato, sabbāpattito ca anāpattidīpanavasena tivīdho. Tattha yo paṭhamo, so vibhaṅgo viya tayo atthavase paṭicca pavatto. Katame tayo? Mātikāpadānaṃ sātthakaniratthakānaṃ tadaññathā uddharaṇānuddharaṇavasena sappayojanāpajjanabhāvādīpanattaṃ, tadaññathā paṭipattikkamadassanattaṃ, āpattippahonakaṭṭhānēpi vissajjanattañcāti. Kathaṃ? **Eḷakalomasikkhāpade** “bhikkhuno paneva addhānamaggappaṭipannassa eḷakalomāni uppajjeyyūṃ, ākaṅkhamānena bhikkhunā paṭiggahetabbānī”ti² etāni kevalaṃ vatthumattadīpanapadānīti niratthakāni nāma, tesāṃ anāpatti. “Addhānamaggaṃ appaṭipannassa uppanne eḷakalome anāpatti, ākaṅkhamānena paṭiggahite”ti-ādīnā nayena tadaññathā anuddharaṇena nippayojanabhāvo dīpito hoti yadidaṃ **mātikāyaṃ** “methunaṃ dhammaṃ paṭiseveyyā”ti, idaṃ sātthakaṃ.

1. Payojane (Ka)

2. Vi 1. 340 piṭṭhe.

Tassa sappayojanabhāvadīpanattham “anāpatti ajānantassa asādiyantassā”¹ti vuttam. Yasmā jānanasādiyanabhāvena āpatti, asevantassa¹ anāpatti, tasmā vuttam **mātikāyam** “yo pana bhikkhu methunam dhammam paṭiseveyya, pārājiko hoti asaṁvāso”²ti adhippāyo. “Parapariggahitam parapariggahitasāññitā garuparikkhāro theyyacittam avaharaṇam”²ti vuttānam pañcannampi aṅgānam pāripūriyā petatiracchānagatapariggahite āpattippahonakaṭṭhānepi vissajjanattham “anāpatti petapariggahite”²ti-ādi² vuttam. Anāpatti imam jāna, imam dehi, imam āhara, iminā attho, imam kappiyam karohīti bhaṇatīti-ādi pana tadaññathā paṭipattikkamadassanattham vuttanti veditabbam. Ettāvata “nidānamātikābhedo”²ti-ādinā vuttagāthāya attho pakāsito hoti.

Ettha paṭhamapaññatti tāva paṭhamabodhim atikkamitvā paññattatā, āyasmato sudinnassa aṭṭhavassikkakāle paññattatā ca rattaññumahattam pattakāle paññattā. Dutiya-anupaññatti bāhusaccamahattam pattakāle uppannā. So hāyasmā makkaṭipārājiko yathā mātugāmapaṭisaṁyuttasu sikkhāpadesu tiracchānagatitthi anadhippetā, tathā idhāpīti saññāya “saccam āvuso bhagavatā sikkhāpadam paññattam, tañca kho manussitthiyā, no tiracchānagatitthiyā”²ti āha. Tatiyānupaññatti lābhaggamahattam pattakāle uppannā. Te hi vajjiputtakā lābhaggamahattam pattā hutvā yāvadattham bhuñjitvā nhāyitvā varasayanesu sayitvā tatiyānupaññatīyā vatthum uppādesum, te ca vepullamahattam patte saṁghe uppannā, sayañja vepullamahattam pattāti “vepullamahattampettha labbhati”²ti vuttam. Idam paṭhamapārājikasikkhāpadam tividhampi vatthum upādāya catubbidhampi tam kalam patvā paññattanti veditabbam.

Tattha **yo panāti** anavasesapariyādānapadam. **Bhikkhūti** tassa atippasaṅganiyamapadam. **Bhikkhūnam sikkhāsājīvasamāpannoti** tassa visesanavacanam. Na hi sabbopi bhikkhunāmako yā bhagavatā yāya kāyaci upasampadāya upasampannabhikkhūnam heṭṭhimaparicchedena sikkhitabbasikkhā vihītā, “ettha saha jīvanti”²ti yo ca ājīvo vutto, tam ubhayam samāpannova hoti. Kadā pana samāpanno ahoṣi? Yāya kāyaci upasampadāya

1. Ajānantassa (Ka)

2. Kaṅkhā-Ṭṭha 120 piṭṭhe.

upasampannasamanantaramēva tadubhayaṃ jānantopi ajānantopi tadajjhupagatatā samāpanno nāma hoti. **Saha jīvantīti** yāva sikkhaṃ na paccakkhāti, pārājikabhāvaṃ na pāpuṇāti, yaṃ pana vuttaṃ **andhakatṭhakathāyaṃ** “sikkhaṃ paripūrento sikkhāsamāpanno sājīvaṃ avītikkamanto sājīvasamāpanno hotī”ti, taṃ ukkaṭṭhaparicchedavasena vuttaṃ. Na hi sikkhaṃ aparipūrento kāmavitakkādibahulo vā ekaccaṃ sāvasesaṃ sājīvaṃ vītikkamanto vā sikkhāsājīvasamāpanno nāma na hoti. Ukkaṭṭhaparicchedena pana catukkaṃ labbhati atthi bhikkhu sikkhāsamāpanno sīlāni paccavekkhanto na sājīvasamāpanno acittakaṃ sikkhāpadaṃ vītikkamanto, atthi na sikkhāsamāpanno kāmavitakkādibahulo sājīvasamāpanno nirāpattiko, atthi na sikkhāsamāpanno na ca sājīvasamāpanno anavasesaṃ āpattim āpanno, atthi sikkhāsamāpanno ca sājīvasamāpanno ca sikkhaṃ paripūrento sājīvaṃ avītikkamanto, ayameva catuttho bhikkhu ukkaṭṭho idha adhippeto siyā. Na hi bhagavā anukkaṭṭhaṃ vuttuṃ yuttoti ce? Na, “tatra yāyaṃ adhisīlasikkhā, ayaṃ imasmiṃ atthe adhippetā sikkhā”tivacanavirodhato. Ukkaṭṭhaggahaṇādhippāye sati “sikkhāti tisso sikkhā”ti ettakameva vattabbanti adhippāyo. Sikkhattayasamāpanno hi sabbukkaṭṭhoti.

“Methunaṃ dhammaṃ paṭisevveyyā”ti parato vacanaṃ apekkhitvā adhisīlasikkhāva vuttāti ce? Na, tassāpi abhabbattā. Na hi adhisīlasikkhaṃ paripūrento sājīvaṃ avītikkamanto methunaṃ dhammaṃ paṭisevituṃ bhabbo, taṃ sikkhaṃ aparipūrento sājīvaṃ vītikkamanto eva hi paṭisevveyyāti adhippāyo, tasmā evamettha attho gahetabbo. Yasmā sikkhāpadasaṅkhāto sājīvo adhisīlasikkhameva saṅgaṇhāti, netaraṃ adhicitasikkhaṃ adhipaññāsikkhaṃ vā, tasmā “tatra yāyaṃ adhisīlasikkhā, ayaṃ imasmiṃ atthe adhippetā sikkhā”ti vuttaṃ, tasmā adhisīlasikkhāya saṅgāhako sājīvo sikkhāsājīvoti¹ vutto. Iti sājīvavisesanattamaṃ sikkhāggahaṇaṃ kataṃ. Tadatthadīpanattamaṃ **vibhaṅge** sikkhaṃ aparāmasitvā “tasmiṃ sikkhati, tena vuccati sājīvasamāpanno”ti

1. Sikkhāsājīvo samāpannoti (Ka)

vuttaṃ, tena ekamevidaṃ atthapadanti dīpitaṃ hoti. Tañca upasampadūpagamanantarato paṭṭhāya sikkhanādhikārattā “sikkhatī”ti ca “samāpanno”ti ca vuccati. Yo evaṃ “sikkhāsājīvasamāpanno”ti saṅkhyāṃ gato, tādisaṃ paccayaṃ paṭicca aparabhāge sājīvasaṅkhātameva sikkhaṃ appaccakkhāya, tasmīṃ yeva ca dubbalyāṃ anāvikatvā methunaṃ dhammaṃ paṭiseveyyāti ayamatto yujjati. Kintu aṭṭhakathānayo paṭikkhitto hoti. So ca na paṭikkhepārahoti tena tadanusārena bhavitabbaṃ.

Adhippāyo panettha pariyesitabbo, so dāni vuccati—sabbesupi sikkhāpadesu idameva bhikkhulakkhaṇaṃ sādharmaṇaṃ, yadidaṃ “bhikkhūnaṃ sikkhāsājīvasamāpanno”ti. Khīṇāsavopi sāvako āpattim āpajjati acittakaṃ, tathā sekkho. Puthujjano pana sacittakampi, tasmā sekkhāsekkhaputhujanabhikkhūnaṃ sāmāññaṃidaṃ bhikkhulakkhaṇanti katvā kevalaṃ sikkhāsamāpanno, kevalaṃ sājīvasamāpanno ca ubhayasamāpanno cāti sarūpekadesekasesanayena “sikkhāsājīvasamāpanno”tveva sampiṇḍetvā ukkaṭṭhaggaṇaṇena anukkaṭṭhānaṃ gahaṇasiddhito aṭṭhakathāyaṃ ukkaṭṭhova vutto. Tameva sampādetuṃ “tasmīṃ sikkhatī, tena vuccati sājīvasamāpanno”ti ettha sikkhāpadassa avacane parihāraṃ vatvā yasmā pana so asikkhampi samāpanno, tasmā sikkhāsamāpannotipi atthato vedītabboti ca vatvā “yaṃ sikkhaṃ samāpanno taṃ appaccakkhāya yañca sājīvaṃ samāpanno tattha dubbalyāṃ anāvikatvā”ti vuttanti ayamaṭṭhakathāyaṃ adhippāyo vedītabbo. Etasmīṃ pana adhippāye adhisīlasikkhāya eva gahaṇaṃ sabbatthikattā, sīlādhikārato ca vinayassāti vedītabbaṃ. Yathā ca sikkhāpadaṃ samādiyanto sīlaṃ samādiyātīti vuccati, evaṃ sikkhāpadaṃ paccakkhanto sīlasaṅkhātaṃ sikkhaṃ paccakkhātīti vattuṃ yujjati, tasmā tattha vuttaṃ “yaṃ sikkhaṃ samāpanno, taṃ appaccakkhāyā”ti. Sikkhaṃ paccakkhāya paṭisevitamethunassa upasampadaṃ anujānanto na samūhanati nāma. Na hi so bhikkhu hutvā paṭisevi, “yo pana bhikkhū”ti ca paññattaṃ. Ettāvātā samāsato “sikkhāsājīvasamāpanno”ti ettha vattabbaṃ vuttaṃ.

Kim iminā pisesavacanena payojanāṃ, nanu “yo pana bhikkhu sikkhaṃ appaccakkhāya dubbalyāṃ anāvikatvā -pa- asaṃvāso”ti ettakameva vattabbanti

ce? Na vattabbaṃ aniṭṭhappasaṅgato. Yo pana sikkhāsājīvasamāpanno theyyasamvāsādiko kevalena samaññāmattena, paṭiññāmattena vā bhikkhu, tassāpi sikkhāpaccakkhānaṃ atthi. Sikkhaṃ appaccakkhāya ca methunaṃ dhammaṃ paṭisevantassa pārājikāpatti. Yo vā pacchā pārājikaṃ āpattiṃ āpajjitvā na sikkhāsājīvasamāpanno tassa ca, yo vā pakkhapaṇḍakattā paṇḍakabhāvūpagamanena na sikkhāsājīvasamāpanno tassa ca tadubhayaṃ atthīti āpajjati. “Paṇḍakabhāvapakke ca pakkhapaṇḍako upasampadāya na vatthū”ti vuttaṃ, tasmā itarasmim pakkhe vatthūti siddhaṃ, tasmim pakkhe upasampanno paṇḍakabhāvapakke paṇḍakattā na sikkhāsājīvasamāpanno, so pariccajitabbasikkhāya abhāvena sikkhaṃ appaccakkhāya mukhena parassa aṅgajātaggahaṇādayo methunaṃ dhammaṃ paṭiseveyya, tassa kuto pārājikāpattīti adhippāyo. Ayaṃ nayo apaṇḍakapakkaṃ alabhamānasseva parato yujjati, labhantassa pana arūpasattānaṃ kusalānaṃ samāpattikkhaṇe bhavaṅgavicchede satipi amaraṇaṃ viya paṇḍakabhāvapakkepi bhikkhubhāve atthi. Samvāsam vā sādiyantassa na theyyasamvāsakabhāvo atthi antimavatthuṃ ajjhāpannassa viya. Na ca sahaseyyādikaṃ janeti. Gaṇapūraṅko pana na hoti antimavatthuṃ ajjhāpanno viya, na so sikkhāsājīvasamāpanno, itarasmim pana pakkhe hoti, ayaṃ imassa tato viseso. Kimayaṃ sahetuko, udāhu ahetukoti? Na ahetuko. Yato upasampadā tassa apaṇḍakapakke anuññātā sahetukapaṭisandhikattā. Paṇḍakabhāvapakkepi kissa nānuññātāti ce? Paṇḍakabhūtattā opakkamikapaṇḍakassa viya.

Apica sikkhāsājīvasamāpannoti iminā tassa sikkhāsamādānaṃ dīpetvā taṃ samādinnaṃ sikkhaṃ appaccakkhāya tattha ca dubbalyaṃ anāvikatvāti vattuṃ yujjati, na aññathāti iminā kāraṇena yathāvuttāniṭṭhappasaṅgato “yo pana bhikkhu bhikkhūnaṃ sikkhāsājīvasamāpanno sikkhaṃ appaccakkhāya”ti-ādi vuttaṃ. Yathā cettha, tathā “yo pana bhikkhu bhikkhūnaṃ sikkhāsājīvasamāpanno sikkhaṃ appaccakkhāya dubbalyaṃ anāvikatvā gāmā vā arañña vā adinnaṃ theyyasaṅkhātāni ādiyeyya¹, sugatacīvarappamāṇaṃ cīvaraṃ kāraṇeyya atirekaṃ vā, chedanakaṃ pācittiyaṃ”ti-ādinā² nayena sabbattha

1. Vi 1. 55 piṭṭhe.

2. Vi 2. 225 piṭṭhe.

yojetabbaṃ. **Antamaso tiracchānagatāyapī**ti manussitthiṃ upādāya vuttaṃ. Na hi “pageva paṇḍake purise vā”ti vattuṃ yujjati. Sesam tattha tattha vuttanayameva.

Ayaṃ paṭhamapārājikassa mātikāya tāva vinicchayo.

Catubbidhavinayakathāvaṇṇanā

45. **Nīharitvā**ti ettha sāsanaṭo nīharitvāti attho. “Pañcahupāli aṅgehi samannāgatena bhikkhunā nānuyuñjitabbaṃ. Katamehi pañcahi? Suttaṃ na jānāti, suttānulomaṃ na jānāti”¹ti¹ evamādito hi pariyattisāsanaṭo suttam, suttānulomañca nīharitvā pakāsesuṃ. “Anāpatti evaṃ amhākaṃ ācariyaṇaṃ uggaho paripucchāti bhaṇāti”²ti evamādito pariyattisāsanaṭo ācariyavādaṃ nīharitvā pakāsesuṃ. **Bhārukacchakavatthusmiṃ** “āyasmā upāli evamāha anāpatti āvuso supinanteṇā”²ti² evamādito pariyattisāsanaṭo eva attanomaṭiṃ nīharitvā pakāsesuṃ. Tāya hi attanomaṭiyā thero etadaggaṭṭhānaṃ labhi. Api ca vuttañhetam bhagavatā “anupasampannaṇa paññattena vā apaññattena vā vuccamāno -pa- anādariyaṃ karoti, āpatti dukkaṭassa”³ti³. Tattha hi paññattam nāma suttam. Sesattayaṃ apaññattam nāma. Tenāyaṃ catubbidham hi vinayaṃ, mahātherā”³ti gāthā suvuttā. Yaṃ sandhāya vuttam nāgasenaṭtherena. **Āhaccapadenā**ti atṭha vaṇṇaṭṭhānāni āhacca vuttana padanikāyenāti attho, udāhaṭena kaṇṭhokkantaṇa padasamūhenāti adhippāyo. **Rasenā**ti tassa āhaccabhāsitaṇa rasena, tato uddhaṭena vinicchayenāti attho. Suttacchāyā viya hi suttānulomaṃ. Ācariyavādo “**ācariyavaṃso**”⁴ti vutto **pāliyaṃ** vuttānaṃ ācariyaṇaṃ paramparāya ābhatova pamāṇanti dassanaṭṭham. **Adhippāyoti** kāraṇopapattisiddho uhāpohanayappavatto⁴ paccakkhādipamaṇapatirūpako. **Adhippāyoti** ettha “attanomaṭi”⁴ti keci attham vadanti.

1. Vi 5. 333 piṭṭhe.

2. Vi 1. 49 piṭṭhe.

3. Vi 2. 150 piṭṭhe.

4. Ohapohanappavatto. Upāyopā-yappavatto (Ka)

Parivāraṭṭhakathāyaṃ, idha ca kiñcāpi “suttānulomaṃ nāma cattāro mahāpadesā”¹ti vuttaṃ, atha kho mahāpadesanayasiddhaṃ paṭikkhittapaṭikkhittaṃ anuññātānanuññātaṃ kappiyākappiyanti atthāto vuttaṃ hoti. Tattha yasmā ṭhānaṃ okāso padesoti kāraṇavevacanāni “aṭṭhānametaṃ ānanda anavakāso”²ti-ādi² sāsānato, “niggahaṭṭhānaṃ”³ti ca “asandiṭṭhiṭṭhānaṃ”³ti ca “asandiṭṭhi ca pana padeso”³ti ca lokato, tasmā **mahāpadesā**ti mahākāraṇānīti attho. Kāraṇaṃ nāma nāpako hetu idhādhippetāṃ. Mahantabhāvo pana tesaṃ mahāvisayattā mahābhūtānaṃ viya. Te duvidhā vinayamahāpadesā suttantikamahāpadesā cāti. Tattha vinayamahāpadesā vinaye payogaṃ gacchanti, itare ubhayatthāpi, teneva **parivāre**³ anuyogavatte “dhammaṃ na jānāti, dhammānulomaṃ na jānāti”³ti vuttaṃ. Tattha **dhammanti** ṭhapetvā vinayapiṭakaṃ avasesapiṭakadvayaṃ. **Dhammānulomanti** suttantike cattāro mahāpadese. Tattha yo dhammaṃ dhammānulomañceva jānāti, na vinayaṃ vinayānulomañca, so “dhammaṃ rakkhāmī”³ti vinayaṃ ubbinayaṃ karoti, itaro “vinayaṃ rakkhāmī”³ti dhammaṃ uddhammaṃ karoti, ubhayaṃ jānanto ubhayampi sampādeti.

Tatridaṃ mukhamattaṃ—tatha paṭhamo “so ce pavesanaṃ sādīyati, pavīṭṭhaṃ, ṭhitaṃ, uddharaṇaṃ sādīyati āpatti, na sādīyati anāpatti”⁴ti ettha vipaṭipajjati. So hāyasmā sukhavedanīyassa upādinnaphoṭṭhabbassa, kāyindriyassa ca samāyoge sati paṭivijānanto kāyikasukhavedanuppattimattena sādīyati nāmāti paricchinditvā tassa āpatti pārājikassāti asevanādhippāyassapi āpattippasaṅgaṃ karoti, tathā yassa santhatattā vā yonidosavasena vā dukkhā asātā vedanā, vātopahaṭagattatāya vā neva kāyikavedanā, tassa jānato ajānatopi “anāpatti asādīyantassa”⁴ti suttantaṃ dassetvā sevanādhippāyassapi anāpattippasaṅgaṃ karoti, tathā yadi mocanarāgena upakkamato mutte saṃghādiseso, pageva methunarāgenāti dukkaṭaṭṭhānaṃ gahetvā saṃghādisesaṭṭhānaṃ karoti, evaṃ vinayaṃ ubbinayaṃ karoti nāma. Itaro “anāpatti ajānantassāti”⁴ti vuttattā jānato

1. Vi-Ṭṭha 4. 218 piṭṭhepi passitabbam.

3. Vi 5. 334 piṭṭhe.

2. Vi 1. 27 piṭṭhe.

4. Vi 1. 48 piṭṭhe.

jānaneneva sukhavedanā hotu vā mā vā sādiyanā hoti”ti vatvā asevanādhippāyassapi jānato anāpattiṭṭhāne āpattiṃ karoti, anavajjam sāvajjam karotīti evaṃ dhammaṃ uddhammaṃ karoti. Ubhayaṃ pana jānanto “bhikkhussa sevanacittaṃ upaṭṭhiteti¹ vacanato sevanacittamevettha pamāṇaṃ, tassa bhāvena āpatti pārājjikassa, abhāvena anāpatti”ti vatvā ubhayampi rakkhati sampādeti. Iminā nayena sabbasikkhāpadesu yathāsambhavaṃ sappayojanā kātabbā.

Saṅgītiṃ āropetvā ṭhapitapāḷito vinimuttaṃ katvā ṭhapitattā **pāḷiviniṃuttā** atthato, nayato, anulomato ca pāḷi-**okkantavinicchayappavattā**² anupaviṭṭhavinicchayavasena pavattāti attho. “Na samūhanissatī”ti jānantopi bhagavā kevalaṃ “tesaṃ mataṃ pacchimā janatā mama vacanaṃ viya pamāṇaṃ karotū”ti dassanatthañca parinibbānakāle evamāha ākaṅkhamāno ānanda saṅgho mamaccayena khuddānukhuddakāni sikkhāpadāni samūhanatū”ti³, tenetaṃ siddhaṃ “paññattampi ce sikkhāpadaṃ samūhanitum yassa saṅghassa anuññātaṃ bhagavatā, tassa paññattānulomaṃ atirekatthadīpanaṃ, pagevānuññātaṃ bhagavatā”ti. Kiñca bhiyyo unātirittasikkhāpadesu ācariyakulesu vivādo aññamaññaṃ na kātabboti dassanatthañca. Kasmā saṅgho na samūhanīti? Aññamaññaṃ vivādappasaṅgadassanato. Bhagavatā ca “sabbeheva samaggehi sammodamānehi avivadamānehi sikkhitabban”ti vuttaṃ. Tattha ca ekacce therā evamāhaṃsūti ca aññavādadassanato vivadamānehi sikkhitabbaṃ jātaṃ, tadabhāvattampi ñattidutiyakammavācaṃ sāvetvā avivadamāneheva sikkhitabbaṃ akāsi.

Apicāti attano matiyā pākāṭakaraṇatthaṃ ārambho. Tattha “suttantābhidhammavinayaṭṭhakathāsū”ti vacanato piṭakattayassapi sādharmaṇā esā kathāti veditabbā, “atha panāyaṃ kappiyan”ti-ādi vinayasseva. **Kāraḥkaṃghasadisanti** saṅgītikāraḥkaṃghasadisam. “Suttādicatukkaṃ appaccakkhāya tena aviruddhassa kammaṃ kārakaṃghasadisam”ti **dhammasirittherassa gaṇṭhipade** vuttaṃ, taṃ ayuttaṃ, “suttameva balavataraṃ. Suttaṃ hi appaṭivattiyaṃ kārakaṃghasadisam”ti etehi padehi ayuttattā.

1. Vi 1. 35 piṭṭhe. 2. Pāḷi-okkantakā vinicchayappavatti (Ka) 3. Dī 2. 127 piṭṭhe.

Pākatike¹ pana **gaṇṭhipade** “tamattam vinicchinitvā tassa kārakasaṃghasadisan”ti vuttam. **Paravādī**ti amhākaṃ samavajjānanako aññanikāyikoti vuttam. **Paravādī suttānulomanti** katham? “Aññatra udakadantaponā”ti² suttam sakavādissa, tadanulomato nāḷikeraphalassa udakampi udakameva hotīti paravādī ca.

“Nāḷikerassa yaṃ toyam, purāṇam pittabandhanam.

Tameva taruṇam toyam, pittagham balabandhanan”ti—

evam paravādinā vutte sakavādī dhaññaphalassa gatikattā, āhāratthassa ca pharaṇato “yāvakālikameva tan”ti vadanto paṭikkhipati. **Paro ācariyavādanti** “suṅkam pariharatīti ettha upacāram okkamitvā kiñcāpi pariharati, avahāro evā”ti aṭṭhakathāvacanato “tathā karonto pārājikamāpajjati”ti paravādinā vutte sakavādī “suṅkam pariharati, āpatti dukkaṭassā”ti suttam tattveva āgatamahā-aṭṭhakathāvacanena saddhim dassetvā paṭisedheti, tathā karontassa dukkaṭamevāti. **Paro attanomatīti** ettha “purebhattam parasantakam avaharati purebhattameva harissāmīti vāyamantassa pacchābhattam hoti, purebhattapayogova so, tasmā mūlaṭṭho na mucatīti tumhākam theravādattā mūlaṭṭhassa pārājikamevā”ti paravādinā vutte sakavādī “tam saṅketam pure vā pacchā vā tam bhaṇḍam avaharati, mūlaṭṭhassa anāpatti”ti³ suttam dassetvā paṭikkhipati.

Paro suttanti “aniyatahetudhammo sammattaniyatahetudhammassa ārammaṇapaccayena paccayo”ti suttam paṭṭhāne likhitam dassetvā “ariyamaggassa na nibbānamevārammaṇan”ti paravādinā vutte sakavādī “ārammaṇatthikādisuttānulome na otarati”ti paṭikkhipati. Suttānulome otarantamyeva hi suttam nāma, netaram. Tena vuttam pāli-āgataṃ paññāyatīti ettakenapi siddhe **tisso saṅgītiyo āruḷhapāli-āgataṃ paññāyatī**”ti-ādi. Tādisañhi pamādalekhanti ācariyo. “Appamādo amatam padam, pamādo maccuno padan”ti⁴ vacanato dinnabhojane bhujjivā parissayāni parivajjitvā satim paccupaṭṭhapetvā viharanto nicco hotīti.

1. Pākatike (Ka)

3. Vi 1. 65 piṭṭhe.

2. Vi 2. 121 piṭṭhe.

4. Khu 1. 16; Khu 10. 30 piṭṭhesu.

Evarūpassa atthassa vasena āruḷhampi suttaṃ na gahetabbaṃ, tena vuttaṃ no ce tathā paññāyatīti siddhepi “**no ce tathā paññāyati, na otarati na sameti**”ti. “**Bāhirakasuttaṃ vā**”ti vuttattā attano suttaṃ pi atthena asamentaṃ na gahetabbaṃ. **Paro ācariyavādanti**-ādīsu dvīsu nāyesu pamādalekhavasena tattha tattha āgataṭṭhakathāvacanaṃ theravādehi saddhim yojetvā veditabbaṃ.

Atha panāyaṃ ācariyavādaṃ. Paro suttanti paravādinā “mūlabījaṃ nāma haliddi siṅgiveraṃ vacā -pa- bīje bījasaññī chindati vā chedāpeti vā bhindati vā -pa- āpatti pācittiyassāti¹ tumhākaṃ pāṭhattā haliddigaṇṭhim chindantassa pācittiyān”ti vutte sakavādī “yāni vā panaññāni atthi mūle sañjāyanti”ti-ādīṃ dassetvā tassa aṭṭhakathāsaṅkhātena ācariyavādena paṭikkhipati. Na hi gaṇṭhimhi gaṇṭhi jāyatīti. **Paro suttānulomanti** paravādinā “anāpatti evaṃ amhākaṃ ācariyānaṃ uggahoti vacanassānulomato ‘amhākaṃ porāṇabhikkhū ekapāsāde gabbhaṃ thaketvā anupasampanna sayitum vaṭṭatīti tathā katvā āgatā, tasmā amhākaṃ vaṭṭatī’ti tumhesu eva ekaccesu vadantesu tumhākaṃ na kiñci vattum sakkā”ti vutte sakavādī “suttaṃ suttānulomañca uggahitakānaṃyeva ācariyānaṃ uggaho pamāṇaṃ”ti-ādī-aṭṭhakathāvacanaṃ dassetvā paṭisedheti. **Paro attanomatinti** “dvāraṃ vivarivā anāpucchā sayītesu ke muccantī”ti ettha pana dvepi janā muccanti yo ca yakkhagahitako, yo ca bandhitvā nipajjāpitoti tumhākaṃ theravādattā aññe sabbepi yathā tathā vā nipannādayopi muccantīti paṭisedheti.

Atha panāyaṃ attanomatīṃ. Paro suttanti “āpattim āpajjantī”ti paravādinā vutte sakavādī “divā kilantarūpo mañce nisinnō pāde bhūmito amocetvāva niddāvasena nipajjati, tassa anāpatti”ti-ādī-aṭṭhakathāvacanaṃ² dassetvā ekabhāṅgena nipannādayopi muccantīti paṭisedheti. **Athāyaṃ attanomatīṃ. Paro suttānulomanti** “domanassaṃ pāhaṃ devānaminda duvidhena vadāmi sevitabbampi asevitabbampīti-ādivacanehi³ saṃsandanato sadārapose doso tumhākaṃ natthi,

1. Vi 2. 52 piṭṭhe.

2. Vi-Ṭṭha 1. 245 piṭṭhe.

3. Dī 2. 221 piṭṭhe.

tena vuttam ‘puttadārassa saṅgaho’¹ti”paravādinā vutte kiñcāpi sakavādī bahussuto na hoti, atha kho rāgasahiteneva akusalena bhavitabbanti paṭikkhipati. Sesesupi iminā nayena aññathāpi anurūpato yojetabbam. Idam sabbam upatissattherādayo āhu. Dhammasiritthero pana “ettha paroti vutto aññanikāyiko, so pana attano suddhānīyeva āharati. Tāni sakavādī attano suddhādimhi otāretvā sace sameti gaṇhāti, no ce paṭikkhipatī”²ti vadati.

Catubbidhavinayakathāvaṇṇanā niṭṭhitā.

Padabhājanīyavaṇṇanā

Sikkhāpadavibhaṅge pana kiñcāpi **yo panāti** anavasesapariyādānapadam, tathāpi **bhikkhūti** iminā parapadena samānādhikaraṇattā tadanurūpanevasa vibhaṅgapadāni vuttāni. Bhikkhunibbacanapadāni tīṇi kiñcāpi sabhikkhubhāvassa, abhikkhubhāvassa cāti yassa kassaci pabbajitassa sādharmaṇi, tathāpi “asuddho hoti puggalo aññataram pārājikam dhammam ajjhāpanno, tañce suddhadiṭṭhi samāno anokāsam kārapetvā cāvanādhippāyo vadeti, āpatti saṅghādisesena dukkaṭassā”²ti¹ evamādisuttam nibbacanattayuttova puggalo “āpatti saṅghādisesena dukkaṭassā”²ti ettha vatthu, na itaro gihibhūtoti dassanattam vuttam. Sabbassapi vinayapiṭakassa sādharmaṇam bhikkhulakkhaṇam vatthum hi bhagavā ārabhi. Yo pana suddho eva samāno kenaci kāraṇena gihiliṅge ṭhito, so attano sabhikkhubhāvattā eva vatthu hoti, asuddhopi bhikkhuliṅge ṭhitattāti ayamatto dassito hoti. Asuddhopi ñātakehi, paccatthikehi vā rājabhayādikāraṇena vā kāsāvesu sa-ussāhova apanītakāsāvo vatthu eva puna kāsāvaggahaṇena theyyasaṁvāsakabhāvānupagamanato, bhikkhunibbacanatthe anikkhattadurattāti vuttam hoti. Yo pana liṅgatthenako bhikkhunibbacanattam sayañca ajjhupagato, saṁvāsam thenento, tañce suddhadiṭṭhi samāno anokāsam kārapetvā cāvanādhippāyo vadeti,

1. Khu 1. 4, 319 piṭṭhesu.

2. Vi 1. 253 piṭṭhe.

āpatti saṅghādisesena dukkaṭassāti ayampi attho dassito hoti.

“Samaññāya bhikkhu paṭiññāya bhikkhū”ti vacanadvayaṃ yathāvuttañca atthaṃ upabrūheti, antarā uppannāya niyatāya micchādiṭṭhiyā upacchinnakusalamūlo kevalāya samaññāya, paṭiññāya ca “bhikkhū”ti vuccati, na paramatthatoti imaṃ atirekatthaṃ dīpeti. Kim vuttaṃ hoti? “Nāhaṃ bhikkhave aññaṃ ekadhammampi samanupassāmi, yaṃ evaṃ mahāsāvajjaṃ yathayidaṃ bhikkhave micchādiṭṭhi. Micchādiṭṭhiparamāni bhikkhave mahāvajjāni”¹ āhaccabhāsitaṃ saṅgītittayāruḷhaṃ suttaṃ, **aṭṭhakathāyampissa** “micchādiṭṭhiparamā etesanti micchādiṭṭhiparamāni”ti vuttaṃ. Pañca ānantariyakammāni mahāsāvajjāni, micchādiṭṭhi pana mahāsāvajjatarāti adhippāyoti. Kasmā? Tesañhi paricchedo atthi, sabbabalavampi kappatṭhitikameva hoti, niyatamicchādiṭṭhiyā pana paricchedo natthi, tāya samannāgatassa bhavato vuṭṭhānaṃ natthi, tasmā “imassa bhikkhukaraṇā kusalā dhammā saṃvijjanti”ti vā “suddhovāyan”ti vā na sakkā vattuṃ. “Diṭṭhivipattipaccayā dve āpattiyo āpajjati”ti vuttattā na sakkā “asuddho”ti vā “aññataraṃ pārājikaṃ dhammaṃ ajjhāpanno”ti vā vattuṃ. Esa hi ubhopi pakkhe na bhajati, tena vuttaṃ “samaññāya, paṭiññāya ca bhikkhu, na paramatthato”ti.

Kimatthaṃ panevaṃ mahāsāvajjāya niyatamicchādiṭṭhiyā pārājikaṃ bhagavā na paññapesīti? Dubbijānattā. Pakatiyāpesā diṭṭhi nāma “sammā”ti vā “micchā”ti vā duviññeyyā, pageva “niyatā”ti vā “aniyatā”ti vāti. Tattha pārājikāpattiyā paññattāya bhikkhū aññaṃaññaṃ asamadiṭṭhikaṃ pārājikaṃ maññamānā uposathādīni akatvā acireneva sāsaṇaṃ vināseyyuṃ, sayañca apuññaṃ pasaveyyuṃ suddhesupi bhikkhūsu vipaṭipattiyā paṭipajjanena. Tasmā upāyakusalatāya pārājikaṃ apaññāpetvā tassa ukkhepanīyakammaṃ, sammāvattañca paññāpetvā taṃ saṅghena asambhogaṃ, asaṃvāsañca akāsi. Bhagavā hi tassa ce esā diṭṭhi aniyatā, sammāvattaṃ pūretvā osāraṇaṃ labhitvā pakatatto bhaveyya. Niyatā ce, aṭṭhānametaṃ anavakāso, yaṃ so niyatamicchādiṭṭhiko sammāvattaṃ pūretvā osāraṇaṃ labhitvā pakatatto bhavaṃ. Kevalaṃ

1. Am 1. 35 piṭṭhe.

“samaññāyabhikkhu paṭiññāyabhikkhū”ti nāmamattadhārako hutvā paraṃ maraṇā ariṭṭho viya saṃsārakhāṇukova bhavissatīti imaṃ nayaṃ addasa.

Aṭṭhasu upasampadāsu tissovetha vuttā, na itarā pāṭipuggalattā, bhikkhūnaṃ asantakattā ca. Tattha hi ovādapaṭiggahaṇapañhabyākaraṇūpasampadā dvinnaṃ therānaṃ eva, sesā tisso bhikkhunīnaṃ santakāti idha nādhippetā, tissannampi upasampadānaṃ majjhe “bhadro bhikkhū”ti-ādīni cattāri padāni vuttāni tissannaṃ sādharmaṇattā. Ehibhikkhubhāvena vā saraṇagamanañatticatutthena vā upasampanno hi bhadro ca sāro ca sekkho ca asekkho ca hoti, upasampadavacanaṃ pana nesaṃ sāvaka bhāvadīpanatthaṃ. Ime eva hi āpattim āpajjanti, na sammāsambuddhā, pacceka buddhā ca.

Ayaṃ imasmim atthe adhippetoti ettha ca āpattim āpajjitum bhabbā ñatticatuttheneva kamma upasampannā. Na hi aññe ehibhikkhusaraṇagamana-ovādapaṭiggahaṇapañhabyākaraṇāhi upasampannā āpattim āpajjitum bhabbā, tenete paṭikkhipitvā “ayaṃ imasmim atthe adhippeto bhikkhū”ti antimova vuttohi kira **dharmasirithero**, taṃ ayuttaṃ. “Dve puggalā abhabbā āpattim āpajjitum buddhā ca pacceka buddhā cā”ti¹ ettakameva vuttanti. Aññathā ehibhikkhu-ādayopi vattabbā siyūṃ. Kiñca bhiyyo “dve puggalā bhabbā āpattim āpajjitum bhikkhū ca bhikkhuniyo cā”ti¹ sāmāññena vuttattā ca, apica āpattibhayaṭṭhānadassanato ca. Kathaṃ? Āyasmā sārīputto āvasathapiṇḍaṃ kukkuccāyanto na paṭiggahosi, cīvaravippavāsabhayā ca sabbaṃ ticīvaraṃ gahetvā nadiṃ taranto manaṃ vulho ahosi mahākassapo. Kiñca saraṇagamanūpasampadāya upasampanne ārabha saddhivihārikavattādīni asamāvattantānaṃ nesaṃ dukkaṭāni ca paññattāni dissanti, tasmā dubbicāritametaṃ. **Ayaṃ imasmim atthe adhippeto bhikkhūti** paṭikkhittāya saraṇagamanūpasampadāya anuññātappasaṅgabhayāti **upatissatthero**, āpattiyā bhabbataṃ sandhāya tasmimpi vutte pubbe paṭikkhittāpi sā puna evaṃ vadantena anuññātāti bhikkhūnaṃ micchāgāho vā vimati vā uppajjati, tasmā na vuttāti vuttaṃ hoti, taṃ “bhikkhunī nāma ubhatosaṅghe upasampannā”ti² iminā sameti. Idañhi sākiyādīnaṃ anuññāta-upasampadāya anuppabandhabhayā vuttaṃ.

1. Vi 5. 214 piṭṭhe.

2. Vi 2. 80 piṭṭhe.

Ayaṃ panettha amhākaṃ khanti—bhikkhu-padaniddesattā yattakāni tena padena saṅgahaṃ gacchanti, ye ca vinayapiṭake tattha tattha sandissanti sayam āpattāpajjanaṭṭhena vā duṭṭhullārocanapaṭicchādanādīsu paresam āpattikaraṇaṭṭhena vā, te sabbepi dassetvā idāni yadidaṃ tassa bhikkhupadassa visesanattham vuttam parapadam “sikkhāsājīvasamāpanno”ti, tassa vasena idaṃ vuttam “ayaṃ imasmim atthe adhippeto bhikkhū”ti. So eva hi kammavācānantarameva sikkhāsājīvasamāpanno hoti tato paṭṭhāya sa-uddesasikkhāpadānam uppattidassanato, tasseva sikkhāpaccakkhānam dissati, netarassa. Tasseva ca sikkhāpaccakkhānam sambhavati “ullumpatu maṃ bhante saṅgho anukampaṃ upādāyā”ti¹ vatvā samādinnatā, tasseva ca upasampannasamanantarameva akaraṇīyanissayācikkhanadassanato, vinayaṃ pātimokkhaṃ uddesaṃ paccakkhāmīti-ādisikkhāpaccakkhānalakkhaṇapāripūrito cāti sikkhāpaccakkhānam upādāya so eva idhādhippetoti vuttam hoti.

Yasmā panassa sikkhāpaccakkhānam sabbathā yujjati, tasmā “sikkham paccakkhāya taṃ taṃ vatthum vītikkamantassa tato tato āpattito anāpatti, itarassa āpatti”ti vattum yujjati, tasmā “yattha yattha sāvajjapaññatti, anavajjapaññatti vā, ayaṃ imasmim atthe adhippeto bhikkhūti vuccati, tattha tattha tadajjhācāratthenāyameva ñatticatutthena upasampanno adhippeto nāmā”ti vattum yujjatīti veditabbaṃ. Evaṃ sante yaṃ vuttam “yāya kāyaci upasampadāya ayaṃ imasmim ‘methunaṃ dhammaṃ paṭisevitvā pārājiko hoti’ti atthe bhikkhūti adhippeto”ti, tampi na vattabbameva. Kathaṃ hoti? Virodhadosopi parihato hoti. Kathaṃ? Sace ñatticatutthena upasampanno eva idhādhippeto “bhikkhū”ti ca “upasampanno”ti ca, tena na upasampanno anupasampanno nāmāti katvā ñatticatutthakammato aññathā upasampannā nāma mahākassapattherādayo itaresaṃ anupasampannaṭṭhāne ṭhatvā sahaseyyapadasodhammāpattim jāneyyum, omasanādikāle ca dukkaṭameva jāneyyunti evamādiko virodhadoso parihato hotīti sabbaṃ ācariyo vadati. **Maṅguracchavi** nāma sāmo.

1. Vi 3. 72, 131 piṭṭhesu.

Yasmā te atimahanto jātimado cittaṃ pariyuṭṭhāti, tasmā tumhehi¹ mama sāsane evaṃ sikkhitabbaṃ. “**Sātasahagatā** paṭhamajjhānasukhasahagatā asubhe ca ānāpāne cā”ti **gaṇṭhipade** vuttaṃ. **Uddhumātakasaññāti** uddhumātakanimitte paṭiladdhapaṭhamajjhānasaññā. **Rūpasaññāti** pathavīkasiṇādirūpāvacarajjhānasaññā. So taṃ byākāsi “avibhūtā bhante uddhumātakasaññā avaḍḍhitabbattā asubhānaṃ, vibhūtā bhante rūpasaññā vaḍḍhitabbattā kasiṇānaṃ”ti. Pañca-upasampadatthamo **mahāvaggā** gahito. **Ñatticatutthenāti** ettha kiñcāpi ñatti sabbapaṭhamam vuccati, tissanam pana anussāvanānaṃ atthabyañjanabhedābhāvato atthabyañjanabhinnā ñatti tāsam catutthāti katvā “ñatticatutthan”ti vuccati. Byañjanānurūpameva aṭṭhakathāya “tīhi anussavanāhi ekāya ca ñattiyā”ti vuttaṃ, atthapavattikkamena padena pana “ekāya ñattiyā tīhi anussāvanāhi”ti vattabbaṃ. Yasmā panettha “cattārimāni bhikkhave kammāni², cha imāni bhikkhave kammāni adhammakammaṃ vaggakammaṃ”ti³ vacanato kuppakammampi katthaci “kamman”ti vuccati tasmā “**akuppenā**”ti vuttaṃ.

Yasmā akuppampi ekaccaṃ na ṭhānārahaṃ, yena appatto osāraṇam “sosārīto”ti **campeyyakkhandhake**⁴ vuccati, tasmā “**ṭhānārahenā**”ti vuttaṃ. Yadi evaṃ “ṭhānārahenā”ti idameva padaṃ vattabbaṃ, na pubbapadaṃ iminā akuppasiddhitoti ce? Taṃ na, aṭṭhānārahena akuppena upasampanno imasmim atthe anadhippetoti anīṭhappasaṅgato. Dvīhi panetehi ekato vuttehi ayamatto paññāyati “kevalam tena akuppena upasampanno ayampi imasmim atthe adhippeto ‘bhikkhū’ti, ṭhānārahena ca upasampanno ayampi imasmim atthe adhippeto ‘bhikkhū’ti, kuppena upasampanno nādhippeto”ti. Tenāyampi attho sādhitoti hoti “yo pana bhikkhu jānaṃ unavīsativassam puggalam upasampādeyya, so ca puggalo anupasampanno”ti⁵ vacanato yāva na ñāyati, tāva samaññāyatikkhupaṭiññāyabhikkhubhāvaṃ upagatopi na pubbe dassitasamaññāyabhikkhupaṭiññāyabhikkhu viya aññesaṃ bhikkhūnaṃ upasampannaṭṭhāne ṭhatvā omasanapācittiyādivatthū hoti, kevalam anupasampannaṭṭhāne ṭhatvā “anupasampanne

1. Tayā (?)

2. Vi 3. 435 piṭṭhe.

3. Vi 3. 436 piṭṭhe.

4. Vi 3. 444 piṭṭhe.

5. Vi 2. 170 piṭṭhe.

upasampannasaññī padaso dhammaṃ vāceti, āpatti pācittiyassā”ti-ādi¹
 āpattivatthumeva hutvā tiṭṭhati. Akuppena upasampanno pana pacchā
 pārājikopi jātito upasampannaṭṭhāne tiṭṭhatīti “paṇḍako bhikkhave
 anupasampanno na upasampādetabbo, upasampanno nāsetabbo”ti-ādinā²
 nayena vuttesu pana vajjanīyapuggalesu koci puggalo “upasampanno”ti
 vuccati, nopi upasampannaṭṭhāne tiṭṭhati, koci tiṭṭhatīti vedītabbāṃ.

Ettha pana atthi kammaṃ akuppaṃ ṭhānārahaṃ, atthi ṭhānārahaṃ
 nākuppaṃ, atthi akuppañceva na ṭhānārahañca, atthi nākuppaṃ na ca
 ṭhānārahanti idaṃ catukkaṃ vedītabbāṃ. Tattha paṭhamāṃ tāva vuttaṃ,
 tatiyacatutthāni pākāṭāni. Dutiyāṃ pariyāyena bhikkhunisaṃghato ekato-
 upasampannāya liṅgaparivatte sati labbhati. Tassa hi puggalassa pubbe
 sikkhamānakāle laddhaṃ ṇatticatuttha-upasampadākammaṃ kiñcāpi
 akuppañceva ṭhānārahañca, purisaliṅge pana pātubhūte “anujānāmi
 bhikkhave taṃyeva upajjhaṃ tameva upasampadan”ti³ ettha aparīyāpannattā
 tassa puggalassa kevalaṃ sāmaṇerabhāvāpattito kammaṃ dāni kuppaṃ
 jātanti vuccati. Liṅgaparivattena cīvarassa adhiṭṭhānavijahaṇaṃ viya tassa
 puggalassa bhikkhunisaṃghena katāya upasampadāya vijahaṇaṃ hotīti
 vedītabbāṃ, aññathā so puggalo upasampanno bhikkhūti āpajjati. Atha vā
 liṅgaparivatte asatīpi taṃ ekato-upasampadākammaṃ kuppati, yathāṭṭhāne na
 tiṭṭhati. Tasmā na tāva sā “bhikkhunī”ti saṅkhyāṃ gacchati. Yasmā
 aññatarāṃ pārājikaṃ dhammaṃ āpajjitvāpi anāpajjitvāpi
 uppabbajitukāmatāya gihiliṅgaṃ sādīyantiyā punapi upasampadā
 ubhatoṃghe labbhati, tasmā tena pariyāyena “kuppatīti kuppan”ti vuccati,
 yathāvuttakammadosābhāvato pana “ṭhānārahan”ti. Bhikkhunī pana
 gihiliṅgaṃ sādīyantikāle na purisaliṅgapātubhāve sati bhikkhūsu
 upasampadaṃ labbhatīti sādhaṃ kāraṇaṃ na dissati, sikkhaṃ
 paccakkhāya uppabbajitā ce, labhatīti eke, taṃ panāyuttaṃ bhikkhuniyā
 sikkhāpaccakkhanābhāvato amhākaṃ khantīti ācariyo. “Yathā ‘kattabban’ti
 vuttaṃ, tathā akate kuppatīti katvā karaṇaṃ **sattusāsanā**”ti **gaṇṭhipade**
 vuttaṃ. Yattha yattha “**gaṇṭhipade**”ti vuccati, tattha tattha
 “**dhammasirittherassa gaṇṭhipade**”ti gahetabbāṃ.

1. Vi 2. 26 piṭṭhe.

2. Vi 3. 119 piṭṭhe.

3. Vi 1. 43 piṭṭhe.

Sāḷvapaḍaḅhājanīyavaṇṇanā

“Mahābodhisattā niyatā”ti vuttam **anugaṇṭhipade**. Yattha “**anugaṇṭhipade**”ti tattha “**vajirabuddhittherassā**”ti gahetabbariṃ. Sāvakaḅodhipaccekaḅodhisammāsambodhīti vā tīsu bodhīsu sammāsambodhiyaṃ sattā bodhisattā **mahābodhisattā** nāma. Pātimokkhasīlabahukattā, bhikkhusīlattā, kilesapidahanavasena vattanato, uttamaṇa bhagavatā paññattattā ca **adhikaṃ**, buddhuppādeyeva pavattanato **uttamanti** aññatarasmiṃ **gaṇṭhipade**. Kiñcāpi paccekaḅuddhāpi dhammatāvasena pātimokkhasaṃvarasīlena samannāgatāva honti, tathāpi “**buddhuppādeyeva pavattati**”ti niyamitaṃ tena pariyāyenāti. Tenāha “**na hi taṃ paññattiṃ uddharitvā**”ti-ādi. Pātimokkhasaṃvaratopi ca maggaphalasampayuttameva sīlaṃ adhisīlaṃ, taṃ pana idha anadhippetam. Na hi taṃ pātimokkhuddesena saṅgahitanti. Samantabhadraḅkaṃ kāraṇavacaṇaṃ sabbasikkhāpadāṇaṃ sādḅhāraṇalakkhaṇattā imissā anupaññattiyā ariyapuggalā ca ekaccaṃ āpattiṃ āpajjantīti sādhitametaṃ, tasmā “**na hi taṃ samāpanno methunaṃ dhammaṃ paṭisevati**”ti aṭṭhakathāvacanaṃ asaṃmatthaṃ viya dissatīti? Nāsamattaṃ, samatthameva yasmiṃ yasmiṃ sikkhāpade sā sā vicāraṇā, tassa tasseva vasena aṭṭhakathāya pavattito. Tathā hi **kaṅkhāvitarāṇiyaṃ**¹ udakukkhepasīmādhikāre “timaṇḅalaṃ paṭicchādetvā antaravāsakaṃ anukkhavitvā uttarantiyā bhikkhuniyā”ti vuttam **bhikkhunivibhaṅge** āgatattā. Eseva nayo aññepi evarūpesu. Kimatthanti ce taṃ? Pāḷikkamānuvattanena pāḷikkamadassanattaṃ. Tatridaṃ samāsato adhippāyadīpanaṃ— padasodhammasikkhāpadassa tikaparicchede upasampanne upasampannasāññī, anāpatti, akaṭāṇudhammasikkhāpadavasena upasampanne ukkhittake siyā āpatti, tathā sahaseyyasikkhāpadeti evamādi. Attho panettha parato āvi bhavissati.

Yaṃ vuttam **aṭṭhakathāyaṃ** “tatopi ca maggaphalacittameva adhicittaṃ, taṃ pana idha anadhippetan”ti ca, “tatopi ca maggaphalapaññāva adhipaṇñā, sā pana idha anadhippetā. Na hi taṃsamāpanno bhikkhu methunaṃ dhammaṃ paṭisevati”ti. “Tatra yāyaṃ adhisīlasikkhā, ayaṃ imasmiṃ atthe adhippetā sikkhā”ti imāya pāḷiyā virujjhati. Ayañhi pāḷi adhisīlasikkhāva idha adhippetā,

1. Kaṅkhā-Ṭṭha 90 piṭṭhe.

na itarāti dīpeti. Aṭṭhakathāvacanaṃ tāsampi tiṇṇaṃ lokiyānaṃ adhippetataṃ dīpeti. Ayaṃ panettha aṭṭhakathādhippāyo—tissopi lākiyā sikkhā imasmiṃ paṭhamapārājike sambhavanti, kālenāpi adhiccittapaññālābhī bhikkhu tathārūpaṃ asappāyaṃ paccayaṃ paṭicca tato tato adhiccitto, adhipaññāto ca āvattitvā silabhedāṃ pāpuṇeyyāti ṭhānametaṃ vijjati, na lokuttaracittapaññālābhī, ayaṃ nayo itaresupi sabbesu adinnādānādīsu sacittakesu labbhati, acittakesu pana itaropi. Tathāpi kevalaṃ vinayapiṭakassa, pātimokkhasīlassa ca saṅgāhakattā “sikkhaṃ appaccakkhāyā”ti imasmiṃ uttarapade paccakkhānārahā adhisīlasikkhāva lokiyāti dassanattamaṃ pāliyaṃ “tatra yāyaṃ adhisīlasikkhā, ayaṃ imasmiṃ atthe adhippetā sikkhā”ti vuttanti veditabbaṃ.

Ettha **sikkhā**ti kāyavacīduccaritato viratī ca cetanā ca, aññatra cetanāyeva veditabbā. **Sikkhāpadanti** sa-uddesasikkhāpadaṃ, ekaccaṃ anuddesasikkhāpadañca labbhati. **Cittassa adhikaraṇaṃ katvā**ti tasmīṃ sikkhatīti adhikaraṇatthe bhummanti dassanattamaṃ vuttaṃ. **Yathāsikkhāpadanti** paccavekkhaṇavasena vuttaṃ. Sīlapaccavekkhaṇāpi hi sīlameva, tasmā suppaṭicchannādicārittesu virativippayuttacetaṇaṃ pavattentopi sikkhaṃ paripūrentotveva saṅkhyāṃ gacchati. “Sampajānamusāvāde pācittiyaṃ”ti¹ vuttamariyādaṃ avītikkamanto “tasmiṃca sikkhāpade sikkhatī”ti vuccati. Aññatarasmiṃ pana **ganṭhipade** vuttaṃ “**sikkhā**ti taṃ sikkhāpadaṃ sikkhanabhāvena pavattacittuppādo. **Sājīvanti** paññatti. Tadattadassanattamaṃ pubbe methunasamvarassetamaṃ adhivacanaṃ”ti. Yasmā sikkhāya guṇasammatāya puññasammatāya tantiyā abhāvato lokassa dubbalyāvikammaṃ tattha na sambhavati. Patthanīyā hi sā, tasmā “yañca sājīvaṃ samāpanno, tattha dubbalyaṃ anāvikatvā”ti vuttaṃ. Āṇāya hi dubbalyaṃ sambhavatīti āyasmā upatisso.

1. Vi 2. 2 piṭṭhe.

Sikkhāpaccakkhānakathāvaṇṇanā

Ettha yāmiti amukasmiṃ titthāyatane, gharādimhi vā.

Bhāvavikappākārenāti “aham assan”ti āgatattā yaṃ yaṃ bhavitukāmo, tassa tassa bhavassa vikappākārena, bhikkhubhāvato aññabhāvavikappākārenāti adhippāyo.

46. **Handā**ti vacasāyeva¹. **Gihibhāvaṃ patthayamānoti**-ādipadehi cittaniyamam dasseti. Ekeneva cittaena sikkhāpaccakkhānam hoti, na tadabhāvenāti.

50. **Buddham dhammanti**-ādipadehi khettaniyamam dasseti. Tattha ādito cuddasahi padehi sabhāvapariccāgo, pacchimehi aṭṭhahi bhāvantarādānañca dassitam hoti. **Paccakkhāmi dhārehī**ti etehi kālaniyamam dasseti. **Vadatī**ti iminā padena payoganiyamam dasseti. **Viññāpetī**ti iminā vijānananiyamam dasseti. **Ummattako sikkham paccakkhāti, ummattakassa santike sikkham paccakkhātī**-ādīhi puggalaniyamam dasseti. **Ariyakena milakkhassa santike sikkham paccakkhātī**-ādīhi pana puggalādiniyamepi sati vijānananiyamāsambhavam dasseti. Tattha “yāya milakkhabhāsāya kālaniyamo natthi, tāyapi bhāsāya kālaniyamattadīpane sati sikkhāpaccakkhānam ruhatīti no matī”ti **ācariyo. Davāyāti**-ādīhi khettādiniyame satipi cittaniyamābhāvena na ruhatīti dasseti. **Sāvetukāmo na sāvetī**ti cittaniyamepi sati payoganiyamābhāvena na ruhatīti dasseti.

Aviññussa sāveti, viññu na sāvetī

cittakhattakālapayogapuggalavijānananiyamepi sati yaṃ puggalam uddissa sāveti, tasseva savane na ruhatī, na aññassatī dassanattam vuttam, tena vuttam **aṭṭhakathāyaṃ** “yadi ayameva jānātūti ekam niyametvā āroceti, tañce so eva jānāti, paccakkhātā hoti sikkhā. Atha so na jānāti -pa- appaccakkhātā hoti sikkhā”ti. **Sabbaso vā pana na sāveti, appaccakkhā hoti sikkhāti** cittādiniyameneva sikkhā paccakkhātā hoti, na aññathāti dassanattam vuttam. Ettāvatā “sikkhā -pa- dubbalyam anāvikatvā”ti padassa padabhājanam tīhi ākārehi

1. Vacasāyo (Ka)

dassitaṃ hoti. Tattha dve amissā, pacchimo eko missoti veditabbo. **Teneva vacībhedenā**ti tadatthadīpanamattaṃ—vacanaṃ sutvāva teneva vacībhedena jānāpetīti attho. **Cittasampayuttanti** paccakkhātukāmatācittasampayuttaṃ. **Samayaññū** nāma tadadhippāyajānanamattena hoti.

53. **Vaṇṇapaṭṭhānaṃ** buddhaguṇadīpakāṃ suttāṃ. Upāligahapatinā vuttā kira **upāligāthā**. Paññāṇaṃ saññāṇanti atthato ekaṃ, tasmā **bodhipaññāṇanti** bodhisaññāṇaṃ, bodhibījanti vuttaṃ hoti.

Dvinnampi niyametvāti ettha”dvīsupi jānantesu eva paccakkhāmīti adhippāyena vutte tesu eko ce jānāti, na paccakkhātā hoti”ti aññatarasmimpi **gaṇṭhipade** vuttaṃ, taṃ aṭṭhakathāya na sameti. “Gihī homī”ti vā “gihimhī”ti vā vutte kiñcāpi vattamānavacanaṃ hoti. “Dhārehī”ti atthābhāvā ca “dhārehī”ti vutte ca parassupari gacchati, tasmā na hoti. **Sandiṭṭhikāṃ dhammanti** sabbattha dhammavacanaṃ vuttaṃ yaṃ sandhāya “sandiṭṭhikan”ti vadati, taṃ pakāsetuṃ. Aññathā “vijitavijayaṃ paccakkhāmī”ti vutte cakkavatti-ādīsipi tappasaṅgato buddhasaddopi avasāne vattabbo bhaveyya. Ācariyavevacanesu pana **yo maṃ pabbājesīti-** ādi upajjhaṃ aggahetvā, paraṃ vā uddissa pabbajitaṃ sandhāya vuttanti. **Okallakoti** kapaṇādhivacanaṃ. **Moḷibaddhoti** sikhābaddho, omukkamakūṭo vā. **Cellako** athero. **Ceṭako** majjhimo. **Moḷigallo** mahāsāmaṇero. Manussaviggahanāgādīnaṃ nāgarūpādīnaṃ vā santike, bhāsājānanakinnarādīnaṃ vā. “Devatā nāma mahāpañña”ti kira pāṭho. **Davāyāti** sahasā. **Ravābhaññenāti** khalitabhaññena. Akkharasamayānaṃ hi nābhiññātāya vā karaṇānaṃ avisadatāya vā hoti ravābhaññaṃ. Avidheyindriyatāya “**potthakarūpasadisassā**”ti vuttaṃ, **garumedhassa** mandapaññaṃ. Kittāvātā pana garumedho hotīti ce? Samaye akovidatāya.

Sikhāpaccakkhānakathāvaṇṇanā niṭṭhitā.

Mūlapaññattikathāvaṇṇanā

55. “Paṭisevati nāmā”ti padam mātikāyaṃ natthi, tasmā **paṭiseveyyāti etthā**”ti-ādimāha. “Eso methunadhammo nāmā”ti sabbapāḷipotthakesu, aṭṭhakathāyaṃ “eso vuccati methunadhammo nāmā”ti uddhaṭā. **Itthiyā nimittena attano nimittanti** duviññeyyametaṃ dassitaṃ. Attano nimittena itthiyā nimittam suviññeyyattā na dassitaṃ. **Cattāri ṭhānani muñcivāti** ettha abbhantaratalaṃ chupantaṃyeva sandhāya vattaṃ, acchupantaṃ nīharantassa anāpatti. **Majjhanti** aggappadesaṃ. **Uparibhāgamajjhanti** uparibhāgassa aggappadesaṃ. **Naṭṭhakāyappasādanti** ettha upahatindriyassa āpattisambhavato idhāpi āpattīti ce? Neti dassanattam **“matacammaṃvā”**ti-ādi vuttaṃ. Matacammañhi anupādinnaṃ, upādinne eva pārājikāpatti. **Apidhāya** appaṭicchādetvā. Yathā dantā na dissanti, tathā pidhāyeva nisīditabbanti adhippāyo.

Gonasoti goṇapiṭṭhiko maṇḍalasappo, yassa piṭṭhe lohitaḱāni maṇḍalāni dissanti. Kalalaparicayavāricāramacchaggahaṇena kiñcāpi samudde mahāmukhā hatthisarīrampi ekappahārena gilitum samatthā tato mahantatarā ca gahitā honti, tesaṃ mukhādīsu methunadhammo na sambhavatīti tatha ṭhānaparicchedo natthīti eke, vicāretvā gahetabbaṃ. **Etameva hīti** anantaraṃ sandhāya. Saddhiṃ yojanāya akkharayojanāya. “Paññattaṃ pana sikkhāpadaṃ sabbehipi lajjīpuggalehi samaṃ sikkhitabbabhāvato samasikkhatā nāmāti vuttattā sabbasikkhāpadaṃ sabbabhikkhūhi sikkhitabbaṃ. Na hi kassaci ūnamadhikaṃ vā atthī”ti tassa **gaṇṭhipade** vuttaṃ. **Parivāre** pana—

“Na ukkhittako na ca pana pārivāsiko,
Na saṃghabhinno na ca pana pakkhasaṅkanto.
Samānasamvāsakabhūmiyā ṭhito,
Katham nu sikkhāya asādhāraṇo siyā”ti¹—

vuttaṃ. **Tadaṭṭhakathāya** ca “ayaṃ pañhā nahāpitapubbakaṃ sandhāya vuttā. Ayaṃ hi khurabhaṇḍaṃ pariharitum na labhati, aññe labhanti. Tasmā sikkhāya asādhāraṇo”ti vuttaṃ. Tam sabbam yathā saṃsandati sameti, tathā

1. Vi 5. 373 piṭṭhe.

veditabban̄. Bhikkhunīnamyeva sād̄hāraṇāni sikkhāpadānīpi bhikkhu sikkhati, evamaññopi anhāpitapubbako bhikkhu taṃ sikkhāpadaṃ sikkhati eva tadatthakosallatthanti katvā sabbampi sikkhāpadaṃ samasikkhatā nāmāti. Yaṃ taṃ vuttanti sambandho. “**Tisso itthiyo**”ti-ādivibhaṅgo taṃniyāmakotilakkhaṇatā vatthuniyamanatthaṃ vuttaṃ. Tena amanussitthippasaṅgena kate suvaṇṇarajatādimaye paṭikkhipati. Ito paṭṭhāya ye ca “tayo atthavase paṭicca vibhaṅgo pavattati”ti pubbe vuttā, te yathāsambhavaṃ yojetvā veditabbā.

Paṭhamacatukkakathāvaṇṇanā

57. **Āpatti pārājikā assa hotīti** ettha yasmā sā akusalā āpatti tassa bhikkhuno silasambhavaṃ¹ abhibhavati, rāgābhive tasmim̄² pārājikāti laddhanāmā pubbhāge āpannā dukkaṭathullaṃccayādayo āpattiyo abhibhavitvā vināsetvā sayamevekā assa. Vatthunā sabhāgāhi vā asabhāgāhi vā aññāhi pārājikkattena samānajatīkāhi āpattīhi sayam̄ nābhivhavīyatīti eke. Taṃ taṃ pubbe vicāritameva. Yadā pana catassopi pārājikāpattiyo ekato honti, tadā tā tassa bhikkhuno bhikkhubhāvaṃ abhibhavanti, abhikkhum̄ karonti, anupasampannaṃ karonti, samaññāyapi bhikkhu na hoti. Omasavādapācittiyam̄ na janētīti eke. Dutiyaena atthavikappena pārājikkassa dhammassa patti sampatti āpattīti attho saṅgahito hotīti katvā āpattisampattivādīnam̄ saṅgahito hoti, yujjati cesā parasāpekkhā. Sāpattiko nāma so bhikkhu hoti, aññathā tassa khaṇabhaṅgena anāpattiko bhaveyya, na ca hotīti. Kadā pana hotīti? Yadā kālam̄ karoti, yadā ca sikkham̄ paccakkhāya sāmaṇerādibhūmiyam̄ tiṭṭhati. Yadi evam̄ sikkhāya paccakkhātāya pārājikāpatti paccakkhātā hoti sikkhā cāti ubhayam̄ tassa ekato atthi, saṅghādisesādi-āpatti sikkhāpaccakkhānena kim̄ na paccakkhātā, puna upasampannena desāpetabbā. Sikkhāpaccakkhānam̄ āpattivuṭṭhānam̄ jātam̄, abhikkhu āpattito vuṭṭhāti, gahaṭṭho vuṭṭhāti, sāmaṇero vuṭṭhāti,

1. Silasampadam̄ (Ka)

2. Rāgābhive, tasmā (Ka)

tato vinayavirodhā na vuṭṭhāti. Hañci pana vuṭṭhāti gahaṭṭho, sāmaṇero vā sīlasampannova jhānalābhī assa, sotāpattiṭhalassa vā arahattaphalassa vā lābhī assa, pārājikāpattiyā sāpattiko arahā assa. Ukkhittako uppabbajito vā parivāsāraho mānattāraho uppabbajito vā sīlasampanno jhānalābhī assa, sotāpattiṭhalassa, arahattaphalassa vā lābhī assa, sāpattiko santarāyiko arahā assa, so puna upasampanno parivāsam, mānattam vā datvā abbhetaḥṭṭo ukkhittako osāretabboti samāno ayam upalabbhoti.

Ayam panettha vinicchayo—pārājikam dhammam āpanno yāva bhikkhubhāvam paṭijānāti sādīyati samvāsam, santarāyikattā uposathadivasādīsu gahaṭṭhassa viya sayameva sīlam samādiyantassapi na sīlasamādānam ruhati, pageva jhānādīni. So ce bhikkhubhāvam na sādīyati na paṭijānāti samvāsam na sādīyati, kevalam bhikkhūnam āvikatvā rājavericorādibhayena kāsavam na pariccajati, anupasampannova hoti sahaseyyādīm janeti, sīlassa ca jhānādīnañca bhāgī hoti. Vuttañhetam bhagavatā—

“Āpannena visuddhāpekkhena santī āpatti āvikātabbā, āvikatā hissa phāsu hoti, paṭhamassa jhānassa adhigamāyā”ti-ādī¹.

Tattha **santī āpattīti** sāvasesānavasesappabhedā sabbāpi āpatti āpannā adhippetā. Evam santepi pageva gahaṭṭhādibhūmiyam ṭhito jhānādīnam bhāgī assa suddhante ṭhitattā, yo pana ukkhittako anosārīto, garudhammam vā āpajjitvā avuṭṭhito sikkham paccakkhāya gahaṭṭhādibhūmiyam ṭhito, na so jhānādīnam bhāgīyeva bhavati na suddhante ṭhitattā, sakaraṇīyattā ca, teneva bhagavatā “so puna upasampanno osāretabboti”ti vuttam, tasmā tassa puggalassa te bhikkhukāle āpannā antarāyikā dhammā vipaṭṭisāram janayitvā avipāṭṭisāramūlakānam pāmojjādīnam sambhavam nivārenti, no sakāsāvesuyeva. No ce nivārenti, sambhavati. Garukam āpajjitvā bhikkhūnam āvikatvā ce uppabbajito, pakatatto

1. Vi 3. 141, 142 piṭṭhesu.

hutvā uppabbajitoti katvā jhānādīnaṃ bhāgī assa “āvikatā hissa phāsu hotī”ti vuttattā. Pageva bhikkhukāle, na tveva ukkhittako sakaraṇīyattāti eke. Tadanuvattanako pana taṃ laddhiṃ pahāya bhāgī assa. Na bhikkhave sagahaṭṭhāya parisāya¹ sikkhāpaccakkhātakassa antimavatthum ajjhāpannakassa nisinnaparisāyāti² ettha gahaṭṭho nāma pakatiyā gihiliṅge ṭhito. Sikkhaṃ paccakkhāya bhikkhuliṅge ṭhito sikkhāpaccakkhātako. So sakāsāvesu sāpekkhattā sāmaṇerabhāvaṃ patthayamāno teneva liṅgena tīhi saraṇagamanehi sāmaṇero hoti. Antimavatthum ajjhāpanno samvāsam sādīyantopi pacchā pubbe vuttakkamena asādiyivā sāmaṇerabhāvaṃ patthayamāno sikkhāpaccakkhātako viya tīhi saraṇagamanehi sāmaṇero hoti, na puna kāsāvaṃ paṭiggāhāpetabbo bhikkhūhi paṭhamam dinnaliṅgeyeva ṭhitattā. Yo pana pārājiko codiyamāno parājītvā “handa bhante sāmaṇero bhavāmi, saraṇāni dethā”ti vadati, “sādhu gaṇhāhī”ti na vattabbo, gihiliṅge ṭhapetvā puna kāsāyāni paṭiggāhāpetvā pabbājetabbo. “Idaṃ pana sabbaṃ attano matiyā vuttattā vicāretvā gahetabban”ti ācariyo vadati. **Pavesanaṃ** nāma aṅgajātaṃ pavesentassa aṅgajātena samphusanaṃ. **Paviṭṭhaṃ** nāma yāva mūlā pavesentassa vipakatakāle vāyāmakālo. Sukkavissaṭṭhisamayā aṅgajātaṃ **ṭhitaṃ** nāma. **Uddharaṇaṃ** nāma nīharaṇakālo. **Gaṇṭhipade** pana “vāyāmato oramivā ṭhānaṃ ṭhitaṃ nāmā”ti vuttaṃ, taṃ asaṅkarato dassanattamaṃ vuttaṃ. Pavesanapaviṭṭha-uddharaṇakālesupi sukkavissaṭṭhi hotiyeva.

Paṭhamacatukkakathāvaṇṇanā niṭṭhitā.

Ekūnasattatidvisatacatukkakathāvaṇṇanā

59-60. “Matam yebhuyyena akkhāyitan”ti vacanato amataṃ yebhuyyena khāyitampi pārājīkavatthumevāti dasseti. Sabbaso khāyitam, uppāṭitam vā thullaccayavatthumevāti dasseti, tathā “yebhuyyena

1. Vi 3. 155 piṭṭhe.

2. Vi 3. 190 piṭṭhe.

khāyitan”ti vacanato mataṃ sabbakhāyitaṃ, uppāṭitaṃ vā dukkaṭavattḥūti dasseti. **Na ca sāvasesaṃ paññapenti.** Kim kāraṇā? **Idaṃhi sikkhāpadaṃ lokavajjaṃ, na paṇṇattivajjaṃ.** Tattha sikkhāpadanti pārājikaṃ adhippetāṃ. Tattha thullaccayampi hi lokavajjaṃ, na paṇṇattivajjaṃ. Atha vā ubhayampi anavasesaṃ paññattaṃ. Pārājikakhetta hi heṭṭhimakoṭṭim pāpetvā ṭhapite tato paraṃ thullaccayanti paññattameva hoti. Tattha thullaccayakhetampi pārājikakhettaṃ viya heṭṭhimaparicchena vuttanti veditabbaṃ. **Upaḍḍhakkhāyite thullaccayanti** yattha nimittaṃ khāyitaṃ, taṃ dukkaṭavattḥūti veditabbaṃ. Etthāha—paṇṇattivajjaṃ kim sāvasesameva bhagavā paññāpetīti? Na. Ekaṃsato pana yathāsambhavaṃ tattha tattha pakāsayissāma, kimatthaṃ pana bhagavā upaḍḍhakkhāyite pārājikaṃ na paññāpesīti ayaṃ tāva apucchā buddhavisayattā vinayaṭṭapaññattiyā. Idaṃ panettha kāraṇapatirūpakaṃ “upaḍḍhabhāvassa dubbhicchayattā”ti. Yebhuyyena khāyitaṃ nāma vaccamaggapassāvamaggamukhānaṃ catūsu koṭṭhāsesu dve koṭṭhāse atikkamma yāva tatiyakoṭṭhāsapariyosānā khāditaṃ, tatiyakoṭṭhāsaṃ atikkamma yāva catutthakoṭṭhāsapariyosānā dukkaṭavattḥūti.

Yadipi nimittaṃ sabbaso khāyitanti “jīvamānakasarīraṃyeva sandhāya vuttan”ti vadanti, taṃ vīmaṃsitvā gahetabbaṃ. **Allasarīreti** abhinave, akuthite vā manussānaṃ jīvamānasarīre akkhināsādīsu thullaccayameva. **Tiracchānagatānaṃ hatthi-assādīnaṃ nāsāya vatthikose ca thullaccayanti** “amaggena amaggaṃ paveseti, āpatti thullaccayassā”ti imāya **pāḷiyā** atthavisesenettha vuttā. **Upakacchakādīsu dukkaṭaṃ, sabbesampi tiracchānagatānaṃ akkhikaṇṇavaṇesu dukkaṭaṃ, avasesasarīrepi dukkaṭamevā**ti idaṃ vinītavattḥusmiṃ “ehi bhante methunaṃ dhammaṃ paṭisevāti. Alaṃ bhagini netāṃ kappatī”ti¹ iminā tāva methunarāgābhāvo dassito hoti. “Ehi bhante ūruntarikāya ghaṭṭehi -pa- so bhikkhu tathā akāsi”ti¹ iminā tāva mocanassādo dassito hoti, tenevāha bhagavā “āpatti saṃghādisesassā”ti¹. “Yo pana methunarāgena ūruntarikāya ghaṭṭeti, tassa dukkaṭan”ti siddhanti katvā vuttaṃ.

1. Vi 1. 49 piṭṭhe.

Manussānaṃ akkhikaṇṇavaṇādi thullaccayavatthu, tiracchānagatānaṃ dukkaṭavattḥūti ettha duviñṇeyyo pāḷilesa, tasmā “na ca bhikkhave rattacittena aṅgajātaṃ chupitabbaṃ, yo chupeyya, āpatti thullaccayassā”¹ti vacanato rattacittena akkhikaṇṇavaṇaṃ chupantassa dukkaṭanti siddhanti ayaṃ **cammakkhandhake** pāḷilesoti veditabbo. “**Jīvamānakapurisassāti** jīvamānakasaddo mate vattabbameva natthīti nāpanatthaṃ vutto”ti vadanti. **Mahā-aṭṭhakathāyaṃ panāti** idaṃ kiñcāpi “katvā mahā-aṭṭhakathāṃ sarīraṃ”ti vuttaṃ, atha kho sesa-aṭṭhakathāsu “methunarāgena mukhenā”ti vacanābhāvato tattheva bhāvato taṃ vacanaṃ pāḷivacanena saṃsanditvā dassanatthaṃ vuttaṃ. **Anugaṇṭhipade** pana “**taṃ sabbampīti** mahā-aṭṭhakathāyameva methunarāgena itthiyā nimittaṃ appavesento chupati, thullaccayan”ti ca vuttaṃ. “Methunarāgena mukhenā”tipi katthaci, pāḷiyaṃ avisesena “na ca bhikkhave rattacittena aṅgajātaṃ chupitabbaṃ”ti vuttaṃ, tasmā “taṃ sabbaṃ”ti vuttaṃ. **Purimaṃ pasāṃsantīti** tiracchānagati -pa-vuttanayeneva thullaccayaṃ, kāyasāṃsaggarāgena dukkaṭanti-ādi-aṭṭhakathāvacanehi saṃsandanato. “**Taṃ sabbampi -pa- purimaṃ pasāṃsantī**”ti idaṃ saṅgītito pacchā sīhaḷadīpakehi ācariyehi pāḷiyā, aṭṭhakathāyaṃca vuttavacanaṃ saṃsanditvā vuttavinicchayoti vuttaṃ. Ettha **itarathā hīti** pakatimukhena. Kasmā dukkaṭanti ce? “Aṅgulibījādāni pavessentassa dukkaṭaṃ”ti vuttattā yuttaṃ. **Tiracchānagatitthiyā passāvamagganti** ettha mahā-aṭṭhakathāyampi pubbe “nimittaṃ”ti vatvā ettha “passāvamaggaṃ”ti vuttattā avasesanimitte dukkaṭanti yuttaṃ viya dissati. **Vuttanayenevāti** methunarāgena. **Thullaccayanti** ca **khandhake** passāvanimittavasenevāgatattā upaparikkhitvā gahetabbaṃ.

Ekūnasattatidvisatacatukkakathāvaṇṇanā niṭṭhitā.

Santhatacatukkabheda-kakathāvaṇṇanā

61-2-5-6. **Itthinimittam khāṇum katvāti** itthinimittassa anto khāṇum pavasetvā samatalaṃ vā katvā atirittaṃ vā khāṇum ghaṭṭentassa dukkaṭaṃ pavesebhāvā. Īsakaṃ anto pavasetvā ṭhitaṃ khāṇumeva ce

aṅgajātena chupati, pārājikam. “Uppalagandhā uppalabhāvā”tipi dīpavāsino paṭhanti kira. **Suttam bhikkhumhī**ti sevanacittam upaṭṭhiteti¹ ettha viya. “Suttabhikkhumhī”ti ca paṭhanti, tam ujukameva.

Santhatacatukkabhedakathāvaṇṇanā niṭṭhitā.

Padabhājanīyavaṇṇanā niṭṭhitā.

Pakiṇṇakakathāvaṇṇanā

Pakiṇṇake yāni sikkhāpadāni “kiriyaṇī”ti vuccanti, tesam vasena kāyo, vācā ca saha viññattiyā veditabbā. Akiriyaṇam vasena vinā viññattiyā veditabbā, cittam panettha appamāṇam bhūtārocanasamuṭṭhānassa kiriyattā, acittakattā ca. Tattha kiriyā āpattiyā anantaracittasamuṭṭhānā veditabbā. Aviññattijanakampi ekaccam bāhullanayena “kiriyaṇī”ti vuccati, yathayidam paṭhamapārājikam viññattiyā abhāvepi “so ce sādiyati, āpatti pārājikassā”ti, hi vuttam “na sādiyati anāpatti”ti ca. Viññattisaṅkhātāpi kiriyā vinā sevanacittena na hoti cittajattā, vikārarūpattā, cittānuparivattikattā ca, tasmā kiriyāsaṅkhātamidam viññattirūpam itaram cittajarūpam viya janakacittena vinā na tiṭṭhati, itaram saddāyatanam tiṭṭhati, tasmā kiriyāya sati ekantato tajjanakam sevanacittam atthiyevāti katvā na sādiyati anāpattīti na yujjati. Yasmā viññattijanakampi samānam sevanacittam na sabbakālam viññattim janeti, tasmā vināpi viññattiyā sayam uppajjatīti katvā “sādiyati, āpatti pārājikassā”ti vuttam. Nuppajjati ce, na sādiyati nāma, tassa anāpatti, teneva bhagavā “kimcitto tvaṃ bhikkhū”ti citteneva āpattim paricchindati, na kiriyāyāti veditabbam. Ettāvata cha āpattisamuṭṭhānāni, tāni eva āpattikarā dhammā nāmāti ca, catūhākārehi āpattim āpajjati kāyena vācāya kāyavācāhi kammavācāya āpajjatīti ca etāni suttapadāni avirodhitāni honti, aññathā virodhitāni. Katham? Yañhi āpattim kammavācāya āpajjati, na tattha kāyādayoti āpannam,

1. Vi 1. 35 piṭṭhe.

tato kammavācāya saddhiṃ āpattikārā dhammā sattāti āpajjati. Atha tatthāpi kāyādayo ekato vā nānāto vā labbhanti. “Catūhi ākārehi”ti na yujjati, “tīhākārehi āpattim āpajjati”ti vattabbaṃ siyāti evaṃ virodhitāni honti. Kathaṃ avirodhitānīti? Saviññattikāviññattikabhedabhinnattā kāyādīnaṃ. Yā kiriyā āpatti, taṃ ekaccaṃ kāyena saviññattikena āpajjati, ekaccaṃ saviññattiyā vācāya, ekaccaṃ saviññattikāhi kāyavācāhi āpajjati. Yā pana akiriyā āpatti, taṃ ekaccaṃ kammavācāya āpajjati, tañca kho avasiṭṭhāhi aviññattikāhi kāyavācāhiyeva, na vinā “no ce kāyena vācāya paṭinissajjati, kammavācāpariyosāne āpatti saṃghādisesassā”ti¹ vacanato. Avisesena vā ekaccaṃ āpattim kāyena āpajjati, ekaccaṃ vācāya, ekaccaṃ kāyavācāhi. Yaṃ panettha kāyavācāhi, taṃ ekaccaṃ kevalāhi kāyavācāhi āpajjati, ekaccaṃ kammavācāya āpajjatīti ayamatto veditabboti evaṃ avirodhitāni honti.

Tatrāyaṃ samāsato atthavibhāvanā—**kāyena āpajjatīti** kāyena saviññattikena akattabbaṃ katvā ekaccaṃ āpajjati, aviññattikena kattabbaṃ akatvā āpajjati, tadubhayampi kāyakammaṃ nāma. Akatampi hi loke “katan”ti vuccati “idaṃ dukkaṭaṃ mayā, yaṃ mayā puññaṃ na katan”ti evamādisu, sāsane ca “idaṃ te āvuso ānanda dukkaṭaṃ, yaṃ tvaṃ bhagavantaṃ na pucchī”ti-ādīsu², evamidha vinayapariyāye kāyena akaraṇīyampi “kāyakammaṃ”ti vuccati, ayameva nayo **vācāya āpajjatīti**-ādīsu. Tattha **samuṭṭhāna**ggahaṇaṃ kattabbato vā akattabbato vā kāyādibhedāpekkhameva āpattim āpajjati, na aññathāti dassanatthaṃ. **Kiriyā**ggahaṇaṃ kāyādīnaṃ saviññattikāviññattikabhedadassanatthaṃ. **Saññā**ggahaṇaṃ āpattiyā aṅgānaṅgacittavisesadassanatthaṃ, tena yaṃ cittaṃ kiriyālakkaṇe, akiriyālakkaṇe vā sannihitaṃ, yato vā kiriyā vā akiriyā vā hoti, na taṃ avisesena āpattiyā aṅgaṃ vā anagaṃ vā hoti, kintu yāya saññāya “saññāvimokkhaṃ”ti vuccati, tāya sampayuttaṃ cittaṃ aṅgaṃ, itaraṃ anaṅgānti dassitaṃ hoti.

1. Vi 1. 267, 270 piṭṭhādīsu.

2. Vi 4. 485 piṭṭhe.

Idāni yena cittena sikkhāpadaṃ sacittakaṃ hoti, yadabhāvā acittakaṃ, tena tassa¹ avisesena sāvajjattā lokavajjabhāvova vuccati, kintu sāvajjaṃyeva samānaṃ ekaccaṃ lokavajjaṃ ekaccaṃ paṇṇattivajjanti dassanattamaṃ **lokavajjaggahaṇaṃ**. Cittameva yasmā “lokavajjan”ti vuccati, tasmā manokammampi siyā āpattīti aniṭṭhappasaṅganivāraṇattamaṃ **kammaggahaṇaṃ**. Yaṃ panettha akiriyaḷakkhaṇaṃ kammaṃ, taṃ kusallattikavinimuttaṃ siyāti aniṭṭhappasaṅganivāraṇattamaṃ **kusalattikaggahaṇaṃ**. Yaṃ panettha abyākatā āpatti, taṃ ekaccaṃ avedanampi saññāvedayitanirodhasamāpanno āpajjati katvā vedanāntikaṃ ettha na labbhatīti aniṭṭhappasaṅganivāraṇattamaṃ **vedanāntikaggahaṇaṃ** katanti vedittabbaṃ. Sikkhāpadaṃhi sacittakapuggalavasena “ticittaṃ tivedanaṃ”ti laddhavohāraṃ acittakenāpannampi “ticittaṃ tivedanaṃ”icceva vuccati. Tatridaṃ suttaṃ “atthāpatti acittako āpajjati acittako vuṭṭhātī². Atthāpatti kusalacitto āpajjati kusalacitto vuṭṭhātī”ti-ādi³. **Anugaṇṭhipade**pana “saññā sadā anāpattimeva karoti, cittaṃ āpattimeva, acittakaṃ nāma vatthu-avijānaṃ, nosaññāvimokkhaṃ vītikkamajānaṃ, idametesaṃ nānattaṃ”ti vuttaṃ.

Sabbasaṅgāhakavasenati sabbasikkhāpadānaṃ saṅgahavasena. Bhikkhuniyā cīvaradānādi **kiriyaḷakiriyaṭo**. Jātarūparajatapaṭiggahaṇādi **siyā kiriyaṭo**. Upanikkhattapaṭikkhepe **siyā akiriyaṭo**. Desitavatthukapamaṇātikantakuṭikaraṇe **siyā kiriyaṭo**, adesitavatthukapamaṇātikantakaraṇe **siyā kiriyaḷakiriyaṭo**. Yaṃ cittaṅgaṃ **labhatiyevā**ti kāyacittaṃ vācācittanti evaṃ. **Vināpi cittenā**ti ettha vināpi cittena saḥāpi cittenāti adhippāyo. Yo so saviññattiko, aviññattiko ca vutto kāyo, tassa kammaṃ kāyakammaṃ, tathā vacīkammaṃ. Tattha saviññattiko kāyo uppattiyā kammaṃ sādheti, itaro anuppattiyā. Tathā vācāti vedittabbaṃ, **sikkhāpadanti** “yo tattha nāmakāyo padakāyo”ti⁴ vacanato vītikkame yujjati vuttaṃ. “Hasituppādavotṭhabbanāni āpattisamuṭṭhāpakacittāni. Idampi na mayā paricchinnanti hasamāno passati yadā, tadā voṭṭhabbanāṃ javanagatikan”ti **anugaṇṭhipade** vuttaṃ. Abhiññācittāni paññattim ajanitvā iddhivikubbanādikāle gaṭhetabbāni.

1. Na tassa (Ka) 2. Vi 5. 224 piṭṭhe. 3. Vi 5. 359 piṭṭhe. 4. Vi-Ṭṭha 1. 187 piṭṭhe.

Ettha pana yo pana bhikkhu bhikkhūnaṃ sikkhāsājīvasamāpanno -pa-methunaṃ dhammaṃ paṭisevanto atthi koci pārājiko hoti asaṃvāso, atthi koci na pārājiko hoti asaṃvāso. Dukkaṭathullaccayavatthūsu paṭisevanto atthi koci na pārājiko. Pakkhapaṇḍako apaṇḍakapakkhe upasampanno paṇḍakapakkhe methunaṃ dhammaṃ paṭisevanto so pārājikaṃ āpattiṃ nāpajjatīti na pārājiko nāma. Na hi abhikkhuno āpatti nāma atthi. So anāpattikattā apaṇḍakapakkhe āgato kiṃ asaṃvāso hoti na hotīti? hoti, “abhabbo tena sarīrabandhanenā”¹ti¹ hi vuttaṃ. “Yo pana bhikkhu bhikkhūnaṃ -pa- asaṃvāso”²ti² vuttattā yo pana bhikkhubhāvena methunaṃ dhammaṃ paṭisevati, so eva abhabbo. Nāyaṃ apārājikattāti ce? Na, “byattena bhikkhunā paṭibalena saṃgho ñāpetabbo”³ti³ vuttaṭṭhāne yathā abhikkhunā kammavācāya sāvītāyapi kammaṃ ruhati kammavipattiyā asambhavato, evaṃsampaadamidaṃ daṭṭhabbaṃ. Tatridaṃ yutti— upasampannapubbo eva ce kammavācaṃ sāveti, saṃgho ca tasmīṃ upasampannasaññī, evaṃce kammaṃ ruhati, na aññathāti no khantīti ācariyo. Gahaṭṭho vā titthiyo vā paṇḍako vā anupasampannasaññī kammavācaṃ sāveti, saṃghena kammavācā na vuttā hoti, “saṃgho upasampādeyya, saṃgho upasampādeti, upasampanno saṃghenā”⁴ti⁴ hi vacanato saṃghena kammavācāya vattabbāya saṃghapariyāpannena, saṃghapariyāpannasaññītena vā ekena vuttā saṃghena vuttāva hotīti veditabbo, ayameva sabbakammesu yutti. Tathā atthi methunaṃ dhammaṃ paṭisevanto koci nāsetabbo “yo bhikkhunīdūsako, ayaṃ nāsetabbo”⁵ti vuttattā eva, so anupasampannova, sahaseyyāpatti-ādiṃ janeti, tassa omasane ca dukkaṭaṃ hoti. Abhikkhuniyā methunaṃ dhammaṃ paṭisevanto na nāsetabbo “antimavatthum ajjhāpanno bhikkhave anupasampanno -pa-nāsetabbo”⁶ti pāḷiyā abhāvato. Teneva so upasampannasaṅkhyāṃ gacchati, na sahaseyyāpattādiṃ janeti, kevalaṃ asaṃvāsoti katvā gaṇapūrako na hoti, ekakammaṃ ekuddesopi hi saṃvāsoti vutto. Samasikkhatāpi saṃvāsoti katvā so tena saddhiṃ natthīti padasodhammāpattiṃ pana janetīti kāraṇacchāyā dissati. Yathā bhikkhuniyā saddhiṃ bhikkhusaṃghassa

1. Vi 1. 34; Vi 3. 134 piṭṭhe.

3. Vi 3. 99 piṭṭhādīsu.

2. Vi 1. 28 piṭṭhe.

4. Vi 3. 133 piṭṭhe.

ekakammādino saṁvāsassa abhāvā bhikkhunī asaṁvāsā bhikkhussa, tathā bhikkhu ca bhikkhuniyā, padasodhammāpattim̐ pana janeti. Tathā “antimavatthum̐ ajjhāpannopi ekacco yo nāsetabbo”ti avuttoti iminā nidassanena sā kāraṇacchāyā gahaṇam̐ na gacchati.

Api ca “bhikkhu suttabhikkhumhi vippaṭipajjati, paṭibuddho sādīyati, ubho nāsetabbā”ti¹ ca, “tena hi bhikkhave mettiyam̐ bhikkhunim̐ nāsethā”ti² ca vacanato yo saṁghamajjham̐ pavisitvā anuvijjakena anuvijjayamāno parājāpito, sopi anupasampannova, na omasavādapācittiyam̐ janetīti veditabbam̐. Kiñcāpi “upasampannam̐ upasampannasaññī khumsetukāmo”ti **pāli** natthi, kiñcāpi **kaṅkhāvitarāṇiyam̐** “yam̐ akkosati, tassa upasampannatā, anaññāpadesena jāti-ādīhi akkosanam̐, mam̐ akkosatī”ti jānanā, atthapurekkhāratādīnam̐ abhāvoti imānettha cattāri aṅgānī”ti³ vuttam̐, tathāpi duṭṭhadosasikkhāpade “asuddho hoti puggalo aññataram̐ pārājikam̐ dhammam̐ ajjhāpanno, tañce suddhadiṭṭhi samāno okāsam̐ kārapetvā akkosādhippāyo vadeti, āpatti omasavādassā”ti⁴ vacanato asuddhe upasampannasaññāya eva omasantassa pācittiyam̐. Asuddhadiṭṭhissa dukkaṭam̐. “Suddho hoti puggalo, aññataram̐ pārājikam̐ dhammam̐ anajjhāpanno, tañce suddhadiṭṭhi samāno okāsam̐ kārapetvā akkosādhippāyo vadeti, āpatti omasavādassā”ti⁵ vacanato pana **kaṅkhāvitarāṇiyam̐** “tassa upasampannatā upasampannasaññitā”ti na vuttam̐ anekamsikattā tassa aṅgassāti veditabbam̐.

Api cettha sikkhāpaccakkhātakacatukkam̐ veditabbam̐, atthi puggalo sikkhāpaccakkhātakō na sikkhāsājīvasamāpanno, atthi sikkhāsājīvasamāpanno na sikkhāpaccakkhātakō, atthi sikkhāpaccakkhātakō ceva sikkhāsājīvasamāpanno ca, atthi neva sikkhāpaccakkhātakō na sikkhāsājīvasamāpanno. Tattha tatiyo bhikkhunīsikkhāpaccakkhātakō veditabbo. Sā hi yāva na liṅgam̐ pariccajati, kāśāve sa-ussāhāva samānā sāmāññā cavitukāmā sikkham̐ paccakkhantīpi bhikkhunī eva sikkhāsājīvasamāpannāva. Vuttañhi bhagavatā “na bhikkhave bhikkhuniyā sikkhāpaccakkhānan”ti⁶. Kadā ca pana

1. Vi 1. 41 piṭṭhe.

2. Vi 1. 249 piṭṭhe.

3. Kaṅkhā-Ṭṭha 191 piṭṭhe.

4. Vi 1. 254 piṭṭhe.

5. Vi 1. 255 piṭṭhe.

6. Vi 4. 474 piṭṭhe.

sā abhikkhunī hotīti? Yadā sāmāññā cavitukāmā gihinivāsanam nivāseti, sā “vibbhantā”ti saṅkhyam gacchati. Vuttañhi bhagavatā “yadeva sā vibbhantā, tadeva abhikkhunī”ti¹. Kittāvataṭṭā pana vibbhantā hotīti? Sāmāññā cavitukāmā kāsāvesu anālayā kāsāvam vā apaneti, naggā vā gacchati, tiṇapaṇṇādinā vā paṭicchādetvā gacchati, kāsāvamyeva vā gihinivāsanākārena nivāseti, odātam vā vattham nivāseti, saliṅgeneva vā saddhim titthiyesu pavisitvā kesaluñcanādivatam samādiyati, titthiyaliṅgam vā samādiyati, tadā vibbhantā nāma hoti. Tattha yā bhikkhuniliṅge ṭhitāva titthiyavatam samādiyati, sā titthiyapakkantako bhikkhu viya pacchā pabbajjampi na labhati, sesā pabbajjamevekam labhanti, na upasampadam. **Pāliyam** kiñcāpi “yā sā bhikkhave bhikkhunī sakāsāvā titthāyatanam saṅkantā, sā āgatā na upasampādetabbā”ti¹ vacanato yā paṭhamam vibbhamitvā pacchā titthāyatanam saṅkantā, sā āgatā upasampādetabbāti anuññātam viya dissati. Saṅgīti-ācariyehi pana “catuvīsati pārājikāni”ti vuttattā na puna sā upasampādetabbā, tasmā eva sikkhāpaccakkhānam nānuññātam bhagavatā. Antimavatthu-ajjhāpanā pana bhikkhunī eva. Pakkhapaṇḍakīpi bhikkhunī eva. **Kinti** pucchā.

Vinītavatthuvaṇṇanā

67. Vinītāni vinicchitāni vatthūni **vinītavatthūni**. **Tesam tesam** “tena kho pana samayena aññataro bhikkhū”ti-ādīnam **vatthūnam** pāṭekkam nāmagaṇanam² uddharitvā uddharitvā unādhikadosasodhanaṭṭhena uddānā ca tā matrādisiddhigāthāhi chandovicitilakkhaṇena gāthā cāti “**uddānagāthā nāmā**”ti vuttam, **de, sodhane** iti dhātussa rūpam uddānāti veditabbam. Imā pana uddānagāthā³ dhammasaṅgāhakattherehi saṅgītikāle ṭhapitā⁴, katthāti ce? Padabhājanīyāvasāne. “**Vatthugāthā** nāma ‘tena kho pana samayena aññataro bhikkhū’ti-ādīnam imesam vinītavatthūnam nidānāni”ti **gaṇṭhipade** vuttam, tasmā tattha vuttanayena vinītavatthūni eva “vatthugāthā”ti vuttāti veditabbam. Idamettha samāsato

1. Vi 4. 474 piṭṭhe.

3. Tāni vatthūni (Chaṭṭha-Ṭṭha)

2. Nāmabhaṇanam (Ka)

4. Ṭhapitāni (Chaṭṭha-Ṭṭha)

adhippāyanidassanaṃ—“āpattiṃ tvaṃ bhikkhu āpanno pārājikan”ti mūlapattidassanavasena vā, “anāpatti bhikkhu pārājikassa, āpatti saṃghādisesassa, dukkaṭassā”ti āpattibhedadassanavasena vā, “anāpatti bhikkhu asādiyantassā”ti anāpattidassanavasena vā yāni vatthūni vinītāni vinicchitāni, tāni vinītavatthūni nāma. Tesam vinītavatthūnaṃ nidānavatthudīpikā tanti **vatthugāthā** nāma. Uddānagāthāva “vatthugāthā”ti vuttāti eke. Tesam “iminā lakkhaṇena āyatim vinayadharā vinayaṃ vinicchinnissanti”ti vacanena virujjhati. Na hi uddānagāthāyaṃ kiñcipi vinicchayalakkhaṇaṃ dissati, uddānagāthānaṃ visum payojanaṃ vuttam “sukhaṃ vinayadharā uggaṇhissanti”ti, tasmā payojananānattatopetaṃ nānattaṃ veditabbaṃ. Tatthāyaṃ viggaho—vatthūni eva gāthā vatthugāthā. Vinītavatthuto visesanatthamettha gāthāggahaṇaṃ. Uddānagāthāto visesanatthaṃ vatthuggahaṇanti veditabbaṃ. Keci pana “gāthānaṃ vatthūnīti vattabbe vatthugāthāti vuttan”ti vadanti. Makkaṭivattum aññe tattha bhikkhū ārocesum, idha sayameva. Tattha kāraṇassa “bhagavatā sikkhāpadaṃ paññattan”ti vuttatā vajjiputtakāpi aññe eva. “Tattha ānandatthero, idha te evā”ti aññatarasmim **gaṇṭhipade** vuttam. Ācariyassa adhippāyo pubbe vutto, tasmā upaparikkhitabbaṃ.

67-8. **Ñatvāti** apucchitvā sayameva ñatvā. **Pokkharanti** sarīraṃ bheripokkharaṃ viya. Lokiyā avikalaṃ “sundaran”ti vadanti, tasmā vaṇṇapokkharatāyāti paṭhamenatthena viṣiṭṭhakāyacchavitāyāti attho dutiyena vaṇṇasundaratāyāti. “Uppalagabbhavaṇṇatā suvaṇṇavaṇṇā, tasmā uppalavaṇṇāti nāmaṃ labhī”ti **gaṇṭhipade** vuttam. **Nīluppalavaṇṇā kāyacchavīti** vacanaṃ pana sāmaccaviṃ dīpeti. Loke pana “uppalasamā pasatthasāmā”ti vacanato “yā sāmā sāmavaṇṇā sāmatanumajjhā, sā pārīcariyā sagge mama vāso”ti vacanato sāmaccavikā itthīnaṃ pasatthā. “Yāvassā naṃ andhakāran”tipi pāṭho¹. Kilesakāmehi vatthukāmesu yo na limpati.

69. **Itthilingaṃ pātubhūtaṃ** itthisaṇṭhānaṃ pātubhūtaṃ, tañca kho purisindriyassa antaradhānena itthindriyassa pātubhāvena. Evaṃ purisindriyapātubhāvepi. Etena yathā brahmanaṃ purisindriyaṃ nuppajjati, kevalaṃ

1. Yāvassā andhakāroti mūlapāṭho.

purisasaṅṭhānameva uppajjati, yathā ca kassaci paṇḍakassa vināpi purisindriyena purisasaṅṭhānaṃ uppajjati, na tathā tesanti dassitaṃ hoti, taṃ pana itthindriyaṃ, purisindriyaṃ vā antaradhāyantaṃ marantaṃ viya paṭilomakkamena sattarasamacittakkaṇato paṭṭhāya antaradhāyati. Paccuppanne indriye niruddhe itaraṃ visabhāgindriyaṃ pātubhavati. Yasmā mahāniddaṃ okkantasveva¹ kirassa visabhāgindriyaṃ pātubhavati, tasmā “**rattibhāgeniddaṃ okkantassā**”ti vuttaṃ. “Anujānāmi bhikkhave taṃyeva upajjhaṃ tameva upasampadan”ti vacanato pavattinīyeva² upajjhāya, upasampadācariyā bhikkhunīyeva¹ ācariyāti katvā tāsāṃ upajjhāyavattaṃ, ācariyavattaṃca iminā bhikkhunā sadā sāyaṃ pātaṃ bhikkhunupassayaṃ gantvā kātabbaṃ, tāhi ca imassa vihāraṃ āgamma saddhivihārikavattādi kātabbaṃ nu khoti ce? “Anujānāmi bhikkhave bhikkhunīhi saṅgamitun”ti vacanena vinābhavadīpanato kevalaṃ na puna upajjhā gahetabbā, na ca upasampadā kātabbāti dassanathameva “anujānāmi bhikkhave taṃyeva upajjhan”ti-ādi vuttanti veditabbaṃ. Tattha **bhikkhunīhi saṅgamitunti** bhikkhūhi vinā hutvā bhikkhunīhi eva saddhim samaṅgī bhavituṃ anujānāmīti attho, tasmā iminā pāḷilesena “tassā eva gāmantarādīhi anāpattī”ti aṭṭhakathāvacanaṃ siddhaṃ hoti, āgantvā saṅgamitun sakkā, yaṅca bhagavatā gamanaṃ anuññātaṃ, taṃ nissāya kuto gāmantarādīpaccayā āpatti. Na hi bhagavā āpattiyaṃ niyojetīti yuttameva taṃ, aññāthā “yā āpattiyo bhikkhūnaṃ bhikkhunīhi asādhāraṇā, tāhi āpattīhi anāpattī”ti pāḷivacanato na gāmantarādīhi anāpattīti āpajjati. Sādhāraṇatā āpattiyeva “yā āpattiyo bhikkhūnaṃ bhikkhunīhi asādhāraṇā, yā ca bhikkhunīhi saṅgamantiyā gāmantaranadīpārārattivippavāsagaṇa-ohīyanāpattiyo, tāhi āpattīhi anāpattī”ti na vuttattāti ce? Na vuttaṃ aniṭṭhappasaṅgato. Bhikkhunīhi saddhim saṅkantāyapi tassā tā pahāya aññāhi saṅgamantiyā gāmantarādīhi anāpatti eva sabbakālanti imassa aniṭṭhappasaṅgato tathā na vuttanti attho. Tattha gāmantarāpattādivatthun saṅcicca tasmim kāle ajjhācarantīpi sā liṅgapātubhāvena kāraṇena anāpajjanato anāpatti. Anāpajjanaṭṭheneva vuṭṭhāti nāmāti veditabbā. Tathā yogī

1. Okkantānaṃyeva (bahūsu)

2. Pavattinī viya (Ka)

3. Bhikkhunī viya (Ka)

anuppanne eva kilese nirodheti. Abandhanopi patto “ūnapañcabandhano”ti vuccati, sabbaso vā pana na sāveti appaccakkhātā hoti sikkhā, evamidha anāpannāpi āpatti vuṭṭhitā nāma hotīti veditabbā.

Yasmā pana sā purisena sahaseyyāpattim anāpajjantīpi sakkoti bhikkhunīhi saṅgamitum, tasmā anāpattīti katvā aṭṭhakathāyaṃ “ubhinnaṃpi sahaseyyāpatti hotī”ti vuttam. Vuttañhetam **parivāre** “aparehipi catūhākārehi āpattim āpajjati saṅghamajjhe gaṇamajjhe puggalassa santike liṅgapātubhāvenā”ti¹. Yaṃ pana vuttam **parivāre** “atthāpatti āpajjanto vuṭṭhāti vuṭṭhahanto āpajjati”ti², tassa sahaseyyādīm āpajjati asādhāraṇāpattīhi vuṭṭhāti, tadubhayampi sandhāya vuttanti veditabbam. Dūre vihāro hoti pañcadhanusatikam pacchimaṃ, vihārato paṭṭhāya gāmaṃ pavasantiyā gāmantaram hotīti attho. **Saṃvidahanam parimocetvāti** addhānagamasamvidahanam akatvāti attho. **Tā kopetvāti** pariccajivvāti attho. “**Paripuṇṇavassasāmaṇerenāpi**”ti vacanato aparipuṇṇavassassa upajjhāyaggahaṇam natthīti viya dissati. **Vinayakammaṃ katvā ṭhapitoti** vikappetvā ṭhapito. Avikappitānam dasāhātikkame nissaggiyatā veditabbā. **Puna paṭiggahetvā sattāham vaṭṭatīti** pana “anujānāmi bhikkhave bhikkhūnam sannidhim bhikkhunīhi paṭiggāhāpetvā paribhuñjitun”ti³ vacanato vuttam. **Anapekkhavissajjanenāti** vatthum anapekkhavissajjanena vā paṭiggahaṇena vā puna paṭiggahetvā paribhuñjissāmīti. **Pakkhamānattakāle punadeva liṅgam parivattati chārattam mānattameva dātābanti** sace, bhikkhukāle appaṭicchannāya āpattiyā, no paṭicchannāyāti no laddhīti ācariyo.

Parivāsadānam pana natthīti bhikkhuniyā chādanāsambhavato vuttanti veditabbam. Sace bhikkhunī asādhāraṇam pārājikāpattim āpajjivvā purisaliṅgam paṭilabhati, bhikkhūsu upasampadam na labhati, pabbajjam labhati, anupabbajivvā bhikkhubhāve ṭhito sahaseyyāpattim na janeti. Vibbhantāya bhikkhuniyā purisaliṅge pātubhūte bhikkhūsu upasampadam na sabhati, pārājikam. Avibbhantamānassa gahaṭṭhasseva sato bhikkhunīdūsakassa sace itthiliṅgam pātubhavati, neva bhikkhunīsu upasampadam labhati,

1. Vi 5. 225 piṭṭhe.

2. Vi 5. 224 piṭṭhe.

3. Vi 4. 462 piṭṭhe.

na puna liṅgaparivatte jāte bhikkhūsu vāti. Bhikkhuniyā liṅgaparivatte sati bhikkhu hoti, so ce sikkhaṃ paccakkhāya vibbhamitvā itthiliṅgaṃ paṭilabheyya, bhikkhunīsu upasampadaṃ paṭilabhati ubhayattha pubbe pārājikabhāvaṃ appattattā. Yā pana bhikkhunī paripuṇṇadvādasavassā purisaliṅgaṃ paṭilabheyya, upasampanno bhikkhu eva. Puna sikkhaṃ paccakkhāya āgato na upasampādetabbo aparipuṇṇavāsativassattā. Puna liṅgaparivatte sati bhikkhunīsu upasampadaṃ labhati. Evaṃ ce katadvādasasaṅgahassa¹ dārakassa liṅgaparivatte sati gihigatā itthī hoti, paripuṇṇadvādasavassā upasampādetabbā kira. Bhikkhuniyā itthiliṅgantaradhānena, bhikkhussa vā purisaliṅgantaradhānena pakkhapaṇḍakabhāvo bhaveyya, na sā bhikkhunī bhikkhunīhi nāsetabbā bhikkhu vā bhikkhūhi puna pakatibhāvāpattisambhavā. Pakatipaṇḍakam pana sandhāya “paṇḍako nāsetabbo”ti vuttaṃ. Pakkhapaṇḍako hi saṃvāsanāsanāya nāsetabbo, itaro ubhayanāsanāyāti attho. Yadi tesam puna pakatibhāvo bhaveyya, “anujānāmi bhikkhave taṃyeva upajjhaṃ tameva upasampadaṃ tāniyeva vassāni bhikkhunīhi saṅgमितun”ti ayam vidhi sambhavati. Sace nesam liṅgantaram pātubhaveyya, so ca vidhi, yā āpattiyo bhikkhūnam bhikkhunīhi sādharmaṇā, tā āpattiyo bhikkhūnam santike vuṭṭhātum asādharmaṇāhi anāpattīti ayampi vidhi sambhavati. Yam vuttaṃ **parivāre** “saha paṭilābhena purimaṃ jahati, pacchime patiṭṭhāti, viññattiyo paṭippassambhanti, paññattiyo nirujjhanti, saha paṭilābhena pacchimaṃ jahati, purime patiṭṭhāti, viññattiyo”ti-ādī, taṃ yathāvuttavidhiṃ sandhāya vuttanti amhākaṃ khantīti ācariyo. Itthiliṅgaṃ, purisaliṅgaṃ vā antaradhāyantaṃ kiṃ sakalampi sarīraṃ gahetvā antaradhāyati, udāhu sayameva. Kiñcetta—yadi tāva sakalam sarīraṃ gahetvā antaradhāyati, ayam puggalo cuto bhaveyya. Tasmā sāmaññā cuto bhaveyya, puna upasampajjanto opapātiko bhaveyya. Atha sayameva antaradhāyati, sopi bhāvo tassa virujjhati. Itthindriyādīni hi sakalampi sarīraṃ byāpetvā ṭhitānīti khaṇanirodho viya tesam antaradhānam vedītabbam, tasmā yathāvuttadosappasaṅgābhāvo vedītabbo. Aññamaññaṃ saṃsaṭṭhappabhānam dīpānam ekappabhānīrodhepi itarissā ṭhānam viya sesasarīraṭṭhānam tattha hotīti vedītabbam.

1. Katadārasaṅgahassa (Ka)

71-2. **Muccatu vā mā vā dukkaṭamevā**ti mocanarāgābhāvato. **Avisayoti** asādiyanam nāma evarūpe ṭhāne dukkaranti attho. Methunadhammo nāma ubhinnam vāyāmena nipajjati “tassa dvayamdvayasamāpatti”ti vuttattā, tasmā tvaṃ mā vāyāma, evaṃ te anāpatti bhavissati, kiriyañhetam sikkhāpadanti vuttam hoti, “āpattim tvaṃ bhikkhu āpanno pārājikan”ti vacanato akiriyampetaṃ sikkhāpadaṃ yebhuyyena “kiriyan”ti vuccatīti siddham hoti.

73-4. “Pārājikabhayena ākāśagatameva katvā pavesanādīni karontassa sahasā tālukam vā passam vā aṅgajātam chupati ce, dukkaṭamevā”ti vadanti. Kasmā? Na methunarāgattāti, vīmaṃsitabbaṃ. Dantānam bāhirabhāvo oṭṭhānam bāhirabhāvo viya thullaccayavatthu hotīti vuttam “bahi nikkhantadante jivhāya ca thullaccayan”ti. **Tam puggalam visaññim**¹ **katvā**ti vacanena so puggalo khittacitto nāma hotīti dassitam hoti. Yo pana puggalo na visaññikato, so ce attano aṅgajātassa dhātughaṭṭanacarīṇijjhīnikādisaññāya² sādiyati, methunasaññāya abhāvato visaññīpakkhameva bhajatīti tassa anāpatticchāyā dissati. “Methunametam maññe kassaci amanussassā”ti ñatvā sādiyantassa āpatti eva. **Paṇḍakassa methunadhammanti** paṇḍakassa vaccamagge vā mukhe vā, bhummatthe vā sāmivacanam. Avedayantassapi sevānācittavasena āpattisanthateneva sevane viya.

Upahatindriyavatthusmim “etamattham ārocesum, so ārocesī”ti duvidho paṭho atthi. Tattha “ārocesun”ti vuttapaṭho “vediyi vā so bhikkhave”ti vuttattā sundaram, aññathā “āpattim tvaṃ bhikkhū”ti vattabbaṃ siyā. “Vediyā vā”ti dīpavāsino paṭhanti kira, methunadhammassa pubbapayogā hatthagāhādayo, tasmā “dukkaṭamevassa hotī”ti iminā purimāpadena sambandho. Yasmā pana dukkaṭamevassa hoti, tasmā yāva sīsam na pāpuṇāti puggalo, tāva dukkaṭe tiṭṭhatīti sambandho vedītabbo. Sīsam nāma maggapaṭipādanam. “**Sīsam na pāpuṇātīti** pārājikam na hoti tāva pubbapayogadukkaṭe tiṭṭhatī”ti aññatarasmim **gaṇṭhipade**

1. Visaññam (Chaṭṭha-Ṭṭha)

2. Phusanaghaṭṭanaparimajjanakādisaññāya (?)

likhitam. **Uccāliṅgapānakadaṭṭhenā**ti ettha bhāvaniṭṭhāpaccayo veditabbo. Daṭṭhena damsena khādanenāti hi atthato ekaṃ.

76-7. Saṅgāmasīse yuddhamukhe yodhapuriso viyāyam bhikkhūti “**saṅgāmasīsayodho bhikkhū**”ti vuccati. **Rukkhasūcidvāraṃ** upilavāya, ekena vā bahūhi vā kaṇṭakehi thakitabbaṃ **kaṇṭakadvāraṃ**. Dussadvāraṃ sāṇidvāraṇca **dussāsāṇidvāraṃ**. “Kilañjasāṇī”ti-ādinā vuttaṃ sabbampi dussasāṇiyameva saṅgahetvā vuttaṃ. Ekasadisattā “**ekan**”ti vuttaṃ. **Ākāsaleti** hammiyataleti attho. **Ayañhettha saṅkhepoti** idāni vattabbaṃ sandhāya vuttaṃ. “Kiñci karontā nisinnā hontīti vuttattā nipannānaṃ āpucchanaṃ na vaṭṭatī”ti vadanti. “Yathāparicchedameva ca na uṭṭhāti, tassa āpattiyevā”ti kiñcāpi avisesena vuttaṃ, anādariyadukkaṭāpatti eva tattha adhippetā. Kathaṃ paññāyatīti? “Rattim dvāraṃ vivarivā nipanno aruṇe uggate uṭṭhahati, anāpattī”ti vuttattā, **mahāpaccariyaṃ** visesetvā “anādariyadukkaṭāpi na muccati”ti vuttattā ca, tena itarasmā dukkaṭā muccatīti adhippāyo. **Yathāparicchedameva ca na uṭṭhāti, tassa āpattiyevā**ti ettha na anādariyadukkaṭaṃ sandhāya vuttaṃ. Yathāparicchedamevāti avadhāraṇattā paricchedato abbhantare na hotīti vuttaṃ hoti. Puna “supatī”ti vuttaṭṭhāne viya sanniṭṭhānaṃ gahetvā vuttaṃ. **Evaṃ nipajjantoti** nipajjanakāle āpajjitabbadukkaṭameva sandhāya vuttaṃ, tasmā yathāparicchedena uṭṭhahantassa dve dukkaṭānīti vuttaṃ hotīti. **Andhakatṭhakathāyampi** “yadi rattim dvāraṃ asaṃvarivā nipanno ‘divā vuṭṭhahissāmī’ti, anādariye āpatti dukkaṭassā”ti vuttaṃ, etthāpi “nipanno”ti vuttattā “aruṇe uṭṭhite uṭṭhāhī”ti na vuttattā ca jānitabbaṃ. “**Mahāpaccariyaṃ** anādariyadukkaṭameva sandhāya vuttaṃ, na **aṭṭhakathāyaṃ** vuttadukkaṭaṇ”ti eke vadanti. **Tassa anāpattī**ti atthato anipannattā vuttaṃ. “Sace pana rattim saṃvarivā nipanno, aruṇuṭṭhānasamaye koci vivarati, dvārajaggaṇādīni akatvā nipannassa āpattiyeva. Kasmā? Āpattikhettattā”ti vadanti.

Yasmā yakkhagahitakopi visaññībhūto viya khittacitto nāma hoti, assa pārājikāpattito anāpatti, pageva aññato, tasmā “yakkhagahitako viya¹ visaññībhūtopi na muccati”ti yaṃ **mahāpaccariyaṃ** vuttaṃ, taṃ

1. Yakkhagahitakopi (Chaṭṭha-Ṭṭha)

pubbe sañcicca divā nipanno pacchā yakkhagahitakopi visaññībhūtopi na muccati nipajjanapayogakkhaṇe eva āpannattāti adhippāyena vuttaṃ.

Bandhitvā nipajjāpito va muccatīti na yakkhagahitakādīsveva, sopi yāva sayameva sayanādhippāyo na hoti, tāva muccati. Yadā kilanto hutvā niddāyitukāmatāya sayanādhippāyo hoti, tadā saṃvarāpetvā, jaggāpetvā vā ābhogaṃ vā katvā niddāyitabbāṃ, aññathā āpatti. Sabhāgo ce natthi, na passati vā, na gantuṃ vā sakkoti. Cīrampi adhivāsetvā pacchā vedanāṭṭo hutvā anābhogeneva sayati, tassa “anāpatti vedanāṭṭassā”ti vacanena anāpatti, **tassāpi avisayattā āpatti na dissatīti** visaññībhāvene va supantassa “anāpatti khittacittassā”ti vacanena na dissati. **Ācariyā pana evaṃ kathayantīti** avisesena “na dissatī”ti na kathayanti. Yadi saññaṃ appaṭilabhitvā sayati, avasavattattā āpatti na dissati, sace saññaṃ paṭilabhitvāpi kilantakāyattā sayanaṃ sādiyanto supati, tassa yasmā avasavattattaṃ na dissati, tasmā āpatti evāti kathayantīti adhippāyo.

Mahāpadumattheravāde yakkhagahitako khittacittako muccati. Bandhitvā nipajjāpito asayanādhippāyattā, vedanāṭṭattā ca muccatīti adhippāyo. Evaṃ sante pāḷi-aṭṭhakathā, theravādo ca sameti, tasmā tesāṃ tesāṃ vinicchayānaṃ ayameva adhippāyoti no khantīti ācariyo, **anugaṇṭhipade** pana yakkhagahitakopi visaññībhūtopi na muccati nāma, pārājikaṃ āpajjituṃ bhabbo so antarantarā saññāpaṭilābhatoti adhippāyo. “Bandhitvā nipajjāpito vā”ti kurundīvacanena ekabhaṅgena nipannopi na muccatīti ce? Muccatiyeva. kasmā? Atthato anipannattā. Kurundīvādena mahā-aṭṭhakathāvādo sameti. Kasmā? Avasavattasāmaññato. Kiñcāpi sameti, ācariyā pana evaṃ na kathayanti. Na kevalaṃ teyeva, mahāpadumattheropīti dassanattamaṃ “**mahāpadumattherenā**”ti vuttaṃ. **Mahāpadumattheravāde** “pārājikaṃ āpajjituṃ abhabbo yakkhagahitako nāmā”ti ca vuttaṃ, tattha ācariyā pana evaṃ vadanti “sace okkantaniddo ajānantopi pāde mañcakaṃ āropeti, āpattiyevāti vuttattā yo pana pativā tatheva sayati na vuṭṭhāti, tassa āpatti antarantarā jānantassāpi ajānantassāpi

hotī”ti. Sabbaṭṭhakathāsu vuttavacanāni sampiṇḍetvā dassetum **“idha ko muccati ko na muccati”**ti vuttaṃ. Yakkhagahitako vā visaññībhūto vā¹ na kevalaṃ pārājikaṃ āpajjitum bhabbo eva, sabbopi āpajjati. Evaṃ **“bandhitvā nipajjāpitova muccati”**ti vacanena tassapi avasavattattā **“āpatti na dissatī”**ti evaṃ na kathayanti. Yasmā ummattakakhittacittavedanāṭṭesu aññataro na hoti, tasmā **“āpattiyevā”**ti kathayanti. Idaṃ kira sabbaṃ na saṅgītiṃ āruḷhaṃ. **“Pavesanaṃ sādīyatīti-ādinā vuttattā akiriyāpi hotīti vadanti, taṃ na gahetabbaṃ, yadā pana sādīyati, tadā sukhumāpi viññatti hoti evāti idha kiriyā evā”**ti **anugaṇṭhipade** vuttaṃ.

Paṭhamapārājikavaṇṇanā niṭṭhitā.

2. Dutiyapārājika

Dhaniyavatthuvaṇṇanā

84. Dutiye rājūhi eva pariḡgahitattā **“rājagahan”**ti laddhanāmake samīpatthēna, adhikaraṇatthēna ca paṭiladdhabhumvibhattike giḡjhakūṭe pabbate catūhi vihārehi viharantoti adhippāyo. Tassa **“vassaṃ upagacchimsū”**ti iminā sambandho veditabbo. Tayo eva hi ñattim ṭhapetvā gaṇakammaṃ karonti, na tato ūnā adhikā vā akiriyattā. Tattha vinayapariyāyena saṃghagaṇapuggalakammakosallatthaṃ idaṃ pakiṇṇakaṃ veditabbaṃ—atthi saṃghakammaṃ saṃgho eva karoti, na gaṇo na puggalo, taṃ apalokanakammasa kammalakkhaṇekadesaṃ ṭhapetvā itaraṃ catubbidhampi kammaṃ veditabbaṃ. Atthi saṃghakammaṃ saṃgho ca karoti, gaṇo ca karoti, puggalo ca karoti. Kiñcāti? Yaṃ pubbe ṭhapitaṃ. Vuttañhetam **parivāraṭṭhakathāyam** **“yasmim vihāre dve tayo janā vasanti, tehi nisīditvā katampi saṃghena katasadisameva. Yasmim pana vihāre eko bhikkhu hoti, tena bhikkhunā uposathadivase pubbakaraṇapubbakiccaṃ katvā nisinnena katampi katikavattaṃ saṃghena katasadisameva hotī”**ti². Punapi vuttaṃ **“ekabhikkhuke**

1. Yakkhagahitakopi visaññībhūtopi (Ka)

2. Vi-Ṭṭha 4. 254 piṭṭhe.

pana vihāre ekena sāvitepi purimakatikā paṭippassambhati evā”ti. Atthi gaṇakammaṃ saṃgho karoti, gaṇo karoti, puggalo karoti, taṃ tayo pārisuddhi-uposathā aññesaṃ santike karīyanti, tassa vasena veditabbaṃ. Atthi gaṇakammaṃ gaṇova karoti, na saṃgho na puggalo, taṃ pārisuddhi-uposatho aññamaññaṃ ārocavasena karīyati, tassa vasena veditabbaṃ. Atthi puggalakammaṃ puggalova karoti, na saṃgho na gaṇo, taṃ adhiṭṭhānuposathavasena veditabbaṃ. Atthi gaṇakammaṃ ekaccova gaṇo karoti, ekacco na karoti, tattha aṇa ttikaṃ dve eva karonti, na tayo. Sañattikaṃ tayova karonti, na tato ūnā adhikā vā, tena vuttaṃ “tayo eva hi ñattiṃ ṭhapetvā gaṇakammaṃ karonti, na tato ūnā adhikā vā akiriyattā”ti. Tasmā tayova vinayapariyāyena sampahulā, na tato uddhanti veditabbaṃ. **Anugaṇṭhipade** pana “kiñcāpi kammalakkhaṇaṃ tayova karonti, atha kho tehi kataṃ saṃghena katasadisanti vuttattā ekena pariyāyena tayo janā vinayapariyāyena saṃgho”ti vuttaṃ, idaṃ sabbampi vinayakammaṃ upādāya vuttaṃ, lābhaṃ pana upādāya antamaso ekopi anupasampannopi “saṃgho”ti saṅkhyāṃ gacchati kira. Pavāraṇādivasassa aruṇuggamanasamanantameva “vutthavassā”ti vuccanti, ukkaṃsanayena “pāṭipadadivasato paṭṭhāyā”ti vuttaṃ, teneva “**mahāpavāraṇāya pavāritā**”ti vuttaṃ. Aññathā antarāyena apavāritā “vutthavassā”ti na vuccantīti āpajjati. Thambhādi kaṭṭhakammanti veditabbaṃ. Keci tanukaṃ dārutthambhaṃ antokatvā mattikāmayāṃ thambhaṃ karonti, ayaṃ pana tathā na akāsi, tena vuttaṃ “sabbamattikāmayāṃ kuṭikaṃ karitvā”ti. Telamissāya tambamattikāya.

85. “Mā pacchimā janatā pāṇesu pātabyataṃ āpajjī”ti iminā anuddesasikkhāpadena yattha iṭṭhakapacana pattapacana kuṭikaraṇa vihārakārāpana navakammakaraṇakhaṇḍaphullapaṭisaṅkharāṇa vihārasammajjana paṭaggidāna kūpapokkharāṇi khaṇāpanādīsu pātabyataṃ jānantena bhikkhunā kappiyavacanampi na vattabbanti dasseti, teneva pariyāyāṃ avatvā tesāṃ sikkhāpadānaṃ anāpattivāresu “anāpatti asatiyā ajānantassā”ti vuttaṃ. “Antarāpattisikkhāpadan”tipi etassa nānameva. “Gacchathetaṃ bhikkhave kuṭikaṃ bhindathā”ti iminā kataṃ labhitvā tattha vasantānampi dukkaṭamevāti ca siddhaṃ. Aññathā

hi bhagavā na bhindāpeyya. Esa nayo bhedanakaṃ chedanakaṃ uddālanakanti etthāpi, āpattibhedāva. Tato eva hi bhedanakasikkhāpadādīsu viya “aññena kataṃ paṭilabhitvā paribhuñjati, āpatti dukkaṭassā”ti na vuttam, tathā aññassatthāya karoti, cetiyādīnam atthāya karoti, dukkaṭamevāti ca siddham, aññathā kuṭikārasikkhāpadādīsu viya “aññassatthāya vāsāgāram ṭhapetvā sabbattha, anāpatti”ti nayameva¹ vadeyya, na bhindāpeyya. Sabbamattikāmayabhāvaṃ pana mocetvā kaṭṭhapāsāṇādīmissam katvā paribhuñjati, anāpatti. Tathā hi chedanakasikkhāpadādīsu bhagavatā nayo dinno “aññena kataṃ pamāṇātikantaṃ paṭilabhitvā chinditvā paribhuñjati”ti-ādīsu. Keci pana “vayakammampīti etena mūlam datvā kārāpitampi atthi, tena tam aññena katampi na vaṭṭatīti siddhan”ti vadanti, tam na sundaram. Kasmā? Sambhāre kiṇitvā sayameva karontassāpi vayakammasambhavato. Kim vā pāḷilese sati aṭṭhakathālesanayo. **Iṭṭhakāhi giṇjakāvasathasaṅkhepena katā vaṭṭatīti** ettha pakati-iṭṭhakāhi cinitvā kattabbāvasatho **giṇjakāvasatho** nāma. Sā hi “mattikāmayā”ti na vuccati, “iṭṭhakakuṭikā”tveva vuccati, tasmā thusagomayatiṇapalālamissā mattikāmayāpi apakkiṭṭhakamayāpi “sabbamattikāmayā”tveva vuccatīti no khantīti ācariyo, bhasmādayo hi mattikāya daḷhibhāvatthameva ādīyanti, apakkiṭṭhakamayāpi giṇjakāvasathasaṅkhyam na gacchati, na ca āyasmā dhaniyo ekappahāreneva kumbhakāro viya kumbham tam kuṭikam niṭṭhāpesi, anukkamena pana sukkhāpetvā sukkhāpetvā mattikāpiṇḍehi cinitvā niṭṭhāpesi, apakkiṭṭhakamayā kuṭi viya sabbamattikāmayā kuṭi ekābaddhā hoti, na tathā pakkiṭṭhakamayā, tasmā sā kappatīti eke. Sabbamattikāmayāya kuṭiyā bahi ce tiṇakuṭikādīm katvā anto vasati, dukkaṭameva. Sace tattha tattha chiddam katvā bandhitvā ekābaddham karoti, vaṭṭati. Anto ce tiṇakuṭikādīm katvā anto vasati, vaṭṭati. Kārako eva ce vasati, karaṇapaccayā dukkaṭam āpajjati, na vasanapaccayā. Sace anto vā bahi vā ubhayattha vā sudhāya limpati, vaṭṭati. Yasmā sabbamattikāmayā kuṭi sukarā bhinditum, tasmā tattha ṭhapitam pattacīvarādi aguttam hoti, corādīhi avaharitum sakkā, tena vuttam “pattacīvaraguttatthāyā”ti.

1. Niyamameva (Ka)

Pālimuttakavinicchayaṅṅanā

Tena kho pana samayena chabbaggiyā bhikkhū uccāvace patte dhārenti, uccāvacāni pattamaṅḍalāni dhārentī”ti¹ evamādīni vatthūni nissāya “na bhikkhave uccāvaca pattā dhāretabbā, yo dhāreyya, āpatti dukkaṭassā”ti-ādinā nayena akappiyaparikkhāresu ca dukkaṭam paññattam. Kasmā? Tadanulomattā. Yatthāpi na paññattam, tattha “na bhikkhave uccāvacāni chattāni dhāretabbāni, yo dhāreyya, āpatti dukkaṭassā”ti-ādinā² nayena dukkaṭam sambhavati, tasmā “**tatrāyam pālimuttako**”ti ārabhitvā sabbaparikkhāresu vaṅṅamaṭṭham, savikāram vā karontassa āpatti dukkaṭanti dīpentena “**na vaṭṭatī**”ti vuttanti veditabham. Etthāha— “anujānāmi bhikkhave ṭhapetvā pharaṇim sabbam lohahhaṅḍam, ṭhapetvā āsandiṃ pallaṅkam dārupattam dārupādukaṃ sabbam dārubhaṅḍam, ṭhapetvā katakaṅca kumbhakārikaṅca sabbam mattikābhaṅḍan”ti³ vuttattā yathāṭṭhapitam vajjetvā itaram sabbam vaṅṅamaṭṭhampi savikārampi avisesena vaṭṭatī? Vuccate—tam na yuttam yathādassitapāḷivirodhato, tasmā “ṭhapetvā paharaṇim”ti evam jātivasena ayam pāḷi pavattā, yathādassitā pāḷi vaṅṅamaṭṭhādīvikārapatisedhanavasena pavattatī evam ubhayampi na virujjhati, tasmā yathāvuttameva. **Āraggena** nikhādanaggena, “āraggeriva sāsapo”ti⁴ ettha vuttanayato āraggena.

Paṭṭamukhe vāti paṭṭakotiyaṃ. **Pariyanteti** cīvarapariyante. Veni-uhumuniyupeññāma. **Agghiyanti** cetiyam⁵. **Gayamuggaranti** tulādaṅḍasaṅṭhānam, gayā sīse sūcikā hoti, mukhapattā ladrā. **Ukkiranti** nīharanti karonti ṭhapenti. **Koṇasuttapīlakā** nāma gaṅṭhikapattādikoneṣu suttamayapīlakā. Yam ettha cīvaram vā patto vā “na vaṭṭatī”ti vutto, tattha adhiṭṭhānam ruhati, vikappanāpi ruhatīti veditabham. **Deḍḍubhoti** udakasappo. **Acchīti** kuñcarakkhi. **Gomuttakanti** gomuttasaṅṭhānā rājiyo. Kuñcīkāya senāsanaparikkhārattā suvaṅṅarūpiyamayāpi vaṭṭatīti chāyā dissati, “**kuñcīkāya vaṅṅamaṭṭhakammam na vaṭṭatī**”ti vacanato aññe kappiyalohādīmayāva kuñcīkā kappanthi pariharaṇīyaparikkhārattā. **Āraṅḍakato** potthakādīkaraṇasatthakajāti. “**Āmaṅḍakasārako** āmalakaphalamayo”ti

1. Vi 4. 248 piṭṭhe.

2. Vi 4. 269 piṭṭhe.

3. Vi 4. 285 piṭṭhe.

4. Ma 2. 410; Khu 1. 71, 376 piṭṭhesu.

5. Agghiyanti agghiyacetiyam (Ka)

vadanti. Tālapaṇṇabījanī-ādīsu “**vaṇṇamaṭṭhakammaṃ vaṭṭatī**”ti vuttam. Kiñcāpi tāni kuñcikā viya pariharaṇīyāni, atha kho “uccāvacaṇi na dhāretabbānī”ti paṭikkhepābhāvato vuttam. Kevalaṇhi tāni “anujānāmi bhikkhave vimūpanaṇca tālavaṇṭaṇcā”ti-ādinā¹ vuttāni. **Gaṇṭhipade** pana “**telabhājanesu vaṇṇamaṭṭhakammaṃ vaṭṭatī**ti senāsanaparikkhārattā”ti vuttam. **Rājavallabhāti** rājakulūpakā. **Sīmāti** idhādhippetā bhūmi, baddhasīmā ca. “Yesaṃ santakā tesam sīmā, tattha parehi na kattabban”ti **anugaṇṭhipade** vuttam. “Bhūmi ca sīmā ca yesaṃ santakā, tehi eva vāretabbā. Yesaṃ pana aññesaṃ bhūmiyaṃ sīmā katā, te vāretum na issarā”ti vadanti. “Saṃghabhedādīnam kāraṇattā ‘mā karoṭhā’ti paṭisedhetabbā evā”ti **andhakatṭhakathāyaṃ** vuttam kira.

86-7. Dārukuṭīkam kātum, kattunti ca atthi. **Khaṇḍākhaṇḍikanti** phalāphalam viya daṭṭhabbam. **Āṇāpehīti** vacanam anitthe eva vuccatīti katvā **bandham āṇāpesi**. **Issariyamattāyāti** samiddhiyaṃ mattāsaddoti ṇāpeti.

88. “Evarūpaṃ vācam bhāsivā”ti ca pāṭho. **Lomena tvarṃ mutto, mā punapi evarūpamakāsīti** idam kiṃ byāpādādīpakam, dārūsupi lobhakkhandhadīpakam vacanam sotāpannassa sato tassa rājassa patirūpaṃ. Nanu nāma “pubbe kataṃ sukataṃ bhante, vadeyyātha punapi yenattho”ti pavāretvā atīva pītipāmojjaṃ uppādetabbaṃ tena siyāti? Saccametaṃ sotāpannattā atīva buddhamāmakō dhammamāmakō saṃghamāmakō ca, tasmā bhikkhūnam akappiyaṃ asahanto, sikkhāpadapaññattiyā ca okāsam kattukāmo “supayuttāni me dārūnī”ti tuṭṭhacittopi evamāhāti veditabbaṃ. Imehi nāma evarūpe ṭhāne. “**Āgatapadānurūpenāti** aññehi vā padehi, ito sokatarehi vā āgatakāle tadanurūpā yojanā kātabbā”ti **gaṇṭhipade** vuttam. “Na kevalam imasmiṃ yeva sikkhāpade, aññesupi āgacchanti, tasmā tattha tattha āgatapadānurūpena yojanā veditabbaṃ”ti **anugaṇṭhipade** vuttam. **Ujjhāyanattho** adinnassādinnattāva, te ujjhāyimsu.

Rudradāmako nāma rudradāmakādīhi² uppādito. Bārāṇasinagarādīsu tehi tehi rājūhi porāṇasatthānurūpaṃ lakkhaṇasampannā uppādītā **nīlakahāpaṇā**. Tesam kira tibhāgaṃ agghati rudradāmako, tasmā

1. Vi 4. 269 piṭṭhe.

2. Khudradāmako nāma dudradāmakehi (Ka)

tassa pādo thullaccayavattu hoti. Māsako pana idha appamāṇaṃ. Kahāpaṇo kiñcikāle ūnavīsatiṃmāsako hoti, kiñci kāle atirekavīsatiṃmāsako. Tasmā tassa kahāpaṇassa catutthabhāgo pañcamāsako viya atirekapañcamāsako vā ūnapañcamāsako vā pādoti veditabbaṃ. Imassatthassa dīpanatthaṃ **“tadā rājagahe vīsatiṃmāsako kahāpaṇo hoti”**ti-ādi vuttaṃ. Tattha rajatamayo suvaṇṇamayo tambamayo ca **kahāpaṇo** hoti. Suvaṇṇabhūmiyaṃ viya pādopi yattha tambamayova kato hoti, tattha sova pādoti ācariyo. Yasmā pādo ekañilakahāpaṇagghanaṃ, tasmā tassa pādassa catutthabhāgo viya pādoti eke. Idaṃ na yujjati. Yo ca tattha pādāraho bhaṇḍo, tassa catutthabhāgasseva pārājikavatthubhāvappasaṅgato. Yadi pādārahaṃ bhaṇḍaṃ pārājikavattu, siddhaṃ **“sova pādo pacchimaṃ pārājikavattu”**ti. Na hi sabbattha bhaṇḍaṃ gahetvā ñilakahāpaṇagghena agghāpenti. Yasmā tassa tasseva kahāpaṇagghena agghāpenti, tasmā tassa tassa janapadassa pādova pādoti tadagghanakameva pādagghanakanti siddhaṃ, **“so ca kho porāṇassa ñilakahāpaṇassa vasena, na itaresanti** yattha pana ñilakahāpaṇā vaḷañjaṃ gacchanti, tatthevā”ti keci vadanti, upaparikkhitvā gahehabbaṃ.

Padabhājanīyavaṇṇanā

92. **Gāmā vā araññā vā**ti lakkhaṇānupaññattikattā paṭhamapaññattiyā ādimhi vuttā. **Yato vā apakkantā, so amanusso nāma.** “Amanussagāmaṃ apārūpitvā, gāmappavesanañca anāpucchā pavisitum vaṭṭatī”ti **anugaṇṭhipade** vuttaṃ. “Yato gāmato āgantukāmā eva apakkantā, taṃ gāmaṃ evaṃ pavisitum na vaṭṭatī”ti vadanti eke. Keci pana “yakkhapariggahabhūtopi āpaṇādīsū dissamānesu eva ‘gāmo’ti sañkhyāṃ gacchati, adissamānesu pavesane anāpattī”ti vadanti. “Gāmo eva upacāro gāmūpacāroti evaṃ kammadhārayavasena gahite kurundaṭṭhakathādīsū vuttampi suvuttameva hotī”ti vadanti. “Tassa gharūpacāro gāmoti āpajjati”ti vacanaṃ paṭikkhipati. “Gāmāsupacāro ca gāmo ca gāmūpacāro cā”ti vadanti, taṃ virujjhati, na. “Imesaṃ lābhādīsū lakkhaṇaṃ sandhāya **mahā-aṭṭhakathāyaṃ** ‘gharaṃ gharūpacāro’ti-ādi vuttaṃ, taṃ na mayāṃ paṭikkhipamā”ti ca vadanti.

“**Kataparikkhepo cāti** gharassa samantato tattako upacāro nāmā”ti **gaṇṭhipade** likhitam. **Anugaṇṭhipade** pana “**yoyo-aṭṭhakathāvādo vā theravādo vā pacchā vuccatī**”ti ito anāgatam sandhāya vuttam, nātītam. Yadi atītampi sandhāya vuttam, mahāpadumatheravādova pamāṇam jātanti āpajjati, tasmā anāgatameva sandhāya vuttanti ācariyā kathayantī”ti vuttam. **Sesampīti** gāmūpacāralakkhaṇampi.

Tatrāyam nayoti tassa gāmūpacārassa gahaṇe ayaṁ nayo. **Vikālegāmappavesanādīsūti** ettha “gāmappavesanañhi bahi eva āpucchitabban”ti **gaṇṭhipade** vuttam. “Tam aṭṭhakathāya na sametī”ti vadanti. “Gāmasaṅkhātūpacāram sandhāya vuttan”ti gahite sametīti mama takko. “**Ādi-saddato** ghare ṭhitānam dinnalābhabhājanādīnī”ti **gaṇṭhipade** vuttam. “Gāmūpacāre ṭhitānam pāpuṇitabbalābham sañcicca adentānam pārājikan”ti **anugaṇṭhipade** vuttam. Kiñcāpi **kurundi-ādīsu** pāḷiyam vuttavacanānulomavasena vuttattā “pamādalekhā”ti na vattabban, mahā-aṭṭhakathāyam vuttavinicchayo saṅgītito paṭṭhāya āgato. “**Yañcetaṁ mahā-aṭṭhakathāyan**”ti-ādī sīhaḷadīpe aṭṭhakathācariyehi vuttam “vinicchayanayo”ti ca. **Leḍḍupāteneva paricchinditabboti** parikkhepārahaṭṭhānam, na upacāram. So hi tato aparena leḍḍupātena paracchinno. Imasmim **adinnādānasikkhāpadeti** niyamena aññattha aññathāti atthato vuttam hoti. Tena vā niyamena yathārutavasenāpi attho idha yujjati. **Abhidhamme panāti-ādīnā** aññathāpi atthāpattisiddham dasseti.

“Pariccāgādīmhi akate ‘idam mama santakan’ti aviditampi parapariggahitameva puttakānam pitu accayena santakam viya, tam atthato apariccatte saṅgham gacchatī”ti **gaṇṭhipade** vuttam. “Thenassa kammam **theyyam**, thenena gahetabbabhūtam bhaṇḍam. Theyyanti saṅkhātanti theyyasaṅkhātan”ti **porāṇagaṇṭhipade** vuttam. Tam theyyam yassa thenassa kammam, so yasmā theyyacitto avaharaṇacitto hoti, tasmā “theyyasaṅkhātan”ti padaṁ uddharitvā “theyyacitto avaharaṇacitto”ti padabhājanampi tesam porāṇānam yujjateva, tathāpi aṭṭhakathāyam vuttanayeneva gahetabban. “Yañca pubbabhāge ‘avaharissāmī’ti pavattam cittam, yañca gamanādisādhakam, parāmasanādisādhakam vā majjhe pavattam, yañca

ṭhānācāvanapayogasādhakaṃ, tesu ayameveko pacchimo cittakoṭṭhaso idha adhippeto ‘theno’ti apare”ti **anugaṇṭhipade** vuttaṃ.

Ūnamāsakamāsapādādīsu “avaharaṇacittesu ekacittakoṭṭhāsoti ācariyā vadantī”ti vuttaṃ.

Pañcavīsati-avahārakathāvaṇṇanā

Pañcavīsati avahārā nāma vacanabhedeneva bhinnā, atthato pana abhinnā. **Ākulā duviññeyyavinicchayā**ti ācariyānaṃ mukhe santike sabbākārena aggahitavinicchayānaṃ duviññeyyā. Dukatikapatṭhānapāḷi¹ viya ākulā duviññeyyavinicchayā, kevalaṃ taṃ ācariyā pubbāparavirodhamakatvā saṅgītito paṭṭhāya āgatanayamavināsetvā vaṇṇayantīti “paṭṭhānapāḷimivāti apare vadantī”ti ca vuttā. **Porāṇā**ti saṅgīti-ācariyā. **Ayamettha sāmīci** eva, sace na deti, āpatti natthi, pārājikabhayā pana yathā sikkhākāmo deti, evaṃ dātabbameva. Yāni panettha vatthūni, tāni sīhaḷadīpe ācariyehi saṃghādīnamanumatiyā aṭṭhakathāsu pakkhittāni, “anāgate brahmacārīnaṃ hitatthāya potthakāruḷhakālato pacchāpī”ti vuttaṃ. **Āṇattikaṃ āṇattikkhaṇepi gaṇhāti**, kālantarenāpi atthasādhako, kālantaraṃ sandhāyāti idametesam nānattaṃ. **Bhaṭṭheti** apagate. **Antarasamudde** aturumuhude². **Pharati** sādheti. **Navadhototi** navakato. **Pāsāṇasakkharanti** pāsāṇaṅca sakkharaṅca.

Bhūmaṭṭhakathādivaṇṇanā

94. **Mahā-aṭṭhakathāyaṃ pana saccepi alikepi dukkaṭameva vuttaṃ, taṃ pamādalikhanti veditabbanti** yathetarahi yuttiyā gahetabbā. Tattha “catuvaggena ṭhapetvā upasampadapavāraṇa-abbhānādisabbaṃ saṃghakammaṃ kātuṃ vaṭṭati”cceva vattabbe “upasampadapavāraṇakathinabbhānādīnī”ti likhantīti veditabbaṃ. Taṃ ācariyā “pamādalekhā”tveva vaṇṇayanti, tena vuttaṃ “pamādalikhitaṃ”ti. Yaṃ yaṃ vacanaṃ musā, tattha tattha pācittiyanti vuttaṃ. Dukkaṭassa vacane payoanābhāvā “**adinnādānassa pubbapayoge**”ti vuttaṃ. Aññesampi pubbapayoge pācittiyatṭhāne pācittiyameva. **Pamādalikhanti**

1. Abhi 12. 105 piṭṭhe.

2. Aturumuhunde (Ka)

ettha idha adhippetameva gahetvā aṭṭhakathāyaṃ vuttanti gahite sameti viya. Ācariyā pana “**pācittiyatṭhāne pācittiyān**”ti vatvā dukkaṭe visuṃ vattabbe “saccālike”ti sāmāññato vuttattā “pamādalekhā”ti vadantīti veditabbāti. “Kusalacittena gamena anāpattī”ti vuttattā “dānañca dassāmī”ti vacanena anāpatti viya.

Pācittiyatṭhāne dukkaṭā na mucatīti pācittiyena saddhim dukkaṭamāpajjati. **Bahukāpi āpattiyo hontūti** khaṇanabyūhanuddharaṇesu dasa dasa katvā āpattiyo āpanno, tesu uddharaṇe dasa pācittiyō desetvā muccati, jātivasena “**ekameva desetvā mucatī**”ti **kurundiyaṃ** vuttaṃ, tasmā purimena sameti. “Samodhānetvā dassitapayoge “dukkaṭan”ti vuttattā samānapayogā bahudukkaṭattam nāpeti. **Khaṇane bahukānīti** samānapayogattā na paṭippassambhati. **Aṭṭhakathācariyappamāṇenāti** yathā panettha, evaṃ aññesupi evarūpāni aṭṭhakathāya āgatavacanāni saṅgītito paṭṭhāya āgatattā gahetabbānīti attho. “Idha dutiyapārājike gahetabbā, na aññesū”ti **dhammasiritthero** kirāha. **Gaṇṭhipade** pana “purimakhaṇanam pacchimaṃ patvā paṭippassambhati, teneva ekameva dasetvā mucatī”ti vuttaṃ, “visabhāgakiriyaṃ vā patvā purimaṃ paṭippassambhati”ti ca vuttaṃ.

Evaṃ ekaṭṭhāne ṭhitāya kumbhiyā ṭhānācāvanañcetta chahākārehi veditabbanti sambandho. **Kumbhiyāti** bhumavacanam. **Uddham ukkhipanto kesaggamattampi bhūmito moceti, pārājikanti** ettha mukhavatṭiyā phuṭṭhokāsam bundena mocite “ṭhānācāvanañcetta chahākārehi veditabban”ti iminā sameti, tathā avatvā “bhūmito mutte kesaggamattampi atikkante bhūmito mocitaṃ nāma hotī”ti dalham katvā vadanti, upaparikkhitvā gahetabbaṃ. Ettha ekacce evaṃ attham vadanti “pubbe khaṇantena avasesatṭhānāni viyojitāni, tasmim vimutte pārājikan”ti. **Saṅkhepamahāpaccariyādīsu** vuttavacanassa pamādalekhabhāvo “attano bhājanagataṃ vā karoti, muṭṭhim vā chindaṭī”ti vacanena dīpito.

Yaṃ pana “**pītamatte pārājikan**”ti vuttaṃ, taṃ yathetarahi “pañcaviññāṇā uppannavatthukā uppannārammaṇā”ti padassa “uppannavatthukāhi

anāgatapaṭikkhepo”ti aṭṭhakathāvacanam “asambhinnavattukā
asambhinnārammaṇā purejātavattukā purejātārammaṇā”ti
vacanamapekkhitvā aṭṭhānāgatapaṭikkhepoti parivatteti, tathā tādisehi
parivattan’ti veditabbaṃ. Na hi aṭṭhakathācariyā pubbāparaviruddham
vadanti. Yam pana ācariyā “idaṃ pamādalikhitaṃ”ti apanetvā paṭikkhipitvā
vacanakāle vācenti, uddisanti, tameva ca imināpi ācariyena
“pamādalikhitaṃ”ti paṭikkhitaṃ. Yañca suttaṃ¹ dassetvā te paṭikkhipanti,
tameva ca dassentena iminā paṭikkhitaṃ, tena vuttaṃ “**taṃ pana
tatthevā**”ti-ādi.

Anāpattimattameva vuttanti neva avahāro na gīvā anāpattīti
byañjanatova bhedo, na atthatoti dassanatthaṃ. **Taṃ pamādalikhitaṃ**
katārehīti ce? Pubbe vuttappakārehi, lekhakehi vā, esa nayo sabbattha. “Na
hi tadeva bahūsu ṭhānesu yuttato pārājikamahutvā katthaci hotī”ti sabbam
anugaṇṭhipade vuttaṃ. **Duṭṭhapitaṃ vā ṭhapetīti** ettha tato paggharissatīti
ṭhānācāvanam sandhāya katattā pārājikaṃ taṃ pana gaṇhatu vā mā vā
tattheva “bhindaṭī”ti-ādivacanato veditabbaṃ. “**Tatthevāti** ṭhānācāvanam
akarontova ṭhānā acāvetukāmovā kevalam ‘bhindaṭī’ti aṭṭhakathāvacanato ca
nāpetabban”ti aññatarasmim **gaṇṭhipade** vuttaṃ. Tathā “paggharitehi
tintapaṃsum gahetvā udake pakkhipitvā pacitvā gahetuṃ sakkā, tasmā
gahaṇameva sandhāya vuttan”ti apare. “Rittakumbhiyā upari karoti,
bhaṇḍadeyyan”ti vuttaṃ, taṃ āṇattiyā virujjhati, “yadā sakkosi, tadā taṃ
bhaṇḍam avaharā”ti atthasādhako āṇattikāle eva pārājikaṃ. Apica
āvātakādīni thāvarapayogāni ca ettha sādhakāni. Natthikālakatapayogāni
pārājikavattūnīti tasmā upaparikkhitabanti eke. Yattha yattha “**apare**”ti vā
“**eke**”ti vā vuccati, tattha tattha suṭṭhu upaparikkhitvā vuttaṃ gahetabbaṃ,
itaram chaḍḍetabbaṃ. **Vadantīti** ācariyā vadanti. **Na, aññathā**
gahetabbatthatoti pāḷipariharaṇatthaṃ vuttaṃ. **Evameke vadantīti** taṃ na
gahetabbaṃ. Kasmā? “Passāvam vā chaḍḍetī”ti ca “aparibhogam vā
karotī”ti ca atthato ekattā, aṭṭhakathāya “muggarena pothetvā bhindaṭī”ti
vuttattāpi.

1. Yuttim (Ka)

Ayaṃ panettha sāroti-ādikathāya “amhākaṃ ācariyassa vacanan”ti **dhammasiritthero** āha. Saṅghācariyānaṃ vādoti eke. Pubbe vuttāpi te eva, tasmā **vohāravasenā**ti ahaḍḍetukāmapī tathā karontaṃ “chaḍḍetī”ti voharanti. **Evametesam padānaṃ attho gahetabboti** evaṃ sante “ṭhānācāvanassa natthitāya dukkaṭaṇ”ti aṭṭhakathāvacanena ativiya sameti, tattha ṭhānācāvanacittassa natthitāya ṭhānā cutampi na “ṭhānā cutan”ti vuccatīti attho gahetabbo. **Itarathāpī**ti theyyacittābhāvā ṭhānā cāvetukāmassapi dukkaṭaṃ yujjati.

96. Sayameva patitamorasēva ito cito ca karoto thullaccayaṃ. Ākāsaṭṭhavinicchaye tappasaṅgena tasmīṃ vehāsādigatepi asammohattham evaṃ gahetabbanti vuttam. “Evamaññatrāpi sāmise”ti¹ **gaṇṭhipade** vuttam. “Ṭhānācāvanam akaronto cāleti”ti vacanato ṭhānācāvane thullaccayaṃ natthīti vuttam hoti. Keci aphaṇḍāpetvā ṭhānācāvanācāvanehipi dukkaṭathullaccaye vadanti. “Te ṭhānācāvanam akarontoti imam aṭṭhakathāvacanam dassetvā paṭisedhetabbā”ti keci vadanti, vīmaṃsitabban.

97. Chedanamocanādi-uparibhāgaṃ sandhāya vuttam. Avassam ṭhānato **ākāsagataṃ karoti**. Ettha “ekakoṭim nīharitvā ṭhapite vaṃse ṭhitassa ākāsakaraṇam sandhāyā”ti keci vadanti. Te pana atha “mūlam acchetvā valayaṃ ito cito ca sāreti, rakkhati. Sace pana mūlato anīharitvāpi hatthena gahetvā ākāśagataṃ karoti, pārājikan”ti aṭṭhakathāvacanam dassetvā paṭisedhetabbā. **Bhittinissanti** bhittiyā upatthambhitaṃ sandhāya vuttanti eke. **Bhittim nissāya ṭhapitanti** nāgadantādīsu ṭhitaṃ sandhāya vuttam. **Chinnamatteti** upari uggantvā ṭhitaṃ sandhāya vuttam.

98. **Upari ṭhitassa piṭṭhiyā**ti ettha adho osāraṇam sandhāya vuttam. Heṭṭhā osārentassa uparimassa piṭṭhiyā heṭṭhimena ṭhitokāsam atikkantamatte pārājikaṃ, uddham ukkhipantassa udakato muttamatte. “Evaṃ

1. Sāmiketi (Ka)

gahite bhūmaṭṭhe vuttena sametī”ti vadanti. Matamacchānaṃ ṭhitaṭṭhānameva ṭhānaṃ kira. Theyyacittena māretvā gaṇhato ūnapādagghanake dukkaṭaṃ, sahapayogattā pācittiyāṃ natthīti eke. **Madanaphalavasādīnīti** ettha **sīhaḷabhāsā** kira **vasa** iti visanti attho, garuḷākārena katuppeyitaṃ vā¹.

99. **Pubbe** pāse baddhasūkara-upamāya **vuttā eva**. “Thale ṭhipitāya na vāya na phuṭṭhokāsamattamevā”ti pāṭho. “Vāto āgammāti vacanato vātassa natthikāle payovassa katattā avahāro natthi, atthikāle ce kato, avahāro vā”ti vadanti. “Bhaṇḍadeyyāṃ pana kesanti ce? Yesāṃ hatthe kahāpaṇāni gahitāni, tesāṃ vā, nāvāsāminā nāvāya aggahitāya nāvāsāmikassa vā”ti **anugaṇṭhipade** vuttaṃ.

104. **Nirambitvā** upari. **Akataṃ vā pana patiṭṭhapetīti** apubbaṃ vā paṭṭhapetīti attho.

106. Gāmaṭṭhe vā “gāmo nāmā”ti na vuttaṃ paṭṭhamāṃ gāmalakkhaṇassa sabbaso vuttattā.

107. Araññaṭṭhe **araññaṃ nāmāti** puna na kevalaṃ pubbe vuttalakkaṇaṇṇeva araññanti idhādhippetāṃ, kintu parapariggahitameva cetāṃ hoti, taṃ idhādhippetanti dassanattāṃ vuttaṃ. Teneva atthepi araññaḅḅgahaṇaṃ kataṃ. **Aggepi mūlepi chinnāti** ettha “na veṭhetvā ṭhitā, chinnamate patanakaṃ sandhāya vuttan”ti vadanti. **Tacchetvā ṭhapitoti** araññasāmikhehi parehi laddhehi tacchetvā ṭhapito. **Addhagatopīti** cirakālikopi. **Na gahetabboti** araññasāmikhehi anuññātenapī”ti **gaṇṭhipade** vuttaṃ. **Challiyā pariyonaddhaṃ hotīti** iminā sāmikānaṃ nirapekkhataṃ dīpeti. Tena vuttaṃ “**gahetuṃ vaṭṭati**”ti. Yadi sāmikānaṃ sāpekkhatā atthi, na vaṭṭati.

108. Tattha “bhājanesu pokkharāṇīṭaḷakesu ca gāvo pakkosatīti ito paṭṭhāya tayo dasa vārā ādimeva dassetvā

1. Garuḷākārena katuppe ṭhitaṃ vā (Ka)

saṅkhittā”ti **anugaṇṭhipade** vuttam. **Nibbahana-udakaṃ** nāma taḷākarakkhaṇatthāya adhikodakanikkhamanadvārena nikkhamana-udakaṃ. “**Gahetuṃ na labhatīti** sāmīcikkammaṃ na hotī”ti **anugaṇṭhipade** vuttam. Ito paṭṭhāya “vuttan”ti vutte **anugaṇṭhipadeti** gahetabbaṃ. **Anikkhante** udaketi paṭṭhaseso, sukkhamātikāpayogattā¹ bhaṇḍadeyyampi na hotīti adhippāyo. **Taḷākaṃ nissāya khattassa katattāti** “sabbasādhāraṇaṃ taḷākaṃ hotī”ti paṭṭhamam vuttattā taṃ sandhāya vuttam. “Yasmā taḷākagataṃ udakaṃ sabbasādhāraṇampi mātikāya sati taṃ atikkamivā gahetuṃ na vaṭṭati, tasmā taṃ sandhāya **kurundiyādīsu avahāroti vuttan**”ti apare āhūti. **Iminā lakkhaṇena na sametīti** yasmā sabbasādhāraṇadeso nāma tañca taḷākaṃ sabbasādhāraṇaṃ, katikābhāvā ca **mahā-aṭṭhakathāyaṃ vuttameva yuttanti** āhācariyo.

109. “**Tato paṭṭhāya avahāro natthīti** theyyāyapi gaṇhato, tasmā yathāmuṇḍamahājetabbatā, arakkhitabbatā, sabbasādhāraṇattā ca aññampi saṃghasantakaṃ idaṃ na hotī”ti **gaṇṭhipade** vuttam.

110. **Ujukameva tiṭṭhatīti** ettha “samīpe rukkhasākhādīhi **sandhāritattā** īsakaṃ khalitvāujukameva tiṭṭhati ce, avahāro. Chinnaveṇu viya tiṭṭhati ce, anāpattī”ti vuttam, taṃ suvuttam, tassa vinicchaye “sace tāni rakkhantī”ti vuttattā. **No aññathāti** sampatte ce vāte vātamukhasodhanaṃ karoti, pārājikanti attho.

111. **Aññesu pana vicāraṇā eva natthīti** tesu appaṭikkhipitattā ayameva vinicchayoti vuttam hoti. “Etena dhuranikkhepaṃ katvāpi corehi āhaṇaṃ codetvā gaṇhato anāpattīti dīpitaṃ hotī”ti vuttam.

112. **Eseva nayoti** uddhāreyeva pārājikaṃ, kasmā? Aññehi pattehi sādāraṇassa saññāṇassa vuttattā. **Padavārenāti** corena nīharitvā dinnam gahetvā gacchato. **Gāmadvāranti** vohāramattameva, gāmanti attho āṇattiyā daṭṭhabbatā, dvinnimpi uddhāre eva pārājikaṃ.

1. Sukkhamātikāpayogattāti (Ka)

Asukaṃ nāma gāmaṃ gantvāti vacanena yāva tassa gāmassa parato upacāro, sabbametaṃ āṇattameva hoti. “Ṭhatvā vā nisīditvā vā vissamitvā purimattheyyacittam vūpasamitvā gamanatthañce bhaṇḍam na nikkhitam, yathāgahitameva, padavārena kāretabboti, nikkhittañce, uddhārenā”ti ca likhitam. Kevalam **“likhitan”**ti vutte **gaṇṭhipade** gahetabbam. **Theyyacittena paribhuñjantoti** ṭhānācāvanam akatvā nivatthapārutanīhārena “pubbevedam mayā gahitan”ti theyyacittena paribhuñjanto. “Natṭhe bhaṇḍadeyyam kirā”ti likhitam. **“Añño vā”**ti vacanena yena ṭhapitam, tena dinne anāpattīti dīpitaṃ hoti gopakassa dāne viya, “kevalam idha bhaṇḍadeyyanti apare”ti vuttam. **“Añño vā”**ti vacanato yena ṭhapitam. So vātipi labbhātīti¹ vicāretvā gahetabbo. Vā-saddena yassa hatthe ṭhapitam, so vā deti rājagahe gaṇako viya dhaniyassa, tasmā pārājikam yuttam viya.

Tava thūlasāṭako laddhoti vuttakkhaṇe musāvāde dukkaṭam. **Tassa nāmam likhitvā**ti ettha “tena ‘gahetvā ṭhapeyyāsī’ti āṇattattā nāmalekhanakāle anāpatti kusasaṅkamanasadisaṃ na hotī”ti vuttam. **Na jānantīti** na suṇantīti attho. Sace jānitvāpi cittena na sampācicchanti eseva nayo. Jānanteṃ pana rakkhitum anicchante paṭikkhipitabbameva etanti vuttam jānitabbam². **Ummaggenāti** purāpāṇam khaṇitvā katamaggenāti attho.

Nissitavārikassa pana sabhāgā bhattam denti, tasmā yathā vihāre panti, tatheva kātabbanti **sampattavāram aggahetum na labhanti**, “tassa vā sabhāgā adātum na labhantī”ti vuttam. **Attadutiyaṃ** na hi ekenānītam dvinnam pahoti, sace pahoti pāpetabboti dassetum **“yassa vā”**ti-ādi vuttam. **“Paripuccham detīti** pucchitapañhassa vissajjanam karotī”ti likhitam. Saṃghassa bhāram nāma “saddhammavācanā evā”ti vuttam, “navakammikopi vuccatī”ti ca, **ito bhaṇḍato vaṭṭantaṃ puna anto pavisaṭīti** mahā-aṭṭhakathāpadassa kurundisaṅkhepaṭṭhakathāhi adhippāyo vivarito”ti likhitam.

113. **Gacchante yāne vāti** ettha “suṅkaṭṭhānassa bahi ṭhitam sandhāya vuttan”ti **upatissatthero** vadati kira. “Gacchante yāne vāti-ādi

1. Sova labhātīti (Ka)

2. Etanti vuttam (Ka)

suṅkaṭṭhānabbhantare gaḥetabban”ti vuttaṃ. Bahi ṭhitassa vattabbameva natthi, “anto ṭhatvā”ti adhiḱāre vuttattā ceti yuttaṃ—yānādīsu ṭhapite tassa payogaṃ vināyeva gatesu pārājiko na hoti. Kasmā na bhaṇḍadeyyanti ce? Suṅkaṭṭhānassa bahi ṭhitattā. Araññaṭṭhe “assatiyā atikkamantassapi bhaṇḍadeyyamevā”ti¹ vuttaṃ tesam sapariggahitattā. Idha pana “atra pavitṭhassā”ti vacanato na bahi ṭhitassa, taṃ kira suṅkasaṅketam. **Aññam harāpetīti** tattha “sahatthā”ti vacanato anāpatti. **Nissaggiyāni hontīti** aṭṭhakathāto **pācittiyam**, upacāraṃ okkamitvā pariharaṇe sādīnavattā dukkaṭam.

Suṅkaṭṭhāne suṅkam datvāva gantum vaṭṭatīti idaṃ dāni vattabbānaṃ mātikāti **dharmasiritthero**. “Anurādhapurassa catūsu dvāresu suṅkam gaṇhanti, tesu² dakkhiṇadvārassa purato maggo³ thūpārāmato ānandacetiyaṃ padakkhiṇaṃ katvā jetavanavihārassantarapākārassāsanne niviṭṭho⁴, yo na gāmaṃ pavisanto upacāraṃ okkanto hoti. Thūpārāmato ca mahācetiyaṃ padakkhiṇaṃ katvā rājavihāraṃ gacchanto na okkamati”ti kira **mahā-aṭṭhakathāyam** āgataṃ. **Ettha cāti** suṅkaghāte “dvīhi leḍḍupātehitī ācariyaparamparābhatā”ti likhitaṃ. **Dvīhi leḍḍupātehitī** suṅkaghātassa paricchede aṭṭhapite yujjati, ṭhapite pana atirekayojanampi suṅkaghātāṃ hotīti tato paraṃ dve leḍḍupātā upacāroti gaḥetabbo. So panetthāpi duvidho bāhirabbhantarabhedato. Tattha dutiyaleḍḍupātasaṅkhātāṃ bāhiropacāraṃ sandhāya **pāḷiyam**, **mahā-aṭṭhakathāyañca** dukkaṭam vuttaṃ. Abbhantaram sandhāya **kurundiyaṃ** no khanti. “Atra pavitṭhassa suṅkam gaṇhantūti hi niyamitaṭṭhānaṃ ekantato pārājikakhettaṃ hoti, tañca parikkhittaṃ, eko leḍḍupāto dukkaṭakhettaṃ, aparikkhittañce, dutiyo leḍḍupātoti no adhippāyo”ti ācariyo vadati.

114. **Dhanam pana gataṭṭhāne vaḍḍhatīti** ettha “vaḍḍhiyā saha avahāraḱassa bhaṇḍadeyyan”ti likhitaṃ. “Taṃ vaḍḍhiṃ dassāmi”ti aggahesi, tattha kammaṃ akarontassa vaḍḍhatīti katvā vuttaṃ. Kevalam āṭhapitakhettaṃ na vaḍḍhati. “Yaṃ dhanam vaḍḍhi, taṃ dentassa avahāraḱassa vaḍḍhiyā adāne pārājikaṃ hoti”ti vadanti.

1. Vi-Ṭṭha 1. 299 piṭṭhe.

2. Tassa (Ka)

3. Maggena (Ka)

4. Niviṭṭhā (Ka)

Nāmenāti sappanāmena vā sāmikena katena vā.

116. Rājagharassa **antovatthumhi**, parikkhittarājaṅgaṇaṃ vā antovatthu. Aparikkhitte rājaṅgaṇe ṭhitassa sakalanagaraṃ ṭhānaṃ. Goṇassa “aparikkhitte ṭhitassa akkantaṭṭhānameva ṭhānaṃ”ti vuttattā **khaṇḍadvāranti** attanā khaṇḍitacchiddaṃ. **Tattheva ghāte**ṭīti “jīvitindriyārammaṇattā vadhakacittassa pācittiyaṃ hotīti? Na hoti. Kasmā? Adinnādānapayogattā. Tampi theyyacittaṃ saṅkhārārammaṇaṃva hoti. Idha tadubhayaṃ labhati saddhiṃ pubbabhāgāparabhāgehi”ti vuttam.

118. **Tassuddhāre sabbesaṃ pārājikanti** yadi yo āṇatto avassaṃ taṃ bhaṇḍaṃ harati, āṇattikkhaṇe eva pārājikaṃ. “Idha tiṇṇaṃ kasmā pārājikaṃ, nanu ‘tumhe bhante tayo harathā’ti vuttattā thullaccayaṃ, itaresaṅca paṭipāṭiyā ekekassāṇattattā ekekena ca dukkaṭena bhavitabbaṃ. Kathaṃ, eko kira māsaḡghanakaṃ parissāvanaṃ thenetvā desetvā nirussāho eva vā hutvā puna māsaḡghanakaṃ sūciṃ tatheva katvā puna māsaḡghanakanti evaṃ siyāti?¹ Na evaṃ, taṃ yathā uppalathenako yena vatthu pūراتi tāva sa-ussāhattā pārājiko āsi, evamime sa-ussāhāva na desayimsu gā”ti likhitaṃ, **pāḷiyaṃ, aṭṭhakathāyaṅca** saṃvidahitvā gatesu ekassuddhāre sabbesaṃ pārājikaṃ vinā viya āṇattiyā kiṅcāpi vuttam, atha kho “tassāyaṃ attho”ti vatvā pacchā vuttavinicchayesu ca ekabhaṇḍa-ekaṭṭhānādīsu ca sambahulā ekaṃ āṇāpentīti āṇattimeva niyametvā vuttam, tasmā āṇatti icchitabbā viya, vīmaṃsitabbaṃ. “Ekabhaṇḍaṃ ekaṭṭhānaṃ’ti ca pāṭho ‘ekakulassa bhaṇḍaṃ’ti vacanato”ti vadanti.

119-20. **Ocarake vuttanayenevā**ti avassamhāriye bhaṇḍe. **Taṃ saṅketanti** tassa saṅketassa. Atha vā taṃ saṅketaṃ atikkamitvā pacchā vā. Apatvā pure vā. Esa nayo **taṃ nimittanti** etthāpi. Akkhinikhaṇanādikammaṃ lahukaṃ ittarakālaṃ, taṅkhaṇe eva bhaṇḍaṃ avaharituṃ na sakkā, kiṅci bhaṇḍaṃ dūraṃ hoti, kiṅci bhāriyaṃ, taṃ gaḡhetuṃ yāva gaḡchati yāva ukkhipati, tāva nimittassa pacchā hoti. Sace taṃ bhaṇḍaṃ

1. Evaṃva bhavitabbanti (Ka)

adhigataṃ viya āsannaṃ, lahukañca, sakkā nimittakkhaṇe avaharituṃ, tameva sandhāya vuttaṃ kinti? Na, pubbe vuttampi “tato paṭṭhāya teneva nimittena avaharaki”ti vuccati āradhattā. Yadi evaṃ “purebhattapayogo eso”ti vāro pamāṇaṃ hoti, na ca taṃ pamāṇaṃ **mahāpadumattheravādassa** pacchā vuttattā, na saṅketakammaṃ viya nimittakammaṃ daṭṭhabbaṃ. Tattha hi kālaparicchedo atthi, idha natthi, idameva tesāṃ nānattaṃ.

121. **Tañca asammohatthanti**¹ eko “purebhattādīsu vā, akkhinikhaṇanādīni vā disvā gaṇhā”ti, eko gahetabbaṃ bhaṇḍanissitaṃ katvā “purebhattaṃ evaṃ vaṇṇasaṅghānaṃ bhaṇḍaṃ gaṇhā”ti vadati, evaṃvidhesu asammohatthaṃ evaṃvidhaṃ saṅketaṃ nimittañca dassetunti ca, **yathādhippāyanti** dutiyo tatiyassa tatiyo catutthassāti evaṃ paṭipāṭiyā ce vadantīti attho. Sace dutiyo catutthassa vadeti, na yathādhippāyoti ca. **“Paṭiggahitamatteti** avassaṃ ce paṭiggaṇhāti, pubbeva thullaccayan”ti ca likhitaṃ. Paṭiggaṇhakānaṃ dukkaṭaṃ sabbatthokāsābhāvato na vuttaṃ. Pārājikāpajjanetaṃ dukkaṭaṃ āpajjitvā āpajjanti kira. Atthasādhakāṇatticetanākhāṇe eva pārājiko hotīti adhippāyo. Tattha maggaṭṭhāniyaṃ kataraṃ, kataraṃ phalaṭṭhāniyanti² “atthasādhakacetanā nāma maggānantaraphalasadisā”ti vuttattā phalaṭṭhāniyā cetanāti siddhaṃ. Āṇatti ce maggaṭṭhāniyā siyā, cetanāsahajattā na sambhavati, tathā bhaṇḍassa avassaṃhāritā ca na sambhavati. Āṇattikkhaṇe eva hi taṃ avassaṃhāritaṃ jātanti avahāraḥkassa paṭiggaṇhañce, tampi na sambhavati anāgatattā. Cetanā ce maggaṭṭhāniyā hoti, āṇatti-ādīsu aññataraṃ, bhaṇḍassa avassaṃhāritā eva vā phalaṭṭhāniyā ce, attho na sambhavati. Pārājikāpatti eva hi phalaṭṭhāniyā bhavitumarahati, na aññanti evaṃ tāva idha opammasaṃsandanaṃ sambhavati cetanā maggaṭṭhāniyā, tassā pārājikāpattibhāvo phalaṭṭhāniyo. Yathā kim? Yathā **paṭisambhidāmagge**³ “saddhāya ñāṇaṃ dhammapaṭisambhidā. Saddhāya saddatthe ñāṇaṃ atthapaṭisambhidā”ti ettha añño saddho, añño saddhāya saddatthoti siddhaṃ, yathā ca “eko amohaṣaṅkhāto dhammo sampayuttakānaṃ dhammānaṃ hetupaccayena

1. Asammotatthaṃ (Ṭṭha)

2. Tattha kataraṃ adhippettaṃ maggaṭṭhāniyaṃ phalaṭṭhāniyanti (Ka)

3. Paṭisaṃ 85 piṭṭhato adhippāyamattamānītaṃ.

paccayo adhipatisahajāta-aññamaññanissaya-indriyamaggasampayutta-atthi-avigatapaccayenapaccayo”ti ettha amoho dhammo añño, aññe tassa hetupaccayatādayoti siddham. Yathā ca **vinayapiṭake** yāni cha āpattisamuṭṭhānāni, evaṃ yathāsambhavaṃ “satta āpattikkhandhā”ti vuccanti, tesaṃ aññā āpattisamuṭṭhānatā, añño āpattikkhandhabhāvoti siddham. Iminā āpattikkhandhanayena āpattādhikaraṇassa kati ṭhānānīti? Satta āpattikkhandhā ṭhānānīti. Kati vatthūnīti? Satta āpattikkhandhā vatthūnīti. Kati bhūmiyoti? Satta āpattikkhandhā bhūmiyoti evamādayopi dassetabbā. Tathā hi tassā evaṃ maggaṭṭhāniyāya atthasādhikāya cetanāya yasmā aññā pārājikāpattitā anantantarabhūtā ākāravisesaṅkhātā phalaṭṭhāniyā atthi, tasmā “atthasādhakacetanā nāma maggānantaraphalasadisā”ti vuttāti veditabbaṃ. Atha vā kevalaṃ dhammaniyāmatāmyeva upamattena ācariyena evaṃ vuttantipi sambhavatīti na tattha opammasaṃsandanaṃ pariyesitabbaṃ, “idaṃ sabbaṃ kevalaṃ takkavasena vuttattā vicāretvā gahetabbaṃ”ti ācariyo.

Bhūmaṭṭhakathādivaṇṇanā niṭṭhitā.

Āpattibhedavaṇṇanā

122. “Vibhaṅganayadassanato”ti vuttattā taṃ sampādetuṃ “**idāni tattha tatthā**”ti-ādi āradhaṃ. Tattha **aṅgavatthubhedena cāti** avahāraṅgaṅjanabhedena vatthussa haritabbabhaṇḍassa¹ garukalahukabhāvabhedenāti attho. Atha vā aṅgaṅca vatthubhedena āpattibhedaṅca dassentoti attho. **Atirekamāsako ūnapañcamāsakoti** ettha vā-saddo na vutto, tīhipi eko eva paricchedo vuttoti. **Anajjhāvuṭṭhakaṃ** nāma araṅṅapālakādīnā na kenaci mamāyitaṃ. **Chaḍḍitaṃ** nāma anantthikabhāvena atirekamattādīnā sāmikena chaḍḍitaṃ. Naṭṭhaṃ pariyesitvā chinnālayattā **chinnamūlakaṃ**. **Assāmikavatthūti** acchinnamūlakampi yassa sāmiko koci no hoti, nirapekkhā vā pariccajanti, yaṃ vā pariccattaṃ devatādīnaṃ, idaṃ sabbaṃ assāmikavatthu nāma. Devatādīnaṃ vā buddhadhammānaṃ vā pariccattaṃ

1. Sāditabbabhaṇḍassa (Ka)

parehi ce ārakkhakehi pariggahitaṃ, **parapariggahitameva**. Tathārūpe hi adinnādāne rājāno coraṃ gahetvā hananādikaṃ kareyyuṃ, anārakkhake pana āvāse, abhikkhuke anārāmikādike ca yaṃ buddhadhammassa santakaṃ, taṃ “āgatāgatehi bhikkhūhi rakkhitabbaṃ gopetabbaṃ mamāyitabbaṃ”ti vacanato abhikkhukāvāsasaṃghasantakaṃ viya parapariggahitasāṅkhyameva gacchatīti chāyā dissati. Issaro hi yo koci bhikkhu tādise parikkhāre corehipi gayhamāne vāretuṃ paṭibalo ce, balakkārena acchinditvā yathāṭhāne ṭhapetunti. Apariggahite parasantakasaññissa chasu ākāresu vijjamānesupi anāpatti viya dissati, “yaṃ parapariggahitañca hotī”ti aṅgabhāvo kiñcāpi dissati, parasantake tathā paṭipannaṃ sandhāya vuttanti gahetabbaṃ. Attano santakaṃ corehi haṭaṃ, corapariggahitattā parapariggahitaṃ hoti, tasmā paro cetāṃ theyyacitto gaṇhati, pārājikaṃ. Sāmiko eva ce gaṇhati, na pārājikaṃ, yasmā codetvā, acchinditvā ca so “mama santakaṃ gaṇhāmī”ti gahetuṃ labhati. Paṭhamāṃ dhuraṃ nikkhipitvā ce pacchā theyyacitto gaṇhati, esa nayo. Sāmikena dhuraṃ nikkhattakāle so ce coro kālaṃ karoti, añño theyyacittena gaṇhati, na parājiko. Anikkhattakāle eva ce kālaṃ karoti, taṃ theyyacittena gaṇhantassa bhikkhuno pārājikaṃ mūlabhikkhussa santakabhāve ṭhitattā. Corabhikkhumhimate “matakaparikkhāraṇaṃ”ti saṃgho vibhajitvā ce taṃ gaṇhati, mūlasāmiko “mama santakamidaṃ”ti gahetuṃ labhati.

Etthāha—bhūmaṭṭhādinimittakamma-pariyosānā eva avahārabhedā, udāhu aññepi santīti. Kiñcettha yadi aññepi santi, tepi vattabbā. Na hi bhagavā sāvasesaṃ pārājikaṃ paññāpeti. No ce santi, ye ime tulākūṭakaṃsakūṭamānakūṭa-ukkoṭanavañcananikati sāciyogaviparāmosa-ālopaśāsākārā ca suttāṅgesu sandissamānā, te idha āgatesu ettha samodhānaṃ gacchantīti ca lakkhaṇato vā tesāṃ samodhānagatabhāvo vattabboti? Vuccate—lakkhaṇato siddhova. Kathaṃ? “Pañcahi ākārehi”ti-ādinā nayena aṅgavatthubhedena. Āpattibhedo hi **pāliyaṃ**¹ vutto eva, **aṭṭhakathāyañca** “kūṭamānakūṭakahāpaṇāḍīhi vā vañcetvā gaṇhati, tassevaṃ gaṇhato avahāro

1. Vi 1. 68 piṭṭhe.

theyyāvahāro”ti¹ āgatattā tulākūṭagahaṇādayo theyyāvahāre samodhānaṃ gatāti siddhaṃ. Viparāmosa-ālopasāhasākārā ca aṭṭhakathāyāgate pasayhāvahāre samodhānaṃ gacchanti. Imamyeva vā pasayhāvahāraṃ dassetuṃ “gāmaṭṭhaṃ araṇṇaṭṭhaṃ”ti mātikaṃ nikkhipitvā “gāmaṭṭhaṃ nāma bhaṇḍaṃ catūhi ṭhānehi nikkhittaṃ hoti”ti-ādinā nayena vibhāgo vutto. Tenedaṃ vuttaṃ hoti—gahaṇākārabhedasandassanattamaṃ visuṃ kataṃ. Na hi bhūmitalādīhi gāmāraṇṇaṭṭhaṃ yaṃ kiñcīti. Tattha yaṃ tulākūṭaṃ, taṃ rūpakūṭaṅgahaṇapaṭicchannakūṭavasena catubbidhampi vehāsaṭṭhe samodhānaṃ gacchati. Hadayabhedasikhābhedarajjubhedavasena tividhe mānakūṭe “svāyaṃ hadayabhedo mariyādaṃ chindaṭi”ti ettha samodhānaṃ gacchati. Hadayabhedo hi sappitelādiminanaḱāle labbhati. “Phandāpeti attano bhājanagataṃ karoti”ti ettha sikhābhedopi labbhati. So “tilataṇḍulādiminanaḱāle labbhaṭi”ti vuttaṃ. Khetaminanaḱāle rajjubhedo samodhānaṃ gacchati. “Dhammaṃ caranto sāmikaṃ parājeti”ti ettha ukkoṭanaṃ samodhānaṃ gacchaṭi te ca tathā vaṇcananikaṭiyopi.

Āpattibhedavaṇṇanā niṭṭhitā.

Anāpattibhedavaṇṇanā

131. Na ca gahite attamaṇo hoti, tassa santakaṃ viṣṣāsaḱāhena gahitampi puna dātabbanti idaṃ “tena kho pana samayena dve bhikkhū saḱāyakā honti. Eko gāmaṃ piṇḍāya pāvīsi -pa- anāpatti bhikkhu viṣṣāsaḱāhe”ti² iminā asamaṇaṃ viya dissati. Ettha hi “so jānitvā taṃ codesi assamaṇosi tvaṇ”ti vacanena anattamaṇatā dīpitā. Puna “anāpatti bhikkhu viṣṣāsaḱāhe”ti vacanena attamaṇatāyapi sati viṣṣāsaḱāho ruhaṭi dīpitanti ce? Taṃ na, aṇṇathā gahetabbatthato. Ayaṇhettha attho—pārājikāpattiyā anāpatti viṣṣāsaṇṇāya ḱāhe sati, sopi bhikkhu saḱāyakattā na kuddho codesi, piyo eva samāno “kacci assamaṇosi tvaṃ, ḱaccha, viṇicchayaṃ

1. Vi-Ṭṭha 1. 330; Kaṅkhā-Ṭṭha 117 piṭṭhesu.

2. Vi 1. 75 piṭṭhe.

katvā¹ suddhante tiṭṭhāhī”ti codesi. Sacepi so kuddho eva codeyya,
 “anāpattī”ti idaṃ kevalaṃ pārājikābhāvaṃ dīpeti, na vissāsaggāhasiddhaṃ.
 Yo pana parisamajjhe lajjāya adhivāseti, na kiñci vadatīti attho.
 “Punavattukāmatādhippāye pana² sopi paccāharāpetuṃ labhatī”ti vuttaṃ.
 Sace coro pasayha vahetukāmopi “adhivāsetha bhante idha me cīvarānī”ti
 vatvā cīvarāni therena dinnāni, adinnāni vā sayam gahetvā gacchati, thero
 puna pakkhaṃ labhitvā codetuṃ labhati, pubbe adhivāsanā
 adhivāsanasaṅkhyam na gacchati bhayena tuṅhībhūtattā, “yam cīvaraṃ idha
 sāmiko paccāharāpetuṃ labhatī”ti vuttaṃ. Sāmikassa pākatitaṃ kātabbaṃ,
 “idaṃ kira vattan”ti vuttaṃ. Sace saṅghassa santakaṃ kenaci bhikkhunā
 gahitaṃ, tassa tena saṅghassa vā dhammassa vā upakāritā atthi,
 gahitappamāṇaṃ apaloketvā dātabbaṃ. “So tena yathāgahitaṃ pākatikaṃ
 katvā anaṇo hoti, gilānādīnampi eseva nayo”ti vuttaṃ.

Padabhājanīyavaṇṇanā niṭṭhitā.

Pakiṇṇakakathāvaṇṇanā

Sāhatthikāṇattikanti ekabhaṇḍaṃ eva. “Bhāriyañhidaṃ tvampi
 ekapassaṃ gaṇha, ahampi ekapassaṃ gaṇhāmīti saṃvidahitvā ubhayesaṃ
 payogena ṭhānācāvena kate kāyavācācittēhi hoti. Aññathā ‘sāhatthikaṃ vā
 āṇattikassa aṅgaṃ na hoti, āṇattikaṃ vā sāhatthikassā’ti iminā virujjhatī”ti
 likhitaṃ. **Dhammasirithero** pana “na kevalaṃ bhāriye eva vatthumhi ayaṃ
 nayo labbhati, pañcamāsakamattampi dve ce janā saṃvidahitvā gaṇhanti,
 dvinnampi pāṭekkaṃ, sāhatthikaṃ nāma taṃ kammaṃ, sāhatthikapayogattā
 ekasmiṃyeva bhaṇḍe, tasmā ‘sāhatthikaṃ āṇattikassa aṅgaṃ na hoti’ti
 vacanamimaṃ nayaṃ na paṭibāhati. ‘Sāhatthikavatthu-aṅganti sāhatthikassa
 vatthussa aṅgaṃ na hoti’ti tattha vuttaṃ. Idha pana payogaṃ sandhāya
 vuttattā yujjati”ti āha kira, taṃ ayuttaṃ kāyavacīkammanti vacanābhāvā,
 tasmā sāhatthikāṇattikesu payogesū aññatarena vā’yamāpatti

1. Gantvā (Ka)

2. Puna vattukāmatādhippāyena (Ka)

samuṭṭhāti, tathāpi turitaturitā hutvā vilopanādīsu gahaṇagāhāpanavasenetam vuttam. Yathā kālena attano kālena parassa dhammam ārabha sīgham uppattim sandhāya “ajjhatabhiddhārammaṇā dhammā”¹ti vuttā, evamsampadamidanti daṭṭhabbam.

Tatthapi ye anuttarādayo ekantabahiddhārammaṇā viññāṇaṇcāyatanādayo ekanta-ajjhattārammaṇā, itare aniyatārammaṇattā “ajjhatabhiddhārammaṇā”ti vuccanti, na ekakkhaṇe ubhayārammaṇattā. Ayaṁ pana āpatti yathāvuttanayena sāhatthikā āṇattikāpi hotiyeva, tasmā anidassanametanti ayuttam. “Yathā aniyatārammaṇattā ‘ajjhatabhiddhārammaṇā’ti vuttā, tathā aniyatapayogattā ayampi āpatti ‘sāhatthikāṇattikā’ti vuttāti nidassanamevetan”ti ekacce ācariyā āhu. “Ime panācariyā ubhinnam ekato ārammaṇakaraṇam natthi. Atthi ce, ‘ajjhatabhiddhārammaṇam dhammam paṭicca ajjhatabhiddhārammaṇo dhammo uppajjati hetupaccayā’ti-ādinā² paṭṭhānapāthena bhavitabbanti saññāya āhamsu, tesam matena ‘siyā ajjhatabhiddhārammaṇā’ti vacanam niratthakam siyā, na ca niratthakam, tasmā attheva ekato ajjhatabhiddhārammaṇo dhammo. Puna ‘ayam so’ti niyamena ajjhatabhiddhārammaṇā dhammā viya niddisitabbābhāvato na uddhaṭo siyā. Tattha anuddhaṭattā eva **dhammasaṅgahaṭṭhakathāyam** ubhinnampi ajjhatabhiddhādhammānam ekato ārammaṇakaraṇadhammavasena ‘ajjhatabhiddhārammaṇā’ti avatvā ‘kālena ajjhatabhiddhā pavattiyam ajjhatabhiddhārammaṇan’ti vuttam, tasmā **gaṇṭhipade** vuttanayova sāroti no takko”ti ācariyo. Tattha “kāyavacīkamman”ti avacanam panassa sāhatthikapayogattā ekapayogassa anekakammattāva, yadi bhaveyya, manokammampi vattabbam bhaveyya, yathā tattha manokammam vijjānampi abbohārikam jātam, evam tasmim sāhatthikāṇattike vacīkammam abbohārikanti veditabbam, tam pana kevalam kāyakammasa upanissayam jātam, cittam viya tattha aṅgameva jātam, tasmā vuttam “sāhatthikapayogattā”ti, “aṅgabhāvamattameva hi sandhāya ‘sāhatthikāṇattikan’ti vuttanti no takko”ti ca, vicāretvā gahetabbam.

1. Abhi 1. 3 piṭṭhe.

2. Abhi 9. 454 piṭṭhe.

Kāyavācā samuṭṭhānā, yassā āpattiyā siyumi.
 Tattha kammaṃ na taṃ cittaṃ, kammaṃ nassati khīyati.
 Kiriyākiriyaḍikaṃ yañca, kammākammāḍikaṃ bhava.
 Na yuttaṃ taṃ viruddhattā, kammamekaṃva yujjati¹.

Vinītavatthuvaṇṇanā

132. **Anāpatti bhikkhu cittuppādeti** ettha kevalaṃ cittaṃ, tasseva uppādetabbāpattīhi anāpattīti attho. Etthāha—upanikkhittasādiyanādīsu, sabbesu ca akiriyasikkhāpadesu na kāyaṅgacopanaṃ vā vācaṅgacopanaṃ vā, apicāpatti, kasmā imasmiṃ yeva sikkhāpade anāpatti, na sabbāpattīhīti? Na, kasmā.

Kattabbā sādikaṃ sikkhā, viññattiṃ kāyavācikaṃ.
 Akatvā kāyavācāhi, aviññattīhi taṃ phuse².

Na lesabhāvattā. Sappāye ārammaṇe aṭṭhatvā paṭiladdhāsevanaṃ hutvā tato paraṃ suṭṭhu dhāvatīti **sandhāvati**. Tato abhiṃjhāya sahaḡataṃ, byāpādasahaḡataṃ vā hutvā visesato dhāvatīti **vidhāvati**.

137. **Vaṇaṃ katvā gahetunti** ettha kiñcāpi iminā sikkhāpadena anāpatti, itthirūpassa nāma yattha āmasantassa dukkaṭanti keci.
 “Kāyapaṭibaddhaggaḡaṇaṃ yuttaṃ, taṃ sandhāya vaṭṭatīti vuttan”ti vadanti. Ubhayaṃ vicāretvā gahetabbaṃ.

Kusasaṅkāmanavatthukathāvaṇṇanā

138. **Mahāpaccariyā**dīsu yaṃ vuttaṃ “paduddhāreṇeva kāretabbo”ti, taṃ suvuttaṃ. Kintu tassa parikappāvahāraḡamattaṃ na dissatīti dassanattaṃ idaṃ vuttaṃ. Uddhāre vā’yaṃ āpanno, tasmā disvā gacchanto “paduddhāreṇeva kāretabbo”ti idaṃ tattha duvuttanti vuttaṃ hoti. Kathaṃ? “Sāṭakattthiko sāṭakapasibbakameva gahetvā bahi nikkhamitvā sāṭakabhāvaṃ ñatvā ‘pacchā gaṇhissāmi’ti evaṃ parikappetvā gaṇhati, na uddhāre evāpajjati. Yadā bahi

1. Kammametaṃ virujjhati (Ka)

2. Kathaṃ phuse (Ka), kaṃ phuse (?)

thatvā ‘sāṭako ayan’ti disvā gacchati, tadā paduddhāreṇeva kāretabbo”ti na vuttametaṃ, kintu¹ kiñcāpi parikappo dissati, pubbabhāge avahārakkhaṇe na dissatīti na so parikappāvahāro, ayamatto **mahā-aṭṭhakathāyam** vuttova, tasmā “ñāyamevā”ti² vadanti. **Kammantasālā** nāma kassakānaṃ vanacchedakānaṃ gehāni. **Ayam tāvāti** sace upacārasīmanti-ādi yāva theravādo mahā-aṭṭhakathānayo, tattha **keci panāti**-ādi na gahetabbaṃ theravādattā yutti-abhāvato, na hi sāhatthike evaṃvidhā atthasādhakacetanā hoti. Āṇattike eva atthasādhakacetanā. “Sesaṃ mahāpaccariyaṃ vuttenatthena sametī”ti vuttaṃ.

Kusasaṅkāmanakaraṇe sace paro “nāyaṃ mama santako”ti jānāti, itarassa hatthato muttamatte pārājikāpatti khīlasaṅkāmane viya. “Attano santakaṃ sace jānāti, na hotī”ti vadanti. Evaṃ sante pañcakāni saṅkarāni hontīti upaparikkhitabbaṃ.

140. **Parānuddayatāyāti** ettha parānuddayatāya koṭippattena bhagavatā kasmā “anāpatti petapariggahe tiracchānagatapariggahe”ti³ vuttanti ce? Parānuddayatāya eva. Yassa hi parikkhārassa ādāne rājāno coraṃ gahetvā na hananādīni kareyyuṃ, tasmimpi nāma samaṇo⁴ gotamo pārājikaṃ paññāpetvā bhikkhuṃ abhikkhuṃ kārotīti mahājano bhagavati pasādaññathattaṃ āpajjitvā apāyupago hoti. Apetapariggahitā rukkhādī ca dullabhā, na ca sakkā ñātunti rukkhādīhi pāpabhīruko upāsakajano paṭimāgharacetiyabodhigharavihārādīni akatvā mahato puññakkhandhato parihāyeyya. “Rukkhamūlasenāsaṇaṃ paṃsukūlacīvaraṃ nissāya pabbajjā”ti⁵ vuttanissayā ca anissayā honti. Parapariggahitasaññino hi bhikkhū rukkhāmūlapaṃsukūlāni na sādīyissantīti, pabbajjā ca na sambhaveyyuṃ, sappadaṭṭhakāle chārikatthāya rukkhaṃ aggahetvā maraṇaṃ vā nigaccheyyuṃ, acchinnacīvarādikāle sākhabhaṅgādīm aggahetvā naggā hutvā titthiyaloaddhimeva suladdhi viya dīpentā vicareyyuṃ, tato titthiyesveva loko pasīditvā diṭṭhiggahaṇaṃ patvā saṃsārakhāṇuto bhaveyya, tasmā bhagavā

1. Kinti (Ka)

2. Ubhayamevāti (Ka)

3. Vi 1. 69 piṭṭhe.

4. Na samaṇo (Ka)

5. Vi 3. 133 piṭṭhe.

parānuddayatāya eva “anāpatti petapariggāhe”ti-ādimāhāti veditabbaṃ.

141. **Aparampi bhāgaṃ dehīti** “gahitaṃ viññattisadisattā neva bhaṇḍadeyyaṃ na pārājikaṃ”ti likhitaṃ, idaṃ pakatijane yujjati. “Sace pana sāmiko vā tena āṇatto vā ‘aparassa sahāyabhikkhussa bhāgaṃ esa gaṇhāti yācati vā’ti yaṃ¹ aparabhāgaṃ deti, taṃ bhaṇḍadeyyaṃ”ti vadanti.

148-9. **Khādantassa bhaṇḍadeyyanti** corassa vā sāmikassa vā sampattassa dinnāṃ sudinnaṃ kira. **Avisesenāti** “ussāhagātānaṃ vā”ti avatvā vuttaṃ, na hi katipayānaṃ anussāhatāya saṃghikamasāṃghikaṃ hoti. **Mahā-aṭṭhakathāyampi** “yadi sa-ussāhāva gacchanti, theyyacittena paribhuñjato avahāro hoti”ti vuttattā tadubhayamekaṃ. Chaḍḍitavihāre upacārasīmāya pamāṇaṃ jānituṃ na sakkā, ayaṃ pana bhikkhu upacārasīmāya bahi ṭhatvā ghaṇṭipaharaṇādiṃ katvā paribhuñjati khādati, tena evaṃ khāditaṃ sukhādītanti attho. “Itaravihāre tattha dittaṃ vidhināva paṭipajjitabbaṃ”ti vuttaṃ. “Sukhāditaṃ antovihārattā”ti likhitaṃ, **āgatānāgatānaṃ santakattāti** “cātuddisassa saṃghassa demī”ti dinnattā vuttaṃ. Evaṃ avatvā “saṃghassa demī”ti dinnampi tādisameva. Tathā hi bahi ṭhito lābhaṃ na labhati bhagavato vacanenāti veditabbaṃ.

153. **“Matasūkarō”**ti vacanato tameva jīvantaṃ bhaṇḍadeyyanti katvā dātuṃ na labhati. Vajjhaṃ vaṭṭatīti dīpitaṃ hoti. **Maddanto gacchati, bhaṇḍadeyyanti** ettha kittakaṃ bhaṇḍadeyyaṃ, na hi sakkā “ettakā sūkarā madditvā gatā gamissantī”ti jānituntī? Yattake sāmikānaṃ dinne te “dinnaṃ mama bhaṇḍaṃ”ti tussanti, tattakaṃ dātabbaṃ. No ce tussanti, atikkantasūkaramūlaṃ datvā kiṃ opāto khaṇitvā dātabboti? Na dātabbo. Atha kiṃ codiyamānassa ubhinnaṃ dhuranikkhepena pārājikaṃ hotīti? Na hoti, kevalaṃ kappiyaparikkhāraṃ datvā tosetabbova sāmiko, eseva nayo aññesupi evarūpesūti no takkoti ācariyo. “Tadaheva vā dutiyadivase vā maddanto gacchati”ti vuttaṃ. **Gumbe khipati,**

1. Sace yaṃ (Ka)

bhaṇḍadeyyamevāti avassaṃ pavisanake sandhāya vuttaṃ. Ettha ekasmiṃ vihāre paracakkādibhayaṃ āgataṃ. **Mūlavatthucchedanti** “sabbasenāsanam eṭe issarā”ti vacanato itare anissarāti dīpitaṃ hoti.

156. **Ārāmarakkhakā**ti viṣaṭṭhavasena gahetabbaṃ. **Adhippāyaṃ** **ñatvā**ti ettha yassa dānaṃ paṭiggaṇhantaṃ bhikkhum, bhāgaṃ vā sāmikā na rakkhanti na daṇḍenti tassa dānaṃ appaṭicchādetvā gahetuṃ vaṭṭatīti idha sannitṭhānaṃ. Tampi “na vaṭṭati saṃghike”ti vuttaṃ. **Ayameva bhikkhu issaroti** yattha so icchati, tattha attañātahetuṃ labhati kira attho. Apica “daharo”ti¹ vadanti. **Savatthukanti** saha bhūmiyāti vuttaṃ hoti. **“Garubhaṇḍam hoti”**ti vatvā **“tiṇamattaṃ pana na dātabban”**ti vuttaṃ, tam kintu garubhaṇḍanti ce, arakkhiya-agopiyatṭhāne, vinassanakabhāve ca ṭhitaṃ sandhāya vuttaṃ. **Kappiyepi cāti** vatvā, avatvā vā gahaṇayutte mātādisantakepi theyyacittuppādena. Idaṃ pana sikkhāpadaṃ “rājāpimesaṃ abhippasanno”ti² vacanato lābhaggamahattaṃ, vepullamahattaṃca pattakāle paññattanti siddham.

Dutiyapārājikavaṇṇanā niṭṭhitā.

3. Tatiyapārājika

Paṭhamapaññattinidānavāṇṇanā

162. **Tīhi suddenāti** ettha **tīhī**ti nissakkavacanaṃ vā hoti, karaṇavacanaṃ vā. Nissakkapakke kāyavacīmanodvārehi suddhena. Tathā ducaritamalehi visamehi papañcehīti-ādinā nayena sabbakilesattikehi bodhimaṇḍe eva suddhenāti yojetabbaṃ. Karaṇapakke **tīhī**ti kāyavacīmanodvārepi suddhena. Tathā tīhi sucaritehi, tīhi vimokkhehi, tīhi bhāvanāhi, tīhi silāsamādhipaññāhi suddhenāti sabbaguṇattikehi yojetabbaṃ. **Vibhāvī**nti desanāya vitthāritaṃ, vibhūtaṃ vā kataṃ vihitam, paññattaṃ vā hoti. **Samvaṇṇanāti** vattamānāsamīpe vattamānavacanaṃ.

1. Api daharo (Ka)

2. Vi 1. 52 piṭṭhe.

Na kevalam rājagahameva, idampi nagaram. **Saparicchedanti** sapariyantanti attho. Saparikkhepanti eke. “**Hamsavattakacchadanenāti** hamsaparikkhepasaṅghānenā”ti likhitam. **Kāyavicchindaniyakathanti** attano attabhāve, parassa vā attabhāve chandarāgappahānakaram vicchindanakaram dhammakatham katheti. **Asubhā ceva** subhākāravirahitattā. **Asucino ca** dosanissandanapabhavattā. **Paṭikūlā ca** jigucchaniyattā pittasemhādīsu āsayato¹. **Asubhāya vaṇṇanti** asubhākārassa, asubhakammaṭṭhānassa vā vitthāram bhāsati. Sāmi-atthe hetam sampadānavacanam. **Asubhanti** asubhanimittassa āvibhāgāya paccupaṭṭhānāya vittharakathāsāṅkhātam vaṇṇam bhāsati attho. Tesameva ādimajjhapariyosānānam dasahi lakkhaṇehi sampannam kilesacorehi anabhibhavanīyattā jhānacittam **mañjūsam** nāma.

Tatrimānīti etthāyam piṇḍattho—yasmim vāre paṭhamam jhānam ekacittakkhaṇikam uppajjati, tam sakalampi javanavāram anulomaparikkamma-upacāragotrabhu-appanāppabhedam ekattanayena “paṭhamam jhānam”ti gahetvā tassa paṭhamajjhānassa appanāpaṭipādikāya khippādibhedāya abhiññāya adhigatāya kiccanipphattim upādāya āgamanavasena **paṭipadāvisuddhi ādīti** veditabbā. Tatramajjhattupekkhāya kiccanipphattivasena **upekkhānubrūhanā majjheti** veditabbā. Pariyodāpakañāṇassa kiccanipphattivasena **sampahaṃsanā pariyosānanti** veditabbam. Tatha ādicittato paṭṭhāya yāva paṭhamajjhānassa uppādakkhaṇam², etasmim antare **paṭipadāvisuddhīti** veditabbā. Uppādaṭṭhitikkhaṇesu upekkhānubrūhanā, ṭhitibhaṅgakkhaṇesu sampahaṃsanāti veditabbā. Lakkhīyati etenāti lakkhaṇanti katvā “visuddhipaṭipattipakkhandane”ti-ādinā pubbabhāgo lakkhīyati, tividhena ajjupekkhanena majjham lakkhīyati, catubbidhāya sampahaṃsanāya pariyosānam lakkhīyati. Tena vuttam “**dasa lakkhaṇāni**”ti.

Pāribandhakatoti³ nīvaraṇasaṅkhātapāribandhakato visuddhattā gotrabhupariyosānam pubbabhāgajavanacittam “**cittavisuddhī**”ti vuccati. Tathā visuddhattā tam cittam majjhimam samādhinimittasaṅkhātam appanāsamādhim tadatthāya upagacchamānam ekasantativasena pariṇāmentam paṭipajjati nāma. Evam paṭipannassa tassa tattha

1. Āpacayato (Ka)

2. Uppādakkhaṇe (Ka)

3. Pāripanthikato. (Aṭṭhakathāyam)

samathanimitte pakkhandanaṃ tabbhāvūpagamaṇaṃ hotīti katvā **“tatha cittaṭṭhānaṃ”**ti vuccati. Evaṃ tāva paṭhamajjhānuppādakkhaṇe eva āgamanavasena paṭipadāvisuddhi veditabbā. Evaṃ **visuddhassa** appanāppattassa puna visodhane byāpārābhāvā **ajjhupekkhanaṃ** hoti. Samathappaṭipannattā puna samādhāne byāpārābhāvā ca **samathappaṭipannassa ajjhupekkhanaṃ** hoti. Kilesasamsaggaṃ pahāya ekantena upaṭṭhitattā puna ekattupaṭṭhāne byāpārāsambhavato **ekattupaṭṭhānassa ajjhupekkhanaṃ** hoti. **Tattha jātānanti** tasmiṃ citte jātānaṃ samādhipaṇṇānaṃ yuganaddhabhāvena **anativattanaṭṭhena** nānākilesehi vimuttattā. Saddhādīnaṃ **indriyānaṃ** vimuttirasene **karasaṭṭhena** anativattanekasabhāvānaṃ tesaṃ dvinnāṃ upagataṃ tājjaṃ tassārappaṃ tadanurūpaṃ vīriyaṃ tathā cittaṃ yogī vāheti pavattetīti katvā **tadupagavīriyavāhanaṭṭhena** ca visesabhāgiyabhāvattā **āsevanaṭṭhena** ca **sampahamsanā** hotīti attho veditabbo. Apicettha “anantarātītaṃ gotrabhucittaṃ ekasantivasena pariṇāmetaṃ paṭipajjati nāmā”ti likhitaṃ. Tattha hi pariṇāmetaṃ paṭipajjati etāni vacanāni atītassa na sambhavanti, yañca tadanantaraṃ likhitaṃ “appanāsamādhicittaṃ upagacchamānaṃ gotrabhucittaṃ tattha pakkhandati nāmā”ti. Imināpi taṃ na yujjati, “paṭipattikkhaṇe eva atītaṃ”ti vuttattā “gotrabhucittaṃ tattha pakkhandati”ti vacanameva virujjhatīti ācariyo. “Ekacittakkhaṇikampi lokuttaracittaṃ āsevati bhāveti bahulīkarotī”ti vuttattā “ekacittakkhaṇikassāpi jhānassa etāni dasa lakkhaṇāni”ti vuttam. “Tato paṭṭhāya āsevanā bhāvanā evā”tipi vuttam. **“Adhiṭṭhānasampannanti** adhiṭṭhānena sahagataṃ”ti likhitaṃ. Tassattho— yañca “ādimajjhapariyosānasaṅkhātaṃ”ti vuttam, taṃ tesaṃ tiṇṇampi kalyāṇakatāya samannāgatattā tividhakalyāṇakatañca. Evaṃ tividhacittaṃ tadadhigamamūlakānaṃ guṇānaṃ, uparijhānādhigamassa vā padaṭṭhānaṭṭhena adhiṭṭhānaṃ hoti, tasmā cittaṃ adhiṭṭhānabhāvena sampannattā adhiṭṭhānasampannaṃ nāmāti.

Addhamāsaṃ paṭisallīyitunti ettha ācariyā evamāhu “bhikkhūnaṃ aññamaññavadhadassanasavanasambhave satthuno sati tassa upaddavassa abhāve upāyājānato ‘ayaṃ asabbaññū’ti hetupatirūpakamahetuṃ vatvā dhammissarassāpi tathāgatassa kammesvanissariyaṃ asambujjhamānā asabhadassitamadhiccamohā bahujanā avīciparāyanā bhavēyyuṃ, tasmā so

bhagavā pageva tesam bhikkhūnam aññamaññaṃ vadhamānabhāvaṃ ñatvā tadabhāvopāyābhāvaṃ pana suvinicchinitvā tatha puthujjanānaṃ sugatilābhahetumevekaṃ katvā asubhadesanāya vā rūpasaddadassanasavanehi nippayojanehi viramitvā pageva tato viramaṇato, sugatilābhahetukaraṇato, avassam paññāpitabbāya tatiyapārājikapaññattiyā vatthāgamadassanato ca attano sabbadassitaṃ **parikkhakānaṃ** pakāsentō viya tamaddhamāsaṃ veneyyahitanipphattiyā phalasamāpattiyā avakāsaṃ katvā viharitukāmo ‘**icchāmahaṃ bhikkhave addhamāsaṃ paṭisallīyitun**’ti-ādimāhā”ti. Ācariyā nāma **buddhamittattheradhammasiritthera-upatissattherā**dayo gaṇapāmokkhā, aṭṭhakathācariyassa ca santike sutapubbā. Tato aññe eketi veditabbā. “Sakena kāyena aṭṭiyanti -pabhavissanti”ti idaṃ parato “ye te bhikkhū avītarāgā, tesam tasmim samaye hoti eva bhayaṃ, hoti lomahaṃso, hoti chambhitattan”ti iminā na yujjati, idaṃca bhagavato asubhakathārammaṇappayojanena na sametīti ce? Na,¹ tadatthājānanato. Sakena kāyena aṭṭiyantānampi tesam ariyamaggena appahīnasinehattā khīṇāsavānaṃ viya maraṇaṃ paṭicca abhayaṃ na hoti², bhayaṃca pana asubhabhāvanānuyogānubhāvena mandībhūtaṃ anaṭṭiyantānaṃ viya na mahantaṃ hutvā cittaṃ mohesi. Apāyupage te satte nākāsīti evamattho veditabbo. Atha vā idaṃ purimassa kāraṇavacanaṃ, yasmā tesam tasmim samaye hoti eva bhayaṃ, chambhitattaṃ, lomahaṃso ca, tasmā “tena kho pana samayena bhagavā asubhakathaṃ katheti”ti-ādi vuttanti.

Atha vā sakena kāyena aṭṭiyantānampi tesam hoti eva bhayaṃ, mahānubhāvā vītarāgāti khīṇāsavānaṃ mahantaṃ visesaṃ dasseti, atiduppasaheyyamidaṃ maraṇabhayaṃ, yato evaṃvidhānampi avītarāgattā bhayaṃ hotītipi dasseti. Tadaññe tesam bhikkhūnaṃ pañcasatānaṃ **aññatarā**. Tenedaṃ dīpeti “taṃ tathā āgataṃ asihatthaṃ vadhakaṃ passitvā tadaññesampi hoti eva bhayaṃ, pageva tesanti katvā bhagavā paṭhamameva tesam asubhakathaṃ kathesi, parato tesam nāhosi. Evaṃ mahānisaṃsā nesaṃ asubhakathā āsī”ti. Yo panettha pacchimo

1. Sametīti ce? Na vattabbaṃ (Ka)

2. Bhayaṃ hotiyeva (Ka)

nayo, so “tesu kira bhikkhūsu kenacipi kāyavikāro vā vacīvikāro vā na kato, sabbe satā sampajānā dakkhiṇena passena nipajjimsū”ti iminā aṭṭhakathāvacanena sameti.

Apare panāhūti kuladdhipaṭisedhanatthaṃ vuttaṃ. “Ayaṃ kira laddhī”ti vacanaṃ “māradheyyaṃ nātikkamissati”ti vacanena virujjhatīti ce? Na virujjhati. Kathaṃ? Ayaṃ bhikkhū aghātento māravisayaṃ atikkamissati akusalakaraṇato ca. Ghātento pana māradheyyaṃ nātikkamissati balavattā kammassāti sayāṃ mārapakkhikattā evaṃ cintetvā pana “ye na matā, te saṃsārato na muttā”ti attano ca laddhi, tasmā taṃ tattha ubhayesaṃ magge niyojenti evamāha, teneva “mārapakkhikā mārena samānaladdhikā”ti avatvā “mārassā nuvattikā”ti vuttā. “Iminā kiṃ vuttaṃ hoti? Yasmā mārasa anuvatti, tasmā evaṃ cintetvāpi attano laddhivasena evamāhā”ti keci likhanti. Mama santike ekato upaṭṭhānamāgacchantī, attano attano ācariyupajjhāyānaṃ santike uddesādiṃ gaṇhati.

Ānāpānassatisamādhikathāvaṇṇanā

165. **Ayampi kho bhikkhaveti** iminā kiṃ dasseti? Yesaṃ evamassa “bhagavatā ācikkhitakammaṭṭhānānuyogapaccayā tesaṃ bhikkhūnaṃ jīvitakkhayo āsi”ti, tesaṃ taṃ micchāgāhaṃ nisedheti. Kevalaṃ tesaṃ bhikkhūnaṃ pubbe katakammaṭṭhānānuyogapaccayāva jīvitakkhayo āsi, idaṃ pana kammaṭṭhānaṃ tesaṃ kesañci arahattappattiyā, kesañci anāgāmisakadāgāmisotāpattiphalappattiyā, kesañci paṭhamajjhānādhigamāya, kesañci vikkhambhanatadaṅgappahānena attasinehapariyādānāya upanissayo hutvā, kesañci sugatiyaṃ uppattiyā upanissayo ahoṣīti sātthikāva me asubhakathā, kintu “sādhu bhante bhagavā aññaṃ pariyāyaṃ ācikkhatū”ti ānandena yācitattā aññaṃ pariyāyaṃ ācikkhāmi, yathā vo pubbe ācikkhita-asubhakammaṭṭhānānuyogā, evaṃ ayampi kho bhikkhaveti yojanā veditabbā. **“Assāsavasena upaṭṭhānaṃ satī”**ti vuttaṃ. Sā hi taṃ assāsaṃ, passāsaṃ vā ārammaṇaṃ katvā pubbabhāge, aparabhāge pana assāsapassāsapabhavanimittaṃ ārammaṇaṃ katvā upaṭṭhātīti ca tathā vuttā.

Asubhe pavattaṃ asubhanti vā pavattaṃ bhāvanākammaṃ asubhakammaṃ, tadeva aññassa punappunam upajjanakassa kāraṇaṭṭhena ṭhānattā **asubhakammaṭṭhānam**, ārammaṇam vā asubhakammaṃ padaṭṭhānaṭṭhena ṭhānanti asubhakammaṭṭhānanti idha asubhajjhānam, teneva “**oḷārikārammaṇattā**”ti vuttaṃ. **Paṭivedhavasenā**ti vitakkādi-aṅgapaṭilābhavasena. **Ārammaṇasantatāyā**ti anukkamena santakālaṃ upādāya vuttakāyadarathappaṭipassaddhivasena nibbuto. **Parikammaṃ vā**ti kaṣiṇaparikammaṃ kira nimittuppādapariyosānam. Tadā hi nirassādattā asantaṃ, appaṇihitaṃca. Yathā upacāre nīvaraṇavigamena, aṅgapātubhāvena ca **santatā** hoti, na tathā idha, idhaṃ pana “**ādisamannāhārato**”ti¹ vuttaṃ. Dutiyavikappe **asecanakoti** abhittikaro, tena vuttaṃ “**ojavanto**”ti. Cetasikasukhaṃ jhānakkhaṇepi atthi, evaṃ santepi “ubhopi jhānā vuṭṭhitasseva gahetabbā”ti vuttaṃ. Samathena sakasantāne **avikkhambhite**. Itarathā pāpakānam jhānena sahuppatti siyā. Khandhādīnam lokuttarapādakattā **nibbedhabhāgiyam**, viśesena yassa nibbedhabhāgiyam hoti, taṃ sandhāya vā. “Aniccānupassīti-ādicatukkavasena anupubbena ariyamaggavuddhippatto samucchindati, sesānametaṃ natthī”ti likhitaṃ.

Tathābhāvapaṭisedhano cāti soḷasavatthukassa titthiyānam natthitāya vuttaṃ. Sabbapaṭhamānam pana catunnam padānam vasena lokiyajjhānameva tesam atthi, tasmim lokuttarapadaṭṭhānam natthi eva. “**Phalamuttamanti phale uttaman**”ti vuttaṃ. **Ututtayānukūlanti** gimhe araṇṇe, hemante rukkhamūle, vasantakāle suññāgāre gato. Semhadhātukassa **araṇṇam**, pittadhātukassa **rukkhamūlam**, vātadhātukassa suññāgāram anukūlam. Mohacaritassa araṇṇam anukūlam mahā-araṇṇe cittaṃ na saṅkuṭati, dosacaritassa rukkhamūlam, rāgacaritassa suññāgāram. Ṭhānacaṅkamāni uddhaccapakkhikāni, sayanam līnapakkhikam, pallaṅkābhujanena nisajjāya dalhabhāvam, ujukāyam paṇidhānena assāsapassāsānam pavattanasukhaṃ “parimukhaṃ satin”ti iminā ārammaṇapariggahūpāyam dasseti. **Kārī**ti karaṇasīlo. Etassa vibhaṅge “assasati passasati”ti avatvā “**sato kārī**”ti vuttaṃ. Tasmā “assasati

1. Ādimanasikārato (Ka)

passasatī”ti vutte “paṭhamacatukkaṃ eva labbhati, na sesānī”ti ca “**dīgharhassāsavasenā**ti alopasamāsaṃ katvā” iti ca “ekatthatāya avikkhepan”ti ca “asambhogavasena pajānato”ti ca “tena nāṇena”ti ca “**pajānatoti** vuttaṇṇena”ti ca “**sato kārī**ti satisampajaññāhi kārī”ti ca “paṭinissaggānupassino assāsāva paṭinissaggānupassi-assāsā”ti ca likhitam. **Uppaṭipāṭiyā āgatampi** yujjateva, tena ṭhānena¹ paṭisiddham. **Tālum āhacca** nibbāyanato kira potako sampatijātova khipitasaddam karoti, chandapāmojjavasena cha purimā tayoti **nava**. **Ekenākārenā**ti assāsavasena vā passāsavasena vā evam ānāpānassatiṃ bhāvayato kāye **kāyānupassanāsatikammaṭṭhānabhāvanā** sampajjati.

Kāyoti assāsapassāsā. Uppaṭṭhānam sati. **Dīghanti** sīham gatam assāsapassāsā. **Addhānasaṅkhā**ti kālasaṅkhāte viya kālakotṭhāseti attho, dīghakāle vāti attho. Eko hi assāsamevūpalakkheti, eko passāsā, eko ubhayam, tasmā “vibhāgam akatvā”ti vā vuttam, **chandoti** evam assāsato, passāsato ca assādo uppajjati, tassa vasena kattukamyatāchando uppajjati. Tato **pāmojjanti**. Assāsapassāsānam duviññeyyavisayattā **cittam vivattati**, gaṇanam pahāya puṭṭhaṭṭhānameva manasi karontassa kevalam **upekkhāva saṅṭhāti**. **Cattāro vaṇṇāti** “pattassa tayo vaṇṇā”ti-ādīsu viya cattāro saṅṭhānāti attho.

Tathābhūtassāti ānāpānassatiṃ bhāvayato. **Samvaroti** satisamvaro. Atha vā paṭhamena jhānena nīvaraṇānam, dutiyena vitakkavicārānam, tatiyena pītiyā, catutthena sukhadukkhānam, ākāsaṇācāyatanasamāpattiyā rūpasaññāya, paṭighasaññāya, nānattasaññāya vā pahānam. “Sīlanti veramaṇi sīlam cetanā sīlam samvaro sīlam avītikkamo sīlan”ti² vuttavidhināpettha attho daṭṭhabbo. “Atthato tathā tathā pavattadhammā upadhāraṇasamādhānasaṅkhātena sīlanatṭhena sīlanti vuccantī”ti vuttam. Tathā “ayam imasmim atthe adhippetā sikkhā”ti etthāpi cetanāsīlameva, katthaci viratisīlampīti attho daṭṭhabbo. Aññathā paṇṇattivajjesupi sikkhāpadesu viratippasaṅgo

1. Jhānena (Ka)

2. Khu 9. 43 piṭṭhe thokam visadisam.

ahosi, pātimokkhasaṃvarasaṃvuto viharatīti katvā tassāpi viratippasaṅgo. **Tasmim ārammaṇeti** ānāpānārammaṇe. **Tāya satiyāti** tattha uppannasatiyā. **“Tena manasikārenāti** āvajjanenā”ti likhitam. Etena nānāvajjanappavattidīpanato nānājavanavārehipi sikkhati nāmāti dīpitaṃ hoti, yena pana manasikārena vā. **Ñāṇuppādanādisūti** ettha ādisaddena yāva pariyoṣānaṃ veditabbaṃ. **“Tatrāti** tasmim ānāpānārammaṇe. **Evanti** idāni vattabbanayenā”ti likhitam. **Tatrāti** tesam assāsapassāsānaṃ vā. Tañhi “pubbe apariggahitakāle”ti iminā suṭṭhu sameti. “Paṭhamavādo dīghabhāṇakānaṃ. Te hi ‘paṭhamajjhānaṃ labhitvā nānāsane nisīditvā dutiyatthāya vāyāmato upacāre vitakkavicāravasena oḷārikacittappavattikāle pavatta-assāsapassāsavasena oḷārikā’ti vadanti. ‘Majjhimabhāṇakā jhānalābhissa samāpajjanakāle, ekāsanapaṭilābha¹ ca uparūpari cittappavattiyā santabhāvato paṭhamato dutiyassupacāre sukhumataṃ vadanti’ti” likhitam.

Vipassanāyaṃ panāti catudhātuvavatthānamukhena abhiniviṭṭhassa ayaṃ kamo, aññassa cāti veditabbaṃ. Ettakaṃ rūpaṃ, na ito aññanti dassanaṃ sandhāya **“sakalarūpapariggāhe”**ti vuttaṃ. **Rūpārūpapariggāheti** ettha aniccatādilakkhaṇārammaṇikabhaṅgānupassanato pabhuti balavatī vipassanā. **Pubbe vuttanayenāti** sabbesaṃyeva pana matena apariggahitakāleti-ādinā. **Sodhanā** nāma vissajjanaṃ. **Assāti** “passambhayaṃ kāyasaṅkhāraṇ”ti padassa.

Purato namanā **ānāmanā**. Tiriyaṃ namanā **vināmanā**. Suṭṭhu namanā **sannāmanā**. Pacchā namanā **paṇāmanā**. Jāṇuke gahetvā ṭhānaṃ viya **iñjanāti** ānāmanādīnaṃ āvibhāvattamuttanti veditabbaṃ. Yathārūpehi ānāmanādi vā kampanādi vā hoti, tathārūpe passambhayanti sambandho. **Iti kirāti** iti ce. **Evam santeti** santasukhumampi ce passambhati. **Pabhāvanāti** uppādanaṃ. Assāsapassāsānaṃ vūpasantattā ānāpānassatisamādhissa bhāvanā na hoti. Yasmā taṃ natthi, tasmā na samāpajjati, samāpattiyā abhāvena na vuṭṭhahanti. **Iti kirāti** evametam tāva vacananti

1. Ekāsanapaṭilābhena (Ka)

tadetaṃ. Saddova saddanimittaṃ, “sato assasati sato passasati”ti padāni paṭiṭṭhapetvā dvattimsapadāni cattāri catukkāni veditabbāni.

Appaṭi pīlananti tesam kilesānaṃ anuppādanaṃ kiñcāpi cetiyaṅgaṇavattādīnipi atthato pātimokkhasaṃvarasile saṅghaṃ gacchanti “yassa siyā āpaṭṭi”ti¹ vacanato. Tathāpi “na tāva sārīputta satthā sāvakaṇaṃ sikkhāpadaṃ paññapeti uddisati pātimokkhaṃ, yāva na idhekacce āsavaṭṭhānīyā dhammā saṅghe pātubhavanti”ti ettha anadhippetattā “**ābhisamācārikan**”ti vuttaṃ. “Yaṃ panettha āpaṭṭiṭṭhāniyaṃ na hoti, taṃ amissamevā”ti vuttaṃ.

Yathāvuttenāti yogānuyogakammaṃ padaṭṭhānattā. **Sallahukavutti** aṭṭhaparikkhāriko. **Pañcasandhikaṃ kammaṭṭhānanti** ettha jhānampi nimittampi tadatthajotikāpi pariyatti idha kammaṭṭhānaṃ nama. Gamaṇāgamaṇasampannaṭṭhādi **senāsanaṃ**. Saṃkiliṭṭhacivaradhovanādayo **khuddakapalibodhā**. “Antarā patitaṃ nu kho”ti vikampati.

Ajjhattaṃ vikkhepagatenāti niyakajjhatte vikkhepagatena. **Sāraddhā** asamāhitattā. **Upanibandhanathambhamūlaṃ** nāma nāsikaggamā, mukhanimittaṃ vā. **Tatthevā**ti nāsikaggādinimitte. “**Dolāphalakassa** ekapasse eva **ubho koṭiyo majjhañca passati**”ti vadanti.

Idha panāti kakacūpame. **Desatoti** phusanakaṭṭhānato. “**Nimittaṃ paṭṭhapetabbanti** nimitte sati paṭṭhapetabbā”ti vuttaṃ. Garūhi bhāvetabbattā **garukabhāvanaṃ**. **Ekacce āhū**ti ekacce jhāyino āhu.

“**Saññānānatāyā**”ti vacanato ekaccehi vuttampi pamāṇameva, saṅgīto paṭṭhāya aṭṭhakathāya anāgatattā tathā vuttaṃ. “Mayhaṃ tārakarūpaṃ nu kho upaṭṭhāti”ti-ādiparikappe asatipi dhātunānattena etāsaṃ dhātūnaṃ uppatti viya kevalaṃ bhāvayato tathā tathā upaṭṭhāti. “Na nimittan’ti vatturaṃ na vaṭṭati sampajānamusāvādattā”ti vuttaṃ. **Kammaṭṭhānanti** idha vuttapaṭibhāganimittameva.

Nimitte paṭibhāge. **Nānākāranti** “cattāro vaṇṇā vattanti”ti vuttanānāvidhataṃ. **Vibhāvayanti** jānaṃ pakāsayāṃ. **Assāsapassāseti** tato sambhūte nimitte, assāsapassāse vā nānākāraṃ. Nimitte hi cittaṃ ṭhapentova nānākāratañca vibhāveti, assāsapassāse vā sakaṃ cittaṃ nibandhatīti vuccati. Tārakarūpādivaṇṇato. Kakkhaḷattādilaḅkhaṇato.

Aṭṭhakathāsu paṭikkhittanti āsannabhavaṅgattāti kāraṇaṃ vatvā sīhaḷaṭṭhakathāsu paṭikkhittaṃ. Kasmā? Yasmā chaṭṭhe, sattame vā appanāya sati maggavīthiyaṃ phalassa okāso na hoti, tasmā. Idha hotūti ce? Na, lokiyappanāpi hi appanāvīthimhi lokuttarena samānagatikāvāti paṭiladdhajjhānopi bhikkhu diṭṭhadhammasukhavihārathāya jhānaṃ samāpajjitvā sattāhaṃ nisīditukāmo catutthe, pañcame vā appetvā nisīdati, na chaṭṭhe, sattame vā. Tattha hi appanā. Tato paraṃ appanāya ādhārabhāvaṃ na gacchati. Āsannabhavaṅgattā catutthaṃ, pañcamaṃ vā gacchati thale ṭhitaghaṭo viya javanānamantare ṭhitattāti kira ācariyo.

Puthuttārammaṇāni anāvajjitvā jhānaṅgāneva āvajjanaṃ **āvajjanivasī** nāma. Tato paraṃ catunnaṃ, pañcannaṃ vā paccavekkhaṇacittānaṃ uppajjanaṃ, taṃ **paccavekkhaṇavasī** nāma. Teneva “paccavekkhaṇavasī pana āvajjanavasīyā eva vuttā”ti vuttaṃ. **Samāpajjanavasī** nāma yattakaṃ kālāṃ icchati tattakaṃ samāpajjanaṃ, taṃ pana icchitakālaparicchedaṃ paṭiṭṭhāpetuṃ samatthataṭi. “Adhiṭṭhānavasīyā vuṭṭhānavasino ayaṃ nānattaṃ adhiṭṭhānānubhāvena javanaṃ javati, vuṭṭhānānubhāvena pana adhippetato adhikaṃ javatī”tipi vadanti. Apica pathavīkasiṇādi-ārammaṇaṃ āvajjitvā javanañca javitvā puna āvajjitvā tato pañcamaṃ jhānaṃ cittaṃ hoti, ayaṃ kira ukkaṭṭhaparicchedo. Bhagavato pana āvajjanasamanantaremeva jhānaṃ hotīti sabbāṃ **anugaṇṭhipade** vuttaṃ.

“**Vatthunti** hadayavatthuraṃ. **Dvāranti** cakkhādi. **Ārammaṇanti** rūpādi”ti likhitaṃ. Yathāpariggahitarūpārammaṇaṃ vā viññānaṃ passati, aññathāpi passati. Kathaṃ? “Yathāpariggahitarūpavatthudvārārammaṇaṃ vā”ti vuttaṃ. Yathāpariggahitarūpesu vatthudvārārammaṇāni yassa viññāṇassa, taṃ viññāṇaṃ

yathāpariggahitarūpavatthudvārārammaṇaṃ tampi¹ passati, ekassa vā ārammaṇa-saddassa lopo daṭṭhabboti ca mama takko vicāretvāva gahetabbo.

Tato param̐ tīsu catukkesu dve dve padāni ekamekaṃ katvā gaṇetabbaṃ. Samathena **ārammaṇato** vipassanāvasena **asammohato** pītipaṭisaṃvedanamettha veditabbaṃ. “Dukkhametaṃ nāṇaṃ”ti-ādīsu pana “ārammaṇato asammohato”ti yaṃ vuttaṃ, idha tato vuttanayato uppaṭipāṭiyā vuttaṃ. Tattha hi yena mohena taṃ dukkhaṃ paṭicchannaṃ na upaṭṭhāti, tassa vihatattā vā evaṃ pavatte nāṇe yathārucci paccavekkhituṃ icchiticchitakāle samatthabhāvato vā dukkhādīsu tīsu asammohato nāṇaṃ vuttaṃ. Nirodhe ārammaṇato taṃsampayuttā pītipaṭisaṃvedanā asammohato na sambhavati mohappahānābhāvā, paṭisaṃbhidāpāṭivirodhato ca. Tattha “**dīghaṃ assāsavasena**”ti-ādī ārammaṇaho dassetuṃ vuttaṃ. **Tāya satiyā tena nāṇena sā pīti paṭisaṃviditā hoti** tadārammaṇassa paṭisaṃviditattāti ettha adhippāyo. “**Āvajjato**”ti-ādī asammohato pītipaṭisaṃvedanaṃ dassetuṃ vuttaṃ. Aniccādivasena jānato, passato, paccavekkhato ca. Tadadhimuttatāvasena adhiṭṭhahato, adhimuccato, tathā vīriyādiṃ samādahato khaṇikasamādhinā.

Abhiññeyyanti nātapariññāya. **Pariññeyyanti** tīraṇapariññāya. Sabbañhi dukkhasaccaṃ abhiññeyyaṃ, pariññeyyaṃca. Tatra cāyaṃ pīṭi likhitam. **Abhiññeyyanti**-ādī maggakkhaṇaṃ sandhāyāhāti vuttaṃ. Maggena asammohasaṅkhātavipassanākickanipphattito maggopi abhiññeyyādi-ārammaṇaṃ karonto viya vutto. **Vipassanābhūmidassanattanti** samathe kāyikasukhābhāvā vuttaṃ. **Dvīsu cittaṃsaṅkhārapadesūti** cittaṃsaṅkhārapaṭisaṃvedī -pa- sikkhati passambhayaṃ cittaṃsaṅkhārapaṭisaṃvedī -pa- sikkhatīti etesu. Modanādi sabbam̐ pīṭivevacanaṃ. Aniccānupassanādi kilese, tammūlake khandhābhisaṅkhāre. **Evaṃ bhāvito** na catukkapañcakajjhānanibbattanena bhāvito. Evaṃ sabbākāraparipuṇṇaṃ katvā bhāvito. Vipassanāmaggapaccavekkhaṇakālesupi pavatta-assāsamukheneva sabbam̐ dassitaṃ upāyakusalena bhagavatā.

168. **Kasmā idaṃ vuccati** amhehīti adhippāyo.

1. Taṃ vā (Ka)

Padabhājanīyavaṇṇanā

172. **Ussukkavacananti** pākaṭasaddalaññā kira, samānakapadanti vuttam hoti. “Sutvā bhuñjanti”ti ettha viya sañcicca voropetukāmassa sañciccapadam voropanapadassa ussukkam, sañcetanā ca jīvitā voropanañca ekassevāti vuttam hoti. Na kevalam cetasikamatteneva hoti, payogopi icchitabbo evāti dassetuṃ vuttānīti kira **upatissatthero**. “Jānitvā sañjānitvā cecca abhivitaritvā”ti vattabbe “jānanto -pa- vītikkamo”ti voropanampi dassitam, tasmā byañjane ādaram akatvā attho dassito. Vītikkamasanḥātattahasiddhiyā hi purimacetanā atthasādhikā hoti. **Sabbasukhuma-attabhāvanti** rūpam sandhāya vuttam¹, na arūpam. Attasanḥātānañhi arūpānam **khandhavibhaṅge**² viya idha oḷārikasukhumatā anadhippetā¹. **Mātukucchisminti** yebhuyyavacanam, opapātikamanussepi pārājikameva, arūpakāye uppakkamābhāvā taggahaṇam kasmāti ce? Arūpakkhandhena saddhim tasseva rūpakāyassa jīvitindriyasambhavato³. Tena sajīvakova manussaviggahopi nāma hotīti siddham. Ettha **mātukucchisminti** manussamātuyā vā tiracchānamātuyā vā. Vuttañhi **parivāre** ⁴—

“Itthim hane ca mātaram, purisañca pitaram hane.
Mātaram pitaram hantvā, na tenānantaram phuse.
Pañhā mesā kusalehi cintitā”ti.

Paṭhamanti paṭisandhicittameva. Ekabhavapariyāpannāya hi cittasantatiyā paṭisandhicittam paṭhamacittam nāma. Cuticittam pacchimum nāma. Aññathā anamatagge saṁsāre paṭhamacittam nāma natthi vinā anantarasamanantaranatthivigatapaccayehi cittuppattiyā abhāvato. Bhāve vā navasattapātubhāvadosappasaṅgo. **Ayam sabbapaṭhamo manussaviggahoti** kiñcāpi imam jīvitā voropetuṃ na sakkā, tam ādim katvā santatiyā yāva maraṇā uppajjanakamanussaviggahesu aparimāṇesu “sabbapaṭhamo”ti dissati. Yadā pana yo manussaviggaho pubbāpariyavasena santatippatto hoti, tadā tam jīvitā

1. Na arūpattasanḥātānañhi arūpānam -pa- adhippetā (Ka)

3. Jīvitindriyasabhāvato (Ka)

2. Abhi 2. 1 piṭṭhe.

4. Vi 5. 376 piṭṭhe.

voropetuṃ sakkā. Santatiṃ vikopento hi jīvitā voropeti nāma. Ettha ca nānattanaye adhippete sati “sabbapaṭhamo”ti vacanaṃ yujjati, na pana ekattanaye santatiyā ekattā. Ekattanayo ca idhādhippeto “santatiṃ vikopetī”ti vacanato, tasmā “sabbapaṭhamo”ti vacanaṃ na yujjati ce? Na, santatipaccuppannabahuttā. Yasmā pana santati nāma anekesaṃ pubbāpariyuppatti vuccati, tasmā “ayaṃ sabbapaṭhamo”ti vutto, evamettha dvepi nayā saṅgahaṃ gacchanti, aññathā “santatiṃ vikopetī”ti idaṃ vacanaṃ na sijjhati. Kiñcāpi ettha “santatiṃ vikopetī”ti vacanato santatipaccuppannameva adhippetam, na addhāpaccuppannaṃ viya dissati, tathāpi yasmā santatipaccuppanne vikopite addhāpaccuppannaṃ vikopitameva hoti, addhāpaccuppanne pana vikopite santatipaccuppannaṃ vikopitaṃ hotīti ettha vattabbaṃ natthi. Tasmā **aṭṭhakathāyaṃ** “tadubhayampi voropetuṃ sakkā, tasmā tadeva sandhāya ‘santatiṃ vikopetī’ti idaṃ vuttanti veditabbaṃ”ti āha. “Santatiṃ vikopetī”ti vacanato pakatiyā āyupariyantaṃ patvā maraṇakasatte vītikkame sati anāpatti vītikkamapaccayā santatiyā akopitattā. Vītikkamapaccayā ce āyupariyantaṃ appatvā antarāva maraṇakasatte vītikkamapaccayā āpatti, kammabaddho cāti no takkoti ācariyo. “Maraṇavaṇṇaṃ vā saṃvaṇṇeyya, maraṇāya vā samādapeyya, ayampi pārājiko hoti asaṃvāso”ti vacanato vā cetanākkhaṇe eva pārājikāpatti ekantākusalattā, dukkhavedanattā, kāyakammattā, vacīkammattā, kiriyattā cāti veditabbaṃ.

Sattaṭṭhajavanavāramattanti sabhāgārammaṇavasena vuttaṃ, teneva “**sabhāgasantativasenā**”ti-ādi vuttaṃ. Attano paṭipakkhena samannāgatattā samanantarassa paccayaṃ hontaṃ yathā pure viya ahutvā dubbalassa. **Tanti** jīvitindriyavikopanaṃ.

Ītinti sattavidhavicchikādīni yuddhe ḍaṃsitvā māraṇatthaṃ vissajjenti. **Pajjarakanti** sarīraḍāhaṃ. **Sūcikanti** sūlaṃ. **Visūcikanti** sukkhamāṭisāraṃvasayaṃ. **Pakkhandiyanti** rattāṭisāraṃ. Dvattibyāmasatappamāṇe mahākāye nimminivā ṭhitanāguddharaṇaṃ, kujjhivā olokite paresaṃ kāye visamaraṇaṃ vā ḍāhuppādanaṃ vā payogo nāma.

Kecīti mahāsaṃghikā. Ayaṃ itthī¹. **Kulumbassāti** gabbhassa. Kathaṃ sā itarassāti² ce? Tassa duṭṭhena manasānupakkhite so ca gabbho sā ca iddhīti ubhayampi saheva nassati, ghaṭaggīnaṃ bhedanibbāyanaṃ viya ekakkhaṇe hoti. “Tesaṃ suttantikesu ocariyamānaṃ³ na sameti”ti likhitaṃ, “tesaṃ mataṃ gahetvā ‘thāvarīnampi ayaṃ yujjati’ti vutte tikavasena paṭisedhitabbanti apare”ti vuttaṃ. Sāhatthikanissaggiyapayogesu sanniṭṭhāpakacetanāya sattamāya sahuppannakāyaviññattiyā sāhatthikatā veditabbā. Āṇattike pana sattahipi cetanāhi saha vacīviññattisambhavato sattasatta saddā ekato hutvā ekekakkharabhāvaṃ gantvā yattakehi akkharehi attano adhippāyaṃ viññāpeti, tadavasānakkharasamuṭṭhāpikāya sattamacetanāya saha jātavacīviññattiyā āṇattikatā veditabbā. Tathā vijjāmayapayoge. Kāyenāṇattiyaṃ pana sāhatthike vuttanayova. Thāvarapayoge yāvataṃ parassa maraṇaṃ hoti, tāvatā kammabaddho, āpatti ca. Tato paraṃ atisañcaraṇe kammabaddhā’tibahuttaṃ⁴ veditabbaṃ sati paraṃ maraṇe. Pārājikāpatti panettha ekā. Atthasādhakacetanā yasmā ettha ca dutiyapārājike ca labbhati, na aññattha, tasmā dvinnampi sādharmaṇā imā gāthāyo—

“Bhūtaḍḍhammaniyāmā ye, te dhammā niyatā matā.

Bhāvidhammaniyāmā ye, teva aniyatā idha.

Bhūtaḍḍhammaniyāmānaṃ, ṭhitāva sā paccayaṭṭhiti.

Bhāvidhammaniyāmānaṃ, sāpekkhā paccayaṭṭhiti.

Tenaññā hetuyā atthi, sāpi dhammaniyāmatā.

Tassā phalaṃ aniyataṃ, phalāpekkhā niyāmatā.

Evañhi sabbadhammānaṃ, ṭhitā dhammaniyāmatā.

Laddhadhammaniyāmā yā, sātthasādhakacetanā.

Cetanāsiddhito pubbe, pacchā tassātthasiddhito.

Avisesena sabbāpi, chabbidhā atthasādhikā.

1. Ayaṃ iddhi (Ka), vijjānānapāṭhaṃ upanidhāya aho vatāyaṃ taṃ kucchigataṃ gabbhaṃ na abhinikkhāmeyyāti aṭṭhakathāpāṭhena bhavitabbaṃ.

2. Tassāti (Ka)

3. Ovadiyamānaṃ (Ka)

4. Kammabaddhādi bahuttaṃ (Ka)

Āṇattiyam̐ yato sakkā, vibhāvetum̐ vibhāgato.

Tasmā āṇattiyam̐yeva, vuttā sā atthasādhikā.

Micchatte vāpi sammatte, niyatāniyatā matā.

Abhidhamme na sabbatthi, tatha sā niyatā siyā.

Yā theyyacetanā sabbā, sahatthāṇattikāpi vā.

Abhidhammanayenāyam̐, ekantanīyatā siyā.

Pāṇātipātāṃ nissāya, sahatthāṇattikādikā.

Abhidhammasvasenesā, paccekam̐ tam̐ dukam̐ bhaje.

Jīvitindriyupacchedo, cetanā ceti tam̐ dvayam̐.

Na sāhatthikakammena¹, pagevāṇattikāsamam̐.

Jīvitindriyupacchedo, cetanā ceti tam̐ dvayam̐.

Na sāhatthikakammena, pagevāṇattikāsamam̐.

Jīvitindriyupaccheda-kkhaṇe vadhakacetanā.

Cirā’ṭhitāti ko dhammo, niyāmeti āpattikam̐.

Jīvitindriyupaccheda-kkhaṇe ce vadhako siyā.

Mato, sutto, pabuddho vā, kusalo vadhako siyā.

Kusalattikabhedo ca, vedanāttikabhedopi.

Siyā tathā gato siddho, sahatthā vadhakacetanā”ti.

Yāni pana bīja-utukammadhammacittaniyamāni pañca aṭṭhakathāya ānetvā nidassitāni, tesu ayamatthasādhakacetanā yogam̐ gacchatīti maññe “ayam̐ atthasādhakacetanāniyamo natthī”ti cetanānam̐ micchattasammattaniyatānampi natthibhāvappasaṅgato. Bhajāpiyamānā yena, tena sabbepi yathāsambhavam̐ kammacittaniyāme bhajanti gacchantīti vedītabbāṃ. Jīvite ādīnavo maraṇavaṇṇadassane na vibhattova, idha pana saṅkappapade atthato “maraṇasaññī maraṇacetano maraṇādhīppāyo”ti evam̐ avibhūtattā vibhatto, apākaṭattā, anoḷārikattā vā avibhāgā

1. Na sāhatthikakammehi (Ka)

kāritā vā. **Nayidaṃ vitakkassa nāmaṃ** na vitakkasseva nāmaṃ, kintu saññācetanānampi nāmaṃti gahetabbaṃ. **Kaṅkhāvitarāṇiyampi**¹ evameva vuttaṃ.

174. **Kāyatoti** vuttattā “satti-usū”ti vattabbe vacanasiliṭṭhatthaṃ¹ “**ususatti-ādinā**”ti vuttaṃ. **Anuddesike** kammassārammaṇaṃ so vā hoti, añño vā. **Ubhayehīti** kiñcāpi paṭhamappahāro na sayameva sakkoti, dutiyaṃ labhitvā pana sakkonto jīvitavināsanahetu ahoṣi, tadatthameva hi vadhakena so dinno, dutiyo pana aññena cittena dinno, tena suṭṭhu vuttaṃ “**paṭhamappahārenevā**”ti, “cetanā nāma dāruṇāti garuṃ vatthum ārabba pavattapubbabhāgacetanā pakatisabhāvavadhakacetanā, no dāruṇā hotī”ti ācariyena likhitaṃ. “Pubbabhāgacetanā parivārā, vadhakacetanāva dāruṇā hotī”ti vuttaṃ. **Yathādhippāyanti** ubhopi paṭivijjhati, sāhatthikopi saṅketattā na muccati kira.

Kiriyāviseso aṭṭhakathāsu anāgato. “Evaṃ vijjha, evaṃ pahara, evaṃ ghāhehī”ti pāliya sametīti ācariyena gahito”ti vadanti. **Purato paharivāti-ādi** vatthuvisaṅketameva kira. **Etaṃ gāme ṭhitanti** puggalova niyamito. **Yo pana liṅgavasena “dīghaṃ -pa- mārehī”ti āṇāpeti aniyamtvā.** Yadi niyamtvā vadati, “etaṃ dīghaṃ”ti vadeyyāti apare. Ācariyā pana “dīghanti vutte niyamitaṃ hoti, evaṃ aniyamtvā vadati, na pana āṇāpako dīghādīsu aññatarāṃ mārehīti adhippāyo”ti vadanti kira. “Attho pana cittena ekaṃ sandhāyapi aniyamtvā āṇāpetī”ti likhitaṃ. “**Itaro aññaṃ tādīsaṃ māreti, āṇāpako muccati**”ti vuttaṃ yathādhippāyaṃ na gatattā. “Evaṃ dīghādivasenāpi cittena aniyamitassevāti yuttaṃ viya dissatī”ti aññatarasmim **gaṇṭhipade** likhitaṃ, suṭṭhu vīmaṃsitvā sabbaṃ gahetabbaṃ, **okāsassa niyamitattāti** ettha okāsaniyamāṃ katvā niddisanto tasmim okāse nisinnaṃ māretukāmoḥ hoti, sayāṃ pana tadā tattha natthi. Tasmā okāseṇa saha attano jīvitindriyaṃ ārammaṇaṃ na hoti, tena attanā mārāpito paro eva mārāpito. Kathaṃ? Sayāṃ rasso ca tanuko ca hutvā pubbhāge attānaṃ sandhāya āṇattikkhaṇe “dīghaṃ

1. Kaṅkhā-Ṭṭha 122 piṭṭhe.

rassaṃ thūlaṃ balavantam mārehi”ti āṇāpentassa cittaṃ attani tassākārassa natthitāya aññassa tādisassa jīvitindriyaṃ ārammaṇam katvā pavattati, tena mūlaṭṭhassa kammabaddho. Evaṃsampadamidanti daṭṭhabbāṃ.

Dūtaparamparāniddese āṇāpeti, āpatti dukkaṭassa. Itarassa āroceti, āpatti dukkaṭassāti ācariyantevāsīnam yathāsambhavam ārocane, paṭiggaṇhane dukkaṭam sandhāya vuttam. Na vadhako paṭiggaṇhāti, tassa dukkaṭanti¹ siddham hoti. Tam pana okāsābhāvato na vuttam. Mūlaṭṭhena āpajjitabbāpattiyā hi tassa okāso aparicchinnō, tenassa tasmim okāse thullaccayaṃ vuttam. Vadhako ce paṭiggaṇhāti, mūlaṭṭho ācariyo pubbe āpannadukkaṭena saha thullaccayampi āpajjati. Kasmā? **Mahājano hi tena pāpe niyojototi.** Idam pana dukkaṭathullaccayaṃ vadhako ce tamattham na sāveti āpajjati. Yadi sāveti, pārijikamevāpajjati. Kasmā? Atthasādhakacetanāya abhāvā. **Anugaṇṭhipade** pana “paṭiggaṇhāti, tam dukkaṭam hoti. Yadi evam kasmā pāṭhe na vuttanti ce? Vadhako pana ‘sādhū karomī’ti paṭiggaṇhitvā tam na karoti. Evañhi niyame ‘mūlaṭṭhassa kim nāma hoti, kimassa dukkaṭāpatti’ti sañjātakāṅkhānam tadatthadīpanattham ‘mūlaṭṭhassa āpatti thullaccayassā’ti vuttam. “Vadhako paṭiggaṇhāti āpatti dukkaṭassa, mūlaṭṭhassa ca āpatti thullaccayassā”ti vuttam na silissati, mūlaṭṭhena āpajjitabbāpattidassanādhikārattā vadhako paṭiggaṇhāti, āpatti dukkaṭassāti vuttam.

Visakkiyadūtapadaniddese “vattukāmatāya ca kicchenettha vatvā payojanam natthīti bhagavatā na vuttan”ti vuttam. Yam pana “**mūlaṭṭhasseva dukkaṭan**”ti aṭṭhakathāyaṃ vuttam. Tatrāyaṃ vicāraṇā—ācariyena āṇattena buddharakkhitena tadatthe saṃgharakkhitasseva ārocite kiñcāpi yo “sādhū”ti paṭiggaṇhāti, atha kho ācariyassevetaṃ dukkaṭam visāṅketattā, na buddharakkhitassa, kasmā? Atthasādhakacetanāya āpannattā. Teneva “āṇāpakassa ca vadhakassa ca āpatti pārājikassā”ti **pāliyam** vuttam, tam pana mūlaṭṭhena āpajjitabbadukkaṭam “mūlaṭṭhassa anāpatti”ti iminā aparicchinnokāsattā na vuttam.

1. Tassa āpatti dukkaṭanti (Ka)

Avisaṅkete “mūlaṭṭhassa āpatti thullaccayassā”ti vuttattā visaṅkete āpatti dukkaṭassāti siddhanti veditabbaṃ. “Vadhako paṭiggaṇhāti, āpatti dukkaṭassā”ti idaṃ pana dukkaṭaṃ vadhakasseva. So hi paṭhamam āṇāpakam buddharakkhitam pārājikāpattim pāpetvā sayam jīvitā voropetvā āpajjissatīti kiñcāpi **pāliyam** “so tam jīvitā voropeti, āṇāpakassa ca vadhakassa ca āpatti pārājikassā”ti na vuttam, tathāpi tam atthato vuttameva, “yato pārājikam paññattan”ti pubbe vuttanayattā ca tam na vuttam. “So tam jīvitā voropeti, āpatti sabbesaṃ pārājikassā”ti hi pubbe vuttam. Ettha pubbe ācariyantevāsikānam vuttadukkaṭathullaccayāpattiyo paṭhamameva anāpannā pārājikāpattiyā āpannattā. Tathāpi vadhakassa pārājikāpattiyā tesam pārājikabhāvo pākaṭo jātoti katvā “āpatti sabbesaṃ pārājikassā”ti ekato vuttam, na tathā¹ “āṇāpakassa, vadhakassa ca āpatti pārājikassā”ti ettha. Kasmā? Vadhakassa dukkaṭāpattiyā āpannattā. So hi paṭhamam dukkaṭāpattim āpajjitvā pacchā pārājikam āpajjati. Yadi pana antevāsikā kevalam ācariyassa garukatāya sāsanaṃ ārocenti sayam amaraṇādhippāyā samānā pārājikenā anāpatti. Akappiyasāsanaḥaraṇapaccayā dukkaṭāpatti hoti eva, imassatthassa sādhanattham **dhammapadavatthūhi**² migaluddakassa bhariyāya sotāpannāya dhanu-ususūlādīdanam nidassanam vadanti eke. Tam **tittirajātakena**³ sameti, tasmā suttaṅca aṭṭhakathaṅca anulometīti no takkoti ācariyo. Idha pana dūtaparamparāya ca “itthannāmassa pāvada, itthannāmo itthannāmarā pāvadatū”ti ettha avisesetvā vuttattā vācāya vā ārocetu, hatthamuddāya vā, paṇṇena vā, dūtena vā ārocetu, visaṅketo natthi. Sace visesetvā mūlaṭṭho, antarādūto vā vadati, tadatikkame visaṅketoti veditabbaṃ.

Idāni imasmim yeva adhikāradvaye **anugaṇṭhipade** vuttanayo vuccati—
“vadhako paṭiggaṇhāti, āpatti dukkaṭassā”ti vadhakasseva āpatti, na āṇāpakassa buddharakkhitassa. Yadi pana so vajjhamaraṇāmarāṇesu avassamaññataram karoti, buddharakkhitassāṇattikkhaṇe eva pārājikadukkaṭesu

1. Vuttam, tathā (Ka)

2. Dhammapada-Ṭṭha 2. 15 piṭṭhādīsu.

3. Khu 5. 102 piṭṭhe Jātaka.

aññatarāṃ siyā. “Iti cittamano”ti adhikārato “cittasaṅkappo”ti etthāpi itisaddo viya “vadhako paṭiggaṇhāti, mūlaṭṭhassa āpatti thullaccayassā”ti adhikārato “mūlaṭṭhassa āpatti dukkaṭassā”ti vuttameva hoti. Kasmā sarūpena na vuttanti ce? Tato cuttari nayadānattham. “Mūlaṭṭhassa āpatti dukkaṭassā”ti hi vutte mūlaṭṭhasseva vasena niyāmitattā “paṭiggaṇhantassa dukkaṭam hoti”ti na ñāyati. “Vadhako paṭiggaṇhāti, āpatti dukkaṭassā”ti hi aniyāmetvā vutte sakkā ubhayesaṃ vasena dukkaṭe yojetum. Tasmā eva hi aṭṭhakathācariyehi adhikāyaṃ gahetvā “**saṃgharakkhiteṇa sampācchite mūlaṭṭhasseva dukkaṭanti veditabban**”ti vuttam. Paṭiggaṇhantassa neva anuññātam, na paṭikkhittam, kevalantu buddharakkhitassa aniyāmitattā paṭikkhittam, tassa pana pārājikadukkaṭesu aññatarāṃ bhavyeyāti ayamattho dīpito, tasmā tampi suvuttam. Yasmā ubhayesaṃ vasena yojetum sakkā, tasmā ācariyehi “paṭiggaṇhantassevetam dukkaṭan”ti vuttam. Tattha mūlaṭṭho neva anuññāto “mūlaṭṭhassā”ti vacanābhāvato, na ca paṭikkhitto “paṭiggaṇhantassa āpatti dukkaṭassā”ti **pāliya** abhāvato, paṭiggaṇhanapaccayā vadhakassa dukkaṭam siyāti nayam dātum “mūlaṭṭhassā”ti **pāliyam** avuttattā “tam paṭiggaṇhantassevetam dukkaṭan”ti yaṃ vuttam, tampi suvuttam. Tatra hi buddharakkhitassa paṭikkhittam, vuttanayena pana tassa āpatti aniyatāti. Kasmā pana **aṭṭhakathāyam** anuttānam paṭiggaṇhanapaccayā vadhakassa dukkaṭam avatvā mūlaṭṭhasseva vasena dukkaṭam vuttanti ce? Anīṭṭhanivāraṇattham. “Saṃgharakkhiteṇa sampācchite paṭiggaṇhanapaccayā tassa dukkaṭan”ti hi vutte anantaranayena sarūpena vuttattā idhāpi mūlaṭṭhassa thullaccayam **aṭṭhakathāyam** vuttameva hotīti āpajjati. Iti tam evam āpannam thullaccayam uttānanti tam avatvā paṭiggaṇhantassa dukkaṭam vuttam. Anuttānattā aṭṭhakathāyanti imam anīṭṭhaggahaṇam nivāretum “mūlaṭṭhassevetam dukkaṭan”ti vuttam. Ācariyena hi vuttanayena paṭiggaṇhantassa dukkaṭampi uttānameva. Uttānañca kasmā amhākaṃ khantīti vuttanti ce? Paṭipattidīpanattham. “Piṭakattayādīsu appaṭihatabuddhiyopi ācariyā sarūpena **pāliyam, aṭṭhakathāyañca**¹ avuttattā evarūpesu nāma ṭhānesu evam paṭipajjanti, kimaṅgam pana mādisoti suhadayā kulaputtā anāgate vuttanayamanatikkamitvā saṅkaradosam

1. Aṭṭhakathāyam vā (Ka)

vivajjetvā vaṇṇanāvelaṅca anatikkamma paṭipajjanti”ti ca aparehi vuttaṃ.¹ Ayamā pana **aṭṭhakathāya** vā avuttattā evarūpesu nāma pāṭho¹ ācariyena pacchā nikkhattattā kesuci potthakesu na dissatīti katvā sabbaṃ likhissāma. Evaṃ sante paṭiggahaṇe āpattiyeva na siyā, sañcarittapaṭiggahaṇamaraṇābhinandanesupi ca āpatti hoti, māraṇapaṭiggahaṇe kathaṃ na siyā, tasmā paṭiggaṇhantassevetaṃ dukkaṭaṃ, tenevettha “mūlaṭṭhassā”ti na vuttaṃ. Purimanayepi cetāṃ paṭiggaṇhantassa veditabbameva, okāsābhāvena pana na vuttaṃ. Tasmā yo yo paṭiggaṇhāti, tassa tassa tappaccayā āpattiyevāti ayamettha amhākaṃ khanti. Yathā cettha, evaṃ adinnādānepīti.

175. **Araho rahosaññīniddesādīsu** kiñcāpi **pāliyam, aṭṭhakathāya**ñca dukkaṭameva vuttaṃ, tathāpi tattha paramparāya sutvā maratūti adhippāyena ullapantassa uddese sati uddiṭṭhassa maraṇena āpatti pārājikassa, asati yassa kassaci maraṇena āpatti pārājikassa. “Itthannāmo sutvā me vajjhassa ārocetū”ti uddisitvā ullapantassa visaṅketatā dūtaparamparāya vuttattā veditabbā. Sace “yo koci sutvā vadatū”ti ullapati, vajjho sayameva sutvā marati, visaṅketattā na pārājikaṃ. Yo koci sutvā vadati, so ce marati, pārājikaṃ. “Yo koci mama vacanaṃ sutvā taṃ māretū”ti ullapati, yo koci sutvā māreti, pārājikaṃ, sayameva sutvā māreti, visaṅketattā na pārājikanti evaṃ yathāsambhavo veditabbo.

176. **Mūlaṃ datvā muccatīti** ettha bhinditvā, bhañjitvā, cavitvā, cuṇṇetvā, aggimhi pakkhipitvā vā pageva muccatīti atthato vuttameva hoti. **Yesaṃ hatthato mūlaṃ gahitanti** yesaṃ nātakaparivāritānaṃ hatthato mūlaṃ tena bhikkhunā gahitaṃ, potthakasāmikahatthato pubbe dinnamūlaṃ puna gahetvā tesaññeva nātakādīnaṃ datvā muccati, evaṃ potthakasāmikasseva santakaṃ jātaṃ hoti. **Anugaṇṭhipade** pana “sacepi so vippaṭisārī hutvā sīghaṃ tesaṃ mūlaṃ datvā muccatī”ti vuttaṃ, taṃ yena dhanena potthako kīto, tañca dhanam sandhāya vuttaṃ. Kasmā? Potthakasāmikahatthato dhane gahite potthake adinnepi muccanato. Sace

1. Ayamā pana aṭṭhakathāpāṭho (Ka)

aññaṃ dhaṇaṃ sandhāya vuttaṃ, na yuttaṃ potthakassa attaniyabhāvato amocitattā. Sace potthakaṃ sāmikānaṃ datvā mūlaṃ na gaṇhāti, na muccati attaniyabhāvato amocitattā. Sace potthakaṃ mūlaṭṭhena diyyamānaṃ “taveva hotū”ti appeti, muccati attaniyabhāvato mocitattā. Etthāyaṃ vicāraṇā—yathā cetiyaṃ vā paṭimaṃ pokkharaṇiṃ setuṃ vā kiṇitvā gahitampi kārakassevetam puññaṃ, na kiṇitvā gahitassa, tathā pāpampi yena potthako likhito, tasseva yujjati, na itarassāti ce? Na, “satthahāraṇaṃ vāssa pariyeseyyā”ti vacanato. Parena hi katasatthaṃ labhitvā upanikkhipantassa pārājikanti siddhaṃ. Evaṃ parena likhitampi potthakaṃ labhitvā yathā vajjho taṃ passitvā marati, tathā upanikkhipeyya pārājikanti siddhaṃ hotīti. **Cetiyaḍḍhi**ti etamanidassanaṃ karaṇapaccayaṃ hi taṃ kammaṃ idaṃmaraṇapaccayanti evaṃ ācariyena vicāritaṃ. Mama pana cetiyaḍḍhinidassaneneva sopi attho sādhetabbo viya paṭibhāti.

Tattakā pāṇātipātāti “ekāpi cetanā kiccavasena ‘tattakā’ti vuttā satipaṭṭhānasammappadhānaṃ catukkatā viyā”ti likhitaṃ. **Pamāṇe ṭhapetvā**ti attanā adhippetappamāṇe. “Kataṃ mayā evarūpe āvāṇe khaṇite tasmim patitvā maratū”ti adhippāyena vadhako āvāṇappamāṇaṃ niyametvā sace khaṇi, taṃ sandhāya vuttaṃ “**imasmim āvāṇe**”ti. Idāni khaṇitabbaṃ sandhāya ettakappamāṇassa aniyamitattā “**ekasmimpi kudālappahāre**”ti-ādi vuttaṃ, suttantikatherehi kiñcāpi upaṭhataṃ, tathāpi sanniṭṭhāpakacetanā ubhayattha atthevāti ācariyā. Bahūnaṃ maraṇe ārammaṇaniyame kathanti ce? Vajjhesu ekassa jīvitindriye ālambite sabbesamālambitameva hoti. Ekassa maraṇepi na tassa sakalaṃ jīvitaṃ sakkā ālambitum na uppajjamānaṃ, uppannaṃ, nirujjhamānaṃ, atthitāya pāṇātipātacetanāva paccuppannārammaṇā, purejātārammaṇā ca hoti, tasmā tampi yujjati. Pacchimakoṭiyā ekacittakkhaṇe purejātaṃ hutvā ṭhitaṃ taṃ jīvitamālambaṇaṃ katvā sattamajavanapariyāpannacetanāya opakkame kate atthato tassa sattassa sabbaṃ jīvitindriyamālambitaṃ, voropitaṇca hoti, ito panaññathā na sakkā, evameva pubbabhāge “bahūpi satte māremī”ti cintetvā sanniṭṭhānakāle visapakkhipanādisu ekaṃ

payogaṃ sādhayamānā vuttappakāracetanā tesu ekassa vuttappakāraṃ jīvitindriyaṃ ālambaṇaṃ katvā uppajjati, evaṃ uppannāya panekāya sabbehi te māritā honti tāya eva sabbesaṃ maraṇasiddhito, aññathā na sakkā voropetuṃ, ālambituṃ vā. Tattha ekāya cetanāya bahūnaṃ maraṇe akusalarāsi kathanti ce? Visuṃ visuṃ maraṇe pavattacetanānaṃ kiccakaraṇato. Kathaṃ? Tā pana sabbā upapajjavedanīyāva honti, tasmā tāsu yāya kāyaci dinnāya paṭisandhiyā itarā sabbāpi “tato balavatarakusalapaṭibāhitā ahosikamma”ti-ādikoṭṭhāsaṃ bhajanti, punapi vipākaṃ janituṃ¹ na sakkonti. Aparāpariyavedanīyāpi viya taṃ paṭibāhitvā kusalacetanā paṭisandhiṃ deti, tathā ayampi cetanā anantarabhava eva paṭisandhidānādivasena tāsāṃ kiccalesakaraṇato ekāpi samānā “rāsī”ti vuttā. Tāya pana dinnāya paṭisandhiyā atitikkho vipāko hoti. Ayamettha visesoti-ādi **anugaṇṭhipade** papañcitaṃ.

Amaritukāmā vāti adhippāyattā opapātikamarāṇepi āpatti. “Nibbattivā”ti vuttattā patanaṃ na dissatīti ce? Opapātikattaṃ, patanañca ekamevā”ti likhitaṃ. Atha vā “**sabbathāpi anuddissevā**”ti vacanato ettha maratūti adhippāyasambhavato “**uttarituṃ asakkonto marati pārājikamevā**”ti suvuttaṃ. Sace “pativā maratū”ti niyametvā khaṇito hoti, opapātikamanusso ca nibbattivā ṭhitaniameneva “uttarituṃ na sakkā”ti cintetvā maratīti pārājikacchāyā na dissati, tena vuttaṃ “uttarituṃ asakkonto”ti. So hi uttarituṃ asakkonto punappunaṃ pativā marati, tena pātopi tassa siddho hotīti adhippāyo. Tattha siyā—yo pana “uttarituṃ asakkonto marati”ti vutto, so opātakhaṇanakkaṇe² arūpaloke jīvati. Vadhakacetanā ca “aniyato dhammo micchattaniyatassa dhammassa ārammaṇapaccayena paccayo, rūpajīvitindriyaṃ mātughātikammaṃ pitughātikammaṃ arahantaghātikammaṃ rühruppādakammaṃ ārammaṇapaccayena paccayo”ti³ vacanato rūpajīvitindriyārammaṇaṃ hoti, na ca taṃ arūpāvacarasattassatthi, na ca sā cetanā “aniyato dhammo micchattaniyatassa dhammassa purejātapaccayena paccayo, ārammaṇapurejātaṃ vatthupurejātaṃ ārammaṇapurejātaṃ.

1. Dātuṃ (Ka)

2. Opapātapatanakkaṇe (?)

3. Abhi 9. 373 piṭṭhe.

Rūpajīvitindriyaṃ mātughātikammaṣṣa purejātapaccayena paccayo”ti¹ vacanato anāgatārammaṇā hoti. Añño idha patitvā maraṇakasatto natthi, evaṃ sante vadhakacetanāya kiṃ ārammaṇanti ce? Yassa kassaci idha jīvanakasattassa paccuppannaṃ jīvitindriyaṃ ārammaṇaṃ. Kiñcāpi so na marati, atha kho pāṇātipāto hoti eva. Yathā kiṃ “yathākkamena ṭhite satta jane ekena kaṇḍena vijjhivā māremi”ti pubbabhāge cintetvā sannitṭhānakāle tesu ekassa jīvitamārammaṇaṃ katvā kaṇḍaṃ vissajjeti, kaṇḍo taṃ virajjhivā itare cha jane māreti, evaṃ santepi ayaṃ pāṇātipātī eva hoti, evamidhāpi “yo koci”ti vikappentassa vadhakacetanā yassa kassaci jīvitārammaṇaṃ katvā pavattati, tasmīṃ amatēpi itarassa vasena pāṇātipātī. Sace arahā hutvā parinibbāyati, arahantaghātakova hoti. Esa nayo sabbattha evarūpesu. Ayameva hettha ācariyaparamparāgatā yutti vinicchayakathāti vuttaṃ.

Patanarūpaṃ pamāṇanti ettha yathā mātuyā patitvā parivattaliṅgāya matāya so mātughātakova hoti, na kevalaṃ purisaghātakova, tasmā patanasseva vasena āpatti. Kasmā? Patanarūpamarāṇarūpānaṃ ekasantānattā, tadeva hissa jīvitindriyaṃ, tassa hi parivattanaṃ natthi, itthipurisindriyāneva pavattiyāṃ nirujjhanuppajjanakāni, itthipurisoti ca tattha vohāramattameva, tasmā mātughātakova, na purisaghātakoti, yathā tassa patanarūpavasena āpatti, tathā idhāpi patanarūpavasena thullaccayaṃ ekasantānattāti ayaṃ paṭhamatheravāde yutti. Dutiye kiñcāpi peto patito, yakkho ca, atha kho ahetukaṭṭhisandhikattā akusalavipākassa “vāmena sūkarova hoti”ti² ettha vuttayakkhānaṃ paṭṭisandhi viya sabbarūpānaṃ sādharāṇattā, amanussajātikattā ca tiracchānarūpena mate marāṇarūpavasena pācittiyāṃ, vatthivasena lahukāpattiyā parivattanaṃ hoti eva tatthajātakarukkhādichedanapācittiyaparivattanaṃ viya. Ayameva yuttataro, tasmā pacchā vutto. Pārājikassa pana manussajātiko yathā tathā vā patitvā yathā tathā vā maratu, pārājikameva garukattā. Garukāpattiyāti viparivattanaṃ natthīti vuttaṃ.

1. Abhi 9. 377 piṭṭhe.

2. Dī-Ṭṭha 2. 250; Abhi-Ṭṭha 2. 475; Mahāniddeśa-Ṭṭha 371 piṭṭhesu.

Thullaccayaṃ tiracchāne, mate bhedassa kāraṇaṃ.

Sarūpamaraṇaṃ tisso, phusso maññeti aññathā.

Gaṇṭhipade pana “dutiyaṁ vāde puthujjanassa patitvā arahattaṃ patvā marantassa vasena vutto”ti likhitaṃ. “Tiracchāne”ti ettha keci vadanti “devā adhippetā”ti. “Sakasakarūpeneva maraṇaṃ bhavati nāññathā”ti ca vadanti.

Yakkhapetarūpena matepi eseṁva nayoti thullaccayanti attho.

“Tiracchānagatamanussaviggahamaraṇe viyā”ti likhitaṃ. **Pahāraṃ laddhāti** sattānaṃ māraṇatthāya katattā vuttaṃ.

177. **Sādhu suṭṭhu maratūti** vacibhedam karoti. **Visabhāgarogoti** sarīraṭṭho gaṇḍapīlakādi.

178. **Kāḷānusārīti** ekissā latāya mūlaṃ kira. Mahākacchapena katapuppham vā. **Hamsapupphanti** hamsānaṃ pakkhapattam. Heṭṭhā vuttanayena sāhatthikāṇattikanayañhettha yojetvā kāyavācācittato samuṭṭhānavidhi dassetabbo.

Padabhājanīyavaṇṇanā niṭṭhitā.

Vinītavatthuvaṇṇanā

180. **Maraṇatthikāva hutvāti** imassa kāyassa bhedena saggapāpanādhippāyattā atthato maraṇatthikāva hutvā evaṃadhippāyino maraṇatthikā nāma hontīti attano maraṇatthikabhāvaṃ aṇāntā āpannā pārājikaṃ. Na hi te “attano cittappavattim na jānanti”ti vuccanti.

Vohāravasenāti pubbhāgavohāravasena. Sanniṭṭhāne panetaṃ natthi. Pāse baddhasūkaramocane viya na hoti. **Yathānusandhināti** antarā amaritvāti attho. **Appaṭivekkhitvāti** avicāretvā. Heṭṭhimabhāge hi kismiñci vijjamāne vali paññāyati. **Dassiteti** uddharitvā ṭhapite. **Paṭibandhanti** tayā paṭibandham, paribhogantarāyaṃ saṃghassa mā akāsīti attho.

181-2-3. Yasmā kiriyam̄ dātuṃ na sakkā, tasmā **“pathamam̄ laddhan”**ti vuttam̄. Pubbepi attanā laddhapiṇḍapātato paṇītapāṇītam̄ dento tatthapi¹ attakāriyam̄ adāsi. **Asañciccā**ti ettha aññam̄ ākaḍḍhantassa aññassa patane sabbena sabbam̄ abhisandhi natthi. **Na marañādhippāyassā**ti paṭigho ca payogo ca atthi, vadhakacetanā natthi. **Ajānantassā**ti ettha “vatthu-ajānavasena ajānantassa doso natthi, idam̄ kira tesam̄ nānattam̄. ‘Asañcicco ahan’ti **pāliyam̄** na dissati. **Aṭṭhakathāyam̄** vuttattā tathārūpāya pāliyā bhavitabban”ti vadanti. **No ce, thullaccayanti** ettha “dukkhavedanā ce nuppajjati, dukkaṭamevā”ti vadanti, vīmaṃsitabbam̄. **“Muggarā** nāma khādanadaṇḍakā. **Vemā** nāma tesam̄ khādanadaṇḍakānam̄ heṭṭhā ca upari ca tiriyaṃ bandhitabbadaṇḍā”ti likhitam̄. Heṭṭhāva duvidhāpi paṭhanti. **Hatthappatto viya dissati** “tassa vikkhepo mā hotū”ti **upacchindati**. **Visesādhigamam̄ byākaritvā** tappabhavam̄ sakkāram̄ lajjīyanto **āhāram̄ upacchindati** sabhāgānam̄ byākatattā. Te hi kappiyakhettam̄ ārocenti.

186. **Akataviññattiyā**ti na viññattiyā. Sā hi anuññātattā katāpi akatā viyāti akataviññatti. “Vadeyyātha bhante yenattho”ti evam̄ akataṭṭhāne viññatti akataviññatti”ti likhitam̄. Titthiyabhūtānam̄ mātāpitūnam̄ sahatthā dātuṃ na vaṭṭatīti. **Pitucchā** nāma pitubhaginī. **Sacepi na yācanti** “yācituṃ dukkhan”ti, sayam̄ vā evam̄ vattumasakkontā. “Yadā tesam̄ attho bhavissatī”ti ābhogaṃ katvā vā. **“Vejjakammam̄ vā nahotī”**ti vacanato yāva sattamo kulaparivaṭṭo, tāva bhesajjam̄ kātuṃ vaṭṭatī”ti vadanti. **Sabbapadesūti** mahāmātuyācūlamātuyāti-ādīnam̄.

Vuttanayena pariyesitvāti “sāmaṇerehi vā”ti-ādīnā. “Na akataviññattiyā”ti vadanti. “Paccāsīsati sace, dukkaṭan”ti vadanti. **Kappiyavasenā**ti puppham̄ ānethāti-ādīnā. **“Pūjam̄ akāsī”**ti vuttattā sayam̄ gaḥetuṃ na vaṭṭatī”ti vadanti.

“Bhaṇathā”ti vutte pana kātabbam̄. Dhammañhi vattuṃ vaṭṭati. **No ce jānanti, na pādā apanetabbā**. Avamaṅgalanti hi gaṇhanti.

1. Tathāpi (Ka)

Coranāgassa hi āmaṭṭhaṃ dinne kujjhissati, anāmaṭṭhaṃ na vaṭṭatīti aṅgulantare thokaṃ bhattaṃ gahetvā patte bhattaṃ sabbaṃ adāsi, so tena tussi. **Varapotthakacittattharaṇanti** sibbitvā kātabbattharaṇavikati. **Piturājā** damiḷassa parājito **rohane** soḷasa vassāni vassitvā mittāmaccaparivuto “rajjam gaṇhāmī”ti āgantvā antarāmagge appamattakassa kāraṇā ekaṃ amaccaṃ ghātāpesi. Sesā bhayena palāyantā araṇṇe antarāmagge corehi viluttā **hambugallakavihāram**¹ gantvā tattha cātunīkāyikatissatthero tesam saṅgahaṃ katvā puna ānetvā raṇṇo dassesi, tehi saddhiṃ rajjam gahetvā rājā **tambulakallakatissattherassa** abhayagirivihāraṃ akāsi. Sesāpi ekekavihāraṃ kāraṇesum kira.

187. Corasamīpaṃ pesento “**vālayakkhavihāram** pesetī”ti iminā sadiso. Kasmā? Maraṇādhippāyattā. Taḷākādīsu macchādiggahaṇatthaṃ kevaṭṭam aññāpadesena “taḷākatīraṃ gacchā”ti paṇṇantassa pāṇātipātena bhavitabbaṃ, “vālayakkhavihāraṃ pāhesī”ti imassa sadiso. Kasmā? “Maraṇādhippāyattā”ti vacanassānulomato, **aṭṭhakathāyampi** “evaṃ vālayakkhampī”ti vuttattā.

189. **Tam tatraṭṭhitaṃ chindantanti tam**-saddo ekaccesu natthi. Itaresu pārājīkathullaccayaṃ āpannāti attho. “Imaṃ chinditvā sīghaṃ gantvā samghassa pattacīvaraṃ dassāmi”ti kusalacittenapi chinditum na vaṭṭati ananuññātattā. **Aññassa pana bhikkhuno vaṭṭati** anuññātattā.

190. Kathaṃ? Kuṭīrakkhaṇatthañhi bhagavatā paṭaggidānādi anuññātāṃ, kuṭī nāmesā bhikkhūnaṃ atthāya. Tasmā “bhikkhurakkhaṇatthaṃ aññassa bhikkhussa vaṭṭatī”ti vattabbamettha natthī”ti vuttam. Yadi evaṃ acchinnacīvarassa naggabhāvappaṭicchādanatthaṃ bhūtagāmapātabyatā bhagavatā anuññātā, jīvitarakkhaṇatthañca sappadaṭṭhakāle anuññātāṃ, tasmā “api jīvitaṃ pariccajitabbaṃ, na ca rukkho vā chinditabbo”ti-ādi na vattabbaṃ siyā, tasmā tam nidassanaṃ appamāṇaṃ, aṭṭhakathācariyo evettha pamāṇaṃ. Ettha panāyaṃ ācariyassa takko—ariyapuggalesupi sattā nagghiyaṃ passitvā appasādaṃ katvā nirayūpagā

bhavissanti, tathā sappā ca ḍaṃsitvā, tesam pāpavimocanattham bhūtagāmapātabyatā anuññātā. Dānapatīnam cittarakkhaṇattham paṭaggidānādi. Aññathā lokassa puññantarāyo, saṅghassa ca lābhantarāyo hoti. Vadhakassa pana cittahitakaraṇam natthi, tam pana avītikkamaṃ, jīvitapariccajanam passitvā vā “aho dukkaram katan”ti pasādameva labheyyunti attano na vaṭṭati, aññassa vaṭṭati. Aññathā titthiyānam asaddhammasiddhiyāti. **Gaṇṭhipade** pana “jīvitatthāya rukkham chindantassa attasinehasena chindanato akusalattā na vaṭṭati, aññassa vaṭṭatī”ti likhitam. Anekesu rukkheṇa otthatesu, opāte vā patitesu aññena aññassatthāya rukkachedanādi kātum vaṭṭati, kasmā? Paraparittāṇādhippāyatoti. **Parittanti** rakkhaṇam, tam dassetuṃ “**samantā bhūmitacchanan**”ti-ādi vuttam.

191. **Tīhi mārite pana visaṅketanti** ettha tīsu ekena māritepi “khattameva otiṇṇattā pārājikan”ti vuttattā tayopi ekato hutvā mārenti ce, āpajjati, teneva vuttam “**paricchedabbhantare vā avisāṅketan**”ti. “**Paricchedātikkame pana sabbattha visaṅketam hoti**”ti vuttattā dvinnam balaṃ gahetvā tatiyo ce māreti āpajjati viya dissati, vīmaṃsitabbaṃ. “**Dve mārentū**”ti vutte ekena vā dvīhi vā mārite pārājikanti “dvinnam pahārānam maraṇe sati dve māritā nāma honti, asati ekova hoti, tasmā vijānitabban”ti vadanti.

Tatīyapārājikavaṇṇanā niṭṭhitā.

4. Catutthapārājika

Vaggumudātīriyabhikkhuvatthuvaṇṇanā

193. catutthe vaggu ca sā modayati ca satteti **vaggumudā**. “Vaggumadā”tipi pāṭho, tassa vaggu ca sā pasannasuddhatarāṅgasamiddhattā sukhumā cāti attho jīvitavaggutthanitā jīvitatthanti nīluppalanti-ādīsu viya. Madassāti ca bahukhajjabhojjapānādisamiddhā nadī chaṇadivasesūti nirutti veditabbā. Vaggu parisuddhāti lokena sammatāti kira attho. **Bhāsito** bhavissatīti pāṭhaseso.

194-5. Vaṇṇavā vaṇṇavanto vaṇṇavantānītipi sijjhati kira bahuvacanena. Yasmā indriyānaṃ ūnattaṃ, pūrattaṃ vā natthi, tasmā **“abhiniviṭṭhokāsassa paripuṇṇattā”**ti vuttaṃ. Chaṭṭhassa abhiniviṭṭhokāso hadayavatthu. Catu-iriyāpathacakke¹ **pākatindriye. Attano dahatī**ti attanā dahati, attanā paṭividdhaṃ katvā pavedetīti adhippāyo. **Santanti** vattamānaṃ. **Gotrabhunoti** gottamattaṃ anubhavattā nāmamattakamevāti attho.

Savibhaṅgasikkhāpadavaṇṇanā

197. **Padabhājane** “tisso vijjā”ti vuttattā arūpāvacarajjhānāni paṭikkhittānīti ce? Na, tattheva “yaṃ nāṇaṃ, taṃ dassanaṃ, yaṃ dassanaṃ, taṃ nāṇaṃ”ti dassanapadena visesetvā vuttattā, tasmā eva **aṭṭhakathāyaṃ** **“vijjāsīsena padabhājanaṃ vuttan”**ti vuttaṃ. **Dhuraṃ katvāti** purimaṃ katvā.

Padabhājanīyavaṇṇanā

199. Anāgate uppajjanakarāgādīnaṃ kāraṇattā rāgādayova **nimittanā** nāma. Tissannaṅca vijjānaṃ aññatarāṃ sandhāya “vijjānaṃ lābhīmhi”ti bhaṇati, pārājikaṃ, na vatthuvijjādīnaṃ kilesanahānameva vuttaṃ, taṃ khaṇattā uttarimanussadhammappa vatti na hotīti ce? Na, maggakiccadīpanato. Teneva **“maggena vinā natthī”**ti-ādi vuttaṃ. **Cittanti** cittassa vigatanīvaraṇatāti attho. “Yāvaṅca vijjā anāgatā, tāva vipassanāñāṇassa lābhīmhi”ti vadanto yadi lokuttaraṃ sandhāya vadati, sopi ca tathā jānāti, pārājikameva lokuttarassapi taṃnāmattā”ti vadanti. **“Avisesenāpi vadato pārājikaṃ vuttanti** lokuttaraṃ sandhāya vadato ‘pārājikan’ti vuttuṃ yujjati. Yathā kiṃ ‘vijjānaṃ lābhīmhi’ti bhaṇantopi pārājikamevā’ti vuttatṭhāne vatthuvijjādīnaṃ sambhavepi tāsāṃ anadhippetattā pārājikaṃ hoti, evamidhāpi. **Na sakkā aññaṃ pamāṇaṃ kātunti** attano guṇamārocetukāmo lokiyena sammissaṃ atthapaṭisambhidaṃ vadato pārājikanti pamāṇaṃ kātuṃ na sakkā, itarathā hotī”ti aparehi vuttaṃ, “taṃ pubbāparaviruddhaṃ, tasmā vijjānidassanaṃ idha anidassanaṃ sāsane vatthuvijjādīnaṃ vijjāvidhānābhāvā. Bhagavatā vibhattakhetpade vā tesāṃ pariyaṇavacanānaṃ anāmaṭṭhattā na sakkā aññaṃ pamāṇaṃ kātun”ti likhitaṃ. “Paṭisambhidānaṃ lābhīmhi”ti vutte

1. Catu-iriyāpathacakkaṃ (Ka)

pariyāyena vuttattā thullaccayaṃ yuttan”ti vadanti, vicāretabbaṃ.
Vīmaṃsitvā gahetabbanti “yo te vihāre vasatī”ti-ādīhi saṃsandanato
 pariyāyavacanattā thullaccayaṃ vuttaṃ. “Nirodhasamāpattim
 samāpajjāmi”ti vā ‘lābhīmhāhaṃ tassā’ti vā vadatopi”ti vuttavacanampi
 “sace panassevaṃ hotī”ti-ādivacanampi atthato ekameva, sopi hi attano
 viṣesaṃ ārocetumeva vadati. “Yo te vihāre vasatī”ti-ādīsu ahaṃ-
 vacanābhāvā pariyāyo yujjati, idha pana ‘lābhīmhāhaṃ tassā’ti attānaṃ
 niddisati, tasmā pārājikaṃ āpajjitum yuttaṃ viyā”ti vadanti.
 “Mahāpaccariyādivacanāṃ uttarimanussadhammesu ekopi na hoti, tasmā
 pariyāyena vuttattā na hotī”ti vadanti, suṭṭhu upaparikkhitabbaṃ.
 Phalāsacchikiriyā-padato paṭṭhāya eva pāṭho gahetabbo,
 phalāsacchikiriyāyapi ekekampi ekekaphalavasena pārājikaṃ veditabbaṃ.

Rāgassa pahānanti-ādittike kilesappahānameva vuttaṃ, taṃ pana yasmā
 maggena vinā natthi. Tatiyamaggena hi rāgadosānaṃ pahānaṃ, catutthena
 mohassa, tasmā “rāgo me pahīno”ti-ādīni vadatopi pārājikaṃ. **Rāgā cittaṃ**
vinīvaraṇatī-ādittike lokuttarameva vuttaṃ, tasmā “rāgā me cittaṃ
 vinīvaraṇan”ti-ādīni vadato pārājikamevāti. **Akuppadhammattā**ti keci
 uttaravihāravāsino. Kasmā na hotīti ce? “Iti jānāmi, iti passāmi”ti
 vattamānavacaneneva **mātikāyaṃ** vuttattā. Yadi evaṃ **padabhājane**
 “samāpajjīm, samāpanno”ti-ādīnā vuttattā “atītattabhāve sotāpannomhī”ti
 vadatopi hotūti ce? Na, aññāthā atthasambhavato. Kathaṃ?
 Addhāpaccuppannavasena vattamānatā gahetabbāti nāpanatthaṃ vuttaṃ, na
 atītattabhāvaṃ. Atītattabhāvo hi pariyāyena vuttattā “thullaccayan”ti vuttanti
 ācariyā.

200. **“Sacepi na hoti, pārājikamevā”**ti aṭṭhānaparikkappavasena vuttaṃ
 kira. “Iti vācā tivaṅgikā”ti vakkhati. **Natthetanti** purime sati
 pacchimassābhāvā samāpajjīm, samāpannoti imesaṃ kiñcāpi atthato
 kālaviseso natthi, vacanaviseso pana atthi eva.

207. **Ukkheṭṭoti** uttāsito. Khiṭa utrāsane.

Suddhikavārakathāvaṇṇanā niṭṭhitā.

232. **Na uppaṭipāṭiyāti** na sīhokkantavasena anussari. Tasmā antarābhavabhūtā ekā eva jāṭīti paṭivijjhatīti attho.

Nigamanavaṇṇanā

233. **Catuvīsatīti** ettha mātughātakapitughātake-arahantaghātakā tatiyapārājikam āpannā. Bhikkhunidūsako, lambi-ādayo ca cattāro paṭhamapārājikam āpannā evāti katvā kuto catuvīsatīti ce? Na, adhippāyājānanato. Mātughātakādayo hi cattāro idhānupasampannā eva adhippetā, lambi-ādayo cattāro kiñcāpi paṭhamapārājikena saṅgahitā, yasmā ekena pariyāyena methunadhammapaṭisevino na honti, tasmā visum vuttā. Ekakammaṃ ekuddeso samasikkhatā”ti evaṃ vuttasamvāsassa abhbatāmatam sandhāya vuttam **“yathā pure tathā pacchā”**ti. Aññathā nesam samaññāyapaṭiññāyabhikkhubhāvopi natthīti āpajjati.

Catutthapārājikavaṇṇanā niṭṭhitā.

Pārājikakaṇḍavaṇṇanā niṭṭhitā.

2. Saṃghādisesakaṇḍa

1. Sukkavissatṭhisikkhāpadavaṇṇanā

235. “Okkamantānan”ti pāṭho. Etthāha—“yo pana bhikkhū”ti kārako idha kasmā na niddiṭṭhoti? **Abhi**-niddesena imassa sāpekkhābhāvadassanattam. Katham? Kaṇḍuvanādi-adhippāyacetanāvasena cetentassa kaṇḍuvanādi-upakkamena upakkamantassa, methunarāgavasena ūru-ādīsu dukkaṭavattḥūsu, vaṇādīsu thullaccayavattḥūsu ca upakkamantassa sukkavissatṭhiyā satipi na saṃghādiseso.

Mocanassādasāṅkhātādhippāyāpekkhāva sukkavissatṭhi sati upakkame, na aññathā “anāpatti na mocanādhippāyassā”ti vacanato. Tasmā tadatthadassanattam idha kārako na niddiṭṭho, aññathā “yo pana bhikkhu sañcetanikaṃ sukkavissatṭhim āpajjeyyā”ti kārake niddiṭṭhe “ceteti na upakkamati muccati, anāpatti”ti vuttavacanavirodho. “Sañcetanikāya sukkavissatṭhiyā aññatra supinantā”ti bhumme niddiṭṭhepi sova virodho āpajjati, tasmā tadubhayavacanakkamaṃ avatvā “sañcetanikā sukkavissatṭhi aññatra supinantā”ti vuttam. Tattha nimittatthe bhummavacanābhāvato hetutthaniyamo na kato hoti. Tasmim akate sañcetanikā sukkavissatṭhi aññatra supinantā saṃghādisesāpatti, upakkame asati anāpattīti ayamatto dīpitoti vedittabbaṃ.

236-237. **Sañcetanikā**ti ettha paṭhamaviggahena upasaggassa sātthakatā dassitā, dutiyena ikapaccayassa. Vātapittasemharuhirādi-**āsaya**bhedatoti attho. **Dhātū**ti ettha “pathavīdhātu-ādayo catasso, cakkhudhātu-ādayo vā aṭṭhārasā”ti **gaṇṭhipade** likhitam. **Vatthisīsanti** vatthipuṭassa sīsam. “Aṅgajātassa mūlam adhippetam, na aggasīsan”ti vadanti. **Tathevā**ti “nimitte upakkamato”ti-ādīm gaṇhāti. **Tato muccitvā**ti “na sakalakāyato, tasmā pana ṭhānā cutamatte hotū”ti **gaṇṭhipade** likhitam. “Dakasotam otiṇṇamatte”ti iminā na sametīti ce? Tato dakasotorohaṇaṅcettḥāti-ādi vuccati. Tassattho—nimitte upakkamaṃ katvā sukkaṃ ṭhānā cāvetvā puna vippaṭisāravasena dakasotorohaṇam nivāretum adhivāsemīti. Kato bahi nikkhamante adhivāsetum na sakkā, tathāpi adhivāsanādhippāyena adhivāsetvā antarā

dakasotato uddham nivāretum asakkuṇeyyatāya “anikkhante vā”ti vuttam. Kasmā? Ṭhānā cutam hi avassam dakasotam otaratīti aṭṭhakathādhippāyo gaṇṭhipadādhippāyena sameti. **Tato muccivā**ti sakatṭhānato. Sakasarīrato hi bahi nikkhantameva hoti, tato “bahi nikkhante vā anikkhante vā”ti vacanam virujjheyya. Yasmā pana tamhā tamhā sarīrapadesā cutam avassam dakasotam otarati, tasmā vuttam “dakasotam otiṇṇamate”ti, iminā ca āpattiyā pākaṭakālam dasseti, kim vuttam hoti? Mocanassādena nimitte upakkamato sukkaṃ bahutarampi sarīrapadesā cutam tattha tatttha laggāvasesam yattakam ekā khuddakamakkhikā piveyya, tattake dakasotam otiṇṇamate saṃghādisesāpatti. Vuttañhi **kaṅkhāvitarāṇiyam**¹ “dakasotam anotiṇṇepi saṃghādiseso”ti-ādi. Tattakassa bahi nikkhamanam asallakkhento “ceteti upakkamati na muccati, āpatti thullaccayassā”ti vacanato thullaccayanti saññāya desentopi na muccati, passāvampi vaṇṇatam passivā vatthikosagatassa picchilatāya vā ṇatvā saṃghādisesato vuṭṭhātabbam. Ayamettha tatiyattheravāde yutti. Sabbācariyā ime eva tayo therā, tesampi dakasotorohaṇam nimitte upakkamananti ayam dutiyo vinicchayo sādharmaṇato ettha, evam **upatissatthero** vadati kira.

Ṭhānā cutam hi avassam dakasotam otaratīti katvā “**ṭhānā cāvanamattenevettha āpatti veditabbā**”ti vuttam. Dakasotam otiṇṇe eva āpatti. Sukkassa hi sakalam sarīram ṭhānam, anotiṇṇe ṭhānā cutam nāma na hotīti vīmaṃsitabbam. Ābhidhammikattā therassa “sukkavissatṭhi nāma rāgasamuṭṭhānā hotī”ti² **kathāvattuṭṭhakathāyam** vuttattā sambhavo cittasamuṭṭhāno, “tam asuciṃ ekadesam mukhena aggahesi, ekadesam aṅgajāte pakkhipī”ti³ vacanato utusamuṭṭhāno ca dissati, so ca kho avītarāgasseva “aṭṭhānametaṃ bhikkhave anavakāso yaṃ arahato asuci mucceyyā”ti⁴ vacanato. **Parūpāhāraṭṭhakathāyam** “atthi tassa āsayoti tassa sukkassa uccārapassāvānam viya patiṭṭhānokāso

1. Kaṅkhā-Ṭṭha 128 piṭṭhe.

2. Abhi-Ṭṭha 3. 160 piṭṭhe.

3. Vi 1. 306 piṭṭhe.

4. Vi 3. 409; Abhi 4. 133; Am 2. 219 piṭṭhesu.

atthī”ti vacanato¹ tassa āsayoti siddham. Pākatikacittasamuṭṭhānarūpaṃ viya asaṃsaṭṭhattā, nikkhamanato ca “vatthisīsaṃ, kaṭi, kāyo”ti tidhā sukkassa ṭhānaṃ pakappenti ācariyā. Sappavisam viya taṃ daṭṭhabbam, na ca visassa ṭhānaniyamo, kodhavasena phusantassa hoti, evamassa na ca ṭhānaniyamo, rāgavasena upakkamantassa hotīti takko.

Khobhakarapaṇāpaccayo nāma bhesajjasenāsanāhārādipaccayo. **Saṃsaggabhedatopīti** etesu dvīhipi tīhipi. **Pahīnavipallāsattāti** ettha yaṃ kiñci supinantena sekkhaputhujjanā passanti, taṃ sabbaṃ vipallatthaṃ abhūtamevāti āpajjati. Tato “yaṃ pana pubbanimittato passati. Taṃ ekantasaccameva hotī”ti idaṃ virujjhati, tasmā na visayaṃ sandhāya vuttaṃ. So hi sacco vā hoti, aliko vāti katvā tañce sandhāya vuttaṃ siyā, “asekkhā pahīnavipallāsattā saccameva passanti, nāsaccan”ti vattabbaṃ siyā. Kintu dassanaṃ sandhāya vuttaṃ. Taṃ hi abhūtaṃ, apassantopi hi passanto viya asuṇantopi suṇanto viya amunantopi munanto viya hoti. Saccampi vipassatīti no takkoti ācariyo. **Taṃ rūpanimittādi-ārammaṇaṃ na hoti**, āgantukapaccuppannaṃ rūpanimittādi-ārammaṇaṃ sandhāya vuttaṃ. Kammanimittagatinimittabhūtaṃ hi rūpanimittādīni bhavaṅgassa ārammaṇāni honti eva. Tattha kammanimittamatītameva, gatinimittaṃ thokaṃ kālaṃ paccuppannaṃ siyā.

Īdisānīti paccakkhato anubhūtapubbaparikkappitāgantukapaccuppannarūpanimittādi-ārammaṇāni, rāgādisampayuttāni cāti attho. **Makkaṭassa niddā lahuparivattā hoti**. So hi rukkhāsākhato patanabhayā abhikkhaṇaṃ ummīlati ca supati ca. Manussā kiñcāpi punappunaṃ ummīlanti subyattataraṃ paṭibuddhā viya passanti, atha kho paṭibuddhānaṃ punappunaṃ bhavaṅgotaraṇaṃ viya supinakālepi tesam bhavaṅgotaraṇaṃ hoti, yena “supatī”ti vuccati. “Bhavaṅgacittena hi supatī”ti vacanato bhavaṅgotaraṇaṃ karajakāyassa nirussāhasantabhāvūpanissayattā “niddā”ti vuccati. Sā karajakāyassa dubbalabhāvena supinadassanakāle bhavaṅgato uttaraṇe satipi nirussāhasantabhāvappattiyā “pavattatī”ti ca vuccati, yato sattā “paṭibuddhā”ti na vuccanti, karajakāyassa nirussāhasantasabhāvappattito ca

1. Abhi-Ṭṭha 3. 160 piṭṭhe.

tannissitaṃ hadayavatthu na suppasannaṃ hoti, tato tannissitāpi cittappavatti asuppasanna vaṭṭinissitadīpappabhā viya. Teneva **aṭṭhakathāyaṃ** “svāyaṃ dubbalavatthukattā cetaṇāya paṭisandhim ākaḍḍhituṃ asamatto”ti-ādi vuttaṃ.

Gaṇṭhipade pana “dubbalavatthukattāti supine upaṭṭhitaṃ nimittampi dubbalan”ti likhitaṃ. Taṃ anekatthaṃ sabbampi nimittaṃ hoti, na ca dubbalārammaṇavatthukattā cetaṇā, tāya cittappavatti dubbalā atītānāgatārammaṇāya, paññattārammaṇāya vā adubbalattā¹, avatthukāya dubbalabhāvo na yujjati² cetaṇāya avatthukāya bhāvanāpabhāvāyātirekabalasabbhāvato. Bhāvanābalasamappitañhi cittaṃ arūpampi samānaṃ atibhāriyampi karajakāyaṃ gahetvā ekacittakkhaṇeneva brahmalokaṃ pāpetvā ṭhapeti. Tappaṭibhāgaṃ anappitampi kāmāvacaracittaṃ karajakāyaṃ ākāse laṅghanasamattaṃ karoti, pagevetaraṃ. Kiṃ panettha taṃ anumānakāraṇaṃ, yena cittasseva ānubhāvoti paññāyeyya cittaṇubhāvena vā laddhāsevanādikiriyaṃviseṣanibbattidassanato, tasmā dubbalavatthukattāti dubbalahadayavatthukattāti ācariyassa takko. Attano mandatikkhākāreṇa tannissitassa cittassa mandatikkhabhāvanipphādanasamattañce, hadayavatthu cakkhusotādivatthu viya indriyaṃ bhavēyya, na cetaṃ indriyaṃ. Yato **dhammasaṅgahe** upādāyarūpapāḷiyaṃ uddesārahaṃ na jātaṃ. Anindriyattā hi taṃ kāyindriyassa anantaraṃ na uddiṭṭhaṃ, vatthurūpattā ca avatthurūpassa jīvitindriyassa anantaraṃ na uddiṭṭhaṃ, tasmā yaṃ vuttaṃ “tassa asuppasannattā tannissitā ca cittappavatti asuppasannā hotī”ti, taṃ na siddhanti ce? Siddhameva anindriyānampi sappāyāsappāya-utu-āhārādīnaṃ paccayānaṃ samāyogato, cittappavattiyā vikāradassanato, paccakkhattā ca. Yasmā appaṭibuddhopi paṭibuddhaṃ viya attānaṃ maññatīti. Ettāvataṃ karajakāyassa nirussāhasantabhāvākāraviseso niddā nāma. Sā cittassa bhavaṅgotaraṇākāravisesena hoti, tāya samannāgato satto bhavaṅgato uttiṇṇo supinaṃ passati, so “kapimiddhapareto”ti vuccati, so sutto appaṭibuddho hotīti ayamatto sādhitō hoti.

1. Na ca ārammaṇadubbalavatthukattā cetaṇāya -pa- dubbalattā (Ka) 2. Yujjati (Ka)

Yasmā bhavaṅgavāranirantarātāya accantasutto nāma hoti, tasmā **“yadi tāva sutto passati, abhidhammavirodho āpajjati”**ti-ādi vuttam. Yasmā pana niddākkhaṇe na paṭibuddho nāma hoti, tasmā **“atha paṭibuddho passati, vinayavirodho”**ti-ādi vuttam, yasmā ca akhīṇaniddo, anotiṇṇabhavaṅgo ca atthi, tasmā **“kapimiddhapareto passati”**ti vuttam. Aññathā ayaṃ neva sutto na paṭibuddho, attanā taṃ niddam anokkanto āpajjeyya. Ettāvata ca abhidhammo, vinayo, nāgasenattheravacanaṃ yutti cāti sabbaṃ aññamaññasamsanditaṃ hoti. Tattha **kapimiddhaparetoti** bhavaṅgato uttiṇṇaniddāpareto. Sā hi idha kapimiddham nāma. “Tattha katamaṃ middham? Yā kāyassa akalyatā akammaññatā -pa- supanaṃ, idaṃ vuccati middham”ti¹ evamāgataṃ. Idañhi arūpaṃ, imassa phalabhūto karajakāyassa akalyatā’pacalāyikāsupi niddāviseso kāraṇopacārena “kapimiddham”ti pavuccati. Yañceva “kapimiddhapareto kho mahārāja supinaṃ passati”ti² vuttanti.

Yaṃ taṃ āpattivuṭṭhānanti ettha yena vinayakammena tato vuṭṭhānaṃ hoti, taṃ idha āpattivuṭṭhānaṃ nāma. **Avayave samūhavohārena vāti** ettha sākhaçchedako rukkhacchedakoti vuccatīti-ādi nidassanaṃ, vedanākkhandhādi ruḥhīsaddassa nidassanaṃ. **Na ca mayāti** vīmaṃsanapadassa tassa kiriyam sandhāya, mocane ca sannīṭṭhānaṃ sandhāya muccanapakatiyā cāti vuttam.

240. **Gehanti** pañcakāmaguṇā. **Vanabhaṅgiyanti** pābhatikaṃ. Sampayuttasukhavedanāmukhena rāgo va “assādo”ti vutto. **Supantassa cāti** idaṃ kapimiddhapareto viya bhavaṅgasantatiṃ avicchindītvā supantaṃ³ sandhāya vuttanti, vīmaṃsitabbaṃ. **Jagganathhāyāti** sodhanathhāya.

266. “Dārudhītalikalapacittānaṃ aṅgajātapaṭiṇijjhānēpi dukkaṭaṇ”ti vadanti. “Uppanne pariḷāhe mocanarāgajo”ti likhanti. Vālikāya vā “hatthikāmaṃ nassati”ti ettha viya “āpatti tvan”ti sabbattha pāṭho. “Ehi me tvam āvuso sāmaṇera aṅgajātaṃ gaṇhāhi”ti āgatattā “vacīkamman”tipi vattum yuttam viya dissati. Evaṃ sante aññaṃ “evaṃ karohi”ti

1. Abhi 1. 233 piṭṭhe.

2. Khu 11. 289, 290 Milindapañhe thokaṃ visadisam.

3. Supanaṃ (Ka)

ānattiyāpi āpatti siyāti saṅkaram hoti. Tasmā na vuttanti gaḥetabbanti keci.

267. “Pupphāvaliyam sāsavaḷiyam”ti duvidho kira.

Sukkavissaṭṭhisikkhāpadavaṇṇanā niṭṭhitā.

2. Kāyasaṃsaggasikkhāpadavaṇṇanā

270. “Otiṇṇo”ti imināssa sevanādhippāyatā dassitā. “Vipariṇatena cittena mātugāmena saddhin”ti imināssa vāyāmo dassito. “Saddhin”ti hi padaṃ saṃyogaṃ dīpeti, so ca payogo samāgamo allīyanam. Kena cittena? Vipariṇatena cittena, na pattapaṭiggahaṇādhippāyādināti adhippāyo. “Kāyasaṃsaggam samāpajjeyyā”ti imināssa vāyamato phassaṇapaṭivijānanā dassitā hoti. Vāyamitvā phassam paṭivijānanto hi samāpajjati nāma. Evamassa tivaṅgasampatti dassitā hoti. Atha vā **otiṇṇo**. Kena? Vipariṇatena cittena yakkhādinā satto viya. Upayogathe vā etaṃ karaṇavacanam. Otiṇṇo vipariṇatam cittam kūpādim viya satto. Atha vā “rāgato uttiṇṇo bhavissāmī”ti bhikkhubhāvam upagato, tato uttiṇṇādhippāyato vipariṇatena cittena hetubhūtena tameva rāgam **otiṇṇo**. Mātugāmena attano samīpaṃ āgatena, attanā upagatena vā. Etena mātugāmassa sārattatā vā hotu virattatā vā, sā idha appamāṇā, na bhikkhunīnam kāyasaṃsagge viya ubhinnaṃ sārattatāya payojanam atthi.

Kāyasaṃsagganti ubhinnaṃ kāyānam sampayogaṃ. **Padabhājane** pana “samāpajjeyyāti ajjhācāro vuccatī”ti vuttam, tam samāpajjanam sandhāya, na kāyasaṃsaggam. Kāyasaṃsaggassa samāpajjanā hi “ajjhācāro”ti vuccati. **Aṭṭhakathāyam** pana “yo so kāyasaṃsaggo nāma, so atthato ajjhācāro hotī”ti vuttam, tam parato **pāḷiyam** “sevanādhippāyo, na ca kāyena vāyamati, phassam paṭivijānāti, anāpattī”ti¹

1. Vi 1. 183 piṭṭhe.

vuttalakkaṇaena virujjhatīti. Phassapaṭivijānanāya hi saṃsaggo dīpito. So ce ajjhācāro hoti, kathaṃ anāpatti hotīti. Suvuttametaṃ, kintu “kāyasamsaggaṃ samāpajjeyyā”ti padaṃ uddharitvā “ajjhācāro vuccatī”ti ubhinnampi padānaṃ sāmaññabhājanīyattā, samāpajjitabbābhāve samāpajjanābhāvena “so atthato ajjhācāro hotī”ti vuttaṃ siyā.

Hatthaggaṃhā vā”ti ettha hatthena sabbopi upādinnako kāyo saṅgahito, na bhinnasantāno tappaṭibaddho hatthālankārādi. Veṇiggahaṇena anupādinnako abhinnasantāno kesalomanakhadantādiko kammappaccaya-utusamuṭṭhāno gahitoti veditabbaṃ. Tenevāha **atṭhakathāyaṃ**¹ “anupādinnakenapi kenaci kesādīnā upādinnakaṃ vā anupādinnakaṃ vā phusantopi saṃghādisesaṃ āpajjatiyevā”ti. Tena anupādinnakānampi kesalomādīnaṃ aṅgabhāvo veditabbo. Evaṃ santepi “phassaṃ paṭivijānātīti tivaṅgasampattiyā saṃghādiseso. Phassassa appaṭivijānanato duvaṅgasampattiyā dukkaṭaṇ”ti iminā pāli-atṭhakathānāyena virujjhatīti ce? Na, tadatthajānanato. Phuṭṭhabhāvaṃ hi paṭivijānantopi phassaṃ paṭivijānātīti nāma, ayameko attho, tasmā mātuḡāmassa, attano ca kāyapariyāpannānaṃ kesādīnaṃ aññaṃaññaṃ phuṭṭhabhāvaṃ phusitvā taṃ sādīyanaṃ phassaṃ paṭivijānātīti nāma, na kāyaviññāṇupattiyā eva. Anekantikañhettha kāyaviññāṇaṃ. Mātuḡāmassa upādinnakena kāyena, anupādinnakena vā kāyena bhikkhuno upādinnakakāye phuṭṭhe pasannakāyindriyo ce hoti, tassa kāyaviññāṇaṃ uppajjati, teneva phassaṃ paṭivijānātīti nāma so hoti. Anupādinnakakāyo, loluppo appasannakāyindriyo vā hoti, timiravātena upahatakāyo vā tassa kāyaviññāṇaṃ nuppajjati. Na ca tena phassaṃ paṭivijānātīti nāma, kevalaṃ sevanādhippāyena vāyamitvā kāyasamsaggaṃ samāpajjanto phassaṃ paṭivijānātīti nāma manoviññāṇena, tena vuttaṃ “kāyasamsaggaṃ samāpajjeyyātī imināssa vāyamato phassapaṭivijānanā dassitā”ti. Aparopi bhikkhu mātuḡāmassa kāyapaṭibaddhena vā nissaggiyena vā phuṭṭho kāyaviññāṇaṃ uppādentena phassaṃ paṭivijānātīti nāma, tasmā vuttaṃ

1. Vi-Ṭṭha 2. 124 piṭṭhe.

“anekantikañhettha kāyaviññāṇan”ti. Aparo vattham pārūpitvā niddāyantam mātugāmam kāyasaṃsaggarāgena vatthassa uparibhāge saṅkamaṃ phusanto vatthantarena nikkhantalomasamphassam appaṭivijānantopi sevanādhippāyo kāyena vāyāmitvā phassam paṭivijānāti nāma, saṅghādisesam āpajjati. “Nīlam ghaṭṭessāmīti kāyam ghaṭṭeti, saṅghādiseso”ti hi vuttam. Ayam dutiyo attho. Evaṃ anekatthattā, evaṃ duviññeyyādhippāyato ca **mātikāṭṭhakathāyam** phassapaṭivijānanam aṅgantveva na vuttam. Tasmīhi vutte ṭhānametaṃ vijjati, yaṃ bhikkhusaṅghādisesam āpajjitvāpi nakhena lomena saṃsaggo diṭṭho, na ca me lomaghaṭṭanena kāyaviññāṇam uppannam, timiravātathaddhagatto cāham na phassam paṭivijānāmīti anāpannasāññī siyāti na vuttam, apica “phassam paṭivijānāti, na ca phassam paṭivijānāti”ti ca etesam padānam **aṭṭhakathāyam** vuttanayam dassetvā so paññāpetabbo. Ettāvata na tadatthajānanatoti kāraṇam vitthāritam hoti.

Padabhājanīyavaṇṇanā

271. “**Rattam cittam imasmim atthe adhippetam vipariṇatan**”ti kiñcāpi sāmāññena vuttam, **vinītavatthūsu** “mātuyā mātupemena āmasati -pa- āpatti dukkaṭassā”ti vuttattā kāyasaṃsaggarāgeneva rattanti veditabbam. Tathā “mātugāmo nāma manussitthī”ti kiñcāpi avisesena vuttam, atha kho avinaṭṭhindriyāva manussitthī idhādhippetā “matitthiyā kāyasaṃsaggaṃ samāpajji -pa- āpatti thullaccayassā”ti vuttattā. “Manussitthī”ti ettāvata siddhe “na yakkhī na petī na tiracchānagatā”ti vacanam avinaṭṭhindriyāpi na sabbā manussaviggahā itthī idha manussitthī nāma. Yakkhi-ādayo hi attano jātisiddhena iddhivisesena ijjhantiyo¹ manussaviggahāpi hontīti dassanattam vuttam. Tāsu yakkhī thullaccayavatthu hoti vinītavatthūsu yakkhiyā kāyasaṃsaggena thullaccayassa vuttattā. Tadanulomattā petitthī, devitthī ca thullaccayavatthu. Tiracchānagatitthī dukkaṭavatthu. Tiracchānagatamanussaviggahitthī ca thullaccayavatthumevāti eke. **Vibhaṅge** pana “manussitthī ca hoti manussitthisaṅñī”ti pāḷiyā abhāvena “itthī ca hoti yakkhisaṅñī”ti-ādivacane satī yakkhi-ādīnam anitthitāpasāngato,

“Itthī ca hoti itthisaññī”ti-ādimhi yakkhi-ādīnaṃ antokaraṇe sati tāsāṃ saṃghādisesavatthubhāvappasaṅgato ca yakkhi-ādayo na vuttāti veditabbā. Eke pana “**vinītavatthumhi** ‘aññataro bhikkhu tiracchānagatitthiyā kāya -pa-dukkatassā’ti ettha amanussaviggahā pākatikaturacchānagatitthī adhippetā, tasmā dukkaṭaṃ vuttaṃ. ‘Itthī ca hoti tiracchānagatasaññīti tiracchānagatā ca hoti itthisaññī’ti-ādivāresupi pākatikaturacchānagatova adhippeto, so ca tiracchānagatapurisova. Teneva duṭṭhullavācā-
 attakāmapāricariyasikkhāpadesu manussapurisapaṭisaṃyuttavārā viya tiracchānapaṭisaṃyuttavārāpi nāgatā”ti vadanti. Tathā paṇḍakoti idha manussapaṇḍakova, purisoti ca idha manussapurisova āgato, tasmā amanussitthī amanussapaṇḍako amanussapuriso tiracchānagatitthī tiracchānagatapaṇḍako manussāmanussaturacchānagata-ubhatobyañjanakā cāti aṭṭha janā idha nāgatā, tesāṃ vasena vatthusaññāvīmatibhedavasena āpattibhedābhedavinicchayo, anāgatavāraṅgaṇā ca asammuyhantena veditabbā, tathā tesāṃ dukamissakādivārā, āpatti-anāpattibhedavinicchayo ca. “Tattha amanussapaṇḍaka
 amanussapurisaturacchānagatitthitiracchānagatapaṇḍakāti cattāro dukkaṭavatthukā, amanussitthimanussa-ubhatobyañjanakā
 thullaccayavatthukā, amanussa-ubhatobyañjanakā tiracchānagata-ubhatobyañjanakā dukkaṭavatthukā, **pāliyaṃ** pana amanussitthiyā anāgatattā amanussapaṇḍakā, ubhatobyañjanakā purisā ca nāgatā.
 Tiracchānagatitthipaṇḍaka-ubhatobyañjanakā tiracchānagatapurisena samānagatikattā nāgatā, manussa-ubhatobyañjanako manussapaṇḍakena samānagatikattā anāgato”ti vadanti. **Aṭṭhakathāyaṃ**¹ pana “nāgamāṇavikāyapi supaṇṇamāṇavikāyapi kinnariyāpi gāvīyāpi dukkaṭamevā”ti vuttattā tadeva pamāṇato gahetabbaṃ.

Tatrāyaṃ vicāraṇā—“na bhikkhave tiracchānagatassa nisinnaparisāya pātīmokkhaṃ uddisitabbaṃ”ti² ettha “tiracchānagatoti yassa upasampadā paṭikkhittā”³ **aṭṭhakathāyaṃ** vuttattā tiracchānagatamanussaviggaho pākatikaturacchānagatato visiṭṭho, tathā yakkhapatitiracchānagatamanussaviggahānaṃ “tiracchānagatassa ca dukkhuppattiyaṃ apica dukkaṭamevā”ti

1. Vi-Ṭṭha 2. 132 piṭṭhe.

2. Vi 3. 190 piṭṭhe.

3. Kaṅkhā-Ṭṭha 93 piṭṭhe.

ettha visesetvā vuttattā ca “patanarūpaṃ pamāṇaṃ, na maraṇarūpaṃ”ti ettha āpattivisesavacanato ca “ubhato avassute yakkhassa vā petassa vā paṇḍakassa vā tiracchānagatamanussaviggahassa vā adhakkhakaṃ ubbhajāṇumaṇḍalaṃ kāyena kāyaṃ āmasati, āpatti thullaccayassā”ti¹ sāmāññena vacanato ca so visiṭṭhoti siddhaṃ. Visiṭṭhattā ca tiracchānagatamanussaviggahitthiyā kāyasamsaggam samāpajjantassāti viseso hoti, tasmā tattha āpattivisesena bhavitabbaṃ. Yadi kāyasamsaggasikkhāpade tiracchānagatamanussaviggahitthīpi adhippetā, rūpasāmaññena saññāvirāgattāsambhavato duṭṭhullavācā-attakāmapāricariyasikkhāpadesupi sā vattabbā bhaveyya, sā cānāgatā. Sarūpena saṃkhittavārattā nāgatāti ce? Itthī ca hoti tiracchānagato ca ubhinnaṃ itthisaññīti idha āgatattā purisaliṅganiddeso na yujjati, tasmā tiracchānagatapuriso ca idha āgato, tiracchānagatamanussaviggahitthiyā **pāliyaṃ** anāgatāyapi dukkaṭameva **aṭṭhakathāyaṃ** vuttattāti imassa vacanassa kāraṇacchāyā pariyesitabbāti adhippāyo. Idam na yujjati. Kasmā? Itthīnaṃ, purisānañca ekato vacane purisaliṅgasabbhāvato. Idha tiracchānagatapurisapaṇḍakitthiyo tissopi ekato sampiṇḍetvā “tiracchānagato”ti vuttaṃ.

Tattha ca manussaviggahāmanussaviggahesu itthipaṇḍakapurisasaññitā yathāsambhavaṃ veditabbā. Duṭṭhullavācādisikkhāpadadvaye vārānaṃ saṃkhittattā purisatiracchānagatādayo nāgatā. Yathāvuttesu āpatti, tathā tathāpi. Aññathā purisaṃ obhāsantassa ca anāpattīti paṇḍakaṃ obhāsantassa ca thullaccayanti **mātikāṭṭhakathāyaṃ** vuttaṃ. Tasmā te vārā saṃkhittāti paññāyantīti. Viseso ca paṇḍake, purise, tiracchānagate ca itthisaññissa atthi, tathāpi tattha dukkaṭaṃ vuttaṃ, tasmā **aṭṭhakathāyaṃ** vuttameva pamāṇanti dvinnametesam vādānaṃ yattha yutti vā kāraṇaṃ vā atirekaṃ dissati, taṃ vicāretvā gahetabbanti ācariyo. Evarūpesu ṭhānesu suṭṭhu vicāretvā kathetabbam.

Tattha **pāliyaṃ** āgatavārāgaṇanā tāva evaṃ saṅkhepato veditabbā— itthimūlakā pañca vārā paṇḍakapurisatiracchānagatamūlakā ca pañca pañcāti vīsati vārā ekamūlakā, tathā dumūlakā vīsati, missakamūlakā vīsati

1. Vi 2. 278 piṭṭhe.

saṭṭhi vārā, tāni tīṇi vīsaticāni honti. Ekekasmim vīsatike ekekamūlavāraṃ gahetvā kāyena kāyapaṭibaddhavārā tayo vuttā. Sesā sattapaññāya vārā saṃkhittā, tathā kāyapaṭibaddhena kāyavārā tayo vuttā, sesā saṃkhittā, evaṃ kāyapaṭibaddhena kāyapaṭibaddhavārepi nissaggiyena kāyavārepi nissaggiyena kāyapaṭibaddhavārepi nissaggiyena nissaggiyavārepi tayo tayo vārā vuttā, sesā saṃkhittā. Evaṃ channaṃ tikānaṃ vasena aṭṭhārasa vārā āgatāti sarūpato vuttā, sesā dve cattālīsādhikāni tīṇi vārasatāni saṃkhittāni. Tato paraṃ mātuḡāmassa sārattapakke kāyena kāyanti ekamekaṃ vaḍḍhetvā pubbe vuttā aṭṭhārasa vārā āgatāti ekavīsati vārā sarūpena āgatā, navanavutādhikāni tīṇi vārasatāni saṃkhittāni. Tato paraṃ āpattānāpattidīpakā cattāro sevanādhippāyamūlakā cattāro mokkhādhippāyamūlakāti dve catukkā āgatā.

Tatthāyaṃ vireso—yadidaṃ mātikāya parāmasanapadaṃ, tena yasmā āmasanādīni chupanapariyosānāni dvādasapi padāni gahitāni, tasmā paduddhāraṃ akatvā “āmasanā parāmasanaṃ chupanan”ti āha. **Parāmasanaṃ** nāma āmasanā. “Chupanan”ti hi vutte parāmasanampi visum ekattaṃ bhaveyyāti veditabbaṃ. Itthi ca hoti itthisaññi cāti imasmim paṭhamavāre eva dvādasapi āmasanādīni yojetvā dassitāni. Tato paraṃ ādimhi dve padānīti cattāri padāni āgatāni, itarāni saṃkhittānīti veditabbāni. Nissaggiyena kāyavārādīsu pana sabbākārena alābhato āmasanamevekaṃ āgataṃ, netaṃ. “Saṅcopeti haratī”ti¹ pāṭho. Saṅcopeti ca. **Gaṇṭhipadesu** pana “**purimanayenevāti** rajjuvatthādīhi parikkhipane”ti ca pacchā **purimanayenevāti** sammasanā hoti”ti ca “veṇiggāhe āpattiyā paññattattā lomaphusanepi saṃghādiseso”ti ca “taṃ pakāsetum **upādinnakena hīti**-ādi vuttan”ti ca likhitam.

Yathānidḍiṭṭhaniddeseti imasmim yeva yathānidḍiṭṭhe niddese. “Sadisaṃ aggahesī”ti vutte tādisaṃ aggahesīti garukaṃ tattha kārayeti attho, kāyasaṃsaggavibhaṅge vāti attho. Itaropi kāyapaṭibaddhachupanako. **Gahaṇe** cāti gahaṇaṃ vā. **Virāgī**ti viraddhe. **Sārattanti**

kāyasamsaggarāgena rattam, attanā adhippetanti attho. “Mātubhagini-ādivirattam gaṇhissāmī”ti virattam nātipemavasena gaṇhi, ettha dukkaṭam yuttam. “Kāyasamsaggarāgam vā sārattam gaṇhissāmī”ti virattam mātaram gaṇhi, anadhippetam gaṇhi. Ettha **mahāsumattheravādena** thullaccayam “kāyam gaṇhissāmī”ti kāyappaṭibaddham gaṇhāti, thullaccayanti laddhikattā. “Itthī ca hoti itthisaññī sāratto ca, bhikkhu ca nam itthiyā kāyena kāyam āmasati, āpatti saṅghādisesassā”ti¹ vacanato saṅghādisesopi khāyati. “Virattam gaṇhissāmī”ti sārattam gaṇhāti, etthapi saṅghādisesova khāyati “nīlam ghaṭṭessāmī”ti kāyam ghaṭṭeti, saṅghādiseso”ti vacanato. Ettha pana “na pubbhāge kāyasamsaggarāgattā”ti **anugaṇṭhipade** kāraṇam vuttam. Keci pana “garukāpattibhayena ‘nīlameva ghaṭṭessāmī’ti vāyāmato kāyam ghaṭṭeti, pubbhāge tassa ‘kāyapaṭibaddham ghaṭṭessāmī’ti pavattattā dukkaṭena bhavitabban”ti vadanti. **Dhammasiritthero** “evarūpe saṅghādiseso”ti vadati kira. “Itthi-ubhatobyañjanaka-itthiyā purisa-ubhatobyañjanakapurise vuttanayena āpattibhedo, itthilingassa paṭicchannakālepi itthivaseneva āpattī”ti vadanti.

Vinītavatthuvaṇṇanā

281. **Tiṇaḍḍupakanti** hiriverādimūlāni gahetvā kattabbam. **Tālapaṇṇamuddikanti** tālapaṇṇamayam aṅgulimuddikam, tena tālapaṇṇamayam kaṭam, kaṭisuttakam, kaṇṇapiḷandhanādi sabbam na vaṭṭatīti siddham. Tambapaṇṇivāsino itthirūpam likhitam, kaṭikapaṭaṇca na chupanti kira. Ākarato muttamatto. **Ratanamissoti** alaṅkārattham kato tañcanalatādivinaddho. **Suvaṇṇena saddhim yojetvā pacitvāti** suvaṇṇarasam pakkhipitvā pacitvā. **Bijato** dhātupāsānato **paṭṭhāya**. **Thero na kappatīti** “tumhākam pesitan”ti vuttattā. “Cetiyaṣṣa pūjam karoṭhā”ti vutte vaṭṭati kira. **Bubbuḷakam** tārakam. Ārakūḷalohampi jātarūpagatikameva.

Vuttañhetam **andhakatṭhakathāyam**—

“Ārakūḷaham suvaṇṇasadisameva, suvaṇṇam anulometi anāmāsan”ti.

“Bhesajjatthāya pana vaṭṭatī”ti vacanato **mahā-aṭṭhakathāyaṃ** vuttanayekadesopi anuññāto hotīti tattha tattha adhippāyaṃ ñatvā vibhāvetabban.

Kāyasaṃsaggasikkhāpadavaṇṇanā niṭṭhitā.

3. Duṭṭhullavācāsikkhāpadavaṇṇanā

283. Tatiye tayo saṃsādisesavārā tayo thullaccayavārā tayo dukkaṭavārā tayo kāyapaṭibaddhavārāti dvādasa vārā sarūpena āgatā. Tattha tayo saṃghādisesavārā dutiyasikkhāpade vuttāti tiṇṇaṃ vīsaticānaṃ ekekamūlā vārāti veditabbā, tasmā idha viśesāti paṇṇāsa vārā saṃkhittā hontī, aññathā itthī ca hoti vematiko sāratto ca, bhikkhu ca naṃ itthiyā vaccamaggaṃ passāvamaggaṃ ādissa vaṇṇampi bhaṇāti -pa- āpatti thullaccayassa. Itthī ca hoti paṇḍakapurisasaññī tiracchānagatasaññī sāratto ca, bhikkhu ca naṃ itthiyā vaccamaggaṃ passāvamaggaṃ ādissa vaṇṇampi bhaṇāti akkosatipi, āpatti thullaccayassa. Paṇḍako ca hoti paṇḍakasaññī sāratto ca, bhikkhu ca naṃ paṇḍakassa vaccamaggaṃ ādissa vaṇṇampi bhaṇāti, āpatti thullaccayassāti evamādināṃ āpattiṭṭhānānaṃ anāpattiṭṭhānatā āpajjeyya, na cāpajjati, paṇḍake itthisaññissa dukkaṭanti dīpetum “itthī ca paṇḍako ca ubhinnaṃ itthisaññī āpatti saṃghādisesena dukkaṭassā”ti vuttattā “paṇḍake paṇḍakasaññissa thullaccayan”ti vuttameva hoti, tasmā sabbattha saṃkhittavāresu thullaccayaṭṭhāne thullaccayaṃ, dukkaṭaṭṭhāne dukkaṭampi vuttameva hotīti veditabban. Tathā “itthī ca hoti vematiko sāratto ca, bhikkhu ca naṃ itthiyā vaccamaggaṃ passāvamaggaṃ ṭhapetvā adhakkhakaṃ ubbhajāṇumaṇḍalam ādissa vaṇṇampi bhaṇāti -pa- thullaccayassā”ti-ādinā nayena thullaccayakhettepi yathāsambhavaṃ uddharitabbā. Tathā “itthī ca hoti vematiko sāratto ca, bhikkhu ca naṃ itthiyā kāyapaṭibaddhaṃ ādissa vaṇṇampi bhaṇāti -pa- dukkaṭassā”ti-ādinā nayena kāyapaṭibaddhavārāpi yathāsambhavaṃ uddharitabbā. Kāyappaṭibaddhavārattikaṃ viya nissaggiyavārattikaṃ labbhamānampi āpattivisesābhāvato na uddhaṭaṃ. Kāyappaṭibaddhavārattike pana dinnanayattā tampi tadanulomā vārā

ca uddharitabbā. Sabbattha na-viññū taruṇadārikā, mahallikā ummattikādikā ca anadhippetā, pageva pākatikā tiracchānagatitthīnaṃ, tathā paṇḍakādayopīti veditabbā. Sesam̐ dutiye vuttanayeneva veditabbam̐.

Padabhājanīyavaṇṇanā

285. **Vuttanayamevā**ti “kāyasamsagge itthilakkhaṇenā”ti likhitam̐. “Itthilakkhaṇenā”ti kira mahā-aṭṭhakathāpāṭho. **Sīsam̐ na etī**ti akkosanam̐ na hoti, ghaṭite pana hoti. Tatrāyam̐ viseso—imehi tīhi ghaṭite eva saṃghādiseso vaccamaggapassāvamaggānam̐ niyatavacanattā, accoḷārikattā vā, na aññehi animittāsīti-ādīhi aṭṭhahi. Tattha alohitāsī, dhuvalohitāsī, dhuvacoḷāsī, paggharaṇīsī, itthipaṇḍakāsī, vepurisikāsīti etāni cha maggānam̐ aniyatavacanāni, animittāsī, nimittamattāsīti dve padāni anaccoḷārikāni ca, yato aṭṭhapadāni “saṃghādisesam̐ na janentī”ti vuttāni, tasmā tāni thullaccayavatthūni. Paribbājakavatthumhi viya akkosamattattā dukkaṭavatthūnīti eke. Itthipaṇḍakāsī, vepurisikāsīti etāneva padāni sakalasarīrasaṅghānabhedadīpakāni suddhāni saṃghādisesam̐ na janenti sakalasarīrasāmaññattā, itarāni janenti asāmaññattā. Tāni hi passāvamaggameva dīpenti sikharaṇīpadaṃ viya. **Ubhatobyañjanāsī**ti vacanam̐ pana purisanimittena asaṃghādisesavatthunā missavacanam̐. Purisa-ubhatobyañjanakassa ca itthinimittam̐ paṭicchannam̐, purisanimittam̐ pākaṭam̐ hoti. Yadi tampi janeti, katham̐ animittāsīti-ādīpadāni na saṃghādisesam̐ janentīti eke, tam̐ na yuttam̐. Purisassapi nimittādhivacanato, “methunupasaṃhitāhi saṃghādiseso”ti mātikāya lakkhaṇassa vuttattā ca methunupasaṃhitāhipi obhāsane paṭivijānantiyā saṃghādiseso, appaṭivijānantiyā thullaccayam̐, itarehi obhāsane paṭivijānantiyā thullaccayam̐, appaṭivijānantiyā dukkaṭanti eke, sabbam̐ suṭṭhu vicāretvā gahetabbam̐.

287. **Hasantoti** yam̐ uddissa bhaṇati, sā ce paṭivijānāti, saṃghādiseso.

Vinītavatthuvaṇṇanā

289. “Paṭivuttam nāmā”ti pāṭho. **No**-saddo adhiko.
 “Akkharalikhānenapi hoti”ti vadanti, tam āvajjanasamanantaravidhinā
 sameti ce, gahetabbaṃ.

Duṭṭhullavācāsikkhāpadavaṇṇanā niṭṭhitā.

4. Attakāmapāricariyasikkhāpadavaṇṇanā

290. Catutthe tayo saṃghādisesavārā āgatā, sesā sattapaññāsa vārā
 thullaccayadukkaṭṭapattikāya saṃkhittāti veditabbā, tato aññataro
 asamभवतो idha na uddhaṭo. Sesayojanakkamo vuttanayena veditabbo.
Nagaraparikkhārehiti pākāraparikhādīhi nagaraparivārehi. **Setaparikkhāro**ti
 setālaṅkāro, silālaṅkāroti attho¹. **Cakkavīriyoti** vīriyacakko. **Vasalaṃ**
duggandhanti nimittam sandhāyāha, tadeva sandhāya “kiṃ me pāpakam,
 kiṃ me duggandhan”ti vuttam.

291. **Santiketi** yattha ṭhito viññāpeti. “Paṭhamaviggahe sace pāḷivasena
 yojetīti kāmahetupāricariyā-attho. **Sesanti** “adhippāyo”ti padaṃ byañjanam
 atthābhāvato. Dutiye pāḷivasena kāmahetupadāni byañjanāni tesam tattha
 atthābhāvato. Evaṃ cattāri padāni dvinnam viggaḥānam vasena yojitānīti
 apare vadanti”ti vuttam.

295. Etesu sikkhāpadesu methunarāgena vītikkame sati saṃghādisesena
 anāpatti. Tasmā “kiṃ bhante aggadānanti. Methunadhamman”ti idaṃ
 kevalam methunadhammassa vaṇṇabhaṇanattham vuttam, na
 methunadhammādhippāyena tadatthiyā vuttanti veditabbaṃ, parassa
 bhikkhuno kāmāpāricariyāya vaṇṇabhaṇane dukkaṭam. “Yo te vihāre vasati,
 tassa aggadānam dehi”ti pariyāyavacanenapi dukkaṭam.
 “Attakāmapāricariyāya vaṇṇam bhāseyya. Yā mādisam silavantan”ti ca
 vuttattāti eke. Pañcasu aṅgesu sabbhāvā saṃghādisesovāti eke. Vicāretvā
 gahetabbaṃ. **Gaṇṭhipade** pana

1. Saṃ-Ṭṭha 3. 158 piṭṭhepi passitabbaṃ.

“imasmiṃ sikkhāpadadvaye kāyasaṃsagge viya yakkipetīsu duṭṭhullattakāmapavacane thullaccayan’ti vadanti. **Aṭṭhakathāsu** pana nāgatan”ti likhītaṃ. “Ubhatobyañjanako pana paṇḍakagatikovā”ti vadanti.

Attakāmapāricariyasikkhāpadavaṇṇanā niṭṭhitā.

5. Sañcarittasikkhāpadavaṇṇanā

297. **Ahamhi duggatā**ti ahaṃ amhi duggatā. **Ahaṃ khvayyoti** ettha ayyoti bahuvacanaṃ hoti.

298. **Oyācantī**ti nicaṃ katvā deve yācanti. **Āyācantī**ti uccaṃ katvā ādarena yācanti. Alaṅkāradīhi **maṇḍito** kesasaṃvidhānādīhi **pasādhito**. “Maṇḍitakaraṇe dukkaṭan”ti vadanti.

Padabhājanīyavaṇṇanā

303. Saha paridaṇḍena vattamānāti attho. Chandavāsini nāma “piyā piyaṃ vasetī”ti pāḷi, purisaṃ vasetīti adhippāyo. “Piyo piyaṃ vasetī”ti aṭṭhakathā.

Taṃ kiriyam sampādessatīti avassaṃ ārocentiyā ce ārocetīti attho. Dvinnam mātāpitūnam ce āroceti, saṃghādisesoti vinayavinicchaye “vatthu oloketabban”ti vuttaṃ. Vatthumhi ca “**udāyitthero** gaṇikāya ārocesī”ti vuttaṃ. Taṃ “mātādīnampi vadato visaṅketo natthī”ti aṭṭhakathāvacanato nippayojanam. **Taṃ panetanti** ācariyassa vacanam. **Māturakkhitam brūhī**ti pesitassa gantvā mātāpiturakkhitam vadato tassa tassā māturakkhitabhāvepi sati visaṅketaṃeva, kasmā? “Piturakkhitādisu aññataram vadantassa visaṅketan”ti vuttatā itarathā **ādi**-saddo niratthako siyā. Ekam dasakam itarena dasakena yojetvā pubbe sukkavissaṭṭhiyam vuttanayattā māturakkhitāya mātā attano dhītusantikam pahiṇatīti gahetabban.

338. **Anabhinanditvā**ti vacanamattameva, yadipi abhinandati, yāva sāsanam nāroceti, tāva “vīmaṃsito”ti na vuccati. **Sāsanārocanakāleti**

ānāpakassa sāsana vacanakkhaṇe. **Tatīyapade vuttanayenā**ti ekaṅgasampattiyā dukkaṭanti attho. **Vatthugaṇanāya saṁghādisesoti** ubhayavatthugaṇanāya kira.

339. **Catutthe anāpattī**ti ettha pana “paṭiggaṇhāti na vīmaṁsati na paccāharati, anāpattīti ettha viya ‘gacchanto na sampādeti, āgacchanto visamvādeti’ti anāpattipāliyaṇi bhavitabbanti dassanattaṁ vuttan”ti vadanti, ekaccesu potthakesu “atthī”tipi.

Vinītavatthuvaṇṇanā

341. **Alaṁvacanīyā**ti na vacanīyā, nivāraṇe **alaṁ**-saddo. **Therapitā vadatī**ti jīṇṇapitā vadatīti attho. Kiñcāpi ettha “itthī nāma manussitthī na yakkhī na peṭī na tiracchānagatā, puriso nāma manussapuriso na yakkho”ti-ādi natthi, tathāpi kāyasamaggādīsu “manussitthi”ti itthīvatthānassa katattā idhāpi manussitthī evāti paññāyati. Methunapubbabhāgattā manussa-ubhatobyañjanako ca thullaccayavatthukova hoti, sesā manussapaṇḍaka-ubhatobyañjanakaturacchānagatapurisādayo dukkaṭavatthukāva micchācārasāsanaṅgasambhavatoti veditabbaṁ. Yathāsambhavaṁ pana vārā uddharitabbā. Paññatti-ajānane viya alaṁvacanīyabhāvājānanepi acittakatā veditabbā. **Duṭṭhullādīsupī**ti “imasmimpī”ti vuttameva hoti. “Lekhaṁ netvā paṭilekhaṁ ārocitassāpi sañcarittaṁ natthi sañcarittabhāvamañjanantassā”ti vadanti, vīmaṁsitvā gahetabbā.

Sañcarittasikkhāpadavaṇṇanā niṭṭhitā.

6. Kuṭṭikārasikkhāpadavaṇṇanā

342. **Yācanā**ti “detha dethā”ti codanā. **Viññattī**ti iminā no atthoti viññāpanā. “Hatthakammaṁ yācīto upakaraṇaṁ, mūlaṁ vā dassatī”ti yācīti, na vaṭṭatīti. Vaṭṭati¹ senāsane obhāsaparikathādīnaṁ laddhattāti eke. **Anajjhāvutthakanti** assāmikāṁ. **Na āhaṭaṁ paribhuñjitabbanti**

1. Na vaṭṭatīti (?), vaṭṭati (Ka)

“sūpodanaviññattidukkaṭaṃ hotī”ti vuttaṃ. “Kiñcāpi garubhaṇḍappahonakesū”ti vuttaṃ, tathāpi yaṃ vatthivasena appaṃ hutvā agghavasena mahā haritālahiṅgulikādi, taṃ yācituṃ na vaṭṭatī”ti vadanti.

344. So kirāti isi. Tadā ajjhagamā **tadajjhagamā**.

348-9. Na hi sakkā yācanāya kātuṃ, tasmā sayam yācitagehi upakaraṇehīti adhippāyo. **Byañjanam sameti**, na attho. Kasmā? Idha ubhayesaṃ adhippetattā, taṃ dassento “**yasmā panā**”ti-ādimāha. **Idha vuttanayenā**ti imasmiṃ sikkhāpadavibhaṅge vuttanayena. “Saññācīkāyā”ti vacanato karontenāpi, “parehi pariyoṣāpetī”ti vacanato kārāpentenāpi paṭipajjitabbaṃ. **Ubhopete** kārakakārāpakā. **Byañjanam vilomitam bhaveyya**, “kārāyamānenā”ti hi byañjanam “karontenā”ti vutte vilomitam hoti atadattattā. Na hi kārāpento nāma hoti. “**Idha vuttanayenā**ti desitavattukapamañikanayena. Evaṃ sante ‘karontena vā kārāpentena vā’ti vacanato karontenāpi parehi vippakataṃ vattabbanti ce, tadatthavissajjanattham ‘yadi panāti-ādimāhā’ti” **anugaṇṭhipade** vutaṃ. “Saññācīkāya kuṭim karonto”ti vacanavasena vuttaṃ. “Āyāmato ca vitthārato cā”ti avatvā vikappatthassa **vā**-saddassa gahitattā ekatobhāgepi vaḍḍhite āpatti eva. Pamāṇayuttamañico kira navavidatthi. “Catuhatthavitthārā”ti vacanena ‘tiriyaṃ tihatthā vā’ti vacanampi sameti ‘yattha pamāṇayutto’ti-ādisanniṭṭhānavacanāsambhavato”ti vuttaṃ. **Pamāṇato**¹ **ūnatarampī**ti vitthārato catupañcahatthampi dīghato anatikkamitvā vuttapamāṇameva desitavattthu. Adesitavattthum hi karoto āpatti. Pamāṇātikkantā kuṭi eva pamāṇātikkantaṃ kuṭim kareyyāti vuttattā. “Thambhatulā”ti pāṭho. **Anussāvanānayanā**ti ettha “damaḷabhāsāyapi vaṭṭatī”ti vadanti.

353. **Cārabhūmi**² gocarabhūmi. **Na gahitā**ti na vāritā. **Aṭṭhakathāyam** kāraṇāya guttibandhanāgāraṃ akaraṇaṭṭhānaṃ vā dhammagandhikā hatthapādacchindanakā gandhikā”ti likhitaṃ. **Dvīhi balibaddehī**ti heṭṭhimakoṭiyā

1. Sambhavatoti. Vuttapamāṇato (Ka)

2. Gocarabhūmi (Ṭṭha)

kira vuttato āvijjituṃ na sakkā chinnāvaṭattā, nigamanassāpi **atthappakāsanattham** vuttanti veditabbaṃ. **Pācinanti** vatthu adhiṭṭhānaṃ. **Tadatthāyāti** tacchanatthāya. **Paṇṇasālampīti** ullittāvalittakuṭimeva paṇṇacchadanaṃ. Teneva “**sabhitticchadanan**”ti vuttaṃ, alittaṃ kira sabbaṃ vaṭṭati. Pubbe thokaṃ ṭhapitaṃ puna vaḍḍhetvā. **Tasminti** dvārabandhane vā vātapāne vā ṭhapite. **Paṭhamamevāti** ettha pattakāle evāti kira **dhammasiritthero**. **Upatissatthero** ṭhapitakālevāti kira. Purimena lepassa aghaṭitattā dutiyena vattasīsena katattā ubhinnaṃ anāpatti. Sace āṇattena kataṃ, “karoti vā kārāpeti vā”ti vacanato āpatti ubhinnaṃ sati attuddesikatāya, asati mūlaṭṭhasseva. Heṭṭhimappamaṇasambhave sati sabbamattikāmayam kuṭim karoto āpatti dukkaṭena saṃghādisesoti ācariyassa takko.

354. Chattimsa catukkāni nāma adesitavatthukacatukkaṃ desitavatthukacatukkaṃ pamāṇāṭikkantacatukkaṃ pamāṇikacatukkaṃ adesitavatthukapamāṇāṭikkantacatukkaṃ desitavatthukapamāṇikacatukkanti cha catukkāni, evaṃ samādisativārādīsipi pañcasūti chattimsa. **Āpattibhedadassanattanti** ettha yasmā “sārambhe ce bhikkhu vatthusmiṃ aparikkamana -pa- saṃghādiseso”ti **mātikāyam** avisesena vuttattā sārambha- aparikkamanepi saṃghādisesovāti micchāgāhavivajjanattham āpattibhedo dassito, tasmā vuttānīti adhippāyo. **Vibhaṅge** evaṃ avatvā kimattham **mātikāyam** dukkaṭavatthu vuttanti ce? Bhikkhū abhinetabbā vatthudesanāya, tehi bhikkhūhi vatthu desetabbaṃ. Kīdisaṃ? Anārambham saparikkamanaṃ, netaraṃ, itarasmim “sārambhe ce bhikkhu vatthusmiṃ aparikkamana”ti evaṃ ānisaṃsavasena āgatattā vuttaṃ. Yasmā vatthu nāma atthi sārambham, atthi anārambham, atthi saparikkamanaṃ, atthi aparikkamanaṃ, atthi sārambham saparikkamanaṃ, atthi sārambham aparikkamanaṃ, atthi anārambham saparikkamanaṃ, atthi anārambham aparikkamanaṃ, atthi bahuviddhattā vatthu desetabbaṃ anārambham saparikkamanaṃ, netaranti vuttaṃ hoti. Kimatthikā panesā desanāti ce? Garukāpattipaṇṇāpanahetuparivajjanupāyattā. Vatthudesanāya hi garukāpattipaṇṇāpanahetuttā akataviññatti gihīnaṃ piḷājananena attadukkhaparadukkhahetubhūto ca sārambhabhāvoti ete vatthudesanāpadesena upāyena parivajjitā honti. Na hi bhikkhu akappiyakuṭikaraṇattham

gihīnaṃ vā pīḷānimittāṃ sārāmbhavatthu. Kuṭikaraṇatthaṃ vā vatthūṃ desentīti paḥamameva sādhitametāṃ. **Vomissakāpattiyoti** dukkaṭasamghādisesamissakāpattiyō.

355. Tattha “dvīhi samghādisesehī”ti vattabbe “dvinnāṃ samghādisesenā”ti vibhattibyattayena, vacanabyattayena ca vuttaṃ. “Āpatti dvinnāṃ samghādisesānan”tipi pāṭho.

364. **Na ghaṭayati**¹ chadanalepābhāvato, anāpatti, taṃ parato sādhiyati. Chadanameva sandhāya ullittāvalittatā vuttāti. “Kukkuṭacchikagehaṃ vaṭṭatī”ti vatvā puna chadanāṃ daṇḍakehīti-ādinā nayena taṃ dassentehi tiṇapaṇṇacchadanākuṭikāva vuttā. Tattha chadanāṃ daṇḍakehi dīghato tiriyañca jālaṃ viya bandhitvā tiṇehi vā paṇṇehi vā chādetuṃ ullittādibhāvo chadanameva sandhāya vuttoti yuttamidāṃ. Tasmā mattikāmayāṃ bhittim vaḍḍhāpetvā upari ullittāṃ vā avalittāṃ vā ubhayaṃ vā bhittiyā ghaṭitāṃ karontassa āpatti eva vināpi bhittilepenā”ti likhitāṃ. “**So ca chadanameva sandhāyā**”ti padhānavasena vuttaṃ, na heṭṭhābhāgaṃ paṭikkhittan”ti vadanti, vīmaṃsitabbaṃ. **Etthāti** tiṇakuṭikāya. **Yathāsamādiṭṭhāyāti** yathāvuttappakāraṇanti adhippāyo. “Āpatti kārūkānaṃ tiṇṇāṃ dukkaṭānaṃ”ti-ādimhi so suṇātichakkampi labbhati. Ubhayattha samādiṭṭhattā āṇāpakassa anāpatti. Āṇattassa yathā samādiṭṭhaṃ āṇāpakena, tathā akaraṇapaccayā dukkaṭaṃ. Sace “ahampettha vasāmi”ti attuddesampi karoti samghādiseso. “**Kuṭim karoṭhā**”ti avisesena vuttaṭṭhāne pana āṇāpakassāpi samghādiseso acittakattā sikkhāpadassa.

Ahañca vasissāmīti ettha parassa yassa kassaci uddiṭṭhassa abhāvā āpatti eva “karontassa vā”ti niyamitattā, anāpatti avibhattattā. “Idha paññattijānanamattameva cittaṃ”ti ca likhitāṃ. **Anugaṇṭhipade** pana **ahañca vasissāmīti** ettha yo “mayhaṃ vāsāgārañca bhavissatī”ti icchati, tassāpatti. Yo pana uposathāgāraṃ icchati, tassa anāpatti, tasmā “ubhayaṃ sametī”ti vatvā ca “vinayavinicchaye āgate garuke ṭhātabban”ti vacanato mahāpacarivādato itaro pacchā vattabboti ce? Na,

1. Ghaṭiyati (Ṭṭha)

balavattā. “Vāsāgāraṃ ṭhapetvā sabbattha, anāpattī”ti vacanato, bhojanasālādīnampi atthāya iminā katattā saṅkarā jātā. Yathā? Dve tayo “ekato vasissāma”ti karonti, rakkhati tāvāti ettha viya. “Idaṃ ṭhānaṃ vāsāgāraṃ bhavissati, idaṃ uposathāgāraṃ”ti vibhajitvā katepi āpatti eva. Dvīsu mahāpaccharivādo balavā, tasmā “pacchā vutto”ti-ādīnā atīva papañcitā. Kim tena. “Attanā vipakataṃ attanā ca parehi ca pariyoṣāpetī”ti-ādīnā nayena aparānīpi catukkāni yathāsambhavaṃ yojetvā dassetabbāni, leṇādīsu kiñcāpi saṅghādīsesena anāpatti, akataviññattiyā sati tappaccayā āpatti eva.

Kuṭikārasikkhāpadavaṇṇanā niṭṭhitā.

7. Vihārakārasikkhāpadavaṇṇanā

366. Sattame vā-saddo avadhāraṇatthoti veditabbo.

Vihārakārasikkhāpadavaṇṇanā niṭṭhitā.

8. Paṭhamaduṭṭhadosaikkhāpadavaṇṇanā

380. **Sāvakena pattabbanti** pakatisāvakaṃ sandhāya vuttaṃ, na aggasāvakaṃ. Yathūpanissasayathāpuggalavasena “**tisso vijjā**”ti-ādi vuttaṃ. Kenaci sāvakena **tisso vijjā**, kenaci **catasso paṭisambhidā**, kenaci **cha abhiññā**, kenaci kevalo **navalokuttaradhammoti** evaṃ visuṃ visuṃ yathāsambhavaṃ vuttanti veditabbaṃ.

382. “**Ye te bhikkhū suttantikā**”ti-ādivacanato dharamānēpi bhagavati piṭakattayaparicchedo atthīti siddhaṃ. **Dhammakathikāti** ābhidhammikā **ratiyā acchissantīti**-ādi āyasmato dabbassa nesāṃ tiracchānakathāya ratiniyojanaṃ viya dissati, na tathā daṭṭhabbaṃ. Suttantikādīsaṃsaggato tesāṃ suttantikādīnaṃ phāsuviḥārantarāyaṃ, tesampi tiracchānakathāratiyā abhāvena anabhirativāsaṃ, tato nesāṃ sāmāññā

cāvanañca parivajjanto evaṃ cintesīti daṭṭhabbaṃ. **“Nimmitānaṃ dhammatāti sāvakehi nimmitānaṃyeva, na buddhehi”**ti vadanti. **“Sādhakatamaṃ karaṇaṃ”**ti evaṃ vutte karaṇattheyeva tatiyāvibhattīti attho.

383-4. **Yanti** yena. **“Kattāti** kattā, na kattā”ti likhitaṃ. **“Bhariyaṃ viya maṃ ajjhācaratī”**ti vadantiyā balavatī codanā. **Tena hīti** ettha yathā chupanamatte vipptaṣārīvattthusmiṃ kāyasaṃsaggarāgasambhavā apucchitvā eva saṃghādisesaṃ paññāpesi, tatheva pubbevassā dussīlabhāvaṃ ñatvā vuttanti veditabbaṃ. Yadi tāva bhūtāya paṭiññāya nāsītā, thero kārako hoti. Atha abhūtāya, bhagavatā **“nāsethā”**ti na vattabbaṃ, vuttañca, tasmā vuttaṃ **“yadi tāva paṭiññāya nāsītā, thero kārako hotī”**ti.

Atha appaṭiññāyāti “ayyenamhi dūsītā”ti imaṃ paṭiññaṃ vinā eva tassā pakatidussīlabhāvaṃ sandhāya nāsītā, thero akāraḥ hoti.

Abhayagirivāsīnopi attano suttaṃ vatvā “tumahākaṃ vāde thero kārako”ti vadanti, kasmā? Dukkaṭaṃ musāvādapaccayā liṅganāsanāya anāsetabbatā. Pārājikkasseva hi liṅganāsanāya nāsetabbā. **“Nāsethā”**ti ca vuttatā pārājikāva jātā, sā kiṃ sandhāya, tato thero kārako āpajjati. **“Sakāya paṭiññāya nāsethā”**ti vutte pana aparājikāpi attano vacanena nāsetabbā jātāti adhippāyo. **Mahāvihāravāsīnopi** attano suttaṃ vatvā “tumahākaṃ vāde thero kārako”ti ca vadanti. Kasmā? **“Sakāya paṭiññāya nāsethā”**ti hi vutte paṭiññāya bhūtata āpajjati **“nāsethā”**ti vacanato. Bhūtāyeva hi paṭiññāya nāsetabbā hoti, nābhūtāyāti adhippāyo. **Purimanayeti** dukkaṭavāde. Purimo yuttivasena pavatto, pacchimo pāḷivacanavasena pavattoti veditabbo.

385-6. **Pītisukhehīti** ettha “sukhenā”ti vattabbe pītiggaṇaṃ tatiyajjhānasukhaṃ, kāyikañca apanetuṃ sampayuttapītiyā vuttaṃ. Sace cuditakavasena kataṃ amūlakaṃ nāma, **“anajjhāpannaṃ akatan”**ti vadeyya, ime karissanti, tasmā **“tādisaṃ diṭṭhasaññī hutvā codetī”**ti pāṭho. **“Etena nayena sutamutaparisaṅkitānīpi vitthārato veditabbānī”**ti

pāṭho. “**Catunnaṃ aññatarenā**”ti pātimokkhuddese eva āgate gahetvā vuttaṃ, itaresaṃ aññatarenāpi anuddhamśentassa saṃghādisesovāti no takkoti ācariyo. Bhikkhubhāvā hi cāvanasamatthato. “Samīpe ṭhatvā”ti vacanato parammukhā codentassa, codāpentassa vā sīsaṃ na eti. Diṭṭhañce sutena parisāṅkitena codeti codāpeti, sutaparisāṅkitaṃ vā diṭṭhādīhi codite vā codāpīte vā sīsaṃ eti eva amūlakena coditattā. Vuttañhetāṃ “diṭṭhassa hoti pārājikaṃ dhammaṃ ajjhāpajjanto, tañce codeti ‘suto mayā -pa-saṃghādisesassā”ti¹. “Asuddho hoti puggalo aññataraṃ pārājikaṃ dhammaṃ ajjhāpanno, tañce asuddhadiṭṭhi samāno anokāsaṃ kārāpetvā cāvanādhīppāyo vadeti, āpatti dukkaṭassa. Okāsaṃ kārāpetvā cāvanādhīppāyo vadeti, anāpatti”ti² iminā na-samentaṃ viya khāyati, kathāṃ? Diṭṭhassa hoti pārājikaṃ dhammaṃ ajjhāpajjanto nāma asuddho puggalo hoti, “aññatarasmim asuddhadiṭṭhi samāno tañce codeti ‘suto mayā pārājikaṃ dhammaṃ ajjhāpannosī’ti, āpatti vācāya vācāya saṃghādisesassā”ti vacanato purimanayenāpatti. “Cāvanādhīppāyo vadeti, āpatti dukkaṭassā”ti vacanato pacchimanayena saṃghādisesena āpattīti dve pāḷinayā aññamaññaṃ viruddhā viya dissanti, na ca viruddhaṃ buddhā kathayanti, tasmā ettha yutti pariyesitabbā. Aṭṭhakathācariyā tāvāhu “samūlakena vā saññāsamūlakena vā codentassa anāpatti, amūlakena vā pana saññā-amūlakena vā codentassa āpatti”ti. Tassattho— dassanasavanaparisāṅkanamūlena samūlakena vā tadabhāvena amūlakenāpi saññāsamūlakena vā codentassa anāpatti, dassanādīmūlābhāvena amūlakena vā tabbhāvena samūlakenāpi saññā-amūlakena vā codentassa āpatti, tasmā diṭṭhassa hoti.

Pārājikaṃ dhammaṃ ajjhāpajjantoti-ādīmhi dassanamūlena samūlakenāpi “suto mayā”ti vacanato saññā-amūlakena vā codeti, āpatti saṃghādisesassa. Tadatthassa āvibhāvattamaṃ “diṭṭhe vematiko”ti-ādi vārā vuttāti veditabbā.

1. Vi 1. 251 piṭṭhe.

2. Vi 1. 254 piṭṭhe.

Asuddho hoti puggaloti-ādimhi pana samūlakena, saññāsamūlakena vā coditattā anāpattīti. Evamevaṃ pana tadatthadīpanatthaṃ te vārā vuttā. Tattha hi “adiṭṭhassa hoti”ti-ādivārā amūlakena codentassa āpatti hotīti dassanatthaṃ vuttā. “Diṭṭhe vematiko”ti-ādinā saññā-amūlakena codentassa āpatti hotīti dassanatthaṃ vuttā. Aññathā “diṭṭhassa hoti, diṭṭhe vematiko”ti-ādivārā nibbisesā bhaveyyuṃ. Idaṃ panettha sanniṭṭhānaṃ yathā asuddhaṃ puggalaṃ anokāsaṃ kārapetvā codentassa dukkaṭaṃ, akkosādhippāyassa ca omasavādena dukkaṭassa, tathā asuddhadiṭṭhikopi asuddhaṃ asuddhadiṭṭhi amūlakena codeti, āpatti. Samūlakena vā codeti, anāpattīti taṃ sanniṭṭhānaṃ yathā “anāpatti suddhe asuddhadiṭṭhissa asuddhe asuddhadiṭṭhissā”ti iminā sāmsandati, tathā gahetabbaṃ. Aññathā yutti pariyesitabbā.

Sīlasampannoti ettha “dussīlassa vacanaṃ appamaṇaṃ. Bhikkhunī hi bhikkhumhi anissarā, tasmā ukkaṭṭhanaye vidhiṃ sandhāya therena vuttaṃ. Dutiyattherena bhikkhunī ajānitvāpi codeti, sikkhamānādayo vā codenti, tesaṃ sutvā bhikkhū eva vicāretvā tassa paṭiññāya kārenti. Ko ettha dosoti idaṃ sandhāya vuttaṃ. Tatiyena titthiyānaṃ vacanaṃ sutvāpi bhikkhū eva vicārenti, tasmā na koci na labhatīti evaṃ sabbaṃ sameṭīti apare”ti vuttaṃ. **Timsāni** timsavantāni. **Anuyogoti** paṭivacanaṃ. **Ehitīti** āgamissati. **Diṭṭhasantānenāti** diṭṭhanayena, diṭṭhavidhānenāti adhippāyo. **Pakīṭṭhāyāti** paṭiṭṭhaṃ labhitvā. **Ṭhāneti** lajjiṭṭhāne.

Gāhanti “ahaṃ codessāmi”ti attādānaggahaṇaṃ. **Cetanāti** attādānaggahaṇacetanā. **Vohāroti** ito, etto ca ñatvā pakāsaṇaṃ. **Paṇṇattīti** nāmapaññatti. Yā vacīgho sārammaṇassa sotadvārappavattaviññāṇasantānassa anantaram uppannena upaladdhapubbasāṅketena manodvāraviññāṇena viññāyati, yassā viññātattā tadattho paramattho vā aparamattho vā tatiyavāraṃ uppannena manoviññāṇena viññāyatīti nāmādīhi chahi byañjanehi pāḷiyā pakāsītā, sā “vijjamānapaññatti avijjamānapaññatti”ti-ādinā chadhā ācariyehi dassitā. Tabbhāgiyabhāvo atabbhāgiyabhāvo ca nipphannadhammasseva yujjati, na paññattiyā

adhikaraṇīyavatthuttā, adhikaraṇe pavattattā ca adhikaraṇo mañcaṭṭhe mañcopacāro viyāti ca. “**Pariyāyenā**ti amūlakā nāmapaññatti natthi. Pariyāyamattam, sabhāvato natthi. Abhidhānamattameva, abhidheyyam natthī”ti ca likhitam. **Idhevā**ti imasmim eva sikkhāpade. **Na sabbatthāti** vivādādhikaraṇādīsu. Kasmā? **Na hī**ti-ādi. Vivādādhikaraṇādīnamatthitā viya amūlakam adhikaraṇam natthīti. **Pubbe vuttasamathehī**ti “yam adhikicca samathā vattantī”ti vuttasamathehīti adhippāyo. Apica **sabhāvato natthī**ti appaṭiladdhasabhāvattā vuttam. Anuppannam viya viññāṇādi. **Na hi vivādādīnam paṇṇatti adhikaraṇaṭṭhoti**¹ paṇṇattim adhikicca samathā na pavattanti, tasmā na tassā adhikaraṇīyatāti na vivādādīnam paṇṇatti adhikaraṇaṭṭhoti adhippāyo. Hoti cettha—

“Pārājikāpatti amūlikā ce,
 Paṇṇattimattā phalamaggadhammā.
 Catutthapārājikavatthubhūtā,
 Paṇṇattimattāva siyūm tatheva.
 Tato dvidhā maggaphalādīdhammā,
 Siyūm tathātītamanāgatañca.
 Paṇṇattichakkaṃ na siyā tato vā,
 Pariyāyato sammutivādamāhā”ti.

Anuvadantīti akkosanti. **Kiccayatā**ti karaṇīyatā. Tam katamanti ce? **Apalokanakammanti**-ādi. **Kiccanti** viññattisamutṭhāpakacittam kira adhippetam.

387. **Sutādīnam abhāvena amūlakattanti** ettha yo disvāpi “diṭṭhosi mayā”ti vattum asakkonto attano diṭṭhaniyāmeneva “sutosi mayā”ti vadati. Tassa tasmim asuddhadiṭṭhittā āpatti, idha pana yo pubbe sutvā anāpatti, pacchā tam vissaritvā suddhadiṭṭhi eva samāno vadati, tam sandhāya vuttam. “Esa nayo sabbatthāti apare”ti vuttam. Jeṭṭhabbatiko kākekappaṭivattā. **Yadaggenā**ti yāvata, yadā vā. **No kappetī**-ādi vematikābhāvadīpanatthameva vuttanti dasseti. Tena vematikova

1. Adhikaraṇam. Adhikaraṇaṭṭho (Ṭṭha)

nassarati samuṭṭho nāmāti āpajjati, taṃ na yuttaṃ tadanantarabhāvato, tasmā dutiyattheravādo pacchā vutto.

389. **Sabbatthā**ti sabba-aṭṭhakathāsu. **Okāsakammanti** okāsakaraṇaṃ. “Okāseṇa kammaṃ okāsakammaṃ”ti likhitaṃ. Asūriyaṃ passati kaññāti ettha yathā kaññā sūriyaṃ na passatīti bhavati, evaṃ “anokāsaṃ kāretvā”ti vutte okāsaṃ na kāretvāti hoti.

Paṭhamaduṭṭhadosasikkhāpadavaṇṇanā niṭṭhitā.

9. Dutiyaduṭṭhadosasikkhāpadavaṇṇanā

391. **Veḷuvaneyevāti** idaṃ tehi vuttavelaṃ sandhāya vuttaṃ. “Pubbe mayam āvuso sutena avocumhā”ti “amhehi sā ussāhitā kupitehi anattamanehi”ti-ādivacanaṃ sandhāya vuttaṃ, **aññabhāgassa idanti** manussabhikkhubhāvato aññabhāgassa tiracchānachagalakabhāgassa idaṃ chagalakajātaṃ adhikaraṇaṃ. **Aññabhāgo vā assa atthīti** so tiracchānachagalakabhāvasaṅkhāto aññabhāgo assa chagalakassa atthīti svāyaṃ chagalako aññabhāgiyaṃ adhikaraṇaṃ nāma.

Tattha paṭimāya sarīraṃ, silāputtakassa sarīranti nidassanaṃ, paṭhamaṃ panettha nibbacaṇaṃ jātipadatthotivādīnaṃ matena vuttaṃ. Sā hi sāmibhāvena, niccabhāvena ca padhānattā sattisabhāve ṭhitā. Tabbiparītakattā byattākati jātiyo tu padattho¹ iti imassa suttassa vasena dutiyaṃ nibbacaṇaṃ vuttanti veditabbaṃ, **nāmakaraṇasaññāya ādhāroti** ettha nāmameva nāmakaraṇaṃ. Nāmaṃ karontānaṃ saññā nāmakaraṇasaññā, tassā. Manussajātiko chagalakajāti-ādhāro nāma. Na hi taṃ nāmaṃ kacchapalomaṃ viya anādhāranti adhippāyo. Taṃ pana chagalakassa dabboti dinnanāmaṃ “deso”ti vuccati. Tasmā theram amūlakenāti-ādinā aññampi vatthum therassa lissati silissati vohāramatteneva, na atthato, īsakaṃ allīyatīti lesoti adhippāyo. Yasmā desalesā atthato ninnānākaraṇā, tasmā “kañci desaṃ lesamattaṃ upādāyā”ti uddharitvā “dasa lesā jātileso”ti-ādi vuttanti veditabbaṃ. Yathā

1. Nyāyadassana 3, 63.

nidāne, evaṃ sikkhāpadapaññattiyampi mātikāyampi ayamevattho. Yasmā **aññabhāgiyassa adhikaraṇassāti** chagalakassa. **Kañci desaṃ lesamattaṃ upādāyāti** dabboti nāmaṃ upādāyāti ayamattho aṭṭhuppattivaseva āvibhūto, tasmā na vibhatto. Kiñca bhiiyo aniyamattā. Na hi mettiyabhūmajānaṃ viya sabbesampi chagalakameva aññabhāgiyaṃ adhikaraṇaṃ hoti. Aññaṃ gomahimsādikampi hoti, na ca mettiyabhūmajakā viya sabbepi nāmalesamattameva upādiyanti. Aññaṃ jātilesādim upādiyanti, tasmā aniyamattā ca yathāvuttanayena na vibhattaṃ. Kiñca bhiiyo tathā vutte chagalakasseva aññabhāgiyatā sambhavati, na aññaṃ, yena sova dassito. Leso ca nāma lesova, na jāti-ādi, yena sova dassitoti evaṃ micchāgāhappasaṅgato ca tathā na vibhatto.

393. **Aññabhāgiyassāti** cuditakato aññaṃ. **Adhikaraṇassāti** manussassa vā amanussassa vā tiracchānagatassa vāti evaṃ vattabbaṃ. Evañhi vutte manussādīnaṃyeva jātilesādayo vuttā honti, aññathā catunnaṃ adhikaraṇānaṃ te āpajjanti “adhikaraṇassa kañci desaṃ lesamattaṃ”ti sāmivacanaṃ pubbaṅgamaṃ uddiṭṭhattāti ce? Na, nāmassa viya jāti-ādīnaṃ manussādīnaṃ ādhārabhāvānīyamasambhavato, adhikaraṇabhāvānīyamatoti vuttaṃ hoti. Niyame ca sati jātiyā ādhāro jāti, liṅgassa ca liṅgaṃ, āpattiyā ca āpanno ādhāro, viruddhānampi asamādinānampi pattacīvarānaṃ sāmiko ādhāro, yena adhikaraṇasaṅkhyāṃ gaccheyyāti āpajjatīti adhikaraṇassāti padaṃ abhājetabbameva bhaveyyāti na uddharitabbaṃ siyā, uddharitabbaṃ. Tasmā “**adhikaraṇanti vacanasāmaññato**”ti-ādi sabbaṃ vattabbaṃ. **Apākaṭā** ito aññaṃtra dassitaṭṭhānābhāvato. **Jānitabbā ca vinayadharehi** yasmā aññathā **parivāre** “vivādādhikaraṇaṃ catunnaṃ adhikaraṇānaṃ vivādādhikaraṇaṃ bhajati”ti-ādīnaṃ nayena anāgataṭṭhāne “kasmā”ti vutte kāraṇaṃ na paññāyeyya, tasmā tesāṃ tabbhāgiyatā ca aññabhāgiyatā ca jānitabbā vinayadharehi. Tāsu hi viññātāsu vivādādhikaraṇaṃ vivādādhikaraṇaṃ bhajati. Kasmā? Tabbhāgiyattā. Itaraṃ na bhajati aññabhāgiyattāti sukhakāraṇato paññāyanti, tasmā **vacanasāmaññato laddhaṃ adhikaraṇaṃ nissāyāti**-ādi.

Tattha yasmā āpattaññabhāgiyaṃ mahāvisayaṃ, itarehi asadisaṇḍesaṇca, tasmā taṃ adhikaraṇapariyāpannampi samānaṃ visuṃ vuttaṃ “āpattaññabhāgiyaṃ vā hotī”ti. Adhikaraṇapariyāpannattā ca “adhikaraṇaññabhāgiyaṃ vā”ti ettha vuttanti veditabbaṃ. Tatthāpi mahāvisayattā, **mātikāyaṃ** āgatattā ca paṭhamaṃ aññabhāgiyatā vuttā, pacchā tabbhāgiyatāti veditabbā. Tattha yasmā adhikaraṇaññabhāgiyavacanena atthāpattinayena siddhaṃ. Adhikaraṇaṃ tabbhāgiyaṃ, tasmā “adhikaraṇaṃ tabbhāgiyaṃ hotī”ti evaṃ uddesaṃ akatvā “kathaṃ adhikaraṇaṃ adhikaraṇassa tabbhāgiyaṃ hotī”ti pucchāpubbaṅgamaniddeso kato. Tatthāpi āpattādhikaraṇassa aññabhāgiyatā kiñcāpi pārājikena anuddhaṃsitādhikārattā pārājikānaṃyeva vasena vuttā, atha kho sesāpattikkhandhavasenaṃpi veditabbā. Yā ca sā codanā “asuko nāma bhikkhu saṃghādisesaṃ ajjhāpajjanto diṭṭho hotī”ti-ādikā, tattha “saṃghādisese thullaccayadiṭṭhi hoti, dubbhāsita saṃghādisesadiṭṭhi hotī”ti evamādikā vinaye apakataññutāya, taṃtaṃvatthusarikkhatāya vā vuttāti veditabbā. Sabbatthāpi “pārājikadiṭṭhi hotī”ti na vuttaṃ. Tathāsaññino anāpattito. “**Tabbhāgiyavicāraṇāyaṃ**”ti tabbhāgiyapadaniddese aññabhāgiyatāyapi niddiṭṭhattā vuttaṃ.

Vatthusabhāgatāyāti anuvādavatthusabhāgatāyāti attho. Aññathā “catasso vipattiyo”ti vacanaṃ virujjheyya. **Sabhāvasarikkhāsarikkhato cāti** sabhāvena sadisāsadisato. Tattha jhānādivatthuvisabhāgatāyapi sabhāvasarikkhatāya uttarimanussadhammapārājikāpatti tasseva tabbhāgiyāva hoti. Tathā vatthivasena anuvādādhikaraṇaṃ, kiccādhikaraṇaṇca pāṭekkaṃ catubbidhampi vuttaññabhāgiyaṃ na jātaṃ, tasmā tadaññabhāgiyatāya viditāya tabbhāgiyatā pariyesayuttīyā avuttāpi sijjhatīti katvā “aññabhāgiyameva paṭhamaṃ niddiṭṭhan”tipi vattaṃ yujjati. **Ekamsena tabbhāgiyaṃ na hotīti** sarikkhavasena arahattaṃ āpatti anāpattīti vivādasabbhāvato abyākatabhāvena vivādādhikaraṇassapi aññabhāgiyaṃ siyā, **pāliyaṃ** āpattādhikaraṇassa vuttattā evaṃ vuttaṃ, **ādito paṭṭhāyāti** “aññabhāgiyassa adhikaraṇassā”ti ito paṭṭhāya. “Methunarāgena manussaviggaho

dosenāti-ādinā sarikkhato cā”ti likhitam. Tam vatthuisabhāgatāya eva siddham. Ayaṃ pana vatthusabhāgatāyapi sati āpattisabhāgatā sarikkhatoti no takkoti ca, ekasmimpi hi vatthusmiṃ āpattibhedo hotīti **ācariyo**. Parato vuttanayena veditabbanti sambandho.

“Kiccameva kiccādhikaraṇaṃ”ti vuttatā saṃghakammānametaṃ adhivacanaṃ. **Kammalakkhaṇanti** kammānaṃ sabhāvaṃ. **Tam nissāyāti** pubbeva hi saṃvidhāya saṃgho kammaṃ karoti. Atha vā **purimaṃ purimanti** parivāsa-ukkhepaniyādīni saṃghakammāni nissāya abbhāna-osāraṇādi uppannanti katvā vuttam. Tasmā kiñcāpi saṃghakammameva kiccādhikaraṇaṃ, tathāpi sesaviseso labbhatīti dasseti.

394. Atthato ekaṃ, tasmā desassa atthamavatvā “leso”ti-ādi vuttam kira.

395. **Savatthukam katvāti** puggalassa upari āropetvā khattiyādibhāvena ekajātikopi dīgharassakālakodātādīnaṃ diṭṭhasutaparisaṅkitānaṃ vasena aññabhāgiyatā, dīghaṃ khattiyam ajjhācarantaṃ disvā rassādikhattiyapaññattiyā ādhārabhāvato jātilesena codeti, ekaṃ vā khattiyam ajjhācarantaṃ disvā tato viṣiṭṭhaññabhāgabhūtaṃ khattiyam jātilesam gahetvā “khattiyosī”ti codeti diṭṭhādi-aññabhāgena. Ettha ca “dīghādayo, diṭṭhādayo ca jātināmādīnaṃ vatthubhūtattā adhikaraṇaṃ”ti likhitam. Tam “adhikaraṇabhāvānyamato”ti vattadosam nātikkamati, **aṭṭhakathāyam** “khattiyajātīpaññattiyā ādhāravasena adhikaraṇatā ca veditabbā”ti vuttam. Tampi nāmagottato aññissā nāmagottapaññattiyā nāma kassaci abhāvato na sabbasādhāraṇaṃ, tasmā “adhikaraṇassā”ti paduddhāraṇaṃ adhikaraṇacatukkadassanattham, tam samānavacanadassanatthanti no takkoti. Tattha **dīghādino vā diṭṭhādino vāti** ettha dīghādītā, diṭṭhādītā ca aññabhāgo, yo¹ cuditako itarassa viseso yato aññoti vuccati.

399. **Lahukam āpattinti** pārājikato lahukāpatti saṃghādisesādi. Teneva ante tam dassentena “bhikkhu saṃghādisesam

1. So (?)

ajjhāpajjanto diṭṭho hotī”ti-ādi vuttaṃ. Āpattilesopi kimatthaṃ jātilesādayo viya na vitthāritoti ce? Tathā asambhavatoti veditabbaṃ.

400. **Sātakapatto sarīraṭṭhapatto. Āpattiyāti pārājikāpattiyā aññabhāgiyaṃ saṃghādisesādi, adhikaraṇaṅca āpattipaṇṇattiyā.** “Leso nāma āpattibhāgo”ti vuttattā āpattibhāvaleso vuttoti veditabbo, tasmā pārājikāpattito aññabhāgiyassa āpattipaṇṇattiyā ādhāraṇaṭṭhena— “adhikaraṇaṅ”ti saṅkhyāṃ gatassa saṃghādisesādino āpattinikāyassa āpattibhāvalesaṃ gahetvā codanā āpattilesacodanāti veditabbā.

408. **Anāpatti tathāsaññī codeti vā codāpeti vāti** āpattaññabhāgiyacodanāyameva, na aññattha. Ettāvataṃ paṭhamaduṭṭhadose vuttavacaraṇāya saṃsanditaṃ hoti, taṃ idha kathaṃ paṇṇāyatīti ce? **Kaṅkhāvitaraṇiyā**¹ vacanato. Vuttañhi “tattha idha ca āpattaññabhāgiyacodanāya tathāsaññīnopi anāpattī”ti.

Aññabhāgiyasikkhaṃ yo, neva sikkhati yuttito.
Gacche vinayaviññūhi, aññabhāgiyataṅca soti.

Dutiyaduṭṭhadosasikkhāpadavaṇṇanā niṭṭhitā.

10. Paṭhamasaṃghabhedasikkhāpadavaṇṇanā

409. “Vajjaṃ na phuseyyā”ti ca pāṭho.

410. **Tesaṃ** anurūpājānanato **asabbaññū assa.** “Na bhikkhave asenāsanikena vassaṃ upagantabban”ti² vuttattā paṭikkhittameva. **Tikoṭiparisuddhanti** parassa pāpapaṅganivāraṇatthaṃ vuttaṃ, na paṭiccammanivāraṇatthaṃ **koṭihīti** ākārehi. **Parisuddhanti** vimuttaṃ. Dasahi lesehi uddissa kataṃ samaṇā paribhuñjanti, assamaṇā imeti sāsanassa garahabhāvo

1. Kaṅkhā-Ṭṭha 140 piṭṭhe.

2. Vi 3. 212 piṭṭhe.

āgaccheyya, garahapaccayā loke vā apuññaṃ ariyūpavādaṃ pasaveyya, tehi vimuttanti attho. **Vāguranti** migajālam. **Attano atthāya vāti**-ādinā paresaṃ atthāya kate kappiyabhāvaṃ dassetvā bhikkhūnaṃca aññesaṃca atthāya kate taṃ dassetuṃ “**matānaṃ petakiccathāyā**”ti-ādimāha.

Yaṃ yaṃ hīti-ādi tassa kāraṇassa dassanatthaṃ vuttaṃ. Puna pañcannaṃ sahadhammikānaṃ atthāya kataṃ na kappatīti vuttanti kira **dhammasiritthero. Gaṇṭhipade** “bhikkhūnameva suddhānaṃ atthāya kataṃ na vaṭṭatī”ti likhitaṃ. Aparenti pana “**matānaṃ petakiccathāyāti**-ādinā vuttepi kappati, **bhikkhūnaṃyeva atthāyāti** iminā ‘bhikkhūnampi datvā mayāṃ bhuñjissāmā’ti katampi vuttaṃ. Puna ‘pañcasu ekaṃ uddissakataṃ itaresaṃ na kappatī’ti dassanatthaṃ ‘**pañcasu hi sahadhammikesūti**-ādi vuttan’ti vadantī”ti vuttaṃ. Aññatarasmiṃ pana **gaṇṭhipade** “amhākanti ca rājayuttādīnanti ca vutte vaṭṭatī”ti vatvā ‘tumahākan’ti avatvā ‘petakiccathāyāti vuttepi vaṭṭatī’ti ca dassetvā sabbattha vuttānaṃ, ādisaddena saṅgahitānaṃca lakkhaṇaṃ ṭhapentena ‘bhikkhūnaṃyeva’ti-ādi vuttaṃ. Tattha ‘bhikkhūnaṃ uddiṭṭhe evāti adhippāyena’ti vuttaṃ. Na ‘tumahākaṃ, amhākañcāti vutte anāpattī’ti dassanatthaṃ. Kasmā? Missakavārassa abhāvā. Lakkhaṇaṃ nāma vuttānaṃ, vuttasadisānaṃca hoti. ‘Sace petakiccathāyāti vuttaṭṭhāne bhikkhūnaṃ bhojanaṃ sandhāya karontī’ti vadanti mahā-aṭṭhakathāyaṃca ‘tasmim vāre ca na tumhākanti vutte vaṭṭatī’ti vuttatā. Teneva idhāpi ‘petakiccathāya, maṅgalādīnaṃ vā atthāya katepi eseva nayo’ti pubbe vuttatthavasena vuttaṃ. ‘Avadhāraṇatthena missake vaṭṭatī’ti ce? ‘Kappiyamaṃsassa hi paṭiggahaṇe āpatti natthī’ti vacanena akappiyapaṭiggahaṇe āpattīti āpannaṃ, ‘taṃca gahetabbaṃ siyā’ti paṭikkhipitabbā”ti vuttaṃ, taṃ sundaraṃ viya dissati, vicāretvā gahetabbaṃ. **Yattha cāti** bhikkhūnaṃ atthāya katepi. Tamatthaṃ āvi kātuṃ “**sace panā**”ti-ādi vuttaṃ. Ettha pana “bhikkhūnaṃ dukkaṭaṃ, itaresaṃ daṇḍakammavattū”ti vadanti. **Kappaṃ nirayamhīti** asaṅkhyeyyakappaṃ. Vivaṭṭaṭṭhāyikāleyeva saṅghabhedo hotīti. **Kappanti** āyukappaṃ.

411. **Kusalanti** khemaṃ. **Āpattibhayā katā lajjihīti** ettha āpattibhayena avassaṃ ārocetīti dassanatthaṃ “lajjī rakkhissatī”ti¹

1. Visuddhi 1. 95; Vi-Ṭṭha 1. 199 piṭṭhe.

porāṇavacanassānurūpato “**aññehi lajjhī**”ti vuttaṃ. Alajjissapi anārocentassa āpattiyeva “ye passanti ye suṇanti”ti vacanato.

416. **Asamanubhāsantassāti** kammakārake kattuniddeso, samanubhāsanakammaṃ akariyamānassāti attho. **Odissa anuññāto** nāma ummattakakhittacittavedanaṭṭādiko “anāpatti ādikammikassā”ti¹ **ariṭṭhasikkhāpade** āgatattā atthīti ce? **Yampīti**-ādi. **Sā panesā** anāpatti. **So vuccatīti** tattha āgatopi sakammabyāvaṭopi evaṃ vuccati. **Etenupāyenāti** asamanubhāsantassa ca ādikammikassa ca vuttatthavasena. **Ṭhapetvā ariṭṭhasikkhāpadanti** tattha ādikammikapadābhāvā.

Tivaṅgikanti ettha vācāya eva paṭinissajjantassa oṭṭhacalanādikāyaviññatti hoti, tasmā duvidhampi viññattiṃ kathentassa hoti. Vacībhedaṃ kātuṃ asakkontassa kāyavikāraṃ karontassa anāpattiyā bhavitabbaṃ. Kasmā? Tivaṅgesu ekassa parihīnattā, tasmā tivaṅgabhāvo āpattiyā, aṅghānibhāvo anāpattiyāti gahetabbaṃ. Ettha siyā—yadi aṅghānibhāvena anāpatti, evaṃ santepi vikāraṃ akatvā citteneva vissajjentassa anāpattiyā bhavitabbanti? Taṃ na, kasmā? **Aṭṭhakathāyaṃ** “kāyavikāraṃ vā vacībhedaṃ vā akarontasseva pana āpajjanato akiriyaṃ”ti hi vuttaṃ, “cittaṃ vā anuppādentassa vā”ti na vuttaṃ, tasmā cittaṅca nāma viññattipaṭibaddhaṃ evāti visuṃ aṅgabhāveneva vuttattā jānitabbanti ce? Taṃ na, dvinnamyeva akiriyaṃ, tasmā cittaena vissajjentassāpi āpatti viya dissati, upaparikkhitvā gahetabbaṃ. Tattha “akusalacittan”ti vuttanti ce? “Cittabāhullato vuttan”ti vadanti. Tepi kira bāhullato vadanti.

Paṭhamasaṃghabhedasikkhāpadavaṇṇanā niṭṭhitā.

11. Dutiyasaṃghabhedasikkhāpadavaṇṇanā

422. **Saññīti** saññino.

Dutiyasaṃghabhedasikkhāpadavaṇṇanā niṭṭhitā.

1. Ariṭṭhasikkhāpade paripuṇṇaṃ na dissati.

12. Dubbacasikkhāpadavaṇṇanā

424. **Patam** patitam vivari vivaṭṭayi. Ekato ussāreti ca gīlītaṭo ṭhapeti ca. Ekapaṃsuthupakanadīsaṅkhaṃ **dīghamūlakapaṇṇasevālaṃ sevālaṃ** daṇḍisipparim **paṇakam** pesiṭṭhim nissāreti. **Tilabijakanti** sukhumamūlapaṇṇakam hutvā udakapiṭṭhe pattharikam **udakapappaṭakam** nissāreti.

425-6. “Dubbacajātiko”tipi paṭhanti. **Apadānenāti** purāṇakamma. “Kim pubbepi mayam evarūpaṃ karomāti-ādinā ekūnavīsati”ti **mahāpaccariyam** kira vuttam. **Mahā-aṭṭhakathāyañca anumānasuttatṭhakathāyañca** “soḷasavatthukā”ti vuttam, tam sameti.

Dubbacasikkhāpadavaṇṇanā niṭṭhitā.

13. Kuladūsakasikkhāpadavaṇṇanā

431. Na kevalam vihāro eva kiṭāgiri, sopi gāmo “**kiṭāgiri**”cceva vuccati. Gāmañhi sandhāya parato “na assajipunabbasukehi bhikkhūhi kiṭāgirisimim vatthabban”ti vuttam. Ekasamvacchare dvikkhattum vassati kira, tam sandhāya “**dvīhi meghehi**”ti vuttam. **Samadhikanti** cha jane sandhāya. **Akatavatthunti** navam aṭṭhuppattim. “Jātisumanādigaccham allānam haritānam evā”ti likhitam. Būtagāmabījagāmabhedato panesa bhedo. **Vatathāyāti** vati-atthāya¹. **Yamkiñcīti** sodakam vā nirudakam vā. **Ārāmādi-atthāyāti** vanarājikādi-atthāya. Mālāvaccharopanam kuladūsakamyeva sandhāya, ganthanādisabbam na sandhāya vuttanti. Katham paññāyatīti ce? Tam dassetum “**buddhena dhammo**”ti-ādi. “Āveḷam ābiḷan”tipi pāṭho.

Gopphananti ganthanam. **Veṭṭhimanti** taggatikameva. **Vedhimam** aññena kenaci pupham vedhetvā katam. **Kaṇṭakampi bandhitunti** ettha “sayā vijjhanattham na vaṭṭati. Aññassatthāya vaṭṭati”ti vadanti. Jālamayam vitānam **jālavitānam**. **Pupphapaṭicchakam** gavakkham viya sachiddam karonti. **Tālapaṇṇaguḷakanti** tālapaṇṇamayam puna katampi paṭichijjakameva. **Dhammarajju** cetiyam vā bodhim vā pupphappavesanattham

1. Vanatthāyāti aṭṭhakathāyam.

āvijjhivā baddharajju. “Kāsāvena baddhampi suttavākādīhi baddham bhaṇḍitasadisaṇ”ti likhitam. **Amsabhaṇḍikam** pasibbake pakkhittasadisattā vedhimaṇ na jātaṇ, tasmā “sithilabaddhassa antarantarā pakkhipituṇ na vaṭṭati”ti vadanti. “Aññaṇaṇñaṇ aphusāpetvā anekakkhattumpi parikkhipituṇ vaṭṭati”ti vadanti. **Pūritanti** dīghato pasāretvā pūritam. **Ghaṭṭikadāma-olambakoti** “yamakadāma-olambako”ti likhitam. “Geṇḍukharapattadāmānaṇ paṭikkhittattā celādīhi katadāmampi na vaṭṭati akappiyānulomattā”ti vadanti.

“**Recakam** nāma tathālāsiyanāṇanaṇaṇ naccan”ti likhitam. Tam “parivattanti”ti vuttam. “Sāriyo nāma rutasunakhā siṅgālakammakuruṅgakeḷipane ṭhitā”ti kira pāṭho. “Nibujjhanti”ti pāḷi.

432. **Abalabalādi**-padānaṇ uppaṭipāṭiyā. Yathā pāmokkhānaṇ vasena sabbepi “assajipunabbasukā”ti vuttā, tathā pāmokkhappattasāvakassa vasena tadāyattavuttine sabbepi “sāriputtā”ti. Tena vuttam “gacchatha tumhe sāriputtā”ti.

433. “Gāme vā na vasitabban”ti imināva tasmim gāme aññaṭṭha na vasitabbanti siddham. “Tasmim vihāre vā”ti kasmā vuttanti ce? Atthasabbhāvato. Yasmiṇhi gāme kuladūsakakammaṇ kataṇ, tasmim gāme, yasmim vihāre vasantena kuladūsanam kataṇ, tam vihāram ṭhapetvā aññaṇsmim vasituṇ na vaṭṭatīti dassanattham. Tam kathanti ce? “Gāme vā na vasitabban”ti vacanena yasmim gāme kuladūsanakammaṇ kataṇ, tasmim vihārepi vasituṇ na labbhatīti āpannam, tam disvā “tasmim vihāre”ti vuttam, tena tasmim gāme aññaṇsmim vasituṇ labbhatīti siddham. “Tasmim vihāre vasantenā”ti iminā tasmim gāme aññaṭṭha vasantena sāmantaḡāme piṇḍāya carituṇ vaṭṭatīti dīpitaṇ hoti. **Sāmantavihārepīti** sāmantavihāro nāma tasmim yeva gāme tassa vihārassa sāmantavihāro ca tassa ḡamassa sāmantavihāro cāti ubhayaṇ vuccati, etena tasmim gāme aññaṭṭha vasantena tasmim gāme piṇḍāya na caritabban. Sāmantaḡāmepi piṇḍāya carituṇ vaṭṭati, puna yasmim gāme kuladūsanakammaṇ kataṇ, tassa sāmantaḡāme kuladūsakavihārassa sāmantavatthuvihāre vasantena tasmim ḡamepi carituṇ vaṭṭati. Yasmiṇ sāmantaḡāme kuladūsakam na kataṇ, tasmimpi carituṇ vaṭṭati, neva vihāreti adhippāyo.

“**Na nagare caritun**”ti vuttattā aññasmiṃ vihāre tasmim̄ gāme vasitum vaṭṭatīti dīpitaṃ hotīti eke. **Gaṇṭhipadesu** pana vicāraṇā eva natthi, tasmā suṭṭhu vicāretvā kathetabbaṃ.

436-7. **Dāpetum na labhanti**, pupphadānañhi siyā. **Tasseva na kappatī**ti ettha yāgu-ādīni ānetvā “dadantū”ti icchāvasena vadati ce, sabbesaṃ na kappati, kevalaṃ pana suddhacittena attānaṃ vā paresaṃ vā anuddisitvā “ime manussā dānaṃ datvā puññaṃ pasavantū”ti vadantassa tasseva na kappati yāgu-ādīnaṃ paccayapaṭisaṃyuttakathāya uppannattā. **Mahā-aṭṭhakathāyampi** “pañcannampi sahadhammikānaṃ”ti viśesetvā avuttattā atthato sayamevāti apare. Ācariyā pana “yathā **mahāpaccariyaṃ, kurundiyaṇca** ‘tassevā’ti viśesetvā vuttaṃ, evaṃ **mahā-aṭṭhakathāyaṃ** viśesetvā na vuttaṃ, tasmā sabbesaṃ na kappatī”ti vadanti.

Kuladūsakasikkhāpadavaṇṇanā niṭṭhitā.

Terasakakaṇḍavaṇṇanā niṭṭhitā.

3. Aniyatakaṇḍa

1. Paṭhama-aniyatasikkhāpadavaṇṇanā

444-5. **Uddesanti** uddisanam, āsāḥhinakkhattam nāma vassūpagamapūjā. **Sotassa rahoti** ettha **raho**-vacanasāmaññato vuttam duṭṭhullasāmaññato duṭṭhullārocanappaṭicchādanasikkhāpadesu pārājikavacanam viya. Tasmā “**cakkhussa raheneva pana paricchedo kātabbo**”ti vuttam. Katham paññāyatīti ce? “Mātugāmo nāma tadahujātāpi dārikā”ti vacanato “alamkammaniyeti sakkā hoti methunam dhammam paṭisevitun”ti vacanato ca rahonisajjassādo cettha methunasannissitakilesa, na dutiye viya duṭṭhullavācassādakilesa, tasmā ca paññāyati “sotassa raho nādhippeto”ti. Keci pana “tañca labbhatīti vacanassa dassanattham vuttam, tena dutiye vuttā viññū paṭibalā gahitā hoti”ti vadanti. **Yena vā sāti** ettha **vā**-saddo “tena so bhikkhu kāretabbo vā”ti yojetabbo, so ca vikappattho, tasmā kāretabbo vā paṭijānamāno, na vā kāretabbo appaṭijānamānoti attho. Tena vuttam **aṭṭhakathāyam** “paṭijānamānova tena so bhikkhu kāretabbo -pa- na kāretabbo”ti. Tasmā eva **pāliyam** tadatthadvayadassanattham “sā ce evam vadeyyā”ti-ādi vuttam. “Saddheyyavacasā”ti iminā sotāpannā atthabhañjanakam na bhaṇanti, sesam bhaṇantīti vādīnam vādo paṭisedhito hoti. “Diṭṭhan”ti vuttattā “olokesī”ti sundaram. **Rakkheyyāsīti** mama visesam kassaci nāroceyyāsīti adhippāyo.

446. “Sā ce evam vadeyya ‘ayyassa mayā sutam nisinnassa mātugāmam duṭṭhullāhi vācāhi obhāsentassā”ti, idam kimatthamettha vuttam, na adhippetam hetam idha sotassa raho nādhippetoti katvāti ce? Alamkammaniyatṭhāne duṭṭhullavācāpi labbhati, na pana nālamkammaniyatṭhāne methunanti dassanattham vuttanti veditabbanti. Yathā etam, tathā “sā ce evam vadeyya ‘ayyassa mayā sutam mātugāmassa santike attakāmapāricariyāya vaṇṇam bhāsantassā”ti etampi idha labbhati, na dutiye nālamkammaniyatṭhānattāti eke. **Kaṅkhāvitaraṇiyam**¹ idhāpi dutiyāniyatādhikāre

pārājikāpattiṅca parihāpetvā duṭṭhullavācāpattiyā vuttattā paṭhamāniyate duṭṭhullavācāpatti na vuttāti ce? “Sā ce”ti tassā pāḷiyā potthakā sodhetabbā.

Gaṇṭhipade ca “idha sikkhāpade

methunakāyasamsaggarahonisajjānamevāgatattā cakkhussarahova

pamaṇan”ti likhitam, dutiyāniyatādhikāre ca “anandho kāyasamsaggaṃ

passati, abadhiro duṭṭhullaṃ suṇāti, kāyacittato kāyasamsaggo, vā cācittato

duṭṭhullaṃ, ubhayehi ubhayan”ti ca likhitam. **Aṭṭhakathāyaṃ**

“samuṭṭhānādīni paṭhamapārājikasadisānevā”ti vuttattāpi duṭṭhullavādo na sundaro “tadahujātā”ti vuttattāti.

Paṭhama-aniyatasikkhāpadavaṇṇanā niṭṭhitā.

2. Dutiya-aniyatasikkhāpadavaṇṇanā

453. Dutīye kesuci potthakesu “na heva kho pana paṭicchannaṃ āsanaṃ hoti āsanaṃ”ti likhitam. “Āsananti adhikaṃ, uddharitānurūpan”ti likhitam. Dvepi rahā idha adhippetā kāyasamsaggaduṭṭhullavācārahonisajjaggaṇato. Yadi evaṃ “mātugāmo nāma viññū paṭibalā”ti kimattham vuttanti? Ayameva hi mātugāmo dvinnampi kāyasamsaggaduṭṭhullavācānaṃ ekato vatthubhūto, tasmā vuttam. Kāyasamsaggassa vatthubhūto dassito, na itarassāti katvā duṭṭhullavācameva sandhāya tassā vatthum dassento evamāha.

Etthāha—yathā paṭhame anadhippetāpi duṭṭhullavācā sambhavavisesadassanattham vuttā, idhāpi kāyasamsaggo, kasmā na tassa vasena cakkhussa raho gahetabboti? Āma na gahetabbo, na ca gahito, gahito eva pana nisajjivasena, na hi aṅgassa nisajjā visesoti. Appaṭicchanne sati katham cakkhussa rahoti ce? Dūrattā. Paṭhame kasmā itthisatampi anāpattim na karoti, idha kasmā ekāpi karotīti ce? No vuccati siddhattā. Siddham hoti, yadidaṃ aññataro bhikkhu vesāliyaṃ mahāvane -pa- dvāraṃ vivarivā nipanno hoti -pa- sambahulā itthiyo

yāvadatthaṃ katvā pakkamiṃsūti¹. Tasmā na methunassa mātugāmo dutiyo hoti. Itthiyo hi aññamaññissā vajjaṃ paṭicchādenti, teneva bhikkhunīnaṃ vajjapaṭicchādane pārājikaṃ paññattaṃ. Tathā “āyasmā udāyī tā itthiyo vihāraṃ pekkhāpetvā tāsāṃ itthīnaṃ vaccamaggaṃ”² ettha “yā pana tā itthiyo hirimanā, tā nikkhamitvā bhikkhū ujjhāpentī”² vacanato duṭṭhullassa mātugāmo dutiyo hotīti siddhanti adhippāyo. Ubhayatthāpi ummattakādikammikānaṃ anāpattīti tesāṃ pāṭekkaṃ **nidāne** āgataṃ, ādikammikānaṃ anāpattīti attho. **Anugaṇṭhipade** pana “**acelakavagge** rahopaṭicchannāsanāsikkhāpade ‘viññū puriso dutiyo hotī’³ imassa anurūpato ‘itthīnaṃ satampi anāpattim na karotī’³ ti vuttaṃ”³ ti ca, “dutiyaṇiyate ‘itthīpi purisopī’³ ti idaṃ **bhikkhunīvagge** osānasikkhāpadassa,⁴ **acelakavagge** appaṭicchannāsanāsikkhāpadassa³ ca **anāpattivāre** ‘yo koci viññū puriso dutiyo’³ ti vuttaṃ. Imesaṃ anurūpato vuttanti veditabbaṃ”³ ti ca vuttaṃ.

Dutiya-aniyatasikkhāpadavaṇṇanā niṭṭhitā.

Pakiṇṇakavaṇṇanā

Apicettha idaṃ pakiṇṇakaṃ—seyyathidaṃ? Idaṃ aniyatakaṇḍaṃ nippayojanaṃ apubbābhāvatoti ce? Na, garukalahukabhedabhinnāpattiropanāropanakkamalakkhaṇa dīpanappayojanato. Ettha hi “sā ce evaṃ vadeyya ‘ayyo mayā diṭṭho nisinna mātugāmassa methunaṃ dhammaṃ paṭisevanto’³ ti, so ca taṃ paṭijānāti, āpattiyā kāretabbo -pa- nisajjāya kāretabbo”³ ti-ādinā āpattiyā garukāya lahukāya ca ropanakkamalakkhaṇaṃ, kāretabboti⁵ iminā anāropanakkamalakkhaṇaṃca dassitaṃ. Lakkhaṇadīpanato ādimhi, ante vā uddisitabbanti ce? Na, asambhavato. Kathaṃ? Na tāva ādimhi sambhavati, yesamidaṃ lakkhaṇaṃ, tesāṃ sikkhāpadānaṃ adassitattā. Na ante, garukamissakattā, tasmā garukalahukānaṃ majjhe eva uddisitabbanti arahati ubhayāmissakattā. Yā tattha lahukāpatti

1. Vi 1. 48 piṭṭhe.

2. Vi 1. 187 piṭṭhe.

3. Vi 2. 130 piṭṭhe.

4. Vi 2. 95 piṭṭhe.

5. Vi 1. 287 piṭṭhe.

dassitā, sāpi garukādikā. Tenevāha

“methunadhammasannissitakilesasaṅkhātena rahassādenā”ti-ādi, tasmā garukānaṃ eva anantaraṃ uddiṭṭhātipi eke. Evaṃ sante paṭhamamevālaṃ tāvatā lakkhaṇadīpanasiddhito, kiṃ dutiyenāti ce? Na, okāsaniyama paccayamicchāgāhanivāraṇappayojanato. “Paṭicchanne āsane alaṃkammaniye”ti okāsaniyamato hi tabbiparīte okāse idaṃ lakkhaṇaṃ na vikappitanti micchāgāho hoti, tannivāraṇato dutiyampi sātthakamevāti adhippāyo. Kasmā? Okāsabhedato, rahobhedadīpanato, rahonisajjassādabhedadīpanato. Okāsaniyamabhāve ca rahonisajjassādabhedo jāto. Dvinnāṃ rahonisajjasikkhāpadānaṃ nānatājānanaṅca siyā, tathā kāyasaṃsaggabhedadīpanato.

Nālaṃkammaniyepe hi okāse appaṭicchanne, paṭicchannepe vā nisinnāya vātapānakavāṭachiddādīhi nikkhantakesādiggahaṇena kāyasaṃsaggo labbhatīti evamādayopi nayā vitthārato veditabbā. “Bhikkhupātimokkhe āgatanayattā bhikkhunīpātimokkhe idaṃ kaṇḍaṃ parihīnanti veditabban”ti vadanti. Atthuppattiyā tatha anupannattāti eke. Taṃ anekatthabhāvadīpanato ayuttaṃ. Sabbabuddhakāle hi bhikkhūnaṃ pañcannaṃ, bhikkhunīnaṃ cattāro ca uddesā santi.

Pātimokkhuddesapaññattiyā asādhāraṇattā tatha niddiṭṭhasaṃghādisesapācittiyānanti eke. Tāsaṃ bhikkhunīnaṃ ubbhajāṇumaṇḍalika-aṭṭhavatthukavasena¹ kāyasaṃsaggaviseso pārājikavatthu, “hatthaggaṇaṃ vā sādiyeyya, kāyaṃ vā tadatthāya upasaṃhareyyā”ti² vacanato sādiyanampi, “santiṭṭheyya vā”ti² vacanato ṭhānampi, “saṅketāṃ vā gaccheyyā”ti² vacanato gamanampi, “channaṃ vā anupaviseyyā”ti² vacanato paṭicchannaṭṭhānapavesopi, tathā “rattandhakāre appadīpe paṭicchanne okāse ekenekā santiṭṭheyya vā sallapeyya vā”ti³ vacanato duṭṭhullavācāpi pācittiyavatthukanti katvā tāsaṃ aññathā aniyatakaṇḍassa avattabbaṭṭāpattitopi na vuttanti tesāṃ adhippāyo.

Pakiṇṇakavaṇṇanā niṭṭhitā.

Aniyatakaṇḍaṃ niṭṭhitāṃ.

1. Vi 2. 273, 284 piṭṭhe.

2. Vi 2. 285 piṭṭhe.

3. Vi 2. 352 piṭṭhe.

4. Nissaggiyakanda

1. Cīvaravagga 1. Paṭhamakathinasikkhāpadavaṇṇanā

459. **Samitāvinā**ti samitān'ena kilesāti samitāvī, tena samitāvinā. “Tīṇi cīvarānī”ti vattabbe “ticīvaran”ti vuttaṃ. Saṅkhyāpubbo digune'kavacananti ettha lakkhaṇaṃ veditabbaṃ. Taṃ pana adhiṭṭhitassapi anadhiṭṭhitassapi nāmaṃ “ekarattampi ce bhikkhu ticīvarena vippavaseyyā”ti-ādīsu ticīvarādhiṭṭhānena adhiṭṭhitassa nāmaṃ. “Anujānāmi bhikkhave ticīvaraṃ adhiṭṭhātun”ti¹ ettha anadhiṭṭhitassa nāmaṃ, idha tadubhayampi sambhavati. “Bhagavatā bhikkhūnaṃ ticīvaraṃ anuññātaṃ hotī”ti ettha adhiṭṭhitameva. “Aññeneva ticīvarena gāmaṃ pavisanti”ti ettha anadhiṭṭhitameva. Ekasmiṃ yeva hi cīvare ticīvarādhiṭṭhānaṃ ruhati, na itarasmīṃ pattādhiṭṭhānaṃ viya, tasmā itaraṃ atirekaṭṭhāne tiṭṭhati. Tena vuttaṃ “kathaṃ hi nāma chabbaggiyā bhikkhū atirekacīvaraṃ dhāressanti”ti-ādi.

460-1. Paṭhamapaññattiyā panettha ekarattampi atirekacīvaraṃ dhāreyya, nissaggiyaṃ vuttaṃ hoti, tato paraṃ “anujānāmi bhikkhave dasāhaparamaṃ atirekacīvaraṃ dhāretuṃ. Evañca pana bhikkhave imaṃ sikkhāpadaṃ uddiseyyātha ‘dasāhaparamaṃ atirekacīvaraṃ dhāretabbaṃ, taṃ atikkāmayato nissaggiyaṃ pācittiyān’ti” evaṃ bhagavā paripuṇṇaṃ sikkhāpadaṃ paññāpesi. Atha pacchimabodhiyaṃ ajātasatthukāle kathinaṃ anuññātaṃ, tato paṭṭhāya bhikkhū idaṃ sikkhāpadaṃ “niṭṭhitacīvarasmīṃ bhikkhunā ubbhatasmīṃ kathine dasāha -pa- pācittiyān’ti uddisanti, esa nayo dutiyatatiyakathinesupi. Tathāpi **kaṅkhāvitarāṇiyā**² “dasāhaparamanti ayamettha anupaññattī”ti ettakāmyeva vuttaṃ, tasmā “niṭṭhitacīvarasmīṃ bhikkhunā ubbhatasmīṃ kathine”ti vacanaṃ na paññatti, na ca anupaññattīti siddhaṃ. Na hi paññattivatthusmiṃ, anupaññattivatthumhi vā kathinādihikāro dissattīti yathāvuttanayova sāroti niṭṭhamettha gantabbaṃ. Athāpi siyā “kathinassuppattikālato paṭṭhāya bhagavato vacanaṃ anupaññattibhāvena vuttan”ti. Yadi evaṃ³ dve anupaññattiyō siyūṃ, tato **parivāre**⁴

1. Vi 3. 411 piṭṭhe.

3. Yadi evaṃmati bhūtaṃ, (Ka), evaṃ sati (?)

2. Kaṅkhā-Ṭṭha 157 piṭṭhe.

4. Vi 5. 14 piṭṭhe.

“ekā anupaññatti”tivacanavirodho. Apica yathāvuttanayadīpanattham idha taṃ vacanam paṭhamapaññattikāle avatvā pacchā vuttam. Ettha sādhitattā dutiyatatiyesu pacchā vuttapaṭhamapaññattisu evam vuttam. Aññathā tatthapi taṃ vacanam pacchā vattabam siyā. **Anugaṇṭhipade** pana “pacchā vuttabhāvam sandhāya niṭṭhitacīvarasminti-ādīsu anupaññatti”ti vuttam. Sekkhaputhujjanānam **pemaṃ**, arahantānam **gāravo**. **Dasamaṃ vā navamaṃ vā**ti ettha bhummatthe upayogavacanam.

462-3. **Niṭṭhitacīvarasminti** idam kevalam cīvarapalibodhābhāvamatta dīpanattham vuttam, tasmā “naṭṭham vā vinaṭṭham vā daḍḍham vā cīvarāssā vā upacchinnā”ti vuttam. Yadi dasāhaparamam dhāretabbacīvaradassanattham vuttam siyā, naṭṭhādikam so dhāreyya. Dhāraṇaṅcettha ṭhapanam, paribhogo vā. Tam dvayam katepi yujjati, akatepi yujjati, tasmā “katam vā hoti”tipi na vattabam. Na hi katameva atikkāmayato nissaggiyanti, tasmā yam cīvaram upādāya “niṭṭhitacīvarasmin”ti vuttam. Tampi ubbhatasmim kathine dasāhaparamam kālam dhāretabbanti attho na gahetabbo. Tañhi cīvaram santañce, ubbhatasmim kathine ekadivasampi parihāram na labbhati. Apica “cīvaram nāma vikappanupagam pacchiman”ti vuttam. Tattha ca katam nāma hoti, tasmāpi na tam sandhāya dhāretabbanti vuttanti veditabam asambhavato.

Anugaṇṭhipade panetam vuttam “tatha siyā—tassa bhikkhuno cīvaram naṭṭhādīsu aññataram yadi bhaveyya, katamam cīvaram dasāhaparamam dhāreyya. Yasmā dhāretabbacīvaram natthi, tasmā atthuddhāravasena karaṇapalibodhadassanattham ‘naṭṭham vā’-ti-ādīpadāni vuttāni. Ayam panattho ‘naṭṭham vā’-ti-ādīnā nayena vuttacīvarānam aññatarasmim cīvare asati gahetabbo, sati tam dasāhaparamam atikkāmayato nissaggiyam. Esa nayo sabbattha. ‘Katam vā hoti’ti vuttacīvarevādhippetam. Kasmā pana katacīvaram imasmim atthe adhippetanti na vuttanti ce? Pākaṭattā. Katham? Naṭṭhavinaṭṭhacīvarādīnam dhāraṇassa abhāvato katacīvareva idhādhippetanti pākaṭam. Yathā kim? Yathā paṭhamāniyate methunakāyasamsaggarahonisajjānamevāgatattā sotassa raho atthuddhāravasena vuttoti pākaṭo, tasmā ‘cakkhussa raho itarasmim atthe adhippeto’ti na vutto. Evansampadamidanti veditabam. ‘Katam vā hoti’ti idam na vattabam, kasmā? Akatam atikkāmayatopi nissaggiyattā, kiñcāpi nissaggiyam

hoti, idha pana ticīvarādhiṭṭhānamadhippetam. Tasmim ticīvarādhiṭṭhāne akatam, arajitam, akappiyakatañca ‘imam saṅghātim adhiṭṭhāmī’ti-ādinā nayena adhiṭṭhātum na vaṭṭati, tadatthadīpanattham ‘katam vā hoti’ti vuttam. Itarathā ‘niṭṭhitacīvarasmim paṭiladdhe’ti vadeyya, evam sante ticīvaram dasāham atikkāmayato nissaggiyanti katham paññayatīti ce? Vacanappamāṇato. ‘Anujānāmi bhikkhave ticīvaram adhiṭṭhātum na vikappetun’ti vuttattā idhāpi ‘atirekacīvaram nāma anadhiṭṭhitam’ti ettakameva vattabham siyā. Yasmā ‘katam vā hoti’ti vacanena idhādhippetacīvarena saddhim sesampi dasāhaparamato uttari dhāretum na labbhatīti anujānanto ‘atirekacīvaram nāma anudhiṭṭhitam avikappitan’ti āha. Tattha siyā—yathā ‘avikappitan’ti atthuddhāravasena vuttam, tathā ‘vikappanupagam pacchiman’tipi. Kasmā? Yasmā ticīvameva dasāhaparamam dhāretabham ‘niṭṭhitacīvarasmin’ti-ādi anupaññattivasena. Itarathā ekāhātikkamepi nissaggiyam hoti ‘yo pana bhikkhu atirekacīvaram dhāreyya, nissaggiyam pācittiyam’ti vacanato. Na ticīvarato aññampi cīvaram dasāhaparamam dhāretabham, tato param nissaggiyam ‘antodasāham’ti vuttattā. Yathāha ‘anāpatti antodasāham adhiṭṭheti, vikappeti’ti, itarathā ‘antodasāham adhiṭṭheti’ti vacanamattameva bhaveyya, tasmā **atṭhakathāyam** vuttanayeneva attho gahetabbo. Idam sabbam apare vadantī”ti. Ettha antokathine uppannacīvaram katameva santañce, dasāhaparamam dhāretabbanti idañcimassa sādhanattham vuttavacanañca parato idheva vuttavicāraṇāya yathāvuttayuttiyā ca virujjhatīti na gahetabham.

Idheva vuttavicāraṇā nāma—“sve kathinuddhāro bhavissatī”ti ajja uppannacīvaram tadaheva anadhiṭṭhahantassa aruṇuggamane nissaggiyam. Kasmā? “Niṭṭhitacīvarasmin”ti-ādinā sikkhāpadassa vuttattā. Antokathine atirekadasāhampi parihāram labhati, kathinato uddham ekadivasampi na labhati. Yathā kim? Yathā atthatakathino saṅgho atthatadivasato paṭṭhāya yāva ubbhārā ekadivasāvasesepi kathinubbhāre ānisaṃsam labhati, punadivase na labhati. Sace satisammosā bhājanīyacīvaram na bhājitam, punadivase anattatakathinānampi sādharāṇam hoti. Divasā ce sāvasesā, atthatakathinasseva saṅghassa pāpuṇāti, evameva atthatadivasato paṭṭhāya yāva ubbhārā anadhiṭṭhitam avikappiyam vaṭṭati anuññātadivasabbhantarattā.

Kathinadivaso gaṇanupago hoti, ubbhatadivasato paṭṭhāya dasāhaparamaṃ kālāṃ uppannacīvaraṃ parihāraṃ labhati, tato paraṃ na labhati. Kasmā? “Anujānāmi bhikkhave dasāhaparamaṃ atirekacīvaraṃ dhāretun”ti vacanato. Antokathinepi ekādase aruṇuggamane nissaggiyappasaṅgaṃ “niṭṭhitacīvarasmim ubbhatasmim kathine”ti ayaṃ anupaññatti vāretvā ṭhitā, na ca te divase adivase akāsīte. Tathā tatiyakathine ca vicāritam “niṭṭhitacīvarasmim bhikkhunā ubbhatasmim kathine bhikkhuno paneva akālacīvaraṃ uppajjeyyā”ti vadantena bhagavatā yaṃ mayā heṭṭhā paṭhamasikkhāpade ‘dasāhaparamaṃ atirekacīvaraṃ dhāretabban’ti anuññātam, tampi kathinamāsato bahi uppannameva, na antoti dīpitaṃ hoti”ti ca, “kālepi ādissa dinnam etaṃ akālacīvaran’ti¹ vacanato kathinubbhārato uddham dasāhaparihāraṃ na labhatīti dīpitaṃ hoti, tehi saddhim puna kathinubbhārato uddham pañca divasāni labhatīti pasaṅgopi ‘niṭṭhitacīvara -pa- khippameva kāretabban’ti¹ akālacīvarassa uppattikālāṃ niyametvā vuttattā vārito hoti. Tadubhayena kathinabbhantare uppannacīvaraṃ kathinubbhārato uddham ekadivasampi parihāraṃ na labhatīti siddham hoti”ti ca. Tasmā duvidhampetaṃ vicāraṇaṃ sandhāya amhehi “idheva vuttavicāraṇāya yathāvuttayuttīyā ca virujjhatīti na gahetabban”ti vuttanti veditabban.

Etthāha—“niṭṭhitacīvarasmim ubbhatasmim kathine”ti¹ idaṃ bhummaṃ kiṃ cīvarassa uppatti niyameti, udāhu dhāraṇaṃ, udāhu ubhayanti, kiñcettha, yadi uppattim niyameti, pacchimakattikamāse eva ubbhatasmim kathine uppannacīvaraṃ tato paṭṭhāya dasāhaṃ dhāretabban anīṭṭhitepi tasmim māseti āpajjati. Atha dhāraṇaṃ niyameti, antokathine uppannacīvaraṃ ubbhatepi dasāhaparamaṃ dhāretabbanti āpajjati. Atha ubhayaṃ niyameti, tatiyakathine viya visesetvā vattabbanti? Vuccate—kāmaṃ ubhayaṃ niyameti, na pana visesane payojanaṃ atthi. Yaṃ antokathine uppannacīvaraṃ sandhāya “niṭṭhitacīvarasmim”ti vuttam, na taṃ sandhāya “dhāretabban”ti vuttam, sādhitāñhetam. “Kataṃ vā hoti”ti-ādivacanato tadatthasiddhi, tena puna visesane payojanaṃ natthi, na hi katameva nissaggiyaṃ karoti, na ca naṭṭhādikaṃ dhāretum sakkāti. Yena vā adhippāyena bhagavatā idaṃ sikkhāpadaṃ paññattam,

1. Vi 1. 304 piṭṭhe.

so adhippāyo tatiyakathine pakāsitoti veditabbo. Kasmā tattha pakāsitoti ce? Visesavidhānadassanādhippāyato. Visesavidhānañhi “no cassa pāripūrī”ti-ādi. Tathāpi “cīvaram uppajjeyyā”ti avatvā “akālacīvaram uppajjeyyā”ti visesanena ubbhatepi kathine kālacīvaram atthīti dīpeti. Kiñcetam? Pacchimakattikamāse uppannacīvaram, teneva tattha “anattate kathine ekādasamāse uppannam”ti vuttam, tasmā uppattiniyame vuttadosābhāvasiddhi. Yañca tattha “kālepi ādissa dinnam etam akālacīvaram nāmā”ti vuttam, tassa dve atthavikkappā. Ādesavasena “akālacīvaram”ti laddhasaṅkhyampi kāle uppannattā kālaparihāram labhati, pagevānādesanti ayam paṭhamo vikappo uppattiniyame vuttadosābhāvameva upatthambheti. Tathā ādesavasena akālacīvarasaṅkhyam gatam cīvarakāle uppannattā cīvarakālato param dasāhaparihāram na labhati, pagevānādesanti ayam dutiyo dhāraṇaniyame vuttadosābhāvameva upatthambheti. Yadi evam ādesavasena akālacīvarassa akālacīvaratā kimatthikāti ce? Saṅghuddesikassa tassa atthatakathinassapi bhikkhusaṅghassa sādharmaṇabhāvatthikāti veditabbā.

Apica puggalassa kathinadivasāpi divasāva. Evam gaṇanupagattā akālacīvarasaṅkhyāpaṭilābhānubhāvena “ubbhatasmim kathine”ti vacanāpekkhassa anissaggiyattā tadanulomattā “kālacīvarassapi”ti evam sabbathā catubbidham ettha vacananti veditabbam. Apica atthi ekaccena kathinuddhārena ubbhate kathine uppannam ekaccassa bhikkhuno kālacīvaram hoti, ekaccassa akālacīvaram, tam sīmātikantassa, no ubbhāragatam. Tam dvinnam vasena ubbhate uppannam ṭhapetvā itaresam aññatarena ubbhate uppannanti veditabbam. Tañhi yassa ubbhatam, tassa akālacīvaram, itarassa kālacīvaram. Tathā atthi ekaccena kathinuddhārena ubbhate kathine uppannam sabbassapi akālacīvareva hoti. Tam yathāṭhapitam veditabbam. Tathā atthi ubbhatasmim kathine uppannam ṭhapetvā vassānassa pacchime māse uppannam. Tathā atthi ubbhatasmim kathine uppannam akālacīvaram, tam hemante, gimhe vā uppannanti veditabbam. Evam puggalakālabhedato bahuvidhattā uppannassa “ubbhatasmim kathine uppannam”ti na vuttanti veditabbam. Anekaṁsikkattā imampi

atthavikkappaṃ dassetuṃ “ubbhatasmim̃ kathineti bhikkhuno kathinaṃ ubbhataṃ hoti”ti. Ettāvataṃ siddhepi “aṭṭhannaṃ mātikānaṃ aññatarāyā”ti-ādi vuttaṃ. “Dhārayāmi”ti bhikkhunivibhaṅge āgatoti vattabbo. “Evaṃ”ti vacanena vacanabhedo tatha natthīti vuttaṃ hoti.

“Vikappanupagaṃ pacchimaṃ”ti idaṃ sabbaśaṅgāhikattā vuttaṃ. “Adhiṭṭhānupagaṃ pacchimaṃ”ti asabbaśaṅgāhikaṃ. Na hi yattakaṃ saṃghāṭi adhiṭṭhānupagaṃ pacchimaṃ, tattakaṃ antaravāsakādi adhiṭṭhānupagaṃ pacchimaṃ hoti adhiṭṭhānassa bahuvidhattā. Na evaṃ vikappanāya bhedo tassā ekavidhattāti veditabbaṃ. “Ekādase aruṇuggamaṇe nissaggiyaṃ”ti antimaṃ ṭhapetvā tato purimatarasminti attho veditabbo. Antimaṃ nāma aparakattikāya paṭhamāruṇuggamaṇaṃ. Tañhi kālattā nissaggiyaṃ na karoti, tenevāha **accekaṭṭhārasikkhāpadaṭṭhakathāyaṃ** “chaṭṭhito paṭṭhāya pana uppannaṃ anaccekaṭṭhārasikkhāpadaṭṭhakathāyaṃ”ti¹. Imaṃyeva nayaṃ sandhāya “accekaṭṭhārasaṃ anathate kathine ekādasadivasādhiko māso, atthate kathine ekādasadivasādhiko māso, atthate kathine ekādasadivasādhikā pañca māsā, tato paraṃ ekadivasampi parihāro natthī”ti tatthevāha. Imasmim̃ naye siddhe anaccekaṭṭhārasaṃ dvādasāhe na labhatīti siddhameva hoti. Tato “anaccekaṭṭhārasaṃ anaccekaṭṭhārasaṃ aññāsi, anāpatti”ti² ettha accekaṭṭhārasadise aññasmim̃ anadhiṭṭhite³ siddhaṃ hoti. Tattha pana “pañca māsā”ti ukkaṭṭhāparicchedavacanāṃ. Vassikasāṭikaṇca avassikasāṭikabhāvaṃ patvā ekādasamāse parihāraṃ labhatīti veditabbaṃ.

Dasāhātikkantaṃ nissaggiyaṃ ettha āpattivuṭṭhāne “dasāhappaṭicchannaṃ pakkha-atirekapakkhamāsa-atirekamāsaṭicchannaṃ”ti-ādivacanabhedo viya, na idha vacanabhedo, tasmā saṃvaccharātikkantaṃ dasāhātikkantaṃ nāma, tathā dutiyakathinepi saṃvaccharavippavutthampi rattivippavutthameva. Tatiye saṃvaccharātikkantaṃ māsātikkantaṃ nāmāti veditabbaṃ. “Anadhiṭṭhite adhiṭṭhitasaññī nissaggiyaṃ pācittiyaṃ”ti idamekassa tikapācittiyassa ādipadadīpanaṃ. Esa nayo avikappiteti-ādīsupi, tasmā ettha aṭṭhasu tikacchedesu ekaṃ vitthāretvā itaresaṃ ekekamādīpadaṃ vitthārehvā dve dve

1. Vi-Ṭṭha 2. 306, 307 piṭṭhesu.

2. Vi 1. 376 piṭṭhe.

3. Tato anaccekaṭṭhārasaññī accekaṭṭhārasadise aññasmim̃ anadhiṭṭhite anāpattīti (Ka)

bhagavatāva saṅkhittattāti bahūsupi tikacchedesu sambhavantesu eko eva vuccati, “ayaṃ vinayassa dhammatā”ti vadanti. Dukkaṭavāresu pana ekaṃ dukkaṭaṃ vitthāretvā sesāni satta tatheva saṅkhittāni. Tathā antimantimo ekeko anāpattikoṭṭhāsoti veditabbaṃ.

Anāpatti antodasāhanti ayaṃ saṅkhepattho—taṃ dasāhaparamaṃ dhāretabbaṃ. Taṃ atirekacīvaraṃ yathāsakaṃ adhiṭṭhānaṃ antodasāhaṃ adhiṭṭheti vā vikappeti vā vissajjeti vā attano dhammatāya nassati vā vinassati vā ḍayhati vā añño vā taṃ acchindivā gaṇhāti vissāsanto vā gaṇhāti pācittiyato anāpatti. Dukkaṭato pana siyā āpatti siyā anāpatti saññābhedenā. Antimānaṃ panettha dvinnaṃ padānaṃ vasena anacchinne acchinnasaññī nissaggiyaṃ pācittiyaṃ. Avissāsaggāhe vissāsaggāhasaññī nissaggiyaṃ pācittiyanti-ādikā dve tikapācittiyā, dve ca dukkaṭā saṅkhittāti veditabbā. Ettha hi yadi antodasāhaṃ adhiṭṭheti, dasāhaparamaṃ aruṇaṃ atikkamivā tassa divasabhāge adhiṭṭhahatīti veditabbaṃ. Ayaṃ tāva pālivinicchayo.

Aṭṭhakathāyaṃ pana **ito garukatarānī**ti-ādimhi ayaṃ codanāpubbaṅgamo vinicchayo—**gaṇṭhipade** panassa ito nissaṭṭhacīvaradānato garukampi ñattidutiyakammaṃ yathā apalokanena karonti, evamidam ñattiyā kattabbampi pakativacanena vaṭṭatīti. Yadi evaṃ **parivāre** kammavaggassa aṭṭhakathāyaṃ “ñattikammampi ekaṃ ñattim ṭhapetvāva kātabbaṃ, apalokanakammādivasena na kātabban”ti¹ yaṃ vuttaṃ, tena virujjheyya. Tenetaṃ vuccati “tesaṃ etaṃ anuloman”ti, tasmā anulomanayeneva taṃ vuttaṃ. Niyamaṃ pana yathā dvinnaṃ pārisuddhi-uposatho vinā ñattiyā hoti, evaṃ dvinnaṃ nissaṭṭhacīvaradānampīti vadāma, tasmā “āyasmato demā”ti vattum vaṭṭati. Kathaṃ panetaṃ ñātābanti? Tadanulomattāti. Ekadevedaṃ ñattikammaṃ apalokanenāpi kātuṃ vaṭṭatīti sādhananti veditabbanti ācariyo. **Anugaṇṭhipade** panettha codanaṃ katvā “etaṃ sādhitam. Ñattikammaṃ ekaṃ ñattim ṭhapetvāva kātabban”ti **pāliya** āgataṃ sandhāya vuttaṃ, idaṃ pana **pāliyam** nāgataṃ, lesato āharitvā vuttanti katvā etaṃ apalokanenāpi vaṭṭatīti.

1. Vi-Ṭṭha 4. 243 piṭṭhe.

468. **Esa nayoti** aññesaṃ cīvaresu upacikādīhi khāyitesu mamapi khāyitānīti-ādi. “**Aññena kataṃ -pa- sādhanā**”ti vacanato samānājātikam, ekatthajātikañca tatiyakathinaṃ paṭhamasamānamevāti siddham hoti.

469. **Ticīvaraṃ adhiṭṭhātunti** ettha ticīvaraṃ ticīvarādhiṭṭhānena adhiṭṭhātabbayuttakam, yaṃ vā ticīvarādhiṭṭhānena adhiṭṭhātum avikappetum anujānāmi, tassa adhiṭṭhānakālaparicchedābhāvato sabbakālaṃ icchantassa adhiṭṭhātumyeva anujānāmi, taṃ kālaparicchedaṃ katvā vikappetum nānujānāmi. Sati pana paccaye yadā tadā vā paccuddharitvā vikappetum vaṭṭatīti “anāpatti antodasāham adhiṭṭheti, vikappeti”ti vacanato siddham hotīti vuttametam. Vassikasāṭikam tato param vikappetumyeva nādhiṭṭhātum. Vatthañhi katapariyositam antocatumāse vassānādivasaṃ ādim katvā antodasāhe adhiṭṭhātum anujānāmi, catumāsato uddham attano santakam katvā ṭhapitukāmena vikappetum anujānāmīti attho.

Sugatacīvarato ūnakanti tiṇṇampi cīvarānaṃ ukkaṭṭhaparicchedo.

“Ticīvaraṃ pana parikkhāraḥaṃ adhiṭṭhātum vaṭṭatīti vāde pana sati tathārūpapaccaye vaṭṭati. Yathā sati paccaye vikappetum vaṭṭatīti sādhitametam, pageva aññena adhiṭṭhānena adhiṭṭhātum. “Antodasāham adhiṭṭheti, vikappeti”ti aniyamato vuttanti saṃghāṭi, uttarāsaṅgo, antaravāsakanti adhiṭṭhitānadhiṭṭhitānaṃ samānameva nāmaṃ. “Ayaṃ saṃghāṭi”ti-ādīsu¹ hi anadhiṭṭhitā vuttā. “Ticīvarena vippavaseyyā”ti ettha adhiṭṭhitā vuttā. **Sāmantavihāre vāti** gocaragāmato vihāreti

dhammasiritthero. Dūratarepi labbhatevāti ācariyo. **Anugaṇṭhipadepi**

“sāmantavihāre vāti desanāsīsamattam, tasmā ṭhapitaṭṭhānaṃ sallakkhetvā dūre ṭhitampi adhiṭṭhātabban”ti vuttam. **Sāmantavihāro** nāma yattha tadaheva gantvā nivattitum sakkā. Rattivippavāsam rakkhantena tato dūre ṭhitam adhiṭṭhātum na vaṭṭati, evaṃ kira **mahā-aṭṭhakathāyam** vuttanti. Keci “cīvaravaṃse ṭhapitam añño parivattitvā nāgadante ṭhabeti, taṃ ajānitvā adhiṭṭhahantassapi ruhati cīvarassa sallakkhitattā”ti vadanti. **Adhiṭṭhahitvāti** parikkhāraḥaḥādivasena. **Mahantataramevāti-ādi**

1. Vi 3. 130 piṭṭhe.

sabbādhiṭṭhānasādhāraṇalakkhaṇaṃ. Tattha **puna adhiṭṭhātabbamevā**ti adhiṭṭhitacīvarassa ekadesabhūtattā. Anadhiṭṭhitañce, adhiṭṭhitassa appabhāvena ekadesabhūtaṃ adhiṭṭhitasāṅkhyameva gacchati. Tathā adhiṭṭhitañce, anadhiṭṭhitassa ekadesabhūtaṃ anadhiṭṭhitasāṅkhyam gacchatīti hi lakkhaṇaṃ, na kevalañcettha dutiyapaṭṭameva, tatiyapaṭṭādikampi. Yathāha “anujānāmi -pa- utuddhaṭānaṃ dussānaṃ catugguṇaṃ saṃghāṭim -pa- paṃsukūle yāvadatthan”¹.

Avasesā bhikkhūti vakkhamānakāle nisinnā bhikkhū. **Tasmā vaṭṭatī**ti yathā “anujānāmi bhikkhave ticīvaraṃ adhiṭṭhātuṃ na vikappetun”²ti vuttaṃ, evaṃ parikkhāraḥampi vuttaṃ, na tassa ukkaṭṭhaparicchedo vutto, na ca saṅkhyāparicchedo, tasmā tīṇipi cīvarāni paccuddharitvā “imāni cīvarāni parikkhāraḥāni adhiṭṭhāmi”³ti adhiṭṭhahitvā paribhuñjitum vaṭṭatīti attho. **“Nidhānamukhametan”**ti kathaṃ paññāyatīti ce? “Tena kho pana samayena bhikkhūnaṃ paripuṇṇaṃ hoti ticīvaraṃ, attho ca hoti parissāvanehipi thavikāhipi”⁴ti² etasmim vatthusmim “anujānāmi bhikkhave parikkhāraḥan”⁵ti² anuññātattā. Bhikkhūnañca ekameva parissāvanaṃ, thavikā vā vaṭṭatī, na dve vā tīṇi vāti paṭikkhepābhāvato vikappanupagapacchimappamāṇāni, atirekappamāṇāni vā parissāvanādīni parikkhāraṇi kappantīti siddhaṃ. Yadi evaṃ “yannūnāhaṃ bhikkhūnaṃ cīvare sīmaṃ bandheyyaṃ mariyādaṃ ṭhapeyyaṃ”⁶ti³ vacanavirodhoti ce? Na, anusandhiyā ajānanato, virodhato ca. Kim vuttaṃ hoti? **Cīvarakkhandhake**⁴ paṭhamam gahapaticīvaraṃ anuññātaṃ tato pāvāraḥosiyakojavakambalādi⁵. Tato “tena kho pana samayena saṃghassa uccāvacāni cīvarāni uppannāni honti. Atha kho bhikkhūnaṃ etadahosi ‘kim nu kho bhagavatā cīvaraṃ anuññātaṃ kim ananuññātan’⁶ti” etasmim vatthusmim “anujānāmi bhikkhave cha cīvarāni khoman”⁷ti-ādinā⁶ kappiyacīvarajāti anuññātā, na pana saṅkhyāpamāṇaṃ. Tato “addasa bhagavā -pa- sambahule bhikkhū cīvarehi ubbhaṇḍite sīsepi cīvarabhisim karitvā khandhepi cīvarabhisim karitvā kaṭiyāpi cīvarabhisim karitvā āgacchante, disvāna bhagavato etadahosi -pa- ‘yepi kho te kulaputtā imasmim dhammavinaye sītālukā sītābhīrukā, tepi

1. Vi 3. 403 piṭṭhe.

2. Vi 3. 411 piṭṭhe.

3. Vi 3. 401 piṭṭhe.

4. Vi 3. 377 piṭṭhe.

5. Kampalādi (Ka)

6. Vi 3. 393 piṭṭhe.

sakkonti ticīvarena yāpetuṃ, yannūnāhaṃ bhikkhūnaṃ cīvare sīmaṃ bandheyyaṃ mariyādaṃ ṭhapeyyaṃ ticīvaraṃ anujāneyyaṃ”¹ti cīvaraṃ anuññātaṃ, tañca kho ekameva. Chabbaggiyā pana micchā gahetvā bahūni pariharimsu. Tāni nesaṃ atirekaṭṭhāne ṭhitāni honti. Tato “anujānāmi bhikkhave dasāhaparamaṃ atirekacīvaraṃ dhāretuṃ”²ti anuññātaṃ, tenetaṃ paññāyati. Atirekāni bahūni cīvarāni te pariharimsu, “tāni dasāhaparamameva dhāretuṃ anujānāmi, na tamevekan”³ti vadantena yā pubbe ticīvarādhiṭṭhānaśāṅkhātā cīvare sīmābaddhā, mariyādā ca ṭhapitā, tāya satipi ticīvarabāhullapariharaṇakkamo dassito divasaparicchedavasena. Tato paraṃ “anujānāmi bhikkhave atirekacīvaraṃ vikappetuṃ”²ti anujānantaṃ vināpi divasaparicchedena atirekacīvarapariharaṇakkamo dassitoti dvepi tāni nidhānamukhānīti siddhaṃ. Tathā parikkhāraḥādhiṭṭhānampi siyā, aññathā itaracīvarādhiṭṭhānānujānavirodho siyā sīmāmariyādaṭṭhapanavirodhato. Ticīvarādhiṭṭhānapaññātiyeva ticīvaramariyādā hoti. Tena vuttaṃ “pāṭekkaṃ nidhānamukhametan”³ti. “Paṭhamaṃ ticīvaraṃ ticīvarādhiṭṭhānena adhiṭṭhātabbaṃ, puna pariharituṃ asakkontena paccuddharitvā parikkhāraḥaṃ adhiṭṭhātabbaṃ, na tveva āditova idaṃ vuttaṃ”³ti vuttaṃ. “Yathā ticīvaraṃ pariharituṃ asakkontassa gilānassa vipavāsasammuti anuññātā, agilānassapi **sāśāṅkasikkhāpade**³ tassa antaraghare nikkhepo ca, tatopi sati paccaye chārattavippavāso, tatopi asakkontassa paccuddhāro, paccuddhaṭampi antodasāhe adhiṭṭhātuṃ, asakkontassa vikappanā ca anuññātā. Tatheva dvinnampi sammukhāparammukhāvikkappanānaṃ parasantakattā vikappanapaccaye asati ‘parikkhāraḥaṃ’³ti adhiṭṭhāhitvā paribhuñjituṃ bhagavatā anuññātāni siyā, yato tadadhippāyaññū evaṃ vadanti”³ti **mahāpaccariyampi** vuttaṃ. **Pubbeti-**ādi “pāṭekkaṃ nidhānamukhaṃ”³ti vuttassa payogadassanattamaṃ vuttaṃ. Abaddhasīmāyaṃ dupparihāranti vikappanādi-atthāya upacāraṃ atikkamitvāpi gamanasambhavato.

Vassikasāṭikā anarittappamaṇāti tassā ukkaṭṭhaparicchedassa vuttattā vuttaṃ. **Paccattharaṇampi adhiṭṭhātabbamevāti** “idaṃ bhante amhākaṃ senāsanassa upari attharitabbaṃ”³ti-ādinā dinnam nādhiṭṭhātabbaṃ, “idaṃ

1. Vi 3. 401 piṭṭhe.

2. Vi 3. 403 piṭṭhe.

3. Vi 1. 376 piṭṭhe.

tumhākan”ti dinnam sayam adhippetamva adhiṭṭhātabbanti adhippāyo. “Sakim adhiṭṭhitaṃ adhiṭṭhitameva hoti, na puna paccuddharīyati kālaparicchedābhāvato”ti likhitaṃ. “Ekavacanenapi vaṭṭatīti apare”ti vuttam. **Bhesajjanavakammamātāpitu-ādīnam atthāyāti** ettha “iminā bhesajjam cetāpessāmi, idam mātuyā dassāmī”ti ṭhāpentena adhiṭṭhātabbam. “Idam bhesajjassa, imam mātuyā”ti vibhajantena adhiṭṭhānakiccam natthīti apare”ti vuttam. “Sakabhāvam mocetvā ṭhapanam sandhāyāhā”ti likhitaṃ.

“**Puna adhiṭṭhātabbanti** ayam saṅgītito paṭṭhāya āgata-aṭṭhakathāvādo. Tato param ācariyanam tattha tattha yuttivicāraṇā”ti vuttam. **Pamāṇacīvarassāti** pacchimappamāṇassa. **Dve cīvarānīti** saha uttarāsaṅgena. **Esa nayoti** pamāṇayuttesu yattha katthacīti-ādinayova. “Tam atikkāmayato chedanakan”ti¹ vacanato uttari paṭisiddham, tato heṭṭhā appaṭisiddhattā vaṭṭati. Tattha siyā—ticīvarassa pacchimappamāṇam visum sutte natthīti, na vattabbam, sikkhākaraṇīyehi siddhattā. Kim vuttam hoti? “Parimaṇḍalam nivāsessāmi, pārupissāmi, suppaṭicchanno antaraghare gamissāmi”ti² vacanato yattakena pamāṇena parimaṇḍalatā, suppaṭicchannatā ca **aṭṭhakathāyam** vuttakkamena sampajjati”ti vattabbam. Tesam vasena pacchimappamāṇanti siddham, taṅca kho muṭṭhipaṅcakādi yathāvuttameva vuccate. Tenevāha lesam ṭhāpetvā “visum sutte natthī”ti.

Apicettha adhippetam, tathāpi na sametiyevāti attho, tasmā “yadi”ti-ādisambandho addhā vutto. Yasmā paricchinnō sameti ca. Itaresu pana ekaccasmim ācariyavāde neva paricchedo atthi. Ekaccasmim na pubbāparam sametīti sambandho. **Adhiṭṭhānam adhiṭṭhānameva**, paribhogakāle pana arajitam na vaṭṭati. Idam sabbam ticīvare eva. Imassa pana sikkhāpadassa ayam saṅkhepavinicchayo—anatthate kathine hemantānam paṭhamadivasato paṭṭhāya atthate kathine gimhānam paṭhamadivasato paṭṭhāya uppannacīvaram sandhāya “niṭṭhitacīvarasmin”ti-ādi vuttanti.

Etthāha—“rajakehi dhovāpetvā setam kārāpentassāpi adhiṭṭhānam adhiṭṭhānamevā”ti vacanato arajitepi adhiṭṭhānam ruhati, tena

1. Vi 2. 221 piṭṭhādīsu.

2. Vi 2. 239, 240 piṭṭhesu.

sūcikkammaṃ katvā rajitvā kappabinduṃ datvā adhiṭṭhātabbanti niyamo na kātabboti? Vuccate, kātabbova patto viya adhiṭṭhito. Yathā puna setabhāvaṃ, tambabhāvaṃ vā patto adhiṭṭhānaṃ na vijahati, na ca pana tādiso adhiṭṭhānaṃ upagacchati, evametam daṭṭhabbanti. “Yato paṭṭhāya paribhogādayo vaṭṭanti, tato paṭṭhāya antodasāhe adhiṭṭhātabban”ti vadanti.

Avisesena vuttavacananti adhiṭṭhātabbaṃ adhiṭṭheti, vikappetabbaṃ vikappeti evaṃ savisesaṃ katvā avacanaṃ “na vikappetun”ti¹ iminā **viruddham viya dissati**. Idāni idaṃ adhiṭṭhānavikappananayapaṭibaddham **khandhakaṃ, parivāraṇca** missetvā pakiṇṇakaṃ vuccati—**khandhake** tāva “anujānāmi bhikkhave ticīvaraṃ adhiṭṭhātuṃ na vikappetuṃ, vassikasāṭikaṃ vassānaṃ cātumāsāṃ adhiṭṭhātuṃ tato paraṃ vikappetun”ti-ādi¹ vuttaṃ. **Parivāre** “na nava cīvarāni adhiṭṭhātabbāni, na nava cīvarāni vikappetabbāni”ti², “dasake dasa, ekādasake ekādasa cīvarāni adhiṭṭhātabbāni, na vikappetabbāni”ti³ ca anekakkhattuṃ vacanena suṭṭhu daḷhaṃ katvā “sabbāni cīvarāni adhiṭṭhātabbāni, na vikappetabbāni”ti vuttaṃ, tasmā ubhopi te viruddhā viya dissanti, **khandhake** eva ca “vassikasāṭikaṃ vassānaṃ cātumāsāṃ adhiṭṭhātuṃ tato paraṃ vikappetun”ti¹ vuttaṃ. **Tadaṭṭhakathāyaṃ** “vassikasāṭikā anantirittappamāṇā nāmaṃ gahetvā vuttanayeneva cattāro vassike māse adhiṭṭhātabbā, tato paraṃ paccuddharitvā vikappetabbā”ti vuttaṃ. Idaṅca viruddham viya dissati aññamaññaṃ hemante paccuddhārasambhavato, vassāne vikappanāsambhavato ca. Tathā idha “anāpatti antodasāhaṃ adhiṭṭheti vikappeti”ti vacanappamāṇato sabbattha vikappanāya appaṭisiddhabhāvo veditabboti⁴ aṭṭhakathāvacaṇaṃ parivāravacanena viruddham viya dissati, na hi viruddham tathāgatā bhāsanti, tasmā aṭṭhakathānayo vettha paṭisaraṇaṃ, yena sabbampi taṃ ekarasaṃ hoti. **Parivāraṭṭhakathāyaṇca** vuttaṃ “na vikappetabbānīti adhiṭṭhitakālato paṭṭhāya na vikappetabbānī”ti⁵. Ticīvarāni adhiṭṭhitakālato paṭṭhāya, vassikasāṭikādīni ca attano attano adhiṭṭhānakhette na akāmā vikappetabbānīti attho, avasesapāḷi, attho ca idha **aṭṭhakathāyaṃ** vutto, tasmā sabbampetaṃ ekarasanti.

1. Vi 3. 411 piṭṭhe.

2. Vi 5. 245 piṭṭhe.

3. Vi 5. 249 piṭṭhe.

4. Vi-Ṭṭha 2. 231 piṭṭhe.

5. Vi-Ṭṭha 4. 181 piṭṭhe.

Etthāha—yadi evaṃ “nava cīvarāni nādhiṭṭhātabbāni”ti ca vattabbaṃ. Vikappitakālato paṭṭhāya hi nādhiṭṭhātabbāni? Ettha vuccate—“ticīvaraṃ adhiṭṭhātum na vikappetum -pa- parikkhāraḥaṃ adhiṭṭhātum na vikappetun”ti ettha sabbattha adhiṭṭhāne paṭisedhādassanato, vikappanāya adassanato ca “tato paran”ti dvīsveva paricchedadassanato ca “nava cīvarāni adhiṭṭhātabbāni, na vikappetabbāni ceva vuttanti veditabbaṃ. Aparo nayo— anujānāmi bhikkhave ticīvaraṃ adhiṭṭhātum akāmā. Kasmā? Kāle uppannaṃ anadhiṭṭhahantassa kālātikkame āpattisambhavato, akāle uppannaṃ anadhiṭṭhahantassa dasāhātikkame āpattisambhavato ca. Tattha yaṃ kāle uppannaṃ appahontepi dasāhe kālātikkame āpattikaraṃ, taṃ nissajjanakāle “idaṃ me bhante atirekacīvaraṃ dhāritam nissaggiyaṃ, imāhaṃ saṃghassā”ti-ādinā nissajjitabbaṃ, itaraṃ yathāpālīmeva. Tattha paṭhamanayo “yo pana bhikkhu atirekacīvaraṃ dhāyeyya nissaggiyaṃ”ti imāya paṭhamapaññattiyā vasena vutto, dutiyo anupaññattiyā vasena vutto.

Yathā ca nissajjitabbavatthumhi asati yathāpālīm avatvā kevalaṃ āpatti eva desetabbā, yathā ca vassikasāṭikanissajjane kevalaṃ pariyaṭṭhamatte yathāpālīm avatvā yathāsambhavaṃ nissajjitabbaṃ, tathā idampīti veditabbaṃ. Yathā saṃvaccharātikkantaṃ atirekacīvaraṃ “dasāhātikkantaṃ”iceva vuccati. Saṃvaccharavippavutthaticīvaraṃ, māsātikkantaṃca “rattivippavutthan”ti ca “chārattavippavutthan”ti ca vuccati, tathā idampi “dasāhātikkantaṃ”iceva vuccatīti eke, tasmā siddhamidaṃ “anujānāmi bhikkhave ticīvaraṃ adhiṭṭhātum akāmā”ti, tathā akāmā na vikappetunti attho. Icchāya hi sati “paccuddharitvā vippavāsasukhatthaṃ vikappanāya okāso dinno hoti, dasāhātikkame ca anāpattī”ti vacanato vikappetum anujānāmīti vuttaṃ hoti. Tathā vassikasāṭikā akāmā adhiṭṭhātum dasāhātikkame āpattisambhavato. Kittakaṃ kālanti ce? Vassānaṃ cātumāsam, icchāya pana sati uddhamyeva vikappetabbaṃ. “Sabbattha vikappanāya appaṭisiddhabhāvo veditabbo”ti hi vuttaṃ. “Atthāpatti hemante āpajjati, no gimhe, no vasse”ti¹ ca vuttaṃ, tena vuttaṃ **atthakathāyaṃ** “tato paraṃ paccuddharitvā vikappetabbā”ti.

1. Vi 5. 218 piṭṭhe.

Tatrāyaṃ vicāraṇā—kadā paccuddharitabbā, kadā vikappetabbā, kiñcetta yasmā “tato paraṃ”ti vuttaṃ, hemantaṅca pattamatte sā adhiṭṭhānaṃ vijahati, tasmā “paccuddharitvā”ti na vattabbaṃ adhiṭṭhānassa natthitāya, atha “antocātumāse vikappetabbā”ti na vattabbaṃ. “Tato paraṃ vikappetun”ti hi vuttanti? Ettha ekacce vadanti “vattabbametana”ti. Yathā parivutthaparivāso, ciṇṇamānatto ca santo niṭṭhitesupi parivāsamānattadivasesu, tathā niṭṭhitesupi adhiṭṭhānadivasesu sādhiṭṭhānametanti eke. **Atṭhakathācariyānaṃ** idaṃ sanniṭṭhānaṃ “kattikapuṇṇamadivase paccuddharitvā pāṭipadadivase vikappetabbā”ti. Vuttaṅhetāṃ **parivāratṭhakathāyaṃ** “kattikapuṇṇamāsiyā pacchime pāṭipadadivase vikappetvā ṭhapitaṃ vassikasāṭikaṃ nivāsento hemante āpajjati. **Kurundiyaṃ** pana ‘kattikapuṇṇamadivase apaccuddharitvā hemante āpajjati’ti vuttaṃ, tampi suvuttaṃ. ‘Cātumāsaṃ adhiṭṭhātum, tato paraṃ vikappetun’ti hi vuttan”ti¹. Tattha kurundinayo pacchā vuttattā sārato daṭṭhabbo, na purimo. Nivāsento hi gimhepi orenaddhamāsaṃ āpajjati eva. Idha ca “atthāpatti hemante āpajjati, no gimheti vuttan”ti kurundivacanassāyamattho dissati.

“Kattikapuṇṇamadivase apaccuddharitvā tasmim yeva divase avikappento pacchimapāṭipadadivase apaccuddhārapaccayā dukkaṭaṃ āpajjati, na, avikappanapaccayā dasāhāparihārasambhavato”ti kāraṇameke vadanti. Evaṃ sati hemante pattamatte adhiṭṭhānaṃ vijahatīti āpajjati, taṅca ayuttaṃ. Adhiṭṭhānaṅhi “aññassa dānena -pa- chiddabhāvenāti imehi navahi kāraṇehi vijahatī”ti² vuttaṃ, na “adhiṭṭhānakhattātikkena vā”ti. Asādhāraṇattā na vuttanti ce? Na, “chiddabhāvenā”ti na vattabbappasaṅgato, chiddabhāvena pana ticīvarasseva **sabbaṭṭhakathāsu** adhiṭṭhānavijahanassa vuttattā. Tasmā hemantassa paṭhamadivase apaccuddhārapaccayā dukkaṭaṃ āpajjati, na paccuddharitvā avikappanapaccayā. “Vikappetun”ti vacanato tato adhiṭṭhānaṃ na vijahatīti paññāyati. Na hi kattikapuṇṇamāsiyā pacchime pāṭipadadivase avikappetvā hemante āpajjatīti vuttanti adhippāyo, yasmā taṃ apaccuddhārapaccayā dukkaṭaṃ hemantassa paṭhama-arūṇakkhaṇe eva āpajjati, tasmā “kattikapuṇṇamadivase apaccuddharitvā”ti vuttaṃ. Paccuddhaṭaṃ pana hemante

1. Vi-Ṭṭha 4. 164 piṭṭhe.

2. Vi-Ṭṭha 2. 227 piṭṭhe.

dasāhaparihāraṃ labhati. “Dasāhe appahonte cīvarakālaṃ nātikkāmetabbā”¹ hi vuttaṃ, tañca kho samaye uppannaṃ ce, nāsamaye. Tathā ca sādhitāṃ apaccuddhaṭaṃ na nissaggiyaṃ hoti, no ca taṃ paridahitaṃ, tasmā kattikapuṇṇamadivase eva paccuddharaṇaṃca vikappanaṃca kattabbanti siddhaṃ, ettha ca yathā atirekacīvaraṃ dasame divase vikappentena dasāhaparamaṃ dhāritaṃ hoti, antodasāhe ca vikappitaṃ hoti, tathā kattikapuṇṇamāya vikappentena vassānaṃ cātumāsaṃ adhiṭṭhitaṃca hoti, tato paraṃ anāpattikhette eva vikappanā ca hotīti veditabbaṃ. Ettāvata atthi vikappanākhette adhiṭṭhānaṃ, adhiṭṭhānakhette ca vikappanāti dīpitaṃ hoti. Aññathā “atthāpatti adhiṭṭhānena āpajjati, anadhiṭṭhānena āpajjati. Atthāpatti vikappanāya āpajjati, avikappanāya āpajjati”² ti dukesu dve dukāni vattabbāni siyuraṃ. Tattha paṭhamaduke paṭhamapadaṃ sambhavati. Vikappanakhette hi vassikasāṭikādīnaṃ adhiṭṭhānena vinayātisāradukkaṭaṃ āpajjati. Eteneva dutiyadukkaṭassa dutiyapadaṃ vuttaṃ hoti. Anadhiṭṭhānena āpajjatīti natthi. Antodasāhe anāpajjanato, vikappanādisambhavato ca vikappanāya āpajjatīti natthi sabbattha vikappanāya appaṭisiddhattā, tasmā tāni dukāni “na labbhanti”³ ti na vuttāni. Etthāha—yā sā “atthāpatti hemante āpajjati”² vacanappamaṇato dukkaṭāpatti sādhitā, sā sañcicca apaccuddharantassa yujjati, asatiyā ce, kañci, anāpatti. Kattikapuṇṇamāya paccuddhaṭaṃ sañcicca avikappayato dukkaṭena saha punadivase nissaggiyaṃ, asatiyā avikappayato nissaggiyameva idha paṭhamapaññattiyā. Yaṃ pana vuttaṃ **mātikāṭṭhakathāyaṃ**³ “vassikasāṭikā vassānamāsāṭikkamenāpi, kaṇḍupaṭicchādi ābādhavūpasamenāpi adhiṭṭhānaṃ vijahati, tasmā sā tato paraṃ vikappetabbā”² ti, tenetaṃ virujjhati, na kevalaṃ idameva, “tato paraṃ paccuddharitvā vikappetabbā”² ti aṭṭhakathāvacanaṃca virujjhati. Tato paraṃ nāma hi hemantaṃ, tattha ce paccuddhāro, “vassikasāṭikā vassānamāsāṭikkamenāpi”² ti-ādi na yuttaṃ adhiṭṭhānābhāvena paccuddhārābhāvato. Avirodho ca icchitabbo, tasmā “paccuddharaṇaṃ vattamattan”² tivādo etthāpi sambhavatīti ce? Na, **kurundi** vacanavirodhato. Tattha hi kattikapuṇṇamāya paccuddhāro vutto,

1. Vi-Ṭṭha 2. 300 piṭṭhe.

2. Vi 5. 218 piṭṭhe.

3. Kaṅkhā-Ṭṭha 155 piṭṭhe.

tasmā vassānadivasattā sādhiṭṭhānāvasā paccuddhariyatīti na paccuddhāro vattamattam, tasmā “tato paran”ti yāva puṇṇamā adhippetā siyā. Yathā cāyam vikappo, tathā “vassānamāsātikkaṃenāpi ābādhavūpasamenāpi”ti idampi avassam paccuddharitabbatāya vuttam siyā. Evañca sati idha **samantapāsādikāya** tadavacanena sameti. Aññathā idhapi tam vattabham siyāti yathāvuttova vidhi ettha sambhavati, kiñcāpi sambhavati, duviññāpayassa pana lokassa suviññāpanattham vuttā. Yasmā pana sā vassānātikkaṃena adhiṭṭhānam vijahati, hemantapaṭhamāruṇe ca apaccuddhārapaccayā dukkaṭā sādhitā, tasmā kattikapuṇṇamāyameva paccuddharitvā vikappetabbā, avikappitāya “nissaggiyāpajjanamevā”ti vattabham. Ettāvātāpi santosam akatvā vinicchayo pariyesitabbo. Hoti cettha—

“Evaṃ abhāvaṃ vinayassa pāli,
Bhinnaṃ abhinnañca tadatthayuttim.
Viññātukāmena tadatthaviññū,
Pariyesitabbā vinaye viññāyā”ti.

“Tuyham gaṇhāhi”ti vutte vināpi “mayham gaṇhāmī”ti vacanena sudinnaṃ hoti. Itaro ce adhiṃvāseti, tenāpi suggahitaṃ hoti, no ce adhiṃvāseti, dentena sudinnaṃ. Tam pana vatthu na kassaci hoti. Tathā mayham gaṇhāmī”ti vadati, sāmiko ce adhiṃvāseti, vināpi “gaṇhāhi”ti vacanena suggahitaṃ. No ce adhiṃvāseti, sāmikasseva tam, **na hi tassetam vinayakammanti** ettha vinayakammassatthāya ce gaṇhāti, na vaṭṭati. Na kevalam attano atthāya gahitaṃ, puna tassapi deti, vaṭṭatīti ca. Tathā anapekkho hutvā parassa vissajjetvā puna tena dinnam vā tassa vissāsanto vā paribhuñjati, vaṭṭati. Tatthāpi vinayakammavasena na vaṭṭatīti eke. Te eva “mahantaṃ vā khuddakaṃ karotī”ti ettha “ticīvare dīghato vidatthi anatikkamitvā chinditvā karoti, evaṃ sesesupī”ti vadanti. Evarūpesu ṭhānesu porāṇācariyānam kathāmaggaṃ suṭṭhu ācariyakulasevanāya sañjānitvā tena saṃsanditvā sato sampajāno hutvā sotūnañca cittaṃ avimohetvā kathetabham. Esā amhākaṃ āyācanā.

Paṭhamakathinasikkhāpadavaṇṇanā niṭṭhitā.

2. Udositasikkhāpadavaṇṇanā

471. Santaruttarena janapadacārikaṃ pakkamanti. Kasmā? Kiñcāpi “na bhikkhave santaruttarena gāmo pavisitabbo, yo paviseyya, āpatti dukkaṭassā”¹ti¹ paṭhamam vuttam. Pacchā pana “pañcime bhikkhave paccayā saṃghāṭiyā nikkhepāya, uttarāsaṅgassa, antaravāsakassa nikkhepāya gilāno vā hoti, vassikasaṅketam vā, nadīpāram gantum vā, aggaḷaguttivihāro vā, atthatakathinam vā hoti”¹ti¹ vuttattā, **aṭṭhakathāyampissa** “pañcasu petesu aggaḷagutti eva pamāṇam. Gutte eva hi vihāre nikkhipitvā bahi gantum vaṭṭati, nāgutte”¹ti vuttattā apaññattepi kathine “te bhikkhū aggaḷaguttivihāre ṭhapethā”¹ti vatvā sabhāgānam hatthe cīvaram nikkhipitvā santaruttarena gāmappavese laddhakappiyā janapadacārikaṃ pakkāminsūti veditabbam.

473. **Avippavāsasammutinti** avippavāsattham, vippavāsapaccayā yā āpatti, tadabhāvattham vā sammutim dātunti attho. Tato paṭṭhāya vaṭṭati. Kittakam kālam vaṭṭatīti? Māsam vā atirekam vā yāva gamane sa-ussaho, tāva vaṭṭati. Tena vuttam “dhuranikkhepam karontena paccuddharitabban”¹ti. **Puna sammutidānakiccam natthīti** sace dvādasannam vassānam accayena añño rogo hoti, vaṭṭati, upasampadakammaṃ viya yāvajīvam ekāsammuti vaṭṭatīti ce.

“Katam vā hoti”¹ti-ādi imasmim sikkhāpade na vattabbam, kasmā? Karaṇapalibodhe upacchinnepi anadhiṭṭhitacīvarato vippavāsapaccayā āpattiyā asambhavato, tasmā “niṭṭhitacīvarasminti bhikkhuno cīvaram adhiṭṭhitam hoti”¹ti ettakameva vattabbanti ce? Na, tadāyattattā. Adhiṭṭhānañhi karaṇapalibodhassa niṭṭhāpanāyattam, tasmā “katamvāti-ādi vuttan”¹ti ca vuttam. Tattha **katanti** pubbe vuttameva.

477-8. **Avippavāsasalakkhaṇavavathāpanatthanti** ettha “antogāme cīvaram nikkhipitvā antogāme vatthabban”¹ti-ādivacanato avippavāsasalakkhaṇam vavathāpitaṃ, tabbiparītanayena vippavāsasalakkhaṇam veditabbam. **Gāmo ekūpacāroti**-ādimhi pana ṭhapetvā sattham, rukkhamaṇam, ajjhokāsaṅca sesesu parikkhepāparikkhepavasena ekūpacāranānūpacāratā veditabbā. Yasmā

pana satthaṃ duvidhaṃ niviṭṭhaṃ, aniviṭṭhañca, tesu aniviṭṭhaṃ ekakulassa vā nānākulassa vā aparikkhittameva hoti, niviṭṭhaṃ siyā parikkhittaṃ, siyā aparikkhittaṃ, tasmā tattha parikkhepādivasena adassetvā abbhantaravasena vutto. Tathā abbhokāse. Rukkhamūle chāyāvasena. Aññathā “sattho ekūpacāro nānūpacāro”ti-ādi uddesavirodho siyā **vibhaṅge** adassittā, tasmā satthassa purato ca pacchato ca sattabbhantarā, passato ca ekabbhantaranti ayamekūpacāro, tato paraṃ nānūpacāro. Tathā¹ rukkhamūlassa yattha majjhanhike kāle chāyā pharati, ayaṃ ekūpacāro. Itaro nānūpacāro. Kasmā? Tattha hi parikkhepo appamaṇaṃ. Chāyāva pamāṇaṃ. Ajjhokāsassa **pāliyaṃ** vuttova. “Satthādīnaṃ ekakulasantakavasena ekūpacārata”ti likhitaṃ, tasmā nivesane, udosite ca vuttaparichedova aṭṭādīsūti katvā saṃkhittaṃ. Tato paraṃ khettdhaññakaraṇa-ārāmaṃvihāresu pana parikkhittāparikkhitta-padaṃ puna uddhaṭaṃ satthavibhaṅgena adhikārassa pacchinnattā. “Nānāgabbhā”ti-ādivacanaṃ pana asambhavato khettdhaññakaraṇa-ārāmesu na uddhaṭaṃ. Vihāre sambhavantampi tattha pacchinnattā na uddhaṭaṃ. **Kulaṃ** vuccati sāmiko, tasmā “ekakulassa nānākulassā”ti iminā gāmadīnaṃ cūddasannaṃ cīvaranikkhepaṭṭhānānaṃ sādharmaṇāsādharmaṇabhāvaṃ dīpeti. Ajjhokāsassa pana asambhavato na vuttaṃ. Yasmā panettha ekakulassa, nānākulassa ca aparikkhittesu gāmadīsu pariḥaraviseso kiñcāpi natthi, parikkhittesu pana atthi, tasmā ekanānākulaggahaṇaṃ, ekanānūpacāraggahaṇaṃca sātthakanti veditabbaṃ. Tatthapi ayaṃ viseso—satthe, rukkhamūle ca kulabhedatova bhedo, nopacārabhedato. Ajjhokāse upacārabhedato ca, so pana **pāliyaṃ** na dassitoti. “Taṃ pamāṇaṃ atikkamivā”ti vacanato ākāsepi adḍhateyyaratanappamāṇe doso natthi”ti vadanti.

479. “Sabhā”ti itthiliṅgaṃ. “Sabhāyan”ti napuṃsakaliṅgaṃ, tena vuttaṃ “**liṅgabyattanayenā**”ti. Napuṃsakaliṅgadassanattaṃ kira “sabhāyan”ti paccattavasena niddiṭṭhaṃ, tassa anupayogattā “dvāramūlan”tipi. Attano nikkhattaṭṭhāne anikkhattattā vīthihatthapāso na rakkhati, yasmim ghare cīvaraṃ nikkhattaṃ hoti, tasmim ghare vatthabbaṃ. “Sabhāye vā vatthabbaṃ dvāramūle vā,

1. Tasmā (Ka)

hatthapāsā vā na vijahitabban”ti hi vuttaṃ. “Hatthapāseyeva aruṇaṃ uṭṭhapetabban”ti niyamatattā jānituṃ na sakkāti ce? Antoghare na sakkā, tathā tathā vuttattā, tasmā “yutti pamāṇan”ti vuttaṃ. Ayamatto **aṭṭhakathāyampi** pakāsito, punapi khuddakagāme sabbasādhāraṇagāmadvāravasena. Sace tassa dvāradvayaṃ hoti, majjhe ca gharasabhāyaṃ, yatthicchati, tattha vasitabban”ti.

480-1-9. Yāni nivesanādīni gāmasaṅkhyāṃ na gacchanti, tāni nivesanādīnīti adhippetāni. Ajjhokāse aparisaṅkhitampi cīvaraṃ atirekasattabbhantare nikkhittaṃ nissaggiyaṃ hoti, ettha antosīmatā na rakkhati, satthe pana rakkhati. “Nadīparihāro ca labbhatī”ti vacanato udakukkhepasīmāyaṃ parihāro labbhatīti siddhaṃ. Sāmantavihāro ce ekasīmo, cīvaraṃ na nissaggiyaṃ.

Idāni—

“Chinnaṃ dhutaṅgaṃ sāsāṅka-sammato santaruttaraṃ.

Acīvarassānāpatti, paccuddhārādisiddhito”ti—

Idaṃ pakiṇṇakaṃ, tathāyaṃ codanāpubbaṅgamo vinicchayo—keci “diguṇaṃ saṃghāṭin”ti¹ vacanato “ekaccikā saṃghāṭipi nādhiṭṭhātabbā. Sace adhiṭṭhāti na ruhatī”ti vatvā upasampadāpekkhānampi diguṇameva saṃghāṭim datvā upasampādentī, te iminā suttalesena saññāpetabbā. Bhagavatā hi “chinnakaṃ saṃghāṭim chinnakaṃ uttarāsaṅgaṃ chinnakaṃ antaravāsakan”ti paṭhamāṃ anuññātāṃ. Tato “aññatarassa bhikkhuno ticīvare kariyamāne sabbāṃ chinnakaṃ nappahoti. Dve chinnakāni ekaṃ acchinnakaṃ nappahoti. Dve acchinnakāni ekaṃ chinnakaṃ nappahotī”ti imasmim vatthusmim “anujānāmi bhikkhave anvādhikampi āropetun”ti² anuññātāṃ, tasmā ekaccikāpi saṃghāṭi vaṭṭatīti siddhaṃ. Yā chijjamānā nappahoti, tassā kuto diguṇatāti. **Aṭṭhakathāyampi** vuttaṃ “anvādhikampi āropetunti āgantukapattampi dātuṃ. Idaṃ pana appahonake āropetabbaṃ. Sace pahoti, āgantukapattaṃ na vaṭṭati, chinditabbamevā”ti³. Kathinaṃ pana chinnakameva vaṭṭati āveṇikalakkhaṇattā, “chinnakaṃ diguṇaṃ nappahotī”ti vacanābhāvato cāti sannīṭṭhānamettha gantabbaṃ.

1. Vi 3. 403 piṭṭhe.

2. Vi 3. 412 piṭṭhe.

3. Vi-Ṭṭha 3. 410 piṭṭhe.

Dhutaṅganti anupasampannānaṃ tecīvarikadhutaṅgābhāvato ticīvareneva tecīvarikoti. Tesam adhiṭṭhānābhāvato “adhiṭṭhitenevā”ti vattabbaṃ hotūti ce? Na, dhutaṅgabhedena virodhappasaṅgato. Catutthacīvarasādiyanena hi dhubhaṅgabhedo, na ticīvaravippavāseṇa, nāpi atirekacīvarasādiyanena, nāpi atirekacīvaradhāraṇena. Yasmā pana bhikkhūnaṃyeva bhagavatā adhiṭṭhānavasena nava cīvarāni anuññātāni, jātivaseṇa ca vuttāni, na evaṃ anupasampannānaṃ. Tasmā tesam cīvaraniyamābhāvā na taṃ dhutaṅgaṃ anuññātaṃ gahaṭṭhānaṃ viya, tasmā tassa samādānavidhāne avacanato ca sannīṭṭhānamettha gantabbaṃ.

Sāsaṅkasammatoti kaṅkhāvitaraṇiyaṃ¹ sāsaṅkasikkhāpade visum aṅgāni na vuttāni, “sesamettha cīvaravaggassa dutiyasikkhāpade vuttanayena veditabbaṃ”ti¹ vuttaṃ, na ca panetaṃ vuttaṃ. Tattha rattivippavāso catutthaṃ aṅgaṃ, idha chārattavippavāso, ayamettha visesoti, tasmā aṅgasāmaññato, sammutisāmaññato ca sāsaṅkasikkhāpadameva vadanti. Idaṃ nippadesaṃ, taṃ sappadesaṃ māsaparamattā. Tattha bahigāmepe gāmasīmaṃ okkamitvā vasitvā pakkamantassa anāpatti, idha na tathā, idha anantare anantare aruṇuggamane nissaggiyaṃ, tattha sattamehi ayaṃ imesaṃ dvinnāṃ viseso. Aṅgāni pana cīvaranikkhepaṅgasampattito vipariyāyena, idha vuttanayena ca siddhattā na vuttāni. Tāni kāmāni na vuttāni, tathāpi catutthamaṅgaṃ visesitabbaṃ, na pana visesitaṃ. Kimkāraṇā? Idha vuttanissajjanakkamena nissajjetvā āpattidesanato, tathāpanāpattivimokkhaḍīpanatthaṃ. Saṃvaccharavippavutthampi rattivippavutthameva, pageva chārattaṃ vippavutthaṃ. Evaṃ santēpi tattha yathāvutta-aṅgasampattiyā sati tattha vuttanayeneva nissajjitabbaṃ. Hemante vā gimhe vā nissajjati ce? Idha vuttanayenāpi nissajjituṃ vaṭṭatīti nāpanatthaṃ catutthaṃ aṅgaṃ na visesitanti no takkoti ācariyo. Māsātikkantampi cīvaraṃ “dasāhātikkantaṃ”ti vatvā nissajjameva. Dvayena ūnamāsaṃ hutvā “dasāhātikkantaṃ”ti vatvā māsātikkantanti eke. Tathāpi sace paccāsācīvaraṃ hoti, nissaggiyaṃ “dasāhātikkantaṃ”ti vatvā, mūlacīvaraṃ pana “māsātikkantaṃ”ti vatvā nissajjitabbaṃ.

1. Kaṅkhā-Ṭṭha 188 piṭṭhe.

“Santaruttaran”ti vā “saṅghāṭin”ti vā “cīvaran”ti vā kiṃ ticīvaranṃ, udāhu aññampīti. Kiñcetha—yadi ticīvaremeva paṭisiddham, pariyāpannavasena acchinnacīvaracchindanadhovāpanaviññatti-ādivirodho. Atha aññampi, “niṭṭhitacīvarasmin”ti evamādinā virodhoti? Vuccate—na niyamato vedītabbanṃ yathāsambhavanṃ gahetabbato. Tathā hi “cīvaranṃ nikkhipitvā santaruttarena janapadacārikaṃ pakkamantī”ti¹ evamādisu ticīvaremeva. “Na bhikkhave santaruttarena gāmo pavisitabbo, santaruttaraparamanṃ tato cīvaranṃ sādhitabban”ti² evamādisu yaṃkiñci, tathā saguṇanṃ katvā saṅghāṭiyo dātabbā, nivāsanānṃ dātabbanṃ, saṅghāṭi dātabbā, handa te āvuso saṅghāṭi, dehi me paṭanti-ādīsu. Vuttañhetanṃ “sabbañhi cīvaranṃ saṅghaṭitaṭṭhena ‘saṅghāṭi’ti vuccatī”ti³. Tathā “niṭṭhitacīvarasmin”ti etthāpīti eke. Antosamaye hi yāvadatthanṃ cīvaranṃ anuññātānṃ, taṃ sabbanṃ kariyamānanṃ kadā niṭṭhānanṃ gacchissati, tasmā ticīvaremevāti eke. **Acīvarassānāpatti paccuddhārādisiddhitoti** kiṃ vuttanṃ hoti? Udositasikkhāpadassa nippayojanabhāvappasāngato ticīvaravippavāse tecīvarassa āpattīti eke. Tatthetanṃ vuccati na hoti āpatti paccuddhārādisiddhito. “Anāpatti anto-aruṇe paccuddharati, vissajjetī”ti hi vuttanṃ. Aññathā paccuddharantassa, anto-aruṇe vissajjentassa ca yāva añño nādhiṭṭhāti, tāva āpattim āpajjati yathāvuttanayena. Aññathā sattabbhantarena vippavāsassāti vippavāsato yathārutamyeva sati vippavāse vippavāsato avippavāse sati avippavāsatoti.

Udositasikkhāpadavaṇṇanā niṭṭhitā.

3. Tatiyakathinasikkhāpadavaṇṇanā

497. **Nappahotīti** lāmakaparicchedanṃ na pāpuṇāti, teneva ticīvarassa muṭṭhipañcakādīlāmakaparicchedova tāva vutto. Cīvare paccāsā **cīvarapaccāsā**. Tenetanṃ dīpeti—tanṃ cīvaranṃ pacchā labbhatu vā mā vā, yāva sā paccāsā chijjati, tāva idanṃ mūlacīvaranṃ ṭhapetum anujānamīti. “Cīvarapaccāsā”ti mariyādatthe nissakkavacanānṃ, bhummatthe vā paccattavacanānṃ katānṃ.

1. Vi 1. 297 piṭṭhe.

2. Vi 3. 413 piṭṭhe.

3. Vi-Ṭṭha 3. 206 piṭṭhe.

499-500. **Niṭṭhitacīvarasmim -pa- cīvarasā vā upacchinnāti-**ādimhi tīsu cīvaresu aññataram katam hoti, sesā atthi, rakkhati. Cīvarapalibodhassa upacchede, ubbhatasmiñca kathine samaye vā hemantassa samaye vā akālacīvaram uppajjeyya, khippameva kāretabban. Sati pāripūriyā paccāsā na rakkhati, asati natthi ce paccāsā, na rakkhati. “Anatthate kathine ekādasamāse uppannan”ti vacanato aparakattikā atthate vā anatthate vā samayova. Hemanto siyā samayo atthate, siyā asamayo anatthate. Tato param ekaṃsato asamayo vāti. “**Ādissa dinnan**”ti idam idha alabbhamānampi atthuddhāravasena vuttam bhikkhunānam **dutiyanissaggiye**¹ sesam akālacīvaram viya. Tattha hi bhikkhunisaṃghassa “sampattā bhājentū”ti evam ādissa dinnameva “akālacīvaram kālacīvaran”ti adhiṭṭhahitvā bhājentiyā nissaggiyam. Tathā hi tattha yathā “akālacīvaram nāma anatthate kathine ekādasamāse uppannam, atthate kathine sattamāse uppannan”ti idam atthuddhāravasena vuttam, evaṃsampadamidam. Yadi evam “ekapuggalassa idam tuyham damhīti dinnan’ti idam kimattham vuttam, na hi tam bhājanīyanti ce? Abhājanīyasāmaññato vuttam hoti. Yathā saṃghassa ādissa dinnam atthatakathinehi eva bhikkhūhi abhājanīyattā akālacīvaram nāma jātam, evam puggalikampi itarehīti attho. Evam santepi kassaci siyā “ādissa dinnampi dasāhameva parihāram labhati”ti. Tassetam pāṭikaṅkham. **Paṭhamakathine** “niṭṭhitacīvarasmim bhikkhunā ubbhatasmim kathine”ti idaṃhi niratthakanti. Anubbhatasmimpi hi kathine dasāhaparamameva dhāretabbanti viññātattā anādissa dinnameva sandhāyetam vuttam siyāti ce? Evam santepi anādissa dinnampi anatthatakathinānam aparakattikāya dasāhameva parihāram labhati “niṭṭhitacīvarasmim bhikkhunā ubbhatasmim kathine”ti vuttattā. Āmantāti ce? “Anatthate kathine ekādasamāse uppannan”ti vacanena virujjhati, tasmā yathāvuttanayenevettha sanniṭṭhānam gantabban.

Anugaṇṭhipade vuttam “paṭhamasikkhāpade sabbacīvarānam yāvadatthacīvaravasena kathinamāsabbhantare dasāhātikkamepi anāpatti parihārassa dinnattā.

1. Vi 2. 320 piṭṭhe.

Yathā kathinamāsabbhantare ādiṣṣa dinnamakālacīvaraṃ
 kālacīvaraparihārameva labhati, tathā itaramāsepi labhatīti veditabbaṃ.
 Tasmā evaṃ ‘niṭṭhitacīvarasmim bhikkhunā ubbhatasmim kathine
 bhikkhuno paneva cīvaraṃ uppajjeyyā’ti-ādinā sikkhāpade siddhepi
 anattatakathinānaṃ pacchimakkattikamāsaṃ anujānanta ‘akālacīvaraṃ
 uppajjeyyā’ti vuttaṃ. Evañhi avutte akālacīvaraṃ nāma ‘anattate kathine
 ekādasamāse uppanna’ti na sakkā vuttuṃ. Evañhi vacanato
 anattatakathinānaṃ atthatakathinānaṃ viya sabbacīvarānaṃ
 pacchimakkattikamāse dasāhātikkame nissaggiyaṃ na hoti’ti-ādi.

Bhiyyopi evaṃ vuttaṃ—yaṃ pana mayā “paṭhamakathine
 dasāhaparamaṃ atirekacīvaraṃ dhāretabbaṃ”ti anuññātaṃ, tampi
 kathinamāsato bahi uppannameva, na antoti ayamatto dīpito hoti. Kathaṃ?
 Atirekacīvarassa dasāhaparihārato uddhaṃ āpajjitabbāpattim
 “niṭṭhitacīvarasmim bhikkhunā ubbhatasmim kathine”ti anupaññattiyā
 kathinabbhantare vāretvā tato uddhaṃ uppannesu dasāhātikkame
 āpajjitabbāpattim iminā sikkhāpadena vāretuṃ “akālacīvaraṃ uppajjeyyā”ti-
 ādi vuttaṃ. Tena “kālepi ādiṣṣa dinnam, etaṃ akālacīvaraṃ nāmā”ti
 vacanato kathinubbhārato uddhaṃ dasāhaparihāraṃ na labhatīti dīpitaṃ
 hoti, tehi saddhim puna kathinubbhārato uddhaṃ pañca divasāni labhatīti
 pasaṅgopi “niṭṭhitacīvarasmim bhikkhunā ubbhatasmim kathine bhikkhuno
 paneva akālacīvaraṃ uppajjeyya -pa- khippameva kāretabbaṃ”ti
 akālacīvarassa uppattikālaṃ niyametvā vuttattā nivārīto hoti, tadubhayena
 kathinabbhantare uppannacīvaraṃ kathinubbhārato uddhaṃ ekadivasampi
 parihāraṃ na labhatīti siddhaṃ hoti. Evaṃ apare vadantīti.

Punapi vuttaṃ—ācariyā pana evaṃ vadeyyuṃ “niṭṭhitacīvarasmim
 bhikkhunā ubbhatasmim kathine bhikkhuno paneva akālacīvaraṃ
 uppajjeyyā”ti ettha “niṭṭhitacīvarasmim bhikkhunā ubbhatasmim kathine”ti
 vadanto evaṃ viññāpeti “etthantare tiṇṇannampi akālacīvarānaṃ uppatti
 abhāvan”ti. Kasmā pana padabhājane vitthāritānīti? Vuccate—idaṃ
 sikkhāpadaṃ adhiṭṭhānaṃ sandhāya vuttaṃ, kintu paṭhame dasāhaṃ
 anujānitvā tasmim appahonte sace paccāsā atthi, tameva vaḍḍhetvā māsam
 anujānanto imampi atthavisesam dīpeti akālacīvaraṃ

nāma sammukhībhūtena bhājetabbantipi dīpeti. Tam pana “ākaṅkhamānena bhikkhunā paṭiggahetabban”ti iminā sikkhāpadena vaḍḍhetvā vuttanti, tasmā tīṇipi padabhājane vitthāritānīti.

“Khippameva kāretabbanti dasāhā kāretabban”ti idaṃ pana pahonakabhāve purimasikkhāpadalakkhaṇenāti dīpetuṃ vuttaṃ, tasmā “evaṃ sīghanti vā lahunti vā”ti-ādinā avatvā “dasāhā”ti vuttaṃ. Atthatakathinassa evaṃ hotu, anattate pana kathine kathanti vutte anattatassa paṭikkhepatam dasseti vutto apassanto vighātam āpajjati. **Ekatimse aruṇuggamane nissaggiyanti** mahantenapi paccāsācīvarena saha ghaṭitampi tabbhāvaṃ anupativā nissaggiyaṃ hoti sati pacchimappamāṇasambhave, asati na hoti, puna ghaṭite hoti, aññena ghaṭite na hoti. Chinnaṃ aññavatthu hoti. Pubbaparichedaṃ atikkantaṃ ghaṭitaṃ puna aññaparichedaṃ labhatīti eke, upaparikkhitvā gahetabbaṃ. Aññatarasmim **gaṇṭhipade** pana “saṃghassa vā idaṃ akālacīvaranti uddissa dinnan’ti ettha saṃghassa dinne āpatti nāma natthi, ‘sotassa raho’ti-ādīsu viya paduddhārena vuttaṃ, tassa lābhaṃ sandhāyāti ce? **Saṃghato vā uppajjeyyāti** anena siddhattā adhikamevā”ti ca “saṃgho cīvarāni labhissati gaṇo vā’ti-ādināpi pāṭho atthi”ti ca vuttaṃ. **Gaṇṭhipade** kosallattham pana mayā sabbaṃ likhitaṃ, suṭṭhu vicāretvā kathetabbaṃ.

Tatīyakathinasikkhāpadavaṇṇanā niṭṭhitā.

4. Purāṇacīvarasikkhāpadavaṇṇanā

503-5. **Bhattavissagganti** bhattakiccādhiṭṭhānaṃ.

Bhattakiccādhiṭṭhānavibhāganti porāṇā. **Tattha nāma tvanti** tattha tayā katakamme evaṃ akattabbe sati dhovāpissasi nāma. Atha vā so nāma tvanti attho. **Ubhatosarīghe upasampannāti** bhikkhūnaṃ santike upasampadāya paṭikkhittattā tadanupasaṅgabhayā evaṃ vuttanti veditabbaṃ.

“Purāṇacīvaran”ti ettha purāṇabhāvadīpanatthameva “**sakim nivatthampi sakim pārutampi**”ti vuttaṃ, tasmā “cīvaraṃ nāma channaṃ cīvarānaṃ aññataraṃ cīvaraṃ vikappanupagaṃ pacchiman”ti vacanassa okāso

na jātoti eke. Yasmā vikappanupagapacchimam idha nādhippetam, nivāsanapārupanupagamevādhippetam, teneva nisīdanapaccattharaṇe dukkaṭam vuttam, tasmā na vuttanti eke. Jātipparamāṇāvacanato yam kiñci purāṇavattham dhovāpentassa nissaggiyameva, teneva “anāpatti cīvaram ṭhapetvā aññam parikkhāram dhovāpeti”ti vuttam. Thavikampi hi asucimakkhitam paribhuttam dhovāpeti, nissaggiyameva oḷārikattā, appatirūpattā ca. Teneva **kañkhāvitaraṇiyam** imasmiṃ ṭhāne cīvaraparicchedo na vuttoti eke, vicāretvā yuttataram gahetabbam. “**Rajitvā kappam katvāti** kappiyam katameva nivāsetum, pārupitum vā vaṭṭati, netaran”ti vuttam. Iminā ca majjhimattheravādo upatthambhito hoti, nopatthambhito. **Rajitvāti**—ādi pana vinayavidhidassanattam vuttanti mama takko. Yathā aññātikāya aññātikasaññivāre tīṇi catukkāni, evam vematikaññātikavāresu cāti nava catukkāni honti. Etthāha—ekavāram dhovivā dhovanesu dhuram nikkhipivā puna “duddhotan”ti maññamānā dhovati, anāpattiyā bhavitabbam, dutiyavāram avuttā dhovati nāma hotīti? Vuccate—sace bhikkhu “alam ettāvata dhotenā”ti paṭikkhipati, puna dhovantī avuttā dhovati nāmāti yujjati. No ce, vuttāva hotīti veditabbam. Bhikkhussa liṅgaparivattane ekato-upasampannāya vasena āpatti sākiyānīnam viya.

506. **Ekena vatthunāti** yena kenaci paṭhamena. “Tiṇṇam catukkānam vasenā”ti pāṭho. Bhikkhūnam santike aṭṭhavācikāya upasampannāya pākaṭattā tam avatvā sākiyāniyova vuttā apākaṭattā.

Purāṇacīvarasikkhāpadavaṇṇanā niṭṭhitā.

5. Cīvarapaṭiggahaṇasikkhāpadavaṇṇanā

508-10. **Apaññatte sikkhāpadeti** ettha “gaṇamhā ohīyanasikkhāpade”ti likhitam. Araññavāsīnisedhanasikkhāpade apaññatteti eke, “tam na sundaran”ti vadanti. **Vihatthatāyāti** āyāsena.

512. **Upacāroti** dvādasahattho. **Mahāpaccariyam, kurundiyañca** vuttanti ettha rattibhāge dhammakathikassa bhikkhuno bahūsu cīvaresu mahājanena

pasādadaṇavasena paṭikkhittesu punadivase “upāsakānaṃ pasādadaṇāni etāni”ti suddhacittena gaṇhantassa doso natthi, “bhikkhunīhipi dinnāni idha santi”ti nātvā gaṇhato doso. **Taṃ acittakabhāvenā**ti bhikkhunīhi dinnabhāvaṃ nātvā bahūsu tassā cīvarassa ajānanenāti attho. **Paṃsukūlaṃ adhiṭṭhahitvā**ti “bhikkhunīhi nu kho dinnāni siyā”ti avikappetvā “paṃsukūlaṃ gaṇhāmī”ti gaṇhantassa vaṭṭati. **Kurundi-**ādīsu vuttopi attho ayameva, ekaṃ, “acittakabhāvenā”ti vacanena “yathā tathā gaṇhitum vaṭṭati”ti uppathova paṭisedhitoti apare. Evaṃ **dhammasirittthero** na vadati, ujukameva vadatīti papañcitarā. Tasseva visayo, tassāyaṃ adhippāyo—yathā “paṃsukūlaṃ gaṇhissatīti ṭhapitaṃ kāmaṃ bhikkhunisantakampi avikappetvā paṃsukūlaṃ adhiṭṭhahitvā gahetum vaṭṭati”ti vuttaṃ, tathā dhammakathikassa bhikkhuniyā dinnampi apaññāyamānaṃ vaṭṭatīti, tasmā taṃ vuttaṃ mahāpaccariyaṃ, kurundiyañca acittakabhāvena na sametīti. Paṭikkhepo pana vikappaggahaṇe eva ruhati. Aññathā pubbāparaṃ virujjhatīti. Taṃ na yuttaṃ paṃsukūlena asamānattā. Paṃsukūlabhāvena saṅkārakūḍādisu ṭhapitaṃ bhikkhunīhi, na taṃ tassā santakaṃ hutvā ṭhitaṃ hoti. Assāmikañhi paṃsukūlaṃ sabbasādhāraṇaṇca, aññopi gahetum labhati. Idaṃ pubbeva “bhikkhunīnaṃ cīvaran”ti jānitvāpi paṃsukūliko gahetum labhati tadā tassā asantakattā. “Paṃsukūlaṃ adhiṭṭhahitvā”ti sallekhaḥkamanidassanattā vuttaṃ.¹ Maṃsaṃ dadantena tathāgatena sallekhatō kappiyampi bhuttaṃ nissaggiyaṃ cīvaramāha yo maṃsaṃ kathanti sayamādiseyyāti¹.

Acittakattā kathaṃ paṃsukūlaṃ vaṭṭatīti ce? Tāya tassa adinnattā, bhikkhunāpi tato bhikkhunito aggahitattā ca. Assāmikampi hi paṃsukūlaṃ aññissā hatthato gaṇhāti, na vaṭṭati “aññātikāya bhikkhuniyā cīvaraṃ paṭiggaṇheyyā”ti vuttalakkhaṇasambhavato. Aññātikāya santakaṃ nātikāya hatthato gaṇhāti, vaṭṭatīti eke. Yathā sikkhamānasāmaṇerādīnaṃ hatthato paṭiggaṇhantassa anāpatti, tathā **kaṅkhāvitaraṇiyaṇca** “aññātikāya hatthato gahaṇan”ti² aṅgaṃ vuttaṃ. Tathā

1. Imaṃ sadā dantena tathāgatena sallekhatō kappiyaṃ paribhuttaṃ, nissaggiyaṃ cīvaramāha “yo imaṃ gaṇhāti, so maṃ ādiseyyā”ti (?)

2. Kaṅkhā-Ṭṭha 165 piṭṭhe.

ñātikāya santakaṃ sikkhamānāya, sāmaṇeriyā, upāsakassa, upāsikāya, bhikkhussa, sāmaṇerassa santakaṃ aññātikāya bhikkhuniyā hatthato gaṇhantassa ca anāpatti evaṃ yathāvuttalakkhaṇāsambhavatoti eke, teneva “ekato-upasampannāya cīvaram paṭiggaṇhāti”ti avatvā ‘hatthato paṭiggaṇhāti aññatra pārivattakā, āpatti dukkaṭassā’¹ vuttam, tasmā aññātikāya santakampi ekato-upasampannāya hatthato paṭiggaṇhantassa dukkaṭan”ti vadanti, ubhopete na sārato daṭṭhabbā, kāraṇam pariyesitabbam.

514. **Ko pana vādo pattatthavikādīsūti** anadhiṭṭhātabbesu bahūsu paṭalesu. Tenevāha **mātikāṭṭhakathāyam** “pattatthavikādimhi anadhiṭṭhātabbaparikkhāre”²ti. Adhiṭṭhānupagesu vā tesam parikkhārattā bhisichaviyā viya anāpatti. Kim paṭaparissāvanam parikkhāram na hotīti? Hoti, kintu tam kira nivāsanādicīvarasaṇṭhānattā na vaṭṭati. Tasmā idha nivāsanādicīvarasādhanaṃ vikappanupagapacchimaṃ cīvaram nāma. Anantarāṭṭite nivāsanapārūpanupagamevāti sanniṭṭhānam. Evaṃ sante **kaṅkhāvitarāṇiyam**² vikappanupagapacchimatā, pārivattakābhāvo, aññātikāya hatthato gahaṇanti tīveva aṅgāni avatvā aparikkhārattāti catutthamaṅgam vattabbanti ce? Na vattabbam, imasmim sikkhāpade pattatthavikādiparikkhārassa acīvarasaṅkhyattā. Paṭhamakathinādīsū vikappanupagatā pamāṇam, idha kāyaparibhogupagatāti. “Aññam parikkhāran”ti uddharitvā “pattatthavikādim yaṃkiñcī”ti vuttattā vikappanupagampi pattatthavikādim gaṇhitum vaṭṭati, “paṭaparissāvanampi”ti vuttaṭṭhāne ca “cīvaram nāma vikappanupagapacchiman”¹ti vacanato paṭaparissāvanam cīvarameva, na parikkhāram. “Ko pana vādoti nigamanavacanampi sādhanan”ti keci vadanti, paṇṇattim ajānanato acittakam, na vatthum, “aññātikāya bhikkhuniyā santakabhāvājānanato, cīvarabhāvājānanato ca acittakan”ti **anugaṇṭhipade** vuttam.

Cīvarapaṭiggaṇhasikkhāpadavaṇṇanā niṭṭhitā.

1. Vi 1. 311 piṭṭhe.

2. Kaṅkhā-Ṭṭha 165 piṭṭhe.

6. Aññātakaviññattisikkhāpadavaṇṇanā

515. **Parikkhārānanti** upayogatthe sāmivacanāṃ. **Ekasātakanti** bhāvanapuṃsakāṃ, “aññātako moghapurisā”ti vacanena pavāritopi adātukāmo aññātako appavāritaṭṭhāne tiṭṭhatīti dīpitaṃ hoti. Aññathā “anāpatti parivāritānaṃ”ti iminā virujjhati.

517. **Neva tāva viññāpetabbaṃ, na bhañjītabbanti** anacchinnānaṃ cīvarānaṃ attano santakānaṃ atthitāya, tatha paccāsāsabbhāvato ca. Paccāsā kittakāṃ kālāṃ rakkhatīti? Yāva gāmantarā, yāva addhajojanāti eke. Yāva dassanasavanūpacārāti eke. Yāva aññe na passantīti eke. Yāva paccāsā chijjatīti eke. Yāva sākhāpalāsapariyesanabhañjanasajjanakālaparicchedāti eke. Idam sabbaṃ yathāsambhavaṃ yujjati. Kathaṃ paññāyatīti ce? “Sace pana etesaṃ vuttappakārānaṃ gihivatthādīnaṃ bhisichavipariyantānaṃ kiñci na labbhati, tena tiṇena vā paṇṇena vā paṭicchādetvā āgantabbaṃ”ti aṭṭhakathāvacanato.

Na tāva therānaṃ dātabbānīti na tāva attano ruciyā dātabbāni, yadā therā “dethāvuso”ti vadanti, tadā dātabbāni. “Evaṃ sati daharāpi acchinnacīvaratṭhāne tiṭṭhanti, sākhāpalāsaṃ bhañjītuṃ vaṭṭati, na aññathā. ‘Yehi kehici vā acchinnāṃ hotī’ti hi vuttan”ti vuttaṃ. Ācariyo pana evaṃ vadahi “attano ruciyāpi dātuṃ labhantī”ti. Tathā hi **aṭṭhakathāyaṃ** “paribhogajīṇṇaṃ vā”ti ettha ca ‘acchinnacīvarānaṃ ācariyupajjhāyādīnaṃ attanā tiṇapaṇṇehi paṭicchādetvā dinnacīvarampi saṅghaṃ gacchatī’ti vuttuṃ yujjati”ti vuttaṃ. Athāpi siyā ācariyādīhi “āharāvuso”ti vuttheyeva, nāvutteti, na, “kehici vā acchinnānaṃ”ti ettha vuttalesato dutiyalesassa avisesabhāvappasaṅgoti. Atha kimatthaṃ “na tāva therānaṃ dātabbānī”ti vuttanti ce? Yāva therānaṃ atthāya sākhāpalāsāni bhañjati, tāva na dātabbāni, tato tāni theruddissakāni sākhāpalāsāni sayāṃ paridahitvā vināpi therāṇattiyā attano ruciyā dātabbāni, bhūtagāmapātabyatāya pācittiyāṃ na hoti satthunāpi anuññātattā. “Tiṇena vā paṇṇena vā”ti hi vuttaṃ, taṃ kappiyameva sandhāya vuttanti ce? Na, “tadalābhe na tveva -pa-

dukkaṭassā”ti vacanavirodhato. Etthāha—dukkaṭabhayā pācittiyavatthu ce atikkamitabbaṃ, tadalābhe thullaccayavatthu saṃghikaṃ, tadalābhe pārajikavatthupi atikkamitabbaṃ siyāti? Na, pārajikassa lokavajjattā. Apica na sabbaṃ bhūtagāmaṃ pācittiyavattumeva, tato dukkaṭādivatthupi atthi, anāpattivatthupi kālodisakaṃ, tasmā idaṃ tadā anāpattivatthukanti vedītabbaṃ. Kittāvatā bhikkhu acchinnacīvaro naṭṭhacīvaro hotīti? Ettāvatā naggo hotīti eke. Vikappanupagapacchimabhāvena, vikappanupagapacchimamādiṃ katvā viññāpentassa āpattīti eke. Nivāsanapārupanupagābhāvenāti eke. Ticīvarābhāvenāti eke. Santaruttaraparamābhāvenāti eke. Ayaṃ **ekevādo** yutto “santaruttaraparamaṃ tato cīvaraṃ sādītabbaṃ”ti hi vacanato, tasmā santaruttare sati vikappanupagapacchimaṃ viññāpentassa paṭilābhena nissaggiyaṃ. Yadi evaṃ “viññāpetvā paṭilābheyya nissaggiyaṃ”ti sikkhāpadena bhavitābanti ce? Tanna, tadatthasiddhito nānatthattā dhātūnaṃ. Kiṃ vuttaṃ hoti? Yathā hi “tikkhattum methunaṃ dhammaṃ abhiviññāpesī”ti¹ vutte pavattesīti attho, tathā idhāpi “cīvaraṃ viññāpeyyā”ti viññattiyā pavatteyya uppādeyyāti attho.

Tena nivatthoti taṃnivattho. Aññassa alābhena tameva paribhuñjato jīrati, na lesena. **Attanāti** sayameva vattum yujjati, tasmā ayuttaparibhogena aparibhuñjitvā yuttaparibhogavasena paribhuñjato jiṇṇaṃ paribhogajiṇṇaṃ nāma. Tassa sabhāgānaṃ acchinnakāle dānampi yuttaparibhoge eva saṅgahaṃ gacchatīti adhippāyo. “Ime kira dve lesā aṭṭhakathāyo, vācentānaṃ ācariyānaṃ matanti **dhammasiritthero** āhā”ti vuttaṃ.

521. **Nisīditum vā nipajjitum vā na labhatīti** yathāsukhaṃ na labhatīti adhippāyo. “Aññassatthāyā”ti etthāpi “ñātakānaṃ pavāritānaṃ”ti anuvattati eva. Atthāya kassa? Tasseva aññassa. Yathā aññātake tikapācittiyam, tathā appavāritepīti dassanattham “ñātakānaṃ pavāritānaṃ”ti vuttaṃ. Aññathā “ñātake ñātakasaññī”ti iminā siddhattā na niccaṃ sesaṃ āpajjati. Apicettha aññātakaggahaṇena appavāritaggahaṇaṃ

1. Vi 1. 21 piṭṭhe.

hoti, appavāritaggahaṇena aññātakaggahaṇaṃ. Aññātakā hi appavāritā honti. Tathā ñātakaggahaṇena pavāritaggahaṇaṃ hoti, katthaci na hoti. Na pavāritaggahaṇena ñātakaggahaṇaṃ hotīti imassa atthavisesassa dassanattamaññātakānaṃ pavāritānaṃ”ti vuttam. Tathā hi aññātikāya bhikkhuniyā appavāritāya ca cīvaram aññatra pārivattakā paṭiggaṇhantassa āpatti. Ñātikāya, pana pavāritāya ca vissāsaṃ gaṇhāti, anāpatti. Tathā purāṇacīvaram ñātikāya anāpatti, pavāritāya pana tikapācittiyameva. Ñātakānañca ekaccānaṃ purāṇacīvaram nāma dātum vaṭṭati, na pavāritānaṃ. Tikacchedo ca mātikāpadeneva hoti, na aññena. Tatthāpi ekeneva, na dutiyādihīti ayaṃ vinaye dhammatā vedītabbā.

Aññātakaviññattisikkhāpadavaṇṇanā niṭṭhitā.

7. Tatuttarisikkhāpadavaṇṇanā

522-4. **Paggāhikasālam** vāti dussapasāram vā. Hatthena paggahetvā ṭhatvā sālāyaṃ pasāretabbadussaṃ pasārentīti codanā. **Ticīvarikenevā**ti vinayaticīvarikena. So hi adhiṭṭhahitvā ṭhapitaparikkhāraḷādīsu santesupi ticīvare acchinne santaruttaraparamaṃ viññāpetvā gahetuṃ labhati. **Aññathāpī**ti “pamāṇikaṃ ticīvaram parikkhāraḷavasena adhiṭṭhahitvā paribhuñjato tasmim natṭhe bahūnīpi gahetuṃ labhati, na santaruttaraparamaṃ”ti ca, tasmā **taṃ vibhāganti** “ticīvarikassa taṃ vibhāganti attho, na parikkhāraḷikassā”ti ca keci vadanti. Ācariyo pana “**aññenā**ti aticīvarikena, **aññathā**ti ito vuttaggahaṇaparicchedato aññenā”ti ettakameva vadati. Aññathāti pana sace tīnīpi natṭhāni, santaruttaraparamaṃ gaṇhitabbaṃ, sace dve vā ekam vā natṭhaṃ, tena “aññathāpī”ti dassanattamaññātakānaṃ pavāritānaṃ”ti vuttanti eke. **Gaṇṭhipadesu** vicāraṇā eva natṭhi, tasmā upaparikkhitvā gahetabbaṃ. **Pakatiyā santaruttarena carati**, sāsaṅkasikkhāpadavasena vā taṃsammutivasena vā tatiyassa alābhena vā.

526. **“Pamāṇameva vaṭṭatī”**ti sallekhadassanattamaṃ vuttam. Tam micchā gahetvā nātakādiṭṭhāne taduttari gaṇhantassa āpattīti ce? **Tam pāliya na sameti**, “anāpatti nātakānam pavāritānan”ti hi pāli. Ettha ca pavāritā nāma acchinnakālato pubbe eva pavāritā, na acchinnakāle. “Abhihaṭṭhum pavāreyyā”ti hi vuttam, tasmā yo acchinnakālassatthāya pavāreti, ubhopi appavāritā evāti veditabbā. Te hi acchinnakāraṇā naṭṭhakāraṇāva denti nāma. Apica yathā piṭṭhisamaye satuppādam katvā nātakapavāritaṭṭhānato vassikasāṭikam nipphādentassa tena sikkhāpadena nissaggiyam, tathā idhāpi nātakapavāritaṭṭhānepi acchinnanaṭṭhakāraṇā na vaṭṭati, tasmā “aṭṭhakathāsu pamāṇameva vaṭṭatī”ti vuttavacanameva pamāṇan”ti **dharmasiritthero** āha, tam ayuttam, kasmā? Yasmā idam sikkhāpadam taduttari viññāpentassa paññattam, tasmīṇca “aññātako gahapati vā gahapatānī vā”ti **mātikāya** pāli, **vihaṅge** ca “aññātako nāma mātito vā -pa- asambaddho”ti pāli, **anāpattivāre** ca “nātakānam pavāritānan”ti pāli, tasmā tividhāyapi pāliya na sametīti ayuttameva, tasmā kevalam sallekhameva sandhāya vuttanti apare. Upari kāṇamātāsikkhāpade **aṭṭhakathāsu** pana “tesampi pātheyyapaheṇakatthāya paṭiyattato pamāṇameva vaṭṭatī”ti vuttam, na pana “pāliya na sameti”ti vuttam, na tattha ca idha ca nānakāraṇam paññāyati, tasmā therassa laddhi sundarā viya mama khāyati, vīmamsitabbam. Yasmā panidam sikkhāpadam aññassatthāya viññāpanavattusmim yeva paññattam, tasmā idha “aññassatthāyā”ti na vuttam. “Sesam uttānatthamevā”ti pāṭho. **“Aññassatthāyā”**ti nidānavirodhato na vuttam. Tathāpi anantare vuttanayena labbhatīti ācariyo. Evarūpesu gahapatiṭṭhisamāyuttasikkhāpadesu kiñcāpi “gahapati nāma yo koci agāram ajjhāvasatī”ti vuttam, tathāpi pañca sahadhammike ṭhapetvā avasesā ca sikkhāpaccakkhātako ca titthiyo ca veditabbo.

Tatuttarisikkhāpadavaṇṇanā niṭṭhitā.

8. Paṭhama-upakkhaṭasikkhāpadavaṇṇanā

527-8. Api hoti cittanti attho. **Meyyāti** pāṭhassa mayhanti attho. Na ime sukarā, “na imesaṃ sukarā”ti vā pāḷho. “Tassa na imesaṃ sukarā acchādetunti attho”ti likhitaṃ. “Pubbe appavārito”ti vacanato tasmim̐ khaṇe pavāritopi appavāritova hotīti.

Paṭhama-upakkhaṭasikkhāpadavaṇṇanā niṭṭhitā.

9. Dutīya-upakkhaṭasikkhāpadavaṇṇanā

532. Dutīya-upakkhaṭena kim̐ payojananti? Natthi, kevalaṃ aṭṭhuppattivasena paññattaṃ bhikkhuniyā rahonisajjasikkhāpadaṃ viya. Evaṃ sante tanti anāropetabbaṃ bhavēyya vināpi tena tadatthasiddhito, anissarattā, anāropetum̐ anuññātattā ca. Vuttañhetam̐ “ākaṅkhamāno ānanda saṃgho -pa- samūhaneyyā”ti¹. Idaṃ sabbamakāraṇam̐. Na hi buddhā appayojanam̐ vācam̐ nicchārenti, pageva sikkhāpadaṃ, tenevāha **aṭṭhakathāyaṃ “tañhi imassa anupaññattisadisān”**ti-ādi. Anupaññatti ca nippayojanā natthi, taṃsadisāñcetam̐, na nippayojananti dassitam̐ hoti, evaṃ sante ko panettha visesoti? Tato āha “paṭhamasikkhāpade ekassa pīḷā katā, dutīye dvinnam̐, ayamettha viseso”ti. Iminā atthavisesena ko panañño atirekattho dassitoti? **Porāṇagaṇṭhipade** tāva vuttam̐ “ekasmimpi vatthusmim̐ ubhinnaṃ pīḷā kātuṃ vaṭṭatīti ayamatirekattho dassito”ti. Tenetaṃ dīpeti “na kevalam̐ paṭiladdhacīvaragaṇanāyeva āpattigaṇanā, pīḷitapuggalasankhātavattuhagaṇanāyapī”ti.

Honti cettha—

“Vatthuto gaṇanāyāpi, siyā āpatti nekatā.

Iti sandassanattañca, dutiyūpakkaṭam̐ idha.

Kāyasamsaggasikkhāya, vibhaṅge viya kintetaṃ.

Ekittihīyāpi nekatā, āpattīnam̐ payogato”ti.

1. Dī 2. 127 piṭṭhe.

Apicetaṃ sikkhāpadaṃ taṃjātikesu sikkhāpadesu sabbesupi
gahetabbavinicchayassa nayadassanappayojananti veditabbaṃ. Āha ca—

“Aññātikāya bahutāya vimissatāya,
Āpattiyāpi bahutā ca vimissatā ca.
Iccevamādividhisambhavadassanattamaṃ,
Satthā upakkhaṭamidaṃ dutiyaṃ avocā”ti.

Tassāyaṃ saṅkhepato adhippāyapubbaṅgamā vicāraṇā—purāṇacīvaram
ekameva bhikkhu bhikkhunīhi dvīhi, bahūhi vā dhovāpeti,
bhikkhunigaṇanāya pācittiyagaṇanā, tathā dvinnaṃ, bahūnaṃ vā
sādhāraṇaṃ ekameva cīvaram aññatra pārivattakā paṭiggaṇhāti, idhāpi tathā
dvinnaṃ, bahūnaṃ vā sādhāraṇamekaṃ viññāpeti, viññattapuggalagaṇanāya
āpattigaṇanā. Tathā aññesupi evarūpesu sikkhāpadesu nayo netabbo. Ayaṃ
tāva bahutāya nayo. Missatāya pana ñātikāya, aññātikāya ca ekaṃ
dhovāpeti, ekato niṭṭhāpane ekaṃ pācittiyaṃ. Atha ñātikā paṭhamaṃ thokaṃ
dhovivā ṭhitā, puna aññātikā sudhotam karoti, nissaggiyaṃ. Atha aññātikā
paṭhamaṃ dhovati, pacchā ñātikā sudhotam karoti, aññātikāya
payogavasena bhikkhuno dukkaṭameva. Aññātikāya ca ñātikāya ca
aññātikasaññī, vematiko, ñātikasaññī vā dhovāpeti, yathāvuttanayena
nissaggiyadukkaṭādi-āpattibhedagaṇanā veditabbā. Tathā aññātikāya ca
ñātikāya ca santakaṃ cīvaram ubho hi ekato diyyamānaṃ paṭiggaṇhantassa,
aññātikāya eva hatthato paṭiggaṇhantassa ca nissaggiyameva. Atha ñātikāya
anāpatti. Atha ubhosu aññātikādisaññī vuttanayeneva nissaggiyadukkaṭādi-
āpattibhedagaṇanā veditabbā. Tathā aññātakaviññattisikkhāpadesupi
yathāsambhavaṃ nayo netabbo. Ayaṃ missatāya nayo. Ādi-saddena pana
aneke aññātikā viññattāviññattapuggalagaṇanāya dukkaṭam. Eko deti, eko na
deti, nissaggiyaṃ. Atha aviññatto deti, na nissaggiyaṃ. Atha
viññattāviññattānaṃ sādhāraṇaṃ viññatto deti, nissaggiyameva. Ubho denti,
nissaggiyameva. Aviññatto deti, nissaggiyena anāpatti. Viññattassa vacanena
aviññatto deti, anāpatti eva. Tathā upakkhaṭādisupi yathāsambhavaṃ nayo
netabbo.

Dutiya-upakkhaṭasikkhāpadavaṇṇanā niṭṭhitā.

10. Rājasikkhāpadavaṇṇanā

537. “Na kho mayam āvuso cīvaracetāpannam paṭiggaṇhāma -pa-kālena kappiyan”ti ito pubbe eva rūpiyapaṭiggahaṇasikkhāpadassa paññattattā vuttam. Aññathā āyasmā upanando maṃsassa cetāpannam ekampi kahāpaṇam hatthena paṭiggaṇhanto tato mahantataram cīvaracetāpannam katham na paṭiggaṇhissati, evam santepi cīvarapaṭisamyuttattā **cīvaravagge** saṅgāyimsūti.

538-9. “Āgatakāraṇam bhañjati”ti vuttattā nanu puna codetum na labhatīti eke. Āgamanassa sātthakam na hoti, cīvaram na labhissati paṭisanthārassa katattāti eke. Codanālakkhaṇam na hotīti katvā vuttanti eke. “Ṭhatvā codemī”ti āgato tam ṭhānam bhañjati, karoti cekam, tīṇipi ce karoti, ekameva, ekavacanattāti eke. Tīṇi ṭhānāni bhañjatīti eke. **Upatissatthero** “na codanādim bhañjati, codetukāmo akattabbam akāsi, tena vattabhede dukkaṭan”ti vadati. **Dhammasiritthero** pana “āsane ce nisīdati, ekāya nisajjāya dve ṭhānāni bhañjati. Āmisam ce paṭiggaṇhāti, ekena paṭiggahena dve ṭhānāni bhañjati. Dhammam ce bhāsati, dhammadesanasikkhāpade vuttaparicchedāya ekāya vācāya dve ṭhānāni bhañjati, tam sandhāya vuttan”ti vadati. “Yatthā”ti vutte attano eva santikam gantabbanti vuttam viya hoti. Tena vuttam “byañjanam pana na sametī”ti. Upāsakehi aṇattā tam. **Mūlam asādiyantena**ti mūlassa akappiyabhāve sati asādiyantena. Tañca kho cittena, na mukhena. Sace evam vutte akappiyam dassetīti katvā cittena akappiyam icchantova mukhena kappiyam niddisati “cīvaram me dethā”ti, na vaṭṭati. Paṭilābhe rūpiyapaṭiggahaṇasikkhāpadena āpatti.

Tatrāyam vicāraṇā—cittena sādiyantopi mukhena kappiyavohārena ce voharati “kahāpaṇārahena, pādārahena vā kappiyabhaṇḍena idañcidañca āharā”ti. Kiñcāpi rūpiyam sandhāya vadati, vaṭṭati eva. Kasmā? Kañci sassuṭṭhānakam bhūmipadesam sandhāya “sīmam demāti vadanti, vaṭṭati”ti vacanato, “vihārassa demā”ti vutte “paṭikkhipitum na vaṭṭati”ti vacanato ca. **Anugaṇṭhipade** pana vuttam “saṅgham sandhāya ‘vihārassa demā’ti dinnam garubhaṇḍam na hoti, dakkhiṇodakam sampaṭicchitum, ‘sādhū’ti ca vuttum,

anumodetuñca vaṭṭati. Kasmā? Saṅghassa ‘vihāro’ti nāmābhāvato, khettasseva ‘sīmā’ti nāmābhāvato ca, cittena ārammaṇaṃ kataṃ appamaṇaṃ, kappiyavohārova pamāṇaṃ. Kappiyamevācikkhitattā ‘na tvevāhaṃ bhikkhave kenaci pariyāyena jātarūparajataṃ sādītappaṃ pariyesitabbanti vadāmī’¹ti vacanenapi na virujjhati. Kappiyavacanapaccayā dāyako sayameva kattabbayuttakaṃ jānissatīti adhippāyato dāyakena etassa adhippāyaṃ ñatvā kappiyakāraṇassa hatthe ṭhapitaṃ bhikkhussa santakameva hotī’²ti. Idam sabbamayuttaṃ, kasmā? Sīmāvihāravacanassa dāyakavacanattā. Idha ca bhikkhuno vacanaṃ pamāṇaṃ. Tenevāha “athāpi ‘mama taḷākaṃ vā pokkharāṇiṃ vā saṅghassa dammī’³ti vutte ‘sādhu upāsaka saṅgho pāṇiyaṃ pivissatī’⁴ti-ādīni vatvā paribhuñjitum vaṭṭati evā’⁵ti. Aññathā khettaṃ sandhāya bhikkhuno khettaṭṭibaddhavacanāni sīmāvacanena kappantīti āpajjati. Avihārassa ca bhikkhussa rūpiyaṃ dassetvā “idam vihārassa dammī”⁶ti vutte attano atthāya diyyamaṇaṃ jānantenāpi taṃ appaṭikkhipitappaṃ. Tathā kahāpaṇārahādino akappiyabhaṇḍabhāvaṃ, kahāpaṇādibhāvameva vā jānantameva sandhāya tathāvoharantassa ca anāpattīti āpajjati. “Na tvevāhaṃ bhikkhave kenaci pariyāyena”⁷ti nippadesato vuttattā na sakkā lesaṃ oḍḍetunti no takko, vicāretvā pana gahetappaṃ. “No ce icchati, na kathetappaṃ”⁸ti vacanato yathāvuttasāmicīyā akaraṇe anāpatti dukkaṭassāti dasseti.

“Aññātaka-appavāritesu viya ṭṭipajjitappaṃ”⁹ti vacanato yathāvuttasāmicīpi na katvā ce nipphādeti, aññātakaviññattisikkhāpadena kāretabboti dasseti. Kappiyakāraṇā sayameva codetvā denti, vaṭṭati. “Sayam karaṇameva ṭṭikkhittan”¹⁰ti ca vadanti. **Piṇḍapātādīnaṃ -pa- eseva nayoti** ettha “dukkaṭan”¹¹ti vadanti, taṃ na sundaraṃ, **dadantesupīti api**-saddena saṅgahitattā nissaggiyapācittiyameva. Jātarūparajataṃ “saṅghe sādite dukkaṭan”¹²ti ca vikappenti. Taṃ visesetvā navuttattā pācittiya mevāti dasseti. “Nissaggiyamevāti yevāpanakasikkhāpadesu siyā”¹³ti vadanti, upaparikkhitappaṃ. “Yassa kassaci hi aññassa -pa- **Mahāpaccariyaṃ** vuttan”¹⁴ti vacanato apabbajitānaṃ antamaso mātāpitūnampi atthāya sampatiṭṭhantassa dukkaṭamevāti dasseti.

1. Vi 3. 342 piṭṭhe.

Sabbattha sampatṭicchanaṃ nāma “uggaṇṇheyya vā uggaṇṇhāpeyyavā upanikkhittaṃ vā sādīyeyyā”ti evaṃ vuttalakkhaṇameva. Evaṃ santepi katthaci paṭikkhipitabbaṃ, katthaci na paṭikkhipitabbaṃ, katthaci paṭikkhittaṃ sādītuṃ vaṭṭati, evaṃ appaṭikkhittaṃ kiñci vaṭṭati, idaṃ sabbampi dassetuṃ “**sace paṇā**”ti vitthāro āraddho. Tattha “cetiya -pa- na vaṭṭatī”ti vacanato appaṭikkhittaṃ vihārassa dinnā sādītuṃ vaṭṭatīti siddhaṃ. Tathā therassa “mātuyā demā”ti-ādinā vuttepi paṭiggahaṇe āpatti pācittiyameva. **Sāpattiko hotīti** ettha kāya āpattiyā sāpattiko hotīti? Dukkaṭāpattiyāti eke. Na yāya kāyaci, kevalaṃ aṭṭhāne codetīti katvā “sāpattiko”ti vuttaṃ. Yathā kathanti? “Pañcahi bhikkhave aṅgehi samannāgato saddhivihāriko paṇāmetabbo -pa- paṇāmento anatisāro”ti¹ ettha na sammāvattantaṃyeva apanāmentassa dukkaṭaṃ vuttaṃ. Yathāha— “na ca bhikkhave asamāvattanto na paṇāmetabbo, yo na paṇāmeyya, āpattidukkaṭassā”ti¹, tasmā adhimattapemādi-abhāvepi apanāmentassa anāpatti dissati. Apica “sātisāro hotīti”ti vuttaṃ. Evaṃsampadamidaṃ daṭṭhabbaṃ. **Aṭṭhakathāya** “sātisāro hotīti sadoso hoti, āpattiṃ āpajjati”ti² vuttatā na yuttanti ce? Na, tadanantameva taṃmicchāgāhanivattanatthaṃ, tasmā “na sammāvattanto paṇāmetabbo”ti vuttatā anāpattikā katāti. Dukkaṭāpatti hotīti ācariyo, vīmaṃsitabbaṃ. “**Kappiyabhaṇḍampi akappiyamevāti** taḷākato nipphannadhaññaena parivattetvā laddhaṃ gorasampi na vaṭṭatī”ti vuttaṃ.

Kappiyavohārepi vidhānaṃ vakkhāma, seyyathidaṃ? “**Udakavasena**”ti-ādi. **Dubbinibbhogaṃ hotīti** idaṃ parato “tasseva akappiyaṃ. Kasmā? Maññaṃ vicāritatā”ti iminā asadisāṃ, tasmā suvuttaṃ. Idañhi bhikkhussa payogavasena ādito paṭṭhāya uppanna missanti. Akatapubbaṃ **navasassaṃ** nāma. **Khale vā ṭhatvā rakkhatīti** “idaṃ vā ettakaṃ vā mā gaṇha, idaṃ gahetuṃ labbhatī”ti vā “ito apanehi, idha puñjaṃ karohī”ti evamādinā vā payogena ce rakkhati, taṃ akappiyaṃ. “Sace ‘mayi ṭhite rakkhitaṃ hotīti’ rakkhati, gaṇhante vā passitvā ‘kiṃ karothā’ti, bhaṇati vaṭṭatī”ti vuttaṃ, taṃ yuttaṃ. **Rūpiyapaṭiggahaṇasikkhāpade** “dvāraṃ pidahitvā rakkhantena vasitabbaṃ”ti

1. Vi 3. 69 piṭṭhe.

2. Vi-Ṭṭha 3. 263 piṭṭhe.

hi vuttam. **Tasseva tam akappiyam.** Kasmā? Apubbassa anuppāditattā. Heṭṭhā “sassam katvā āharathā”ti vattum pana na vaṭṭatīti. Paṇṇepi eseva nayo. “Pakatiyā sayameva karontānam ussāhajanano”ti vuttam. Kasmā? “Kahāpaṇānam vicāritattā”ti vacanato, pageva uṭṭhāpitattāti siddham hoti. Sace dāyakā vā saṅghassa gāmakhetṭārāmādim keniyā gahitamanussā vā tattha kuṭumbino “ime saṅghassa kahāpaṇā āhaṭā”ti vadanti, “na kappatī”ti ettakameva vattabham. Kappiyakārakāva ce vadanti, “saṅghassa kahāpaṇā na kappanti, sappi-ādīni vaṭṭanti”ti vattabham, tasmā “saṅghassa kappiyakārake vā guttaṭṭhānam vā ācikkhathā”ti vatvā tehi sampāditam kenaci akattabbatāya “iminā sappim āharāhi”ti vicāreti niṭṭhāpetvā itaresam kappiyam parato **pattacatuṅke**¹ catutthapatto viya. Vuttañhi tattha “ime kahāpaṇe gahetvā imam dehi”ti kahāpaṇe dāpetvā gahito, ayam patto etasseva bhikkhuno na vaṭṭati, dubbicāritattā, aññesam pana vaṭṭati, mūlassa asampañcchittattā”ti-ādi. Yadi evam sabbesam akappiyam. Kasmā? Kahāpaṇānam vicāritattāti. Idam duvuttanti ce? Na, mūlassa sampañcchittaṭṭhānam sandhāya imassa vuttattā **pattacatuṅke** dutiyatatiyapattā viya, teneva vuttam sayamkārivāre “na kappatī”ti ettakameva vattabban’ti. Tato param mūlam sampañcchatti nāma.

Mahāvisayasikkhattā, rājasikkhāpadam idam.

Raṇṇo viya duviññeyyam, cittādhippāyatopi vā.

Rājasikkhāpadavaṇṇanā niṭṭhitā.

Niṭṭhito cīvaravaggo paṭhamo.

2. Kosiyavagga 1. Kosiyasikkhāpadavaṇṇanā

542. **Kosiyakārakoti** ettha kosam karontīti “kosakārā”ti laddhavohārānam pānakānam kosato nibbattam **kosiyam** nāma. Attanā katam ce? Nissajjanakāle “sayam katam nissaggiyam”ti vattabham.

1. Vi-Ṭṭha 2. 277 piṭṭhādīsu.

ubhohi ce kataṃ, yathāpāṭhameva vattabbaṃ. Attanā ca parehi ca vippakataṃ attanā pariyosāpeṭīti-ādicatukkampi sambhavantaṃ na dassitaṃ. Vinayadhammatā hesā, yadidaṃ ekasmiṃ tike vā catukke vā dassite itaraṃ sambhavantaṃ na vuccatīti.

Kosiyasikkhāpadavaṇṇanā niṭṭhitā.

2. Suddhakāḷakasikkhāpadavaṇṇanā

547. **Suddhakāḷakānanti** ettha yathā paṭhame “ekenapi kosiyamsunā”ti vuttaṃ, tathā idha “ekenapi aññena amissetvā”ti vacanābhāvato aññehi missabhāve satipi apaññāyamānarūpakaṃ “suddhakāḷakam”iceva vuccatīti veditabbaṃ.

Suddhakāḷakasikkhāpadavaṇṇanā niṭṭhitā.

3. Dvebhāgasikkhāpadavaṇṇanā

552. “Dhārayitvā dve tulā ādātābbā”ti vacanato yathā tulādhāraṇāya kāḷakā adhikā na honti, tathā kāḷakānaṃ dve bhāgā gahetābbā ukkaṭṭhaparicchedena. Kathaṃ paññāyatīti? Suddhakāḷakapaṭisedhananidānena. **Tatiyaṃ odātānaṃ catutthaṃ gocariyānanti** heṭṭhimaparicchedo. **Mātikāṭṭhakathāyaṃ** pana “ekassapi kāḷakalomassa atirekabhāve nissaggiyaṃ”ti¹ vuttaṃ, taṃ tulādhāraṇāya kiñcāpi na sameti, acittakattā pana sikkhāpadassa pubbe tulāya dhārayitvā ṭhapitesu ekampi lomaṃ tattha pateyya nissaggiyanti adhippāyoti no takko. Aññathā dve tulā nādātābbā, ūnakatārā ādātābbā siyumaṃ. Na hi lomaṃ gaṇetvā tulādhāraṇā kariyati. Atha gaṇetvāva kātabbaṃ. Kiṃ tulādhāraṇāya payojananti keci. “Gocariya-odātesu ekameva diguṇaṃ katvā gahetumaṃ vaṭṭatī”ti vadanti, **aṭṭhakathāyaṃ** avicāritattā vīmaṃsitabbaṃ.

Dvebhāgasikkhāpadavaṇṇanā niṭṭhitā

1. Kaṅkhā-Ṭṭha 173 piṭṭhe.

4. Chabbassasikkhāpadavaṇṇanā

562. **Navam nāma karaṇam upādāyāti** idam ādikaraṇato paṭṭhāya vassagaṇanam dīpeti. **Karitvā vāti** vacanam niṭṭhānadivasato paṭṭhāyāti dīpeti. **Dhāretabbanti** vacanam pana paribhogato paṭṭhāyāti dīpeti, yasmā laddhasammutikassa gatagataṭṭhāne channam channam vassānam oratova katāni bahūnipi honti, tasmā **aññam navanti** kim katato aññam, udāhu dhāritato aññanti? Kiñcettha yadi katato aññam, tesu aññataram dukkatam vā paribhogajīṇam vā puna kātum vaṭṭati, tañca kho vināpi purāṇasanthatassa sugatavidatthim appaṭisiddhāpariyāpannattā. Katato hi aññam paṭisiddham, idañca pubbakatanti tato anantarasikkhāpadavirodho hoti. Atha dhāritato aññam nāma, sammuti niratthikā āpajjati, paṭhamakatam ce aparibhuttam, satiyāpi sammutiyā aññam navam na vaṭṭatīti adhippāyo? Tatridam sannitṭhānanidassanam—niṭṭhānadivasato paṭṭhāya channam channam vassānam paricchedo veditabbo. Tattha ca sattame vasse sampatthe chabbassāni paripuṇṇāni honti. Tañca kho māsāparicchedavasena, na vassāparicchedavasena. Sattame paripuṇṇāñca ūnakañca vassam nāma, tasmā vipakatasseva sace chabbassāni pūrenti, puna niṭṭhānadivasato paṭṭhāya chabbassāni labhanti. Tañca kho paribhuttam vā hotu aparibhuttam vā, dhāritameva nāma. Yasmā “navam nāma karaṇam upādāya vuccatī”ti vuttam, tasmā channam vassānam parato tameva pubbakatam dukkatabhāvena, paribhogajīṇatāya vā vijaṭetvā puna karoti, niṭṭhānadivasato paṭṭhāya chabbassāparamatā dhāretabbam, atirekam vā. Anto ce karoti, tadeva **aññam navam nāma** hoti karaṇam upādāya, tasmā nissaggiyam. Aññathā “navam nāma karaṇam upādāyā”ti iminā na koci viseso atthi. Evaṃ sante kim hoti? Aṭṭhupattīti. “Yācanabahulā viññattibahulā viharantī”ti hi tattha vuttam, tañca aññassa karaṇam dīpeti. Yadi evam tam nibbisesameva āpajjati? Nāpajjati. Ayam panassa viseso, yasmā “aññena katam paṭilābhivā paribhuñjati, anāpattī”ti vuttattho¹ visesoti. Kim vuttam hoti? “Navam nāma karaṇam upādāya vuccatī”ti vutte atirekacīvarassa uppatti viya paṭilābhenassa uppatti navatā āpajjati. Tato paṭiladdhadivasato

1. Vuttato (Ka)

paṭṭhāya chabbassaparamatā dhāretabbaṃ. Orena ce channaṃ vassānaṃ -pa-kārāpeyya, nissaggiyanti āpajjati, tasmā navam nāma karaṇameva upādāya vuccati, na paṭilābhaṃ. Orena channaṃ vassānaṃ attano anuppannattā “navan”ti saṅkhyam gataṃ, appaṭiladdham ce kārāpeyya, yathā lābho, tathā kareyya vā kārāpeyya vāti ca na hoti. Kasmā? Yasmā aññena kataṃ paṭilabhitvā paribhuñjati, anāpattīti visesoti.

Chabbassasikkhāpadavaṇṇanā niṭṭhitā.

5. Nisīdanasanthatasikkhāpadavaṇṇanā

565. **Nāssudha kocīti** ettha **assudha**-iti avadhāraṇatthe nipāto. Tattha kiñcāpi “evaṃ bhanteti kho te bhikkhū”ti bahuvacanaṃ vuttaṃ, tathāpi te bhikkhū bhagavato paṭissuṇivā idha tesu bhikkhūsu koci bhagavantaṃ nāssudha upasaṅkamati aññatra ekenāti attho gahetabbo. Tam suggāham ekāham bhante bhagavantaṃ varanti-ādīsu¹ viya, **anujānāmi -pa-yathāsukham maṃ dassanāya upasaṅkamantūti** dassanathāya upasaṅkamantu².

566-7. “Mayaṃ āyasmantaṃ upasenā”ti tassa gaṇapāmokkhattā vuttaṃ. Āraññikapīṇḍapātikapaṃsukūlikavasena sabbāni vuttāni. Tenevāha **aṭṭhakathāyam** “santhate catuttha cīvarasaññitāyā”ti. Kim sabbepi te cīvaraṃ na bujjhantīti ce? Yathā hotu. Katamaṃ cīvaraṃ nāmāti? Channaṃ aññataraṃ vikappanupagaṃ pacchimanti. Kiñca vāyimaṃ avāyimanti? Vāyimamevāti. Katarasuttenāti? Addhā so suttameva na passati, siveyyakaṃ dussayugaṃ, iddhi mayikañca devadattiyañca acīvaraṃ karoti. Yadi evaṃ avāyimampīti vadāmīti³. Evaṃ sante siddhā santhate cīvarasaññitā kambalaśīsenā uṇṇāmayasāmaṇṇato. Kim pana te santhataṃ adhiṭṭhahimsūti? Duṭṭhu adhiṭṭhahimsu acīvarattā, na adhiṭṭhānupagattā ca santhatassa. Atha nādhiṭṭhahimsu, pubbeva tattha acīvarasaññino eteti katvā tattha cīvarasaññitāya tadubhayaṃ⁴ na yujjatīti. Kim panetaṃ adhiṭṭhānupagaṃ natthīti?

1. Vi 3. 392 piṭṭhe.

3. Vadeyya (Ka)

2. Dassanaṃ upasaṅkamitum (Ka)

4. Tadupagaṃ (Ka)

Tatthevāgataṃ, apicetaṃ avikappanupagaṃ ce, cīvaraṃ na hoti, aññathā “cīvaraṃ nāma channaṃ cīvarānaṃ aññataran”ti ettāvataṃ siddhaṃ “vikappanupagaṃ pacchiman”ti na vattabbaṃ. Atha na vikappanupagampi cīvarameva siddhaṃ, anadhiṭṭhānupagaṃ, avikappanupagañca ekajjhaṃ “cīvaran”ti saṅkhyāṃ gacchati. Tenevāha “tecīvarikassa catutthacīvaraṃ vattamānaṃ aṃsakāsāvameva vaṭṭatī”ti.

Apica santhate cīvarasaññitā na kevalaṃ tesāmyeva, aññesampi anubandhati eva “purāṇasanthataṃ nāma sakim nivatthampi sakim pārutampi”ti vacanato. Aṭṭhakathācariyo panassa acīvarataṃ sandhāyabhāsitatthadīpanena dīpeti. **Nivatthapārutanti** etesaṃ nisinnañceva nipannañcāti attho. Apica evaṃ santepi santhate cīvarasaññitā anubandhati eva. **Khandhake**¹ hi “nisīdanaṃ adhiṭṭhātuṃ na vikappetun”ti ca, **parivāre**² “nava cīvarāni adhiṭṭhātabbāni”ti ca **nisīdanasikkhāpade** “dasā vidatthi”ti ca idha “nisīdanaṃ nāma sadasaṃ vuccatī”ti ca vuttaṃ, **aṭṭhakathāyañcassa** “santhatasadisāṃ santharivā ekasmiṃ ante sugatavidatthiyā vidatthimattapadese dvīsu ṭhānesu phāletvā tisso dasā karīyanti, tāhi dasāhi sadasaṃ nāma vuccatī”ti ca “nisīdanaṃ vuttanayena adhiṭṭhātabbameva, tañca kho pamāṇayuttaṃ ekameva, dve na vaṭṭantī”ti ca vuttaṃ, tasmā nisīdanaṃ nāma navannaṃ cīvarānaṃ aññatarāṃ cīvaraṃ adhiṭṭhātabbaṃ, tañca santhatasadisāṃ eḷakalomamayasanthatavisesanti siddhaṃ, tathā nisīdanameva nisīdanasanthatañca siddhaṃ. **Porāṇaganṭhipade** ca “ekamevā”ti vuttaṃ. Tasmim siddhe siddhā santhate cīvarasaññitāti attho. Kasmā? Santhatasāmaññato.

Etthāha—kathaṃ adasameva santhataṃ cīvarasaṅkhyāṃ na gacchati. Anekampi anadhiṭṭhitampi mahantampi vaṭṭati, yato sadasameva santhataṃ cīvarasaṅkhyāṃ gacchati, tato adhiṭṭhānañca upagacchatīti. Asanthatapariyāpannattā orena ca channaṃ vassānaṃ vināpi sammutim, tañca porāṇaṃ vissajjetvā eva, na avissajjetvā “tañca kho pamāṇayuttaṃ ekameva, dve na vaṭṭantī”ti vacanatoti³. Athāpi siyā santhataṃ sayanathameva karīyati, nisīdanaṃ asanthatamevāti. Tañca na niyamato “purāṇasanthataṃ nāma sakim nivatthaṃ sakim pārutampi”ti vuttattāti. Ettha vuccati, na ettha kāraṇaṃ pariyesitabbaṃ vinayapaññattiyā anaññavisayattā.

1. Vi 3. 411 piṭṭhe.

2. Vi 5. 245 piṭṭhe.

3. Vi-Ṭṭha 2. 227 piṭṭhe.

Santhatassa pana acīvarabhāve ayaṃ yutti—ādito “tīṇi santhatāni pana vinayakammaṃ katvā paṭilabhitvā paribhuñjitum na vaṭṭanti”ti aṭṭhakathāvacanato tāni akappiyānīti siddhaṃ, bhagavatā ca khomādīni cha anuññātānīti koseyyaṃ kappiyanti siddhaṃ. Evaṃ sante suddhakoseyyampi cīvaraṃ kappiyaṃ jātaṃ, pageva kosiyamissakasanthatacīvaranti āpajjati. Tathā kambalañca anuññātaṃ, tañca suddhikampi hoti jātikāḷakabhāvena, pageva odātagocariyamissakasanthatacīvaranti āpajjati. Tato ca aññamaññavirodho, tasmā na santhatāṃ cīvaraṃ nāma hoti, nisīdanaṃ pana hoti tassa pamāṇasaṅghānaparicchedasambhavato. Ettāhu keci ācariyā “duvidhaṃ nisīdanaṃ santhatāṃ, asanthatañca. Tattha santhatāṃ santhatameva. Asanthataṃ khomādichabbidhaṃ, tadanulomaṃ vā hoti, ayametesāṃ viseso”ti.

Etthāha—kasmā panettha “santhatāṃ pana bhikkhunā”ti sikkhapadaṃ apaññāpetvā “nisīdanasanthatā”ti paññattanti? Cīvarasaññitāya santhatānaṃ ujjhitattā tesāṃ acīvarabhāvadassanattāṃ tathā paññattanti vuttaṃ hoti, tasmā te bhikkhū dhutaṅgabhedabhayā tāni ujjhitvā terasāpi dhutaṅgāni samādiyimsu sīsadassanavasena tīṇeva vuttāni, bhagavā ca tesāṃ santhatāṃ anujāni, tako nesāṃ evaṃ hoti “nisīdanacīvarasaṅghānapetaṃ nisīdanasanthatāṃ no anuññātaṃ, catutthacīvarabhāvena pageva katasanthatāṃ vā”ti. Tato santhate nesāṃ cīvarasaññitā na bhavissatīti tadatthaṃ bhagavatā nisīdanasanthatanti paññattanti adhippāyo. “Pacchimāni dve vaṭṭanti”ti kathaṃ paññāyatīti ce? “Anāpatti aññena kataṃ paṭilabhitvā paribhuñjati”ti vacanatoti.

Nisīdanasikkhāpadavaṇṇanā niṭṭhitā.

6. Eḷakalomasikkhāpadavaṇṇanā

572-3. **Addhānamaggappaṭipannassāti** iminā pakatiyā dīghamaggappaṭipannassa uppannānīpi tiyojanaparamameva haritabbāni, pageva appaṭipannassāti dasseti. Addhānamaggappaṭipannassa nissaggiyanti vā sambandho. Teneva vāsādhippāyassa paṭippassaddhagamanussāhattā “appaṭipanno”ti saṅkhyāṃ

gatassa anāpattīti siddhā. Imasmim atthavikappe hi bhikkhuno paneva eḷakalomāni uppajjeyyūṃ -pa- asantepi hārake addhānaṃ maggappaṭipannassa nissaggiyaṃ pācittiyanti yojanā veditabbā.

Ākaṅkhamānena bhikkhunā paṭiggahetabbānīti attano santakānaṃyeva tiyojanātikame āpattim dasseti. Tena anākaṅkhamānena parasantakāni paṭiggahitāni atirekatiyojanaṃ harantassa anāpatti siddhā. Ayamatto “bhikkhuno uppajjeyyūṃ”ti iminā, “acchinnam paṭilabhitvā”ti iminā ca dīpitova hotīti. **Porāṇagaṇṭhipade** ca “aññaṃ bhikkhūṃ harāpento gacchati ce, dvinnam anāpattīti vuttam, tasmā dve bhikkhū tiyojanaparamam patvā aññaṃaññaṃ bhaṇḍam parivattetvā ce haranti, anāpattīti siddham, teneva **anāpattivāre** “aññaṃ harāpeti”ti vuttam. Kim harāpeti? Jānantam ajānantam. Kiñcetha yadi jānantam, “añño harissatīti ṭhapeti, tena haritepi āpattiyevā”ti ekamsato na vattabham. Jānantopi hi ekacco haratīti. Tato aṭṭhakathāya virujjhati. Atha ajānantam, “aññaṃ yāne vā bhaṇḍe vā ajānantassa pakkhipitvā tiyojanam atikkāmeti, nissaggiyānī”ti **pāḷiyā** virujjhati, atha ubhopi ekato ekam bhaṇḍam harāpenti, tampi nissaggiyam siyā. Anissaggiyanti yuttiyā virujjhati “tiyojanaparamam sahatthā haritabbāni asante hārake”ti avisesena ca **pāḷi** vuttā. Hārakopi sacetano acetanoti duvidho. Sacetanopi eḷakalomabhāvam vā “ahamidam harāmī”ti vā “mam esa idam harāpeti”ti vā jānanājānavasena duvidho hoti. Tattha acetano nāma hārako nadīsoto vā nāvā vā assāmikayānam vā hoti. Sacetano pākaṭova. Tattha “mam esa idam harāpeti”ti ettakam jānantam manussam vā tiracchānagatam vā aññaṃ harāpeti, anāpattīti **anugaṇṭhipadanayo**. Ayam pāḷiyā, aṭṭhakathāya ca ekaraso vinicchayo, “asante hārake”ti kiñcāpi idam avisesato vuttam, “aññaṃ yāne vā bhaṇḍe vā ajānantassā”ti vacanato pana sacetanova hārako tattha adhippetoti paññāyati, so ca eḷakalomabhāvañca “idam harāmī”ti ca jānanto nādhippeto. Tena vuttam “añño harissatīti ṭhapeti, tena haritepi āpattiyevā”ti-ādi. Tattha hetukattuno abhāvatova. **Pāḷiyañhi** “aññaṃ harāpeti”ti hetukattuvasena

vuttā. Itare dve jānantā idha sambhavanti. “Ajānantassa pakkipitvā”ti **pāliyaṃ** “esa harāpeti”ti vā “idaṃ ṭhānaṃ atikkamāpeti”ti vā jānantassa yāne vā bhaṇḍe vā pakkipitvā tiyojanaṃ atikkamāpeti, na nissaggiyā honṭīti dīpeti.

“Harāpeti”ti idaṃ hetukattuvacanataṃ sādheti, tasmā **aṭṭhakathāyaṃ** “sāmikassa ajānantassevā”ti idaṃ “maṃ esa harāpeti”ti evaṃ ajānantaṃ sandhāya vuttaṃ. “Sāreti codeti anubandhāpeti”ti idaṃ “maṃ esa idaṃ ṭhānaṃ atikkamāpeti”ti evaṃ jānantaṃ sandhāya vuttaṃ. Ajānantopi sāraṇādīhi ṭhitaṭṭhānaṃ nātikkamati, na vā anubandhati. Atha sāraṇādīhi anatikkamitvā attano ruciyā atikkamati āpatti eva bhikkhuno hetukattubhāvāsambhavato.

Idāni yathāṭṭhitatṭhānato paṭṭhāya vakkhāma, “asantepi hārake”ti hārakālābhappaccayāpi sayāṃ haraṇato nissaggiyameva, pageva sati hāraketi ayameko attho. Avadhāraṇatthaṃ api-saddaṃ gahetvā asante eva hārake nissaggiyaṃ, sati pana hārake na tena harāpentassa nissaggiyanti ayaṃ dutiyo attho. “Saṃghato vā -pa- attano vā dhanenā”ti iminā kiñcāpi acittakamidaṃ sikkhāpadaṃ, saṃghādito pana attanā ākaṅkhamānena paṭiggahitasseva eḷakalomassa tiyojanātikkame āpatti, na ajānato appaṭiggahitassa cīvarādīsu kutoci laggassa atikkamaneti dīpeti.

Anugaṇṭhipade pana “kambalassa upari nipajjitvā gacchantassa sace ekampi lomaṃ cīvare laggam hoti, āpatti eva kambalato vijaṭṭitattā”ti vuttaṃ, taṃ kambalassa paṭiggahitattā attano icchāya paṭiggahitameva hotīti yuttaṃ.

Yasmā “anāpatti katabhaṇḍe”ti vuttaṃ, tasmā taṃ anekampi katabhaṇḍaṭṭhāniyameva hoti. Tañhi anena paṭiggahitaṃ, na lomaṃ. Atha lomampi aggahitameva hoti, katabhaṇḍaṃ

dupparihāriyalomavinibbhogakatabhaṇḍo niyamo. Evaṃ sante akatabhaṇḍe tikapācittiyaṃ, katabhaṇḍe tikadukkaṭṭhaṅca nayato dassetabbaṃ bhavēyya, aññathā tikassa dassitattā. **Sa-ussāhattā**ti appaṭippassaddhagamanattā.

Acittakattā cāti bhikkhuno ussāhānurūpaṃ lomānaṃ tiyojanātikkamanato vināpi payogacittena haraṇacittena āpajjati evāti adhippāyo. **Sā anāpatti pāliyā na**

sametīti anto pana payogena tiyojanaparamaṃ atikkamittā anāpatti.
 “Tiyojanaṃ haratī”ti iminā tiyojanaṃ padasā netukāmopi antotiyojane pade pade dukkaṭaṃ nāpajjatīti dasseti, taṃ yuttaṃ “tiyojanaṃ vāsādhippāyo gantvā tato paraṃ haratī”ti vacanassatthitāyā”ti vuttaṃ. Punapi vuttaṃ “**aññaṃ harāpetī**ti ‘idaṃ harissāmī’ti sa-ussāhameva aññaṃ harāpetīti attho. Itarathā gacchantassa sīse ṭhapeti, tasmim̄ ajānantepi anāpatti siyā”ti. Sace pana “agacchante yāne vā”ti-ādīnā nayena vuttattā haraṇadīhi janita-ussāhānaṃ hatthi-ādīnaṃ ‘idaṃ karissāmā’ti vā ‘harissāmā’ti vā ābhoge janite eva anāpatti, na ajaniteti **upatissatthero** āhā”ti ca vuttaṃ. **Parivattetvā ṭhapiteti** dvinnampi bahi nikkhipittatīti **upatissatthero**. Bahisīmāya ṭhapitaṃ bhaṇḍikaṃ anto antosīmāyaṃ ṭhapitaṃ bahi karoto anāpattīti keci, na sundaraṃ viya.

575. **Paṭilabhivā haratī**ti paṭhamatiyojanato paraṃ haratī, na dutiyāditoti attho. Katabhaṇḍe uppannokāsābhāvā anāpatti.

Eḷakalomasikkhāpadavaṇṇanā niṭṭhitā.

7. Eḷakalomadhovāpanasikkhāpadavaṇṇanā

581. Kiñcāpi **purāṇacīvaradhovanasikkhāpade** cīvaraṃ ṭhapetvā “aññaṃ parikkhāraṃ dhovāpetī”ti¹ anāpattivāre vuttaṃ. Imassa pana sikkhāpadassa uppannakālate paṭṭhāya eḷakalomadhovāpanādīnā āpattīti eke. Sā vā² anāpatti mūlāpattito eva, na imamhāti eke. Eḷakalomānaṃ aparikkhārattā bhaṭṭhaṃ aggahaṇamevāti eke. Imassa antimanayassa atthappakāsanatthaṃ idaṃ pañhākammaṃ—“dhovāpetī”ti idaṃ rajāpanavijaṭāpanaggahaṇena nippadesavācipadaṃ, udāhu aggahaṇena sappadesavācipadaṃ. Kiñcetha yadi nippadesavācipadaṃ, sabbattha idameva vattabbaṃ, na itarāni. Atha sappadesavācipadaṃ, “avuttā dhovati, aparibhuttaṃ dhovāpetī”ti ettha virodho. “Avuttā rajati vijaṭeti, nissaggiyan”ti aniṭṭhappasaṅgatoti?

1. Vi 1. 308 piṭṭhe.

2. Sā ca (Ka)

desanāvilāsamattaṃ bhagavato vacanaṃ, katthaci tikapadavacanaṃ, katthaci ekapadavacanaṃ, nippadesapadameva te vadantīti. Sace “katabhaṇḍaṃ dhovāpeti”ti ettha paṭivirodho, “katabhaṇḍaṃ vijaṭāpeti, anāpattī”ti aniṭṭhappasaṅgato anāpatti evāti ce? Na, akatabhaṇḍassa suddhalomassa vijaṭāpanaṃ ito vā dātabbaṃ. Udakādidhovanavasena piṇḍetvā ṭhitānaṃ vijaṭāpanaṃ labbhatīti ce? Purāṇasanthatassa vijaṭāpane anāpattiyā bhavitabbaṃ, na ca taṃ yuttaṃ “aparibhuttaṃ dhovāpeti”ti vacanato. Tena paribhuttaṃ dhovāpeti rajāpeti vijaṭāpeti, nissaggiyamevāti siddhaṃ hoti, tañca paribhuttaṃ nāma katabhaṇḍameva hoti. Na hi sakkā eḷakalomāni paribhuñjitum, aññathā “paribhuttaṃ dhovāpeti”ti vacanaṃ niratthakaṃ hoti. Na hi ettha “purāṇāni eḷakalomāni dhovāpeyya vā”ti vacanaṃ atthi purāṇacīvarasikkhāpade viya. Tattha ādinnakappavasena, idha taṃ likhitaṃ. Lekhadosoti ce? Na, visesahetuno abhāvā, **purāṇacīvarasikkhāpade** aparibhuttaṃ katabhaṇḍaṃ nāma, “kambalakojavasanthatādin”ti vacanato ca. Kiñcāpi iminā saddena ayamatto siddho, “dhovāpeti”ti idaṃ pana siyā nippadesaṃ. Siyā sappadesaṃ. Tañhi “avuttā dhovāti”ti-ādīsu nippadesaṃ. “Katabhaṇḍaṃ dhovāpeti”ti ettha sappadesaṃ. “Akatabhaṇḍaṃ dhovāpeti rajāpeti, anāpattī”ti “vijaṭāpeti, anāpattī”ti vacanappamāṇato anāpatti evāti ce? Na, vacanappamāṇato eva āpattīti āpajjanato. “Aparibhuttaṃ dhovāpeti”ti vacanameva hi taṃ aparibhuttaṃ santhataṃ vijaṭāpentassa anāpattīti dīpeti ce? Siddhaṃ paribhuttaṃ vijaṭāpentassa āpatti evāti.

Eḷakalomadhovāpanasikkhāpadavaṇṇanā niṭṭhitā.

8. Rūpiyasikkhāpadavaṇṇanā

583-4. **Sabbampīti** tividhampi. “Muttā maṇi veḷuriyo saṅkho’ti-ādi pana kiñcāpi **rājasikkhāpade** ‘na vaṭṭatī’ti pasaṅgato vuttaṃ, sarūpato pana āpattidassanavasena sakaṭṭhānepi vattumāraddhan”ti vuttaṃ. Kathametam? Mutṭādīnaṃ sakaṭṭhānaṃ jātaṃ, na hi tāni idha pāliyaṃ dissantīti imassa aṭṭhakathāyaṃ vuttāni, rājasikkhāpadassapi aṭṭhakathāyaṃ vuttānīti. Na

kevalam hiraññasuvaṇṇameva, aññampi khattavathādikaṃ “akappiyam na sampajicchitabban”ti sāmāññena, na sarūpato. **Pāliyam** pana sarūpato “cīvaracetāpannam nāma hiraññaṃ vā suvaṇṇam vā muttā vā maṇi vā”ti ettakameva vuttam, tasmā rājasikkhāpadamevassa sakaṭṭhānam. Muttamāṇiggahaṇena cettha tajjātiyaggahaṇam siddhamevāti nāgato imassa paṭhamameva paññattattā. Yadi evam idha anāgatattā kataram nesam sakaṭṭhānanti? Idameva atthato, no sarūpato.

Katham? Etāni hi **ratanasikkhāpade** nissaggiyavattūni, dukkaṭavattūni ca ekato “ratanam”ti āgatāni, “ratanasammatan”ti kappiyavattu āgataṃ. Tesu ca dasasu ratanesu rajatajātarūpadvayam idha nissaggiyavattu, avesesam dukkaṭavattūti siddham. Idha ca siddhattā eva ratanasikkhāpadassa anāpattivāre “ratanasammataṃ vissāsam gaṇhāti, tāvakālikam gaṇhāti, paṃsukūlasaññissā”ti vuttam, na ratanam vuttam. Sattavidhadhaññadāsīdāsakhattādi pana **brahmajālādisutta**vasena¹ akappiyanti siddham, tasmā idha dukkaṭavattūti siddham, teneva anuyogavatte “dhammam jānāti, dhammānulomam, vinayam, vinayānulomam jānāti”ti² vuttam. Tathā āmakamaṃsampi dukkaṭavattum āpajjātīti? Na, idha vinaye anuññātattā “anujānāmi bhikkhave amanussikābādhe āmakamaṃsan”ti-ādinā³, tasmā na āmakamaṃsam sutte āgatampi dukkaṭavattu hoti, tathāpi attano paribhogatthāya paṭiggahaṇe dukkaṭamevāti no takkoti ācariyo. “Idha nikkhipāhī”ti vutte upanikkhittasādiyanameva hoti”ti vadanti. “Akappiyavicāraṇā eva na vaṭṭatīti ce? **Kappiyañca akappiyañca nissāya ṭhitanti** ettha tam sayam aparibhogārahaṃ hutvā tadagghanakam kappiyabhaṇḍam paribhogārahaṃ hutvā ṭhitanti attho”ti likhitam, “paṃsukūlabhāvena ṭhitattā, guttaṭṭhānācikkhanassa kappiyattā ca kappiyam nissāya ṭhitam. ‘Idam gaṇhā’ti-ādinā vadantassa akappiyattā akappiyam nissāya ṭhitan”ti ca. **Evampi kappiyañca akappiyañcāti** “imasmiṃ okāse ṭhapitam, kim na passasīti chekatāre imeva kahāpaṇe”ti-ādivacanassa kappiyattā kappiyam issāya ṭhitam. “Idam gaṇhā”ti vutte dubbicāritattā attano akappiyattā tato āgataṃ akappiyam nissāya ṭhitameva hoti. “Idam gaṇhā”ti vutte tena gahite

1. Dī 1. 1 piṭṭhādīsu.

2. Vi 5. 334 piṭṭhe.

3. Vi 3. 294 piṭṭhe.

“uggaṇhāpeyya vā”ti vuttavidhiṃ na pāpuṇāti, kevalaṃ dubbicāritattā tasseva taṃ akappiyaṃ hoti, mūlapaṭiggahaṇassa suddhattā parato pattacatukke tatiyapatto viyāti ca evaṃ **upatissatthero** vadatī”ti **anuganṭhipade** vuttaṃ. Kiṃ bahunā, visuddhāgamattā kappiyaṃ. Dubbicāraṇāya sati akappiyaṃ nissāya ṭhitam hotīti no takkoti ācariyo. “Evaṃ saṃghagaṇādīnampi atthāya pariccattepi tena samānagatikattā ṭhapetvā āpattivisesan”ti vuttaṃ.

Na kiñci kappiyabhaṇḍam cetāpitanti cetāpitañce, upāyābhāvaṃ dasseti. “**Upanikkhepaṃ ṭhapetvā**”ti sace so upāsako ‘atibahum etaṃ hiraññaṃ, idaṃ bhante ajeva na vināsetabban’ti vatvā sayam upanikkhepadese ṭhabeti, aññaena vā ṭhapāpeti, etaṃ upanikkhepaṃ ṭhapetvā tato laddham udayam paribhuñjanto saṃgho paccaye paribhujati nāma”ti vuttaṃ.

585. Ayam kira itthamlakkhaṇasampanno ukkaṃsato. Evaṃ aṅgasampannopi aparabhāge lobhavasena vā aññaena vā kāraṇena sace nimittam katvā pāteti, āpatti dukkaṭassa. **Senāsanampi paribhoge paribhogeti** pavese pavese. So hi kāraṇantarena rukkhāmūlikassa, abbhokāsikassapi vaṭṭati eva, ṭhānanisajjādivasena nivāsādhippāye sati paribhoge paribhoge paccavekkhitabbaṃ. Bhesajjassa satipaccayatā sabbakālampīti eke. Asannihitassa pacchābhattameva, sannihitassa purebhattampīti no takkoti ācariyo. “Yāmakālikam sattāhakālikam yāvajīvikaṃ āhāratthāya -pa- paṭiggaṇhāti, āpatti dukkaṭassa. Ajjhohāre ajjhohāre āpatti dukkaṭassā”ti¹ hi vuttaṃ. Dukkaṭaṇhi— **vikālabhojanasikkhāpade** āgataṃ vikāle āpajjati, no kāle āhārakālattā, **sannidhisikkhāpade** āgataṃ pana kālepi sannidhijātattā, teneva tattha sattāhakālikayāvajīvikadvayameva vuttanti. “Sati paccaye”ti vacanato nāyam viseso labbhatīti ce? Na, aniṭṭhappasaṅgato, vacanāniyamato ca. **Sannidhisikkhāpade** hi “anāpatti yāvakālikam yāvakālam nidahitvā bhuñjati. Yāmakālikam yāme nidahitvā bhuñjati”ti² ettha vacanappamāṇato yāmakālikam na purebhatte, na pacchābhatte, na divase, na rattiyam yāmameva nidahitvā bhuñjantassa

1. Vi 2. 114 piṭṭhe.

2. Vi 2. 117 piṭṭhe.

anāpattīti aniṭṭhappasaṅgo. Tathā tattheva “yāmakālikam yāmaṃ nidahitvā bhuñjati, sattāhakālikam sattāhaṃ nidahitvā bhuñjati”ti ettakameva vuttam, na vuttam “sati paccaye”ti, tasmā **satipaccaya**-vacanam katthaci hoti, katthaci na hotīti vacanāniyamato āpattiyāpi aniyamo siyā. Evaṃ santepi yathāvuttadukkaṭam āpajjati eva. Na anāhārappayo janattā yāmakālikādīnanti ce? Na, sappi-ādīmissabhojanassa paṇītabhojanabhāvappattito. Apica sabbakālikesu yāvakālikam oḷārikam, tam āhāratthāya paṭiggaṇhantassa kāle anāpatti, pageva anoḷārikam yāmakālikādīm, āhāratthāya eva anuññātattā. Yāvakālike eva anāpattīti ce? Na, anāhāratthāya gaṇhantassa āpattisambhavato itaram āharatthāya gaṇhantassa viya, tasmā yathāvuttamevettha sanniṭṭhānam pālim, yuttiñca anulometīti.

585. **Desanāsuddhīti** ettha desanā nāma vinayakammam, tena vuṭṭhānampi desanā eva nāma hotīti. “Paṭiggaṇhātī”ti avatvā “paṭisevatī”ti vuttattā **paṭiggaṇhane pana satim akatvā paribhoge karontassa anāpatti**. Khīṇāsavā katakiccattā vibhattadāyādā viya honti, tena tesam sāmiparibhogā honti. Aññathā yāvakālikabhāvaṃ anatikkantattā virujjhati. Iṇaparibhogo na vaṭṭati, bhesajje āpattito, itarasmim ayuttaparibhogato, iṇam viya ananuññātabhuttattā ca. “Ādīto paṭṭhāya hi alajjī nāma natthi, tasmā na koci saṅkitabbo”ti likhitam. **Bhārabhūtā** saddhivihārikādayo. **Yathādānameva gahitattā**ti ettha “attano hatthena ce deti, na vaṭṭati”ti vuttam, “atirekabhāgam gahetvā punadivase attano atthāya uddhaṭabhāgam tattheva dāpeti, vaṭṭati”ti ca. Parivattakam deti, dhammiyañce, vaṭṭati. No adhammiyam. “Tam dhammānuggahena uggaṇhitum vaṭṭati”ti vuttam. Kena lesenāti ce? “Alabbhamānāya sāmaggīyā anāpatti sambhoge samvāse”ti¹ iminā upasampadakkhandhakavacanalesena.

586. **Assatiyā dinnanti** ettha “assatiyā dinnam nāma apariccattam hoti, tasmā dussante baddhakahāpaṇādīni satim paṭilabhitvā dāyakā

1. Vi 3. 135 piṭṭhe.

ce puna gaṇhanti, nissaggiyameva desetabbaṃ. Tena akappiyabhaṇḍena te ce dāyakā sappi-ādīni kiṇitvā saṃghassa denti, tassapi bhikkhuno kappati dāyakānaṃyeva santakattā. Bhikkhunā hi ‘vatthaṃ gaṇhāmi’ti vatthasaññāya eva gahitaṃ, na rūpiyasaññāya. Idañca sikkhāpadaṃ attano atthāya uggahaṇaṃ sandhāya vuttaṃ, na ca tena taṃ attano atthāya paresaṃ vā atthāya gahitaṃ. Atha te dāyakā no ce āgantvā gaṇhanti, dāyake pucchitvā attano atthāya ce pariccattaṃ, saṃghe nissajjitvā āpatti desetabbā. No ce, āpatti eva desetabbā”ti vuttaṃ, taṃ pubbāparaviruddhaṃ. Āpattidesanāya hi sati rūpiyaṃ paṭiggahitanti siddhaṃ, tasmim siddhe “tato uppannaṃ tassapi kappati”ti idaṃ na yujjati. Kappati evāti ce? Na, vatthum anissajjitvā āpatti desetabbāti na yujjati. Acittakattā sikkhāpadassa yujjati ce? Na, sabbattha “rūpiyaṃ paṭiggaṇhātī”ti vacanato. “Rūpiyaṃ paṭiggaṇhātī”ti hi vuttaṃ, aññathā sabbattha “rūpiyaṃ”ti padaṃ niratthakaṃ hoti vināpi tena tadatthasiddhito. Anena ca vatthaṃ paṭiggahitaṃ, dāyakena ca vatthameva dinnāṃ, vatthagatampi rūpiyaṃ theyyacittena gaṇhanto padavārena kāretabbo. **Aṭṭhakathāyañca** “rūpiye arūpiyasaññīti suvaṇṇādīsū kharapattādisaññī”ti vuttaṃ “rūpiyaṃ paṭiggaṇhātī”ti vacanavasena.

“**Apica puññakāmā**”ti-ādi pana vidhānantaradassanattaṃ vuttaṃ, teneva hi “imasmim gehe idaṃ laddhanti sallakkhetabbaṃ”ti vuttaṃ. Aññathā sallakkhaṇe vimativasena, vimatiyā ca sati nissaggiyameva “rūpiye vematiko”ti-ādi vacanatoti. Idaṃ vidhānaṃ niratthakameva āpajjati, na ca niratthakaṃ. Kasmā? Dussante baddhakahāpaṇādi assatiyā dinnāṃ vatthasaññāya paṭiggahitañca, tato na rūpiyaṃ dinnañca hoti paṭiggahitañcāti. Ettha āpattidesanākkiccaṃ natthi, taṃ pana dāyakānameva paṭidātabbaṃ. Tato uppannaṃ kappiyabhaṇḍañca sabbesaṃ kappatīti imassa vidhānantaradassanattaṃ “apica puññakāmā”ti-ādīti no takkoti ācariyo.

Rūpiyasikkhāpadavaṇṇanā niṭṭhitā.

9. Rūpiyasamvohārasikkhāpadavaṇṇanā

587. “**Jātarūparajataparivattanan**”ti ukkaṭṭhaparicchedena vuttam, tathā “rūpiyam nāma satthuvaṇṇo kahāpaṇo”ti-ādi pāḷivacanañca. “Arūpiye rūpiyasaññi rūpiyam cetāpetī”ti-ādi tikavacanato, “dukkaṭavatthunā pana nissaggiyavattthum cetāpentassa -pa- nissaggiyam pācittiyam garukassa cetāpitattā”ti aṭṭhakathāvacanato ca pana anukkaṭṭhaparicchedopettha labbhatīti siddham. Satthuvaṇṇo ca kahāpaṇo ca tato ye caññe vohāram gacchantīti evamettha samuccayo veditabbo. Imasmim pana sikkhāpade “nānappakāraḥ nāma katampi akatampi katākatampī”ti ettha vibhattānam tiṇṇam rūpiyārūpiyānañca dvinnam vasena pañca tikā vuttā, aṭṭhakathācariyehi tadanulomato eko tiko dassitoti sabbe cha honti.

Etthāha—aññasmim sikkhāpade ekasmim tikacchede dassite satipi sambhave itare na dassiyanti, idheva kasmā dassitoti? “Nānappakāraḥ”ti **mātikāyam** vuttattā idheva nānappakārabhāvadassanattanti. Na kayavikkayasikkhāpadepi vattabbappasaṅgatoti ce? Na, idha dassitanayattā. Atha ca rūpiyassa **vibhaṅge** “ye vohāram gacchantī”ti ante vuttattā satthuvaṇṇādayo vaḷaṅjanupagā evāti siddham. Tato avaḷaṅjanupagehi jātarūparajatepi vohārena na nissaggiyanti āpajjati, tasmā tam āpajjanattanti dassentena “katena kataṃ cetāpetī”ti-ādayo tikā vuttāti, evam sante **rūpiyavibhaṅge** “ye ca vohāram gacchantī”ti na vattabham, tasmim pade avutte avaḷaṅjanupagāpi saṅgham gatāva hontīti katādīhi tikattayassa vattabbapayojanam na bhavissatīti ce? Na, kappiyabhaṇḍena kappiyabhaṇḍaparivattanassāpi rūpiyasamvohārabhāvappasaṅgato. “Ye vohāram gacchantī”ti vacanenapi kamuka kathala kamsabhājana sātakādiparivattanassāpi rūpiyasamvohārabhāvappasaṅgo evāti ce? Na, katādivacanena jātarūpādi-akappiyavattthūnaññeva adhippetabhāvadīpanato, tasmā ubhayenapi yadetaṃ katākatādibhedam pākatikarūpiyam yañca kahāpaṇamāsakasaṅkhepaṃ, yañca kahāpaṇādivohārūpagaṃ, ubhayampetaṃ idha ca anantarātītasikkhāpade ca rūpiyam nāmāti adhippetatthasiddhi hoti, na taṇḍulādīni, tattha katādivohārāsambhavato. Ettāvatā katādītikattayappayojanam vuttam.

Idāni sesattikāni vuccati—ettha hi yathāvuttappabhedam nissaggiyavatthu rūpiyam nāma, sesam dukkaṭavattupī kappiyavattupī na rūpiyanti arūpiyam nāma hotīti katvā “arūpiye arūpiyasaññī pañcannaṃ sahadhammikānaṃ anāpattī”ti idaṃ na ekaṃsikaṃ āpajjati dukkaṭavattumhi dukkaṭāpajjanato. Idha vacanappamāṇato nissaggiyavattuto aññaṃ antamaso muttādipi arūpiyameva nāma. Tattha pañcannaṃ sahadhammikānaṃ anāpattīti ce? Na, rājasikkhāpadavirodhato. Tattha hi “muttā vā maṇivā”ti vuttaṃ, tasmā muttādi akappiyam dukkaṭavattūti ca siddham nissaggiyavattūsu abhāvā. Evaṃ sante “arūpiye arūpiyasaññī pañcannaṃ sahadhammikānaṃ anāpattī”ti suddhakappiyabhaṇḍam sandhāya vuttaṃ, na sabbam arūpiyam. Tato aññattha pana “arūpiye rūpiyasaññī”ti-āditikadukkaṭe ca **aṭṭhakathāyam** dassitatike ca sabbam arūpiyam nāmāti vedittabbam, tasmā arūpiyabhāvādīpanattham dutiyo tiko vutto. Tadatthameva **aṭṭhakathāyam** dassito eko tiko. Kasmā na **pāḷiyam** so vuttoti ce? Tattha cetāpita-arūpiye rūpiyachaddanakasammutikiccābhāvato. Tasmiñhi tike vutte kappiyavattunopi arūpiyachaddanakasammuti dātabbāti āpajjati, tassa vasena rūpiyachaddanakasammuti eva na vattabbāti? Na, rūpiyassapi sammutikiccābhāvappasaṅgato, tasmā rūpiye rūpiyasaññī kappiyavattum cetāpeti pattacatukke tatiyapattam viya, tam saṃghādīnam nissajjitabbam, nissaṭṭham pana aññesaṃ kappati tatiyapatto viya. Atha sampaṭicchitarūpiyena cetāpitam hoti dutiyapatto viya, tam vināpi sammutiyā yo koci bhikkhu chaddeti, vaṭṭati. Tato param “sace tattha āgacchati ārāmiko vā”ti-ādinā vuttanayeneva paṭipajjitabbam. Tattha “rūpiye”ti vā “arūpiye”ti vā sabbattha bhummapatte attano santakam, upayogappatte parasantakanti vedittabbam. Ettāha—**upatissatthero** purimasikkhāpadena rūpiyapaṭiggahaṇam vāritam, iminā suddhāgamena kappiyakārakassa hatthe kappiyam nissāya ṭhitena saṃvohāro vāritoti.

589. **Nissaggiyavattunā nissaggiyavattum -pa- aparāpararivattane imināti** ettha ekasmiṃ eva vatthusmiṃ dvinnam sikkhāpadānam vasena ekato āpatti vuttā, tam pana pacchimassa vasena nissajjitabbam. Etena nissaggiyam āpannampi āpajjati eke. Parassa rūpiyaggahaṇam parivattananti rūpiye aggahite tassa abhāvato imināva āpatti, na purimena omasavādo viya.

Musāvādena musā vadantassāpi hi omasavādeneva āpatti.

Nissaggiyavatthunā dukkaṭa -pa- eseva nayoti etassa yuttim dassento “**yo hi ayan**”ti āha.

Vaḍḍhim payojentassāti ettha idaṃ gahetvā sati māse, sati samvacchare “**ettakaṃ dehi**”ti ce vadati, rūpiyasamvohāro hoti. Vinā kappiyakārakena “**ettakā vuddhi** hotu, **ettakaṃ gaṇhā**”ti vadato dukkaṭaṃ kayavikkayalakkhaṇābhāvato. “**Mūle mūlasāmikānan**”ti-ādi kappiyakaraṇūpāyadassanattamaṃ vuttaṃ, na kevalaṃ nissaṭṭhaṃ aparibhogaṃ hoti, puna evaṃ kate paribhuñjituṃ vaṭṭati. Tassapi paribhoge mūlassa kappiyakaraṇūpāyo ce na hoti, kappiyam ācikkhitabbanti yathā pāliya cettha kappiyakaraṇūpāyo, so ca tatiyapattepi, “yathā ca attano atthāya gahite evarūpupāyo, tathā saṃghādi-atthāya gahitepi eso vā”ti vuttaṃ. Ime kira paṭhamadutiyaṭṭe yāva gahaṭṭhena parivatteti, tāva na kappiyakaraṇūpāyo, anekapurisayugampi “akappiyā evā”ti **aṭṭhakathāyaṃ** vuttaṃ. **Anugaṇṭhipade** pana “saṃghasantakaṃ kappiyabhaṇḍaṃ vikkiṇitvā āgatakahāpaṇānīpi paṭiggahaṇaṃ mocetvāva sampaṭicchitabbāni, tasmā kappiyakārako ce imāni tāni kahāpaṇānīti vadati, na vaṭṭatiyeva, paṭikkhipitabbaṃ, na vicāretabbaṃ, vicāreti ce? Sabbesaṃ na kappati. Paṭiggahaṇaṃ mocetvā sampaṭicchitāni ce vicāreti, tasseva na vaṭṭatī”ti abhikkhaṇaṃ vuttaṃ.

Rūpiyasamvohārasikkhāpadavaṇṇanā niṭṭhitā.

10. Kayavikkayasikkhāpadavaṇṇanā

593. **Paṭapilotikānanti** paṭapilotikehi. “Ajjhācarati, āpatti dukkaṭassā”ti idaṃ purimasikkhāpadeṇi veditabbaṃ. “Kayitañca hoti vikkayitañca”ti etesaṃ padānaṃ viparītato “attano bhaṇḍaṃ”ti-ādi vuttaṃ. Kasmā? “Iminā iman”ti vacanānurūpato. Saddhādeyyavinipātanaṃ panettha aṭṭhānapadānaṃ vasena veditabbaṃ.

Kayavikkayasikkhāpadavaṇṇanā niṭṭhitā.

Niṭṭhito kosiyavaggo dutiyo.

3. Pattavagga 1. Pattasikkhāpadavaṇṇanā

598. **Bahū patte sannicayanti** ettha **sannicayanti** bhāvanapūmsakam,
bahū patte vā gahetvā sannicalam karissantīti attho.

“Aḍḍhaterasapalamāsānam gāhikā”ti likhitam. Ettha—

“Kuḍuvo catupaleyyo, kuḍuvānam catugguṇam.

Pattham catugguṇo māsā-ti kamāhu catugguṇam”ti—

Ādim lokavohāram dassetvāva keci papañcinti.

602. **Khādananti** khādanīyam sūpādi. “Byañjanassa mattā nāma odanato catuttho bhāgo”ti¹ **brahmāyusuttaṭṭhakathāyam** vuttattā ālopassa catutthabhāgam byañjanam anurūpanti gahetabbam. “Bhikkhuniyā pattasannicayassa vāritattā tadanulomato bhikkhūnampi dutiyo vārito”ti vuttam, tam na yuttam, **pāḷiyañhi** “sannicayam kareyyāti adhiṭṭhito avikappito”ti² vuttam. So hi **kathinakkhandhake**³ nicayasannidhi viya ekopi punadivase “sannicayo”ti vuccati. Anantarāsikkhāpade pana “dutiyo vāritoti adhiṭṭhānam niyatam, tasmā dve patte adhiṭṭhātum na labhati. Sace ekato adhiṭṭhāti, dvepi na adhiṭṭhitā honti. Visum visum adhiṭṭhāti, dutiyo adhiṭṭhito”ti vadanti. Vikappetum pana bahūpi labhati. Idāni vattabbam sandhāya **“nāmamate viseso”**ti vuttam. Tattha **nāmanti** majjhimo majjhimomako majjhimukkaṭṭhoti-ādi.

608. “Pākassa hi ūnattā pattasaṅkhyam na gacchatī”ti vacanato adhiṭṭhitapattopi kharapākena setattā adhiṭṭhānam vijahatīti ce? Na, adhiṭṭhānavijahanesu navasu anāgatattā, tasmā paṭhamapākānam eva ūnattā pattasaṅkhyam na gacchati, tasmim sati aññam viññāpetum na vaṭṭati. “Ūnapañcabandhanenā”ti hi vuttam. Chidde, rājiyā vā hi sati tehi adhiṭṭhānam vijahatīti vijahite nāyam paṭisedho, tasmā paccuddharitvā, vikappetvāpi aññam viññāpetum na labhati.

Evam **pattakārako mūlam labhitvāti** ettha pacitvā ṭhapitadivasato paṭṭhāya. **Dātukāmo hutvāti** ettha dinnadivasato, sutadivasato

1. Ma-Ṭṭha 3. 268 piṭṭhe.

2. Vi 2. 318 piṭṭhe.

3. Vi 3. 352 piṭṭhe.

vā paṭṭhāya dasāhaṃ veditabbaṃ. Liṅgaparivattane pana dasāhātikkame pattasāmikassa bhikkhussa, bhikkhuniyā pana rattātikkame nissaggiyaṃ.

Pattasikkhāpadavaṇṇanā niṭṭhitā.

2. Ūnapañcabandhanasikkhāpadavaṇṇanā

612-3. **Bahū patte viññāpentī**ti ekamekaṃ viññāpentā bahū bhikkhū bahū patte viññāpentī, bahū vā bhikkhū patte viññāpentīti attho. “Na bhikkhave patto viññāpetabbo, yo viññāpeyya, āpatti dukkaṭassā”ti idaṃ sikkhāpadaṃ ūnapañcabandhanena samūhataṃ hoti na hotīti? Na hoti tameva gahetvā “viññāpeti, payoge dukkaṭaṃ”ti vuttatīti eke. Paṭilābhampi pariyādiyitvā taṃ dukkaṭaṃ vuttaṃ, tasmā taṃ “paṭilābhena nissaggiyo hotī”ti iminā samūhataṃ hoti. Aññathā sadukkaṭaṃ nissaggiyaṃ āpajjati anāpattivārodo ca. Yā kāci pana akataviññatti ananuññātakāle dukkaṭameva. **Bhinnenā**ti itthambhūtalakkhaṇe, **bhedenā**ti vā attho, hetvatthe karaṇavacaṇaṃ.

Ūnapañcabandhanasikkhāpadavaṇṇanā niṭṭhitā.

3. Bhesajjasikkhāpadavaṇṇanā

620. “Sā ahosi suvaṇṇamālā”ti vacanato ṭhapetvā sahadhammike aññesaṃ yathāsukhaṃ rūpiyaṃ dātuṃ vaṭṭati uggaṇhāpetuṃ, sabyohārāpetuṃcāti ācariyo, vīmaṃsitabbaṃ iddhiṃmassa iddhivisaṃyattā.

622. “Yesaṃ maṃsaṃ kappatī”ti vacanena yesaṃ maṃsaṃ na kappati, tesāṃ sappi-ādi kiñcāpi na kappati, na pana nissaggiyavattthūti veditabbaṃ. Tathā na paṇṭabhojanavattthūti. **Uggahitakaṃ katvā nikkhittanti** ajjhoharaṇatthaṃ nikkhittaṃ. Itarañhi paṭiggahetvā ajjhoharituṃ vaṭṭati. **Ubhayesampī**ti pacchābhattaṃ paṭiggahitehi, purebhattaṃ paṭiggahitehi ca katānaṃ. “Maṃsassa akappiyattā”ti kāraṇapatirūpakāṃ vatvā. **Khādimsūti**

“vikāle kevalam navanītameva khāditukāmena dadhitakkagatāni apanetabbāni, pacitukāmassa sāmānpākam na hotīti therassa adhippāyo”ti vuttam. “Khayam gamissati”ti vacanato khīram pakkhipitvā pakkasappi vikāle kappatīti siddham. **Bhesajjehīti** yāvajīvikabhelaajjehi. **Katatelam purebhattanti** apacitvā katam eva. **Uṇhodakenāti** tāpanabhāvam dīpetīti keci, tam na sundaram. **Nibbattitattāti** piṇṇākādito. “Telatthāya paṭiggahita¹ -pa-dukkatamevā”ti vacanato atelatthāya paṭiggahitehi, sattāhātikantehipi katatelam katadivasato paṭṭhāya sattāham vaṭṭatīti chāyā dissati, **karamandam** rukkhasāroti keci.

623. Avasakasate yasmā khīrādīni pakkhipitvā telam pacanti, tasmā kasaṭam na vaṭṭati, telameva vaṭṭati, tena vuttam “pakkatelakasate viya kukkucāyatī”ti. Vasāya saddhim pakkattā na vaṭṭatīti ce? Vadatha bhante navanīte dadhiguḷikāti-ādisambandho. Madhumhi cattāro kālikā yathāsambhavam yojetabbā, ucchumhi ca, katham? Samakkhikam seḷakam madhu yāvakālikam. Anelakam udakasambhinnaṃ yāmakālikam, asambhinnaṃ sattāhakālikam, madhusiṭṭham parisuddham yāvajīvikam. Tathā ucchu vā raso vā sakasaṭo yāvakāliko, nikkasaṭo udakasambhinno yāmakāliko, asambhinno sattāhakāliko, sukkhakaṭam yāvajīvikanti veditabbanam. Kasmā? Udakasambhedavisesato.

Kim vuttam hoti? Catūsu kālikesu pubbam pubbam garukam, aparam aparam lahukam. Tesu cāyam udakasambhedo garukam lahukam karoti, lahukañca garukam. Ambarasādīni hi yāvakālikattā garukāni, udakasambhedo pana tāni ambapānādisamaññaṃ datvā lahukāni yāmakālikāni karoti. “Phāṇitam nāma ucchumhā nibbattanti ucchurasam upādāyā”ti aṭṭhakathāvacanato ucchuraso sattāhakālikoti siddham. Tattha “udakasambhedo tam yāmakālikam karoti”ti-ādīm bahuṃ vatvā yojitā.

Apicettha ucchuraso “anujānāmi bhikkhave ucchurasan”ti² anuññātattā guḷodakam viya ucchurasasāmaññaṃ udakena asambhinnopi

1. Gahita (Ṭṭha)

2. Vi 3. 344 piṭṭhe.

agilānassa vaṭṭati, tenevāha **aṭṭhakathāyam**¹ “ucchuraso nikaṣaṭo pacchābhattaṃ vaṭṭati”ti. Ayaṃ sabbo no takkoti ācariyo. Keci paṇāhu “phāṇitaṃ nāma ucchumhā nibbattaṃ”ti vacanato, ‘ucchurasam upādāyā’ti aṭṭhakathāvacanato ca ucchuraso phāṇitameva, tasmā guḷe viya paṭipajjitabban”ti. Keci “vuttanayena sattāhakālikova samāno ‘anujānāmi bhikkhave ucchurasan’ti visum anuññātattā asambhinnopi agilānassa vaṭṭati”ti vadanti. Keci “vuttanayena visum anuññātattā eva sambhinno vā asambhinno vā yāmakālikova, guḷodakam pana sattāhakālikamevā”ti vadanti. Keci “guḷodakam viya so duvidhopi sattāhakālikoyevā”ti vadanti.

Tatthāyam paṭhamācariyavāde vicāraṇā—phāṇitānumatiyāyeva ucchurasānumatiyā siddhito visum “ucchurasan”ti uddharitvā anumati niratthikāti āpajjati, tathā “ucchuraso nikaṣaṭo pacchābhattaṃ vaṭṭati”ti aṭṭhakathāpi niratthikā. “Sattāham vaṭṭati”ti vattabbaṃ siyāti, na ca tathā sakkā vattum. Pacchābhattaṃ vaṭṭanakarasādhikārattāti ce? Na, tasmim adhikāre sattāhakālikassa avattabbappasaṅgato. Kālabhedam anapekkhitvā rasādhikāre otiṇṇattā vuttoti ce? Na sakkā “nikaṣaṭo sattāham vaṭṭati”ti vattum. Pacchābhattaṃ vaṭṭanakarasādhikārattā na vattabbanti ce? Na, evañhi vutte tadaññaraso viya ayampi pacchābhattameva vaṭṭati, na tato paranti āpajjati. Tato param aparibhogattā “pacchābhattaṃ vaṭṭati”ti vuttanti ce? Na, yāvakālikabhāvappasaṅgato. Na so pasaṅgo ābhidosikassāpi ucchurasassa pākena phāṇitādibhāvappasaṅgato. Ayameva tatiyacatutthācariyavādesu vicāraṇā. Dutiyavāde vicāraṇā vuttā, vimaddo panettha **bhesajjakhandhake**² āvi bhavissati. **Phāṇitaṃ nāma ucchumhā nibbattanti** madhukatālanāḷikeraphāṇitādito dukkaṭavattthuto nissaggiyavattthuphāṇitassa visesavacanaṃ, tenetaṃ paññāyati “nissaggiyavattthubhūtaṃ idha phāṇitaṃ nāma ucchumhā nibbattameva, na madhukādito nibbattaṃ”ti. Ettāvataṃ yaṃkiñci ucchumhā nibbattaṃ, na taṃ sabbaṃ phāṇitameva nāmāti sādhitam hoti. Teneva **khandhake** phāṇitaṃ paṭhamam anujānitvāva pacchā ucchuraso anuññāto, tathā tattheva guḷam, guḷodakañca.

1. Vi-Ṭṭha 3. 383 piṭṭhe.

2. Vi 3. 344 piṭṭhe.

Ucchurasam upādāya apakkā vāti-ādimhi pana yesam laddhi “ucchuraso yāmakāliko”ti. “Te **apakkā vāti** sāmam bhikkhunā apakkā vā. **Avatthukapakkā vāti** vinā vatthunā pakkā vā”ti attham vaṇṇayanti, tam na yuttam “ucchurasam upādāya”ti imassa vacanassa payo janābhāvappasaṅgato, bhikkhuno pacanādhikārābhāvā. Sāmapāko idhādhippetoti ce? Sāmam apakkassa ucchurasassa tesam attanomatīyā phāṇitabhāvasiddhito ca parato “purebhattam paṭiggahitena aparissāvita-ucchurasena kataphāṇitan”ti-ādinayadassanato ca tam ayuttam, tattha “aparissāvita-ucchurasena sayamkatam nirāmisameva vaṭṭati”ti vacanam yam tattha kasaṭam sāmāpākam na janeti, savatthukapaṭiggahitakatamyeva tam karotīti dīpeti, tasmā paṭiggahetum na vaṭṭati vikāleti porāṇā. “Koṭṭita-ucchuphāṇitam ‘rajanapākam viya oḷārikam savatthukapakkam nāma hoti’ti saññāya purebhattameva vaṭṭati”ti vuttam. Mahā-aṭṭhakathācariyā “evam phāṇitaggahaṇam amadhuram, tasmā pacchābhattam na vaṭṭati”ti vadimsu. Kim madhuratāya, amadhuratāya vāti? Atthameva dassetum **mahāpaccariyam** tathā vuttanti **upatissatthero** āha kira. **Tam yuttanti** ucchuto nibbattattā vuttam, tenevāha “khaṇḍasakkharam pana -pa- vaṭṭati”ti. “Tam khīraghaṭe pakkhipivā pacantī”ti likhitam. **Jallikā** nāma pheṇādi.

Bhesajjodissam¹ vadantena itare atthuddhāravasena vuttā. “Āhārattham pharitam samatthānī”ti **khandhake**² “yam bhesajjañceva assa bhesajjasammatañca lokassa, āhāratthañca phareyyā”ti vuttattā vuttam. Ettha vicāraṇā bhesajjakhandhake āvi bhavissati.

624. **Dvāravātapānakavāṭānī** dvārassa ca vātapānānañca kavāṭāni. Kasāvapakkhepamattena hi tāni attano sabhāvam pariccajitāni honti, tasmā “makkhetabbānī”ti vuttam. “Kasāvo nāma kanakalambādīnipī”ti vadanti. **Adhiṭṭhetū** “idāni ajjhoharaṇiyam na bhavissati, bāhiraparibhogo bhavissati”ti cittam uppādeti. Idha “vikappeti”ti padam natthi. Adhiṭṭhānampi mukhāruḷhiyā vuttam “imam navanītam adhiṭṭhāmī”ti avattabbato.

1. Bhesajjodissam (Ṭṭha)

2. Vi 3. 290 piṭṭhe.

625. **Paribhuñjituṃ pana na vaṭṭatīti** vissāsābhāvaṃ sandhāya vuttaṃ. Sace savissāso, vaṭṭatīti “paribhuñja tvaṃ”ti ettāvataṃ vissajjitaṃ hoti, tasmā ubhinnaṃ anāpattīti sambandho. Sace na vissajjitaṃ, āpatti hotīti siddhaṃ. Tasmā ubhinnaṃ santakaṃ cīvaraṃ aññatarena sammukhībhūtena adhiṭṭhātabbaṃ. No ce adhiṭṭhāti, nissaggiyaṃ hotītipi yujjati. Kākanikamattañce mūlaṃ adinnaṃ, “na adhiṭṭhānupagaṃ -pa- sakabhāvaṃ na upeti”ti iminā etaṃ sadisaṃ¹ na hoti, ābhidhammikagaṇānaṃ dinnāṃ viya ca na hoti. Kasmā? Ābhidhammikā hi anupasampannāpi honti, pacchā ābhidhammikabhūtānampi taṃ sādharmaṇaṃ hotīti. Ettha dvepi upasampannā eva, dvinnampi tatha yathākāmakaraṇīyatā atthi mamattañca, na evaṃ tadaññesaṃ sādharmaṇaṃ, na ca dve tayo bhikkhū “ekato vassissāmā”ti karonti, rakkhati tāva. “Avibhattattā anāpattī”ti iminā ca idaṃ sadisaṃ, yena mūlena paṭiggahitaṃ, tassa sace itaro deti, so vā taṃ itarassa deti, sati paṭiggahaṇe sattāhātikkame nissaggiyattā, tasmā taṃ cīvaraṃ dvīsu sammukhībhūtena ekena adhiṭṭhātabbaṃ. Kiñcāpi ettha payogo na dissati samānāparikkhārānaṃ dvinnaṃ adhiṭṭhānapayogābhāvato, tathāpi samānasabbabhaṇḍakānaṃ dvinnaṃ telādi yena paṭiggahitaṃ, tassa kālātikkame āpattisambhavato, anadhiṭṭhāne dullabhavisesahetuttā ca “adhiṭṭhātabban”ti vuttaṃ. Taṃ ayuttaṃ pattacīvarasattāhakālikānaṃ asadisavidhānattā. Ettha pattacīvaraṃhi attano santakabhāvaṃ upagatameva anadhiṭṭhahantassa kālātikkame āpatti, sattāhakālikaṃ pana parasantakasādharmaṇampi paṭiggahitaṃ paṭiggāhakassa kālātikkame āpattikaraṃ. Paṭiggahaṇaṇcetta pamāṇaṃ, na tatha sakasantakatā, sattāhakālikañca nissaggiyaṃ, sabbesampi anajjhoharaṇīyaṃ. Pattacīvaraṃ aññassa paribhuñjato anāpatti. Idañca kālātikkantampi nissajjitvā pacchā laddhaṃ kappati. Pattacīvaraṃ pana taṃ tassa vinayakammanti kappatīti. Avibhattassapi imassa dānaṃ ruhati, na pattacīvarassa. Vuttañhetam **atthakathāyaṃ** “dvinnaṃ santakaṃ hoti -pa- sacepi avibhajitvā saddhivihārikādīnaṃ denti, adinnaṃ eva hoti”ti. Yassa dānameva na ruhati, tassa kuto adhiṭṭhānaṃ. Eko ce pattacīvaraṃ dasame divase itarassa deti. Tato paṭṭhāya so dasa divase pariharitum

1. Ekasadisam (Ka)

labhati, na tathā sattāhakālikanti sabbathā upaparikkhiyamānaṃ sarikkhaṃ nakkhamatīti na taṃ sārato daṭṭhabbanti ācariyassa takko.

“Vinayakammavasena pana anissajjitvā sahasā virujjhivā kassaci pariccattampi puna paṭilabhitvā paribhuñjitum na vaṭṭatī”ti vuttaṃ, sace desantaritaṃ, samuddantaritaṃ vā cīvaraṃ nissaggiyaṃ jātaṃ, taṃ idha ṭhiteṇa bhikkhunā ekassa vantena cittena cattaṃ katvā anapekkhitvā āpattiṃ desetvā tassa vissāseṇa puna gahetvā adhiṭṭhātabbaṃ, “pattādīsu ca ayameva nayo”ti ca vuttaṃ, “tālanāḷikeraphāṇitampi sattāhakālikaṃ evā”ti ca. “Dvinnāṃ santakaṃ ekena paṭiggahitaṃ sattāhakālikaṃ sattāhātikame āpattiṃ na karoti, paribhuñjitum pana dvinnampi na vaṭṭatī”ti ca “parasantakaṃ paṭiggahetvā ṭhapitepi eseṇa nayo”ti ca keci vadanti. Dukkaṭavattubhūtaṃ sappi-ādi nissajjitabbaṃ puna paribhuñjitum vaṭṭatīti vidhānaṃ na dissatīti.

Bhesajjasikkhāpadavaṇṇanā niṭṭhitā.

4. Vassikasāṭikasikkhāpadavaṇṇanā

627. “Ekameva katvā”ti vacanena vassikasāṭikalakkhaṇeṇa ñātakānampi satuppādaṃ karontena ekameva gahetabbanti **dhammasirithero**. **Catubbidhaṃ khattanti** ettha kiñcāpi tividdhaṃ dissati, taṃ pana evaṃ gahetabbaṃ, yasmaṃ khette pariyesitum labhati, taṃ **pariyesanakhettaṃ** nāma, “evaṃ karaṇanivāsanādhiṭṭhānakhattānipī”ti vuttaṃ. Ettha pacchimena purimaggāho veditabbo, na purimena pacchimaggāho, yathālābhanti ācariyo. Tassattho—adhiṭṭhānakhettena pacchimena purimānaṃ tiṇṇaṃ gāho hoti, tathā nivāsanakhettena dvinnāṃ purimānaṃ. Karaṇakhettena pana ekasseva purimassa gāho hotīti. Ettha pana kiñcāpi karaṇakhattanivāsanakhattānaṃ kālato nānattaṃ natthi, kiriyato pana “aṭṭhiṃ katvā nivāsetabban”ti pāḷivacanato, tasmā dvidhā katvā vuttaṃ aññatarābhāveṇa, tadatthasiddhito ca, kathaṃ panettha nānattaṃ natthīti paññāyatīti ce? Pāḷito, “aḍḍhamāso seso gimhānanti katvā nivāsetabban”ti hi pāḷi, tathā **mātikāṭṭhakathāto**¹ ca.

1. Kañkhā-Ṭṭha 182 piṭṭhādīsu.

Tathāha “pacchimo aḍḍhamāso karaṇanivāsanakhattampī”ti, iminā nayena tividhameva khettantipi siddham. **Samantapāsādikam** pana katthaci potthake “jeṭṭhamūlapuṇṇamāsiyā pacchimapāṭipadadivasato paṭṭhāya yāva kālapakkhuposatho, ayameko addhamāso pariyesanakhettañceva karaṇakhettañca. Etasmim hi antare vassikasāṭikam aladdham pariyesitum, laddham kātuñca vaṭṭati, nivāsetum, adhiṭṭhātuñca na vaṭṭati”ti pāṭho dissati, so apāṭho yathāvuttapāḷimātikāṭṭhakathāvirodhato, tasmā tattha “aladdham pariyesitum vaṭṭati, kātum, nivāsetum, adhiṭṭhātuñca na vaṭṭati”ti pāṭho veditabbo. Evaṃ tāva pacchimena purimaggāhasiddhi veditabbā, na purimena karaṇakhetṭādīnam gāho sambhavati. “Māso seso gimhānanti vassikasāṭikacīvaram pariyesitabban”ti ettakameva hi vuttam, na, **aṭṭhakathāyam** “ayameko addhamāso pariyesanakhettañceva karaṇakhettañcā”ti vuttattātī ce? Na, tassa lekhanadosattā, tathā sādhitam. Karaṇakhettena pana nivāsanakhettaggāho atthi kālanānattābhāvato, teneva pubbe yathālābhaggahaṇam katam, tathā ca sādhitameva, na bhedo panatthi, payojanam vuttameva. Nivāsanakkhettena adhiṭṭhānakkhettaggāho natthi eva, na hi purimena pacchimaggāho veditabbo. Na pāḷivirodhatoti ce? Na, tadatthajānanato. “Māso seso gimhānanti addhamāso seso gimhānan”ti ettha **iti**-saddassa hi ito paṭṭhāyāti attho. Parato āpattikhettadassanato itarassa anāpattikhettabhāvo dassitova hoti. Dinnapubbatopi ñātakapavāritaṭṭhānato nipphādentassa nissaggiyam piṭṭhisamayattā, pakatīyā vassikasāṭikadāyakā nāma saṃghassa vā puggalassa vā apavāretvā anusamvaccharam dentā, tattha satuppādova vaṭṭati. Vattabhede dukkaṭanti tadaññesu.

“Sace kata -pa- vassūpanāyikadivase adhiṭṭhātabbā -pa- cha māse parihāram labhatī”ti vacanato antovassepi yāva vassānassa pacchimadivasā akatā parihāram labhatīti dīpitaṃ hoti. Kasmā na vicāritanti ce? Atthāpattisiddhattā. “Cha māse parihāram labhatī”ti vacanena akatā labhatīti siddhameva, tam kiñcāpi siddham, sarūpena pana anāgatattā sarūpena dassitum, dussaddhāpayattā upapattito dassetuñca

idamāraddhaṃ ācariyena, “yathā cettha, evaṃ kathinabbhantare uppannacīvarampi heṭṭhā vuttanayeneva paṭipajjitabban”ti **anugaṇṭhipade** vuttaṃ, taṃ duvuttaṃ tattheva pubbāparavirodhato. Yañcettha aṭṭhakathāvacaṇaṃ sādhaḥakattena vuttaṃ, taṃ tamatthaṃ na sādheti. “Yadi nappahoti yāva kattikapuṇṇamā parihāraṃ labhati”ti vacanaṃ appahontassa yāva kattikapuṇṇamā tāva parihārakhettaṃ, tato paraṃ ekadivasopi na hotīti dīpeti, tasmā appahonakabhāvena akatāva yāva kattikapuṇṇamā parihāraṃ labhati, tato paraṃ na labhatīti siddhaṃ. Tathā tadeva vacanaṃ kataparihāraṃ na labhatīti dīpeti, tasmā kattikapuṇṇamadivaseyeva adhiṭṭhātabbā. “Appahonte dasāhe antovasse karaṇapariyosānaṃyeva pamāṇan”ti likhitaṃ.

Etthāha—“ekāhadvīhādivasenā”ti-ādi na vattabbaṃ. Kasmā? Gimhadivasānaṃ anadhiṭṭhānakālattā, tasmā eva “antodasāhe vā tadaheyeva vā adhiṭṭhātabbā”ti ca sāmāññato na vattabbaṃ gimhadivasānaṃ adhiṭṭhānakhettabhāvappasaṅgato”ti. Ettha vuccati—na, tadatthājānanato. Dasāhānāgatāya vassūpanāyikāya gimhadivasā dasāhā honti, paṭhamadivase ca laddhā niṭṭhitā vassikasāṭikā dasāhātikkantāpi vassūpanāyikadivasānaṃ adhiṭṭhānakhettaṃ appattattā na ca tāva nissaggiyaṃ hoti, vuttañcetaṃ “vassūpanāyikato pubbe dasāhātikkamepi anāpattī”ti.

Antodasāhe adhiṭṭhātabbāti idaṃ na avisesena etasmim antare gimhadivasepi adhiṭṭhātabbanti imamatthaṃ dīpetuṃ vuttaṃ, kintu gimhadivase ce uppannā, adhiṭṭhānakhettaṃ ca antodasāhaṃ hoti, antodasāhe khetteyeva adhiṭṭhātabbā, na khettaṃ katvā dasāhaṃ atikkamitabbanti dīpetuṃ vuttaṃ. Kasmā? Gimhadivasānaṃ paṇanupagattā, tasmā akhettaḍivasepi gaṇetvā khettaṃ eva “antodasāhe adhiṭṭhātabbā”ti vuttaṃ hotīti.

Vassikasāṭikasikkhāpadavaṇṇanā niṭṭhitā.

5. Cīvara-acchindanasikkhāpadavaṇṇanā

632. **Sāmanti** sakasaññitāniyamanattham vuttam. Sakasaññitāyeva hi acchindāpana-acchindanesu nissaggiyam, tasmā nissaggiyamūlaṅganidassanametaṃ. “Cīvaran”ti vuttattā “acīvaram acchindantassa na nissaggiyan”ti vuttameva hoti. “Datvāti datvā vā dāpetvā vā”ti kiñcāpi padabhājanam yujjati, aññassa pana santakam aññassa bhikkhuno dāpetvā tam sayam vā acchindeyya, teneva vā acchindāpeyyāti aniṭṭhappasaṅgabhayā na vuttam, atthato pana attano santakam aññena saddhivihārikādīnā dāpetvā, aññassa santakam vā tassa vissāsā dāpetvā tam acchindeyya vā acchindāpeyya vā nissaggiyanti veditabbam, tañca kho anapekkho datvā. Yadi evam “cajivā dinnam acchindivā gaṇhanto bhaṇḍagghena kāretabbo”ti idam kinti ce? Sakasaññāya aggahetvā aññāya theyyāya gaṇhantam sandhāya vuttam, teneva vuttam “sakasaññāya gahitattā panassa pārājikam natthī”ti, apica “anāpatti so vā deti, tassa vā vissasanto gaṇhāti”ti¹ vacanatopi tam siddhameva. Ettāvata tāvakālikam katvā dinnam acchindantassa anāpatti sādhitā hoti. “Amhākam santike upajjam gaṇhissati”ti-ādivacanam sāmaṇerassa dānam dīpeti, tañca idha nādhippetam. **Pāliyam**¹ upasampanne tikapācittiyam viya anupasampanne tikadukkaṭampi āgatanti ce? Na, tadadhippāyājānanato. Anupasampannakāle evam datvā aññassa santike upasampannam disvā kupito ce acchindati, upasampannasewa vā “sikkham paccakkhāya tumhākam santike upasampajjissāmī”ti vadantassa datvā puna acchindati ce, nissaggiyanti ayamettha adhippāyo.

633. Sakim āṇatto bahukampi acchindati, nissaggiyanti ekabaddhattā ekam pācittiyam, tam sandhāyetam vuttam “**āṇatto bahūni gaṇhāti, ekam pācittiyam**”ti. **Mātikāṭṭhakathāyam** pana “vatthugaṇanāya āpattiyo”ti² vuttam, tam āṇattiyā bahuttā “sabbāni gaṇhā”ti vadantassa gāham sandhāya vuttam, teneva tattha vuttam “ekavācāya sambahulā āpattiyo”ti. Evam sante pālivacanam, atṭhakathāvacanadvayañca aññamaññam sameti, parasantakampi nissaggiyam hoti paṃsukūlañca, tena “dussante baddharūpiyam viyā”ti vuttam,

1. Vi 1. 368 piṭṭhe.

2. Kaṅkhā-Ṭṭha 184 piṭṭhe.

taṃ tadatthaniyamadassanattaṃ vuttaṃ, yathāvachāditaṃ acchindanacittena sacittakaṃ, vacīkammaṃ pana kevalaṃ acchindāpentasseva “dehī”ti balakkārena gaṇhātopi veditabbaṃ, taṃ na yuttaṃ “anāpatti so vā deti”ti vacanato. “Tuṭṭho vā duṭṭho vā deti, anāpattiyevā”ti¹ mātikāṭṭhakathāvacanato vāti ce? Na, ubhayattha attano ruciyā dānaṃ sandhāya vuttatā, pasayhāvahāre anāpattippasaṅgato ca. “Bhikkhussa sāmaṃ cīvaraṃ datvā”ti² pāḷivacanato ca **mātikāṭṭhakathāya** aṅgavavatthāne ‘upasampannatā’ti¹ vuttatā ca ubhayattha dānahaṅgesu bhikkhubhāvo icchitabboti dīpeti”ti vadanti, idamayuttanti no takkoti ācariyo. Kasmā? Anupasampannassa cīvaraṃ datvā taṃ upasampannakāle acchindantassa anāpattippasaṅgato. “Anupasampannassa cīvaraṃ vā aññaṃ vā parikkhāraṃ datvā -pa- āpatti dukkaṭassā”ti vacanato dukkaṭaṃ tattha hotīti ce? Nāsiddhattā, dānakāle eva upasampannatā pamāṇanti asiddhametaṃ **aṭṭhakathāya** vā **pāḷiyā** vā yuttito vā, tasmā taṃ na yuttanti attho. Anupasampannassa cīvaraṃ datvā tasseva anupasampannakāleyeva cīvaraṃ acchindantassa dukkaṭaṃ, upasampannakāle vā datvā anupasampannakāle acchindantassa dukkaṭanti tassa vacanassa idaṃ vikappantaraṅga sambhavati, tasmā³ vikappantarassa sambhavato ca na yuttaṃ, yasmā anupasampannakāle datvā upasampannakāle acchindantassa visuṃ dukkaṭaṃ na paññattaṃ, tasmā purāṇacīvaradhovāpanādisikkhāpadesu viya aparabhāge upasampannatā cettha pamāṇaṃ, tasmā “upasampannatā”ti aṅgesu vuttatā ca taṃ na yuttanti attho. Ettha “paccāsīnantasseva dānamadhippetā, na nissaṭṭhadānaṃ”ti **dhammasiritthero** vadati kira, vīmaṃsitabbaṃ.

Cīvara-acchindanasikkhāpadavaṇṇanā niṭṭhitā.

6. Suttaviññattisikkhāpadavaṇṇanā

637. Chaṭṭhe kiñcāpi “sāmaṃ suttaṃ viññāpetvā”ti vuttaṃ, **mātikāṭṭhakathāyaṃ** pana “cīvaratthāya sāmaṃ viññattaṃ suttan”ti avatvā kevalaṃ “cīvaratthāya viññāpitasuttan”ti aṅgesu vuttatā añña cīvaratthāya viññattaṃ suttampi saṅghaṃ gacchatīti veditabbaṃ. **Sāmanti** cettha kassaci niyamaṃ.

1. Kaṅkhā-Ṭṭha 184 piṭṭhe.

2. Tasmim (Ka)

3. Vi 1. 367 piṭṭhe.

“Sāmaṃ viññāpetvā”ti kiñcāpi vuttaṃ, tathāpi “sāmaṃ vāyāpeyyā”ti attano atthāya vāyāpeyyāti evaṃ sambandho, attho ca vedītabbo, **pāḷiyam** pana āsannapadena yojanā katā, tasmā sāmaṃ viññattaṃ suttanti aññaviññattaṃ kappiyam āpajjati, hatthakammayācanavasena laddhatantavāyopi kappiyo. Vikappanupagapacchimappamāṇam ce, tante vītamyeva sakim adhiṭṭhātabbam, puna adhiṭṭhānakiccam natthi adhiṭṭhitena ekībhāvūpagamanato. “Sace pana paricchedam dassetvāva cinasāṭakam viya, antarantarā adhiṭṭhitaṃ hoti, puna adhiṭṭhātabban”ti vuttaṃ. “Paṭilābhenāti vacanena vāyāpetvā ṭhappesāmīti-ādi ekasmim¹ antogadham hoti”ti vadanti.

Suttaviññattisikkhāpadavaṇṇanā niṭṭhitā.

7. Mahāpesakārasikkhāpadavaṇṇanā

642. Visiṭṭham kappāṇca tassa vacanena visiṭṭham kataṇca pamāṇam, na āmisadānam. Kesuci potthakesu “cīvaran”ti uddharitvā vibhāgo vutto, tam na sametīti.

Mahāpesakārasikkhāpadavaṇṇanā niṭṭhitā.

8. Accekacīvarasikkhāpadavaṇṇanā

646. “Anujānāmi bhikkhave accekacīvaram paṭiggahetvā nikkhipitun”ti, “yāva pavāraṇā pavāritā”ti ca yaṃ vuttaṃ, te pana bhikkhū tassa vacanassa attham micchā gahetvā accekacīvaram nikkhipantā cīvarakālasamayam atikkāmesum. Kimidam vibhattam, udāhu avibhattanti? Vibhattam, puggalikam vā. Teneva parato “amhākam āvuso accekacīvarāni”ti vuttaṃ, avibhattam pana saṃghikattā na kassaci nissaggiyam karoti.

Apica “accekacīvaram paṭiggahetvā nikkhipitun”ti iminā sāmāññavacanena vassūpanāyikadivasato paṭṭhāya, piṭṭhisamayato paṭṭhāya vā yāva

1. Etasmim (?)

pavāraṇā nikkhipitum vaṭṭati eva saṅghikattā, puggalikampi “vassaṃvutthakāle gaṇhāthā”ti dinnattā. Tādisañhi yāva vassaṃvuttho hoti, tāva na tasseva, dāyakassa santakam hoti, tathā ito tatiyavasse, catutthavasse vā “pavāraṇāya gaṇhāthā”ti-ādinā dinnampi nikkhipitvā yathādānameva gahetabbaṃ. Ayamatto **aṭṭhakathāyam**¹ pākaṭo. Tāni cīvarakālasamayātikkame na nissaggiyānīti ce? Na, uddissa dinnattā. Yasmā ayam samayo “kālepi ādissa dinnan”ti ettha “kālo”ti āgato, **gaṇabhojanasikkhāpadā**dīsu “samayo”tveva āgato, tasmā idha tesam ekatthātādassanattam ekato “cīvarakālasamayo”ti vuttanti veditabbaṃ. **Mātikāyam** panettha tādīsam cīvaram attano santakabhāvam upagatam puggalikam sandhāya vuttam, tenevāha “**bhikkhuno paneva accekacīvaram upajjeyyā**”ti. Attano kuṭiyā vassaṃvutthassa bhikkhuno hi dātum alabhanto antovasse eva dānakiccam pariniṭṭhāpetvā gacchati, tathā saṅghassa. Tasmā idam accekacīvaram atthi uppannakālato paṭṭhāya saṅghassa vā puggalassa vā santakabhāvam upagacchantam, yam na vassāvāsikabhāvena dinnam, atthi uppannakālato paṭṭhāya anupagantvā vassaṃvutthakāleyeva puggalassa vā saṅghassa vā upagacchantam, yam vassāvāsikabhāvena uppajjitvā samaye dinnam, atthi samaye dinnampi puggalassa santakabhāvam anupagacchantam, saṅghasantakabhāvam vā dāyakasantakabhāvam vā upagacchantam, īdisam sandhāya “saññānam katvā nikkhipitabban”ti vuttam. Idam atirekasamvaccharampi nikkhipitum labhati attano santakabhāvam anupagattā, tasmā “dasāhānāgatan”ti ito aññam sandhāya vuttanti siddhametanti. Dasāhato puretaram labhitvā yāva pavāraṇā nikkhipitum na labhati, tasmā sakabhāvūpagatameva adhiṭṭhātabbaṃ, tamyeva sandhāya “dasāhānāgatan”ti vuttam, yato “antosamaye adhiṭṭheti, vikappeti”ti **anāpattivāre** vuttam. Saññānam katvā nikkhipitabbaṃ pana parassa dātābatāya sakabhāvam anupagatam, na hi tam sandhāya “adhiṭṭheti, vikappeti”ti sakkā vattum, na ca tam imasmim atthe nissaggiyam hoti saṅghassa nissaggiyābhāvato, **aṭṭhakathāyam**pi ayamatto suṭṭhu pākaṭova. Katamam saññānam katvā nikkhipitabbanti ce? Parasantakam cīvaram

1. Vi-Ṭṭha 2. 306 piṭṭhe.

saṅghikameva hoti, tato “sallakkhetvā sukhaṃ dātuṃ bhavissatī”ti iminā hi parassa santakabhāvo dassito.

“Tato paraṃ ekadivasampi parihāro natthīti dasāhaparamato uddhaṃ anupagatatā”ti likhitam, ito samayato uddhameva dasāhassa anupagatatā samayato paraṃ dasāham na labhatīti kirassa adhippāyo. “**Etam parihāram labhatiyevā**”ti ettha ekādasamaṃ aruṇaṃ cīvaramāse uṭṭheti”ti kāraṇaṃ likhitam. **Anugaṇṭhipade** pana “anadhīṭṭhahitvā ekādasadivase nikkhipitum labhatī”ti vadanto bhagavā itarampi anaccekacīvarādiṃ anujānāti, accekacīvaramukhenāti apare”ti vuttam. Ettha kataram subhāsitam? Ubhayampīti eke. Katham? Paṭhamaṃ “accekacīvarassa anattate kathine dasadivasādhiko māso, atthate kathine dasadivasādhikā pañcamāsā”ti iminā sameti, **anugaṇṭhipadaladdhiyā** hi ettha “ekādasadivasādhiko”ti vattabataṃ āpajjati, dutiyaṃ “dasāhānāgatanti -pa- dasāhena asampattāti attho”ti iminā sameti. Imassa nayassa vasena “pañcamito paṭṭhāya uppannassa cīvarassa nidhānakālo dassito hotī”ti pāṭho yujjati. Tathā **gaṇṭhipadaladdhiyā** “navāhānāgataṃ kattikatemāsikapuṇṇaman”ti vattabataṃ āpajjati, tassa vasena “kāmañcesa dasāhaparamaṃ atirekacīvaraṃ dhāretabbanti imināva siddho, aṭṭhuppattivasena pana apubbaṃ viya atthaṃ dassetvā sikkhāpadaṃ ṭhapitan”ti ayaṃ pāṭho yujjati. Ko panettha sāroti? Yo pacchā vutto, sova sāro. Teneva aṭṭhakathācariyena “pañcamito paṭṭhāyā”ti vuttam. Porāṇagaṇṭhipadehi aṭṭhakathāya ca saddiṃ saṃsandanato, “dasāhānāgatan”ti pāṭiyā saṃsandanato ca ettha **gaṇṭhipadaladdhipi** pāṭiyā sameti.

Katham? Yasmā pavāraṇādivase aruṇuggamane bhikkhu vassaṃvuttho hoti, tasmā iminā dasamena ahena saddhiṃ chaṭṭhito paṭṭhāya navadivasā dasa ahānīti dasāham, tena **dasāhena**, sahayogatthe karaṇavacanaṃ. Kattikatemāsikapuṇṇamā cīvarasamayaṃ asampattāti katvā “anāgatā”ti vuccati. Yathā aparakattikapuṇṇamāya vassikasāṭikaṃ paccuddharitvā vikappento “cātumāsam adhiṭṭhātuṃ tato paraṃ vikappetun”ti

vuccati, evaṃsampadamidanti. Ettha vuccatīti ce? Na, imassa nippayojanabhāvappasaṅgato. Accekacīvarapaṭiggahaṇakālaṃ niyamitanti ce? Na, “chaṭṭhito paṭṭhāya uppannacīvaraṃ accekameva na hoti. Paṭhamakathinena siddhattā”ti **porāṇaṭṭhakathāgaṇṭhipadesu** vuttattā tato upari “accekacīvaran”ti vuccati, paṭiggahaṇantassa āpattisaṅgaho ca¹. Na ca sā āpatti **pāḷirā, aṭṭhakathāya**, yuttito vā sambhavati. Aṭṭhuppattimattavasena vuttanti ce? Na, dasāhādhiaccaṅkarikā aṭṭhuppattipāyaṃ na dissati. “Bhikkhū accekacīvaraṃ paṭiggahetvā cīvarakālasamayaṃ atikkāmentī”ti ettha ettikā eva hi aṭṭhuppatti. Tathā hi **parivāre**² “kismiṃ vatthusmin”ti ārabhitvā ettakameva vuttanti veditabbaṃ. Accekacīvaraṃ cīvarakālaṃ nātikkāmetabbaṃ, itaraṃ atikkāmetabbanti dassanattamaṃ idaṃ paññattanti ce? Na, accekacīvarasseva aparādhadassanato, visesakāraṇābhāvā, “kāmañesa dasāhaparamaṃ atirekacīvaraṃ dhāretabbanti imināva siddho”ti-ādivacanavirodhato ca yathāvuttavacanāsambhavato ca.

Kathaṃ? Dasāhena saha kattikapuṇṇamā “anāgatā”ti hi vutte dasāhato aññā sā puṇṇamāti āpajjati. Anaññā ce, **sahasaddo** na sambhavati, na hi attanāva attano yogo sambhavati, **anāgata**-saddo ca na sambhavati. Āgatā sampattā eva hi sā puṇṇamā. Cīvarasamayassa anantarattā ekībhāvaṃ anāgatattā anāgatāyevāti ce? Na, tathāpi **anāgata**-saddassa sambhavato, āgamanasambhave satiyeva hi **anāgata**-saddo sambhavati, na hi nibbānaṃ, paññatti vā “anāgatā”ti vuccati. Nibbānaṃ viya khaṇattayaṃ, sā ca puṇṇamā na kadāci samayabhāvaṃ pāpuṇātīti ayuttameva. “Tato paraṃ vikappetun”ti pana vacanaṃ piṭṭhisamayaṃ gahetvā ṭhitattā sambhavati. Apica pavāraṇāyaṃ aruṇe ca uṭṭhite sā puṇṇamā cīvarasamayaṃ ekāhānāgatā evāpajjati pubbe sahayogapattattā. Evaṃ sante ekībhāvagatāpi sā cīvarasamayaṃ anāgatā eva jātāti sabbadā na tathāviggahakaraṇavacanattamaṃ kocideva vacanato dīpetīti veditabbaṃ.

1. Āpattippasaṅgato ca (Ka)

2. Vi 5. 20 piṭṭhe.

Kimattham panettha “dasadivasādhiko māso”ti-ādi vuttanti? Tam pāripūrisambhavato. Pañcamiyañhi pure aruṇaṃ uppanna-accekacīvarassa dasadivasādhiko māsoyeva paripūroti katvā tathā vuttam. Apica tassā pañcamiyā divasabhāgopi sampattāya rattiyā “hiyyo”ti vuccati, pageva pure aruṇaṃ, tenevāha “hiyyo kho āvuso amhākan”ti-ādi. “Evaṃ sante ‘chaṭṭhito paṭṭhāya’ti vuttapaṭhamapāṭhassa vasena ‘anaccekacīvarampi paccuddharitvā ṭhapitaṃ ticīvarampi etaṃ parihāraṃ labhatiyevā”ti ca “dasadivasādhiko māso”ti-ādi ca yaṃ likhitaṃ. Tam na, “pañcamito paṭṭhāyā”ti pāṭhe sajjiteva etena pariyāyena yathāvutta-atthasambhavato na tāni ṭhānāni puna sajjitāni. Yathāṭhitavaseneva ajjuhekkhitabbānīti no takkoti ācariyo. Idam sikkhāpadaṃ puṇṇamāyaṃ anissaggiyatthamevāti **upatissatthero**. “Pavāraṇāmāsassa juṇhapakkhapañcamito paṭṭhāyā”ti pāṭhe sajjite etena pariyāyena yathāvutto uppanna cīvarassa nidhānakālo dassito hoti, “accekacīvaranti accāyikacīvaraṃ vuccatī”ti-ādi pāṭho. “Chaṭṭhito paṭṭhāyā”ti ca “kāmañesa dasāhaparaman”ti-ādi ca yaṃ likhitaṃ, tam na pāṭho, tasmā ekādasadivasam parihāraṃ labhatīti katvā ācariyena “pañcamito paṭṭhāyā”ti likhāpito kira. “Pavāraṇāmāsassa juṇhapakkhachāṭṭhito paṭṭhāyā pana uppannaṃ anaccekacīvarampi paccuddharitvā ṭhapitaṃ ticīvarampi etaṃ parihāraṃ labhati yevāti pāṭho”ti ca “accekacīvarassa anattate kathine ekādasadivasādhiko māso, atthate kathine ekādasadivasādhikā pañcamāsāti pāṭho”ti ca ettha papañcenti, tasmā suṭṭhu sallakkhetvā kathetabbaṃ, tuṇhībhūtena vā bhavitabbaṃ.

Accekacīvarasikkhāpadavaṇṇanā niṭṭhitā.

9. Sāsaṅkasikkhāpadavaṇṇanā

652. “**Tiṇṇam cīvarānaṃ aññataraṃ cīvaranti** idam ticīvare eva ayam vidhi, itarasmiṃ yathāsukhanti dassanattam vuttan”ti vadanti. “Atirekachārattaṃ vipavasanti”ti tasmim yeva senāsane vāso na vipavāsoti katvā vuttam. Kasmā? Cīvarappavattijānanato. Ettha kiñcāpi “āraññakam

nāma senāsanam pañcadhanusatikam pacchiman”ti vacanato atirekatopi vuttam, āraññakameva pana senāsanam hoti, dhutaṅgam rakkhati cīvarappavattijānanapalibodhasambhavato.

653. “Gāvutato atirekappamāṇena labhatī”ti yaṃ vuttam, tam katham paññāyatīti ce? “Siyā ca tassa bhikkhuno kocideva paccayo tena cīvarena vippavāsāyā”ti vacanato. Yojanappamāṇepi siyāti ce? Na, “puna gāmasīmam okkamitvā vasitvā pakkamatī”ti anāpattivāre anuññātattā. Yadi evaṃ “yojanappamāṇe na labhatī”ti idam kinti? Idam nibaddhāvāsavaseneva vuttam. Tattha dhutaṅgam bhijjatīti? Na bhijjati, kintu na idha dhutaṅgādhikāro atthīti. Atha kasmā “ayam dhutaṅgacoroti veditabbo”ti vuttanti? Asambhavato. Katham paññāyatīti? Aṅgesu abhāvato. Dhutaṅgadharassa patirūpasenāsanadīpanato dhutaṅgadharatā tassa siddhā. Vacanappamāṇatoti ce? Na, vacanappamāṇato ca **pāliyeva** pamāṇam. “Anāpatti puna gāmasīmam okkamitvā vasitvā pakkamatī”ti hi vuttam. Gāmasīmā nikkhamitvā kittakam kālam vasitvā pakkamitabbanti ce? Punadvaseyeva, tasmā aṭṭhamo aruṇo nibaddhāvāse vā gantabbaṭṭhāne vā uṭṭhetabboti eke. Antochārattanti eke. Yāva nibaddhāvāsam na kappetīti eke. Yāva maggaparissamavinodanāti eke. Sati antarāye antochārattam vasati, anāpatti. Nibaddhāvāsakappane sati aruṇuggamane āpatti. Sace taṃsattamo divaso, tadaheva nikkhattacīvaram gahetabbam, paccuddharitabbam vāti eke. Sace antarā navamaggapātubhāvena vā navagāmasannivesena vā, tam senāsanam aṅgasampattito parihāyati. Tadaheva cīvaram gahetabbam vā paccuddharitabbam vā. Chārattam vippavasantassa ce parihāyati, anāpatti anuññātavasattāti eke. Āpatti eva anaṅgasampattitoti eke. Yuttataram panettha vicāretvā gahetabbam. Sace dhutaṅgadhara hoti, gāmasīmāyam avasitvā pacchimappamāṇayutte ṭhāne vasitvā pakkamitabbam. Paṭhamam baddha-avippavāsasīmo ce gāmo hoti, aññasmimpi māse antosīmāya vasato anāpatti. **Porāṇaganṭhipade** “yathāvuttasenasane vasantenāpi chārattameva cīvaram gāme nikkhipitabbanti adhippāyena aññam antochārattampi aññampi vasato āpattiyevā”ti vuttam.

Sāsaṅkasikkhāpadavaṇṇanā niṭṭhitā.

10. Pariṇatasikkhāpadavaṇṇanā

657. **Dethāvuso amhākanti** ettha akataviññatti hoti na hotīti? Hoti, yadi evaṃ aññātakaviññattisikkhāpadassa ca imassa ca kiṃ nānākaraṇanti? Taṃ aññātakā-appavāriteyeva viññāpentassa, idaṃ ñātakapavāritepi, taṃ anacchinnacīvarasseva, idaṃ tassapi, taṃ cīvaraṃyeva viññāpentassa, idaṃ acīvarampi. Evaṃ sante idaṃ taṃ antokatvā ʘhitam hoti, tasmā dvinnampi aṅgasampattiyā sati kena bhavitabbanti? Iminā bhavitabbaṃ imassa nippadesatoti eke. Dvīhipi bhavitabbaṃ ubhinnampi aṅgasiddhitoti eke. Iminā tassa aṅgāni vikappanupagacīvaratā, samayābhāvo, aññātakaviññatti, tāya ca paṭilābhoti cattāri. Imassa pana saṃghe pariṇatabhāvo, ñatvā attano pariṇāmanam, paṭilābhoti tīṇi. Ettha paṭhamo vādo ayutto¹ katvāpi okāsam **aṭṭhakathāyam, parivāre** ca avicāritattā. Yadi evaṃ tattha aṅgesu “anaññapariṇatatā”ti vattabbanti ce? Na vattabbaṃ, atthato siddhattā. Pariṇatasikkhāpadadvayasiddhito, pariṇatasaññito, āpattisambhavato ca “mayhampi dethā”ti vadati, “vaṭṭati”ti anuddiṭṭham, “amhākampi atthī”ti vuttattā vaṭṭati. “Saṃghassa pariṇatam -pa- āpatti dukkaṭassā”ti ettha “puggalassā”ti na vuttam, yato suddhapācittiyavasena āgatattā. “Aññacetiyassā”ti na vuttam saṃghassa acetiyattā, tasmāyeva “cetiyaṃsa pariṇatam -pa- āpatti dukkaṭassā”ti etthāpi “aññasaṃghassa aññapuggalassā”ti na vuttam. “Yato tathā idha ca ‘puggalassa pariṇatam -pa- āpatti dukkaṭassā’ti ettha ca ‘attanopī’ti kiñcāpi na vuttam, tathāpi sambhavati”ti vadanti. Taṃ pana idha attano pariṇāmanādhikārattā imassa sikkhāpadassa na vuttanti eke. Tatuttarikkhāpadapade aññassatthāyā”ti² padaṃ viyāti eke. Taṃ na, ettha puggalapariṇāmanasikkhāpade avuttattā. **Dhammasirithero panāha—**

“Attano aññato lābham, saṃghassaññassa vā natam.

Pariṇāmeyya nissaggi, pācittiyampi dukkaṭan”ti.

Tassattho—saṃghassa pariṇatam attano pariṇāmeyya nissaggiyam.
Tadeva aññato pariṇāmeyya pācittiyam. Aññassa pariṇatam attano

1. Yutto (Ka)

2. Vi-Ṭṭha 2. 249 piṭṭhe.

vā parassa vā pariṇāmeyya dukkaṭanti, tasmā aññātakaviññatti-ādīsu
vuttāpattisambhavato idha pariṇatadvaye “attano”ti padaṃ na vuttam.
Tasmiṃ hi vutte dukkaṭamattappaṅgo siyā, avutte panetesu vuttāpattīnaṃ
yathāgamamaññatarā ca idha avuttasiddhi dukkaṭañcāti dve āpattiyo ekato
hontīti vinayadharānaṃ anavasesaññāssa okāso kato hotīti.

Iti tiṃsakakaṇḍaṃ sāramaṇḍaṃ,
Alametaṃ vinayassa sāramaṇḍe.
Idha niṭṭhitasabbasāramaṇḍaṃ,
Vinayavasena punāti sāramaṇḍanti.

Pariṇatasikkhāpadavaṇṇanā niṭṭhitā.

Niṭṭhito pattavaggo tatiyo.

Nissaggiyavaṇṇanā niṭṭhitā.

5. Pācittiyakaṇḍa

1. Musāvādavagga

1. Musāvādasikkhāpadavaṇṇanā

1. **Vādakkhittoti** ettha avisesena vāda jappa vitaṇḍasaṅkhāto tividhopi kathāmaggo “vādo” icceva vuttoti veditabbo. Tesu “titthiyehi saddhin”ti vacanato ṭhapetvā vādam “sesā”ti vadanti. Chalajātiniggahaṭṭhānakusalatāya kadāci katthaci **avajānitvā paṭijānāti**, tathā pubbe kiñci vacanam **paṭijānitvā** pacchā **avajānāti**. Evaṃ vā aññathā vā **aññenaññam paṭicarati**. Evaṃ pavatto sampajānamusā bhāsam paṭissuṇitvā asaccāyanto saṅketam katvā viśamvādentō evaṃ so vādakkhitto samāno pācittiyavatthuñca paripūrento vicaratīti evamadhippāyo veditabbo. **Attano vādeti** ettha “sabbe dhammā anattā”ti¹ paṭhamamāraddhe attano vāde. “Yaṃ dukkham tadanattā”ti² no samayo. “Sabbe dhammā”ti vutte nibbānampi saṅgaham gacchati. “Nibbānam paramam sukham”ti³ vuttattā pana tam na dukkham. No ṭhānametaṃ vijjati. Ayaṃ paravādī “yaṃ dukkham tadanattā”ti² suttam dassetvā siddhantam sambhametvā “virodhi viruddho”ti vuttam dosam āropessatīti tasmim paṭhamavāde kañci dosam sallakkhento āropite vā dose anāropite vā “nāyam mama vādo”ti tam avajānitvā “nibbānantveva sassatan”ti, “anattā iti nicchayā”ti ca suttam disvā tassa paṭhamavādassa niddosataṃ sallakkhetvā “mameva ayaṃ vādo”ti tameva pacchā paṭijānāti. Evaṃ tatha yathāvuttamānisamsam sallakkhento tam paṭijānitvā yadi anattā sabbe dhammā, dhammā eva na te bhavanti. Sabhāvam dhārentīti hi “dhammā”ti vuccanti.

Ayañca **atta**-saddo sabhāvavācīti evaṃ āropite vā dose anāropite vā dosoti sallakkhetvā “nāyam mama vādo”ti tameva paṭhamavādam pacchā avajānāti. Atha so paravādī sapakkham paṭisedhe

1. Khu 1. 53; Khu 8. 34 piṭṭhādīsu; Khu 9. 6 piṭṭhādīsu; Khu 10. 7 piṭṭhādīsu; Khu 7. 72 piṭṭhādīsu.

2. Saṃ 2. 19 piṭṭhe.

3. Khu 1. 43; Ma 2. 176 piṭṭhe.

paṭijānanattāpanayanam. Paṭijānāti patyāssa iti vacanato “paṭiññā añña so nāma te niggaho”ti vutto. Sabhāvātirittam attham paṭisedhādhippāyato sabhāvato atirittam bālaparikappitamattānam sandhāya “anattā sabbe dhammā”ti me paṭiññātakathā, sā ca tadavatthāyevā¹ na me tam paṭiññātattāpanayanam atthi, “nāyam mama vādo”ti avajānanam pana sabhāvasaṅkhātam attānam sandhāya “anattā sabbe dhammā”ti na vadāmīti adhippāyena katanti iminā añña kāraṇena tam pubbe paṭiññātattāpanayanam kāraṇam paṭicchādeti. “Anattā sabbeva dhammā”ti na vattabham **“atta-saddassa sabhāvavācittā”**ti idam kāraṇam paṭicca tena pubbe paṭiññātattāpanayanam katam. Tamaññakāraṇam pacchā dassitena añña kāraṇena paṭicchādetīti adhippāyo.

Yasmā na kevalam yathā dassitanayena so atthameva avajānāti, paṭijānāti ca, kintu vacanampi, tasmā **aṭṭhakathāyam**² “jānitabbato”ti paṭhamam kāraṇam vatvā paravādinā “yadi jānitabbato aniccam, nibbānam te aniccam siyā”ti vutte “na mayā ‘jānitabbato’ kāraṇam vuttam, ‘jātidhammato’ti mayā vuttam, tam tayā badhiratāya añña sallakkhitanti-ādīni vadatīti adhippāyo. ‘Jānitabbato’ti vatvā puna ‘jātidhammato’ti-ādīni vadatī”ti vuttam. “Avajānitvā puna paṭijānanto tam avajānanam iminā paṭicchādeti nāmā”ti likhitam.

2. **Jānitvā jānantassa cāti** jānitvā vā jānantassa vāti atthadvayam dīpetīti.

3. Apica **micchāvācāpariyāpannāti** catubbidhamicchāvācāpariyāpannā. Sīhaḷādināmabhedagatī keci, tasmā evam vadato vacanam, taṁsamuṭṭhāpikā cetanāti ubhayam vuttanti **mātikāyam** ubhinnam saṅgahitattā. **Vibhaṅge** tam vacanam yasmā vinā viññattiyā natthi, tasmā “vācasikā viññattī”ti viññatti ca dassitā. “Evam vadato vacanam”ti lokavohārena vatvā paramatthato dassento “taṁsamuṭṭhāpikā vā cetanāti vuttan”ti ca vadati. **Oḷārikenevāti** cetanāsamuṭṭhānavācānam sukhumattā visayavaseneva katāti.

1. Sāva tadavatthāyevāti (Ka)

2. Vi-Ṭṭha 3. 2 piṭṭhe.

9. **Diṭṭhassa hotīti diṭṭho** assa, anena vā upacārajjhānavasena na mayā abyāvaṭo mato, “na mayā pavanto paṭo diṭṭho”ti-ādim bhaṇantassa ca paramatthasuññatam upādāya eva “iṭṭhim na passāmi, na ca purisan”ti bhaṇantassa ca na musāvādo.

11. **Āpattim āpajjatiyevāti** ettha “dubbhāsītāpattī”ti vadanti. Kasmā? “Keḷim kurumāno”ti vuttattā. “Vācā girā -pa- vācasikā viññattī”ti ujukaṃ sandhāya, kāyo na ujuko.

Musāvādasikkhāpadavaṇṇanā niṭṭhitā.

2. Omasavādasikkhāpadavaṇṇanā

13. **“Puna are patteti** puna tam ṭhānam parivaṭṭetvā āgate aññasmim are”ti likhitam. **Patitṭhitārappadesanti** bhūmim. **Puna areti** puna tasmim yeva are bhūmim patteti atthoti keci, tam na sundaram viya. **Jāpitoti** parājito, “parājito”ti vā pāṭho. **Pāpesīti** abhibhavasi. Manāpaṃ bhāsamanassa brāhmaṇassa garuṃ bhāram. **Udabbahīti** ākaḍḍhīti attho, anādaratthe vā sāmivacanam. **Dhanañca nam alābhesīti** yathā so dhanam alabhi, tathā akāsīti adhippāyo.

15. **Pubbeti** nidāne. **Avakaṇṇakanti** chinnakaṇṇakanāmam. **Javakaṇṇakanti** vaṅkakaṇṇakanāmam. **Dhaniṭṭhakam** dhanavaḍḍhakanāmam, sirivaḍḍhakanāmam **kulavaḍḍhakasseva** nāmam. **Tacchakakammanti** khaṇanakammakārā koṭṭhakā, pāsāṇakammakārāti keci. **“Muddāti** pabbagaṇanā. **Gaṇanāti** mahāgaṇanā”ti **porāṇagaṇṭhipade** vuttam. **“Madhumetaṃ** omehan”ti likhitam. Thūlakāyassa maṃsūpacayoti eke. Yabha methune. Vītarāgatādīhi akkosantopi kileseheva kira akkosati nāma, tathā “sotāpanno”ti akkosanto āpattiyā akkosati nāmāti eke. Liṅgāyattattā accodātādipi liṅgameva jātam.

16. Sabbattha **vadetīti** uddeso. **Bhaṇatīti** vitthāro. **Vadetīti** vā iminā paraviññāpanam dīpeti.

26. Aññāpadesavāresu pana “evaṃ vadetī”ti vuttaṃ. Kasmā? Pubbe dassita-uddesakkamanidassanatthaṃ. Pubbepi “hīnena hīnaṃ, hīnena ukkaṭṭhaṃ, ukkaṭṭhena hīnaṃ, ukkaṭṭhena ukkaṭṭhan”ti jātyādīsu ekekasmim catudhā catudhā dassita-uddesakkamassa nidassanaṃ “evaṃ”ti iminā karoti. “Hīnena hīnaṃ vadetī”ti vuttaṭṭhāneyeva hi “evaṃ vadetī”ti vutte so ākāro nidassito hotīti adhippāyo. Aññathā aññāpadesena so ākāro na sambhavatīti āpajjati. Na sambhavati evāti ce? Na, visesakāraṇābhāvā, tattha anāpattippasaṅgato, aniyamaniddesena aniyamatthasambhavato ca. “Santi idhekacce caṇḍālā”ti-ādinā hi aniyamaniddesena caṇḍālaṃ vā acaṇḍālaṃ vā sandhāya bhaṇantassa āpattīti aniyamattho sambhavatīti adhippāyo. Yadi evaṃ ettakameva vattabbaṃ tāvatā pubbe dassita-uddesakkamanidassanasiddhitoti? Na, “vadetī”ti iminā ayojite “evaṃ”ti pade imaṃ nāma ākāraṃ dassetīti anavabodhato. Aññāpadesanayepi paraviññāpaneyeva dukkaṭapācittiyaṃ viyāti niyamanapayojanaṃ vā “vadetī”ti padanti veditabbaṃ. Atha vā attano samīpe thatvā aññaṃ bhikkhuṃ āṇāpento hīnena hīnaṃ vadeti bhaṇati, āpatti pācittiyassa. Sace sayāṃ hīno hīnena hīnaṃ caṇḍālaṃ -pa- pukkusaṃ “pukkuso”ti bhaṇati āpatti vācāya vācāya pācittiyassa, esa nayo aññāpadesavāresupīti yojanā veditabbā. Ayamatto duṭṭhadosesu¹ pariyesitabbo. Aññathā “vadeti bhaṇatī”ti etesaṃ aññataraṃ ubhayattha anaññāpadesavāra-aññāpadesavāresu, visesena vā aññāpadesavāresu niratthakaṃ āpajjati vināyeva tena vacanasiliṭṭhatāsambhavato. Attato² **pāliyaṃ** avuttattā panettha “sāṇattikaṃ”ti³ vuttanti veditabbaṃ. Tatrāyaṃ padasandhi **vadetīti** vada itīti. Asammukhā vadantassa dukkaṭaṃ “sammukhā pana sattahipi āpattikkhandhehi vadantassa dukkaṭaṃ”ti **andhakaṭṭhakathāyaṃ** vuttattā. **Davakamyatā** nāma keḷi, taṃ dassetuṃ “**hasādhippāyatā**”ti vuttaṃ. “Asammukhāpi davakamyatāya vadantassa dubbhāsītamevā”ti ācariyā vadanti. Pāpagarahitāya kujjhivāpi vadantassa dukkaṭaṃ, asammukhā anāpattīti.

Omasavādasikkhāpadavaṇṇanā niṭṭhitā.

1. Vi 1. 243. 255 piṭṭhādīsu.

2. Attano (Ka)

3. Anāṇattikanti (Ka)

3. Pesuññasikkhāpadavaṇṇanā

36-7. “Imassa sutvā amussā”ti pāṭho. “Imesaṃ sutvā”ti na sundaraṃ. **Bhedāyapīti**¹ bhedāya. Tiṇṇampi bhikkhubhāvatoyeva nipajjanato “**bhikkhūnaṃ pesuññe**”ti bahuvacanaṃ kataṃ.

38-9. “Itthannāmo āyasmā caṇḍālo -pa- pukkusoti bhaṇatī”ti vatvā pesuññaṃ upasaṃharatīti yojanā. Aññathā “pukkusoti bhaṇatī”ti vattabbaṭā āpajjati. Ettha anupasampannavāro labbhamānopi na uddhaṭo omasavāde dassitanayattā, saṅkhepato ante dassetukāmatāya vā. Tathā hi ante tīṇi dukkaṭāni dassitāni. Tāni pana dassento bhagavā yasmā “upasampannassa sutvā upasampannassa pesuññaṃ upasaṃharatī”ti vuttānaṃ dvinnaṃ padānaṃ aññataravipallāsavasena vā ubhayavipallāsavasena vā pācittiyanti katvā dvepi tāni ekato vuttānīti dassetukāmo, tasmā sabbapaṭhamānyeva “upasampanno upasampannassa sutvā upasampannassa pesuññaṃ upasaṃharatī, āpatti pācittiyassā”ti āha. “Dvīsu panetesu yasmā pārājikaṃ ajjhāpannopi upasampanno tādisaṃyeva upasampannaṃ khamsetukāmo omasati, tādisassa sutvā tādisassa pesuññaṃ upasaṃharatī, āpatti pācittiyassa, tasmā ‘upasampanno’ti idaṃ ādipadaṃ sabbattha vuttan”ti keci vadanti, taṃ na yuttaṃ, anavasesa-āpattim āpannassa puna āpattiyā asambhavato, tasmā kevalaṃ **mātikāyaṃ** bhikkhupadābhāvatoyeva “bhaṇatī upasaṃharatī”ti padānaṃ kāraṇaniddesābhāve asambhavato eva taṃ ādipadaṃ vuttanti veditabbaṃ. Idaṃ pāḷilesābhāvato anāṇattikameva. “Na piyakamyassa, na bhedaḍhippāyassā”ti upasaṃharaṇāpekkhaṃ sāmivacanaṃ tuṇhībhūtassa vacanappayojanābhāvato, tena vuttaṃ “**pāpagarahitāya bhaṇantassa anāpattī**”ti.

Pesuññasikkhāpadavaṇṇanā niṭṭhitā.

1. Bhedāya (Pāli)

4. Padasodhammasikkhāpadavaṇṇanā

45-6. **Sabbametaṃ padaso dhammo nāmā**ti ettha dhammo nāma buddhabhāsītōti evaṃ sambandho. **Akkharasamū**hoti asamattapade¹. Paccekabuddhabhāsitaṃ buddhabhāsīte eva. Anupāsakagahaṭṭhehi bhāsīto isibhāsītādisaṅgahaṃ gacchatīti veditabbaṃ. Katthaci potthake “devatābhāsīto”ti padaṃ natthi, yattha atthi, sā pāḷi. **Gāthābandhepi ca esa nayoti** ekameva akkharaṃ vatvā ṭhānaṃ labbhati eva. “Evaṃ me sutan”ti-ādisuttaṃ bhaṇāpiyamāno ekāraṃ vatvā tiṭṭhati ce, anvakkharena pācittiyāṃ, aparipuṇṇapadaṃ vatvā ṭhite anubyañjanaena. Padesu ekaṃ paṭhamapadaṃ virujjhati ce, anupadena pācittiyāṃ. **Aṭṭhakathānissitoti** aṭṭhakathānissitavasena ṭhito. Pubbe pakatibhāsāya vuttaṃ aṭṭhakathaṃ sandhāya. **Pālinissitoti** pāliyaṃ evāgato. **Maggakathā**dīnipi pakaraṇāni.

48. **Upacāranti** dvādasahatthaṃ. “**Opātetīti** ekato bhaṇāti samāgacchatī”ti likhitaṃ. Kiñcāpi apalāladamanampi sīlupadesopi bhagavato kāle uppanno, atha kho tesu yaṃ yaṃ buddhavacanato āharitvā vuttaṃ, taṃ tadeva āpattivatthu hotīti viññāpanatthaṃ **mahā-aṭṭhakathāyaṃ** “vadantī”ti² vacanehi sithilaṃ kataṃ. Buddhavacanato āharitvā vuttassa bahulatāya tabbahulanayena tesu āpatti vuttā, tasmā **mahāpaccayaṃ** tassādhippāyo pakāsītōti attho. “Sabbasameva vacananti apare”ti vuttaṃ. Sace ācariyo ṭhito nisinnānaṃ pāṭhaṃ deti, “na ṭhito nisinnassa dhammaṃ desessāmī”ti vuttāpattiṃ nāpajjatīti eke. Tesampi pāṭhadānaṃ dhammadesanato na aññanti taṃ na yuttaṃ, chattapāṇikādīnaṃ pāṭhadānena anāpattippasaṅgato, āpattibhāvo ca siddho. Vuttañhetam—

“Ubho atthaṃ na jānanti, ubho dhammaṃ na passare.

Yo cāyaṃ mantam vāceti, yo cādhammenadhīyati”ti³.

Ettha adhīyatīti attho, tasmā pāṭhadānampi dhammadesanāva. **Sekhiyaṭṭhakathāyaṃ**⁴ “dhammaparicchedopanettha padasodhamme vuttanayena veditabbo”ti

1. Asamattapade, asamattapade (Ka)

3. Vi 2. 268 piṭṭhe.

2. Vuttanti vadantīti (Ka)

4. Vi-Ṭṭha 3. 168 piṭṭhe.

vuttaṃ, tasmā ayameva dhammo sabbattha dhammapaṭisaṃyutta-sikkhāpadesu veditabbo. Yadi evaṃ saṅkhārabhāsādivasena cittadhammaṃ desentassa sekhiyavasena anāpatti siyā, tato chapakajātakavirodho. Tattha mantānaṃ bāhiraganthattāti ce? Na, tadadhippāyājānato. Ayañhi tattha adhippāyo “bāhirakaganthasaṅkhātampi mantāṃ ucce āsane nisinnassa vācetuṃ me bhikkhave amanāpaṃ, pageva dhammaṃ desetun”ti. “Tadāpi me bhikkhave amanāpaṃ nīce āsane nisīditvā ucce āsane nisinnassa mantāṃ vācetuṃ, kimaṅgaṃ pana etarahi -pa- dhammaṃ desetun”ti¹ hi ayaṃ pāḷi yathāvuttameva adhippāyaṃ dīpeti, na aññaṃ. Teneva “mantāṃ vācetuṃ dhammaṃ desetun”ti vacanabhedo kato. Aññathā ubhayattha “dhammaṃ desetun”icceva vattabbanti.

Mayā saddhiṃ mā vadāti-ādimhi pana **anugaṇṭhipade** evaṃ vutto “sace bhikkhu sāmaṇerena saddhiṃ vattukāmo, tathā sāmaṇeropi bhikkhunā saddhiṃ vattukāmo sahasā opātetī, ‘yebhuyyena paguṇaṃ ganthaṃ bhaṇantaṃ opātetī”ti-ādīsu viya anāpatti, na hi ettāvata bhikkhu sāmaṇerassa uddisati nāma hoti. Yasmā **mahā-aṭṭhakathāyaṃ** natthi, tasmāpi yuttamevetāṃ. Sace tattha vicāretvā paṭikkhitaṃ siyā āpatti, kiriyākiriyañca nāpajjati. Kasmā? Yasmā cittaena ekato vattukāmo, atha kho naṃ ‘ekato mā vadā’ti paṭikkhipitvāpi ekato vadanto āpajjati. Avattukāmassa sahasā virajjhivā ekato vadantassa anāpatti, tena vuttaṃ ‘mayā saddhiṃ mā vadāti vutto yadi vadati, anāpattī’ti. Tathāpi ācariyānaṃ matimanuvattantena evarūpesu ṭhānesu yathāvuttanayeneva paṭipajjitabbaṃ. Kasmā? Yasmā **mahā-aṭṭhakathāyaṃ** natthi, natthibhāvato yeva āpatti. Sace tattha anāpatti-avacanaṃ na sambhavati ayamaṭṭhānattā”ti.

Tatrāyaṃ vicāraṇā—“mayā saddhiṃ mā vadā”ti vutto yadi vadati, bhikkhuno anāpattīti yuttametāṃ bhikkhuno vattukāmatāyābhāvato, bhāvepi sajjhāyakaraṇādīsu tīsu anāpattito ca. Atha sāmaṇerena byattatāya “mayā saddhiṃ mā vadā”ti vutto bhikkhu abyattatāya vadati, āpatti eva vattukāmatāsabbhāvato. Sahasā ce vadati, anāpatti tadabhāvato. Sace bhikkhu evaṃ “mayā saddhiṃ mā

1. Vi 2. 268 piṭṭhe.

vadā”ti vatvā tena saddhiṃ sayam vadati, āpatti eva. Na hi etaṃ sikkhāpadaṃ kiriyākiriyaṃ. Yadi etaṃ sikkhāpadaṃ kiriyākiriyaṃ bhaveyya, yuttam. Tattha anāpattīti adhippāyo. **Mahāpaccariyaṃ** imināva adhippāyena “mayā saddhiṃ mā vadā”ti vuttam siyā. Na hi sāmaṇessa kiriyā idha pamāṇanti, imasmiṃ pana adhippāye vutte atiyuttamvāti attho. Akkharattho byañjanattho. Kiñcāpi “yañca padaṃ yañca anupadaṃ yañca anvakkharam yañca anubyañjanam, sabbametaṃ padasodhammo nāmā”ti vuttam, tathāpi “padena vāceti, pade pade āpatti pācittiyassa, akkharāya vāceti, akkharakkharāya āpatti pācittiyassā”ti idameva dvayam yojitam, tam kasmāti ce? Padena anupada-anubyañjanānam saṅgahitattā. Vuttañhetam “anupadanti dutiyapādo. Anubyañjananti purimabyañjanena sadisaṃ pacchābyañjanam”ti¹, tasmā anupadekadesamattameva anubyañjananti siddham. “Akkharānubyañjanasamūho padan”ti ca vuttattā padamattameva vattabham tena anupadādittayaggahaṇatoti ce? Na vattabham vacanavisesato. Padena vācento hi pade vā anupadevā anubyañjane vā āpattim āpajjati. Na akkharena. Akkharena vācento pana padādisu aññatarasmim āpajjati. Na hi “varo varaññū varado varāharo”ti-ādimhi paṭhamam va-kāram vācento dutiyādiva-kāre opātetī, paṭhamam ro-kāram vācento dutiyaro-kāre opātetī, paṭhamam ra-kāram vācento dutiyara-kāre opātetī, āpatti pācittiyassāti sambhavati. Anubyañjanānulomato sambhavati evāti ce? Na, “pade pade āpatti pācittiyassā”ti iminā viruddhattā. Idañhi vacanam ekasmim pade ekā āpattīti dīpeti. “Rūpam aniccān”ti vuccamāno rūti opātetī”ti vacanato sakalam pādam vācentassa paṭhama-akkharamatte ekato vutte āpattīti siddhanti ce? Na, “akkharakkharāya āpatti pācittiyassā”ti iminā viruddhattā, tasmā rūti opātetīti vuttam asambhavato rū-kārassa yathāvuttadhammapariyāpannabhāvasiddhito tam avatvā kevalam akkharāya vācentassa yathāvuttadhammapariyāpanna-akkharabhāvadassanattam “rūpam aniccanti vuccamāno”ti vuttam, vacanasiliṭṭhatāvasena vā anubyañjane vedanāvacanam viyāti veditabham.

Padasodhammasikkhāpadavaṇṇanā niṭṭhitā.

5. Paṭhamasahaseyyasikkhāpadavaṇṇanā

50. “Na sahaseyyaṃ kappetabban”ti bhāvavasena vuttaṃ, kesuci “na sahaseyyā kappetabbā”ti pāṭho, na kappetabbā bhikkhunāti paññattanti adhippāyo. “Apassenāṃ vāti vāyimamañcakameva hoti”ti likhitaṃ. Yaṃ etesaṃ na kappati, taṃ tesampīti upajjhāyādīnaṃ santikaṃ agantvā sahaseyyaṃ kappeyyāti pāṭhaseso.

52. “Anupasampanno nāma bhikkhuṃ ṭhapetvā avaseso”ti vuttatā mātugāmo anupasampannoti catuttharattiyaṃ mātugāmo dvepi sahaseyyāpattiyo janetīti apare”ti vuttaṃ, “bhikkhuṃ ṭhapetvā -pa- pannoti pārājikavatthubhūto tiracchānapuriso adhippeto”ti ca, ubhayampi vīmaṃsitabbaṃ. **Dutiyasikkhāpade** mātugāmo nāmāti manussitthiṃ yeva gahetvā yakkhī peti tiracchānagatā pārājikavatthubhūtā na gahitā tesu dukkaṭattā. “Sace pana attanopi sikkhāpade dukkaṭaṃ bhaveyya, atha kasmā paṭhamasikkhāpade pācittiyaṃ”ti ca vuttaṃ. “Aparikkhitte pamukhe anāpattī”ti **sīhalaṭṭhakathā**vacanaṃ, tassatthaṃ dīpetuṃ **andhakaṭṭhakathāyaṃ** “bhūmiyaṃ vinā jagatiyā pamukhaṃ sandhāya kathitaṃ”ti vuttaṃ. **Puna vasatī**ti catutthadivase vasati. **Bhikkhunipanneti** bhikkhumhi nipanne. **Sannipatitamaṇḍapaṃ** nāma mahāvihāre sannipātaṭṭhānaṃ. “Tīṇi ca divasāni dukkaṭakhetthe vasitvā catutthe divase sahaseyyāpattipahonake sayati, pācittiyevā”ti ekacce vadanti kira, taṃ na yuttaṃ.

Paṭhamasahaseyyasikkhāpadavaṇṇanā niṭṭhitā.

6. Dutiyasahaseyyasikkhāpadavaṇṇanā

55. “Atha kho te manussā”ti ca “te addhikā”ti ca pāṭho. “Ekarattan”tipi atthi, so na sundaro. Paṇḍake **pāḷiyaṃ** dukkaṭassa vuttatā “ubhatobyañjanehi mūlāpattīti dissati”ti, “animittādayo itthiyovā”ti ca vadanti ubhatobyañjanake vuttaṃ viya. Kiñcāpi matiṭhī pārājikavatthu hoti, anupādinnapakke ṭhitattā pana idha āpattiṃ na karoti. Pārājikāpattiṭṭhānañcetta na oloketabbaṃ.

Dutiyasahaseyyasikkhāpadavaṇṇanā niṭṭhitā.

7. Dhammadesanāsikkhāpadavaṇṇanā

66. “Viññū paṭibalā”ti vacanato aviññū itthiyāpi desentassa anāpatti. Idha yakkhī-ādayo manussitthī viya aṇḍārikattā dukkaṭavattukā jātā. Tiracchānagatamanussaviggahitthiyā paṭibalatāya vuttattā itarāpi dukkaṭavattuhuyevāti eke. “**Mātugāmāyā**”ti¹ liṅgavipallāsenā vuttaṃ. “Aṭṭhakathādipāṭham ṭhapetvā damiḷādinā yathārucci kathetuṃ labhati kirā”ti likhitam, yathā yakkhī-ādayo dukkaṭavattukā jātā, tathā purisaviggaham gahetvā ṭhitena yakkhādinā saddhim ṭhitassa mātugāmassa dhammam desento dukkaṭam anāpajjitvā kasmā pācittiyamāpajjatīti ce? Īsakampi dutiyapakkaṃ abhajanato. Manussamātugāmopi na dutiyo, pageva yakkhādayoti. Na dutiyāniyate tassa dutiyattāti ce? Na tattha duṭṭhullavācāpekkhā dutiyatā, kintu nisajjāpekkhā, idha ca na nisajjamattam, kintu desanā idhādhippetā. Sā ca nipajjanato oḷārikā, tasmā asamatthanidassanam.

Dhammadesanāsikkhāpadavaṇṇanā niṭṭhitā.

8. Bhūtārocanasikkhāpadavaṇṇanā

67. “Catutthapārājikavatthu ca idaṅca ekamevā”ti vuttaṃ, na yuttaṃ. Kasmā? Tattha “moghapurisā”ti vuttattā. Te ariyamissakā na hontīti dvepi ekasadisānīti mama takko. “Ariyāpi paṭijānimsu, tesampi abbhantare vijjamānattā uttarimanussadhammassā”ti likhitam. “**Sabbepi bhūtam bhagavāti** puthujjana-ariyānam uttarimanussadhammassa ārocitattā ‘bhūtan’ti vuttaṃ, na attano uttarimanussadhammam sandhāyāti apare”ti vuttaṃ.

77. Pubbe avuttehīti catutthapārājike āvuttehīti.

Bhūtārocanasikkhāpadavaṇṇanā niṭṭhitā.

1. Aññassa mātugāmassa (Pāli), aññissā mātugāmassa (Ṭṭha)

9. Duṭṭhullārocanasikkhāpadavaṇṇanā

78-80. “Teneva hatthena upakkamivā asucim mocesi”ti pāṭho sampatipāṭho sundaro. Apaloketvāva kātabbā. No ce, pāḷiyamyeva vuttam siyā. “Ottappenā”ti vattabbe ruḷhivasena paresu “**hirottappenā**”ti vuttam. **Mahā-aṭṭhakathāyaṃ** uttānattā na vuttam, pācittiyā sambhavadassaneneva hi dukkaṭanti siddham.

83. Tattha “kamman”ti vutta-ajjhācārepi pariyāpannattā tam tassa daṇḍakammavattu. “Tattha kamman āpanno”ti pubbepi likhitam. **Mahā-aṭṭhakathāyaṃ** “attakāman āpanno”ti pāṭho, “ayameva gahetabbo”ti vadanti, vīmaṃsitabbam.

Duṭṭhullārocanasikkhāpadavaṇṇanā niṭṭhitā.

10. Pathavīkhaṇanasikkhāpadavaṇṇanā

86. **Kaṭasakkharā** setamattikā viya mudukā sakkharajāti. “**Akatapabbhāre**ti avalaṅḡjitabbaṭṭhānadassanattam vuttan”ti likhitam. “Anovassakaṭṭhānadassanattan”ti vattabbam. **Mūsikukkuranti** mūsikāhi uddhaṭapaṃsu. **Suddhacittā**ti kiṅcāpi “evam pavaṭṭite pathavī bhijjissati”ti jānanti, no pana ce pathavībhedatthikā, suddhacittā nāma honti. Paṃsu-ādayo dve koṭṭhāsā āpattikarā. Keci “sabbacchannādīsu upaḍḍhe dukkaṭassa vuttattā sace dukkaṭam, vuttan”ti vadanti. Tattha vuttam tādisassa vatthuno sambhavā, idha pana jātapathavī ca ajātapathavī cāti dveveva vatthūni, tasmā dvinnam ekena bhavitabbanti na vuttam. Etthāpi dukkaṭavacanam atthīti ce? Tam pana saññāvasena, na vatthuvasenāti na vuttameva.

87. **Aggim kātum vaṭṭatī**ti ettha ettāvata usumam gaṇhāti, tasmā vaṭṭatīti keci. Evam sati pathaviyā aggimhi kate dūratopi bhūmi uṇhā hoti, tattakam kopetabbam siyā, na ca kappati, tasmā yasmim ṭhāne patati, tam so aggi ḍahati, tasmā vaṭṭatīti eke. Aḍahitepi

“adaḍḍhāya pathaviyā aggim̐ ṭhapetuṃ na vaṭṭatī”ti vuttattā attanā pātanāyeva doso patite upadāheti veditabbaṃ.

Pathavīkhaṇanasikkhāpadavaṇṇanā niṭṭhitā.

Samatto vaṇṇanākkamena musāvādavaggo paṭhamo.

2. Bhūtagāmaṅga

1. Bhūtagāmasikkhāpadavaṇṇanā

89. **Pharasaṃ niggaḥetuṃ asakkontoti** dassitabhāvaṃ jānāpeti. Kasmā ayaṃ pharasaṃ uggirīti ce? **Manussānanti-**ādi tassa parihāro. “Ākoṭesi chindīti ca vacanato rukkhadevatānaṃ hatthāni chijjanti, na cātumahārājikādīnaṃ viya acchejjānī”ti vadanti.

90-2. **Bhavanti ahuvuñcāti** dvikāliko bhūtasaddo. Yadi bījato nibbattena bījaṃ dassitaṃ, tadeva santakaṃ yadidaṃ. Sova kukkuṭo maṃsimakkhitoti ayameva hi parihāro. **Aṭṭhakathāsupi** hi “bīje bījasaññī”ti likhitaṃ. Yaṃ bījaṃ bhūtagāmo nāma hoti, tasmim̐ bīje bhūtagāmaḥijeti yojetvā. Amūlakattā kira sampuṇṇabhūtagāmo na hoti, “samūlapatto eva hi bhūtagāmo nāmā”ti kāraṇaṃ vadanti. **Abhūtagāmamūlattāti** bhūtagāmato anuppannattā abhūtagāmamūlaṃ, bhūtagāmassa amūlakattā vā. Na hi tato añño bhūtagāmo uppajjati”ti dvidhāpi likhitaṃ. Piyaṅgu asanarukkho vaḍḍhanattaco khajjaphalo, “pītasālo”tipi¹ vuccati. **Amūlakabhūtagāme saṅgahaṃ gacchatīti** nālikerassevāyaṃ. Ghaṭapiṭṭhiḥatattā, bījagāmaṇulomattā ca dukkaṭavattu. **Na vāsetabbaṃ** “durūpaciṇṇattā”ti likhitaṃ, “**yesaṃ rukkhānaṃ sākā ruhatīti** vacanato yesaṃ na ruhati, tesā sākāya kappiyakaraṇakiccaṃ natthīti siddhaṃ”ti vuttaṃ. **Muddatiṇanti** tassa nāmaṃ. “**Muñjatiṇanti** pāḥo”ti likhitaṃ.

Samaṇakappetīti samaṇavohārehi, tasmā vattabbaṃ bhikkhunā “kappiyaṃ karotī”ti. Tassa āṇattiyā karontenāpi sāmaṇerādīnā

“kappiyan”ti vatvāva aggiparijitaṃ kātābanti siddhaṃ. Aggiparijītādīni viya kappiyattā abījanibbaṭṭabījānipi “pañcahi samaṇakappehi”¹ ettha pavitṭhāni, yathālābhato vā samaṇakappavacanaṃ gahetabbaṃ. “Kappiyan”ti vatthukāmo ‘kappan’ti ce vadati, ‘vaṭṭati’ti vadantī”ti vuttaṃ. “Kappiyan”ti vacanaṃ sakasakabhāsāyapi vaṭṭati”ti vadanti. “Kappiyanti vatvā”ti vuttattā bhikkhunā ‘kappiyam’ icceva vattabbaṃ, “itarena pana yāya kāyaci bhāsāyā”ti vadanti, vīmaṃsitabbaṃ. “Ucchum kappiyam karissāmīti dārum vijjhati”ti vacanato kappiyam kātābbaṃ sandhāya viraddheti vuttaṃ hoti, ācariyā pana “kappiyam kāretabbaṃ sandhāya kappiyanti sitthādīm kāreti, vaṭṭati”ti vadanti, tassa kāraṇam vadantā kātum vaṭṭanabhāveneva virajjhivā Katepi kappiyam jātam. Yadi na vaṭṭeyya, sitthādīmhi Kate na vaṭṭeyyāti, upaparikkhitabbaṃ. Uṭṭhitasevālaghaṭam ātape nikkhipitum vaṭṭati, vikopetukāmatāya sati dukkaṭam yuttaṃ viya. “Puppharajjubhājanagatikā, tasmā na vaṭṭati. Nāle vā baddhapupphakalāpe nāḷasmim Katepi vaṭṭati tasmim pupphassa atthitāyā”ti vadanti. **Porāṇagaṇṭhipade** “bījagāmena bhūtagāmo dassito anavasesapariyādānatthan”ti vuttaṃ.

Bhūtagāmasikkhāpadavaṇṇanā niṭṭhitā.

2. Aññavādakasikkhāpadavaṇṇanā

98-9. **Aññaṃ vadatīti aññavādakaṃ**, “vacanaṃ kareyyā”ti likhitaṃ. “Tuṇhībhūtassetam nāman”ti pāṭho. **Ugghātetukāmoti** samohanitukāmo, antarāyam kattukāmoti porāṇā.

100. “Sudiṭṭho bhante, na paneso kahāpaṇoti-ādīsu **anāropite** dukkaṭena musāvādapācittiyam, aropite pācittiyadvayam hoti”ti vadanti, vīmaṃsitabbaṃ.

102. **Adhammena vā vaggena vā na kammārahassa vāti** ettha “mayi vutte maṃ vā aññaṃ vā saṃgho adhammena vā kammaṃ, vaggena vā kammaṃ karissati,

1. Vi 4. 244 piṭṭhe.

na kammārahassa vā me, aññassa vā kammaṃ karissatī”ti na kathetīti yojetabbam.

Aññavādakasikkhāpadavaṇṇanā niṭṭhitā.

3. Ujjhāpanakasikkhāpadavaṇṇanā

103. “**Chandāyā**”ti akkharakkharāyāti-ādi viya līngavipallāsenā vuttam, chandatthanti vā attho. Yesam senāsanāni paññapeti, tesam attani chandatthanti adhippāyo.

106. **Anupasampannanti**-ādīsu karaṇattho gahetabbo. **Aññam** **anupasampannanti** aññena anupasampannena. **Tassa vāti** anupasampannassa. “Sammutikāle pañcaṅgavirahādayo asammata nāmā”ti, “upasampannena laddhasammuti sikkhāpaccakkhānena vinassatī”ti ca vuttam. **Samghenāti** sabbena samghena kammavācāya assāvetvā “taveso bhāro”ti kevalam āropitabhāro. **Kevala**-saddo hettha kammavācāya assāvītabhāvamattameva dīpeti. **Sayamevāti** itaresam bhikkhūnam anumatiyā. Abhūtena khīyanakassa ādikammikassa katham anāpattīti ce? Iminā sikkhāpadena. Musāvāde āpattiyeva dve pācittiyo vuttā viya dissanti pubbapayoge rukkhadichindanādīsu viya, vicāretabbam.

Ujjhāpanakasikkhāpadavaṇṇanā niṭṭhitā.

4. Paṭhamasenāsanasikkhāpadavaṇṇanā

110. “Evañcidam bhagavatā bhikkhūnam sikkhāpadam paññattam hotī”ti vacanato, **parivāre** “ekā paññatti, ekā anupaññatti”ti¹ vacanato ca idha atthi anupaññattīti siddham. Kiñcāpi siddham, “evañca pana bhikkhave imam sikkhāpadam uddiseyyāthā”ti-ādinā pana paññattiṭṭhānam na paññāyati, kevalam “anujānāmi bhikkhave aṭṭha māse -pa- nikkhipitun”ti ettakameva vuttam, tam

1. Vi 5. 121 piṭṭhe.

kasmāti ce? Paṭhamapaññattiyam vuttanayeneva vattabbato avisesattā na vuttam. Yadi evam kā ettha anupaññattīti? **Ajjhokāseti**. Ayamanupaññatti paññattiyampi atthīti ce? Atthi, tam pana okāsamattadīpanam, dutiyam cātuvasikkamāsasaṅkhātakāladīpanam. Yasmā ubhayampi ekam kālo kāsam ekato katvā “ajjhokāse”ti vuttanti dīpento bhagavā “anujānāmi bhikkhave -pa- nikkhipitun”ti āhāti veditabbam. Teneva **mātikāṭṭhakathāyam**¹ vuttam “yattha ca yadā ca santharitum na vaṭṭati, tam sabbamidha ajjhokāsasāṅkhyameva gatanti veditabban”ti. Hemantakālassa anāpattisamayattā idam sikkhāpadam nidānānapekkhanti siddham, tathā hi ajjhokāsapadasāmatthiyena ayam viseso—vassānakāle ovassakāṭṭhāne ajjhokāse, maṇḍapādīmhi ca na vaṭṭati. Hemantakāle pakati-ajjhokāse na vaṭṭati, sabbamidha ovassakepi maṇḍapādīmhi vaṭṭati, tañca kho yattha himavassena² senāsanam na temeti, gimhakāle pakati-ajjhokāsepi vaṭṭati, tañca kho akālameghādassaneyevāti ayam viseso “aṭṭha māse”ti ca “apassikasāṅkete”ti ca etesam dvinnam padānam sāmattiyatopi siddho.

Kiñca bhiyyo—**aṭṭhakathāyam** sandassitavisesova. Cammādinā onaddhako vā navavāyimo vā na sīgham vinassati. **Kāyānugatikattāti** kāye yattha, tattha gatattā. Saṅghikamañcādīmhi kāyam phusāpetvā viharitum na vaṭṭatīti **dhammasiritthero**. “Saṅghikam pana ‘ajjhokāsaparibhogena paribhuñjatha bhante yathāsukhan’ti dāyakā denti senāsanam, evarūpe anāpattī”ti **andhakāṭṭhakathāyam** vacanato, idha ca paṭikkhepābhāvato vaṭṭati. “Aññañca evarūpanti apare”ti vuttam. “**Pādaṭṭhānābhimukhāti** nisīdantassa pādapatanaṭṭhānābhimukhā”ti likhitam. Sammajjantassa pādaṭṭhānābhimukhanti ācariyassa takko.

111. “**Pādudhārenāti** bahi-upacāre ṭhitattā”ti likhitam. **Gacchanti**, dukkaṭam dhammakathikassa viya. Kasmā na pācittiyam? Pacchā āgatehi vuḍḍhatarehi utṭhāpetvā gahetabbato. Dhammakathikassa pana anuṭṭhapetabbattā. “Anāṇattiyā paññattiyampi tassa bhāro”ti vuttam.

1. Kaṅkhā-Ṭṭha 201 piṭṭhe.

2. Himavasena (Ka)

112. **Pariharaneyevāti** ettha gahetvā vicāraṇeti **dhmmasiritthero**. Attano santakakaraṇeti **upatissatthero**. Bijanīpattakaṃ caturassabjanī.

113. “Yo bhikkhu vā sāmaṇero vā -pa- lajjī hotī’ti vuttattā alajjīm āpucchitvā gantuṃ na vaṭṭatī”ti vadanti. Pāṭhe “kenaci palibuddhaṃ hotī”ti ca **aṭṭhakathāyaṃ** “palibuddhaṃ”ti ca senāsanāmyeva sandhāya vuttaṃ, tasmā tathāpi atthīti gahetabbaṃ. “Anāpucchāṃ vā”ti pāṭho.

Paṭhamasenāsanāsikkhāpadavaṇṇanā niṭṭhitā.

5. Dutiyasenāsanāsikkhāpadavaṇṇanā

116-7. **Ettakameva vuttamaṭṭhakathāsu**, tathāpi padaṭṭhādayopi labbhanti eva. **Anugaṇṭhipade** “aññaṃ attharaṇādi akappiyattā na vuttan”ti vuttaṃ. “Mañcaṃ vā pīṭhaṃ vā vihāre vā vihārūpacāre vā’ti imināpi saṃsandanatthaṃ ‘**kiñcāpi vutto, atha kho**’ti-ādi āradhan”ti ca vuttaṃ. Upacāramattañcetāṃ “rukkhamūle”ti, tattha vattabbaṃ natthi.

118. **Anāpucchitvāpi gantuṃ vaṭṭatīti** asatiyā gacchatopi anāpatti, **āpucchanaṃ pana vuttaṃ** sañcicca anāpucchato vattabhedadukkaṭṭatā. Puggalikasenāsane saṃghikaseyyaṃ, saṃghikasenāsane vā puggalikaseyyaṃ attharitvā gacchantassa dukkaṭaṃ yuttaṃ viya. Kasmā? “Seyyāmatameva nasseyyā”ti vuttattā. Idha pana “palibuddhaṃ palibuddho”ti duvidhampi atthi.

Dutiyasenāsanāsikkhāpadavaṇṇanā niṭṭhitā.

6. Anupakhajjasikkhāpadavaṇṇanā

121. Chabbaggiyesuyeva **therā bhikkhūti** keci. **Pāde dhovitvāti**-ādimhi pavisantassa vā pādadhovanapāsāṇato yāva mañcapīṭhaṃ passāvattāyā nikkhamantassa vā yāva passāvattāṇanti yojanā kātabbā. Evaṃ

sante “passāvatthāya nikkhamantassa vā”ti na vattabbaṃ, “passāvatthānato nikkhamantassa vā”ti vattabbaṃ. **Passāvatthānanti** katthaci potthake. Tathā hi **mātikāṭṭhakathāyaṃ**¹ “pavisantassa pādadhovanapāsāṇato yāva mañcapīṭhaṃ nikkhamantassa mañcapīṭhato yāva passāvatthānaṃ, tāva upacāro”ti vuttaṃ, tasmā “pāde dhovivā pavisantassa, passāvatthāya nikkhamantassa ca dvāre nikkhattapādadhovanapāsāṇato, passāvatthānato ca mañcapīṭhan”ti katthaci potthake pāṭho, so apāṭho. Kasmā? Mañcapīṭhānaṃ upacārassa vuttattā. Pavisantassa yāva mañcapīṭhānaṃ upacāro, nikkhamantassa tato paṭṭhāya yāva passāvatthānaṃ vaccakuṭīcaṅkamaṭṭhānanti iminā atthena yathā saṃsandati, tathāvidho pāṭhoti ācariyo.

122. **Upacāraṃ ṭhapetvā**ti idha vutta-upacāraṃ ṭhapetvā.
“Dassanasavanūpacārepi santharantassā”ti likhitaṃ.

Anupakhajjasikkhāpadavaṇṇanā niṭṭhitā.

7. Nikkaḍḍhanasikkhāpadavaṇṇanā

126-7. **Chasattakoṭṭhakāni vā**ti ettha dvārakoṭṭhakaṃ adhippetāṃ.
“Nikkhamā”ti vacanaṃ sutvāpi attano ruciyā nikkhamati, anāpatti, idha aggisālādi eva **upacāroti**.

Nikkaḍḍhanasikkhāpadavaṇṇanā niṭṭhitā.

8. Vehāsakuṭīsikkhāpadavaṇṇanā

129. “Pamāṇamajjhimassa galappamāṇe dinnatulāpi vehāsakuṭīyevā”ti likhitaṃ, “na sā idha adhippetā”ti vuttaṃ.

Vehāsakuṭīsikkhāpadavaṇṇanā niṭṭhitā.

1. Kaṅkhā-Ṭṭha 204 piṭṭhe.

9. Mahallakavīhārasikkhāpadavaṇṇanā

135. **Yāva dvāra**kosāti dvārasamīpā, yāva bhittīti attho, taṃ suvuttaṃ. **Kavāṭavittthārappamāṇoti** hatthapāsassādhippetattā, samantā kavāṭavittthārappamāṇa-upacārassa gahitattā aparipūra-upacārāpi hoti. Ālokaṃ karotīti ālokaṃ sandheti pidhetīti sandhi eva ālokasandhināmakā honti. Vātapānakavāṭalepakamme appaharitaṭṭhānakiccaṃ natthi.

136. **Itthakā**ti chadanakapālāsīlādī-itthakā. **Chadanūparī**ti ettha paṭhamāṃ tāva ekavāraṃ aparisesāṃ chādetvā puna chādanadaṇḍake bandhitvā dutiyavāraṃ tatheva chādetabbaṃ. “Tatīyavārācatutthavāre sampatte dve magge adhiṭṭhahitvā tatiyamaggaṃ āṇāpetvā pakkamītabbaṃ”ti vuttaṃ, taṃ “punappunāṃ chādāpeti”ti iminā yujjati.

Porāṇā pana “paṭhamavāreyeva tayo magge adhiṭṭhātum vaṭṭati, catutthato paṭṭhāya āpatti pācittiyāṃ, catutthalepato paṭṭhāya āpatti”ti vadanti. Tattha chadane vuttavidhinidānena sameti, lepe vuttavidhitikacchedena sameti. Tathāpi so na yuttova. **Nidāne,** **aṭṭhakathāyaṇī**ca siddhalepattā sabbasovāpi acchāne, chānevāpi anekaso pariyāyassa tatiyasēva adhiṭṭhānanti nō sametīti ācariyo. “Dve magge”ti, “dve chadane”ti ca “tatiyavārato paṭṭhāya evaṃ chādāpehi”ti āṇāpetvā pakkamītabbaṃ”ti ca **upatissatthero** vadati kira.

Mahallakavīhārasikkhāpadavaṇṇanā niṭṭhitā.

10. Sappāṇakasikkhāpadavaṇṇanā

140. Sappāṇakasikkhāpadaṃ uttānatthameva.

Samatto vaṇṇanākkamena bhūtagāmaṃvaggo dutiyo.

3. Ovādavagga

1. Ovādasikkhāpadavaṇṇanā

144. **Kathānusārenā**ti yo bhikkhunovādakatthiko kimsīlo kimsamācāro katarakulā pabbajitoti-ādi kathānusārenāti attho. **Saggamaggagamanepīti api-saddena mokkhagamanepi.** “**Lakkhaṇappaṭivedhapāṭisaṃyutto**”ti aṭṭhagarudhammānusārena vattabbaṃ dhammakathaṃ sandhāya vuttaṃ.

145-7. **Nissīmanti** vihāre baddhasīmato aññaṃ abaddhasīmaṃ, gāmasīmādinti attho. “**Supinantenapī**”ti na sabbesanti idha bāhullanayena vuttaṃ. Chabbaggiyā hi keci vīsativassāpi atthi atirekavīsativassāpīti iminā imaṃ majjhimabodhikāle paññattanti viññāyati. “**Sīlavā hotī**”ti vatvā tassa catubbidhattā idha adhippetasīlameva dassetuṃ “**pātimokkhasaṃvarasaṃvuto**”ti-ādi vuttaṃ. **Gaṇṭhānugaṇṭhipadesu** “satisaṃvarādayo idha nādhippetā, tena vibhaṅgapāṭhaṃ dasseti aṭṭhakathācariyo”ti vuttaṃ. **Atthatoti** pāḷi-atthato. **Kāraṇatoti** kāraṇūpapattito, aṭṭhakathātoti adhippāyo. Atha vā **kāraṇatoti** dhammato, tena atthato dhammatoti vuttaṃ hoti. Atha vā **atthatoti** phalato. “**Kāraṇatoti** hetuto. Dhammapadampi jātakena sahā”ti likhitaṃ. **Pañhaṃ kathetunti** “pañhaṃ puṭṭho katheti”ti ettha bhikkhuniyā puṭṭhena “na jānāmī”ti na sakkā kathetuṃ. “Na kho pana taṃ bhagavantān”ti pāṭho. “Na kho panetan”ti ca likhanti, taṃ na sundaraṃ. “Kāsāyavatthavasānāyā”ti vacanato pārājikāyapi na vaṭṭati. Bhikkhuniyā kāyasamsaggameva vuttaṃ. Methunena hi bhikkhunīdūsako hoti.

148-9. Bhikkhūnaṃ santike upasampannā nāma parivattaliṅgā, pañcasatā sākiyāniyo vā. “Dhammadesanāpattimocanattaṃ panā”ti vacanato mātugāmaggaḥaṇena sabbattha bhikkhunīsaṅgahaṃ gacchatīti siddhaṃ. Bhikkhuniggahaṇena pana mātugāmo **tiriyaṃ tarasikkhāpade**¹ saṅgahito, na aññatha. “Osāretabbā”ti pāḷipāṭho, pāḷi osāretabbāti

attho. “Osāretabban”ti aṭṭhakathāpāli. Ekasmim̄ ṭhāne vandite dosābhāvato bahūsu ekāya vandite vaṭṭatīti ce? Bhikkhūhi kattabbaṃ natthi, bhikkhuniyāyeva kattabbaṃ, tasmā na vaṭṭati. “**Yattha kattuaci nisinnāyāti** antodvādasahatthe nisinnāyā”ti vadanti. **Na nimantitā hutvā gantukāmāti** nimantitā hutvā gantukāmā bhikkhū idha nādhippetā, vassaṃ upagantukāmāva adhippetāti attho. **Yato panāti** bhikkhunīvihārato. **Tatthāti** bhikkhunīvihāre. Kiñcāpi “ovādadāyakā bhikkhū”ti vacanato ovādadāyakeheva sabhikkhuko āvāso hoti, na sabbehīti āpanno, tathāpi asati bhikkhunovādake ovādasam̄vāsānaṃ atthāya yācanatthāya avassaṃ gantabbatā aññehipi bhikkhūhi sabhikkhukopi sabhikkhuko evāti veditabbo. **Sā rakkhitabbāti** vassacchedāpatti rakkhitabbā. Kasmā? **Āpadāsu hīti-ādi.** “**Ayaṃ uposatho cātuddasikoti pucchitabban**”ti vuttaṃ, tampi terasiyaṃyeva, etarahi pana bhikkhuniyo cātuddasiyaṃyeva gantvā “kadā ayya uposatho”ti pucchanti. “Jāyāyo vā jāriyo vā”ti adhippāyena vuttaṃ kira. “Gaccheyya ce, āpatti”ti pāṭho. **Dve tissoti** dvīhi tīhi. Ekato āgatānaṃ vasena “tāhi”ti bahuvacanaṃ vuttanti adhippāyo. “Ekā bhikkhunī vā bahū bhikkhunī vā bahūhi bhikkhunupassayehi ovādatthāya pesitā”ti vacanassa vitthāro “bhikkhunisaṃgho ca ayya bhikkhuniyo cā”ti-ādinā vutto. “Bhikkhunisaṃgho ca ayya bhikkhuniyo cā”ti-ādi nānā-upassayehi pesitāya vacanaṃ”ti ca “aparipuñṇasaṃghapuggalanānāvāsadutiya vacanavasena pañcakkhattuṃ upasaṅkamaṇaṃ vuttan”ti ca likhitaṃ. Yasmiṃ āvāse pātīmokkhuḍdeso na pavattati, tatthāpi yācanaṃ sampaṭicchitvā punadivase yena paṭiggahitaṃ, tena “natthi koci bhikkhu bhikkhunovādako sammato”ti-ādi vattabbaṃ. Atthi ce sammato, niddisitaṃ. “Sayameva ce sammato, ahan”ti vattabban”ti vuttaṃ. Sace sammato vā ovādapaṭiggāhako vā pātīmokkhaṃ uddisati, aññena ārocāpetabbanti eke, “attanāpi ārocetuṃ vaṭṭatī”ti ca vadanti. Kesuci potthakesu “ayyānaṃ pavāretī”ti likhitaṃ, evaṃ sati “ayyassa pavāremī”ti vattabbaṃ, potthake natthi.

Ovādasikkhāpadavaṇṇanā niṭṭhitā.

2. Atthaṅgatasikkhāpadavaṇṇanā

153. **Munāṭīti jānāti. Antaradhāyatīpi** ettha taduttamaṃ ce atthi, taṃ passāmi, yaṃ vicittaṃ vā, tadatthañca. Taggha kāraṇaṃ. Saha uppādamanantarā kiriyā. Yamā ca te manasā katatra netvāti. Yathā pāto siyā pāto bhavaṃ pātova udakato uggantvā ṭhitaṃ, tathā virocamaṇaṃ aṅgīrasaṃ buddhaṃ passa, na kevalaṃ padumaṃ viya, virocamaṇaṃ tapantaṃ mādiccamivantalikkheti sambandho. Atha vā aṅgīrasaṃ buddhaṃ padumaṃva virocamaṇaṃ sūriyaṃva tapantaṃ passa buddhaṃ. Yathā pāto siyā phullamavītagandhaṃ kokanudasaṅkhātaṃ padumaṃ passasi, tathā virocamaṇaṃ aṅgīrasaṃ buddhaṃ passa. Ubhayeneva hi bhagavato kanti dīpitāti katvā dīpitaḡuṇasubhaṃ buddhaṃ sakkatvā taṃ¹ kantiṃ pūjeyya. Pūjaneyyatopi vītināmeyya iti lakkhaye. “Ekato upasampannāyā”ti pāli.

156. “Ekato upasampannānaṃ”ti aṭṭhakathāpāṭho. “Abhabbo tvaṃ”ti-ādivacanato anukampāvasena saddhivihārikādiṃ saṃghikā vihārā nikkadḡhāpentassa anāpatti viya dissati. Abhabbo hi thero sañcicca taṃ kātuṃ, gavesitabbāva ettha yuttīti keci. Therena sikkhāpadapaññattito pubbe katanti mama takko.

Atthaṅgatasikkhāpadavaṇṇanā niṭṭhitā.

3. Bhikkhunupassayasikkhāpadavaṇṇanā

162. “Ekarattampi vasantī”ti² vacanato yattha rattiyaṃ na vasanti, tattha gantvā ovadituṃ vaṭṭatīti eke. Yadi evaṃ saṅketatṭhānaṃ gantvā ovadituṃ vaṭṭatīti³ siddhaṃ. “Tato addhayaḡaneyeva sabhikkhuko āvāso icchitabbo”ti na vattabbaṃ. Bhikkhunovādako ce addhayaḡanaṃ gantvā ovaditukāmo hoti, bhikkhunisaṃgho ca addhayaḡanaṃ gantvā sotukāmo, “vaṭṭatī”ti vattabbaṃ siyā, tañca na vuttaṃ, tasmā na vaṭṭati. Heṭṭhimaparichedena pana “ekarattampī”ti² vuttaṃ. Tato paṭṭhāya upassayaṃ hoti, na upassayaṃ saṅkhepena katamattenāti vuttaṃ hoti. Yattha

1. Buddhaṃ taṃ (Ka)

2. Vi 2. 80 piṭṭhe.

3. Na vaṭṭatīti (Ka)

vāsūpagatā bhikkhuniyo, so upassayasaṅkhyam gacchati, tatha na gantvā ovādo dātabbo. Ekāvāse divā vaṭṭatīti eke, vicāretvā yuttataram gahetabbam.

Bhikkhunupassayasikkhāpadavaṇṇanā niṭṭhitā.

4. Āmisasikkhāpadavaṇṇanā

164. “Upasampannam saṅghena asammatan”ti pāḷivacanato, “sammatenā vā saṅghena vā bhāram katvā ṭhapito”ti aṭṭhakathāvācanato ca aṭṭhahaṅgehi samannāgato sammatenā vā vippavasitukāmena¹ “yāvāham āgamissāmi, tāva te bhāro hotū”ti yācivā ṭhapito, tassābhāvato saṅghena vā tatheva bhāram katvā ṭhapito aṭṭhahi garudhammehi ovaditum labhati, pageva aññena dhammenāti siddham. “Yo pana bhikkhu asammato bhikkhuniyo ovadeyya, pācittiyam”ti pageva bhāram katvā aṭṭhapitam sandhāya vuttanti veditabbam. Abhayagirivāsīnampi idameva matam, **anugaṇṭhipade** pana imam nayam paṭikkhipitvā “natthi koci”ti-ādinā “etarahi ovādako asammato bhikkhunovādako nāmā”ti vatvā “yam pana **andhakaṭṭhakathāyam** vuttam ‘upasampannam saṅghena kammavācāya asammataṃ, bhikkhusaṅghena pana ‘bhikkhusaṅghassa anuggaham karotha, bhikkhuniyo ovadatha, bhikkhusaṅghassa ca karotha phāsuvihāran’ti evam yācivā ṭhapito bhikkhusaṅgham āpucchitvā, tato so thero bhikkhuniyo ovadati, evarūpam bhikkhusaṅghena asammatan’ti, tatra vuttanayeneva attho gahetabbo”ti vuttam. **Porānagaṇṭhipade** pana “asammato gāmaṃ ovādatthāya āgatānam bhikkhunīnam vacanam sutvā paṭivacanam dento saṅghānumatiyā, na ñatticatutthenā”ti vuttam, tam **anugaṇṭhipadamatena** sameti, **andhakaṭṭhakathāyam** vuttavacanam tena sameti, tañca pāḷivacanam, na hi ovādapaṭiggāhako, pātimokkhuddesako vā “pāsādikena sampādetū”ti vacanamattena bhikkhunovādako nāma hoti. Hotīti ce, anupasampannopi tattakena vacanena “bhikkhunovādako hotū”ti vattabbo. Hotīti ce, yam vuttam **gaṇṭhānugaṇṭhipadesu** “asammato nāma asammatabhāvena ‘bahussuto tvam

1. Vippavasitukāmena vā (Ka)

ovadāhī'ti saṅghena bhāraṃ katvā ṭhapito'ti. Ettha bāhusaccena kiṃ payojanam. **Anugaṇṭhipadeyeva** “abhayagirivāsī vadatīti sutvā sammatena vā āṇatto ovaditum labhatīti **dhammasiritthero** pacchā anujānātī”ti vuttam. Kiṃ bahukāya. “Pāsādikena sampādetū”ti ettakamattena bhikkhunovādako hoti. **Aṭṭhakathāyam** “bhāraṃ katvā”ti iminā kiṃ payojanam, tattakampi vattum añño na labhati, tena ca “anujānāmi bhikkhave ṭhapetvā bālam gilānam gamikaṃ avasesehi ovādam gahetun”ti¹ ayam pāḷi virujjheyya. Katham? Tassa² hi “na bhikkhave ovādo na paccāharitabbo”ti³ vacanato sammatāsammatabhāvena natthi kocīti “pāsādikena sampādetū”ti vattabham siyā, vadanto ca idha paṭhamena āpattiyā kāretabbo hotīti. Hotu asammattā, akatabhāratā ca. Imassa ca bhikkhunovādakatte imassa khīyanena dukkaṭam siyā, sabbametam aniṭṭham, tasmā aṭṭhakathāyam “ayamettha bhikkhunovādako nāmā”ti avuttattā tathā bhāraṃ katvā ṭhapito ovaditum labhatiyeva, nāññoti⁴ ācariyo.

Āmisasikkhāpadavaṇṇanā niṭṭhitā.

5. Cīvaradānasikkhāpadavaṇṇanā

169. Sādiyissasīti pucchā.

Cīvaradānasikkhāpadavaṇṇanā niṭṭhitā.

6. Cīvarasibbanasikkhāpadavaṇṇanā

176. **Vañcētva**ti “tava nātikāyā”ti avatvā “ekissā bhikkhuniyā”ti ettakameva vatvā, te hi “ekissā”ti vacanam sutvā aññātikāya santakasaññino sibbesum. Imasmim sikkhāpade “cīvaram nāma

1. Vi 4. 456 piṭṭhe.

3. Vi 4. 457 piṭṭhe.

2. Kathentassa (Ka)

4. Labhatiyeva maññati (Ka)

channaṃ cīvarānaṃ aññatarānaṃ cīvaran”ti ettakameva pāḷi, tena vuttaṃ
 “cīvaranti yaṃ nivāsetuṃ vā pārupituṃ vā”ti-ādi. “Vikappanupagaṃ
 pacchiman”ti ca likhitā, so pamādalekho.

Cīvarasibbanasikkhāpadavaṇṇanā niṭṭhitā.

7. Saṃvidhānasikkhāpadavaṇṇanā

181. Tā bhikkhuniyo dūsayimsūti vipariṇāmo kātabbo.

182-4. **Sampadantī**ti padasā gacchanti. **Vuttanayenevā**ti “sapatanti
 etthāti sampāto”ti-ādinā. Padagate upacāro na labbhati, accāsannattā missaṃ
 viya hotīti. Kukkuṭavassitaparicchinnā **mahā-aṭṭhakathāyaṃ**. “Tampi
 vohārenā”ti likhitā. “Yebhuyyena tathā sanni vesō hotīti katvā
 aṭṭhakathāyaṃ vuttaṃ, tasmā na pamādalekho”ti ca, “ukkaṭṭhaparicchidena
 vuttaṃ **aṭṭhakathāyaṃ**, tato uddhaṃ addhayaṃjanalakkhaṇasampattā nāma
 hotīti gahetabban”ti ca vuttaṃ. “Kappiyabhūmi kirāyaṃ -pa- na vadantī”ti
 vuttaṃ. Duddasañhettha kāraṇaṃ. Katarāṃ pana tanti? “Gacchāma”ti
 saṃvidahati, āpatti dukkaṭassā”ti vuttaṃ. Tattha “gacchāma”ti
 vattamānavacanantañca, amagge bhikkhunupassayādimhi na
 sambhavatiyeva manussavanaṃ antaragharādimhi maggasaṅkhepagamanato,
 uccāsayanādi-uppattiṭṭhānattā ca. Na titthiyaseyyāya vā pabbajitāvāsattā.
Dvāreti samīpatthe bhummaṃ, tasmā taṃ dassetuṃ puna **“rathikāya”**ti āha.
 Sesa-aṭṭhakathāyaṃ “etthantare saṃvidahitepi bhikkhuno dukkaṭan”ti
 āgatattā na sameti. “Gāmantare”ti vacanato aññagāmassa upacārokkamane
 eva āpatti. “Addhayaṃjane”ti vacanato atikkamaneyeva vuttaṃ.

185. **Ratṭhabhedeti** vilope. **Porāṇaganṭhipade** “tayopi saṅketā
 kālādivasamaggavasena, tattha pacchimeneva āpatti”ti vuttaṃ. “Iminā
 maggenā”ti vissajjetvā aññena gacchanti ce, āpattiyevāti attho.

Saṃvidhānasikkhāpadavaṇṇanā niṭṭhitā.

8. Nāvābhiruhasikkhāpadavaṇṇanā

189. Nadiyā kuto gāmantaranti ce? “**Yassā nadiyā**”ti-ādimāha. **Gāmantaragaṇanāyā**ti yasmim̐ gāmatitthe āruḷho, tam̐ ṭhapetvā aññagāmagaṇanāya. “Mātugāmopi idha saṅgahaṃ gacchatī”ti-ācariyassa takko, teneva “ubhayattha ekato upasampannāya dukkaṭaṃ, sikkhamānāya sāmaṇeriyā anāpattī”ti ca na vuttaṃ. Eseva nayo aññesupi evarūpesu.

191. “Lokassādamittasanthavavasena keḷipurekkhārā saṃvidahitvā”ti vuttatā akusalacittaṃ lokavajjanti vattabbanti? Na vattabbam̐, “keḷipurekkhārā”ti vacanaṃ yebhuyyatāya vuttaṃ. **Porāṇagaṇaṭṭhipade** ca “tīṇi cittāni tisso vedanā”ti vuttaṃ, saṃvidahanakāle vā keḷipurekkhāro bhikkhu saṃvidahati, āpatti bhikkhuno gāmantarokkamane, addhayojanātikame vā. Kusalacitto vā hoti paccavekkhanto, cetiyādīni vā passanto, abyākatacitto vā hoti kilamathavasena niddāyantoti ticittāni gahitānīti veditabbā.

Nāvābhiruhasikkhāpadavaṇṇanā niṭṭhitā.

9. Paripācitasikkhāpadavaṇṇanā

192. **Ceṭaketi** dārake. Taruṇapotaketi porāṇā. “Pāpabhikkhūnaṃ pakkhupacchedāya idaṃ paññattaṃ, tasmā pañca bhojaneyevāpatti vuttā”ti likhitaṃ.

194-7. **Nipphāditanti** viññattiyā na hoti, kintu parikathādīhi, tasmā iminā sikkhāpadena anāpatti, tam̐ sandhāya “**sabbattha anāpattī**”ti vuttaṃ. “Kathānusārena tattha pasīditvā denti, idaṃ paripācitaṃ na hoti, vaṭṭantī”ti paṭhamasikkhāpade vuttatāti **dhammasiritthero, upatissatthero** pana “itarampi vaṭṭatiyevā”ti āha. **Porāṇagaṇaṭṭhipade** pana “yasmā devadatto pakatiyā tattha bhikkhuniparipācitaṃ bhujjati, tasmā imaṃ aṭṭhuppattim̐ nidānaṃ katvā idaṃ sikkhāpadaṃ paññattan”ti vuttaṃ.

Paripācitasikkhāpadavaṇṇanā niṭṭhitā.

10. Rahonisajjasikkhāpadavaṇṇanā

198. “Upanandassa catutthasikkhāpadena cā”ti pāṭho.

Rahonisajjasikkhāpadavaṇṇanā niṭṭhitā.

Samatto vaṇṇanākkamena ovādavaggo tatiyo.

4. Bhojanavagga

1. Āvasathapiṇḍasikkhāpadavaṇṇanā

203-4-6. Pūgassāti pūgena. **Kukkuccāyantoti** nissaraṇenettha bhavitabbarā, taṃ mayāṃ na jānāmāti sanniṭṭhānassa karaṇavasena “kukkuccāyanto”ti vuccati. Yathā hi āyasmā upāli nayaggāhena “anāpatti āvuso supinantenā”ti¹ āha, tathā theropi “anāpatti gilānassā”ti kasmā na paricchindatīti? Anattādhikārattā vinayapaññattiyā, “nāyaṃ attano okāso”ti paṭikkhittattā, sikkhāpadassa aparipuṇṇattā. Paṭhamapārājikasikkhāpade paripuṇṇaṃ katvā paññattheyeva hi so thero “anāpatti supinantenā”ti¹ āha “aññatra supinantā”ti vuttapadānusārenāti. Yasmā odissa ayāvadattheva dāyakānaṃ pīlā natthi, tasmā “**anodissa yāvadattho**”ti vuttaṃ.

208. “Antarāmagge ekadivasaṃ”ti ekaṃyeva sandhāya vuttan”ti ca “**eseva nayoti** vuttanayameva dassetuṃ gantvā paccāgacchanto hīti-ādimāhā”ti ca “suddhicitto hutvā pakatigamaneva bhuñjituṃ labhatī”ti ca “agilānassa gilānasaññino kāyena samuṭṭhātī”ti ca likhitaṃ.

Āvasathapiṇḍasikkhāpadavaṇṇanā niṭṭhitā.

2. Gaṇabhojanasikkhāpadavaṇṇanā

209-18. **Gulhapaṭicchannoti** apākaṭova. **Eko puttenāti** ekassetam bhattam “ahaṃ aññena nimantito”ti na vuccati. “**Sace ekato**

1. Vi 1. 49 piṭṭhe.

gaṇhanti, gaṇabhojanam hoti"¹ti¹ vuttattā cattāro upāsakā cattāro bhikkhū visum visum nimantetvā hatthapāse ṭhitānam ce denti, gaṇabhojanam hoti evāti eke, tam na yuttam viya. "Viññattito pasavane gaṇassa ekato gahaṇe iminā sikkhāpadena āpatti, visum gahaṇe paṇītabhojanasūpodanaviññattīhi"²ti likhitam. "Viññattito pasavanam aṭṭhuppattivāsena **aṭṭhakathāyam** anuññātam. Sūpodanādivāsena tattha āpatti evā"³ti vuttam, tam na yuttam. Kasmā? **Parivāre**² eva dvinnam ākārānam āgatattā, tasmā **aṭṭhakathāyam** "anuññātan"³ti duvuttam. Aṭṭhuppattiyāmyeva pākaṭanti "padabhājane na vuttan"³ti vattabham. **Ekato gaṇhantīti** gahitabhattāpi aññe yāva gaṇhanti, tāva ce tiṭṭhanti, ekato gaṇhantiyeva nāma. "Gacchati ce, anāpattī"³ti vadanti.

Etthāha—"paṭiggahaṇameva hettha pamāṇan"³ti vuttam, atha kasmā **pāliyam** "gaṇabhojanam nāma yattha cattāro -pa- bhuñjanti, etaṃ gaṇabhojanam nāmā"³ti³ vuttanti? Vuccati—**yatthāti** upayogathe bhummavacanam. **Cattāro**ti gaṇassa heṭṭhimaparicchedanidassanam. **Pañcannam bhojanānanti** āpattippahonakabhojananidassanam. **Aññātarena bhojanena nimantitāti** akappiyanimantanidassanam. Nimantanavaseneva pana gaṇabhojanassa vuttattā "nimantitā bhuñjantīti vuttan"³ti vuttam. "Aññataram bhojanam viññāpetvā bhuñjantī"³ti pana na vuttam aṭṭhuppattiyāmyeva pākaṭattā. Yam bhuñjantīti evam sambandho veditabbo. Tattha **bhuñjantīti** paṭiggāhakaniyamavacanam. Na hi appaṭiggahitakam bhikkhū bhuñjanti. Idam vuttam hoti "gaṇassa yato paṭiggahitāhārabhojanahetu pācittiyam"³ti. Āgantukapaṭṭam moghasuttana sibbitvā ṭhapenti, tattha anuvāte yathā ekatalam hoti, tathā hatthehi ghaṭṭeti. **Valetīti** āvaṭṭeti. **Parivattananti** suttam gaṇhantānam sukhaggahaṇattham suttaparivattanam karoti, paṭṭam sibbantānam sukhasibbanattham paṭṭaparivattanañca. Navacīvarakārako idhādhippeto, na itaroti. "Bimbisāram āpucchitvā sambhāre kayiramāneyeva kālā atikkantā, pacchā gaṇabhojanasikkhāpade paññatte bhagavantam upasaṅkamtivā pucchī"³ti vadanti, aññathā aṭṭhakathāya virujjhanato.

1. Vi-Ṭṭha 3. 79 piṭṭhe.

2. Vi 5. 65 piṭṭhe.

3. Vi 2. 101 piṭṭhe.

220. “Dve tayo ekatoti yepi akappiyanimantanam sādīyitvā”ti-ādivacanena akappiyanimantanapaccayā eva anāpatti, viññattito āpattiyevāti dīpeti. Animantito catuttho yassa tadetaṃ **animantitacatuttham**. Esa nayo sabbattha. **Pavesetvāti** nisīdāpetvā. Cīvaradānasamayaladdhakacatukkam cīvarakārasamayaladdhakacatukkanti evamādīni. **Tāni cāti** yehi bhojanehi visāṅketo natthi, tāni. **Mahāthereti** upasampanne. **Aṭṭhatvāti** ṭhitena nimittam dassitam hoti. **Tattha tattha gantvāti** rathikādīsu bhikkhusamīpe gantvā. Imasmim pana sikkhāpade katthaci potthake “anujānāmi bhikkhave cīvaradānasamaye gaṇabhojanam bhuñjituṃ. Evañcidam bhagavatā bhikkhūnan”ti pāṭho dissati. Katthaci “bhuñjituṃ”ti vatvā “evañca pana bhikkhave imam sikkhāpadam uddiseyyāthā”ti pāṭho, ayam sobhano.

Gaṇabhojanasikkhāpadavaṇṇanā niṭṭhitā.

3. Paramparabhojanasikkhāpadavaṇṇanā

221. **Adhiṭṭhitāti** niccappavattā. Badaracuṇṇasakkārādīhi yojitam badarasālavam. **Kirakammakārenāti** kirassa kammakārena.

226. “**Vikappetvā gaṇhāhī**”ti etthāhu **porāṇattherā** “bhagavato sammukhā avikappetvā gehato nikkhamitvā rathikāya aññatarassa bhikkhuno santike vikappesi, vikappentena pana ‘mayham bhattapaccāsam itthannāmassa dammī’ti vattabbam, itarena vattabbam ‘tassa santakam paribhuñja vā yathāpaccayam vā karohī’ti”. **Pañcasu sahadhammikesūti** sammukhā ṭhitassa samadhammikassa yassa vikappetukāmo, tam sahadhammikam adisvā gahaṭṭhassa vā santike, sayameva vā “pañcasu sahadhammikesu itthannāmassa vikappemī”ti vatvā bhuñjitabbanti eke, evam sati thero tasmimyeva nisinnova tathā vācam nicchāretvā paṭiggaṇhātīti takko dissati. **Mahāpaccariyādīsu** pana parammukhā vikappanāva vuttā, sā “tena hānanda vikappetvā gaṇhāhī”ti iminā sameti, tathāpi **mātikāṭṭhakathāyam**¹ “tasmā yo bhikkhu pañcasu

1. Kaṅkhā-Ṭṭha 217 piṭṭhe.

sahadhammikesu aññatarassa ‘mayhaṃ bhattapaccāsaṃ tuyhaṃ dammī’ti vā ‘vikappemī’ti vā evaṃ sammukhā vā ‘itthannāmassa dammī’ti vā ‘vikappemī’ti vā evaṃ parammukhā vā”ti vacanato sahadhammikassa santike eva vattabbaṃ, na sayamevāti dissati. Yasmā ayaṃ pacchimanayo **porāṇagaṇṭhipadenapi** sameti, tasmā idha mātikāṭṭhakathānusārena attho veditabbo. Ettha kiñcāpi “te manussā -pa- bhojanamadamsū”ti vacanato akappiyanimantanam paññāyati¹, tathāpi therassa kukkucuppattikāraṇena bhattena so nimantitoti veditabbo. Aññathā parato “dve tayo nimantane ekato bhuñjati”ti vacanena, anāpattivārena ca virujjhati.

229. Etthāyaṃ vicāraṇā—“añño manusso pattam gaṇhati, na dātābbaṃ”ti vacanato aparabhāge akappiyanimantanena natthi payojanam, pubbabhāgeyeva akappiyanimantanena payojananti **svepi bhante āgaccheyyāthāti** ettha kataram akappiyanimantanam, tasmā adhippāyo cetha pamāṇanti. Na, “piṇḍāya caritvā laddhabhattam bhuñjati, āpatti”ti vacanatoti. Tattha “svepi bhante”ti ettha yathā vacanamattam aggahetvā akappiyanimantanakkamena attho gahito, tathā “piṇḍāya caritvā”ti etthāpi antarā akappiyanimantanena laddhabhattam sandhāya vuttanti attho gahetabbo. Piṇḍāya hi carantam disvā “ettha bhante bhattam gaṇhathā”ti dinnampi akappiyanimantanena laddham nāma hoti. Vohārena pana “piṇḍāya caritvā laddhabhattan”ti vuccati, evamsampadamidam daṭṭhabbam. Aññathā **mātikāṭṭhakathāyaṃ** “gaṇabhojane vuttanayeneva pañcahi bhojanehi nimantitassa -pa- parassa parassa bhojane”ti² vuttavacanavirodho. Idañhivacanam yena paṭhamam nimantito, tato paṭhamanimantitam ādāya gato parassa parassa nimantanakadāyakassa bhojaneti atthaparidīpanato nimantanato laddhabhattassa bhojaneyeva āpattīti dīpeti. “Dve tayo nimantane ekato”ti vacanenapi sameti, aññathā “yena nimantito, tassa bhojanato parassa bhojane”ti ettakam vattabbam siyā, **pāḷiyam** vā “nimantanena ekato bhuñjati”ti ettakam vattabbam siyā. Dutiiyanimantanassa paṭhamabhojane āpattippasaṅganivāraṇattham **“yena yena”**ti-ādi vuttam. Nimantanapaṭipāṭiyā bhuñjatiṭi pālīti ce? Na, “anāpatti niccabhatte”ti-ādipāḷivirodhato.

1. Na paññāyati (?)

2. Kaṅkhā-Ṭṭha 217 piṭṭhe.

Gaṇṭhipade pana “piṇḍāya caritvā laddhabhattam kasmā bhuñjituṃ na labhatīti ce? ‘Paramparabhojanam nāma pañcannam bhojanānam aññatarena bhojanena nimantito, tam ṭhapetvā pañcannam bhojanānam aññataram bhojanam bhuñjati, etam paramparabhojanam nāmā’ti vuttattā”ti likhitam. Yadi evam niccabhattādikampi na vaṭṭatīti āpajjatīti niccabhattādi odissakanti ce? Tam na, tadaññassa attano dhanena nipphannassa, saṃghato laddhassa vā pāto pacanakayāgu ce ghanā hoti, tassāpi, ekakuṭīkam gāmaṃ upanissāya viharato bhikkhācariyavasena labhitabbaniccabhattassa ca akappiyabhāvappasaṅgato. Tatha bhikkhācariyavasena laddham na kappati nimantanakānam appasādāvahanatoti ce? Na, “pañca bhojanāni ṭhapetvā sabbattha anāpattī”ti vacanavirodhato. Khādanīyampi hi parassa khāditvā bhuttattā nimantanabhojanam abhuñjanto appasādam karoti eva, tasmā appasādāvaham appamāṇam, tasmā niccabhattādi odissakam na sambhavati. Apica heṭṭhā vuttanayena saddhim idha vuttanayena saṃsanditvā yaṃ yaṃ khamati¹, tam tam gahetabbanti sabbopi kesañci ācariyānam vinicchayo. Ācariyassa pana vinicchayo ante āvi bhavissati. “Khīram vā rasam vā pivato amissampīti adhippāyo”ti vuttam. **Gaṇṭhipade** “heṭṭhā odanenāmissetvā upari tiṭṭhatī”ti likhitam.

Mahā-upāsakoti gehasāmiko. **Mahā-aṭṭhakathāyam** “āpattī”ti² vacanena **kurundiyaṃ** “vaṭṭatī”ti vacanam viruddham viya dissati. “Dvinnampi adhippāyo **mahāpaccariyaṃ** vicārīto”ti likhitam. “**Cārittatoti** ‘santam bhikkhuṃ anāpucchā’ti parato vattabbato”ti vuttam. Vacīkammaṃ **avikappanam**. Ettha “mahā-upāsako bhikkhūnimanteti -pa- pacchā laddham bhattam bhuñjantassa āpattī.² Piṇḍāya caritvā laddhabhattam bhuñjati, āpattī”ti **aṭṭhakathāyam** vacanato, “kalasseva piṇḍāya caritvā bhuñjīmā”ti pālīto, **khandhake** “na ca bhikkhave aññatra nimantane aññassa bhojjayāgu paribhuñjitabbā, yo paribhuñjeyya, yathādhammo kāretabbo”ti³ vacanato ca nimantetvā vā pavedetu animantetvā vā, paṭhamagahitanimantanassa bhikkhuno paṭhamanimantanabhojanato aññam yaṃ kiñci parasantakam bhojanam paramparabhojanāpattim karoti. Attano santakam, saṃghagaṇato laddham vā agahaṭṭhasantakam vaṭṭati, nimantanato paṭhamam nibaddhattā pana niccabhattādi parasantakampi vaṭṭati.

1. Kappati (Ka)

2. Anāpatti (Chaṭṭha-Ṭṭha)

3. Vi 3. 318 piṭṭhe.

Khandhake “na ca bhikkhave -pa- yathādhammo kāretabbo”¹ti vacanaṃ parasantakabhojanavuttaniyamaṇaṃ. Tato hatthakova no takkoti ācariyo.

Paramparabhojanasikkhāpadavaṇṇanā niṭṭhitā.

4. Kāṇamātāsikkhāpadavaṇṇanā

231-3. **Paṭiyālokanti** pacchimaṃ desaṃ. **Pūvagaṇanāyāti** atirittapūvagaṇanāyāti attho. Sace “apātheyyādi-atthāya sajjitan”ti saññāya gaṇhāti, acittakattā sikkhāpadassa āpatti eva. Atha uggahitaṃ gaṇhāti, na muccatiyeva. Asaṃvibhāge pana anāpatti akappiyattā. Acittakatā paññattijānanābhāveneva, na vatthujānanābhāvenāti eke. Na, **mātikāṭṭhakathāyaṃ** “pātheyyādi-atthāya sajjitabhāvajānanan”ti aṅgesu vuttattā. **Porāṇagaṇṭhipade** panevaṃ vuttaṃ “ekena vā anekehi vā dvattipattapūresu gahitesu tesam anārocana vā sayam vā jānitvā yo aññaṃ gaṇhāti, tassa dukkaṭaṃ. Ekato tisu, catūsu vā pavatṭhesu ekena ce dvepattapūrā gahitā, dutiye dve gaṇhante paṭhamo ce na nivāreti, paṭhamassa pācittiyam. Nivāreti ce, anāpatti, dutiyasseva dukkaṭaṃ”ti. Sace sañcicca na vadati, **porāṇagaṇṭhipade** vuttanayena pācittiyam, **mātikāṭṭhakathā**vasena¹ dukkaṭaṃ. “Atirekapaṭiggahaṇaṃ”ti tattha pañcamaṃ aṅgaṃ vuttaṃ, tasmā appaṭiggahitattā na pācittiyam, kattabbākaraṇato pana dukkaṭaṃ. Aññathā kiriyākiriyaṃ idaṃ āpajjati, anivāraṇaṃ, anārocanaṃ vā chaṭṭhaṅgaṃ vattabbaṃ siyā. **Ekanikāyikānaṃ vāti** ettha “āsannavihārabhikkhū, āsanna-āsanasālāgatā vā sace visabhāgehi ānītaṃ na paṭiggaṇhanti, ‘ārāmikādīnaṃyeva vā dāpentī’ti jānāti, yattha paribhogaṃ gacchati, tattha dātuṃ vaṭṭatī”ti vuttaṃ. “Dvattipattapūrā”ti vacanato pacchi-ādīsu adhikampi gaṇhato anāpatti”ti keci vinayadhamaṇino vadanti, taṃ tesam yeva nisīdatu, ācariyā pana “pacchi-ādīsipi ukkaṭṭhapattassa pamāṇavasena dvattipattapūrā gahetabbā. Ukkaṭṭhaparicchedakathā hesā”ti vadanti.

Kāṇamātāsikkhāpadavaṇṇanā niṭṭhitā.

1. Vi 3. 318 piṭṭhe.

2. Kaṅkhā-Ṭṭha 218 piṭṭhe.

5. Paṭhamapavāraṇasikkhāpadavaṇṇanā

236. **Yāvadatthapavāraṇāya pavāritā** kiñcāpi “pavāritā”ti icceva adhippetā aṭṭhuppattiyāva, atha kho pacchimāva idhādhippetā.

237. “**Alametaṃ sabban**”ti vuttattā atirittam nāma hoti. Bhikkhussa idampi te adhikam, ito aññam na lacchatīti kira attho.

238-9. “Asanam paññāyati”ti eteneva “bhuttāvī”ti etassa siddhattā visum atthasiddhi natthi. Yadi atthi, aṅgānam chakkattadassananti. **Vuttampi cetanti**-ādi pavāraṇaṅgānam pañcakattadassanam. **Varakoti** yo koci varako. “**Pavāraṇam pana janetiyevā**ti visum sittham vodakam karonti, pavāraṇam na janeti. Yāgum vā pivanto paṭhamam udakam pivati, vaṭṭati. Avasiṭṭham heṭṭhāsittam pavāraṇam na janeti”ti likhitam. **Upatissatthero** “janetiyevā”ti vadati, tam na icchanti ācariyā. **Bhajjitapitṭhanti** taṇḍulacuṇṇameva. Bhajjitasattuyo piṇḍetvā katamodako **sattumodako**.

“Yāgusittamattāneva dve -pa- paṭikkhipati, na pavāreti”ti vuttattā paracaṅkamacchādayo pakkhipitvā pakkayāgum pivanto sace aññam tādisamyeva paṭikkhipati, pavāraṇā na hotīti kira **dhammasiritthero**. Sace aññam paṭikkhipati, na pavāreti. Kasmā? Asanasāṅkhātassa vippakatabhojanassābhāvato. Bhojanasālāyam bhuñjanto ce, attano apāpuṇanakotṭhāsam abhihaṭam paṭikkhipati, na pavāreti. Kāmam paṭikkhipati, patte pana ārāmiko ākirati, tato bhuñjitum na vaṭṭati. Idañhi buddhappaṭikuṭṭha-anesāyā uppanneyeva saṅgaham gacchati. Yathā hi saṅghato uddhaṭapiṇḍam dussilo deti, tam paṭikkhipati, na pavāreti, evaṃsampadamidam. “Visabhāgo lajjī ce deti, tam tena sambhogam akattukāmatāya paṭikkhipati, pavāretīti apare”ti vuttam. **Parivesanāyāti** bhattagge. “Maṃsena rasam, maṃsañca rasañca maṃsarasanti āpajjanato ‘maṃsarasan’ti vutte paṭikkhepato hoti, maṃsassa rasam maṃsarasanti viggaho nādhippeto”ti vuttam. **Maṃsakarambako nāma -pa- vaṭṭatīti** suddhayāgu eva hoti. Appavāraṇamissakakarambakoyeva hoti, tasmā na pavāreti, tena vuttam parato “idañca karambakena na samānetabban”ti-ādi, tasmā “tam

abhiharitvā kaññiyam¹ gaṇhathā'ti vadantaṃ paṭikkhipati, pavāraṇā na hotī'ti ca “missakayāguṃ gaṇhathā'ti avuttattā ‘sammissitaṃ visuṃ katvā detī'ti vuttattā”ti ca vuttaṃ, yasmā **yāgumissakanti** ettha padadvaye pavāraṇārahassa nāmaggaḥaṇaṃ natthi, tasmā tatra ce yāgu bahutarā vā hoti samasamā vā, na pavāreti. Kasmā? Tattha abhihārapaṭikkhepakānaṃ yāgusaññattā. Yāgu ce mandā, bhattaṃ bahutaraṃ, pavāreti. Kasmā? Tesam ubhinnampi tattha bhinnasaññattāti takko ācariyassa. **Bhattamissake** pavāraṇārahassa nāmassa sabbhāvato sabbadā pavāreti eva. Missake pana vuttanayena kāraṇaṃ vattabbaṃ. **Visuṃ katvā detī**ti yathā bhattasiṭṭhaṃ na patati, tathā gāḷhaṃ hatthena piḷetvā parissāvetvā deti.

Akappiyakatanti ettha “kappiyaṃ akārāpītehi kadalipphalādīhi saddhiṃ atirittaṃ kappiyaṃ kārāpetvāpi taṃ kadalipphalādīṃ ṭhapetvā avasesaṃ bhuñjituṃ vaṭṭati. Amissakarasattā puna tāni kappiyaṃ kārāpetvā aññasmim bhājane ṭhapetvā atirittaṃ kāretvā bhuñjituṃ vaṭṭati. Kasmā? Pubbe tesu vinayakammaṃ anāruḷhata”ti vadanti. “Bhuttāvinā ca pavāritena āsanā vuṭṭhitena katan”ti vacanato bhuttāvinā appavāritena āsanā vuṭṭhitena kattabbanti siddhaṃ, tasmā “pātova addhānaṃ gacchantesu dvīsu eko pavārito avuṭṭhito tattha nisīdati, so itarena piṇḍāya caritvā laddhaṃ bhikkhaṃ attanā abhuttvāpi ‘alametaṃ sabbaṃ’ti kātuṃ labhati evā”ti vuttaṃ, taṃ sukkaṃpakkhe “bhuttāvinā katan hotī”ti imināva siddhaṃ, tasmim pakkhe attano sattaṅgāni na pūrenti, kaṇhapakkhe paṭibhāgena satta vuttānīti veditabbaṃ. Bhuttāvinā appavāritena āsanā vuṭṭhitena, avuṭṭhitena vā katan hoti, vaṭṭati. “Pavāritena āsanā avuṭṭhitenevā”ti imaṃ pana atthavikappaṃ dīpetuṃ “sattaṅgāni vuttānī”tipi vattuṃ vaṭṭati. So puna kātuṃ na labhati paṭhamaṃ katassa puna teneva kattabbappasaṅgato. Yañca akataṃ, taṃ kattabbanti hi vuttaṃ. Atha sova paṭhamo puna kattukāmo hoti, aññasmim bhājane pubbe akataṃ kātuṃ labhati. Dutiyo paṭhamabhājanepi kātuṃ labhati. “Yena akataṃ, tena kātabban”ti hi vuttaṃ. Imamevatthaṃ sandhāya “yena yaṃ paṭhamaṃ kappiyaṃ katan, tameva so puna kātuṃ na labhati, aññena

kātabban”ti likhitam. Tattha **tanti** tam paṭhamam katanti attho. **Pesetvā kāretabbanti** ettha anupasampanno ce gato, tatraṭṭhena ekena bhikkhunā paṭiggāhetvā aparena kāretabbanti tattha ekova evameva kātuṃ na labhatīti. “Yaṃ kiñci gilānam uddissā’ti-ādivacanato vihārādīsu gilānassa pāpuṇanakotṭhāsampi gilānātirittam nāma, tasmā vaṭṭatī”ti vadanti. **Āhāratthāyāti** vikāle evāti eke.

241. Kāyakammaṃ ajjhoharaṇato. Vacīkammaṃ vācāya “atirittam karotha bhante”ti akārāpanenāti veditabbam.

Paṭhamapavāraṇasikkhāpadavaṇṇanā niṭṭhitā.

6. Dutiyapavāraṇasikkhāpadavaṇṇanā

243. **Sādhāraṇamevāti** sabbapavāraṇānam sādhāraṇam “yāvattakam icchasi”ti idam.

Dutiyapavāraṇasikkhāpadavaṇṇanā niṭṭhitā.

7. Vikālabhojanasikkhāpadavaṇṇanā

247-9. Naṭānam nāṭakāni **naṭanāṭakāni**, sītāharaṇādīni. Mūlañca tam khādanīyañcāti **mūlakhādanīyam**. Esa nayo sabbattha. **Piṭṭhanti** cuṇṇam. **Khārakamūlanti** yūpasamūlam. **Caccumūlam** neḷiyamūlam. **Tambakam** vacam. **Taṇḍuleyyakam** cūḷakuhu. **Vatthuleyyakam** mahākuhu. **Vajakali** nikoṭṭham. **Jajjharī** hirato.

Koṭṭham **jaratṭham** vuccati. **Gaṇṭhi** muhukulamudu vicayattha vajamuju vaduḷavi.

Vajjayetime kiṃsukam, haliddi¹. **Kaseruko**, kaṭibalavanti tassa nāmam. **Ambāṭakam** amūlakam piḍhala kakkula. **Masālu** kinaḷa. **Āluva** kaḷi taḍḍhi-aḷi alasa kaṭissala namedati mera. **Siggu** sīri koḷa kālakam nekaḷavi. **Khīravallikando** tumūroriyo hoti. Saṅkhato dhovanameva. Ayam “parisaṅkhāro”ti likhitam. **Khīrakākoli** kirikaveḷi. **Jivikam** jīvihi. **Usabhaka** ummasuviyi.

1. Vacamuḷahi. Kiṃsukam haliddītime heṭṭhā vajjaye (Ka)

Hintālaṃ kitili. **Kuntāla** toho tilisatā padikaḷiro paṭasevalakali. Karamandakaṃ karamba daṇḍokira udakajoti kaṇḍako. “Singhatakotipi vuccatī”ti likhitam. **Phaggava** hakili. **Nattamālanti** karañji¹.

Sellu loholiyam. **Kāsamaddaka** kuduvali anasikina. **Ummādiya** melelidiya. **Cīnamuggo** venamutti huraṃmugga. **Rājamāso** māhaviliti. **Aggimanto** muñci. Sunipaṇṇako tipilavanināḷikā tilaka. **Bhūmiyam jātaḷoṇīti** ettha loṇināmassa sādharmaṇattā “bhūmiyan”ti visesetvā vuttam. **Brahmīpattam** demeteye paṇasā. “**Dīpavāsino vadanti**”ti sithilaṃ katvā kasmā vuttanti ce? “Khādanīyattham pharatīti lakkhaṇena asamānattā”ti vuttam. Padeliviniteki. **Sulasipaṇṇanti** tasāpalikaṃ.

Agandhikapuppham karissayeti cekavādidapuppham² celepatimalam. **Jīvantīpuppham** jīvitandigamala. **Bakula** muthuvala. **Kuyyaka** punapunnāmapunnarā, jātisumana. **Navamālikā** cehemala.

Tintiṇika kacinī vileyi. **Mātuluṅga** lavano. **Pussaphala** supuli. **Timbarūsaka** tigibberhiti susatudhuta. **Tipusavātiṅgaṇa** dhutatikeṇa paṭiyi. **Coca** variyiyeli. **Moca** atireli. **Goṭṭhaphalam** pūvaphalanti eke. Koṭṭhase kira acchiva.

Asamussi **bimba** iti keci. **Kāsmarīti** sepaṇṇi. Atitemeti kariyametissa. **Jātiphalam** katarimmeti. **Kaṭukaphalam** tiriraka.

Taruṇaphalam kiri-upulu. **Pokkharatṭhi** kiñcakkhatṭhi. **Siddhatthakam** sāsapaṃ setavaṇṇam. **Rājikam** rattam hoti.

Hiṅguṃ hiṅgujatunti sabbāpi hiṅguvikatiyo. Ettha hiṅgujatu nāma pattasākhā pacitvā kātabbā. Sākhā pacitvā katā sipāṭikā. Aññehi missetvā katāti keci. **Katam** kaṭṭhajanti aggikeḷini. Nikitissākālesayo. Timera, **takapatti** pasākhāpatte pacitvā kātabbā. “**Takapaṇṇi** sāvati eva kātabbā”ti likhitam.

Vikālabhojanasikkhāpadavaṇṇanā niṭṭhitā.

1. Karañjo (Ka)

2. Kirassasoti kiriyapuppham (Ka)

8. Sannidhikāraśikkhāpadavaṇṇanā

253. Aparajju sannidhi nāma hotīti attho. **Ajja paṭiggahitanti** na kevalaṃ paṭiggahitameva, atha kho uggahitakampi, teneva **atṭhakathāyaṃ** “paṭiggaṇhāti, āpatti dukkaṭassāti evaṃ sannidhikataṃ yaṃ kiñci yāvakālikam vā yāmakālikam vā ajjhoharitukāmatāya gaṇhantassa paṭiggahaṇe tāva āpatti dukkaṭassā”ti vuttaṃ. Yadi taṃ paṭhamameva paṭiggahitaṃ, “paṭiggahaṇe tāvā”ti na vattabbaṃ, tasmā veditabbametaṃ “attano kāle gahitaṃ ajja paṭiggahitaṃ”ti vuttan”ti.

Etthāha—yathā pañca bhesajjāni uggahitakāni anadhippetāni. Sattāhātikkame anāpatti anajjhoharaṇīyattā, tathā idhāpi uggahitakam nādhippetanti? Ettha vuccati—**bhesajjasikkhāpade**¹ uggahitakam nādhippetanti yuttaṃ attano kālātikkamanamattena tattha āpattippasaṅgato. Ettha na yuttaṃ attano kālātikkamanamattena āpattippasaṅgābhāvato. Ajjhoharaṇeneva hi ettha āpattīti adhippāyo, tasmā anugaṇṭhipadamatena ajja uggahetvā punadivase bhuñjanto dve āpattīyo āpajjati.

Tatrāyaṃ vicāraṇā—attanā bhuñjitukāmo ajja uggahetvā punadivase bhuñjati, dve āpattīyo āpajjati. Sāmaṇerādīnamyeva atthāya uggahetvā gahitaṃ punadivase paṭiggahetvā bhuñjanto āpattīyā na kāretabboti. **Paṭiggaṇhāti, āpatti dukkaṭassāti** etthāyamadhippāyo—sace belatṭhasāso viya dutiyatatiyādīdivasatthāya ajja paṭiggahetvā sāmaṇerādīnam gopanaṭṭhāya deti, tassa punadivase ajjhoharaṇatthaṃ paṭiggahaṇe āpatti dukkaṭassāti sambhavati. Sayameva sace taṃ gopetvā ṭhapeti, punadivase patitaṃ kacavaraṃ disvā vimativasena vā paṭiggaṇhato paṭiggahaṇatova āpatti dukkaṭassāti sambhavati. No ce paṭiggaṇhāti, taṃ dukkaṭam natthi. “Idaṇhi ‘ekam pādam atikkameti, āpatti thullaccayassā’ti-ādi viyā”ti vuttaṃ. Yo pana ekappahārenea dvepi pāde atikkāmeti, tassa taṃ thullaccayaṃ natthi, evaṃsappadamidanti veditabbaṃ. Ettha paṭiggahitabhāvaṃ avijahantameva

1. Vi 1. 360 piṭṭhe.

sannidhiṃ janetīti **dhammasiritthero**, taṃ “paṭiggaṇhāti, āpatti dukkaṭassā”ti **pāḷiyā** virujjhati. Kapālena pīto pana sneho abbohāriko. Kiñcāpi uṇhe otāpentassa paggharati, tathāpi “bhesajjasikkhāpade viyā”ti vuttaṃ. Itarathā kapālena pītā sappi-ādayopi sattāhātikkame āpattiṃ janeyyunti. **Sayam paṭiggahetvāti** idhāpi pubbe vuttavidhiyeva. Duddhotapattakathāpi etena sameti viya. **Āhāratthāyāti** kālepi labbhati. **Pakati-āmiseti** kappiyāmise. **Sāmisena mukhena ajjhoharato dveti** “hiyyo paṭiggahitayāmakālikam ajsa purebhattam sāmisena mukhena ajjhoharato dve pācittiyānī”ti likhitam. Ajsa paṭiggahitam yāvakālikampi hi yāmātikkantapānakena saṃsaṭṭham sannidhiṃ karoti. Akappiyamaṃsesu manussamaṃse thullaccayam, sesamaṃse dukkaṭaṅca vaḍḍhati.

255. **Sattāhakālikam yāvajīvikam āhāratthāyāti** kālepi dukkaṭameva sannidhiṃ anāpajanatoti keci. Tadaḥ paṭiggahitam tadaḥ purebhattam vaṭṭatīti ce? Na, pāḷiyampi aṭṭhakathāyampi visesassa natthitāya. Bhesajjasikkhāpade purebhattam yathāsukham paribhuñjanam vuttanti ce? Āhāre sappi-ādi saṅgham yāti, tena taggatikavasena vuttaṃ, na bhesajjasena vuttanti **upatisso**.

Sannidhisikkhāpadavaṇṇanā niṭṭhitā.

9. Paṇītabhojanasikkhāpadavaṇṇanā

259. **Akappiyasappināti** yesam māsam na kappati, tesam sappinā. “Vasātelāñhi ṭhapetvā akappiyasappi nāma natthī”ti likhitam. **Visaṅketanti** ettha “sūpodanaviññattipi na hotī”ti vuttaṃ. **Kāyikānīti** kāyena āpajjitabbāni.

261. **Mahānāmasikkhāpadena kāretabboti** saṅghavasena pavārite bhesajjatthāya sappi-ādipaṅcakam viññāpeti ce, tattha “na bhesajjena

karaṇīyena bhesajjan”ti ettha saṅgahaṃ gacchati, tasmā “tena pācittiyān”ti vuttaṃ. Pāḷimuttakesu “bhikkhunīnampi dukkaṭṭan”ti likhitaṃ.

Paṇṭabhojanasikkhāpadavaṇṇanā niṭṭhitā.

10. Dantaponasikkhāpadavaṇṇanā

264-5. **Mukhadvāranti** kaṇṭhanāḷi. **Uccāraṇamattanti** ukkhipitabbamattakāṃ. **Kasaṭaṃ chaḍḍetvā**ti samudācāravasena, achaḍḍitepi “vaṭṭatī”ti vuttaṃ. **Hatthapāsātikkamanti** dāyakassa. **Bhikkhussa detī**ti aññassa bhikkhussa. **Kañjikanti** yaṃ kiñci dravaṃ. **Patto paṭiggahetabboti** bhūmiyaṃ ṭhapite abhihārābhāvato. “Yathā paṭhamataraṃ patitatheve doso natthi, tathā ākiritvā apanentānaṃ patitathevepi abhihaṭattā nevatthi doso”ti likhitaṃ. **Carukenā**ti khuddakapiṇḍena. **Jāgarantassapī**ti “api-saddena suttassapī”ti likhitaṃ. **Kecī**ti abhayagirivāsino. Tehi kāyasamsagge kāyapaṭibaddhenāpi tappaṭibaddhenāpi thullaccayāpatti dassitā evāti attho. **Kāyapaṭibaddhapāṭibaddhenā**ti vacanamattamevetāṃ. “**Satthakenā**ti paṭiggahitakenā”ti likhitaṃ, taṃ dullikhitaṃ satipi male puna paṭiggahetabbakiccābhāvato. **Kesañci atthāyā**ti anupasampannānaṃ atthāya. “Sāmaṇerassa hatthaṃ phuṭṭhamattameva taṃ pariccattan”ti likhitaṃ.

Paṭiggahaṇupagabhāraṃ nāma majjhimapurisaṇa ukkhipitabbakāṃ. **Mūlapaṭiggahaṇameva vaṭṭatī**ti ettha “macchikavāraṇatthan”ti vuttattā ‘abhuñjanatthāyāpi paṭiggahetvā gahite vaṭṭatī”ti ye vadanti, te vattabbā “sīsamakghanatelaṃ paṭiggahetvā ‘idaṃ sīsamakghanan”ti anābhogeneva sattāhaṃ atikkāmentassa kiṃ nissaggiyaṃ bhaveyyā”ti-ādi, suttādhippāyo pana evaṃ gahetabbo “macchikavāraṇatthaṃ bījantassa tasmim laggarajādimhi patte patite sukhaṃ paribhuñjitum sakkā”ti saññāya pubbe paṭiggahitabban”ti vuttaṃ. **Parivattanakathāyaṃ** “amhākaṃ taṇḍulesu khīṇesu etehi amhākaṃ hatthagatehi sāmaṇerasantakehipi sakkā patiṭṭhapetun”ti bhikkhūnaṃ cittuppādo ce sambhavati, ‘parivattanaṃ sātthakan”ti **upatissatthero**”ti vuttaṃ. Yadi evaṃ suddhacittānaṃ niratthakanti āpannameva, tathā “paṇḍito esa sāmaṇero pattaparivattanaṃ katvā dassati, mayameva ca imassa vissāseṇa vā

yācitvā vā bhuñjissāmā”ti citte sati bhuñjituṃ na vaṭṭati katepi parivattaneti ca āpannam, kiṃ bahunā. Nirapekkheveva gaṇhitabbaṃ, na sāpekkhehīti dassanattamaṃ vuttanti ācariyo. Ayamevattho “sace pana sakkoti vitakkaṃ sodhetuṃ, tato laddhaṃ khādituṃpi vaṭṭati”ti vacanena siddhova. **Ādhārake patto ṭhapito hoti** yathāpaṭiggahitabhāve nirālayo. **Samuddodakena** appaṭiggahitakena. Meṇḍakassa khīraṃ khīrattāva vaṭṭati. “Attano pana khīraṃ mukheneva pivantassa anāpattīti dassetuṃ vuttan”ti vuttam. “Sarīranissitamahābhūtāni hi idhādhippetānī”ti likhitam, tadubhayampi “kappiyamaṃsakhīraṃ vā”ti-ādinā nayena virujjhati.

Apica “appaṭiggahitabhājane aññabhikkhusantake attano piṇḍapātaṃ pakkhipati, ‘taṃ thokaṃ’ti vā aññena vā kāraṇena vadati, taṃ sabbesaṃ na kappati. Kasmā? Vinayadukkaṭattā. Attanā paṭiggahetvā pakkhipitabbaṃ vinayavidhiṃ akatvā dukkaṭanti adhippāyo. Evaṃ tādisaṃ kimattamaṃ na bhuñjatīti? **Aṭṭhakathāyaṃ** ‘uggahitako hoti’ti vuttattā. Evañhi tattha vuttam bhūmiyaṃ vā bhājane vā phalaṃ vā yaṃ kiñci āmisam vā yāvajjivikampi appaṭiggahitakam ajānanto āmasati, na vaṭṭati, uggahitakam hoti”ti **anugaṇṭhipade** vuttam, tasmā imassa matena bhikkhu bhikkhussa sace patte appaṭiggahite piṇḍam ṭhapeti, taṃ akappiyaṃ uggahitakanti siddham. Ayamevattho “sace attano vā bhikkhūnaṃ vā yāgupacanakabhājane -pānirāmisam katvā paribhuñjitabban”ti vacanena saṃsanditvā kathetabbo. **“Kappiyamaṃsakhīraṃ vā”**ti pasaṅgavasena vuttam. Dadhi ce paṭiladdham, tañca adhippetanti keci.

Dantaponasikkhāpadavaṇṇanā niṭṭhitā.

Samatto vaṇṇanākkamena bhojanavaggo catuttho.

5. Acelakavagga

1. Acelakasikkhāpadavaṇṇanā

269. Vighāsādānaṃ antarā pūvalābhena aññatarā paribbājikā pavisitvā ṭhitā. **Dāpetīti** anupasampannena.

Acelakasikkhāpadavaṇṇanā niṭṭhitā.

2. Uyyojanasikkhāpadavaṇṇanā

276. **Vijahantassā**ti anādaratthe sāmivacanam. Uyyojakassa vijahantassa sato āpatti dukkaṭassātipi attho. Idha **anupasampanno** nāma sāmaṇerovādhippeto.

Uyyojanasikkhāpadavaṇṇanā niṭṭhitā.

3. Sabhojanasikkhāpadavaṇṇanā

280. **Sabhojaneti** ettha paṭhamavikappo “itthī ca puriso cā”ti iminā tatiyapadena yujjati, dutiyavikappo paṭhamehi dvīhi. **Kuleti** ghare. Anupavisitvā nisīdanacittena **sacittakam**.

Sabhojanasikkhāpadavaṇṇanā niṭṭhitā.

4. Rahopāṭicchannasikkhāpadavaṇṇanā

284. Idha pañcamaṃ upanandassa catuttham hoti, tasmā **bhikkhunivaggassa** dasamaṭṭhakathāyaṃ upari upanandassa “tatiyasikkhāpadena”ti na pāṭho, “catutthenā”ti pāṭhoti veditabbo.

Rahopāṭicchannasikkhāpadavaṇṇanā niṭṭhitā.

5. Rahonisajjasikkhāpadavaṇṇanā

289. Rahonisajjasikkhāpadam uttānatthameva.

6. Cārittasikkhāpadavaṇṇanā

294. **Sabhattoti** nimantanabhattoti porāṇā.

Purebhattañca piṇḍāya, caritvā yadi bhuñjati.
Siyā paramparāpatti, pacchābhattam na sā siyā.

Pacchābhattañca gamiko, pubbagehaṃ yadi gacche.

Eke āpattiyevāti, anāpattīti ekacce.

Kulantarassokkamane, āpattimatayo hi te.

Samānabhattapaccāsā, iti āhu idhāpare.

Matā gaṇikabhattena, samenti naṃ nimantane.

Vissajjanaṃ samānanti, eke sammukhatāpare.

Sanniṭṭhānatthikeheva, vicāretabbabhedato.

Viññū cārittamicceva, sikkhāpadamidam vidūti.

Cārittāsikkhāpadavaṇṇanā niṭṭhitā.

7. Mahānāmasikkhāpadavaṇṇanā

310. Kālanti so. Yasmā saṃghapavāraṇāyamevāyaṃ vidhi, tasmā “ñātakānaṃ pavāritānaṃ”ti vuttaṃ. “Iminā hi tayā pavāritamha, amhākañca iminā ca iminā ca attho”ti yathābhūtaṃ ācikkhitvā viññāpetuṃ gilānova labhati. Yaṃ pana vuttaṃ **paṇītabhojanāsikkhāpade** “mahānāmasikkhāpadena kāretabbo”ti, taṃ saṃghavasena pavāritam, bhesajjatthāya sappi-ādibhesajjapañcakam viññāpeti ce, “na bhesajjena karaṇīyena bhesajjam viññāpeti”ti¹ vacanena pācittiyanti attho”ti likhitaṃ.

Mahānāmasikkhāpadavaṇṇanā niṭṭhitā.

8. Uyyuttasenāsikkhāpadavaṇṇanā

311-5. **Maṃ diṭṭhenāti** mayā diṭṭhena, mama dassanena vā. **Ekampi sarahattham purisanti** aṅgapariyāpannaṃ.

Uyyuttasenāsikkhāpadavaṇṇanā niṭṭhitā.

1. Vi 2. 138 piṭṭhe.

9. Senāvāsasikkhāpadavaṇṇanā

319. Navame senāparikkhepena vā parikkhepārahaṭṭhānena vā sañcaraṇaṭṭhānapariyantena vā paricchinditabbā.

Senāvāsasikkhāpadavaṇṇanā niṭṭhitā.

10. Uyyodhikasikkhāpadavaṇṇanā

324. Dasame ekamekaṃ dassanāya gacchati, āpatti dukkaṭassa. Yattha ṭhito passati, āpatti pācittiyassāti-ādi¹. Aṭṭhame pana ekamekaṃ dassanāya gacchati, āpatti dukkaṭassa. Yattha ṭhito passati, āpatti dukkaṭassāti pāḷi. Kasmā? Aṅgappamāṇābhedepe anīkavisesato. Dasame pana aṭṭhamaṅgassa dassanena dukkaṭaṃ siyāti.

Uyyodhikasikkhāpadavaṇṇanā niṭṭhitā.

Samatto vaṇṇanākkamena acelakavaggo pañcama.

6. Surāpānavagga

1. Surāpānasikkhāpadavaṇṇanā

Āyasmato yaṃ muni sāgatassa,
Mahiddhikattassa nidassanena.
Pānassa doso tassa dassanatthaṃ,
Pubbeva so bhaddavatim payāto.
Tasmā passaṃ nāgamapothayitvā,
Vinissaṭaṃ sāgataṃ iddhiyā ca.
Nato surāpānanisedhanatthaṃ,
Kosambime vajjhagamāti ñeyyaṃ.

1. Āpatti dukkaṭassa (Chaṭṭha-Pāḷi)

326-8. **Pasupālakā**ti ajapālakā. Yena majjati, tassa **bijato paṭṭhāya**. Keci “sacittakapakkhe cittaṃ akusalamevā¹ vuttattā vatthum jānitvā pivato akusalan”ti vadanti. Evaṃ sati “akusaleneva pātabbatāyāti na vattabban”ti vutte “sacittakapakkhameva sandhāyā”ti vadanti. Evaṃ sati “kusalākusalābyākatacittanti vattabban”ti vutte tampi “tabbahulanayena vuttan”ti vadanti. **Kaṅkhāvitarāṇiyampi** avisesetvā “akusalacittan”ti² vuttaṃ, tasmā “taṃ akusaleneva pivatī”ti vadantīti.

Surāpānasikkhāpadavaṇṇanā niṭṭhitā.

2. Aṅgulipatodakasikkhāpadavaṇṇanā

330. Aṅgulipatodakasikkhāpadaṃ uttānatthameva.

3. Hasadhammasikkhāpadavaṇṇanā

336. Tatiye kathaṃ tivedanaṃ? Hasādhippāyeneva “parassa dukkhaṃ uppādessāmī”ti udakaṃ khipantassa dukkhavedanaṃ. Sesam uttānaṃ.

Idaṃ saññāvimokkhañce, tikapācittiyaṃ kathaṃ.

Kīḷitaṃva akīḷāti, micchāgāhena taṃ siyā.

Ettāvatā kathaṃ kīḷā, iti kīḷāyaṃ evāyaṃ.

Akīḷasaññī hotettha, vinayatthaṃ samādaye.

Ekantākusalo yasmā, kīḷāyābhiratamano.

Tasmā akusalaṃ cittaṃ, ekamevettha labbhatīti.

Hasadhammasikkhāpadavaṇṇanā niṭṭhitā.

4. Anādariyasikkhāpadavaṇṇanā

344. “Lokavajjaṃ atikkamitvā ‘idaṃ amhākaṃ ācariyuggaho’ti vadantassa na vaṭṭati”ti likhitaṃ. Yaṃ saṃkiliṭṭheneva cittena āpajjati, yaṃ vā

1. Kaṅkhā-Ṭṭha 112 piṭṭhe.

2. Kaṅkhā-Ṭṭha 238 piṭṭhe.

ariyapuggalo apaññatte sikkhāpade ajjhācarati, idaṃ lokavajjanti sabbatthikavādi-ādīni ācariyakulāni. Tattha dutiyatativavikappo idha na adhippeto sekhiyānaṃ lokavajjattā.

Gārayho ācariyuggahoti ettha “yasmā ucchuraso sattāhakāliko, tassa kasaṭo yāvajiviko, dvinnamyeva samavāyo ucchuyaṭṭhi, tasmā vikāle ucchuyaṭṭhiṃ khādituṃ vaṭṭati guḷaharītakam viyā’ti evamādiko sampati nibbato gārayhācariyavādo na gahetabbo”ti ca, **paṇṇattivajje pana vaṭṭatīti** “na pattahatthena kavāṭo paṇāmetabbo’ti imassa ‘yena hatthena patto gahito, tena hetthena na paṇāmetabbo, itarena paṇāmetabbo’ti atthaṃ gahetvā tathā ācaranto na āpattiyā kāretabbo. ‘Tathā buddhabodhicetiyanam pupphaṃ gaṇhituṃ vaṭṭatīti tathā ācaranto”ti ca. Tathā ācarati abhayagirivāsiko. Mahāvihāravāsino ce evaṃ vadanti, “mā evaṃ vadā”ti apasādetabbo. Tena vuttaṃ “suttaṃ sutānulomaṅca uggahitakānaṃyevā”ti-ādi. “Idaṃ sabbaṃ **upatissatthero āhā**”ti ca vuttaṃ. “Suttānulomaṃ aṭṭhakathā”ti likhitam.

Anādariyasikkhāpadavaṇṇanā niṭṭhitā.

5. Bhimsāpanasikkhāpadavaṇṇanā

345. Bhimsāpanasikkhāpadaṃ uttānatthameva.

6. Jotisikkhāpadavaṇṇanā

354. “**Visibbanāpekkho**”ti vacanato yassa apekkhā natthi, tassa anāpatti.

Jotisikkhāpadavaṇṇanā niṭṭhitā.

7. Nahānasikkhāpadavaṇṇanā

364. Nahānasikkhāpadaṃ uttānatthameva.

8. Dubbaṇṇakaraṇasikkhāpadavaṇṇanā

368. **Alabhīti labho.** Yathā “pacatīti paco, pathatīti patho”ti vuccati, evaṃ “labhatīti labho”ti kasmā na vuttaṃ? Pariniṭṭhitalābhasseva idhādhippetattā. **Maggeti** sibbinimagge. Kappakatena saddhiṃ akappakataṃ sibbeti. Yavatā adhiṭṭhānaṃ na vijahati, tāvatā pubbaṃ kappameva. Kappaṃ na vijahati ce, puna kappaṃ dātābanti ācariyassa takko.

Dubbaṇṇakaraṇasikkhāpadavaṇṇanā niṭṭhitā.

9. Vikappanasikkhāpadavaṇṇanā

374. Paribhogo ettha **kāyakammaṃ.** Apaccuddhāraṇaṃ **vacīkammaṃ.**

Vikappanasikkhāpadavaṇṇanā niṭṭhitā.

10. Cīvarāpanidhānasikkhāpadavaṇṇanā

379. Dasame yasmā nisīdanasanthataṃ cīvaranisīdanampīti ubhayampi sadasameva, tasmā taṃ ubhayampi ekato katvā “**nisīdanaṃ nāma sadasaṃ vuccatī**”ti āha. Tatthāpi cīvaraggahaṇena cīvaranisīdanaṃ gahitamevāti atthato santhatanisīdanaṃ vuttaṃ hoti. Yadi evaṃ “nisīdanasanthataṃ nāma sadasaṃ vuccatī”ti vattābanti? Na, itarassa anisīdana-adasabhāvappasaṅgato. Ettha nisīdanasanthataṃ pācittiyavattuttā itarampi pācittiyavattumevāti vedittabbaṃ tajjātikattā. Sassāmike sūcihare sūciḡaṇāya āpattiyoti porāṇā.

Cīvarāpanidhānasikkhāpadavaṇṇanā niṭṭhitā.

Samatto vaṇṇanākkamena surāpānavaggo chaṭṭho.

7. Sappānakavagga

1. Sañciccaṇasikkhāpadavaṇṇanā

382. Sañciccaṇasikkhāpadam uttānatthameva.

2. Sappānakasikkhāpadavaṇṇanā

387. “Pāṇo atthī”ti jānantopi “marissantī”ti avicāretvā pivati ce, anāpatti.

Jale pakkhipanam puppham, jalappavesanam idam.
Evam ubhinnam nānattam, ñe yyam ñāṇavatā sadāti.

Sappānakasikkhāpadavaṇṇanā niṭṭhitā.

3. Ukkoṭanasikkhāpadavaṇṇanā

392. Tatiye dvādasa ukkoṭā veditabbā. Tattha akataṃ kammaṃ, dukkaṭaṃ kammaṃ, puna kātabbaṃ kammanti anuvādādhikaraṇe labbhanti. Anihaṭaṃ, dunnihataṃ, na puna haritabbanti vivādādhikaraṇe labbhanti, avinicchitaṃ, duvinicchitaṃ, puna vinicchitabbanti āpattādhikaraṇe labbhanti. Avūpasantaṃ, duvūpasantaṃ, puna vūpasametabbanti kiccādhikaraṇe labbhantīti aṭṭhakathānayo, pāliyaṃ panettha mukhamattameva dassitaṃ.

Ukkoṭanasikkhāpadavaṇṇanā niṭṭhitā.

4. Duṭṭhullasikkhāpadavaṇṇanā

399. “Pārājikānīti atthuddhārasena dassitānī”ti kathaṃ viññāyatīti ce? Parivārapāḷito. Vuttañhi tattha “āpattādhikaraṇapaccayā kati āpattiyo āpajjati. Āpattādhikaraṇapaccayā catasso āpattiyo āpajjati. Bhikkhunī jānaṃ pārājikaṃ dhammaṃ paṭicchādeti, āpatti pārājikassa. Vematikā paṭicchādeti, āpatti thullaccayassa. Bhikkhu saṃghādisesaṃ paṭicchādeti, āpatti pācittiyassa. Ācāravipattiṃ

paṭicchādeti, āpatti dukkaṭassā”ti¹. Pārājikam paṭicchādentō bhikkhu anāpatti, no āpattim āpajjati avuttattāti ce? Na, samkiliṭṭhena cittena paṭicchādane vinā āpattiyā asambhavato. Dukkaṭavāre vattabbāpi pārājikāpattiyō paṭhamam atthuddhāravasena samghādisesehi saha vuttattā na sakkā puna vatthunti na vuttāti veditabbā.

Yāva koṭi na chijjatīti cettha yo antamaso paṭicchādanattham aññassa ārocetu vā, mā vā, paṭicchādanacitteneva āpattim āpanno. Tassa puna aññassa paṭicchādanattham anārocaneneva na koṭi chinnā hoti, kim puna paṭinivattitvā vacanena payojananti na antimassa anārocanena chinnā hoti, appaṭicchādanena eva chinnā hoti, tato appaṭicchādanattham apubbassa² ārocetabbam, tato paṭṭhāya koṭi chinnā hoti, tadabhāvo paṭinivattitvā appaṭicchādanattham ārocetabbam, evampi koṭi chinnā hotīti evam no paṭibhātīti ācariyo. **Tatiyena dutiyassā**ti ettha “dutiyo nāma paṭhamo”ti vadantānam “vatthu puggalo na vattabbo”ti vāritattā na sundaram. Aññassa catutthassa ārocanepi na sundaram. Kasmā? Pubbeva sutvā aññassa anārocitattā. “Sutena aññassa ārocetabbam siyā”ti vadanti.

Duṭṭhullasikkhāpadavaṇṇanā niṭṭhitā.

5. Ūnavīsativassasikkhāpadavaṇṇanā

404. Punappunam uppajjanato **bahudhā. Hāyanavaḍḍhananti** mātukucchismim ce dvādasanam māsānam ūnatāya hāyanam katam. Pasūtassa vaḍḍhanam kātabbam. Mātukucchismim ce vaḍḍhanam katam. Pasūtassa hāyanam kātabbam. **Nikkhamanīyapunṇamāsī** nāma sāvaṇamāsassa punṇamāsī. “**Pāṭipadadivaseti** dutiye upagacchati divase”ti likhitam. So hi pasūtadivasato paṭṭhāya paripunṇavīsativasso hoti. Avasesānam dvinnam vassānam adhikadivasāni honteva, tasmā nikkaṅkhā hutvā upasampādentī. **Tam sandhāyāti** gabbhavassaṅca pavāretvā laddhavassaṅca agaṇetvā jātadivasato paṭṭhāya

1. Vi 5. 180 piṭṭhe.

2. Pubbassa (Ka)

gaṇetvā ekūnavāsativassaṃ. **Ekūnavāsativassoti** “gabbhavassaṃ eva pahāyā”ti likhitam, tam dullikhitam.

406. **Aññaṃ upasampādeti**ti upajjhāyo vā ācariyo vā hutvā upasampādeti. “Opapātikassa soḷasavassuddesikabhāvato puna cattāro vasse atikkamitvā upasampadā kātabba”ti ācariyā vadantīti keci.

Ūnavāsativassasikkhāpadavaṇṇanā niṭṭhitā.

6. Theyyasatthasikkhāpadavaṇṇanā

409. Theyyasattho ce suddhamātugāmo dve āpattiyo. Atha bhikkhuniyo, samayo rakkhati. Theyyasatthabhāvassa ṭhānaṃ katvā rakkhaṇīyattā sahadhammikānaṃ rakkhatiyevāti eke. Theyyabhāve na sahadhammikātā, tasmā na rakkhati evāti eke. Apārājikattheyyabhāve sati sahadhammikabhāvoti ce? Itarasmim itaranti samayo anissaṭo āpajjati. Bhikkhu theyyasattho ce, yathāvatthukameva. Theyyasatthe theyyasatthasaññī saddhim samvidhāyāti ca. “Saddhin”ti padaṃ kesuci natthi, tam ananurūpaṃ. Tathā dutiyepi.

Theyyasatthasikkhāpadavaṇṇanā niṭṭhitā.

7. Samvidhānasikkhāpadavaṇṇanā

412. “Tena kho pana samayena aññatarā itthi”ti ca pāṭho atthi, kesuci natthi. Natthibhāvo sundaro “tena kho samayenā”ti adhiḅkārattāti keci. Idha ekato-upasampannā, sikkhamānā, sāmaṇerīti imāpi tisso saṅghaṃ gacchanti. Imāsaṃ pana samayo rakkhati, ayamimāsaṃ, mātugāmassa ca viseso.

414. Apicettha “viññū paṭibalā”ti vacanato appaṭibalā anāpattivatthukāti eke, tam na yuttam dukkaṭavattthukattā. “Bhikkhu samvidahati,

mātugāmo na saṁvidahati, āpatti dukkaṭassā”ti hi vuttaṁ. Tathā hi upaparikkhitabbaṁ.

Samvidhānasikkhāpadavaṇṇanā niṭṭhitā.

8. Ariṭṭhasikkhāpadavaṇṇanā

417. Gahaṭṭhassāpi bhikkhunīdūsakakammaṁ mokkhantarāyikameva, tasmā tassa pabbajjāpi paṭikkhittā. Vipākantarāyikā ahetukattā. Pubbe sañcicca āpannā sammuṭṭhā suddhasaññino antarāyikā eva. **Sesāti** jātikā. **Rasenāti** bhāvena. **Adhikuṭṭanaṭṭhenāti** adhikaraṇaṁ katvā kuṭṭanaṭṭhena chindanaṭṭhena. **Asisūnupamā** kusaladhammacchedanaṭṭhena. **Sattisūlūpamā** cittavitudanaṭṭhenāti porāṇā. Anāpattipāḷiyaṁ “ādikammikassā”ti mukhāruḷhasena likhitaṁ.

Ariṭṭhasikkhāpadavaṇṇanā niṭṭhitā.

9. Ukkhittasambhogasikkhāpadavaṇṇanā

425. “Taṁ diṭṭhiṁ appaṭinissaṭṭhenāti iminā laddhinānāsamvāsakataṁ dīpeti”ti vuttaṁ. **Ticcittanti** ettha vipākābyākatacittena saḥavāseyyaṁ kappeyyāti evamattho daṭṭhabbo. Aññathā sacittakattā sikkhāpadassa kiriyābyākataṁ sandhāya na yujjati.

Ukkhittasambhogasikkhāpadavaṇṇanā niṭṭhitā.

10. Kaṇṭakasikkhāpadavaṇṇanā

428. **Yattha te na passamāti teti** taṁ. Atha vā tava rūpādhiṁ na passāma. Ayaṁ samaṇuddeso pārājiko hoti. “Sace taṁ diṭṭhiṁ paṭinissajjati, saṁghassa ārocetvā saṁghānumatiyā pabbājetabbo”ti **porāṇaganṭhipade** vuttaṁ, taṁ na yuttaṁ, daṇḍakammaṇāsanaṁ hi idhāhippetā.

Yadi so pārājiko, liṅganāsanā nāma siyā. **Te paṭisevato nālaṃ antarāyāyāti** ca diṭṭhi satthari asatthādidiṭṭhi na hoti. Sace sā yassa uppajjati, so pārājiko hoti, tasmimpi evameva paṭipajjitabbaṃ saṃvare atīṭṭhanto liṅganāsanāyeva nāsetabboti ācariyassa takko.

Kaṇṭakasikkhāpadavaṇṇanā niṭṭhitā.

Samatto vaṇṇanākkamena sappāṇakavaggo sattamo.

8. Sahadhammikavagga

1. Sahadhammikasikkhāpadavaṇṇanā

434. Sahadhammikasikkhāpadaṃ uttānatthameva.

2. Vilekhanasikkhāpadavaṇṇanā

438. **Āpattiṇca satisammosāyāti** ettha ca-saddo kattabbaṇca na karotīti dīpeti, na cattāri evāti vuttaṃ hoti. Raṭṭhekadeso **janapado**. Buddhakāle ariṭṭhakaṇṭakā **sāsanapaccatthikā**. “Nālaṃ antarāyāyā”ti vacanena hi te bhagavato asabbaññutaṃ dīpenti. Parinibbute bhagavati dasavatthudīpakā vajjiputtakā. Te hi **vinayasāsanapaccatthikā**. Parūpahārādivādā pana **suttantābhidhammappaccatthikā**. Ke pana te? Ekacce mahāsaṃghikādayo, na sabbeti dīpanattham **“parūpahārā -pa- vādā”**ti visesanavacanamāha. Tattha ye kuhakā pāpicchakā abhūtaṃ ullapitvā paṭiladdhavarabhojanāni bhuñjitvā muṭṭhassaṭi niddaṃ okkamitvā sukkavissaṭṭhiṃ pattā, aññehi taṃ disvā “atthi arahato sukkavissaṭṭhi”ti vutte “mārakāyikā upasaṃharanti”ti vatvā janaṃ vañcenti. Ye ca sammāpaṭipannā akuhakā, tepi taṃ vacanaṃ sutvā keci taṃdiṭṭhikā honti adhimānino ca. Attano sukkavissaṭṭhiṃ passitvāpi nādhimuccanti, anadhigate adhikatasaññinova honti. Tathā atthi arahato aññāṇakaṅkhāvitarāṇā nāmagottādīsu viya saccesu paravitarāṇā parehi paññattā nāmānīti adhippāyo yathāsambhavaṃ yojetabbo. Tattha vinayadharo “aṭṭhānametaṃ bhikkhave

anavakāso, yaṃ arahato asuci mucceyya¹. Diṭṭhadhammā -pa-
aparappaccayā satthusāsane”ti-ādīni² suttapadāni dassetvā te
sāsanapaccatthikesu niggahitaṃ nigganḥātīti adhippāyo. **Itare** “pariyatti
mūlan”ti vādino. “Pātimokkhe uddissamāne”ti nidānavasena vuttaṃ.
Tathāgatassa vibhaṅgapadāni siddhāni. Siddheyyeva kiṃ imassa aṅgāni?
Garahitukāmatā upasampannassa santike sikkhāpadavaṇṇanañcāti.

Vilekhanasikkhāpadavaṇṇanā niṭṭhitā.

3. Mohanasikkhāpadavaṇṇanā

444. Mohanasikkhāpadam uttānatthameva.

4. Pahārasikkhāpadavaṇṇanā

452. **Rattacittoti** kāyasamsaggarāgena. Vihetḥetukāmaṃ pana disvā
“sace ahaṃ imaṃ māremi, natthi me mokkho”ti cintetvā kupito sattasaññaṃ
purekkhatvā pahāraṃ deti, tassa yathāvatthukameva.

Pahārasikkhāpadavaṇṇanā niṭṭhitā.

5. Talasattikasikkhāpadavaṇṇanā

456. “Kāyaṃ vā kāyapaṭibaddhaṃ vā”ti³ vacanato kāyādīsu yaṃ
uccāreti, taṃ talaṃ nāma. Talameva **talasattikaṃ**. Pothanasamatthaṭṭhena
sattikanti eke. Taṃ “uppalapattampī”ti iminā niyameti. Evaṃ kupitā hi
kopavasena pothanāsamatthataṃ avicāretvā yaṃ kiñci hatthagataṃ
paṭikkhipanti, sukhasamphassampi hotu, pācittiyameva. Yasmā
paharitukāmatāya pahāṭe purimena pācittiyam. Kevalam uccāretukāmatāya
uggiraṇamatte

1. Abhi 4. 133; Vi 3. 409, atthato samānaṃ; Am 2. 219 piṭṭhepi passitabbaṃ.

2. Vi 3. 26 piṭṭhe.

3. Vi 2. 194 piṭṭhe.

kate iminā pācittiyaṃ. Iminā pana virajjhivā pahāro dinno, tasmā na paharitukāmatāya dinnattā dukkaṭaṃ. Kimidaṃ dukkaṭaṃ pahārapaccayā, udāhu uggiraṇapaccayāti? Pahārapaccayā eva dukkaṭaṃ. Purimaṃ uggiraṇapaccayā pācittiyanti sadukkaṭaṃ pācittiyaṃ yujjati. Purimañhi uggiraṇaṃ, pacchā pahāro. Na ca pacchimapaḥāraṃ nissāya purimaṃ uggiraṇaṃ anāpattivatthukaṃ bhavitumarahatīti no takkoti ācariyo. “Tena pahārena hatthādīsu yaṃ kiñci bhijjati, dukkaṭamevā”ti imināpi pahārapaccayā dukkaṭaṃ. Uggiraṇaṃ yathāvatthukamevāti siddhaṃ, suṭṭhu vīmaṃsitabbaṃ. “Tiracchānādīnaṃ asucikaraṇādīni disvā kujjhivāpi uggirantassa mokkhādhippāyo evā”ti vadanti.

Talasattikasikkhāpadavaṇṇanā niṭṭhitā.

6. Amūlakasikkhāpadavaṇṇanā

462. **Upasampanne anupasampannasaññī amūlakena saṃghādisesenāti** sukkavissaṭṭhikāyasamsaggādīnā saṃghādisesāpattiyā vatthunāti veditabbaṃ. Na hi anupasampannassa saṃghādisesāpatti nāma atthi.

Amūlakasikkhāpadavaṇṇanā niṭṭhitā.

7. Sañcicasikkhāpadavaṇṇanā

468. **Īnavīsativasso maññeti** ettha sayā saññāya tathā amaññanto kukkucuppādanatthaṃ “maññe”ti vadanto kiṃ musāvādena kāretabboti? Na siyā aṅgasampattiyā, na ca kevalaṃ “maññe”ti iminā niyamato aṅgasampatti hoti. Paramatthavihitaṃ katthaci hoti. “Udakaṃ maññe ādittan”ti-ādimhi paro kukkuccaṃ uppādetu vā, mā vā, taṃ appamāṇanti **mātikāṭṭhakathāyaṃ**¹ “kukkucuppādanan”ti tassa adhippāyavasena vuttanti.

Sañcicasikkhāpadavaṇṇanā niṭṭhitā.

1. Kaṅkhā-Ṭṭha 254 piṭṭhe.

8. Upassutisikkhāpadavaṇṇanā

473. **Imesaṃ sutvāti** ettha “vacanan”ti pāṭhaseso. **Ekararicche dānīti** siyā kiriyā siyā akiriyāti iminā nayena ekararicchedāni. Ettha kiñcāpi aññavādakapaccayāpatti kiriyā ca vihesakapaccayāpatti akiriyā ca, tadubhayaṃ pana ekasikkhāpadanti katvā taṃ aññavādakasaṅkhātāṃ sikkhāpadāṃ siyā kiriyā pāṭhamassa vasena, siyā akiriyā dutiyassa vasenāti evamattho daṭṭhabbo.

Upassutisikkhāpadavaṇṇanā niṭṭhitā.

9. Kammaṭṭibāhanasikkhāpadavaṇṇanā

474. “Dhammikānaṃ kammānaṃ”ti¹ vacanato ekacce bhikkhū dhammikānaṃ kammānaṃ “chandaṃ dammī”ti chandaṃ denti, taṃ tesāṃ matimattameva, na paṭipatti. Adhammaṃ nissāya khiyyati, taṃ vā ukkoṭeti, anāpatti neva hotīti? Na, tathā chandaṃdānakāle akatvā pacchā adhammakammakhiyyanādipaccayā anāpattivāre vuttattā. Adhammena vā vaggena vā na kammārahassa vā kammakaraṇapaccayā āpattimokkhaṇato avisesameva tathāvacaṇanti ce? Na, chandaṃdānakāle adhammakammakaraṇānumatiyā abhāvato, kārakasseva vajjappasaṅgato ca. Gaṇassa dukkaṇanti ce? Pārisuddhichandaṃdāyākāva te, na gaṇo akammappattattā, **parivārepi**² kammavagge kammappattachandaṃdāyākā visuṃ vuttā. Tathāpi adhammakammaṃ chando na dātabbo dente akappiyānumatidukkaṇato. Tattha hi yojanadukkaṇato na muccantīti no takkoti ācariyo.

Kammaṭṭibāhanasikkhāpadavaṇṇanā niṭṭhitā.

10. Chandaṃdatvāgamanaṃsikkhāpadavaṇṇanā

481. Sannipātaṃ anāgantvā ce chandaṃ na deti, anāpattīti eke. Dukkaṇanti eke dhammakammantarāyakaṇadhippāyattā. Saṃghamaṃjje chandaṃ dātuṃ

1. Vi 2. 199 piṭṭhe.

2. Vi 5. 381, 384 piṭṭhesu.

labhatīti keci. Dinnachande saṅghamajjhaṃ pavisitvā puna gatepi chando na paṭippassambheyyāti ce? Paṭippassambhati. Kasmā? “Ahatthapāso chandāraho”ti-ādīhi virujjhanato. **Pāḷiyam** pana dātukāmatāya hatthapāsaṃ atikkamantaṃ sandhāya vuttanti keci.

Chandaṃadatvāgamanasikkhāpadavaṇṇanā niṭṭhitā.

11. Dubbalasikkhāpadavaṇṇanā

484-5-6-7. **Adāsī**ti apaloketvā adāsi. **Bhikkhū**ti ettha te chabbaggiyā attānaṃ parivajjayitvā “saṅgho”ti avatvā “bhikkhū”ti āhaṃsu. **Pariṇāmentī**ti nenti. Tattha **lābhoti** paduddhāra karaṇaṃ idha anadhippetassapi yassa kassaci atthuddhāravasena lābhādīpanatthaṃ. Cīvameva hi idhādhippetam, teneva “aññaṃ parikkhāraṃ dinnam khīyati, āpatti dukkaṭassā”ti vuttaṃ. **Dinnanti** ca **parikkhāraṃ**ti ca bhummatthe upayogavacanaṃ.

Dubbalasikkhāpadavaṇṇanā niṭṭhitā.

12. Pariṇāmanasikkhāpadavaṇṇanā

491. Ñātakampi parassa dātukāmaṃ aññaṃ dāpeti, āpatti eva. Sabbattha āpucchitvā dātukāmaṃ yathāsukhaṃ vicāretuṃ labhati.

Pariṇāmanasikkhāpadavaṇṇanā niṭṭhitā.

Samatto vaṇṇanākkamena sahadhammikavaggo aṭṭhamo.

9. Ratanavagga

1. Antepurasikkhāpadavaṇṇanā

494-7. Yathā bhagavantaṃ payirupāsati, evamākārena nārahatāyaṃ puriso pāpo hotuṃ, na hoti pāpoti attho, kāraṇatthaṃ vā.

Tanti nipātamattam, yatoti vā attho. **Hatthisammaddanti** saṅghātasammado, akkamanam cuṇṇatāti attho.

498. **Ratanam** nāma aggamaheṣī, tathāpi idha aññāpi devigottā na rakkhati, anāpattivāre “na mahesī hoti”ti vacanābhāvato. Sace khattiyova hoti, nābhisitto. Abhisittoyeva hoti, na khattiyō rakkhatīti ācariyo. Anāpattivāre **mātikāṭṭhakathāyam**¹ aṅgabhāvena ca vuttattā abhisittabhāvova pamāṇam. Sesam ukkaṭṭhaparicchodoti eke.

500-1. “Na sayanighare sayanigharasaññī”ti tikacchedopi ettha labbhati. **Na sayanigharam** nāma aparikkhittarukkhamulādi.

Antepurasikkhāpadavaṇṇanā niṭṭhitā.

2. Ratanasikkhāpadavaṇṇanā

504. “Adhivāsentu gahapatino bhattan”ti ca “me gahapatino”ti ca atthi.

506. **Kurundi**vacanena gharepi yadi bhikkhū āsaṅkanti, tattha ṭhatvā ācikkhitabbanti vuttam hoti. **Patirūpāti** “ratanasammate pamsukūlaggahaṇam vā ratane nirussukkagamanam vā”ti likhitam. “Tāvakālikavasenapi anāmāsam paṭiggaṇhitum na labhati”ti vadanti. **Samādapetvāti** yācitvā “uddissa ariyā tiṭṭhanti, esā ariyāna yācanā”ti² vuttanayena.

Ratanasikkhāpadavaṇṇanā niṭṭhitā.

3. Vikālagāmappavisanasikkhāpadavaṇṇanā

511-2. Ahinā ḍaṭṭhavatthumhi so bhikkhu santam bhikkhum anāpucchā gato, tassa kukkucam udapādi. **Adinnādāne vuttanayenāti** gāmo gāmūpacāroti idam sandhāya vuttam.

Vikālagāmappavisanasikkhāpadavaṇṇanā niṭṭhitā.

1. Kaṅkhā-Ṭṭha 266 piṭṭhe.

2. Khu 5. 162 piṭṭhe.

4. Sūciḡharasikkhāpadavaṇṇanā

517. **Tanti** bhedanakaṃ. **Assāti** pācittiyassa paṭhamam bhedanakaṃ katvā pacchā desetabbatā. Esa nayo itaresupi.

520. **Vāsijaṭeti** vāsidaṇḍake.

Sūciḡharasikkhāpadavaṇṇanā niṭṭhitā.

5. Mañcasikkhāpadavaṇṇanā

521-2. “Ucce mañce”ti ca “uccā mañce”ti ca kattrhaci. **Āyatoti** vitthato. **Aṭṭhaṅgulapādakanti** bhāvanapumsakaṃ, aṭṭhaṅgulappamaṇaṃ pādakaṃ vā.

Mañcasikkhāpadavaṇṇanā niṭṭhitā.

6. Tūlonaddhasikkhāpadavaṇṇanā

528. **Poṭakitūlanti** yaṃ kiñci tiṇatūlaṃ. **Paṭilābhena uddāletvā pācittiyam desetabbanti** ettha kiñcāpi paṭilābhamatteneva pācittiyanti viya dissati, paribhogeyeva pana āpatti daṭṭhabbā, “aññena kataṃ paṭilabhitvā paribhuñjati, āpatti dukkaṭassā”ti vacanaṃ ettha sādhaṃ.

Tūlonaddhasikkhāpadavaṇṇanā niṭṭhitā.

7. Nisīdanasikkhāpadavaṇṇanā

531. Kiñcāpi nisīdanassa jāti na dissati ettha, tathāpi **cīvarakkhandhake**¹ anuññātattā, “nava cīvarāni adhiṭṭhātabbānī”ti ettha ca pariyāpannattā cīvarajātiyevassa jāṭīti veditabbā. “Santhatasadisam santharivāti sadasan”ti pubbe vuttanisīdanasanthatattā upameti. Lābhe sadasaṃ, alābhe

1. Vi 3. 409 piṭṭhe.

adasampi vaṭṭatīti eke, taṃ na yuttaṃ. “Nisīdanam̐ nāma sadasaṃ vuccatī”ti tassa saṅghānaniyamanato.

Nisīdanasikkhāpadavaṇṇanā niṭṭhitā.

8. Kaṇḍupaṭicchādisikkhāpadavaṇṇanā

539. Yadi **kaṇḍupaṭicchādi** nāma adhonābhi ubbhajāṇumaṅḍalā uppannakaṇḍupīlakādipaṭicchādikā adhippetā, tassa sugatassa sugatavidatthiyā dīghaso catasso vidatthiyo tiriyaṃ dveti idampi atimahantaṃ pamāṇaṃ dissati. Sabbo hi puriso attano attano vidatthiyā sattavidatthiko hoti, sugatassa ca ekāvidatthi majjhimassa purisassa tisso vidatthiyo honti, tasmā kaṇḍupaṭicchādi pakatipurisassa pamāṇaṃ āpajjati tiriyaṃ, dīghaso pana diguṇaṃ āpajjatīti. Āpajjatu, ukkaṭṭhaparicchedo tassā, ce icchati, sabbampi sarīraṃ paṭicchādessati, sabbasarīragatasaṅghāṭi viya bahuguṇaṃ katvā nivāsetukāmo nivāsessatīti ayaṃ bhagavato adhippāyo siyā.

Kaṇḍupaṭicchādisikkhāpadavaṇṇanā niṭṭhitā.

9. Vassikasāṭikasikkhāpadavaṇṇanā

542. **Vassikasāṭikā**pi ukkaṭṭhapaṭicchavedavasena anuññātā. Vassakāle keci saṅghāṭiparibhogeneva paribhuñjissantīti ayaṃ bhagavato adhippāyo siyā. Kiñcāpi iminā takkena anuññātā, “appamaṇikāyo kaṇḍupaṭicchādiyo dhārenti, vassikasāṭikāyo dhārentī”ti imasmim̐ vatthusmim̐ paññattattā pana aññathā puṇṇaparicchedato adhikappamaṇāyo te bhikkhū dhāresunti katvā etaparamatā tāsāṃ anuññātāti veditabbā. Eseva nayo dasamepi.

Vassikasāṭikasikkhāpadavaṇṇanā niṭṭhitā.

10. Nandattherasikkhāpadavaṇṇanā

551. Tattha **bhisim̐ vā bibbohanam̐ vā karotīti** dīghaso bahūnam̐ bhikkhūnam̐ sādharāṇattham̐ karotīti yujjati.

Nandattherasikkhāpadavaṇṇanā niṭṭhitā.

Samatto vaṇṇanākkamena ratanavaggo navamo.

Pācittiyakaṇḍavaṇṇanā niṭṭhitā.

6. Pāṭidesanīyakaṇḍa

1. Paṭhamapāṭidesanīyasikkhāpadavaṇṇanā

553-5. “Paṭidesetabbākāradassanan”ti aṭṭhakathāyaṃ vuttattā pāḷiyam āgatavaseneva āpatti desetabbā, na aññathā. “Antaraghare antaragharasaññī”ti-ādinā ca “khādanīyabhojanīye akhādanīyabhojanīyasaññī”ti-ādinā ca “bhikkhuniyā bhikkhunisaññī”ti-ādinā ca nayena aparepi tayo tikacchedā yojetvā dassetabbā.

Paṭhamapāṭidesanīyasikkhāpadavaṇṇanā niṭṭhitā.

2. Dutiyapāṭidesanīyasikkhāpadavaṇṇanā

559. “Nimantitā bhuñjantīti pañcannaṃ bhojanānaṃ aññatarena bhojanena nimantitā bhuñjantī”ti kiñcāpi vuttaṃ, atha kho akappiyanimantanena nimantitā ettha na aṅgaṃ, mātikāṭṭhakathāyaṃ vā idha vā anāpattivāre lesābhāvato, tasmā “nimantitā”ti padassa attho pubbe āciñṇavaseneva vutto. Aparepi tayo tikacchedā yojetvā dassetabbā padabhājane vuttattāti veditabbaṃ. Yathā tathā hi bhuñjantānaṃ tādisaṃ bhikkhunim avārentānaṃ pāṭidesanīyameva. “Esā vosāsati nāma, vosāsantī”ti ca duvidho pāṭho. “Ajjhohāre ajjhohāre”ti vacanena puna “gārayhaṃ āvuso dhammaṃ”ti ekavacanaṃ viruddhanti. Paṭhamam ajjhohāreyeva āpannaṃ sandhāya vuttaṃ, tathā aññatrāpi āgacchati “āpajjimhā”ti vacanato. Ekena bahūnampi vaṭṭatīti keci, taṃ na sundaraṃ. “Tehi bhikkhūhī”ti-ādinā pāṭhe vuttattāti mama takko. Ekena saheva “ahaṃ āpajjin”tipi pattabbanti ekena dvīhi tīhi desetabbato, sabbehi evaṃ vattum vaṭṭati. “Āpajjimhāti sahevā”ti vadanti. Ekena ce avārito, “ahaṃ āvuso gārayhaṃ dhammaṃ āpajjin”tipi vattabbaṃ.

Dutiyapāṭidesanīyasikkhāpadavaṇṇanā niṭṭhitā.

562-70. Tatiyacatutthasikkhāpadāni uttānatthāniyeva.

Pāṭidesanīyakaṇḍavaṇṇanā niṭṭhitā.

7. Sekhiyakaṇḍa

1. Parimaṇḍalavaggavaṇṇanā

576. “**Sikkhitasikkhenā**ti catūhi maggehi”ti vuttaṃ. Yasmā aṭṭhaṅgulamattaṃ oṭāretvā nivatthameva nisinnassa caturaṅgulamattaṃ hoti, tasmā ubhopete aṭṭhakathāvādā ekaparicchedā, “**aḍḍhateyyahatthan**”ti sukhumaṃ, ekapaṭṭaṃ vā sandhāya vuttaṃ. Tañhi yathāṭṭhānena tiṭṭhati. Duppaṭṭaṃ sandhāya “**dvihatthappamāṇampi**”ti vuttanti **upatissatthero**. Ekapaṭṭaṃ, dvipaṭṭaṃ vā heṭṭhimaparicchedena “dvihatthappamāṇaṃ”ti vuttanti veditabbaṃ. Vuttañhi **nissaggiya-aṭṭhakathāyaṃ** “tīriyaṃ dvihatthopi vaṭṭatī”ti, tañca kho alābhe eva¹ “alābhe tīriyaṃ dvihatthappamāṇampi vaṭṭatī”ti vuttatā. Idaṃ sabbaṃ adhiṭṭhānupagaṃ sandhāya vuttaṃ. Viruddhaṃ disvā sajjetaṃ. No ce sajjeti, dukkaṭaṃ. **Sacittakaṃ** paṇṇattivijānanacitteneva “anādariyaṃ paṭiccā”ti vuttatā, na vatthuvijānanacittena “idamevaṃ katan”ti jānatopi āpattiyā abhāvato. Phussadevattheravādopi ekena pariyāyena yujjati. Tathā upatissattheravādopi. Paññatṭepi sikkhāpade apaññatṭepi yaṃ pakatiyā vajjaṃ, taṃ lokavajjaṃ. Idaṃ pana paññatṭeyeva vajjaṃ, nāpaññatṭe, tasmā itaralokavajjena asadisattā na lokavajjaṃ. Paṇṇattito paṭṭhāya vajjato **paṇṇattivajjaṃ**. Anādariyacitteneva āpajjitabbatā **sacittakaṃ**, tassa cittassa tivedanattā tivedanaṃ. Yasmā anādariyacittatā nāma kevalaṃ akusalameva, tañca pakatiyā vajjaṃ, tasmā idaṃ **lokavajjaṃ**. Sañcicca vītikkamaṇaṃ nāma domanassikasappa hotīti **dukkhavedanaṃ**. **Gaṇṭhipade** pana “pāṇātipātādi viya nivāsanādidoso lokagarahito na hotīti paṇṇattivajjanti **phussadevatthero**”ti likhitaṃ.

577. **Vihārepī**ti buddhupaṭṭhānādikāle, tasmā “**pārupitabban**”ti uttarāsaṅgakkiccasena vuttaṃ. Paṭhamadutiyasikkhāpadesu pariḷāhādipaccayā kappati, na antaragharapaṭisaṃyuttesu.

1. Alābhe. Evaṃ (Ka)

582. “**Ekasmim̐ pana thāne thatvā**”ti ettha “gacchantopi parissayābhāvaṃ oloketum labhatiyeva. Tathā gāme pūjan”ti likhitam̐, tam̐ pana “ekasmim̐ thāne thatvā”ti vuttattā tādīsam̐ antarāyam̐ sandhāya vuttanti veditabban̐.

Parimaṇḍalavaggavaṇṇanā niṭṭhitā.

2. Ujjagghikavaggavaṇṇanā

586. **Hasanīyasminti** hetvatthe bhummaṃ, hasitabbavatthukāraṇāti attho. Antaraghare uccāsaddena anumodanādiṃ karontassa anāpatti kira. Tathā hi **mahindattheropi** hatthisālādīsu mahājanassa kathesi.

591. Keci bhikkhū “parikkhāraṭṭhapanamattena vāsūpagato hotī”ti vadanti, tam̐ tesam̐ matimattameva. Bhikkhuniyo ce vāsūpagā honti, bhikkhunupassayo kappiyabhūmi. “Yattha bhikkhuniyo ekarattampi vasanti, ayam̐ bhikkhunupassayo”ti¹ vacanato tāsam̐ samīpaṃ vā tāhi gahitavāsāgāraṃ vā “gacchāmi”ti gacchato yathāsukhaṃ gantum̐ vaṭṭati. Na hi tāvatā tam̐ gharaṃ antaragharasaṅkhyam̐ gacchatīti no takkoti ācariyo.

Ujjagghikavaggavaṇṇanā niṭṭhitā.

3. Khambhakatavaggavaṇṇanā

604. Sūpo **pattappamāṇavaṇṇanāyam̐** vuttākāro. **Oloṇī** vuccati kudhitam̐, gorasato pūrā thūpitoti attho.

685. **Heṭṭhā orohatīti** ettha “orohanappamāṇe sati ekadese thūpikatepi anāpattī”ti vadanti. “Pattassa pana heṭṭhā ca upari ca paduminipaṇṇādīhi paṭicchādetvā odahantiyā laddhaṃ nāma vaṭṭatī”ti ca vadanti. Ettha “yasmā ‘samattitiko piṇḍapāto paṭiggahetabbo’ti vacanam̐ piṇḍapāto

samapuṇṇo¹ paṭiggahetabboti dīpeti, tasmā attano hatthagate patte piṇḍapāto diyyamāno thūpikatopi ce hoti, vaṭṭatīti dīpeti. ‘Thūpikatam piṇḍapātam paṭiggaṇhāti, āpatti dukkaṭassā’ti hi vacanam paṭhamam thūpikatam piṇḍapātam pacchā paṭiggaṇhato, āpattīti dīpeti. Pattaena paṭiggaṇhato cepi² thūpikatam hoti, vaṭṭati athūpikatassa paṭiggahitattā. Payogo pana natthi aññatra pubbadesā”ti ca “samattikkanti vā bhāvanapumsakan”ti ca vadanti, tasmā vicāretvā gahetabban.

Khambhakatavaggavaṇṇanā niṭṭhitā.

4. Sakkaccavaggavaṇṇanā

609. **Sūpodanaviññattisikkhāpade** “sūpo nāma dve sūpā”ti na vuttam sūpaggahaṇena paṇītabhojanehi avasesānam sabbabhojanānam saṅgaṇhanattham. **Anāpattivāre** cassa “ñātakānam pavāritānam aññassatthāya attano dhanenā”ti idam adhikam. Katthaci potthake “anāpatti asaṅcicca asatiyā ajānantassa gilānassa āpadāsū”ti ettakameva vuttam, tam na, “samāsūpakam piṇḍapātam bhuñjissāmī”ti imassa **anāpattivāre** “aññassatthāyā”ti katthaci likhitam, tañca pamādasena likhitam. “Mukhe pakkhipitvā puna vipphaṇṣārī hutvā ogilitukāmassapi sahasā ce pavisati, ettha ‘asaṅciccā’ti vuccati. Viññattampi aviññattampi ekasmim thāne thitam sahasā anupadhāretvā gahetvā bhuñjanto ‘asatiyā’ti vuccatī”ti likhitam, **anāpattivāre** ekacesu potthakesu “rasaraseti likhitam, tam gahetabban”ti vuttam.

Sakkaccavaggavaṇṇanā niṭṭhitā.

5. Kabaḷavaggavaṇṇanā

618. “**Sabban hatthan**”ti vacanato ekadesam mukhe pakkhipantassa anāpattīti ekacce. “Sabbanti vacanato ekadesampi na vaṭṭatī”ti vadanti, tam yuttam anāpattivāre avisesitattā.

1. Sampuṇṇo (Sārattha)

2. Patte paṭiggaṇhato ca (Sārattha), pattam paṭiggaṇhato ca (Ka)

624. **Sitthāvākārake** “kacavaram chaddentam sittham chaddiyyati”ti ca
“kacavaram chaddento”ti ca pāṭho.

Kabaḷavaggavaṇṇanā niṭṭhitā.

6. Surusuruvaggavaṇṇanā

627. “Surusurun”ti ca “surozero”ti ca pāṭho. **Sīṭikatoti** sītaṅko.
“**Silakabuddhoti** ariyānam parihāsavacanamevetan”ti likhitam.

631. **Paṭikkūlavasenā**ti ettha yadi paṭikkūlavasena paṭikkhittam,
“seyyathāpi kāmabhogino”ti na vattabham. Na hi te paṭikkūlam karontīti ce?
Na, issariyalinḡavasena gahaṇasambhavato. Te hi anādarā honti.
Pattadhovananti pattadhovanodakam bhojanapaṭisamyuttam.

634. “Chattapādukāyan”ti ca “chattapāde”ti ca pāṭho.

637. **Cāpoti** sattakhādanavadho. “Sesā sabbā dhanuvikati kodaṇḍe
paviṭṭhā”ti ca likhitam, **paṭimukkanti** pavesitam, laggitam hotīti attho.

Surusuruvaggavaṇṇanā niṭṭhitā.

7. Pādukavaggavaṇṇanā

640. Sayam yānagato hutvā, yathā yānagatassa ve¹.

Alam vattum tathā nalam, sachatto chattapāṇino.

Yathā ettha, evam aññatrāpi.

647. **Chapakavatthusmim** “sacāham na labhissāmī”ti pāṭho, “dasa ce na
labhissāmī”ti ca atthi, “vatthusmim aḡilānassā”ti ca āgacchati, tam na
sundaram, sikkhāpadeyeva sundaram. **Thomitoti** ahampi jānāmīti

sambandho. Yā dhanayasalābhasaṅkhātā **vutti vinipātena** hoti samparāye apāyesu vinipātahetu hutvā pavattati. Atha vā **vinipātenā**ti hetvatthe karaṇavacanaṃ, vinipātanāya pavattatīti adhippāyo. **Adhammacaraṇena** adhammacaraṇāya. “Asmā kumbhimivā”ti ca paṭhanti.

Pādukavaggavaṇṇanā niṭṭhitā.

Pakiṇṇakavaṇṇanā

Kāyavācācittato samuṭṭhahantīti katvā “**samanubhāsanāsamuṭṭhānānī**”ti vuttāni. Samanubhāsanāṃ kiriyāṃ. Imāni kiriyāni.

Dhammadesanasamuṭṭhānāni vācācittatoti ettha kāyavacīviññattibhāvato ujjagghika-uccāsaddādīsu viya “kāyavācācittato”ti vattabbānīti ce? Na vattabbāni. Nisīdanagamanāhārapakkhipanādikāyaviññattiyā sabbhāvā tattha yuttāṃ, na dhammadesane tādisassābhāvā.

Pakiṇṇakavaṇṇanā niṭṭhitā.

Sekhiyakaṇḍavaṇṇanā niṭṭhitā.

8. Sattādhikaraṇasamathavaṇṇanā

“Yebhuyyasikā kātabbā -pa- tiṇavatthārako kātabbo, so puggalo”ti ca
likhitam.

Sattādhikaraṇasamathavaṇṇanā niṭṭhitā.

Bhikkhuvibhaṅgo niṭṭhito.

Bhikkhunīvibhaṅgavaṇṇanā

Namo tassa Bhagavato Arahato Sammāsambuddhassa.

1. Pārājikakaṇḍavaṇṇanā

Ganthārambhavaṇṇanā

Vibhaṅge viya bhikkhūnaṃ, vitthāramabhisaṅkhataṃ.
Akatvā bhikkhunīnampi, vakkhe gaṇṭhipadakkamaṃ.

Yo bhikkhunīnaṃ vibhaṅgo assa, tassa saṃvaṇṇanākkamo pattoti attho.

Ganthārambhavaṇṇanā niṭṭhitā.

1. Paṭhamapārājikasikkhāpadavaṇṇanā

656-7. Tattha tattha ṭhānuppattikapaññā vīmaṃsā. **Padapaṭipāṭiyā evāti** mātikāpadapaṭipāṭiyā eva. “**Vuttanti** saṅgītikānaṃ upasaṅkappanānaṃ vibhājanānaṃ vuttan”ti likhitaṃ.

658. “Ehibhikkhunīti bhikkhunī, tīhi saraṇagamanehi upasampannāti bhikkhunī”ti idaṃ pana desanāvīlāsavasena vuttanti eke. Aññabuddhakāle atthīti eke, taṃ na yuttaṃ viya dissati amhākampi buddhakāle sambhavappasaṅgato, ehibhikkhuniyā paṭisedhachāyādissanato ca. Yathāha **dhammapade visākhāvatthusmim**¹ “tassa cīvaradānassa nissandena imaṃ mahālatāpasādhanānaṃ labhi. Itthīnaṃ hi cīvaradānaṃ mahālatāpasādhanabhaṇḍena matthakaṃ pappoti, purisānaṃ iddhimayapattacīvarenā”ti. Tīhi saraṇagamanehi upasampannāya pana

1. Dhammapada-Ṭṭha 249 piṭṭhe.

bhikkhuniyā sambhavo aññabuddhakāle kadāci siyā, nattheva amhākaṃ buddhakāle. Desanāvīlāsena pana bhikkhudesanākkameneva bhikkhuniddeso vutto, teneva bhikkhusaṅghavasena ekato-upasampannā bhikkhuniyo vijjamānāpi tattha na vuttā. Tāsaṃ atthitā imāya **parivārakathāya** veditabbā—

“Ubho ekato upasampannā,
Ubhinnam hatthato cīvaram paṭiggaṇheyya.
Siyā āpattiyo nānā,
Pañhā mesā kusalehi cintitā”¹.

Atha vā puthujjanakāle ehibhikkhusaraṇagamanena upasampannova itthilingapātubhāvena bhikkhunibhāve ṭhitā purisūpasampannam upādāya “ehibhikkhunī”²ti, “tīhi saraṇagamanehi upasampannā bhikkhunī”²ti ca saṅkhyam gacchati. No ce, taṃ vacanam virujjheyyāti eke, vicāretvā gahetabban. “Viññū paṭibalo”²ti dvinnam avassavabhāvassa ijghanato vuttam. Ettha yasmā yaṃ kiñci āmisam paṭiggaṇhantīnam aggahatthā purisānam hatthehi kadāci missībhāvam gacchanti, vandantānam vā purisānam sirāni aggapādehi missitāni kadāci honti, kesacchedanakāle vā siram purisānam hatthehi missitam hoti, cittam nāmetam atiraddhagavesi, durakkhiyam vā, tasmā “mā atilahum pārājikāpatti bhikkhunīnam hotū”²ti buddhā bhagavanto kāruññena pārājikakkhattaparicchedam, thullaccayakkhattaparicchedaṅca visum visum desesunti veditabban.

659. **Tabbahulanayena sā vuttāti** ettha ayamanugaṇṭhipadakkamo— yebhuyyena kiriyasamuṭṭhānattā “kiriyasamuṭṭhānan”²ti vuttam. “Kāyasamsaggaṃ samāpajjeyyā”²ti avatvā pana “sādiyeyyā”²ti vuttattā akiriyatopi samuṭṭhātīti veditabban. Yathā cettha, evam heṭṭhā “manussitthiyā tayo magge methunam dhammam paṭisevantassa āpatti pārājikassā”²ti-ādinā² nayena kiriyasamuṭṭhānatam vatvā tadanantaram “bhikkhupaccatthikā -pa- so ce pavesanam sādiyati, āpatti pārājikassā”²ti-ādinā² nayena akiriyasamuṭṭhānatāyapi vuttattā paṭhamapārājikassāpi tabbahulanayeneva kiriyasamuṭṭhānatā veditabbā. Na hi pavesanasādiyanādīmhi kiriyasamuṭṭhānatā dissati. Aṅgajātacalanañcettha na sārato daṭṭhabban “so ce

1. Vi 5. 374 piṭṭhe.

2. Vi 1. 53 piṭṭhe.

pavesanaṃ na sādiyati, pavīṭṭhaṃ na sādiyati, ṭhitaṃ na sādiyati, uddharaṇaṃ sādiyati, āpatti pārājikassā”ti¹ ettha ṭhita na sādiyane pakatīyāpi paripuṇṇacalanattā. Sādiyanapaccayā hi sevanacalanañcetta na dissatevāti tabbahulanayeneva kiriyasamuṭṭhānatā gahetabbā. Tattha tattha aṭṭhakathāsu kasmā tabbahulanayo avuttoti ce? “Yo pana bhikkhu methunaṃ dhammaṃ paṭiseveyyā”ti² **mātikāyaṃ** kiriyasamuṭṭhānassa sarūpena vuttattā tadanurūpavasena vibhaṅganayamanoloketvā “kiriyasamuṭṭhānam”icceva vuttaṃ. Yathā cetesu tabbahulanayena kiriyasamuṭṭhānatā vuttā, tathā surādīnaṃ akusaleneva pātabbatā, na itarathā “yaṃ akusaleneva āpajjati, yaṃ lokavajjā, sesā paṇṇattivajjā”ti vutte lokavajjapaṇṇattivajjānaṃ niyamanalakkhaṇasiddhi hoti, tathā taṃ avatvā “yassā sacittakapakkhe cittaṃ akusalameva hoti, yaṃ lokavajjā. Sesā paṇṇattivajjā”ti³ vutte lokavajjavacanaṃ niratthakaṃ siyā vatthu-ajānanapakkhepi akusaleneva pātabbatā. Yasmā tattha surāpānavītikamassa akusalacittuppādo natthi, tasmā **khandhakatṭhakathāyaṃ**⁴ “majjapāne pana bhikkhuno ajānitvāpi bījato paṭṭhāya majjāṃ pivantassa pācittiyaṃ, sāmaṇero jānitvā pivanto sīlabhedāṃ āpajjati, na ajānitvā”ti vuttaṃ, na vuttaṃ “vatthu-ajānanapakkhe pāṇātipātādīnaṃ siddhikara-akusalacittuppādasadise cittuppāde satipi sāmaṇero sīlabhedāṃ nāpajjati”ti. Abhinivesavacanaṃ pāṇātipātādīhi⁵ samānajatīkattā sāmaṇerānaṃ surāpānassa. “Surādayo panime”ti vatthumjānitvā pātabbatādivasena vītikkamantassa akusalassa asambhavo natthi. Tena vuttaṃ “yassa sacittakapakkhe”ti-ādi.

Kiñcetta yuttivacanaena arahantānaṃ appavisanato sacittakācittakapakkhesu akusalaniyamoti ce? Na, dhammatāvasena sekkhānampi appavisanato. Acittakapakkhe akusalaniyamābhāvadassanatthaṃ supantassa mukhe pakkhittajalabindumiva surābindu-ādayo udāharitabbāti. Tabbahulanayena hi atthe gahite pubbenāparaṃ **aṭṭhakathāya** sameti. “Saddhim **pāliya** avisesattho parato āvi bhavissatīti apare”ti vuttaṃ. Idamettha

1. Vi 1. 36 piṭṭhe.

2. Vi 1. 25, 27 piṭṭhesu.

3. Kaṅkhā-Ṭṭha 112 piṭṭhe.

4. Vi-Ṭṭha 3. 296 piṭṭhe.

5. Pāṇātipātādīnaṃ (Ka)

vicāretabbaṃ. Yadi vatthujānanapakke vinā akusalena majjapānaṃ siyā, kasmā nālimajjhaṃ nātikkamati ariyānaṃ pānakādisaññinanti? Sīlabhedavatthuvītikkamo vināpi cittena ariyānaṃ dhammatāvaseneva na sambhavatīti ce, na, **cakkhupālattheravatthu**¹ ādivirodhatoti. Apica bhikkhunopi sāmaṇerassa viya surāpānaṃ sacittakameva kasmā na jātanti? Appatirūpattāti ce, sāmaṇerānampi appatirūpameva. Sahadhammikā eva hi te. Mahāsāvajjattāti ce? Sāmaṇerānampi tādisameva. Sāmaṇerānaṃ sacittakameva pārājikaṃ, itaraṃ daṇḍakammavatthūti ce? Bhikkhūnampi majjapāne natthi. Ettha tikapācittiyena na bhavitabbaṃ. Majje amajjasaññissa dukkaṭāpatti paññāpetabbā siyā. Bhikkhussa pācittiyavatthu sāmaṇerānaṃ pārājikaṃ hoti tiracchānagatasāmaṇerānaṃ viyāti ce? Acittakampi majjapānādīnaṃ sāmaṇerānaṃ pārājikaṃ paññāpetabbaṃ siyā. Nācittakaṃ pārājikaṃ sambhavatīti ce? Na, paṇṇattivajjampi pārājikaṃ sambhavatīti. Nikāyantarakke ayameva doso. Amhākañhi lokavajjameva majjapānanti². Kasmā panettha surāpānameva dhammatāvasena ariyā na karontīti? Na kevalaṃ surāpānameva dhammatāvasena ariyā na karonti, pāṇesupi kodhavasena pāṇasaññitāya sīsacchedanādīni na karonti, sadārasaññāya paradāraṃ na vītikkamanti, anattabhañjakasaññāya atthabhañjakamusā na vadanti, sammādiṭṭhisaññāya micchādiṭṭhiṃ na paṭipajjantīti veditabbā. Ācariyāpi surāpāne akusalaniyamābhāvameva vadanti, tasmā eva mātikāṭṭhakathāya **gaṇṭhipade** lokavajjapaṇṇattivajjādhikāre “sacittakapakke akusalanti surāpānādisaṅghatthaṃ, itarathā yassa akusalamevāti vadeyyā”ti likhitam. Kiriyasamuṭṭhānatā panassa tabbahulanayameva, na paṭhamapārājike. Kathaṃ? Kāyasamsaggasikkhāpadaṃ paṭhamapārājikasamuṭṭhānaṃ. Ettha bhikkhussa ca bhikkhuniyā ca kāyasamsaggabhāve sati bhikkhunī kāyaṅgamacopayamānāpi citteneva adhivāsenti āpajjati, na evaṃ bhikkhu. Bhikkhu pana copayamānova āpajjati, evameva paṭhamapārājikepi copane sati eva āpajjati, nāsati. Pavesanaṃ sādiyatīti ettha pavesanasādiyanam nāma sevanacittassuppādananti, evaṃ santepi “vīmaṃsitvā gahetabban”ti vuttaṃ.

Paṭhamapārājikasikkhāpadavaṇṇanā niṭṭhitā.

1. Dhammapada-Ṭṭha 1. 2 piṭṭhādīsu.

2. Surāpānanti (Ka)

2. Dutiyapārājikasikkhāpadavaṇṇanā

“Kissa pana tvaṃ ayye jānaṃ pārājikaṃ dhammaṃ ajjhāpannaṃ”ti vacanato, “aṭṭhannaṃ pārājikānaṃ aññatarānaṃ pārājikaṃ ajjhāpannaṃ”ti¹ vacanato, ante “uddiṭṭhā kho ayyāyo aṭṭha pārājikā dhammā”ti² ādivacanato, **parivāre** “sādhāraṇapaññatti ubhatopaññatti”ti³ vacanato ca bhikkhunivibhaṅgaṃ patvā bhagavā sādharmaṇāni sikkhāpadāni bhikkhūnaṃ uppannavatthusmimyeva “yā pana bhikkhunī chandaso methunaṃ dhammaṃ paṭiseveyya antamaso tiracchānagatenapi pārājikā hoti asaṃvāsā”ti-ādinā nayena savisesampi avisesampi mātikaṃ nikkhipitvā anukkamena padabhājanam, āpattibhedam, tikacchedam, anāpattivāraṇca anavasesam vatvā vitthāresi. Saṅgītikārakehi pana asādharmaṇapaññattiyoyeva idha vitthāritāti veditabbā.

666. Tattha “**aṭṭhannaṃ pārājikānaṃ**”ti idaṃ kevalam saṅgītikārakānaṃyeva nayato nikkhattavacanaṃ ito pubbe chaṭṭhasattamaṭṭhamānaṃ pārājikānaṃ apaññattattā. Bhagavatā pana idaṃ paññāpitamādisikkhāpadampi upādāya “channaṃ pārājikānaṃ”ti vuttaṃ siyā. Ito uddham paññattānipi upādāya “aṭṭhannaṃ pārājikānaṃ”ti vacanaṃ aparabhāge uppannanti ekacce ācariyā. **Aṭṭhakathāyam** pana “idaṃca pārājikaṃ pacchā paññattaṃ, tasmā ‘aṭṭhannaṃ’ti vibhaṅge vuttaṃ”ti-ādi vuttaṃ, tasmā aṭṭhakathācariyānaṃ matena siddhametaṃ yathāpaññattānukkamavaseneva saṅgītānīti. “Aññāsīti”ti paṭho. Aññāsīti na gaḥetabbo. “Duṭṭhullasikkhāpade vuttanayenevā”ti vacanato vajjapaṭicchādikaṃ yā paṭicchādeti, sāpi vajjapaṭicchādikāyevāti siddham. Kiñcāpi vajjapaṭicchādānaṃ pemavasena hoti, tathāpi sikkhāpadavītikkamacittaṃ domanassikameva hotīti katvā “**dukkhavedanaṃ**”ti vuttaṃ.

Dutiyapārājikasikkhāpadavaṇṇanā niṭṭhitā.

3. Tatiyapārājikasikkhāpadavaṇṇanā

669. **Imaṃ adhippāyamattanti** “codetvā sāretvā”ti etaṃ. Etthāyaṃ vicāraṇā—yo bhikkhu ukkhittakabhikkhunā samānadiṭṭhiko laddhinānāsāṃvāsako hoti, so avandanīyo, kammākamme ukkhittako viya

1. Vi 2. 280 piṭṭhe.

2. Vi 2. 287 piṭṭhe.

3. Vi 5. 96 piṭṭhe.

na gaṇapūraṇo, sahaseyyampi na labhati, na tathā bhikkhunī. Sā hi yāva na samanubhaṭṭhā, tāva gaṇapūrakā ca hoti, saṁvāsaṅca labhati.

Laddhinānāsaṁvāsikānuvattikāpi ukkhittānuvattikāva hoti. Ukkhitto ce kālaṅkato, tadanuvattako bhikkhu laddhinānāsaṁvāsako hotiyeva. Tathā vibbhantepi tasmim̐ titthiyapakkantakepi sikkham̐ paccakkhāya sāmaṇerabhūmiyam̐ ṭhitepīti eke. Tesam̐ matena ukkhittake tathābhūtepi bhikkhunī tadanuvattikā samanubhāsītābāvāti āpajjati.

Samanubhāsanakammaṁ saṁghāyattaṁ, saṁghena saṅcicca purimakāpattim̐ apanetuṁ na yuttaṁ viya khāyati. Ukkhepanīyakammaṅca āpatti-adassanamatte, appaṭikammamate, kudiṭṭhi-appaṭinissajjanamate ca kariyati, tassa anuvattanamattena samanubhāsivā sāsanato cāvetabbānīti na yuttanti ce? Na vattabbameva, idaṁ apārājikavatthūsupi tappasaṅgato, anaññavisayattā ca vinayassa.

Tatiyapārājikasikkhāpadavaṇṇanā niṭṭhitā.

4. Catutthapārājikasikkhāpadavaṇṇanā

675. “Lokassādasaṅkhātassa mittasanthavassa vasena taṁ dassetuṁ **kāyasaṁsaggarāgenā**ti vuttan”ti likhitaṁ. **Tissitthiyoti** tīsu itthīsu, tisso vā itthiyo. **Taṁ na seveti** tāsu na sevati. **Anariyāti** ubhatobyañjanā. **Byañjanasminti** attano byañjane. **Na seveti** na sevati. **Na cācāreti** nācarati. **Vaṇṇāvaṇṇoti** dvīhipi sukkavissatṭhi. **Gamanuppādananti** saṅcaritaṁ.

676. “**Nivattham̐ vā pārutam̐ vā**”ti ettha nivatthassa vā pārutassa vā vatthassa gahaṇam̐ sādīyatīti attho.

Catutthapārājikasikkhāpadavaṇṇanā niṭṭhitā.

Pārājikakavaṇḍavaṇṇanā niṭṭhitā.

2. Saṃghādisesakaṇḍavaṇṇanā

1. Paṭhamasaṃghādisesasikkhāpadavaṇṇanā

681. **Āhatakoti** ānīto, niyatakoti adhippāyo. Akappiya-aḍḍo nāma saṃghassa vā ārāmiikapuggalassa vā vatthussa kāraṇā¹ saṃghassa vārikabhāvena sayameva vā adhikaraṇaṭṭhānaṃ gantvā “amhākaṃ eso dāso, dāsī, vāpī, khettaṃ, ārāmo, ārāmatthu, gāvo, gāvī, mahimsī, ajā, kukkuṭā”ti-ādīnā voharati, akappiyaṃ. “Ayaṃ amhākaṃ ārāmiko ārāmikā, ayaṃ vāpī itthannāmena saṃghassa hatthe dohanatthāya dinnā. Ito khettaṃ ārāmato uppajjanakacatupaccayā ito gāvito mahimsito ajāto uppajjanakagorasā itthannāmena saṃghassa dinnā”ti pucchite vā apucchite vā vattum vaṭṭati. “Kataṃ”ti avatvā “karontī”ti vacanena kira anena kataṃ ārabha ācikkhitā nāma hoti. **Gīvā**ti kevalaṃ gīvā eva hoti, na pārājikaṃ. **Kārāpetvā dātābbā**ti ettha sace āvudhabhaṇḍaṃ hoti, tassa dhārā na kāretābbā, aññena pana ākārena saññāpetabbaṃ. “Ticittaṃ tivedanaṃ”ti vuttatā “mānussayavasena kodhussayavasena”ti tabbahulanayena vuttanti veditabbaṃ.

Paṭhamasaṃghādisesasikkhāpadavaṇṇanā niṭṭhitā.

2. Dutiyasaṃghādisesasikkhāpadavaṇṇanā

683. Bhaṭṭiputtakānaṃ kumārabhaṭṭikānaṃ gaṇā **bhaṭṭiputtagaṇā**. **Kappanti** kappiyaṃ. **Kappagatikanti** kappiyasabhāvaṃ. **Pakkantāsupī**ti attano parisāṃ ṭhapetvā itarāsu pakkantāsu. Paṇṇattim ajānantā ariyāpi vuṭṭhāpentīti katvā vā kammavācāpariyosāne āpattikkhaṇe vipākābyākatasamaṅgītāvasena vā “ticittaṃ”ti vuttanti veditabbaṃ. “Pabbājane na dukkaṭaṃ”ti **porāṇagaṇṭhipade** vuttaṃ.

Dutiyasaṃghādisesasikkhāpadavaṇṇanā niṭṭhitā.

3. Tatiyasam̄ghādisesasikkhāpadavaṇṇanā

687. **Bhaddākāpilānī** mahākassapassa purāṇadutiya kira. Nātīnaṃ kulāṃ yasmim̄ gāmake, tadetaṃ gāmakāṃ **ñātikulāṃ**, kulasannihitaṃ gāmakāṃ agamāsīti attho. “Ajaṃ gāmaṃ neti”ti-ādīsu viya vā dvikammikaṃ katvā gāmakāṃ agamāsi ñātikulāṃ agamāsītipi yujjati.

692. “Aparikkhittassa gāmassa upacāraṃ atikkāmentiyā”ti vacanenapi evaṃ veditabbaṃ—vikālagāmappavesane dvinnaṃ leḍḍupātānaṃyeva vasena upacāro paricchinditabbo, itarathā yathā ettha parikkhepārahaṭṭhānaṃ parikkhepaṃ viya katvā “atikkāmentiyā”ti vuttaṃ, evaṃ tatthāpi “aparikkhittassa gāmassa upacāraṃ atikkamantassā”ti vadeyya. Yasmā pana tattha parikkhepārahaṭṭhānato uttari eko leḍḍupāto upacāroti adhippeto, tasmā tadatthadīpanattham̄ “aparikkhittassa gāmassa upacāraṃ okkamantassā”ti vuttaṃ. Yaṃ pana **andhakaṭṭhakathāyaṃ** “parikkhepārahaṭṭhānaṃyeva ‘upacāraṃ’ti sallakkhetvā parikkhepaparikkhepārahaṭṭhānānaṃ ninnānākāraṇadīpanattham̄ ‘upacāraṃ okkamantassā’ti vuttaṃ pāḷivisesamasallakkhetvāva aparikkhittassa gāmassa upacāraṃ atikkamantassa idha upacāro parikkhepo yathā bhaveyya, taṃ upacāraṃ paṭhamaṃ pādaṃ atikkamantassa āpatti dukkaṭassa. Dutiyaṃ pādaṃ atikkamantassa āpatti pācittiyassā”ti vuttaṃ, taṃ na gahetabbameva pāḷiyā visesasabbhāvototi. “Aparikkhittassa gāmassa upacāraṃ okkamantiyātipi ekaccesu dissati, taṃ na gahetabbanti apare”ti vuttaṃ. Tattha “pāḷivisesamasallakkhetvā”ti duvuttaṃ, kasmā? Vikālagāmappavesanasikkhāpadepi katthaci “upacāraṃ atikkamantassā”ti pāṭho dissatīti, so andhakaṭṭhakathāpāṭhato gahitoti ācariyo. Aparikkhittassa upacārokkamanameva pāṭho yujjati, na atikkamanaṃ. Kasmā? Bahūsu ṭhānesu pāḷiyā aṭṭhakathāhi virujjhanato, imasmim̄ vāpi sikkhāpade virujjhati. Katham̄? Gaṇamhā oḥīyamānāya araṇṇe āpatti hoti, na gāme. Atha ca pana nidassanampi “sikkhāpadā buddhavarenā”ti¹ gāthā dassitā², tasmā upacārokkamanapariyāpannadim̄ atikkāmentiyā hoti. Kiñca bhiyyo “gacchantassa catasso āpattiyo, ṭhitassa cāpi tattakā”ti-ādīnaṃ³

1. Vi 5. 374 piṭṭhe.

2. Gāthāya dassitaṃ (?)

3. Vi 5. 366 piṭṭhe.

parivāragāthānaṃ aṭṭhakathāhi upacārokkamanameva pāṭhoti niṭṭhaṃ gantabban”ti ca vuttaṃ, suṭṭhu sallakkhetvā kathetabban.

“Padasā gamanameva hi idhādhippetāṃ, teneva paṭhamāṃ pādāṃ atikkāmentiyāti-ādimāhā”ti ettha vikālagāmapavesanasikkhāpadādīsu tadabhāvā yānena vā iddhiyā vā pavisato, addhānaṃ gacchato ca āpattīti dīpeti. Tattha asāruppattā āpattimokkho natthīti eke, vicāretvā gahetabban. Bhikkhunīvihārabhūmi “gāmantarān”ti na vuccati gāmantarapariyāpannāyapi kappiyabhūmittā. “Parato ‘sace bhikkhunīsu mahābodhiyaṅgaṇaṃ pavisantīsu ekā bahi tiṭṭhati, tassā āpattī’-ti-ādivacanato bhikkhuvihāro na kappiyabhūmīti siddhaṃ, tasmā kañcinagare khandhadhammavihāro viya, kāvīrapaṭṭane sārīdhammavihāro viya ca aññopi so vihāro, tasmā sīmabaddhasukhatthaṃ gāmantarabhāve nirantarā¹ adhiṭṭhānatthaṃ pavisantiyā, nikkhamantiyāpi gāmantarāpattī hotīti apare”ti vuttaṃ. **Catugāmasādhāraṇattā**ti ettha evaṃvidhe vihāre sīmaṃ bandhantehi cattāropi te gāmā sodhetabbāti veditabbā. Saṃvidahitvā bhikkhuniyā vā mātuḡāmena vā theyyasatthena vā saddhiṃ taṃ vihāraṃ okkamantiyā catasso āpattīyo ekatova honti. “Gāmantare gāmantare āpattī pācittiyassā”ti vuttāti eke.

Dutiyapāduddhāre saṃghādisesoti ettha sace dutiyo pāduddhāro kappiyabhūmiyaṃ hoti, na saṃghādiseso, akappiyabhūmiyaṃ eva saṃghādiseso. “**Ubhayatīresu vicaranti, vaṭṭatī**ti dassanūpacārassettha sambhavā”ti likhitāṃ, taṃ yuttaṃ. Savanūpacāro hettha nadīpāre, gāmantare vā appamāṇanti. **Andhakatṭhakathāyaṃ** pana “paratīrato nadīṃ otaritvā dassanūpacārato dārūni, paṇṇānivā maggivā āneti, anāpattī. Ticīvarāni paratīre otāpeti, anāpattī”ti vuttaṃ. “**Orimatīrameva āgacchati, āpattī**”ti atikkamitukāmatāya pavīṭṭhattā vuttaṃ. “Nbhāyanādikiccena pavīṭṭhānaṃ tatthevālayasambhavā vaṭṭatī”ti vuttaṃ. Gāmantare pamāṇanti **aṭṭhakathāyaṃ** paratīrato nadīṃ otaritvā dassanūpacārato dārūni paṇṇāni sakagāmato thokampi taraṇavārena na vaṭṭatī kira nikkhamitvā pavisitūṃ.

1. Nirantarāyā (Ka)

Agāmake araññeti agāmalakkhaṇe araññeti attho. Iminā āpattikhettam dassitam. Yasmā idam āpattikhettam, tasmā yā bhikkhunupassayato gāmassa indakhīlam atikkamati, sā asante gāme gaṇamhā ohīyanāpattim āpajjati. Dassanasavanūpacārābhāvepi pageva gāme indakhīlātikkamanakkhaṇeyeva āpajjati. Sace tattha ekā bhikkhunī atthi, tassā dassanasavanūpacārātikkamanakkhaṇe āpajjati, araññamaggagamanakāle evāyam vidhīti na gahetabbam. Gāmato pana nikkhamantī ito paṭṭhāya āpajjatīti dassanattham “agāmakam araññan”ti vuttam. Vuttañhetam “ārādhikā ca honti saṅgāhikā lajjiniyo, tā kopetvā aññattha na gantabbam. Gacchati ce, gāmantaranaḍipārarattivippavāsagaṇamhā ohīyanāpattīhi na muccati”ti-ādi. Tattha “gaṇamhā ohīyanāpatti sakim yevāpajjati. Itarā gāme gāme pāre pāre aruṇe aruṇe cāti vedītabban”ti vuttam. Tattha “vuttañhetan”ti-ādini asādhakāni yathāsambhavam gahetabbatā. “**Mahābodhiyaṅgaṇanti**”-ādi evam gāmassa āsannaṭṭhānepi imam āpattim āpajjatīti dassanattham vuttan”ti likhitam.

Tatīyasamghādisesasikkhāpadavaṇṇanā niṭṭhitā.

4. Catutthasamghādisesasikkhāpadavaṇṇanā

694. **Paṭivattāti** paṭivacanam denti. **Kammadosanti** “anaññāya gaṇassa chandanti evamādi”ti likhitam. Kattabbaṭṭhānadosanti porāṇā. **Kāraḡaṇassāti** kāraḡasamghassa. “Bhikkhunīsamgham sannipātetvā”ti vuttatā kāraḡasamghopi ayamevāti ce? Paṭhamameva kāraḡasamgham na āmantetvā balakkārenāyam thullanandā tam bhikkhunim osāresi”ti **porāṇagaṇṭhipade** vuttam, tasmā kāraḡabhikkhūnam sammukhāpi tesam anumatiṃ paṭhamam aggahetvā tam kammam na paṭippassambhetabbanti siddham hoti, paṭippassaddham balakkārena na kātabbamevāti adhippāyo. “Bhikkhunīpi diṭṭhāvīkammam kātum labhati”ti ca tattha vuttam.

698. **Asante kammakāraḡasamghe osāreti, anāpattīti** ettha kittāvatā asanto nāma hotīti? Idam sabbattha na vicāritam.

Kārakānaṃ kālakiriyāyāti eke. Ekassapi abhāvenāti eke. Ekasmim rajjeti eke. Ekaratṭheti eke. Ekagāmeti eke. Ekasmim āvāseti eke. Yattha sakkā apaloketunti eke. Anto-addhajojaneti eke. Tattha tasmim āvāse asante kārakasaṃghe osāreti, anāpattīti idaṃ pasamsanti ācariyā. Yattha sakkā apaloketunti sāmīci.

Catutthasaṃghādisesasikkhāpadavaṇṇanā niṭṭhitā.

5. Pañcamasaṃghādisesasikkhāpadavaṇṇanā

701. **Etaṃ na vuttanti** bhikkhuniyā avassutabhāvo daṭṭhabboti etaṃ niyamaṇaṃ na vuttaṃ. Taṃ avacaṇaṃ pāḷiyā sameti. Katarapāḷiyāti? “Anavassutoti jānanti paṭiggaṇhātī”ti imāya. Yadi hi puggalassa avassutabhāvo na pamāṇaṃ, kiṃ imāya pāḷiyā payojanaṃ, “anāpatti ubho anavassutā honti, anavassutā paṭiggaṇhātī”ti ettakameva vattabbaṃ siyā. Attano hi anavassutabhāvoyeva pamāṇanti. Imassa pana anāpattivārassa ayamatto—ubho ce anavassutā, sabbathāpi anāpatti. Atha bhikkhunī anavassutā samānā avassutampi “anavassuto”ti saññāya tassa hatthato paṭiggaṇhātī, evampi anāpattīti. Atha sā anavassutāpi aññaṃ anavassutaṃ vā avassutaṃ vā “avassuto”ti jānāti, dukkaṭameva. Vuttaṇhetāṃ **anantarasikkhāpade** “kissa tvaṃ ayye na paṭiggaṇhāsīti. Avassuto ayyeti -pa- nāhaṃ avassutā”ti.

Pañcamasaṃghādisesasikkhāpadavaṇṇanā niṭṭhitā.

6. Chaṭṭhasaṃghādisesasikkhāpadavaṇṇanā

705. **Tenāti** tasmā. Yasmā uyyojikā na deti na paṭiggaṇhātī, tasmā paṭiggaho na vijjatīti attho. Itarissā paribhogapaccayā. “**Akusalacittan**”ti bāhullena vuttaṃ. “Vaṭṭatīti saññāya vadantiyāpi āpattī”ti vadanti.

Chaṭṭhasaṃghādisesasikkhāpadavaṇṇanā niṭṭhitā.

7. Sattamasamghādisesasikkhāpadavaṇṇanā

712-4. Kammavācato pubbe āpannāpattiyo na paṭippassambhanti. Ñattiyā dukkaṭathullaccayā paṭippassambhanti samghādisese patteti porāṇā. Tam “ajjhāpajjantiyā”ti **pāḷiyā** sameti. “Sutvā na vadanti”ti ettha sace jīvitabrahmacariyantarāyabhayā na vadanti, anāpatti. “Adhammakamme adhammakammasaññā āpatti dukkaṭassā”ti vuttattā “anāpatti asamanubhāsantiyā”ti samghādisesam sandhāya vuttam.

Sattamasamghādisesasikkhāpadavaṇṇanā niṭṭhitā.

8. Aṭṭhamasamghādisesasikkhāpadavaṇṇanā

715. **Paccākatāti** parājita. Kuladūsakasikkhāpadassa, imassa ca nidānamattameva nānākaraṇam. Vuttañhi tattha “tassa vacanassa paṭinissaggāya eva vacanīyo, na kuladūsanānivāraṇatthāyā”ti. Evam sante ubhopetā āpattiyo aññamaññam sabhāgatthā, tasmā idaṃ tassa anupaññattisadisam āpajjati, tato idaṃ niratthakameva āpajjatīti? Na evam daṭṭhabbam. Vatthuvisesato, kammavācāvisesato ca ubhinnaṃ nānākaraṇam.

Aṭṭhamasamghādisesasikkhāpadavaṇṇanā niṭṭhitā.

9. Navamasamghādisesasikkhāpadavaṇṇanā

723. “Kāyikavācasikena saṃsaggenā”ti pāṭhaseso.

Navamasamghādisesasikkhāpadavaṇṇanā niṭṭhitā.

Samghādisesakaṇḍavaṇṇanā niṭṭhitā.

3. Nissaggiyakaṇḍavaṇṇanā

1. Paṭhamanissaggiyapācittiyasikkhāpadavaṇṇanā

733. Paṭhamanissaggiyapācittiyasikkhāpadam uttānameva.

2. Dutyanissaggiyapācittiyasikkhāpadavaṇṇanā

740. Vatthusampattattā vā na tassā anāpannakāmatāya vā anāṇattikatāya vā akālacīvaramadaṃsu¹. **Yathādāne eva upanetabbanā**, na bhājetabbanā puggalikattāti adhippāyo. Atthato hi itarampi yathādāne eva upanetabbameva. **Gaṇṭhipade** pana “ayyāya dammīti evaṃ paṭiladdhanti nissaṭṭhapaṭiladdham. **Yathādāneti** dāyakehi pariccattavidhānena. **Upanetabbanti** akālacīvarabhāvena bhājetabbanti adhippāyo. Idha bhājāpitāya laddhacīvarameva nissaggiyam hoti, tam vinayakammaṃ katvāpi attanā na labhatī”ti likhitam. Yadi nissaṭṭhapaṭiladdham sandhāya idam vuttam siyā, “nissajjitabbanā saṃghassa vā gaṇassa vā puggalassa vā dadeyya, dadeyyum, ayyāya dammī”ti vuttattā tiṇipetāni padāni vattabbāni siyum, tasmā na kevalam nissaṭṭhapaṭiladdhameva yathādāne upanetabbanā, aññāhi bhikkhunīhi laddhakoṭṭhāsampi yathādāneyeva upanetabbanā.

741. “Akālacīvare kālacīvarasaññāya anāpattī”ti pana bhājanapaccayā āpajjitabbāpattim nāpajjatīti ettakameva dīpeti, na paṭiladdham, na yathādāne dātabbanti imamattham dīpeti. Lesena pana gaṇhāti ce, bhaṇḍagghena kāretabbā.

Dutyanissaggiyapācittiyasikkhāpadavaṇṇanā niṭṭhitā.

3. Tatiyanissaggiyapācittiyasikkhāpadavaṇṇanā

744. Sakasaññāya gahitattā pācittiyam, dukkaṭaṇca vuttam. Itarathā bhaṇḍagghena kāretabbam.

Tatiyanissaggiyapācittiyasikkhāpadavaṇṇanā niṭṭhitā.

1. Vatthusampattattā vā na -pa- anāṇattikatāya vā vadimsu (Ka)

4. Catutthanissaggiyapācittiyasikkhāpadavaṇṇanā

752. Lesena gahetukāmatā, aññassa viññussa viññāpanam, paṭilābhoti tīṇi aṅgāni, tasmā paṭhamam viññattam alabhitvā aññam tato unatarampi labheyya, nissaggiyameva aṅgasampattito. Esa nayo aññatthāpi.

Catutthanissaggiyapācittiyasikkhāpadavaṇṇanā niṭṭhitā.

5. Pañcamanissaggiyapācittiyasikkhāpadavaṇṇanā

753. “Telam gopetvā¹ sappimpi me attano kulagharā”ti kira pāṭho.

Pañcamanissaggiyapācittiyasikkhāpadavaṇṇanā niṭṭhitā.

6. Chaṭṭhanissaggiyapācittiyasikkhāpadavaṇṇanā

758-62. **Pāvārikassāti** dussavāṇijakassa. Yāya cetāpitam, tassā nissaggiyam, nissaṭṭhapaṭilābho ca. “Itarāsam pana jānitvā vassaggena pattakoṭṭhāsam sādiantīnampi na nissaggiyam, kevalam yathādāne eva tāhipi upanetabban”ti vadanti. “Nissaṭṭham paṭilabhitvāpi yathādāne upanetabban”ti vuttattā sesāhi gahitam suggahitan”ti vadanti. Ettha gilānāyapi na makkho.

Chaṭṭhanissaggiyapācittiyasikkhāpadavaṇṇanā niṭṭhitā.

7. Sattamanissaggiyapācittiyasikkhāpadavaṇṇanā

764. Sattame “sayam yācitenā”ti kiñcāpi avisesena vuttam. Tathāpi aññadatthikena attuddesikena saññācikenāti attho veditabbo. Ayamatto “bhikkhuniyo tena ca parikkhārena sayampi

1. Ṭhapetvā (Ṭṭha)

yācitvā bhesajjam cetāpetvā paribhuñjimsū”ti imissā pāḷiyā atthena saṃsanditvā veditabbo. Tassāyamattho—tena parikkhārena bhesajjam cetāpetvā ca-saddena saññācikena ca bhesajjam cetāpetvāti imamattham dīpento “sayampi yācitvā bhesajjam cetāpetvā”ti āha. Aññathā “tena parikkhārena bhesajjam cetāpetvā sayampi yācitvā paribhuñjimsū”ti iminā anukkamena pāḷi vattabbā siyā.

Padabhājane pana “saṃyācikenāti sayam yācitvā”ti tasseva padassa adhippāyamattam vuttam. Sā hi padabhājanadhammatā. “Saṃghikam lābham pariṇatan”ti-ādipadānam bhājane pana sā pākaṭā. Aññathā saṃyācikapadena ko añño atirekattho saṅghito siyā, so na dissatīti tadeva padaṃ nippayojanam, idaṅca sikkhāpadaṃ purimena ninnānākaraṇam siyā. Attano hi santakam yathākāmaṃ karaṇīyanti. Ettha ca saṅghassa yācanāya vasena ekato hutvā yācanāya laddham saṃyācikanti veditabham. Aññathā ito parena saṃyācika-saddena idam nibbisesam āpajjatīti “puggalikenā saṃyācikenā”ti idaṅca sikkhāpadaṃ visum na vattabham siyā idheva tena āpajjitabbāpattiyā saṅghitattā, na ca saṅghitā āpattidvayabhāvato. Missetvā cetāpitattā hi ekameva āpattīti ce? Na, saṃyācikapadassa nippayojanabhāvappasaṅgato, evam saṅghikamahājanikapuggalikāni missitvā cetāpane ekāpattibhāvappasaṅgato ca.

Sattamanissaggiyapācittiyasikkhāpadavaṇṇanā niṭṭhitā.

8. Aṭṭhamanissaggiyapācittiyasikkhāpadavaṇṇanā

769. **Gaṇassāti** ābhidhammikādigaṇassa, ūnacatuvaggassa ca.

Aṭṭhamanissaggiyapācittiyasikkhāpadavaṇṇanā niṭṭhitā.

9. Navamanissaggiyapācittiyasikkhāpadavaṇṇanā

774. **Saññācikenāti** gaṇayācanāya laddheneva, na aññena.

Navamanissaggiyapācittiyasikkhāpadavaṇṇanā niṭṭhitā.

10. Dasamanissaggiyapācittiyasikkhāpadavaṇṇanā

779. Dasame pana “yā pana bhikkhunī aññadatthikena parikkhārena aññuddisikena puggalikenā aññam cetāpeyya, nissaggiyam pācittiyam”ti evamvidhena bhavitabbam, “puggalikenā samyācikenā”ti iminā ekādasamena bhavitabbam siyā yathākkamena sambhavato. Kāmameva cetam aṭṭhuppattiyā abhāvato na vuttam, atthato pana gahetabbameva. Ettha pana samghagaṇapuggalānam pavāritaṭṭhāne, puggalasseva nātakaṭṭhāne ca anāpattichāyā dissati, idam sabbam amhākam takkānusāravaseneva vuttanti katvā na sārato daṭṭhabbam. Vicāretvā yathā niccalakāraṇam disvā yam vā vinayakkamakovidā anujānanti, tam tadeva gahetabbam. **Porāṇagaṇṭhipade** pana “āpadāsupi aññam garubhaṇḍameva cetāpetabbam, itaram na vaṭṭati, bhikkhussa pana vaṭṭatī”ti vuttam.

Dasamanissaggiyapācittiyasikkhāpadavaṇṇanā niṭṭhitā.

11. Ekādasamanissaggiyapācittiyasikkhāpadavaṇṇanā

784. “Dutiyavaggassa paṭhame”ti avatvā “ekādasame”ti idha vuttam. Kasmā? Bhikkhunivibhaṅge tiṃsakakaṇḍam patvā vaggakkamassa avuttatā. Yasmā pavāritaṭṭhāne viññatti nāma na paṭisedhetabbā, tasmā bhagavā aññātika-appavāritaṭṭhāne dhammanimantanavasena vadeyya “yenattho”ti vuttāya “catukkamsaparamam viññāpetabban”ti paricchedam dassetīti veditabbam. Aññathā “nidānena sikkhāpadam na sameti, sikkhāpadena ca anāpattivāro”ti ca “akataviññattiyā catukkamsaparamam viññāpetabban”ti ca aniṭṭham āpajjati, tasmā **mātikāṭṭhakathāyam** cetāpetabbanti ṭhapetvā sahadhammike ca nātakapavārite ca aññena kismiñcideva guṇena, parituṭṭhena ca vadeyya “yenattho”ti vuttassa “viññāpetabban”ti vuttanayena attho daṭṭhabbo. **Porāṇagaṇṭhipade** pana “idam paricchinnapavāraṇam sandhāya vuttam. Anāpatti nātakānam pavāritānanti pana sabbappakārena pavattam niccapavāraṇam sandhāya vuttam. Niccapavāraṇā nāma yadā yenattho, tadā tam vadeyyāthāti evam

pavattā. ‘Handa sītapāvuraṇan’ti dentānaṃ pana atirekacatukkaṃsampi
gahetum vaṭṭati”ti vuttaṃ. Ayameva nayo dasamepīti.

Ekādasamanissaggiyapācittiyasikkhāpadavaṇṇanā niṭṭhitā.

Bhikkhunīvibhaṅge tiṃsakavaṇṇanā niṭṭhitā.

Nissaggiyakaṇḍavaṇṇanā niṭṭhitā.

4. Pācittiyakaṇḍavaṇṇanā

1. Lasuṇavagga

1. Paṭhamalasūṇasikkhāpadavaṇṇanā

793-7. **Ahaṃ lasuṇenā**ti ettha “pavāremī”ti pāḷhaseso. **Badarasālavam** kira badaraphalāni sukkhāpetvā cuṇṇetvā kattabbā khādanīyavikati.

Paṭhamalasūṇasikkhāpadavaṇṇanā niṭṭhitā.

2. Dutiyasikkhāpadavaṇṇanā

800. **Samharāpeyyā**ti “samharati vā samharāpeti vā”ti padabhājanam veditabbanam. Kiñcāpi ettha āpattibhedo na dassito, tathāpi khurasanḍāsakattari-ādipariyesanaghamāsanādīsū pubbapayogesu dukkaṭam yujjati, yathā cettha, evam talaghātakādīmhi ca āpattibhedo pāḷiyam na vutto. Yathāsambhavam pana pubbapayogesu dukkaṭam sambhavati. Evam bhikkhussa ettha ca lasuṇe ca dukkaṭam. Idam kiriyākiriyanā porāṇā. Tattha “kiriyākiriyan”ti na vuttam.

Dutiyasikkhāpadavaṇṇanā niṭṭhitā.

802-6. Tatiyacatutthasikkhāpadam uttānatthameva.

5. Pañcamasikkhāpadavaṇṇanā

812. Pañcame udakasuddhipaccaye satipi phassasādiyane yathāvuttaparichede anāpatti. Tattha **dvinnam pabbānanti** “dvinnam aṅgulānam sahapavesane ekeka-aṅgulassa ekekaṃ pabbam katvā dve pabbā, ekaṅgulappavesane dvinnam

pabbānaṃ upari na vaṭṭatīti veditabbaṃ. **Mahāpaccariyampi** ayameva nayo dassito”ti likhitaṃ.

Pañcamasikkhāpadavaṇṇanā niṭṭhitā.

815. Chaṭṭhasikkhāpadaṃ uttānatthameva.

7. Sattamasikkhāpadavaṇṇanā

820-822. “Nagaraṃ atiharantī”ti pāṭho. “Nagaradvāre atiharantī”ti katthaci, tattha dvārenāti attho. Ayameva vā pāṭho. **Taṃ pubbāparaviruddhanti** “punapi vuttan”ti vuttaṃ vādaṃ sandhāya, na tato pubbe tattha vuttaṃ vādaṃ. Ettha “mātarampi viññāpetvāti vacanena virujjhatī”ti likhitaṃ, taṃ dullikhitaṃ. Na hi tena virodhaṃ sandhāya idaṃ vuttanti. Karaṇe ce pācittiyāṃ, kārāpanepi pācittiyeneva bhavitabbaṃ. Atha kārāpane dukkaṭaṃ, karaṇepi dukkaṭeneva bhavitabbaṃ. Na hi karaṇe vā kārāpane vā viseso atthi āpajjane satīti adhippāyo.

823. **Sampaṭicchitum vaṭṭatīti** appaṭikkhipitvā “sādhū”ti vattuṃ vaṭṭatīti adhippāyo. Na hi paṭiggahetuṃ vaṭṭati. Anāmāsattā **“āmakadhaññaṃ pana ñātakapavāritaṭṭhānepi na vaṭṭatī”**ti vuttaṃ. **Anugaṇṭhipade** pana “kappiyena laddhaṃ dhaññaṃ bhajjitvā bhuñjantiyā dukkaṭaṃ. Aparāṇepi eseva nayo”ti ca “anāpatti ābādhapaccayāti vacanato satta dhaññānapi anāmāsānīti siddhaṃ, teneva heṭṭhā **aṭṭhakathāyaṃ** dukkaṭavattumhi satta dhaññānapi gahitāni anāmāsānī”ti ca vuttāni. Āmāsāni kappiyavattūni ca yadi bhavyeyyūṃ, yathā ñātakapavārite sandhāya “aparaṇṇaṃ viññāpeti”ti avisesena vuttaṃ, evaṃ “anāpatti ñātakānaṃ pavāritānaṃ aññaassa atthāya viññāpeti, ummattikāya ādikammikāyā”ti vattabbaṃ. Yasmā dukkaṭavattuttā ca anāmāsattā ca mātarampi sattavidhaṃ dhaññaṃ viññāpetuṃ na vaṭṭati, tasmā tadatthadīpanattham satta vidhaṃ dhaññaṃ sandhāya “anāpatti ābādhapaccayā”ti vuttaṃ, yathā bhikkhuniyā ābādhapaccayā vaṭṭati, tathā

bhikkhussāpīti ca. Yathā vā pana bhikkhuniyā bhajjanādīni kārāpetum na vaṭṭati, evaṃ bhikkhussāpī. Vuttampi cetam **andhakatṭhakathāyam** “aññataro bālabhikkhu kappiyam ajānanto etadavoca ‘āmakadhaññaṃ sampaṭicchitum bhikkhūnaṃ na vaṭṭati. Etam dhaññaṃ bhajjitvā koṭṭetvā pacitvā yāgukhajjakam bhattañca dethā’ti, āṇāpakasseva bhikkhussa āpatti, sabbesaṃ anāpattī’ti. Tasmā “saṃghavārikānaṃ¹ dhaññaṃ koṭṭethā’ti ārāmikānaṃ vattuñca na vaṭṭati. “Divasaṃ paribbayaṃ gaṇhatha, taṇḍule sampādeṭha, tvaṃ ettake gaṇha, tvaṃ ettake’ti evamādīni pana vattum vaṭṭatīti ca. Yam pana “aviññattiyā labbhamānaṃ pana navakammatthāya sampaṭicchitum vaṭṭatī’ti vuttam, tampi heṭṭhā “imaṃ taḷākam khettaṃ vatthum vihārassa demā’ti vutte ‘sampaṭicchitum vaṭṭatī’ti vuttam nayaṃ sandhāya vuttattā suvuttameva. “Navakammatthāya dhaññaṃ demā’ti vutte “sādhū’ti vattabbaṃ. Yam pana heṭṭhā “tatha nissaggiyavatthum attano vā saṃghagaṇapuggalacetiyānaṃ vā atthāya sampaṭicchitum na vaṭṭati -pa-dukkatavattum sabbesampi atthāya sampaṭicchato dukkatamevā’ti vuttam, tampi suvuttameva. Kasmā? “Cetiyaṃ atthāya dhaññaṃ dātukāmomhi, tumhe bhante tadatthāya sampaṭicchathā’ti vutte paṭiggahetum akappiyattā. “Idaṃ pana tādisaṃ na hotī’ti ca vuttam. Sabbopāyaṃ **upatissattheravādo** kira. **Dhammasirithero** panevamāha “pubbepi navakammatthāya paṭiggaho na vārito, saṃghassatthāya paṭiggahitampi paṭiggāhakseva akappiyaṃ’ti.

Sattamasikkhāpadavaṇṇanā niṭṭhitā.

8. Atṭhamasikkhāpadavaṇṇanā

824. Porāṇā “**nibbiṭṭharājabhaṭo**”ti paṭhanti. Tassattho vāritabhattavetano rājabhaṭoti. “**Taññeva bhaṭapathanti** tamyeva bhattavetanaṃ”ti atthaṃ vadanti. **Ummukanti** alātaṃ.

826. Ettha chadditaṃ **kiriya**. Anolokanaṃ **akiriya**.

Atṭhamasikkhāpadavaṇṇanā niṭṭhitā.

1. Saṃghavārikānaṃ (Ka)

9. Navamasikkhāpadavaṇṇanā

832. “Sāmike apaloketvā chaḍḍetī”ti katthaci potthake natthi, katthaci atthi, atthibhāvova seyyo kiriyākiriyaṭṭā sikkhāpadassa. Idha khettapālakā, āramādigopakā ca **sāmikā** eva. “Saṅghassa khette, ārāme ca tattha kacavaram na chaḍḍetabbanti katikā ce natthi, bhikkhussa chaḍḍetum vaṭṭati saṅghapariyāpannattā, na bhikkhunīnaṃ. Tāsampi bhikkhunisaṅghasantake vuttanayena vaṭṭati, na tattha bhikkhussa, evaṃ santepi sārūppavaseneva kātabban”ti vuttam.

Navamasikkhāpadavaṇṇanā niṭṭhitā.

10. Dasamasikkhāpadavaṇṇanā

835. **Sādhukīlitagītaṃ vāti** ettha pāciṇṇagītampi sotum na vaṭṭati. “Gītupasañhitam pana dhammam sotum vaṭṭatīti **dighanikāyaṭṭhakathāyaṃ** vuttan”ti vuttam. **Porāṇagaṇṭhipade** pana “dhammagītampi na vaṭṭatī”ti vatvā “buddhassa gāyāma vādemāti vutte sampaṭicchitum na vaṭṭati, dukkaṭam hotī”ti vuttam, “pūjam karoma, jātakam vā vatthum vā desemāti vutte ‘sādhū’ti sampaṭicchitum vaṭṭatī”ti ca vuttam.

836. **Ekapayogo** nāma ekadivasāvalokanam. **Tesaṃyevāti** yesam naccam passati. “Bhikkhunī sayampi naccitum vā gāyitum vā vāditum vā na labhati”ti-ādi idha sikkhāpade natthi. Kasmā? Eḷakalomasamuṭṭhānattā. Yadi evam kasmā vuttanti ce? Suttānulomamahāpadesato. Yadi naccādīni passitum vā sotum vā na labhati, pageva attanā kātunti nayato labbhamānattā vuttam. Itarathā mahāpadesā niratthakā siyūm. Evamaññatthāpi nayo netabbo. “Samuṭṭhānampi idha vuttameva aggahetvā chasamuṭṭhānavasena gahetabban”ti likhitam. Tam “aññe¹ nacca, gāya, vādehī”ti vattum na labhatīti-ādivacīkammaṃ sandhāya likhitañce, tam sulikhitam eḷakalomasamuṭṭhāne vācāya abhāvato. “Sayampi naccitun”ti-ādikāyakammañce sandhāya likhitam, dullikhitam. Eḷakalomasamuṭṭhānañhi ekantato

1. Aññam (Ka)

kāyakammaṃ hoti, tasmā uddhaṭaṃ aggahetvā ādisaddena saṅgahitameva idha gahetabbanti. Etaṃ¹ eḷakalomasamuṭṭhānattāti ettha kāraṇavacane sutṭānulomamahāpadesatoti ettha pana uddhaṭaṃ gahetabbam, evaṃ yathālābhavasena taṃ likhitanti veditabbam.

“Āhaccabhāsitasikkhāpadavasena eḷakalomasamuṭṭhānan”ti vuttanti **upatissatthero**. “Eḷakalomasamuṭṭhānañce idaṃ sikkhāpadaṃ, āṇāpako mucceyya, na ca muccatī”ti vuttaṃ. Taṃ “kasmā”ti vutte **“sabba-aṭṭhakathāsu vuttan”**ti aṭṭhakathācariyo āhāti **dhammasiritthero**.

837. **Ārāme ṭhatvāti** na kevalaṃ ṭhatvā, tato gantvā pana sabbiriyāpathehipi labhati. **“Ārāme ṭhitāti** pana ārāmapariyāpannāti attho, itarathā nisinnāpi na labheyyā”ti likhitaṃ, taṃ sulikhitameva.

Dasamasikkhāpadavaṇṇanā niṭṭhitā.

Lasuṇavaggavaṇṇanā niṭṭhitā.

2. Andhakāravaggavaṇṇanā

1. Paṭhamasikkhāpadavaṇṇanā

839. “Divāpi andhakāraṃ atthi, tappatishedhanattham ‘rattandhakāre’ti vuttan”ti vadanti **porāṇā**. **Santiṭṭheyyāti** ettha ṭhānāpadesena catubbidhopi iriyāpatho saṅgahito, tasmā purisassa hatthapāse tena saddhim caṅkamanādiṃ karontiyā pācittiyameva. **“Sallapeyya vā”**ti kevalaṃ nidānavasena vuttaṃ visesābhāvato. “Sallapeyya vāti purisassa hatthapāse ṭhitā sallapati, āpatti pācittiyassā”ti hi vuttaṃ, taṃ na yuttanti eke. Kasmā? Yasmā tassa purisassa hatthapāse ṭhiteneva ekaṃ pācittiyam. Sallapanenapi aparampi ekaṃ āpajjati nāpajjati, kathaṃ paññayati? Aṅgasena. Imassa hi rattandhakāratā, purisassa hatthapāse ṭhānaṃ vā sallapanam vā, sahāyābhāvo, rahopekkhatāti imāni cattāri aṅgāni vuttāni. Tattha yadi ṭhānapaccayā ekā āpatti visum siyā,

tassā cattāri aṅgāni siyuṃ. Yadi sallapanapaccayā ekā, tassāpi pañca aṅgāni siyuṃ. Tasmā **mātikāṭṭhakathāyaṃ** “cattāri vā pañca vā aṅgāni”ti vattabbaṃ siyā, na ca vuttaṃ, tasmā sallapanapaccayā visuṃ natthīti. Atthiyeva, mātikāṭṭhakathāvacanañca tadatthamevāti eke. Kathaṃ? Sahuppattito dvinnaṃ āpattīnaṃ. Kiṃ vuttaṃ hoti? Sallapane sati ṭhānapaccayā āpajjitabbaṃ caturaṅgikaṃ, sallapanapaccayā āpajjitabbaṃ caturaṅgikanti dve pācittiyāni sahuppannāni ekato āpajjantīti. Idaṃ ayuttaṃ pālivirodhato. **Pāliyañhi** “sallapeyya vāti purisassa hatthapāse ṭhitā sallapati, āpatti pācittiyassā”ti vuttaṃ. Yadi dve siyuṃ, “āpatti dvinnaṃ pācittiyānaṃ”ti na vattabbatā siyāti. Ayaṃ nayo dutiyādīsupi yathāyogaṃ veditabbo. Ettha dutiyenāpi saddhiṃ yadi bhikkhuniyā rahopekhatā atthi, so ce puriso, na dutiyo, purisagaṇanāya āpattiyo. Atha dutiyā bhikkhunī hoti, tassā ca tena purisena saddhiṃ rahopekhatā atthi, sā ca bhikkhunī na dutiyā hoti. Ubhinnampi āpajjatīti eke, vicāretvā pana gahetabbaṃ. **Porāṇagaṇṭhipade** pana vuttaṃ “hatthapāse ṭhānena dukkaṭaṇ”ti, taṃ **pāliya** virujjhati. “Purisassa hatthapāse tiṭṭhati, āpatti pācittiyassā”ti hi pāli, kiṃ bahunā. Catutthasikkhāpade **mātikāṭṭhakathāyaṃ**¹ “santiṭṭhanādīsū tīṇi pācittiyāni”ti-ādivacanato vatthugaṇanāya āpatti veditabbā. “Aṅgāni cettha cattāri pañca vā”ti vattabbanti sannitṭhānaṃ.

Paṭhamasikkhāpadavaṇṇanā niṭṭhitā.

2-4. Du-ta-ca-sikkhāpadavaṇṇanā

842-46-50. Dutiyatatiyacatutthāni uttānāni. Sabbattha “sallapatīti yaṃ kiñci tiracchānakathaṃ kathetī”ti **porāṇagaṇṭhipade** vuttaṃ.

852. Catutthe panāyaṃ viseso—“ekenekā”ti paṭhamāṃ vuttatā dutiyikaṃ vā bhikkhunīnaṃ uyyojeyya, pācittiyaṃ na sambhavatīti ce? Sambhavati. Kasmā? Santiṭṭhanādittayamattāpekkhattā, tassa vacanassāpi vā aññāyapi rahopekhanassādasambhave sati ubhinnaṃ ekatthasambhavato ca sādhitametam.

1. Kaṅkhā-Ṭṭha 319 piṭṭhe.

“Hatthapāsāṃ vijahitvā santiṭṭhati vā sallapati vā”ti ettakameva vuttam. Kasmā “nikaṇṇikaṃ vā jappeti”ti na vuttam? Hatthapāsāṭikkame asambhavato. Tassa tatiyassa padassa pacchinnattā sambhavantampi “dutiyaṃ vā uyyojeti”ti na vuttam, tasmā atthato hatthapāsāṃ vijahitvā santiṭṭhati vā sallapati vā dutiyaṃ vā uyyojeti, āpatti dukkaṭassāti vuttam hoti. Esa nayo **yakkhena vāti**-ādīsupi. Tattha “hatthapāse”ti vā “hatthapāsāṃ vijahitvā”ti vā na vuttam ubhayattha dukkaṭattā. Anāpattivārepi asambhavato “nikaṇṇikaṃ vā jappeti”ti na vuttanti ce? Sambhavati sati karaṇīye nikaṇṇikaṃ vā jappeti sambhavato. Atha kasmā evam na vuttanti ce? Anavajjakathāyaṃ nikaṇṇikajappane payoanābhāvā, dhammakathāyampi udāyīm ārabha paṭisiddhattā ca.

Du-Ta-Ca-Sikkhāpadavaṇṇanā niṭṭhitā.

5. Pañcamasikkhāpadavaṇṇanā

856. “Kulaṃ nāma cattāri kulānī”ti vuttattā titthiyārāme kappati tassa kulavohārābhāvatoti eke. Titthiyānaṃ khattiyādipariyāpannattā na kappatīti eke. Tassa kappiyabhūmittā na yuttanti ce? Na, yathāvuttakhattiyādīnaṃ sambhavato. Tathāpi gocarakulaṃ idhādhīpetam. “Upacāro dvādasahattho”ti likhitam.

Pañcamasikkhāpadavaṇṇanā niṭṭhitā.

6. Chaṭṭhasikkhāpadavaṇṇanā

860. “Nisīdantiyā ekā, nipajjantiyā ekā”ti avatvā “**nisīditvā gacchantiyā**”ti-ādi na vattabam. Na hi gamanapaccayā esā āpattīti? Na, pariyoanādhīppāyavasena vuttattā. “Nisīditvā nipajjantiyā dve”ti vacanenapi gamanaṃ idha nādhīpetanti dassitam hoti, tathā “nipajjitvā nisīdantiyā dve”tipi vattabam. Yadi evam “tasmīm abhinipajjati, āpatti dvinnam pācittiyānaṃ”ti kasmā na vuttanti ce? Anisīditvāpi nipajjanasambhavato.

Nipajjanatthāya nisīditvā nipajjantiyā nipajjanakapayogattā ekā āpattīti keci.

Chaṭṭhasikkhāpadavaṇṇanā niṭṭhitā.

7. Sattamasikkhāpadavaṇṇanā

867. Anāpattivāre “dhuvapaññatte”ti na vuttaṃ “santharivā vā santharāpetvā vā”ti vuttattā. Idha chaṭṭhe vuttanayena pakatiyā paññatte abhinisīdati vā abhinipajjati vā, pācittiyameva. Aññattha dhuvapaññattaṃ. Idha vuttanayena santharivā vā santharāpetvā vā abhinisīdati vā abhinipajjati vā, pācittiyameva. Ubhayatthāpi pañcame vuttanayena anāpucchā pakkameyya, pācittiyameva, anāpattivāre mātikāyaṃ vuttakālato aññakālassa aparāmaṭṭhattāti no takkoti ācariyo. Apica atthāpattikāle āpajjati, no vikāleti-ādittike, atthāpatti rattim āpajjati, no divāti-ādittike ca **atthakathāyaṃ** idha pañcamachaṭṭhasattamasikkhāpadehi saṅgahitāpattīnaṃ aparāmaṭṭhattā yathāsambhavaṃ tividhakāle tividhametaṃ yojetvā dassetuṃ vaṭṭati eva mahāpadesanayānulomato.

Sattamasikkhāpadavaṇṇanā niṭṭhitā.

8. Atthamasikkhāpadavaṇṇanā

869. Atthame bhikkhussa dukkaṭaṃ sambhavati.

Atthamasikkhāpadavaṇṇanā niṭṭhitā.

9. Navamasikkhāpadavaṇṇanā

875-7. Duggāhasena vā suggāhasena vā yathāvuttanayena sapathakarāṇe āpattīti veditabbaṃ. Yasmā **mātikāyaṃ** “attānaṃ vā paraṃ vā”ti vuttaṃ, tasmā yā attānameva ārabha sapathaṃ kareyya, tassā

ekā. Paramevārabha tassā ekā. Ubhopi ārabha tassā dve āpattiyo sambhavanti. Tikacchedo panettha paramevārabha sapaṭhakaraṇaṃ sandhāya pavatto.

Navamasikkhāpadavaṇṇanā niṭṭhitā.

10. Dasamasikkhāpadavaṇṇanā

882. Dasame anāpattivāro rodanasseva, na vadhassa, tasmā ñātibyasanādīhi phuṭṭhāpi attānaṃ vadhati eva, na rodati, dukkaṭameva.

Dasamasikkhāpadavaṇṇanā niṭṭhitā.

Andhakāravaggavaṇṇanā niṭṭhitā.

3. Naggavaggavaṇṇanā

1-2. Paṭhamadutiyasikkhāpadavaṇṇanā

883. Naggavaggassa paṭhamadutiyāni uttānāni. Paṭhame ayam viseso— bhikkhussa tathā nhāyantassa dukkaṭaṃ aññatra jantāghara-udakapaṭicchādīhi. Na ca vigarahi tattha bhagavā attanāva ananuññātattā udakasāṭīkāyāti porāṇā. “Ekameva nivāsetvā, pārupitvā ca nahāyitum na vaṭṭati”ti **porāṇagaṇṭhipade** vuttam.

Paṭhamadutiyasikkhāpadavaṇṇanā niṭṭhitā.

3. Tatiyasikkhāpadavaṇṇanā

894. Tatiye antocatūhapañcāham dhuraṃ nikkhipantiyāpi āpatti eva. Liṅgaparivatte dhuraṃ nikkhipantiyā dukkaṭaṃ tikadukkaṭattā. “Sambahulāhi bhikkhunīhi saddhin’ti ettha catassopi sambahulā”ti **porāṇagaṇṭhipade** vuttam.

Tatiyasikkhāpadavaṇṇanā niṭṭhitā.

4. Catutthasikkhāpadavaṇṇanā

898. Catutthe **saṅghāṭicāranti** ettha saṅghāṭi-ādivasena adhiṭṭhitānamyevāyaṃ vidhi, netaṛāsaṃ kira. Tattha ticīvare eva viṭṭhāpavāsapaccayā nissaggiyaṃ. Antocīvarakālepi pañcāhikaṃ saṅghāṭicāraṃ atikkāmentiyā āpattiyeva. “Vinā etehi cīvarehi upasampadaṃ kātum na vaṭṭati”ti **porāṇaganṭhipade** vuttaṃ.

Catutthasikkhāpadavaṇṇanā niṭṭhitā.

5. Pañcamasikkhāpadavaṇṇanā

906. Pañcamassa anāpattivāre tāya vā avipavāsāyāti atthato labbhati.

Pañcamasikkhāpadavaṇṇanā niṭṭhitā.

907-911. Chaṭṭhasattamāni uttānāni.

8. Aṭṭhamasikkhāpadavaṇṇanā

916. **Sokajjhāyikā** nāma kira māyākārā. Vilumpakā bhaṇḍakāti ca porāṇā.

Aṭṭhamasikkhāpadavaṇṇanā niṭṭhitā.

9. Navamasikkhāpadavaṇṇanā

920. “Kathaṃ hi nāma atikkāmessati”ti vuttattā thullanandā cīvarakālasamayaṃ **āgamethāti** atikkamāpesīti siddhaṃ hoti.

Navamasikkhāpadavaṇṇanā niṭṭhitā.

10. Dasamasikkhāpadavaṇṇanā

927. Dasame **ekakulam etadavocunti** ettha kulam nāma tasmim manussā, tasmā bahuvacanam.

Dasamasikkhāpadavaṇṇanā niṭṭhitā.

Naggavaggavaṇṇanā niṭṭhitā.

4. Tuvattavaggavaṇṇanā

1. Paṭhamasikkhāpadavaṇṇanā

934-5. **Ekāya nipannāya aparā nipajjati, āpatti pācittiyassāti** “ubhinnampi paṭhamanipannāya anuṭṭhāpanā”ti vatvā ettha kiriyākiriyaṇi eke, taṃ aṭṭhakathāya virujjhati. “Kiriyaṇ”ti hi **aṭṭhakathāyaṃ** vuttam. Atha kassā āpattīti? Ubhinnampi nipajjanakiriyaṃ¹ paṭicca. Imassa anāpattivāre “vavatthānaṃ dassetvā”ti natthi, tasmā vavatthānaṃ katvā nipajjituṃ na vaṭṭatīti eke. Vipulatāre vaṭṭatīti eke. “Antaraṃ katvā nipajjituṃ vaṭṭatī”ti **porāṇagaṇṭhipade** likhitam.

Paṭhamasikkhāpadavaṇṇanā niṭṭhitā.

2. Dutiyasikkhāpadavaṇṇanā

940. **Vavatthānaṃ dassetvāti** ettha upari pārūpanampi majjhe obhogaṃ katvā ubhinnam antare otāreti, vaṭṭatīti eke. Vavatthānaṃca yathā ṭhāne na tiṭṭhati, tathā atikkamitvā tuvattentiyaṃ āpattiyevāti. “Kiriyaṇkiriyaṇ”ti ca **porāṇagaṇṭhipade** vuttam.

Dutiyasikkhāpadavaṇṇanā niṭṭhitā.

1. Nipajjanāpajjanakiriyaṃ (Ka)

3. Tatiyasikkhāpadavaṇṇanā

941. Attano sajjhāyanaṭṭhāne¹ ce vuḍḍhatarā āgacchati, pandanakāle vā, āpucchanakiccam natthi. Ekasmim ovarake āpucchitabbaṃ. “Atha ovarake mahātherī vasati, sammukhe itarā, āpucchitabbā tassā upacārattā”ti porānagaṇṭhipade vuttaṃ.

Tatiyasikkhāpadavaṇṇanā niṭṭhitā.

946-50. Catutthapañcamasikkhāpadaṃ uttānatthameva.

6. Chaṭṭhasikkhāpadavaṇṇanā

956. **Gahapati** nāma ṭhapetvā sahadhammike veditabbo, tasmā bhikkhunā vā sāmaṇerena vā ananulomikena saṃsaggena saṃsaṭṭhāpi na samanubhāsitaḥṭāti sambhavati eva.

Chaṭṭhasikkhāpadavaṇṇanā niṭṭhitā.

961-5. Sattama-aṭṭhama sikkhāpadaṃ uttānatthameva.

9. Navamasikkhāpadavaṇṇanā

969. **Ekindriyanti** kāyindriyeneva ekindriyaṃ, nigaṇṭhānaṃ acelakānaṃ mataṃ. Kāpilā pana “pañcindriyā”ti maññantā² evaṃ vadanti “sacekkhukattā alābumāluvādayo yattha ālambanaṃ, tattha gacchanti. Sasotakattā kadaliyo meghagajjitaṃ sutvā gabbhaṃ gaṇhanti. Saghānakattā panasādayo kuṇapagandhena phalanti. Sajivhakattā udakaṃ pivanti yena, sabbepi ‘pādapā’ti vuccanti. Sakāyapasādattā itthisamphassena asokarukkā pupphanti”ti. **Saṅghātanti** vināsaṃ.

1. Ajjhāyanaṭṭhāne (Ka)

2. Paññattā (Ka)

970. Idha ca vassacchedena dukkaṭaṃ. Paṭhamaṃ āvasitvā¹ pacchā cārikā caraṇapaccayā pācittiyāṃ āpajjatīti veditabbaṃ. Atha vassaṃ avasitvā carati, avassupagamanapaccayā dukkaṭaṃ āpajjati. **Porānagaṇṭhipade** pana “antosattāhe antovasse cārikaṃ carantiyā pācittiyāṃ. Sattāhakaraṇīyena pana vaṭṭati, bhikkhuno dukkaṭaṃ hotī”ti vuttaṃ.

972. **Kenaci ubbāḷhā**ti vassacchedakāraṇenāti no takkoti ācariyo. Kittāvata cārikā hotīti? Idam na sabbattha vicāritaṃ. Anantarasikkhāpade “antamaso chappañcayojanānipī”ti vuttattā so ca maññe heṭṭhimaparichedoti.

Navamasikkhāpadavaṇṇanā niṭṭhitā.

10. Dasamasikkhāpadavaṇṇanā

973. Dasame “āhundarikā”ti paṭhanti kira.

Dasamasikkhāpadavaṇṇanā niṭṭhitā.

Tuvaṭṭavaggavaṇṇanā niṭṭhitā.

5. Cittāgāravaggavaṇṇanā

1. Paṭhamasikkhāpadavaṇṇanā

978. **Kīlana-upavanaṃ** nāma kañcinagarassa nagarupavanaṃ viya daṭṭhabbaṃ. **Uyyānaṃ** nāma tattheva nandavana-uyyānaṃ viya daṭṭhabbaṃ. “Tattheva ṭhatvā² taṃ taṃ disābhāgaṃ viloketvā passantiyā pana pāṭekkā āpattiyo”ti pāḷho. Evaṃ vutte yaṃ pubbe vuttaṃ padaṃ “anuddharamānā”ti, taṃ ekasmiṃ yeva disābhāgeti siddhanti eke. Upacāro dve leḍḍupātoti ca.

Paṭhamasikkhāpadavaṇṇanā niṭṭhitā.

1. Āpajjitvā (Ka)

2. Tattheva ṭhatvāti pāḷho aṭṭhakathāyaṃ natthi.

2. Dutiyasikkhāpadavaṇṇanā

984. “Āharimehi vālehi”ti “asamhārimenā”ti ca duvidho pāṭho. “Visum katvā pacchā saddhim tehi vālehi”ti likhitam. Yathā tathā vālarūpe uṭṭhapetvā katapādam “pallaṅkan”ti vuccati anāpattivāre “asamhārimehi vālehi katham paribhuñjati”ti vacanābhāvato.

Dutiyasikkhāpadavaṇṇanā niṭṭhitā.

3. Tatiyasikkhāpadavaṇṇanā

988. “Ujjavujjveti hatthappasāraṇe”ti likhitam, tam na yuttam “yattakam hatthena añchitam hoti, tasmim takkamhi veṭṭhite ekāpatti”ti vacanato.

Tatiyasikkhāpadavaṇṇanā niṭṭhitā.

4. Catutthasikkhāpadavaṇṇanā

993. “Yāgupāneti yāgudāne”ti likhitam. **Porāṇagaṇṭhipade** “mātāpitūnam dātuṃ vaṭṭati”ti vuttam.

Catutthasikkhāpadavaṇṇanā niṭṭhitā.

994. Pañcamasikkhāpadam uttānatthameva.

6. Chaṭṭhasikkhāpadavaṇṇanā

1001. Chaṭṭhe bhikkhuvibhaṅge acelakasikkhāpadena ekaparicchedam. Idha agāriko viseso, tasmā “asādhāraṇan”ti vadanti.

Chaṭṭhasikkhāpadavaṇṇanā niṭṭhitā.

1003-8. Sattamaṭṭhamesu vattabbarṃ natthi.

9. Navamasikkhāpadavaṇṇanā

1015. “**Khīlanamantaṃ** dārusārakhīlaṃ mantetvā pathaviyaṃ pavesetvā māraṇamantaṃ. **Nāgamaṇḍalaṃ** nāma nāgarodhamantaṃ, piṭṭhādīhi vā parikkhepaṃ katvā tatha manusse pavesenti guttatthāyā”ti likhitaṃ.

Navamasikkhāpadavaṇṇanā niṭṭhitā.

1017. Dasamasikkhāpadaṃ uttānatthameva.

Cittāgāravaggavaṇṇanā niṭṭhitā.

6. Ārāmagaggavaṇṇanā

1021. Paṭhamasikkhāpadaṃ uttānatthameva.

2. Dutiyasikkhāpadavaṇṇanā

1030. Bhikkhunī ce bhikkhum akkosati, iminā sikkhāpadena pācittiyaṃ. Bhikkhunim ce akkosati, omasavādena āpajjati. Omasavāde sammukhāva ruhati, idha pana parammukhāpi.

Tatrāyaṃ vicāraṇā—bhikkhuvibhaṅge osamavādasikkhāpade bhikkhunī anupasampannaṭṭhāne tiṭṭhatīti katvā bhikkhunivibhaṅgepi omasavādasikkhāpade bhikkhu bhikkhuniyā anupasampannaṭṭhāne tiṭṭhatīti siddhaṃ. Idha ca anupasampannassa akkosane dukkaṭaṃ vuttaṃ, bhikkhussa upasampannassa akkosane pācittiyaṃ vuttaṃ, tasmā imāni dve sikkhāpadāni bhikkhumhi saṃsandiyamānāni aññamaññaṃ na samenti. Yathā samenti, tathā jānitabbaṃ. Tatha **porāṇaganṭhipade** vuttanayena bhikkhunīnaṃ omasavādasikkhāpade anupasampannoti na gahetabbo, idamettha yuttaṃ. **Paribhāseyyāti** aññatra akkosavatthūti. Tesu hi aññatarasmim sati omasavādapācittiyamevāti eke, taṃ na

yuttaṃ. Omasavāde pālimuttaka-akkose hi dukkaṭaṃ hotīti. Dukkaṭokāse idaṃ pācittiyaṃ tehi niddiṭṭhaṃ hoti, tasmā “bālā etā”ti **pāliyaṃ** idha āgatapadānaṃyeva vasena paribhāsanāṃ veditabbaṃ.

Dutiyasikkhāpadavaṇṇanā niṭṭhitā.

1033. Tatiyasikkhāpadaṃ uttānatthameva.

4. Catutthasikkhāpadavaṇṇanā

1038. **Nimantitā vā pavāritā vā**ti ettha **porāṇagaṇṭhipade** tāva evaṃ vuttaṃ “pavāritāpi yāguṃ pātuṃ labhati, bhojjayāguṃ na labhati. Yāgu panettha khādanīyabhojanīyasaṅkhyāṃ na gacchati. Nimantitā bhikkhunī piṇḍāya caritvā bhuñjitukāmā sāmike apaloketvāva bhuñjituṃ labhati. Paramparabhojanāpatti bhikkhunīnaṃ natthi. Nimantitā taṃ bhattaṃ bhuñjitvā vā abhuñjitvā vā pavāritā kappiyaṃ kārapetvā bhuñjituṃ na labhati, akappiyanimantanena nimantiyamānā dve nimantanāni sampañcchi tuñca na labhati”ti. Tattha “pavāritāpi yāguṃ pātuṃ labhati”ti vuttaṃ pāliyaṃ, aṭṭhakathāyañca anuññātattā. “Nimantitā appavāritā yāguṃ pivatī”ti hi **pāliyaṃ** vuttaṃ. Tatridaṃ sikkhāpadavaṇṇanāpubbaṅgamasanniṭṭhānaṃ—nimantitā vā pavāritā vāti ettha vāsaddena akappiyanimantanena nimantitā appavāritā ṭhapetvā yāguṃ aññaṃ khādanīyaṃ vā bhojanīyaṃ vā khādeyya vā bhuñjeyya vā, pācittiyaṃ aññatra sāmikānaṃ apalokanā. Paramparabhojanābhāvena bhikkhunīnaṃ ko guṇo jātoti? Na etāsaṃ guṇalābho, kevalaṃ pākāṭataraṃ jātaṃ. Bhikkhūpi vikappetvā missetvāva bhuñjituṃ labhanti. Samaye yathāsukhaṃ labhanti. Iminā apalokanena kinti?¹ Pavāritā vā animantitā vā na kiñci kappiyaṃ kārapetvā gilānātirittampi labhanti, nimantitā ca pavāritā ca yāgumpi na labhanti, apaloketvāpi na labhanti.

Catutthasikkhāpadavaṇṇanā niṭṭhitā.

Ārāmaṃvaggavaṇṇanā niṭṭhitā.

7. Gabbhinivaggavaṇṇanā

1. Paṭhamādisikkhāpadavaṇṇanā

1067. “**Gabbhinin**”ti dassanādīhipi gabbhasambhavato vuttaṃ.
Padabhājanepi pavāritabhāvo na dissati.

1074. **Dhāti vāti** ettha dāraḥkaṃ sāmikānaṃ datvā āhaṭṭe vaḍḍheti, tathā māṭāpīti keci.

1080. “Sikkhamānan”ti pāṭhaṃ dīpavāsino rocenti kiriyākiriyaṭṭā, jambudīpavāsino “sikkhamānā”ti. Tassattho sikkhādhammānanato sikkhamānāti. Idha kiriyā na hoti, saññāva adhippetā. Na etāsu asikkhitā upasampādetabbā upajjhāyini-ādīnaṃ āpattibhāvā. “Tassā upasampadā hoti evā”ti vadanti.

1082. **Dhammakammeti** upasampadakkammaṃ adhippetam.

1112. **Vuṭṭhāpitan**ti sāmaṇeribhūmito yāya theriyā upasampadāpekkhā vuṭṭhapitā, sā therī vuṭṭhāpitā nāma, teneva puna visesanattham “**pavattinin**”ti āha.

Paṭhamādisikkhāpadavaṇṇanā niṭṭhitā.

Gabbhinivaggavaṇṇanā niṭṭhitā.

8. Kumāribhūtavaggavaṇṇanā

2. Dutiyādisikkhāpadavaṇṇanā

1124. “Anujānāmi bhikkhave aṭṭhārasavassāya kumāribhūtāya -pa-sikkhāsammutiṃ dātun”ti idha vuttaṃ viya “anujānāmi bhikkhave dasavassāya gihigatāya -pa- sikkhāsammutiṃ dātun”ti na vuttaṃ, tasmā “paripuṇṇadvādasavassāya eva gihigatāya sikkhāsammuti dātabbā”ti vuttaṃ. Gihigatāya sikkhāsammuti dātabbāti eketi katvā dasavassāyapi

vaṭṭati. Kasmā? “Anāpatti paripuṇṇadvādasavassam paripuṇṇasaññā vuṭṭhāpeti”¹ ca ‘anāpatti paripuṇṇadvādasavassam gihigatam -pa-sikkhitasikkham vuṭṭhāpeti’² ca vuttattā”³ti **porāṇagaṇṭhipade** vuttam. Kim iminā parihārena. “Dasavassāya gihigatāya sikkhāsammuti dātabbā”³ hi vuttam. “Gihigatātipi vattum na vaṭṭati”³ti sace vadanti, kammaṃ kuppatī”³ti likhitam.

1146. **Ahameva nūna -pa- alajjinī, yā saṃghoti** ettha yā ahameva nūna bālāti attho. “Yaṃ saṃgho”³tipi atthi, tatha yaṃ yasmā deti, tasmā ahameva nūna bālāti attho.

1159. Purisaṃsaṃsaṭṭhā kumārakasāṃsaṭṭhā caṇḍī sokāvāsāvakaṭṭham sikkhamānāti vuccati, **padabhājane** eva cāyaṃ sikkhamānā “chasa dhammesu sikkhitasikkhā”³ti kasmā vuttanti? Pubbe gahitasikkhattā, pubbe paripuṇṇasikkhattā ca evaṃ vuccatīti veditabbam.

1166-7. **Pahūtam khādanīyaṃ bhojanīyaṃ passitvāti** ettha “sikkhamānāya nātakā kira sampādayimsu, taṃ passitvā there bhikkhū uyyojesi. Uyyojetvā tesam chandam gahetvā pubbe chandadāyake gaṇam katvā sesanam chandam chandameva katvā kammaṃ kārapesi”³ti **porāṇagaṇṭhipade** vuttam. **Chandam vissajjetvāti** ettha **anugaṇṭhipade** evam vuttam “idaṃ kammaṃ ajja na kattabbam. ‘Yathāsukhan’³ti vatvā vissajjitam hoti, tasmā yo koci mukharo, bālo vā kiñcāpi ‘yathāsukhan’³ti vadati, therāyattattā pana therassa anumatiyā satiyā vissajjito hoti, asatiyā na hoti, tathāpi puna chandam gahetvāva kammaṃ karonti, ayam payogo. Gahaṇe payojanam pana natthi. Saṃghatthero ce vissajjeti, chandam gahetvāva kātabbam. **Chandam vissajjetvā kāyena vuṭṭhitāyāti** ettha idha sambādho, ‘amukamhi ṭhāne karissāmā’³ti hatthapāsam vijahitvāpi gacchanti ce, natthi doso. Kiñcāpi natthi, tā pana hatthapāsam avijahitvāva gacchanti, ayam payogo”³ti. “Rattipāriviāsiye uposathapavāraṇāva na vaṭṭati, aññakammaṃ pana vaṭṭati. Uposathapavāraṇāpi anuposathapavāraṇādivase na vaṭṭanti, itaram sabbakālam vaṭṭati.

1. Vi 2. 425 piṭṭhe.

2. Vi 2. 427 piṭṭhe.

3. Sikkhāsammutiṃ datvāti (?)

Parisapārivāsiye hatthapāsāṃ avijahitvā catūsu gatesu catuvaggakaraṇīye aññasmim pañcasu dasasu vīsātisu gatesu lesehi visum tahiṃ tahiṃ gantvāpi puna sannipātaṭṭhānaṃ āgantvā kātum vaṭṭati. Ajjhāsayaapārivāsiye hatthapāsāṃ avijahitvā yathānisinnāva nisinnā ce, puna kātum vaṭṭati hatthapāsassa avijahitattā”ti **porāṇaganṭhipade** vuttaṃ. Tesāṃ porāṇānaṃ matena chandapārivāsiyamevekaṃ na vaṭṭatīti āpannaṅgañca dassitaṃ, idhāpi taṃ visum na dassitaṃ asambhavatoti eke. Chandadāyake parisāṃ patvā gate tassa pubbachandadānaṃ chandapārivāsiyanti no takkoti ācariyo.

Tatridaṃ sanniṭṭhānaṃ—parisapārivāsiye **aṭṭhakathāyaṃ** “aññatra gacchāmāti chandaṃ avissajjetvāva uṭṭhahanti -pa- kammaṃ kātum vaṭṭati”ti vuttavacane hatthapāse vijahanaṃ na paññāyati. Ettha pana kammappattānaṃ hatthapāsassa avijahanaṃ icchitabbanti katvā **porāṇaganṭhipade** vuttaṃ. Kiñcāpi na paññāyati, appaṭikkhittattā pana vaṭṭatīti ce? Na, paṭikkhittattā. Kathaṃ? Chando nāma kammappattesu bhikkhūsu ekasīmāya sannipatitesu āgacchati, nāsannipatitesu. Idha hi “chandaṃ avissajjetvā”ti ca “chandassa pana avissaṭṭhattā”ti ca vuttaṃ. “Ajjhāsayaṃ avissajjetvā”ti ca “ajjhāsayaṃ avissaṭṭhattā”ti ca na vuttaṃ, tasmā chandassa avissajjanaṃ kammappattānaṃ hatthapāsāvijahaneva hoti, na vijahanti siddhaṃ.

Hoti cettha—

“Yato āgamaṃ yassa, tadabhāvassa niggahe.

Tasmā sannipatitesu, bhikkhūsu tassa bhedato”ti.

Rattipārivāsiyachando viya rattipārivāsiyapārisuddhipīti tadanulomena vaṭṭati svātanāya chando vā pārisuddhi vā pavāraṇā vā, tāya kammaṃ kātum vaṭṭati. Uposathapavāraṇā pana¹ anuposathadivase na vaṭṭati, itaraṃ vaṭṭati. Pannarasi-uposathaṃ cātuddasiyaṃ kātum vaṭṭati khettattā. Na cātuddasi-uposathaṃ pannarasiyaṃ akhettattā anuposathadivasattā pāṭipadadivasattāti ekacce ācariyā, tasmā

1. Vaṭṭatīti uposathapavāraṇāpi (Ka)

tesaṃ matena cātuddasi-uposathaṃ tatiyaṃ, sattamaṃ vā pannarasiyaṃ kātuṃ na vaṭṭati. Yaṃ panettha vuttaṃ **aṭṭhakathāyaṃ** “sace cātuddasikaṃ uposathaṃ karissāmāti nisinnā, pannarasoti kātuṃ vaṭṭatī”ti. Tato “pannarasiyameva ‘cātuddasikaṃ uposathaṃ karissāmā’ti nisinnā punadivase attano taṃ uposathaṃ ‘pannaraso’ti kātuṃ vaṭṭatīti attho”ti evaṃ pariharanti, taṃ tesaṃ mataṃ “tathārūpapaccaye sati aññasmimpi cātuddase uposathaṃ kātuṃ vaṭṭatī”ti¹ iminā **mātikāṭṭhakathā**vacanena na sameti. Na hi tattha “aññasmimpi pannarase cātuddasikaṃ kātuṃ vaṭṭatī”ti vuttaṃ. Evaṃ santepi “Sakiṃ pakkhassa cātuddase vā pannarase vā”ti anuññādivase pariyaṇnattā channaṃ cātuddasikānaṃ pacchimā² pannarasī anuposathadivaso na hotīti siddhaṃ hoti. Kiñcāpi siddhaṃ, iminā pana “āvāsikānaṃ pannaraso, āgantukānaṃ cātuddaso, āgantukehi āvāsikānaṃ samasamehi vā appatarehi vā anuvattitabban”ti vacanamettha nīratthakaṃ hotīti vedītabbaṃ.

Dutiyādisikkhāpadavaṇṇanā niṭṭhitā.

Kumāribhūtavaggavaṇṇanā niṭṭhitā.

9. Chattupāhanavaggavaṇṇanā

11. Ekādasamādisikkhāpadavaṇṇanā

1214. **Upacāraṃ sandhāya kathitanti** “dvādasahattham upacāro”ti likhitam.

1221. **Suttante okāsaṃ kārāpetvā vinayaṃ vā abhidhammaṃ vā pucchatīti** ettha ca tiṇi piṭakāni attano attano nāmena vuttānīti katvā abhidhammo buddhena bhāsito evāti dīpitaṃ hoti.

1224-5-6. Thanō ca udaro ca **thanudarā**. “Samkaccikāya pamāṇaṃ tiriyaṃ diyaḍḍhahatthā”ti **porāṇagaṇṭhipade** vuttaṃ. “Aparikkhittassa gāmassa

1. Kaṅkhā-Ṭṭha 86 piṭṭhe.

2. Purimā (Ka)

upacāraṃ okkamantiyā”ti bahūsu potthakesu, saṅghādisesakaṇḍe viya “upacāraṃ atikkamantiyā”ti pāḥho appakesu, sova pāḥho. **Aṭṭhakathāyaṃ** “parikkhepaṃ atikkamantiyāti ekena pādena atikkante dukkaṭaṃ, dutiyena pācittiyāṃ. Upacārepi eseva nayo”ti vacanampi “upacāraṃ atikkamantiyā”ti pāḥhoti dīpetīti no takkoti ācariyo.

Ekādasamādisikkhāpadavaṇṇanā niṭṭhitā.

Chattupāhanavaggavaṇṇanā niṭṭhitā.

Nigamanavaṇṇanā

Giraggasamajjādīni “acittakāni lokavajjāni”ti vuttattā “naccan”ti vā “gandho”ti vā ajānitvāpi dassanena, vilimpanena vā āpajjanato vatthu-ajānanacittena **acittakāni**. “Naccan”ti vā “gandho”ti vā jānitvā passantiyā, vilimpantiyā ca akusalattā eva **lokavajjāni**. Corivuṭṭhāpanādīni “corī”ti-ādinā vatthum jānitvā karaṇe eva āpattisabbhāvato **sacittakāni**. Upasampadādīnaṃ ekantena akusalacitteneva akattabbattā **paṇṇattivajjāni**. “Idha sacittakācittakatā paṇṇattijānanājānanatāya aggahetvā vatthujānanājānanatāya gahetabbā”ti likhitaṃ. **Anugaṇṭhipade** pana “giraggasamajjādīni ‘acittakāni lokavajjāni’ti vuttattā ‘naccan’ti vā ‘saṅghāṇi’ti vā ‘gandho’ti vā tassa nāmasena ajānitvā māyākārassa māyāni sīsattḥi-ādīni paṭisaṅkhāya passantiyā, akkhamālādi-atthāya saṅghāṇim kaṭiyā bandhantiyā, sedagandham apanetvā buddhapūjaṃ karissāmi”ti uppanna cittaena gandham vilimpetvā nahāyantiyā ca āpattisabbhāvato nāmena saddhim nāmasena vā vatthussa ajānanacittena **acittakāni** nāma. Na andhakāre ‘kaṭisuttamidan’ti saññāya saṅghāṇim gahetvā kaṭiyam dhāraṇakāle, mattikāsaññāya ca gandham gahetvā vilimpanakāle āpattisabbhavato “acittakāni”ti vattabbāni. Tasmim kāle anāpatti, teneva saṅghāṇiyā asaṅghāṇisaññāvārepi ‘āpatti pācittiyassā’ti pāḥi na vuttā. Yathā ‘khetta-ābādhapaccayā, kaṭisuttakam dhāretī’ti vacanato vināpi akusalena saṅghāṇi-ādīni sakkā dhāretunti siddham, evam ābādhapaccayā vināpi akusalena na sakkā

suram pātunti siddham ‘anāpatti ābādhapaccayā majjam pivatī’ti pāliya
 abhāvato. Akusalena vinā madhupuṇṇamuṭṭhiyam pakkhittamajjassa
 ajjhoharaṇakālādīsu surāpānāpattim āpajjatīti ca siddham ‘majje amajjasaññī
 pivati, āpatti pācittiyassā’¹ vuttatā. Kim bahunā, kāmabhogasaññāya
 saddhim ‘saṅghāṇī’¹ti ca ‘gandho’¹ti ca jānitvā vinā anāpattikāraṇena
 dhārentiyā ekantākusalattā **lokavajjāni** nāma vuccanti. Iminā upāyena
 sesesupi nayo netabbo. Ettha surāpānādhikāre upatissattheravādo”¹ti vuttam.
 Asaṃkaccikasikkhāpade “aparikkhittassa gāmassa upacāram okkamantiyāti
 pāṭho”¹ti ca “paṇītabhojanaviññatti, acelakasikkhāpadaṃ, nimantitassa
 cārittāpajjanam, duṭṭhullappaṭicchādanam, ūnavīsativassupasampadam,
 mātugāmena saddhim saṃvidhāya addhānagamanam,
 rājantepurappavesanam, santam bhikkhum anāpucchā vikāle
 gāmappavesanam, nisīdanam, vassikasāṭikanti pāṭho”¹ti ca vuttam.

Nigamanavaṇṇanā niṭṭhitā.

Pācittiyakaṇḍavaṇṇanā niṭṭhitā.

Ubhatovibhaṅgaṭṭhakathāvaṇṇanā niṭṭhitā.

Mahāvaggavaṇṇanā

Namo tassa Bhagavato Arahato Sammāsambuddhassa.

1. Mahākhandhakavaṇṇanā

Bodhikathāvaṇṇanā

Yaṃ khandhake līnapadādibheda-pakāsanāṃ dāni supattakālaṃ.
Tasmā apubbaṃ vinayatthameva, vakkhāmi saṅkhepagahaṇatthaṃ.

Tattha kenatthenāyaṃ khandhakoti? Khandhānaṃ samūhattā vibhaṅgo viya. Te pana kathanti? Khandhānaṃ pakāsanato dīpanato. **Khandhā**ti cettha pabbajjādivinayakammasaṅkhātā, cārittavārittasikkhāpadasaṅkhātā ca paññattiyo adhippetā. Pabbajjādīni hi bhagavatā paññattattā “paññattiyo”ti vuccanti. Paññattiyañca **khandha**-saddo dissati “dārukhandho aggikkhandho udakakkhandho”ti-ādīsu viya. Tesāṃ paññattisaṅkhātānaṃ khandhānaṃ pakāsanato vaṇṇanato pabbajjakkhandhakādayo vīsati “khandhakā”ti vuttā, avasāne dve taṃsadisattā velāya sadisattā sīlassa velāti vacanaṃ viya. Apica bhāgarāsattatāpettha yujjate tesāṃ paññattīnaṃ bhāgato ca rāsito ca vibhattattā. Kiṃ panetesāṃ khandhakānaṃ anupubbakāraṇanti? Nāyaṃ pucchā sambhavati, aññathā vuttēsupi tappasaṅgānatikkamanato. Atha vā pabbajjupasampadāpubbaṅgamattā sāsanappavesanassa tadatthasaṅgahako **mahākhandhako** paṭhamaṃ vutto. Kenāti ce? Dhammasaṅgāhakattherehi. Bhagavatā pana tattha tattha uppannavatthum paṭicca tathā tathā vuttāni, na iminā anukkamena. Therā pana taṃ taṃ payojanaṃ paṭicca samānajātike ekajjhaṃ katvā anukkamena sajjhāyimsu. Sesānaṃ payojanaṃ tattha tattheva āvi bhavissati.

Khandhakovidāti paññattibhāgarāsaṭṭhena nesaṃ khandhatthakovidā, niruttipaṭisambhidāpārappattāti attho. Tesāṃ anuttānatthānaṃ padānaṃ samvaṇṇanā. Kasmā panevaṃ visesitanti? Tato sesabhāgā yuttā.

Mātikāṭṭhuppattiggahaṇampettha padabhājanīyaggahaṇeneva veditabbaṃ. Yehi atthā yesaṃ padavisesānaṃ aṭṭhakathāyaṃ pakāsītā, tesāṃ te padavisesa puna idha vadeyyāma, vaṇṇanāya pariyoṣānaṃ kadā bhava te te attheti vuttaṃ, taṃ tassa niddesena yujjati. Uttānā ceva yā pāḷi, tassā saṃvaṇṇanāya kinti vattabbaṃ? Na hi atthā uttānāti sambhavati. Adhippāyānusandhīhīti-ādivacanehipi taṃ vacanaṃ sambhavatīti ce? Na, atthaggaṇeṇa cettha padavisesānaṃ gahitattā. Te hi atthato anapetatthēna, abhidhānatthēna vā atthopacāreṇa vā atthāti veditabbā. **Samvaṇṇanāyoti** saṃvaṇṇanā nāma avuttēsu uhāpohakkamanidassanato “nayo”ti vutto.

1. **Uruvelāti** yathāvuttavālikarāsivasena laddhanāmako gāmo, tasmā samīpatthe etaṃ bhummaṃ. Tathābhāvadassanattamaṃ “**najjā nerañjarāya tīre**”ti-ādi vuttaṃ. Aññathā tasmim vālikarāsīmhi viharatīti āpajjati, “uruvelaṃ piṇḍāya pāvisīti yena uruvelasenānigamo”ti-ādivacanavirodho ca. **Aṭṭhakathāyaṃ** pana mūlakāraṇameva dassitaṃ. Tattha **taṃ sandhāya vuttaṃ -pa- datṭhabboti** nigamanavacanaṃ. Taṃ kimatthanti ce? Gāmaṃ sandhāya yathāvuttapadatthasambhavadassanattamaṃ. “So pana gāmo tadupacāreṇa evaṃ nāmaṃ labhati”ti vacanaṃ pana avuttasiddhanti katvā na vuttanti veditabbaṃ, atha vā yassa “uruvelā”ti yathāvuttavālikarāsissa, tassa samīpagāmassapi nāmaṃ.¹ Tattha āyasmā **upālitthero** na idha gāmaṃ sandhāya¹ “uruvelāyaṃ viharatī”ti āha gocaragāmapayojanābhāvato. Na hi bhagavā taṃ gāmaṃ gocaraṃ katvā tadā tattha vihāsi, tasmā ettha vālikarāsissa samīpe bodhirukkhamūle vihāraṃ sandhāya so evamāhāti dassetukāmo aṭṭhakathācariyo evamāhāti veditabbaṃ, tasmā bhagavato gāmato dūratāre araññe abhisambodhidīpanena dutiyuppattitṭhānaniyamaṃ tīhi padehi akāsi theroti veditabbaṃ, aññathā padattayavacanapayojanābhāvato. Tattha nadantā gacchatīti nadi. Nelañjalāyāti vattabbe **la-kāra**ssa **ra-kāra**ṃ katvā “**nerañjarāya**”ti vuttaṃ, kaddamasevālavirahitattā niddosajalāyāti attho, nilajalāyāti tassā nāmaeva vā etaṃ.

1-1. Āyasmā upālitthero tassa samīpaṃ gāmaṃ sandhāya na idha (Ka)

Bodhirukkhamūleti ettha ca bodhi vuccati abhisambodho. So ca atthato bhagavato catutthamaggañāṇaṃ hoti “vimokkhantikametaṃ nāmaṃ”¹ paṭisambhidāvacaṇato. Kiñcāpi taṃ nāmakaraṇabhūtaṃ catutthaphalañāṇampi vattuṃ sambhavati, kattabbakiccānaṃ pana karaṇato taṃ catutthamaggañāṇameva ettha bodhīti veditabbaṃ. Teneva **pāliyaṃ** “tatiyavijjāya āsavānaṃ khayañāṇāyā”²ti tadeva dassitaṃ. **Aṭṭhakathāyaṃ** pana “bojjhaṅgā”³ti, “bodhipakkhiyā dhammā”⁴ti ca. Tattha yasmā catūsu maggesu ñāṇaṃ “bodhī”⁵ti vuccati, tasmā sāmaññato vattukāmatādhippāyavasena “bodhi vuccati catūsu maggesu ñāṇaṃ”⁶ti² vuttaṃ idhādhippetañāṇassapi tadantogadhattā. Atha vā **pāliyaṃ** bhagavato ādimaggattayavacaṇassa vuttaṭṭhānābhāvā catutthamaggañāṇameva bhagavato uppannaṃ, na bhagavā sotāpannādibhāvaṃ patvā buddho jātoti samayan tarappasaṅganivāraṇatthaṃ “catūsū”⁷ti vuttaṃ ādittayassa catutthapanissayasambhavena bodhipariyāyasiddhito. “Puggalopi senāsanampi upanissayapaccayena paccayo”⁸ti³ vacaṇato phalahetuko phalajanako rukkho phalarukkhoti viya bodhiheturukkho bodhirukkhoti veditabbo. Ettha “yasmā kevalaṃ bodhīti rukkhasapi nāmaṃ, tasmā bodhī”⁹ti parato vuttaṃ. Nigrodhādirukkhatto assa visesanavacaṇaṃ pana tadaññabodhimūlappasaṅganivāraṇatthaṃ. Maggañāṇaṃhi kusalamūlattā bodhi ca taṃ mūlañcāti saṅkhyāṃ labheyya. Paṭhamābhisambuddho nisīdatīti sambandho. Tena abhisambuddhadivasena saddhiṃ aṭṭhāhaṃ ekapallaṅkena nisinnabhāvaṃ dasseti. Ettha **eka**-saddo tassa nisajjāsāṅkhātassa pabbajjānuyogānurūpassa pallaṅkassa aññena iriyāpathena anantariyabhāvaṃ athassa akopitabhāvaṃ¹⁰ dasseti. **Vimuttisukhanti** ettha vimuttiyaṃ vā sukhanti na sambhavati. Pañcamajjhānikattā bhagavato phalasamāpattisaṅkhātā vimutti eva anujāṅhanaṭṭhena nibbānasukhanti vimuttisukhaṃ, taṃ samāpajjanena paṭisaṃvedī anubhavanto nisīdi. Veneyyakālānatikkamanato taṃ apekkhamāno nisīdi, na vimuttisukhasaṅgena.

Atha khoti adhiḱārantarārambhe nipātadvayaṃ. Tena vimuttisukhaṃ paṭisaṃvedayaṃāno na paṭiccasamuppādaṃ manasākāsi, kintu tato vuṭṭhāyāti

1. Khu 9. 172 piṭṭhe.

3. Abhi 8. 6 piṭṭhe.

2. Khu 8. 231 piṭṭhe.

4. Pabbajjākositabhāvaṃ (Ka)

dasseti. Paṭivedhavaseneva sumanasikatassa paṭiccasamuppādassa punappunam manasikaraṇam gambhīrattā assādaḥjananato, na apubbanayadassanādhippāyato. Paccakkhabhūtasabbadhammattā bhagavato asammohato, paṭividdhassa visayato vā manasikaraṇam pana vijitadesapaccavekkhaṇam viya rañño apubbam pītim¹ janeti. Vuttañhi “amānusi ratī hoti, sammā dhammam vipassato”²ti. **Rattiyā paṭhamam yāmanti** accantasamyogavasena upayogavacanam, tena tassa vikappanānattatam dasseti. Kiñcāpi “anulomapaṭilomam manasākāsī”³ti ekatova vuttam, tathāpi iminā anukkamenāti dassanattam “**avijjāpaccaya**”⁴ti-ādi. Tattha ca kiñcāpi pavattimattapaccavekkhaṇā adhippetā katham paññāyatīti? Paṭhamabhāvāya, paṭilomamanasikaraṇam pana anulome paccayānam, paccayuppannānañca tathābhāvasāadhanattam. Yasmā avijjāya eva nirodhā sañkhāranirodho, na aññathā, tasmā sañkhārānam avijjā paccayo, tassā ca sañkhārā phalanti dīpanato. Tathā nibbānapaccavekkhaṇāya anulomamanasikaraṇam kāraṇanirodhā phalanirodhasāadhanattam. Ettha ca anubhāvato nibbānam dassitam. Na hi tam avijjādinirodhamattanti. Tattha “yato khayam paccayānam avēdī”⁵ti vacanena anulomo nādhippetoti siddham. Maggapaccavekkhaṇāya vattabam natthi, ubhayatthapi kiccato, ārammaṇato ca tassa maggassa visayato ca tattha maggo dassito.

Tatthāha—“paṭiccasamuppādam paṭilomam manasākāsī”⁶ti na yujjati, na hi paṭilomāpadesena niddiṭṭham nibbānam paṭiccasamuppādo bhavitumarahatīti? Vuccate—na, tadatthajānanato. Anulomapaṭilomanti hi bhāvanapumsakam. Anulomato, paṭilomato ca tam paṭiccasamuppādam manasākāsīti hi tattha attho. Aññathā nirodhassa paṭilomappasaṅgāpattiyevāpajjati. Paṭilome ca panetasmim anukkamaniyamo anulome anukkamaniyamato siddhoti vedittabam. Evam sati paṭiccasamuppādassa paṭilomo nāma apaṭiccasamuppādoti siddham hoti. Tena vuttam **aṭṭhakathāyam “nirodho hotīti anuppādo hotī”**⁷ti-ādi. Evam sante pubbāparavirodho hoti. Katham? **Paṭiccāti** hi iminā phalassa paccayapariggahena, paccayānañca paccayāyattupagamanena tassa

1. Apubbampīti (Ka)

2. Khu 1. 67 piṭṭhe Dhammapade.

uppādābhimukhabhāvadīpanato asamuppādo na sambhavati, tasmā apaṭiccasamuppādoti evaṃ ubhayapaṭikkhepena panassa paṭilomatā veditabbāti eke. Taṃ ayuttam tassa anulomabhāvaniyamanato, atthātisayābhāvato, tasmā appaṭiccasamuppādo tassa paṭilomoti veditabbanā. Teneva bhagavatā **pāḷiyam** paccayapaccayuppannanirodho vutto. Tattha hi “avijjāya tveva asesavirāganirodhā”ti evaṃ paccayassa samucchinnapaccayabhāvavasena paccayanirodham, phalassa paccayapaṭiggahābhāvavasena paccayuppannanirodhañca dīpeti. Duvidho **pāḷiyam** nirodho atthato anuppādo nāma hotīti katvā **aṭṭhakathāyam** “nirodho hotīti anuppādo hotī”ti vuttam. Evaṃ sante nibbānam paccayapaccayuppannānam nirodhamattanti āpajjatīti ce? Na, tassānubhāvadīpanādhīppāyato. **Viditavelāyanti** manasikatavelāyanti attho, aññathā tato pubbe aviditappasaṅgato.

Jhāyatoti ettha kāmam lakkhaṇūpanijjhānena jhāyato bodhipakkhiyadhammā pātubhavanti, catu-ariyasaccadhammā vā pakāsanti, tathāpi pubbabhāge samathādiyānikavibhāgadassanattam ārammaṇūpanijjhānaggahaṇam. Catusaccadhammagahaṇam kāmam anulomapaṭiccasamuppādadassanādhikārena virujjhati, tathāpi “yo dukkham pariñānāti, so samudayam pajahatī”ti laddhivasena katanti veditabbanā.

2. **“Paccayakkhayassā”**ti kiccapariyāyavasena vuttam. Tena paccayanibbānam, tadupanissayanibbānañcāti duvidham nibbānam dassitam hotīti. Kāmañca tam na kevalam paccayakkhayamattam karoti, atha kho paccayuppannakkhayampi karoti. Yato ubhinnampi nirodho dassito, tathāpi hetunirodhā phalanirodhoti katvā “paccayakkhayassā”ti vuttam. **Vuttappakārā dhammāti** ettha catusaccaggahaṇam paṭhamagāthāyam vuttanayavipallāsena katanti veditabbanā.

3. **Samudayanirodhasaṅkhāto atthoti** ettha samudayo kiccavasena, nirodho ārammaṇakiriyāya. Etena dvippakārā nirodhā dassitā honti tassa anubhāvassa vasenāti attho. Yasmā pallaṅkābhujitaṭṭhānañca “pallaṅko”ti vuccati, tasmā phalādhigamaṭṭhānam “pallaṅkan”ti vuttam.

Ajapālakathāvaṇṇanā

4. **Sammodī**ti hitakāmatāya bhagavā tena brāhmaṇena saddhiṃ sammodi. **Vedehi antanti** ettha nibbānaṃ anto nāma. **Vedānaṃ vā antaṃ gatattā**ti ettha arahattaṃ¹. Tattha paṭhamena vedantaḡū yasmā, tasmā eva vusitabrahmacariyo. Dutiyena vedantaḡū yasmā, tasmā vusitabrahmacariyoti evaṃ yojanā kātabbā. Kiñcāpi brāhmaṇassa catusaccayuttaṃ atthato vuttaṃ, **udānagāthāyaṃ** vuttapaṭivedhābhāvaṃ sandhāya “dhammacakkappavattanaṃ”ti vuccatīti parihāro.

Ajapālakathāvaṇṇanā niṭṭhitā.

Mucalindakathāvaṇṇanā

5. Mucalindavatthumhi **etamatthanti** idāni vattabbamatthaṃ sandhāya vuttaṃ. **Taṃ vivekanti** upadhivivekaṃ. “Abyāpajjaṃ sukhaṃ loke”ti iminā paṭhamamaggaṃ dasseti tena sattesu māraṇavasena uppajjanakabyāpādappahānasiddhito. “Pāṇabhūtesu saṃyamo”ti iminā dutiyamaggaṃ dasseti. Maggī hi puggalo avasiṭṭhabyāpādatanuttavasena pāṇabhūtesu saṃyato hoti vihiṃsādhippāyābhāvato. Evaṃ cattāro hi maggā anukkamenāpi gahitā honti.

Mucalindakathāvaṇṇanā niṭṭhitā.

Rājāyatanakathāvaṇṇanā

6. **Rājāyatanam** pātali. “Catuddisā āgantvā”ti pāṭhaseso. Mukhavatṭiyam kirassa dinnānaṃ catunnampi lekhāparicchedo atthi, te vāṇijā devatāya gāravadassanena bhagavato rūpakāyadassanena pasannattā saraṇaṃ aggaheṣuṃ. Devatāya “bhagavā rājāyatanamūle paṭhamābhisambuddho”ti vacanaṃ sutvā sāvakaṣaṃghābhāvaṃ, abhisambuddhadhammasabbhāvaṃca jāniṃsūti veditabbaṃ. Jānantīti buddhāti sambandho.

Rājāyatanakathāvaṇṇanā niṭṭhitā.

Brahmayācanakathāvaṇṇanā

7. **Adhigato kho myāyanti**-ādimhi **dhammoti** catusaccadhammo, gambhīrattā **duddaso**. Duddasattā **duranubodho**. **Santoti** nibbuto. **Paṇītoti** atappako. Idam dvayaṃ lokuttarameva sandhāya vuttam. **Atakkāvacaroti** takkena ākāraparivitakkena ogāhitabbo na hoti, ñāṇeneva avacaritabboti attho. **Paṇḍitavedaniyoti** sammāpaṭipadam paṭipannehi paṇḍitehi vedaniyo. **Sabbasaṅkhārasamathoti**-ādi sabbam nibbānameva. Tañhi phalūpacārena ekampi samānam tathā tathā vuccati. **Rāmāti** pajā. Anu anu acchariyā **anacchariyā**. Tesam bhagavato pubbhāgapaṭipadam sutapubbānam, dhammassa vā gambhīrabhāvam adhigatapubbānam. Kiñcāpi bhagavato cattāropi maggā sukhappaṭipadā, tathāpi bodhisattapaṭipadam sandhāya “**kicchena me**”ti vuttam. “Pakāsitam pakāsitun”ti ubhayathāpi pāḥo. **Paretehi** yuttehi. **Rāgarattāti** kāmarāgadiṭṭhirāgehi rattā. Attaniccādigāhakā na dakkhanti na passissanti.

8. Sahaṃpati kira “nassati vata bho loko”ti imam saddam tathā nicchāreti, yathā dasasahasilokadhātubrahmāno sutvā sannipatiṃsu. Paññāmaye akkhimhi santānānusayitavasena appam parittam rāgādirajam etesam, evaṃsabhāvāti **apparajakkhājātikā**. **Assavanatāti** assavanatāya.

Samalehi satthārehi. **Apāpuretanti** vivara etam. **Amatassa dvāranti** ariyamaggaṃ, catusaccadhammam vā. Vijjattayacatumaggañāṇehi punappunam **buddham** paṭividdham. **Seleti** silāmaye. Vigatarajattā sukhadassanayogge ito ca etto ca āgantvā yathā ṭhito cakkhumā puriso samantato janatam passeyya. Tvampi **sumedha** sundarapañña sabbaññutaññādhigamāya **samantacakkhu**. Sabbakilesasaṅgāmānam vijitattā **vijitasāṅgāma**. Jātikantārādinittharaṇattham veneyyajanasatthavāhanasamatthatāya **satthavāha**. Kāmacchanda-iṇassa abhāvato **aṇaṇa**.

9. **Buddhacakkhunā** indriyaparopariyattañāṇena ca āsayānusayañāṇena ca. Imesañhi dvinnam ñāṇānam “buddhacakkhū”ti nāmam. **Uppaliniyanti** uppalavane. Evam

sesesupi. **Anto nimuggaposīnī**ti yāni anto nimuggāneva posiyanti, tattha yāni **udakaṃ accuggamma ʔhitāni**, tāni sūriyamaṃsisamphassaṃ āgamayamānāni ʔhitāni ajja pupphanakāni. Yāni **samodakaṃ ʔhitāni**, tāni sve pupphanakāni. Yāni udakānuggatāni, tāni tatiyadivase pupphanakāni. Udakā pana anuggatāni aññānīpi saroga-uppalādīni nāma honti. Yāni neva pupphissanti macchakacchapabhakkhāneva bhavissanti, tāni pāḷināruḷhāni, āharitvā pana dīpetabbāni. Etehi ugghaṭitaññū vipaṅcitaññū neyyo padaparamoti cattāro puggalā yojetabbā. **Paccabhāsīti** pati abhāsi.

Apārutāti vivaṭā. Pacchimassa padadvayassa ayamatto. Ahañhi attano paḅuṇaṃ suppavattampi imaṃ paṅṭitaṃ uttamaṃ dhammaṃ kāyavācākilamathasaññī hutvā nābhāsi.

Brahmayācanakathāvaṇṇanā niṭṭhitā.

Pañcavaggiyakathāvaṇṇanā

10. Idāni pana sabbo jano saddhābhājanaṃ upanetu, pūressāmi nesaṃ saṅkappanti. **Apparajakkhajātiko**ti samāpattiyā vikkhambhitakilesattā nikkilesajātiko. **Ājānissatī**ti ce na niṭṭhānamakāmsu dhammasaṅgāhakā te vinayakkamaññā, ahaṃ deseyyaṃ paṭivijjhissatīti adhippāyo, “muddhāpi tassa vipateyya”¹ti ettha viya abhūtaparikappo kireso. Loke tassa adhimuttabhāvadīpanatthañhi idaṃ vacanaṃ attano tadupadesena aviditabhāvadīpanatthaṃ. Tassa anantevāsikabhāvadīpanatthanti evamādīni panettha payoanāni. **Bhagavatopi kho ñāṇanti** sabbaññutaññānaṃ tassa maraṇārammaṇaṃ uppajji. Tena tato pubbe tassa sati dhammadesanāya khippaṃ jānanabhāvārammaṇanti dīpeti. Paropadesato ajānitvā paccakkhato maraṇasacchi kiriyampi dasseti. Buddhānampi anekaññāsamodhānābhāvato suvuttametam. Cittapubbikā hi cittappavatti, aññathā navasattapātubhāvappasaṅgo. Sabbadhammānaṃ ekato gahaṇe viruddhakālānaṃ

1. Am 3. 19; Vi 1. 2 piṭṭhesu.

ekato jānanappasaṅgo. Tato ekañāṇassa pitathabhāvappattidoso, tasmā sabbassa vinānekañāṇasamodhānaṃ āpajjitadhammesu appaṭihatañāṇavantattā pana sabbaññū eva bhagavāti veditabbaṃ, na sabbakālaṃ ekato. Āḷārādīnaṃ maraṇājānanatoti ce? Na, tassa jānana puthujjanassāpi sabbaññutāpattippasaṅgato. Yadābhāvena yadābhāvo tabbhāvena tassābhāvappasaṅgo loke siddhoti. “Bhagavatopi kho ñāṇaṃ udapādī”ti vacanato tassa maraṇājānanaṃ siddhanti katvā bhavaṃ mateneva bhagavā sabbaññūti siddhaṃ na devatārocanato pubbe ajānanatoti ce? Na, visesaṃ pariggahetvā antarā pajānato, devatāya sabbaññubhāvappattidosato ca. Na hi so kassaci vacanena aññāsīti.

Apica kimidaṃ tattha jānanaṃ nāma tadārammaṇañāṇupattīti ce? Na, loke sabbaññuno accantābhāvappasaṅgato. Sādhikā hi mayā ekañāṇakkhaṇe sabbam ñāṇaṃ, tadaññesaṅca tadaññāṇānupattīti. Apica sabbaññuno sabbadhammavisaye ñāṇapaccupaṭṭhānasiddhi tassa ñāṇassa attanāva attano avisayoti ce? Na, hetunidassanānupattīti. Apica “bhagavatopi kho ñāṇaṃ udapādī”ti ettha visesavacanaṃ atthi. Yena devatārocanuttarakālemeva bhagavato ñāṇaṃ udapādīti paññāyati. Na hi vacanapubbāpariyabhāvamattena tadatthapubbāpariyatā hoti, tasmā ayuttametam. **Abhidosa-kālaṃ katoti** paṭhamayāme kālaṃkato. “Majjhimayāme”tipi vadanti. Ubhayatthapi mahājāniyo. Sattadivasabbhantare, ekadivasabbhantare ca pattabbamaggaphalato parihīnattā mahatī jāni assāti **mahājāni**. Tesu hi dvīsu āḷāro ākiñcaññāyatanabhāve nibbato, udako bhavagge, tasmā nesaṃ dhammadesanāya akkhaṇe nibbattabhāvaṃ sandhāya bhagavā evaṃcintesi, na ito manussalokato cutibhāvaṃ sandhāyati veditabbaṃ. Abuddhaveneyyatañca sandhāyati no takko, aññathā aniṭṭhappasaṅgoti ācariyo.

Bodhisattassa jātakāle supinapaṭiggāhakā ceva lakkhaṇapariggāhakā ca aṭṭha brāhmaṇā. Tesu tayo dvidhā byākarimsu “imehi lakkhaṇehi samannāgato agāraṃ ajjhāvasanto rājā hoti cakkavatti, pabbajanto buddho”ti. Pañca brāhmaṇā “agāre na tiṭṭhati, buddhova hoti”ti ekamsabyākaraṇāva ahesuṃ. Tesu purimā tayo

yathāmantapāraṃ gatā. Ime pana mantapāraṃ atikkamantā attanā laddhaṃ puññamahattaṃ vissajjetvā bodhisattaṃ uddissa puretarameva pabbajimsu. Ime sandhāya vuttamā “**pañcavaggiyā**”ti. “Tesaṃ puttā”tipi vadanti, taṃ **aṭṭhakathāyaṃ** paṭikkhittaṃ. Kasmā panettha bhagavā “bahūpakārā kho me”ti cintesi. Kim upakāraṇaṃ eva esa dhammaṃ deseti, itaresaṃ na desetīti? No na deseti. Upakārānussaraṇamattakeneva vuttanti aṭṭhakathānayo. Attano kataññukatavedibhāvappakāsanatthaṃ, kataññutādipasaṃsanatthaṃ, paresaṃca kataññubhāvādiniyojanatthaṃ, khippajānanappasaṅganivāraṇatthaṃ.

11. **Antarā ca gayāṃ antarā ca bodhinti** gayāya ca bodhiyā ca majjhe tiḡvutantare ṭhāne. Bodhimaṇḍato hi gayā tiṇi gāvutāni. Bārāṇasinagaraṃ aṭṭhārasa yojanāni. Upako pana bodhimaṇḍassa ca gayāya ca antare bhagavantaṃ addasa. **Antarā**-saddena pana yuttattā upayogavacanaṃ kataṃ. Īdisesu ca ṭhānesu akkharacintakā ekameva antarāsaddaṃ payujjanti, so dutiyapadepe yojetabbo. Ayojyamāne pana upayogavacanaṃ na pāpuṇāti. Idha pana yojetvāva vuttoti.

Sabbābhibhūti sabbaṃ tebhūmakadhammaṃ abhibhavitvā ṭhito. **Taṇhakkhayeti** nibbāne. **Vimuttoti** ārammaṇato vimutto. **Natthi me paṭipuggaloti** mayhaṃ paṭipuggalo nāma natthi, asadisoti attho, mama sabbaññubhāve dosaṃ dassetvā loke ṭhātum asamatthatāya mama paccatthikapuggalo vā natthīti attho. **Āhañcharaṃ amatadundubhinti** dhammacakkhupaṭilābhāya amatabheriṃ paharissāmīti gacchāmi.

Arahasi anantajino bhavituṃ yutto tvanti attho. Idampi attano satthunāmaṃ. **Hupeyyāsīti** āvuso evampi nāma bhaveyya. **Pakkāmīti vaṅkahārajanapadaṃ** nāma agamāsi. Bhagavāpi “tatha tassa miḡaluddakassa dhītuyā cāpāya¹ ukkaṇṭhitvā puna āgantvā anāgāmī yaṃ bhavissati”ti upanissayasampattiṃ disvā tena saddhiṃ ālapi. So ca tathevāgantvā pabbajitvā anāgāmī hutvā anukkamena kālaṃ katvā avihesu uppajjitvā arahattaṃ pāpuṇi.

1. Chāvā Ma-Ṭṭha 2. 94 piṭṭhe (Syā), nāvā (Sī, Ka)

12. **Sanṭhapesunti** katikaṃ akaṃsu. **Padhānavibbhantoti** padhānato bhaṭṭho parihiṇo. “Abhijānātha nu bhāsitametan”ti, vācaṃ bhāsitamevan”ti ca evarūpaṃ kañci vacanabhedanā akāsīti adhippāyo. **Bhagavantāṃ sussesimsūti** bhagavato vacanaṃ sotukāmā ahesuṃ. **Aññāti** aññāya, jānitunti attho.

13. Atha kimatthaṃ āmantesiṭi? Tatopi suṭṭhutarāṃ paṭijānanatthaṃ, dhammassa abhibhāriyadullabhabhāvādīpanatthaṃ, akkharavikkhepanivāraṇatthaṃca. Tattha **dvemeti** antadvayavacanaṃ aññasampi tadantogadhabhāvato. Apica yojanāvasena. Taṇhā-avijjāti hi saṃsārappavattiyā sīsabhūtā dve kilesā. Te ca samathavipassanānaṃ paṭipakkhabhūtattā **antā** nāma. Tesu taṇhāvasena kāmasukhallikānuyogaṃ bhajanto samathaṃ parihāpeti bālo, tathā avijjāvasena attakilamathānuyogaṃ bhajanto gacchanto vipassananti na sakkā ubho dve ante appahāya amataṃ adhigantunti evaṃ vuttā. Apica līnuddhaccapahānadassanametaṃ. Līno hi nikkhattavīriyārambho kāmasukhaṃca bhajati, itaro accāraddhaviriyo attakilamathaṃ. Ubhopi te vīriyasamatāya paṭipakkhattā antā nāma. Apica tisso sāsane paṭipadā vuttā āgālhā, nijjhāmā, majjhimā ca. Tattha **āgālhā** “pāṇātipātī hoti, natthi kāmesu doso”ti evamādikā. **Nijjhāmā** “acelako hoti, muttācāro”ti evamādikā, **majjhimā** “ayameva ariyo aṭṭhaṅgiko maggo”ti evamādikā. Tattha kāmasukhallikānuyogo āgālhā nāma paṭipadā hoti sabbākusalamūlattā. Attakilamathānuyogo nijjhāmā nāma attajjhāpanato. Ubhopete majjhimāya paṭipadāya paṭipakkhabhūtattā antā nāma, tasmā imeva sandhāya dvemeti. Kimatthaṃ bhagavā “pabbajitena na sevitabbā”ti pabbajite eva adhikaroti, na gahaṭṭheti? Pabbajitānaṃ tadadhimmuttattā, sukhaparivajjanasamatthatāya, tadadhikatattā ca pabbajitā ettha adhikatā, na gahaṭṭhā. Yadi evaṃ kimatthaṃ kāmasukhallikānuyogamāha, nanu te pakatiyāpi kāmapariccāgaṃ katvā taṃ nissaraṇatthaṃ pabbajitāti? Na, tesāṃ antadvayanissitattā. Te hi idha loke kāmena visuddhimicchanti attakilamathānuyogamanuyuttā tasseva tapassa phalena pecca dibbe kāme āsisamānā dalhataram kāmasukhallikānuyogamanuyuttāti

veditabbā. Antattho pana idha kucchitaṭṭhena veditabbo “antamidam bhikkhave jivikānam, yadidam piṇḍolyan”ti-ādīsu¹ viya.

Yo cāyam kāmesu kāmasukhallikānuyogoti ettha **kāmesūti** vatthukāmo adhippeto, dutiyo kilesakāmo. Tam sampayuttasukhamettha kāmasukham nāma. Tena vipākasukhassa niravajjabhāvaṃ dīpetīti. **Allīyanam** nāma tadabhinandanā. **Anuyogo** nāma bhavantare tadanuyogapatthanā.

Hānabhāgiyakarattā kusalapakkhassa, hīnapuggalabhāvitattā, hīnadhātupabhavattā ca lāmakatṭhena **hīno**. Gāmanivāsīsattadhammattā **gammo**. Puthujjanasādhāraṇattā **pothujjaniko**. **Anariyoti** ariyānam anadhippetattā, ariyadhammapaṭipakkhattā, anariyakarattā, anariyadhammattā, anariyāciṇṇattā ca veditabbo.

Anatthasaṅkhātasamsārabhayāvahattā, anatthaphalanibbattakattā ca **anatthasaṅhito**. Attano kevalam khedūpagamo attakilamatho nāma. So diṭṭhigatapubbakattatapaṇukkamakiriyāvisesam nissāya pavattati, tassa diṭṭhivasena anuyogo **attakilamathānuyogo** nāma.

Attaviyogavittāparissamattā, anupāyapavattattā sampajjamāno migayonigoyonikukkurayonisūkarayonīsu pātāyati. Vipaccamāno narakam netīti anatthasaṅhito. **Ete tvāti** ete tu². **Tathāgatenāti** attānam avitathāgamanam āvi karoti, tenetam dasseti “na mayā parivitakkitamattena vitakkita, kintu mayā tathāgateneva satā abhisambodhiñāṇena abhisambuddho”ti. **Cakkhukaraṇīti**-ādīhi pana tameva paṭipadam thometi. Bhesajjam āturassa viya “cakkhukaraṇī”ti iminā ñāṇacakkhuvisodhanam vuttam. **Ñāṇakaraṇīti** iminā andhakāravidhamanam vuttam. **Upasamāyāti** kilesapariḷāhapaṭippassaddhi vuttā. **Abhiññāyāti** saccapaṭivedhanam vuttam. **Sambodhāyāti** saccapaṭivijjhanam vuttam. **Nibbānāyāti** sopādisesanibbānadhātuyā anupādisesanibbānadhātuyāti evam yathāsambhavam yojetvā kathetabbam.

14. Kasmā panettha bhagavā aññattha viya anupubbim katham akathetvā paṭhamameva asevitabbamantadvayam vatvā majjhimapaṭipadam desesīti? Attādimicchābhīmānanivāraṇattham, kummaggaṭipattinivāraṇatthañca antadvayavajjanam vatvā

1. Khu 1. 255 piṭṭhe Itivuttake; Saṃ 2. 76 piṭṭhe.

2. Ete kho (Pāliyam)

attano visesādhigamadīpananayena abāhullikādibhāvadassanattamā, tesañca majjhimaṭṭipadādīpanena tattha anuyojanattamā pacchā sammāṭṭipadamā desesi, tato tassa majjhimaṭṭipadāsāṅkhātassa ariyamaggassa visayadassanattamā catusaccadhammāṃ saṅkhepavittthāravasena desetukāmo “**idamā kho pana bhikkhave dukkhamā**”ti-ādimāha, ayamettha anusandhi. “Idamā dukkhamā ariyasaccanti me bhikkhave”ti-ādi suttānusandhipakāsanattamā ayamanukkamo veditabbo. Yathāvuttamā ṭṭipadamā sutvā kira koṇḍañño āha “kathamā bhagavatā vuttapaṭṭipadāya uppatti siyā. Ayañhi ṭṭipadā kilesānamā anuppattiyā sati sambhavati, na aññathā. Kilesānañca yadi lobhato uppatti khuppiṭṭāsānamā viya, tadāsevanāya anuppatti siyā, tadavatthussa vā tesamā uppatti. Tadavatthuviparītākāyakilamathāsevanāya anuppatti siyā. Ubhopetā bhagavatā ‘antā’ti vuttā, tasmā kathamā panetissāya sammāṭṭipadāya uppatti sambhaveyyā”ti. Bhagavā āha anupāyāsevanato. Kathanti ce?—

“Samsāramūlato ñāṇamā, tañca ñāṇā pahiyati.

Jivite sati tamā hoti, tañca jīvitasādhane.

Tasmā ñāṇāya medhāvī, rakkhe jīvitamattano.

Ñāṇasāadhanabhūtañca, silañca paripālaye¹.

Jīvitañca yathā loke, bhinne kāye na vijjati.

Tatheva bhinnasīlassa, natthi ñāṇassa sambhavo.

Tasmā āyuñca silañca, ñāṇattamā rakkhatā satā.

Sevitabbā na kāmāpi, nāpi kāyavināsanā.

Kāmesu gedhamupagamma hino gammañca,

Accuddhano kilamattamā gamupeti mūlho.

Yo majjhimamā ṭṭipadamā paramamā upeti,

So khippameva labhate paramamā vimokkhamā”ti.

1. Paripālayamā (Ka)

Sutvā tadetaṃ sugatassa vākyam,
Paññaṃ munī so sutajam labhitvā.
Cintāmayam nāṇa pavesamāno,
Ucchindayam pañhamimam apucchi.

Nibbedhapadaṭṭhānam pahāya ghoram,
Tapaṃ kathamivāti so tvaṃ.
Brūhi tadeva hoti bhikkhu cara,
Virāgamupayāti ca dukkhasaccassa.
Dassaneneva dukkhānubhavanā,
Tamhi dosassa paccayoti.

Sutvāva koṇḍañño munivacanam,
Vuṭṭhāya haṭṭho sahasā avoca.
“Udāhara tvaṃ bhagavā mametaṃ,
Bhikkhu yathā passati dukkhasaccan”ti.

Cintāmayissa paññāparipuṇṇā bhāvanāmayipaññāsampatti¹ jānitabbā imehi iti bhagavā suttamidamāhāti kira. Kasmā bhagavā koṇḍaññassa purimameva saccadesanam avaḍḍhetvā attano adhigatakkamamāhāti? Nāham kassaci āgamaṃ desemi, apica kho sayameva evamadhigatomhīti dassanattam. Tattha “pubbe ananussutesu dhammesū”ti iminā idam atthadvayam dasseti, na mayā ālārato, udakato vā ayam dhammo suto, kintu pubbe ananussutesveva nāṇam me udapādīti majjhimāya paṭipadāya ānubhāvam pakāseti. Apica yasmā evam paṭipanno vināpi paropadesena ariyasaccāni passati, tasmā katham tumheva mamāpadesena na passathāti.

15. **Cakkhūnti**-ādīni pañca padāni nāṇavevacanāneva. Nāṇaṇhi saccānam ālocanato cakkhubhūtatthajānanato **nāṇam**. Pakārehi jānanato **paññā**. Kilesavidāraṇato, vijjanato ca **vijjā**. Saccacchādakatamavināsanato, tesam gatikoṭipakāsanato **ālokoti** veditabham. Tattha paṭhamena parivattena saccānam aññamaññaṃ asaṅkarato

1. ...paññā sampati (Ka)

ṭhapanapaññaṃ dasseti, dutiyena tesam kattabbākāraparicchindanapaññaṃ, tatiyena saccesu ñāṇakiccasanniṭṭhānaṃ dasseti.

16. **Yāvakiṇṇācā**ti dvīhi padehi yāva-icceva vuttaṃ hoti “iti cittamaṇo”ti-ādi viya. Rāgādīhi akuppatāya **akuppā vimutti**. **Veyyākaraṇanti** dhammadesanā. Sā hi dhammānaṃ byākaraṇato pakāsanato “veyyākaraṇaṇ”ti vuccati. **Virajaṃ vītamalanti** ettha virajaṃ visamahetuvādivigamato. Vītamalaṃ ahetakavādivigamato. Virajaṃ sassatadiṭṭhippahānato. Vītamalaṃ ucchedadiṭṭhippahānato. Virajaṃ pariyaṭṭhānappahānato. Vītamalaṃ anusayappahānato. **Dhammacakkhanti** dhammamattadassanaṃ, na tattha satto vā jīvo vā kārako vā vedako vāti, tenevāha “**yaṃ kiñci samudayadhammaṃ, sabbantaṃ nirodhadhammaṃ**”ti. Idañhi tassa dhammacakkhussa uppatti-ākāradassanattaṃ vuttaṃ. Tañhi nirodhaṃ ārammaṇaṃ katvā kiccavasena eva saṅkhattaṃ paṭivijjhantaṃ uppajjati.

17. **Dhammacakkanti** ettha desanāññaṇaṃ adhippettaṃ, paṭivedhaññaṇaṇca labbhateva. Ettha kimattaṃ devā saddamaṇussāvesunti? Nānādiṭṭhigatandhakāraṇavidhamanato laddhālokattā, apāyabhayaśamatikkamaṇato assāsaṃ pattattā, devakāyavimānadassanaṇto pītipāmojjacalitattā cāti evamaḍḍinettha kāraṇāni vadanti. Pathavikampanamahāsaddapātubhāvo ca dhammatāvaseneva hotīti eke. Devatānaṃ kīḷitukāmatāya pathavikampo. Bahuno devasaṃghassa sannipātato, bhagavato sarīrapabhājālavisaṇṇanaṇto cāti ekacce.

18. Pabbajjupasampadāvīsesanti attho. Tattha **iti**-saddo tassa ehibhikkhūpasampadāpaṭilābhanimittavacanapariyosānadassano. Tadaṇvaṇo hi tassa bhikkhubhāvo. **Svākkhātō**-ādi “ehi”ti āmantaṇāya payoṇadassanaṇvacanaṃ. “Ehibhikkhū”ti bhagavā avoca “svākkhātō dhammo cara -pa- kiriyāyā”ti ca avocāti padasaṃbandho. Tattha **cara brahmacariyaṇti** avasiṭṭhaṃ maggattayabrahmacariyaṃ samadhigaccha. Kimattaṃ? Sammādukkhassantaṇkiriyāyāti attho. “Ehibhikkhū”ti imiṇā bhagavato vacanaṇa nipphannaṇtā kāraṇūpacāreṇa “**ehibhikkhūpasampadā**”ti vuttā. Sāva tassāyasmato yāvajīvaṃ upasampadā ahoṇīti attho. Tena tassā

upasampadāya sikkhāpaccakkhātādinā vicchedā vā tadaññāya upasampadāya kiccaṃ vā natthīti idamatthadvayaṃ **aṭṭhakathāyaṃ** dasseti. Aṭṭhannampi upasampadānaṃ ehibhikkhu-ovādapaṭiggahaṇapañhabyākaraṇagarudhammapaṭiggahaṇūpasampadānaṃ catunnaṃ aññatarāya upasampannassa antarā vicchedo vā tadaññūpasampadāya kiccaṃ vā natthi, itarassatthīti. Nikāyantarikā panāhu “buddhapaccekabuddhānaṃ niyāmokkantisāṅkhātāya upasampadāya ñatticatutthakammupasampadañca dasavaggapañcavaggakaraṇīyavasena dvidhā bhinditvā dasavidhopasampadā”ti. Kā panettha atthato upasampadā nāmāti? Tadadhigatakiriyaavasena nibbattiyā¹ asekkhā tadadhivāsanacetanāya paribhāvitapañcakkhandhikā ajjhattasantati. Kā panettha paribhāvanā nāma? Tabbipakkhadhammajjhācāraviruddhabhāvo, tassa pattiyā tāya paribhāvanāya vasena katthaci “**samannāgato**”ti vuccati. Yathāha “lobhena samannāgato bhikkhave abhabbo cattāri satipaṭṭhānāni bhāvetun”ti-ādī¹. Etthāhu nikāyantarikā “yathāvuttāya upasampadāya pattisāṅkhāto cittavippayutto saṅkhārakkhandhapariyāpanno dhammo atthi, tassa santativasena pubbāpariyaṃ uppajjamānassa yāva avicchedo, tāva upasampannoti, aññathā tato dhammantaruppattikkhaṇe tassa upasampannassa anupasampannabhāvappasaṅgo āpajjati”ti. Te vattabbā “suttam āharathā”ti. Te ce vadeyyum “yo tesam dasannaṃ asekkhānaṃ dhammānaṃ upādāya paṭilābhasamannāgamo ariyo hoti vippahīnoti evamādīni no suttāni”ti. Evaṃ sati asantadhammehi, parasattehi ca samannāgamadosappasaṅgo nesaṃ pāpuṇāti. Kim kāraṇaṃ? Suttasambhavato. Yathāha “rājā bhikkhave cakkavattī sattahi ratanehi samannāgato hoti”ti³ vitthāro. Vasibhāvo tattha samannāgatasaddena vutto. Tassahitesu ratanesu vasibhāvo kāmacāro atthīti ce? Ettha vasibhāvo samannāgamasaddena vutto, aññattha pattisāṅkhāto, taṃ dhammantaranti. Kimettha visesakāraṇaṃ? Natthi ca, tasmā yathāvuttalakkhaṇāva upasampadā. Ayameva nayo pabbajjādīsupi netabbo.

19. Kiñcāpi vappattherassa pāṭipadadivase -pa- Assajittherassa catutthiyanti evaṃ nānādivasesu pāṭekkaṃ dhammacakkuṃ udapādi, tathāpi

1. Tadadhigatakiriyaṃvisesanibbattiyā (Ka)

2. Gavesitabbaṃ.

3. Dī 3. 117 piṭṭhe atthato samānaṃ.

ovādasāmaññaena vappabhaddiyānaṃ, mahānāma-assajīnañcettha ekato vuttanti veditabbaṃ.

20. “Rūpaṃ bhikkhave anattā”ti kimatthaṃ āditova anattalakkhaṇaṃ dīpetīti? Tesāṃ puthujjanakālepi itaralakkhaṇadvayassa pākaṭattā. Te hi manāpānaṃ kāmānaṃ aniccatādassanena samviggā pabbajimsūti aniccalakkhaṇaṃ tāva nesaṃ ekadesena pākaṭaṃ, pabbajitānañca attakilamathānuyogato kāyikadukkhaṃ, tañca mānasassa paccayoti mānasikadukkhañca pākaṭaṃ, tasmā tadubhayaṃ vajjitvā anattalakkhaṇameva dīpetuṃ ārabhi. Tañca dīpento dukkhalakkhaṇeneva dīpetuṃ “**rūpañca hidam bhikkhave attā abhavissā**”ti-ādimāha. Kimatthanti? Aniccalakkhaṇatopi tesāṃ dukkhalakkhaṇassa suṭṭhutarāṃ pākaṭattā. Tesañhi attakilamathānuyogamanuyuttattā, tapparāyaṇabhāvato ca dukkhalakkhaṇaṃ suṭṭhu pākaṭaṃ, tasmā tena tāva suṭṭhu pākaṭena anattalakkhaṇaṃ dīpetvā puna tadeva tadubhayenāpi dīpetuṃ “taṃ kiṃmaññaṭha bhikkhave rūpaṃ niccaṃ vā aniccaṃ vā”ti vakkhati. **Kallaṃ nūti** yuttam nu. **Etam mamāti** taṇhāggāho. **Esohamasmīti** mānaggāho. **Eso me attāti** diṭṭhiggāho. Taṇhāggāho cettha aṭṭhasatatanṇhāvicaritavasena, mānaggāho navavidhamānavasena, diṭṭhiggāho dvāsaṭṭhidiṭṭhivasena veditabbo.

Pañcavaggiyakathāvaṇṇanā niṭṭhitā.

Pabbajjākathāvaṇṇanā

25. Yena samayena bhagavā pañcavaggiye pañcamiyaṃ arahatte patiṭṭhāpetvā sattamiyaṃ **nālakattherassa** nālakapaṭipadaṃ ācikkhitvā bhaddapadapuṇṇamāyaṃ yasassa indriyānaṃ paripakkabhāvaṃ ñatvā taṃ udikkhanto bārāṇasiyaṃ vihāsi, tena samayena yaso nāmāti sambandho. Tassa kira uppattito paṭṭhāya tassa kulassa kittisaddasaṅkhāto, parijanasaṅkhāto vā yaso visesato pavaḍḍhati. Tena tassa mātāpitaro evaṃ nāmamakamsu. “**Sukhumālo**”ti-ādi kimatthaṃ āyasmatā **upālitherena** vuttanti? Pacchimājanassa nekkhamme samussāhanajananatthaṃ. Evaṃ uttamabhogasamappitānampi uttamesu bhogesu

appamattakenāpi asubhanimittena vitajjetvā kālākālaṃ agañetvā vivekābhiratiyā mahantaṃ bhogakkhandhaṃ tiṇaṃ viya pahāya gehato nikkhamaṇā ahoṣi, kassa panaññassa na siyāti adhippāyo. **Samaṅgībhūta**sāti tehi ekattaṃ upagataṃ, avivittassāti attho. **Niddā okka**mīti manāpesupi visayesu pavattim nivāretvā tassa cittaṃ atikkamitvā abhibhavitvā attano vasaṃ upanesīti attho. **Sabbarattiyo cā**ti tayopi yāme. Tena parijanassa vikāradassane kāraṇaṃ dasseti. Ratti-saddo panettha kāle sūriyābhāve, yāme ca pavattatīti viññeyyo. Yāmevidha viññeyyo ticīvaravippavāse ca. **Kaccheti** kacchapasse. **Kaṇṭheti** kaṇṭhassa heṭṭhā. Mudiṅgassa hi upari kaṇṭhaṃ ṭhapetvā sayantiyā kaṇṭhe mudiṅgaṃ addasāti attho. **Ālambara**nti paṇavaṃ. Ubhatomukhassa tanukā dīghā. Vitthinnasamatalassa vādītassa etaṃ adhivacanaṃ. **Vippalapantiyoti** supinadassanādivasena asambandhapalāpaṃ vippalapantiyo. **Susānaṃ maññeti** susānaṃ viya addasa sakaṃ parijananti sambandho. **Ādīna**voti asubhabhāvo. **Nibbidāya cittaṃ saṅ**ṭhātīti vimuccitukāmatāsaṅkhātāya ukkaṅṭhāya cittaṃ namīti attho. **Udānaṃ udānesī**ti “ito paṭṭhāya imāhi itthihi saha nāhaṃ bhavissāmi”ti attamanavācaṃ nicchāresi. Dve kira ākāra tassa pamādasuttaparijanadassane pākaṭā jātā kilesānaṃ balavabhāvo, asubhākārassa ati-oḷārikabhāvo ca. Evaṃ sati oḷārikatare ca asubhākāre kilesavasenāyaṃ sabbopi loko ettha pīḷito mucchito. Aho kilesā balavatarāti hi passato passato tassa dvepi te ākāra pākaṭā jātā, yenevamavocāti.

“Suvaṇṇapādukāyo ārohitvā”ti etenassa nissaṅgatāya vissaṅṭhagamaṇaṃ dīpeti. So hi balavasaṃvegābhitunnahadayattā parijanassa pabodhe satipi attano gamaṇanivāraṇasamatthabhāvaṃ asahamāno attānaṃ takkento vissaṅṭho agamāsi. **Amanussā**ti devatā. Tā hi manussehi sugatipaṭivedhañāsaṅṭhānādiguṇasāmaññena “amanussā”ti vuccanti. Na hi asamāna-jātikā tiracchānādayo “abrāhmaṇā”ti vā “avasalā”ti vā vuccanti, kintu jātisabhāgatāya eva vasalādayo “abrāhmaṇā”ti vuccanti, evaṃ manussehi kenaci ākārena

sabhāgatāya devatā “amanussā”ti vuttā. Aññathā manussā na hontīti tiracchānagatāpi “amanussā”ti vattabbā bhavēyyum.

26. Vanagahanam disvā “samuttoham nagarato”ti pamuditattā bhagavato avidūre udānesi. **Idam kho yasāti** bhagavā nibbānam sandhāyāha. Tañhi taṇhādikilesehi anupaddutam, anupasaṭṭhatañca dassanamattenāpi assādajananato. **Dhammam desessāmīti** yena tam nibbānam idha nisinnamattova tvam adhigamissasīti adhippāyo. **Kirāti** assaddeyya-abyattiparihāsesu nipāto, idha abyattiyam. **Suvaṇṇapādūkāyo orohitvāti** ca suvaṇṇapādūkāhi otarivā. Nissakkatthe hi idam paccattavacanam. Tassa nisinnamattasseva aññam sammodaniyam katham akatvā anāmantetvā anupubbim katham kathesi. Suparipakkindriyattā, paṭivedhakkhaṇānatikkamanattham anupaddutānupasaṭṭhatānam pāpakadhammadesanābhimukhacittattā, seṭṭhissa gahapatino acirāgamanadassanato ca. Kimattham bhagavā tassa suṭṭhutam samvigghadayassa bhavato muccitukāmassa bhavābhavūpāyānisamsakatham paṭhamameva kathesīti? Sabbabhavādīnavadassanattham. So hi manussalokasseva upadduta-upasaṭṭhabhāvam addasa, na saggānanti kadāci saggalokam sukhato maññena. Tattha sukhasaññena nibbānābhimukham cittam peseyyāti saggānampi ādīnavam dassetukāmatāya anupubbim katham ārabhi. Ettha dānam, dānānisamsam, sīlānisamsañca kathento dānasīlakatham katheti nāma. Saggavaṇṇam kathento saggakatham katheti nāma. Tattha vatthukāmakilesakāmānam aniccatam, apasādatam, mahādīnavatañca kathento kāmānam ādīnavam, okāram, samkilesañca pakāseti. Nekkhamme tadabhāvato ca tamnissaraṇato ca tabbiparītam ānisamsam kathento nekkhamme ānisamsam pakāseti nāma. Tattha **okāranti** avakāram lāmakabhāvam. **Samkilesanti** samkilissanam bādhanam upatāpanam vāti attho. **Kallacittam** paññindriyassa ānubhāvena, ditṭhiyogavicikicchāyogānam paññindriyena vihatattā. **Muducittam** satindriyasamāyogena, vihimsāsārambhādikilesapavesam nivāretvā cittamudutādikusaladhammappavesanam karontam sahajātam cittam mudum karoti. Samādhindriyassa ānubhāvena **vinīvaraṇacittam**. Tañhi visesato nīvaraṇavipakkabhūtanti. Vīriyindriyavasena **udaggacittam**. Tañhi thinamiddhasaṅkhātālīnabhāvavipakkhanti. Saddhindriyassa

ānubhāvena **pasannacittam** tassa pasādalakkhaṇattā. **Sāmukkamsikā**ti etaṃ visayavasena desanam **upālitthero** pakāseti. Saccāni hi sāmukkamsikadesanāya visayāni. Aññathā dukkhādīni sāmukkamsikā dhammadesanāti āpajjati tassa vibhāvane saccānam niddiṭṭhattā.

27. **Catuddisā**ti catūsu disāsu. **Abhisankhahesī**ti abhisankhari. Kimatthanti ce? Ubhinnaṃ paṭilabhitabbavisesantarāyanisedhanattham. Yadi so puttam passeyya, puttassapi dhammacakkhupaṭilābho arahattuppatti, seṭṭhissapi dhammacakkhupaṭilābho na siyā. Diṭṭhasaccopi “dehi te mātuyā jīvitan”ti vadanto kimaññaṃ na kareyya. Yasopi taṃ vacanam sutvā arahāpi samāno sayam appaṭikkhipitvā bhagavantam ullokeno kimaññāya saṅghaheyya.

28. Ubhohipi pattabbavisesakoṭiyā pattattā bhagavā puna taṃ paṭippassambhesi. **Pubbe agārikabhū**toti tassa sotāpannakālam sandhāyāha. Sotāpanno hi agāramajjhe vasanārahattā agāriyabhūto nāma hoti apabbajito. Sampatipabbajito samāno agāramajjhavasana abhabbattā “agāriko”ti na vuccati, tasmā evamāha. Yassa diṭṭhoti sambandho, yena diṭṭhoti vuttam hoti. “Seyyathāpi pubbe agārikabhūto”ti vacanena laddhanayattā pacchā gahapati gihivesadhārimēva yasam sandhāyāha “yasena kulaputtana pacchāsamaṇenā”ti. Tattha **cara brahmacariyanti** ābhisamācārikasīlam brahmacariyam cara paripūrehi tāva, yāva sammādukkhassantakiriya, yāva cuticittāti adhippāyo. Liṅgabrahmacariyam sandhāyāti porāṇā, taṅca yuttam. Liṅgamattañhi sandhāya so āyasmā “labheyyāham bhante pabbajam upasampadan”ti āha.

Kimattham bhagavā yasassa mātu, pajāpatiyā ca bhattakiccam akatvāva dhammam desesīti? Yasassa pabbajjāya sokasallasamappitattā dānaṅca somanassikacittena na dadeyyuṃ, satthari ca domanassappattā hutvā maggapaṭivedhampi na labheyyunti bhagavā paṭhamam tāva tā vigatasokasallahadayāyo katvā puna bhattakiccam akāsi.

30. **Seṭṭhānuseṭṭhīnanti** anukkamaseṭṭhīnanti porāṇā. Seṭṭhino cānuseṭṭhino ca yāni kulāni, tāni seṭṭhānuseṭṭhāni kulāni,

tesaṃ seṭṭhānuseṭṭhīnaṃ kulānaṃ”ti likhitaṃ. **Dhammavinayoti** sāsanabrahmacariyaṃ pāvacaṇanti idha atthato eka. Atha vā dhammena vinayo, na daṇḍasatthehīti dhammavinayo, dhammāya vinayo, na hiṃsattanti vā dhammato vinayo, nāddhammatoti vā dhammo vinayo, nāddhammoti vā dhammānaṃ vinayo, na aññesanti vā dhammakāyattā, dhammasāmittā vā dhammo bhagavā, tassa dhammassa vinayo, na takkikāṇanti vā dhammavinayo. Samānādhikaraṇavasena vā dhammavinayo nīluppalaṃ viya, dhammo ca vinayo cāti dhammavinayo phalāphalaṃ viya napuṃsakamiti pulliṅgāpadesato assa liṅgabhāvo siddho, yassa vā dhammo vinayo, so dhammavinayo setapaṭo puriso viya, dhammena yutto vā vinayo dhammavinayo assaratho viyāti evamādinā nayena yojanā vedītabbā.

34. **“Khaṇḍasīmaṇnetvā”**ti bhaṇḍukammārocanapaṭiharaṇatthaṃ vuttaṃ. Tena “sabhikkhuke vihāre aññampi etassa kese chindā”ti vuttaṃ na vaṭṭatīti. **Pabbājetvāti** imassa adhippāyapakāsanatthaṃ **“kāśāyāni acchādetvā ehi”**ti vuttaṃ. Upajjhāyo ce kesamassu-oropanādīni akatvā pabbajattaṃ saraṇāni deti, na ruhati pabbajjā. Kammavācaṃ sāvetvā upasampādeti, ruhati upasampadā. Appattacīvarānaṃ upasampadāsiddhidassanato, kammavipattiyā abhāvato cetam yujjatevāti eke. Hoti cettha—

“Saliṅgasseva pabbajjā, viliṅgassāpi cetarā.

Apetapubbavesassa, taṃ dvayaṃ iti cāpare”ti.

Bhikkhunā hi sahatthena vā āṇattiyā vā dinnameva kāśāvaṃ vaṭṭati, adinnaṃ na vaṭṭatīti pana santesveva kāśāvesu, nāsantesu asambhavatoti tesaṃ adhippāyo. **Evañca pana bhikkhave pabbājetabbo upasampādetabbo. Paṭhamaṃ -pa- anujānāmi bhikkhave imehi tīhi saraṇagamanehi pabbajjāṃ upasampadanti** ettha iminā anukkamena dinnehi tīhi saraṇagamanehi pabbajjāṃ upasampadaṃ anujānāmi kevalehīti adhippāyadassanato—

Ādinnapubbaliṅgassa¹, naggassāpi dvayaṃ bhave.

Netarassāti no khanti, sabbapāṭhānulomatoti—

1. Āciṇṇapubbaliṅgassa (Ka)

ācariyo. **Ācariyena**¹ **adinnam na vaṭṭatī** ettha “pabbajjā na ruhatīti vadantī”ti likhitam. **Porāṇagaṇṭhipadeti** tatheva likhitam. Urādīni **ṭhānāni** nāma. Saṃvutādīni **karaṇāni** nāma. “Anunāsikantaṃ katvā ekasambandham katvā dānakāle antarā aṭṭhatvā vattabham. Vicchinditvā dānepi yathāvuttatṭhāne eva vicchedo, aññatra na vaṭṭatī”ti likhitam. Anunāsikante diyyamāne khalitvā “buddham saraṇam gacchāmī”ti makārena missībhūte khette otiṇṇattā vaṭṭatīti **upatissatthero**. Missam katvā vattum vaṭṭati, vacanakāle pana anunāsikaṭṭhāne vicchedam akatvā vattabbanti **dhammasiritthero**. “Evaṃ kammavācāyampī”ti vuttam. **Ubhatosuddhiyāva vaṭṭatīti** ettha mahāthero patitadantādikāraṇatāya acaturassam katvā vadati, byattasāmaṇero samīpe ṭhito pabbajjāpekkham byattam vadāpeti. Mahātherena avuttam vadāpetīti na vaṭṭati. Kammavācāya itaro bhikkhu ce vadati, vaṭṭatīti. Saṃgho hi kammaṃ karoti, na puggaloti. Na² nānāsīmapavattakammavācāsāmaññanayena paṭikkhipitabbatā. Atha therena caturassam vuttam pabbajjāpekkham vattum asakkontaṃ sāmaṇero sayam vatvā vadāpeti, ubhatosuddhi eva hoti therena vuttasseva vuttattā. Buddham saraṇam gacchanto asādhāraṇe buddhaguṇe, dhammam saraṇam gacchanto nibbānam, saṃgham saraṇam gacchanto sekkhadhammam, asekkhadhammañca saraṇam gacchatīti aggahitaggahaṇavasena yojanā kātabbā. Aññathā saraṇattayasāṅkaradoso. **Sabbamassa kappiyākappiyanti** dasasikkhāpadavinimuttam parāmāsāparāmāsādi. “Ābhisamācarikesu vinetabbo”ti vacanato sekhiya-upajjhāyavattādi-ābhisamācarikasīlamanena pūretabham. Tattha cārittassa akaraṇe vārittassa karaṇe daṇḍakammāraho hotīti dīpeti.

Pabbajjākathāvaṇṇanā niṭṭhitā.

Dutiyamārakathāvaṇṇanā

35. “Tena hetunā”ti vacanato **pāliyam** “yonisomanasikārāsammappadhānā”ti hetvatthe nissakkavacananti veditabham.

Dutiyamārakathāvaṇṇanā niṭṭhitā.

1. Bhikkhunā (Ṭṭha)

2. Katthaci natthi.

Uruvelapāṭihāriyakathāvaṇṇanā

37-8. **Vaseyyāmāti** “tvañca ahañca vaseyyāmā”ti piyavacanena tassa saṅgaṇhanatthaṃ vuttaṃ kira. **Tejasā tejanti** ānubhāvena ānubhāvaṃ. Tejodhātuyā vā tejodhātum. **Ubhinnam sajotibhūtānanti** anādaratthe sāmivacanam, bhāvasattamī-atthe vā. Agyāgārameva ādittam, na tattha vasanako sattajātiko. Acinteyyo hi iddhivisayo. Kasmā pana bhagavā agyāgārampi anādittam nādhiṭṭhāsīti? Attano dukkhuppādābhāvassa anativimhādibhāvappasaṅgato. Kimatthaṃ parasantakam mahāsambhārapavattam taṃ vināsetīti? Puna yathāporāṇam iddhānubhāvena kattukāmatādhippāyato. **Pariyādinnoti** khayam nīto. **Tejasā tejanti** ānubhāvena ānubhāvaṃ. Agyāgārassa parittattā itaro attho na sambhavati. Ayamatto “makkham asahamāno”ti iminā ativiya sameti. Iddhānubhāvamakkhanañhi tattha **makkho** nāma. **Pattenāti** padumapattenātipi porāṇā. Paduminisaṅḍe ṭhito hi bhagavā tattha ahoṣīti tesam mati.

39. **Dinnanti** anumatinti attho. **Abhīto** nibbhayo. Kasmā? Yato so maggena bhayamatīto. “**Sumanamanasoti** sundaracittasaṅkhātamano. Sumano eva vā”ti likhitam. **Tejovāti** aggi viya. **Dhātukusaloti** tejodhātumhi kusalo. “Byavahitā ce”ti¹ saddalakkhaṇattā ca upasaggo. Tejodhātusamāpattīsu kusalo iccevattho. **Udicchareti** ullokesum. “Samparivāresun”ti ca likhitam. Iti evam bhaṇantīti attho. **Hatāti** samāti attho, kāḷakāva hontīti kirettha adhippāyo. Īsakampi byāpāram akatvā upasamānurūpaṃ tiṭṭhanti. Ye ca anekavaṇṇā acciyo hontīti taṃ dassetuṃ “**nīlā atha lohikā**”ti-ādimāha.

40. **Catuddisāti** catūsu disāsu.

44. **Paṃsukūlam uppannanti** pariyesamānassa paṭilābhavasena uppannam hoti. Cittavicittapāṭihīradassanathāya ca sā pariyesanā. Sā ayam

1. Byavahitā veti (Ka)

sāyaṃ. Tā imā **tayimā.** Dve ekato gahetvā vadati. Āyāmi ahaṃ **āyamahaṃ.** Etanti etassa. **Yathā mayanti** yasmā mayāṃ.

50-53. **Udakavāhakoti** udakogho. Udakasototi porāṇā. “**Yāya tvaṃ**”ti pubbabhāgavipassanāpaṭipadaṃ sandhāya vuttaṃ. **Cirapaṭikā**ti cirapabhuti, nāgadamanato paṭṭhāya cirapaṭikā. “Cirapaṭisaṅkhā”ti vadanti. **Kesamissanti**-ādimhi abbokiṇṇaṃ visuṃ visuṃ bandhitvā pakkhittatā kesādayova kesamissāti porāṇā. **Khārikājamissanti** ettha khārī vuccati tāpasaparikkhāro. **Jaṭile pāhesī**ti dve tayo tāpase pāhesi. “Soḷasāṭireka-aḍḍhuḍḍhāni pāṭihāriyasahassāni”ti vuttaṃ.

54. Aggihutte kataparicayattā bhagavā tesāṃ **ādittapariyāya**¹mabhāsi. Tattha ekaccaṃ āramaṇavasena ādittaṃ cakkhādi rāgagginā, ekaccaṃ sampayogavasena cakkhusamphassapaccayā vedayitādikeneva, ekaccaṃ abhibhūtathena cakkhādi eva jāti-ādinā, ekaccaṃ paccayatthena, tadeva sokādināti yathāsambhavamettha ādittatā veditabbā. Ettha kiñcāpi dukkhalakkhaṇamevekaṃ pākaṭaṃ, tadanusārena pana itaraṃ lakkhaṇadvayampi tehi diṭṭhanti veditabbaṃ dukkhākārassa itarākāradīpanato. Santa sukhatanḥābhiniṅṭhattā panesaṃ dukkhalakkhaṇapubbaṅgamā desanā katāti veditabbā.

Uruvelapāṭihāriyakathāvaṇṇanā niṭṭhitā.

Bimbisārasamāgamakathāvaṇṇanā

55-7. Vatthukāmbhūtā itthiyo **kāmitthiyo.** Dutiyādayo **assāsakā.** Yasmā anuppanne eva bhagavati buddhakolāhalaṃ loke paṭhamameva vassasahassaṃ uppajjati. Brahmāno ca brāhmaṇavaṇṇaṃ abhinimminivā vedesu sahasattayamattaṃ buddhapaṭisaṃyuttaṃ pariyaṭṭim pakkhipitvā vācenti, bhagavato jātito paṭṭhāya ca buddhakathā lakkhaṇaññūhi brāhmaṇehi uppāditā, patthaṭā loke, tasmā yujjanti, na aññathā.

1. Saṃ 2. 251 piṭṭhepi.

“Tamaddasa bimbisāro, pāsādasmiṃ patiṭṭhito”ti-ādigāthāhi bodhisattakāle eva abhisittatā bimbisārassa siddhā.

58. Idhāvuso khīṇāsavo bhikkhu pañcaṅgavippahīno hoti chaḷaṅgasamannāgato ekārakkho caturāpasseno paṇunnapaccekasacco samavayasatṭhesano anāvilasaṅkappo passaddhakāyasaṅkhāro suvimuttacitto suvimuttapaññoti¹ dasa ariyavāsā nāma. Rūpārūpasamāpattiyo aṭṭha nirodhasamāpatti matākaruṇāsamāpattītipi porāṇā. Tattha nīvaraṇā **pañcaṅgā** ca. Chaḷaṅgupekkhā **chaḷaṅgā**. Satārakkhena **ekārakkhā**. Saṅkhāya ekaṃ paṭisevati, adhivāseti, parivajjeti, saṅkhāya ekaṃ vinodetīti ayaṃ **caturāpasseno**. Puthusamaṇabrāhmaṇānaṃ puthupaccekasaccāni cattāri pahīnāni, evaṃ **paṇunnapaccekasacco**. Kāmesanā bhavesanā pahīnā hoti, brahmacariyesanā paṭippassaddhā, evaṃ **samavayasatṭhesano**. Kāmabyāpādavihimsāsakaṅkappo pahīno hoti, evaṃ **anāvilasaṅkappo**, sukhasa ca pahānā -pa- catutthaṃ jhānaṃ upasampajja viharati evaṃ **suvimuttacitto** hoti. Rāgo pahīno ucchinnamūlo -pa- anuppādadhammoti pajānāti, doso, moho anuppādadhammoti pajānāti, evaṃ **suvimuttapaññoti**.

“Ṭhānāṭhānaṃ vipākañca, ñāṇaṃ sabbatthagāmininī.

Anekadhātuyo lokaṃ, adhimuttiñca pāṇinaṃ.

Jānāti indriyānañca, paropariyataṃ muni.

Jhānādisaṅkilesādi-ñāṇaṃ vijjattayaṃ tathā”ti—

imāni **dasa balāni**. **Asekkhaṅgāni** nāma asekkhā sammādiṭṭhi -pa- asekkhavimutti asekkhavimuttiñāḍadassananti. Tattha dasamaṃ asekkhaṃ. Etehi dasahi cupeto pāramihīti porāṇā.

Bimbisārasamāgamakathāvaṇṇanā niṭṭhitā.

Sāriputtamoggallānapabbajjākathāvaṇṇanā

60. **Kim kāhasīti** kim kāhati. “Kim karoti, kim karosī”ti vā byañjanaṃ bahuṃ vatvāti attho. **Paṭipādentoti** nigamento.

1. Dī 3. 224, 257; Am 3. 279 piṭṭhesu.

“Paccabyathā, paccabyathan”tipi paṭhanti. **Kappanahutehī**ti ettha dasakānaṃ satam saḥassaṃ, saḥassānaṃ satam satasahassaṃ, satasahassānaṃ satam koṭi, koṭisatasahassānaṃ satam pakoṭi, pakoṭisatasahassānaṃ satam koṭipakoṭi, koṭipakoṭisatasahassānaṃ satam nahutanti veditabbaṃ. **Kappanahutehī**ti evamanusārato abbatānaṃ nāmāti khandhakabhāṇakānaṃ pāṭhoti.

63. “Kulacchedāyā”ti pāṭho, kulupacchedāyāti attho. Manussā “dhammena kira samaṇā sakyaputtiyā nayanti, nādhammenā”ti na puna codesunti evaṃ pāṭhasesena sambandho kātabbo.

Ettāvataṃ thero nidānaṃ niṭṭhapesīti veditabbaṃ. Honti cettha—

“Yaṃ dhammasenāpati ettha mūla-ganthassa siddhikkamadassanena.

Nidānaniṭṭhānamakāṃsu dhamma-saṅgāhakā te vinayakkamaññū.

Nidānalīnatthapadānameva, nidāniniṭṭhānamidaṃ viditvā.

Ito paraṃ ce vinayatthayutta-padāni vīmaṃsanaṃ eva ñeyyan”ti.

Sāriputtamoggallānapabbajjākathāvaṇṇanā niṭṭhitā.

Upajjhāyavattakathāvaṇṇanā

64. Buddhupajjhāyakānaṃ itaresaṃ ehibhikkhūnaṃ nivāsanapārūpanakappato nesaṃ viṣuṃ viṣuṃ sadisattā **“dunnivatthā duppārutā anākappasampannā”**ti vuttā. Na kevalaṅca itthambhūtā piṇḍāya caranti, apica manussānaṃ bhūñjamānānaṃ uparīti-ādi. Manussā ujjhāyanti pipāsāsahanato, itaresaṃ ākappasampattiyaṃ pasannattā ca.

65. Kena ko upajjhāyo gahetabboti? “Tadā so yassa santike pabbājito, etarahi yassa santike upasampadāpekkho hoti.

Upajjhāyena ca sādhuṭi sampaṭicchanaṃ sandhāyā”ti kehici likhitaṃ. Taṃ te evaṃ jānanti “upajjhāyena ‘sāhū’ti-ādinā sampaṭicchite saddhivihārikassa ‘sādhu suṭṭhu sampaṭicchāmi’ti vacanaṃ kevalaṃ bhikkhūhi āciṇṇameva, na katthaci dissati, tasmā vināpi tena upajjhāyo gahitova hoti”ti. Tattha **sāhūti** sādhuṭi vuttaṃ hoti. **Lahūti** lahu, tvaṃ mama na bhāriyosīti vuttaṃ hoti.

Opāyikanti upāyapaṭisaṃyuttaṃ, iminā upāyena tvaṃ me ito paṭṭhāya bhāro jātosīti attho. **Patirūpananti** anurūpaṃ te upajjhāyaggahaṇanti attho.

66. **Tādisameva** mukhadhovanodakaṃ utumhi ekasabhāgeṭi. **Ito paṭṭhāyāti** “na upajjhāyassa bhaṇamānassā”ti ettha vuttana-kārato paṭṭhāya. Tena “nātidūre gantabbaṃ, nāccāsanne gantabban”ti ettha vuttana-kārena anāpattīti dīpetīti eke. Sacittakā ayaṃ āpatti, udāhu acittakāti? Anādariyapaccayattā sacittakā. Anādariyapaccayatā kathaṃ paññāyatīti ce? Anādariyapaccayehi saṅgahitanti. Pātimokkhuddese sekhiyānaṃ gaṇaparicchedākaraṇaṃhi khandhakapariyāpannāpattiyā saṅgaṇhanatthaṃ. Idaṃ pana lakkhaṇaṃ cāritteyeva veditabbaṃ, na vāritte akappiyamaṃsakhādanādi-āpattīnaṃ acittakattā. Khandhakavārittānaṃ tehi saṅgaho, sekhiyavāritteyeva acittakehi sūpodanaviññātipaccayādīhīti ācariyo. Yattha yattha **na-kārena** paṭisedho kariyati, kiṃ sabbattha dukkaṭāpattīti? Āma. Yattha aṭṭhakathāya nayo na dassito, tattha sabbattha. Parato hi **aṭṭhakathāyaṃ** “sace pana kāḷavaṇṇakatā vā sudhābaddhā vā hoti nirajamattikā, tathārūpāya bhūmiyā ṭhapetuṃ vaṭṭati”ti-ādinā nayena nayo dassito.

Etthāha—yasmā **pāliyaṃ**yeva “sace upajjhāyassa anabhirati uppannā hoti, diṭṭhigataṃ uppannaṃ hoti”ti¹ bhagavato vacanasena aṭṭhakathāyaṃ vuttanayo yuttoti dassetuṃ “nātidūre nāccāsanne”ti ettha ko bhagavato vacanalesoti? Vuccate—“paṭhamataraṃ āgantvā āsanaṃ paññāpetabban”ti-ādīni vadanti desaniyamanato. Upajjhāyena anumataṃyeva paṭhamagamānanti ce? Na, asiddhattā, siddhepi yathāvuttanayasiddhito

1. Vi 3. 61 piṭṭhe.

ca. Na hi vārittassa anumati anāpattikarā hoti, evaṃ santepi vicāretvā gahetabbaṃ. **Koṭṭhakanti** dvārakoṭṭhakaṃ. Na nissajjitabbaṃ, na nidahitabbaṃ vā.

Upajjhāyavattakathāvaṇṇanā niṭṭhitā.

Nasammāvattanādikathāvaṇṇanā

68. **Adhimattaṃ gehassitapemaṃ na hotīti** ettha gehassitapemaṃ na akusalamicceva daṭṭhabbaṃ khīṇāsavānampi sādharmaṇattā imassa lakkhaṇassa. Na khīṇāsavānaṃ asammāvattanābhāvatoti ce? Na, tesam na paṇāmetabbaṃ taṃsamannāgamanasiddhito, tasmā “mamesa bhāro”ti mamattakaraṇaṃ tattha pemanti veditabbaṃ. “Eko vattasampanno -patesaṃ anāpattī”ti ettha viya sace eko vattasampanno bhikkhu ‘bhante tumhe appossukkā hotha, ahaṃ tumhākaṃ saddhivihārikaṃ, antevāsikaṃ vā gilānaṃ vā upaṭṭhahissāmi, ovaḍitabbaṃ ovaḍissāmi, iti karaṇīyesu ussukkaṃ āpajjissāmi’ti vadati, te evāsaddhivihārikādayo ‘bhante tumheva kevalaṃ appossukkā hothā’ti vadanti, vattaṃ vā na sādīyanti, tato paṭṭhāya ācariyupajjhāyānaṃ anāpattī”ti vuttaṃ.

Nasammāvattanādikathāvaṇṇanā niṭṭhitā.

Rādhabrāhmaṇavattukathāvaṇṇanā

73. **“Pūtimuttanti** muttaṃ pūtikāyo viyā”ti vatvāpi “pūtibhāvena muttaṃ paṭinissaṭṭhaṃ bhesajjaṃ pūtimuttabhesajjan”ti likhitaṃ. Sabbattha itthannāmoti ekova na-kāro hoti.

Rādhabrāhmaṇavattukathāvaṇṇanā niṭṭhitā.

Ācariyavattakathāvaṇṇanā

76. “Āyasmato nissāya vacchāmi”ti vuttaṃ. “Āyasmato ovādaṃ nissāya vasāmi”ti pāṭhasesavasena veditabbā. **Nissāyāti** vā nissayā, nissayenāti vuttaṃ hoti. **Āyasmatotī** vā upayogatthe sāmivacanā.

Ācariyavattakathāvaṇṇanā niṭṭhitā.

Nissayapaṭippassaddhikathāvaṇṇanā

83. **Disaṃ gatoti** tattha dhuranikkhattavāso hutvā tirogāmaṃ gato. **Yattha nissayo labbhati, tattha gantabbanti** etthāpi upajjhāye vuttanayeneva “katipāhena gamissāmi”ti gamane cesa ussāho rakkhati. **Mā idha paṭikkamīti** mā idha gaccha. **Sabhāgā** nāma upajjhāyassa sissā. Tattha nissayaṃ gahetvā. **Yadi evaṃ ko visesoti ce?** Tena idaṃ vuccati “appeva nāma khomeyyā”ti. **Vasitum vaṭṭatīti** upajjhāyena pariccattattā upajjhāyasamodhānaṃ niratthakanti attho. Sace upajjhāyo cirena anuggahetukāmo hoti, tato paṭṭhāya upajjhāyova nissayo. Upajjhāyo ce alajjī hoti, saddhivihārikaṇa anekakkhattuṃ vāretvā aviramantaṃ upajjhāyaṃ pahāya vināpi nissayapaṇāmanena aññassa santike nissayaṃ gahetvā vasitabbaṃ. Upajjhāyassa ce liṅgaṃ parivattati, ekadivasampi na rakkhati. Pakkhapaṇḍako ce hoti, nissayaṭṭiko ce “upajjhāyassa sukkapakkhāṃ āgamehī”ti vadati, sayameva vā āgameti, vaṭṭati. Upajjhāyo ce ukkhepaniyakammakato hoti, nānāsaṃvāsakabhūmiyaṃ ṭhitattā nissayo paṭippassambhati. Sammāvattantaṃ pana passivā kammaṭṭippassaddhiṃ āgametum labhati. Mānattācārī ce hoti, abbhānaṃ āgametabbaṃ. Dīghaṃ ce parivāsaṃ carati, aññassa santike nissayo gahetabbo, upajjhāyasamodhānaṃ appamaṇaṃ. Parivāsamānattācārīnā hi na nissayo dātabbo. Yaṃ pana **pārivāsikakkhandhakatṭhakathāyaṃ** vuttaṃ “saddhivihārikānampi sādiyantaṃ dukkaṭamevā”ti-ādi¹, taṃ yathāvuttamatthaṃ sādheti eva.

1. Vi-Ṭṭha 4. 6 piṭṭhe.

Yaṃ pana vuttam̐ “sace saddhāpabbajitā kulaputtā ‘tumhe bhante vinayakammamattam̐ karoṭhā’ ti vatvā vattam̐ karontiyeva, gāmapavesanam̐ āpucchantiyeva, tam̐ vāritakā lato paṭṭhāya anāpattī” ti. Tam̐ vattasādiyanapaccayā dukkaṭābhāvamattadīpanattham̐, saddhivihārikānam̐ sāpekkhatam̐ vā sandhāya vuttanti veditabbam̐. Tasmā te ce upajjhāyena vāritānurūpameva paṭipajjanti, nissayo tesam̐ paṭippassaddhoti siddham̐ hoti.

Dve leḍḍupāte atikkamitvā nivattatīti “ettāvataṭṭā disāpakkanto nāma hoti, tasmā antevāsike anikkhattadhurepi nissayo paṭippassambhati. Ācariyupajjhāyā dve leḍḍupāte anatikkamma leḍḍupātadvayabbhantare tirovihārepi parikkhitte, aparikkhitte vā vasitum̐ vaṭṭatī” ti likhitam̐. Aparikkhitteyevāti no takkoti ācariyo, ettha pana aparikkhattassa parikkhepārahaṭṭhānato vimutte aññasmiṃ vihāre vasantīti adhippāyo. **Vihāroti** cettha “tādisassa vihārassa ante ṭhitā ekā kuṭikā adhippetāti **upatissatthero**” ti vuttam̐. Tattha “sace ubhopi ācariyantevāsikā kenaci -panissayo na paṭippassambhatī” ti iminā sāmāññato vuttena aṭṭhakathāvacanena **dhammasirittheravādo** sameti. **Aparikkhitte vāti** dvinnam̐ leḍḍupātānam̐ anto parikkhitto vā hoti aparikkhitto vā. “Bahisīman” ti ca vuttattā antovihārasīmāyam̐ dve leḍḍupāte atikkamitvāpi vasitum̐ vaṭṭatīti siddhattā pana **upatissattheravādo** na sameti. Ekāvāse hi parikkhitte vā aparikkhitte vā antamaso antotijojanepi vasato nissayo na paṭippassambhati. So ca upacārasīmāya paricchinnō, sā ca upacārasīmā parikkhattassa vihārassa parikkhepena aparikkhattassa parikkhepārahaṭṭhānena paricchinnō ekāvāso.

Uposathakkhandhake ekāvāsavimatiyam̐ sīmāya anuññātattāti ce? Na, cīvarakkhandhakaṭṭhakathāya vicāritattā. Yathāha “sīmaṭṭhakasaṃgho bhājetvā gaṇhātū” ti¹. Katarasīmāya bhājetabbam̐? **Mahāsivatthero** kirāha “avippavāsasīmāyā” ti. Tato nam̐ āham̐su “avippavāsasīmā nāma tijojanāpi hoti, evam̐ sante tijojane ṭhitā lābham̐ gaṇhissanti, tijojane ṭhatvā āgantukavattam̐ pūretvā ārāmam̐ pavisitabbam̐ bhavissati,

1. Vi-Ṭṭha 3. 419 piṭṭhe.

gamiko tiyojanam gantvā senāsanam āpucchissati, nissayaapaṭippannassa tiyojanātikkame nissayo paṭippassambhissati, pārivāsikena tiyojanam atikkamitvā aruṇam uṭṭhāpetabbam bhavissati, bhikkhuniyā tiyojane ṭhatvā āramappavesanā āpucchitabbā bhavissati, sabbametaṃ upacārasīmāparicchadavasena kātuṃ vaṭṭatīti. Tasmā anto-upacārasīmāya leḍḍupātadvayam atikkamitvāpi vasato nissayo tiyojanātikkame nissayo na paṭippassambhatīti siddham. Kāmañcetha upacārasīmāya tiyojanappamāṇāya, atirekāya vā yathāvuttadosappasaṅgo siyāti. Sā hi āvāsesu vaḍḍhantesu vaḍḍhati, parihāyantesu parihāyatīti vuttattā, tasmā tādissassa vihārassa ante ṭhitā ekā kuṭi vihāroti idhādhippetā. Sāpi tasseva vihārassa kuṭikāva hotīti katvā so āvāso hoti. Nānāvāso eva ce adhippeto, “anteṭhitā kuṭikā”ti na vattabbam. Dvinnam leḍḍupātānam abbhantare pana aparikkhitte nānāvāse nissayo na paṭippassambhatīti yvāyam “no takko”ti vutto, so tādise nānāvāse senāsanaggāhassa appaṭippassaddhinayena vutto. Senāsanaggāho hi “gahaṇena gahaṇam ālayo paṭippassambhatī”ti lakkhaṇattā itarattha paṭippassambhati. Tatrāyam **pāli** “tena kho pana samayena āyasmā upanando sakyaputto eko dvīsu āvāsesu vassam vasi -pa-. Detha bhikkhave moghapurisassa ekādhippāyan”ti¹. **Aṭṭhakathāya**ñcassa evam vuttam “idañca nānālābhehi nānūpacārehi ekasīmavihārehi kathitam, nānāsīmavihāre pana senāsanaggāho paṭippassambhatī”ti². Aparikkhittā nānāvāvā ekūpacārasaṅkhyam gacchanti. Parikkhittañca ekūpacāram aparikkhittasaṅkhyam gacchati. Ettāvata leḍḍupātadvayabbhantare aparikkhitte aññasmim vihāre vasato nissayo pana na paṭippassambhati, parikkhitte paṭippassambhati evāti ayamatto sādhitoti. Etthāha—dve leḍḍupāte atikkamitvāva satopi nissayo na paṭippassambhati. Vuttañhi **nissaggiyatṭhakathāyam** “sace gacchantānamyeva asampattesu daharesu aruṇam uggacchati, cīvaram nissaggiyam hoti, nissayo pana na paṭippassambhatīti³? Vuccate—tam upajjhāyena samāgame sa-ussāhatāya vuttam. Idha dhuvavāsam sandhāya, tasmā aññamaññam na

1. Vi 3. 416 piṭṭhe.

2. Vi-Ṭṭha 3. 413 piṭṭhe.

3. Vi-Ṭṭha 2. 237 piṭṭhe.

vilomenti. Keci pana “dve leḍḍupātaṃ atikkammāti idaṃ devasikaṃ ārocetvā vasanavasena vuttan”ti vadanti, taṃ tesam matimattamevāti mama takko. Devasikaṃ ārocetvā vatthabbanti hi neva pāḷiyam na aṭṭhakathāyam dissati, tañca pana apakataññūhi āciṇṇanti veditabbaṃ.

Nissayaṭṭippassaddhikathāvaṇṇanā niṭṭhitā.

Upasampādetabbapañcakakathāvaṇṇanā

84. **Na asekkhena sīlakkhandhenāti**—ādi “attānameva paṭhamam, patirūpe nivesaye”ti¹ vacanavasena vuttaṃ, na āpatti-āṅgavasena. Nīlasamāyogato nīlam viya vuttaṃ “**asekkhena vimuttiñānadassanakkhandhenā**”ti. Adhisīle sīlavipanno nāma āpajjitvā avuṭṭhito.

Upasampādetabbapañcakakathāvaṇṇanā niṭṭhitā.

Aññatitthiyapubbavattthukathāvaṇṇanā

86. **Yo so aññatitthiyapubboti** ettha dve atthavikappā—tassa pasūrassa bhikkhubhāvaṃ sandhāya aññatitthiyapubbo, so bhikkhu taṃyeva titthāyatanam saṅkamīti ayameko attho. Evaṃ titthiyapakkantako puna gihivesena āgato aññatitthiyapubbo, so āgato na upasampādetabboti ayameko attho. Taṃ aññatitthiyapakkantakaṃ ṭhapetvā “yo so bhikkhave aññatitthiyapubbo”ti ettha na gihivesamāraṇova pubbasaddena vutto, kintu tasmim attano yathāsamādinnaṭṭhiyavese ṭhitopi. Diṭṭhivasena atitthiyabhūtattā atitthiyapubbo, so panāgato vibbhanto āgacchati, tassa parivāsadānakiccaṃ natthi. Kim imassa aññatitthiyapubbassa bhikkhuvesam gahetvā saraṇagamanena sāmaṇerapabbajjā jātā, na jātāti? Kiñcetha yadi jātā, “yo so bhikkhave aññopi aññatitthiyapubbo imasmim dhammavinaye ākaṅkhati pabbajjam, ākaṅkhati upasampadam, tassa cattāro māse parivāso dātabbo”ti² vacanam virujjhati.

1. Khu 1. 37 piṭṭhe.

2. Vi 3. 98 piṭṭhe.

Atha na jātā, parivāsakammavācāya pabbajjāya aparāmasanaṃ virujjhatī. Tattha **mahāvihāravāsino** “sāmaṇerasseva sato parivāso dātabbo”ti vadanti. Itare tathā na vadanti. Te hi “evaṃ ārādhako kho bhikkhave aññatitthiyapubbo āgato upasampādetabbo”ti¹ suttapadaṃ pariharitabbaṃ, pure ca pacchā ca ‘aññatitthiyapubbo’ti vacanasāmaññato na sāmaṇero jātoti ce, yadi evaṃ apabbājetvāva upasampādetabboti āpajjati. Tato ca sabbapaṭhamam vuttasuttaṃ virujjhati. ‘Tittāyatanam saṅkanto’ti pāṭhopi² na sundaram. Pāṇātipātādisu aññataram sace bhindati, cattāro māse paripuṇṇepi puna paripūretabbaṃ viya dissati. Vuttampi tassa samvaram bhikkhukaraṇatthāya anuññātattā sīle vattabbaṃ natthi”ti vadanti, vicāretvā gahetabbaṃ. Saraṇāni sace bhijjanti sāmaṇerasseva.

Aññatitthiyapubbavatthukathāvaṇṇanā niṭṭhitā.

Pañcābādhavatthukathāvaṇṇanā

88. **Nakhapiṭṭhi**ti cūlaṅgulinakhapiṭṭhi adhippetā. “Paṭicchanne nakhapiṭṭhito mahantampi vaṭṭati, evaṃ sesesupī”ti keci vadanti, tam aṭṭhakathāya na sameti viya. **Padumakaṇṇikā**pi āruḷhe rattapadumavaṇṇacitraṃ.

Pañcābādhavatthukathāvaṇṇanā niṭṭhitā.

Coravatthukathāvaṇṇanā

91-2-4. **Dhammasāmī**ti yasmā sayam dhammasāmī, tasmā bhikkhūhi apabbājetabbakampi coram aṅgulimālam pabbājetvā āyatim evamāhāti attho. **Pāḷipotthakesu** “kharabhedako”tipi likhitaṃ. **Sannisinnāsūti** vūpasantāsu.

Coravatthukathāvaṇṇanā niṭṭhitā.

1. Vi 3. 101 piṭṭhe.

2. Pāṭho, tam (Ka)

Īṇāyikadāsavattukathāvaṇṇanā

96. Passa me pattacīvaramattaṃ, ahaṃ idaṃ dassāmīti sāmīci, yato natthi āpatti. **Upaḍḍhupaḍḍhanti** thokaṃ thokaṃ.

97. **Desacārittanti**¹ sāvanapaṇṇāropanādi taṃ taṃ desacārittaṃ. “Devadāsiputte vaṭṭatī”ti likhitaṃ. “Ārāmikaṃ ce pabbājetukāmo, aññamekaṃ datvā pabbājetabban”ti vuttaṃ. Mahāpaccarivādassa ayamidha adhippāyo. “Bhikkhusaṃghassa ārāmike demā”ti dinnattā na te tesāṃ dāsā. “Ārāmiko ca neva dāso na bhujissoti vattabbato na dāso”ti likhitaṃ. Takkāsiṅcanāṃ sihaḷadīpe cārittaṃ. Te ca pabbājetabbā saṃghassārāmikattā. Nissāmikaṃ dāsāṃ attanāpi bhujissaṃ kātuṃ labhati. “Dāsassa pabbajitvā attano sāmike disvā palāyantassa āpatti natthīti vadantī”ti ca likhitaṃ. Attano vā dāso assa bhikkhunti attho. Nissāmikassa dāsassa rājā sāmī, tasmā rājānaṃ vā tasmīṃ gāme manusse vā āpucchitvā pabbājetabboti eke. “Bhujissaṃ katvā”ti likhitaṃ. Tassa parihāraṃ bhaṇanti “yathā bhujisso hoti, tathā kattabbo”ti. Evaṃ saṅkappena² vatvā “payojanaṃ natthī”ti kehici likhitaṃ. **Bhujissaṃ kātumeva vaṭṭatīti** “sace passanti, anubandhissanti”ti vuttaṃ. Āpatti natthi. “**Asuddhā kira metipi** taṃ sandhāyeva vuttan”ti vadanti.

Īṇāyikadāsavattukathāvaṇṇanā niṭṭhitā.

Kammārabhaṇḍuvattukathāvaṇṇanā

98. **Kammārabhaṇḍūti** ettha dārako cūḷāmatthaṃ ṭhapetvā āgacchati, tasmā āpucchitum labhati. Tañce so vā añño vā avaharati, doso natthi. “Kesamassu-orohanaṃ akatvā asatiyā saraṇāni datvā pabbājeti, ruhatevā”ti vadanti.

101-3. **Ettha** kule. “Ubhayāni kho panassa -pa- anubyañjanasoti sabbopāyaṃ pabhedo **mātikāṭṭhakathāyaṃ** nāto hoti”ti ca

1. Dāsacārittaṃ aṭṭhakathāyaṃ, vimativinodaniyañca.

2. Saṅketavasena (Ka)

“āpattim jānātīti pāṭhe avattamānepi idaṃ nāma katvā idaṃ āpajjatīti jānāti ce, vaṭṭatī”ti ca likhitaṃ. “Taṅca kho tato pubbe pāṭhe paṅṅe kateti gahetabbaṃ, ācariyupajjhāyānampi eseva nayo”ti vuttaṃ.

Kammārabhaṅḍuvatthādikathāvaṇṇanā niṭṭhitā.

Rāhulavattukathāvaṇṇanā

105. “Aṅgārino dāni dumā bhadante”ti-ādīhi¹ **saṭṭhimattāhi**. Dassehi iti maṃ āṅṅepesi. Ettha iti-saddo āharitabbo. **Pokkharavassanti** pokkharapattavaṇṇaṃ udakaṃ, tamhi vassante temitukāmāva tementi. **Uṅḥisato paṭṭhāyāti** muddhato paṭṭhāya.

“Siniddhanīlamudukuñcitakeso,
Sūriyanimmalatalābhinalāṭo.
Yuttatuṅgamudukāyatanāso,
Ramsijālavitato naraśīho”ti²—

Ādigāthāhi. Atha vā—

“Cakkavaraṅkitarattasupādo,
Lakkhaṇamaṅḍita-āyatapaṇhi.
Cāmarachattavibhūsitapādo,
Esa hi tuyha pitā naraśīho.

Sakyakumāravarō sukhumālo,
Lakkhaṇacittikapuṇṇasarīro.
Lokahitāya gato naravīro,
Esa hi tuyha pitā naraśīho.

Puṇṇasasaṅkanibho mukhavaṇṇo,
Devanarāna piyo naranāgo.
Mattaḡajindavilāsitaḡāmī,
Esa hi tuyha pitā naraśīho.

1. Khu 2. 300 piṭṭhe.

2. Apadāna-Ṭṭha 1. 105; Jātaka-Ṭṭha 1. 104 piṭṭhesu.

Khattiyasambhava-aggakulīno,
Devamanussanamassitapādo.
Sīlasamādhīpatiṭṭhitacitto,
Esa hi tuyha pitā naraśīho.

Āyatayuttasusaṅṭhitanāso,
Gopakhumo abhinīlasunetto.
Indadhanū abhinīlabhamūko,
Esa hi tuyha pitā naraśīho.

Vaṭṭasuvaṭṭasusaṅṭhitagīvo,
Sīhahanū migarājasarīro.
Kañcanasucchavi-uttamavaṇṇo,
Esa hi tuyha pitā naraśīho.

Suddhasugambhīramañjusaghoso,
Hiṅgulabaddhasurattasujivho.
Vīsati vīsati setasudanto,
Esa hi tuyha pitā naraśīho.

Añjanavaṇṇasunīlasukesā,
Kañcanapaṭṭavisuddhanalāto.
Osadhipaṇḍarasuddhasu-uṇṇo,
Esa hi tuyha pitā naraśīho.

Gacchati'nīlapathe viya cando,
Tāragaṇāpariveṭṭhitarūpo.
Sāvakamajjhagato samaṇindo,
Esa hi tuyha pitā naraśīho”ti¹—

Imāhi.

Uddiṭṭheti evaṃ caritabbanti attano², “uttiṭṭhe”ti dhammapadapāṭho.
Dhammanti sapadānacārikavattaṃ. Anesanaṃ vajjetvā sucaritaṃ care.

1. Jātaka-Ṭṭha 1. 104 piṭṭhepi passitabbaṃ.

2. Attho (?)

Kesavissajjananti pañcasikhākāraṃ vajjetvā ekasikhākāraṃ.
Paṭṭabandhoti ettha **paṭṭoti** tasmim̄ kule āciṇṇo alaṅkāraviseso.
Ghamaṅgalanti gharamaho. **Chattamaṅgalanti** yuvarājachattapaṭṭi.
Vaṭṭānugatanti kilesavaṭṭānugataṃ. Vighātapaccayattā **savighātakam̄**. Thero
rādham̄ brāhmaṇam̄ pubbe pabbajitvā kasmā idāni “kathāham̄ bhante
rāhulam̄ pabbājemī”ti āhāti ce? Tattha upasampadāpaṭikkhepo adhippeto,
tasmā “bhagavā upasampadameva paṭikkhipi, idāni anāgate
saṃsayāpanayanādhippāyo bhagavā”ti ñatvā āha.
Cittasamuṭṭhānarūpavasena “**aṭṭhimiṅjam̄ āhaccā**”ti vuttaṃ kira.
Buddhānam̄, cakkavattīnaṅca byattādivasena nānattam̄ veditabbam̄, aññathā
nandādayopi pabbajitvā buddhā siyum̄ “sace pabbajati, buddho hotī”ti
vacanato.

Pesetvā dassetum̄ vaṭṭati, āpucchissāmāti **pabbājetum̄ vaṭṭatīti** ca idam̄
yasmā videsappatto nāma lokasaṅketenāpi mātāpituvāsato mutto serivihārīti
vuccati, tasmāssa te asantapakke ṭhitā viya hontīti katvā “na tassa
pabbajjācariye vā appasādam̄ karontī”ti evam̄ vuttaṃ naṭṭhameva. Pabbajitā
samagatikāti lokavohāro. Teneva cettha dukkhappattādinā
desantaragamanāṅca samagatikam̄ kataṃ. **Videsam̄ gantvāti** cettha **videso**
nāma mātāpituvāsato añño deso, na uppattidesato. Byañjanattho eva ce
pamaṇam̄, na yutti. Matamātāpitikopi na pabbājetabboti āpajjati, tasmā
anuppattabbaṭṭhāne ṭhitehiyeva mātāpitūhi ananuññāto putto na
pabbājetabboti evamidhādhippāyo veditabbo, aññathā pāḷiyā virujjheyya,
āpattīṭṭhānassa ca sithilakaraṇam̄ aṭṭhakathāya na yujjati. Idam̄ tāva evam̄
hotu, “vihāram̄ vā jhāpemī”ti-ādinayo katham̄ na virujjhatīti ce?
Attaparūpaddavappasaṅgabhayena avasena pabbajitattā, puttarakkhaṇattham̄
pabbajitattā ca. Evañhi sati sayameva so attanā pabbajito hoti, na kenaci
upalāpetvā pabbajito. “**Puttapemaṃ** vā puttarakkhe piyo hotī”ti
nidānānulomato na virujjhati.

Rāhulavattukathāvaṇṇanā niṭṭhitā.

Sikkhāpadadaṇḍakammavattukathāvaṇṇanā

107. Attano pariveṇaṇcāti puggalikaṃ. Mukhadvārikanti mukhadvārena bhuñjitabbaṃ. Tattha niyojitabbakaṃ, tassa āvaraṇaṃ nivāraṇaṃ karonti. Atha vā “anujānāmi bhikkhave āvaraṇaṃ kātun”ti yaṃ āvaraṇaṃ anuññātaṃ, taṃ āvaraṇaṃ mukhadvārikaṃ āhāraṃ karontīti adhippāyo.

Sikkhāpadadaṇḍakammavattukathāvaṇṇanā niṭṭhitā.

Anāpucchāvaraṇavattu-ādikathāvaṇṇanā

108. Parassa dussīlabhikkhussapīti attho. Keci “dussīlabhikkhūpi”ti likhanti, taṃ na sundaraṃ. Porāṇā pana “yāvatatiyaṃ vuccamāno ce na oramati, saṃghaṃ apaloketvā nāsetabbo, puna pabbajjaṃ yācamānopi apaloketvā pabbājetabbo”ti vadanti. **Bhikkhūnaṃ upasampadakkammavācāsadisanti** ettha “yathā upasampanno sikkhaṃ paccakkhāya yathānivattapārutova hutvā pacchā upasampanno pubbe attano navakatarassa samānavassikassa puna vandanādīni karoti, evaṃ sāmaṇeropi puna gahitasaraṇo tato pubbe attano navakatarassa samānavassikassa sāmaṇerassa puna vandanādīni karoti. Liṅgaṃ panettha vuḍḍhatarabhāvaṃ na sādhetīti vuttaṃ hotī”ti vuttaṃ. Vikālabhojanaṃ sāmaṇeraṇaṃ vītikkamevāti eke. “Accayo maṃ bhante accāgamā”ti-ādinā nayena accayaṃ desāpetabbo. “Diṭṭhiyā anissajjanena ‘tvaṃ sāmaṇera gacchā’ti vutteyeva pārājiko hotī”ti vuttaṃ, “yāvatatiyanti vuttattā buddhādīnaṃ avaṇṇabhāsitamattena ca diṭṭhiggahitamattena ca saraṇāni na bhijjantīti vuttaṃ hotī”ti vadanti. Evaṃ sante pāṇātipātādīni karontassāpi taṃ sambhotīti mama takko. “Nissīlassa puna nāsanā vuttā”ti ca keci vadanti, taṃ yuttaṃ viya. Na hi bhagavā sīlavantassa liṅganāsaṇaṃ anujānātīti vicāretabbaṃ, bhikkhunīdūsakāpadesena bhābbābhabbe saṅgaṇhātīti porāṇā. **“Pabbajjampi na labhatīti yathā cetha ayamatto dassito, tathā “paṇḍako bhikkhave anupasampanno na upasampādetabbo, upasampanno nāsetabbo”ti¹**

1. Vi 3. 119 piṭṭhe.

ādinā nayena vuttānampi pabbajjāṃ natthīti dīpitaṃ hoti. Na hi idaṃ
 ṭhānaṃ ṭhapetvā tesāṃ pabbajjāya vāritaṭṭhānaṃ atthi. ‘Bhikkhunidūsako
 bhikkhave anupasampanno na upasampādetabbo, upasampanno
 nāsetabbo’¹ti vuttenapi samānattā tassa pabbajjā viya tesampi pabbajjā
 vāritāva hotīti dassetuṃ puna bhikkhunidūsakoti gahitanti apare”²ti vuttaṃ.
 Kiṃ iminā? Nanu **aṭṭhakathāyaṃ** vuttaṃ “yassa cettha pabbajjā vāritā, taṃ
 sandhāya idaṃ vuttaṃ anupasampanno na upasampādetabbo, upasampanno
 nāsetabbo”³ti.

Anāpucchāvaraṇavatthu-ādikathāvaṇṇanā niṭṭhitā.

Paṇḍakavatthukathāvaṇṇanā

109. Opakkamikapaṇḍakassa hīnaṅgattā apabbajitassa pabbajjā vāritā,
 pabbajitassa upasampadā na kātabbā. Pubbe upasampannassa ce upacaraṇaṃ
 atthi, na nāsanā kātabbāti no takkoti ācariyo. Chinnaṅgajāto na paṇḍako.
 Pañcasu napuṃsakapaṇḍakova abhāvako. Itare cattāro sabhāvakāti
 veditabbā. Bhāvo pana tesāṃ paṇḍako hoti. Ete cattāropi kira purisāvāti eke.
 Itthīpi pakkhapaṇḍakī hotīti eke. Upakkame kate paṇḍakabhāvo avassaṃ
 hoti, tasmā pabbajjāṃ na labhati. “Yadi pana kassaci na hoti, pabbajjā na
 vāritāti vinicchayaṃ vadantī”⁴ti vuttaṃ.

“**Pabbajjā vāritāti** apaṇḍakapakkhe pabbājetvā paṇḍakapakkhe
 nāsetabboti adhippāyo”⁵ti likhitaṃ. **Porāṇagaṇṭhipade** pana
 māsapaṇḍakalekhapaṇḍakehi saha satta paṇḍakā vuttā. Tattha **lekhapaṇḍako**
 nāma kira mantavasena upahatabījo. Tattha “opakkamikalekhapaṇḍakā
 pabbajitā na nāsetabbā. Yo pabbājeti, tassa dukkaṭaṇ”⁶ti ca vuttaṃ.

Paṇḍakavatthukathāvaṇṇanā niṭṭhitā.

1. Vi 3. 123 piṭṭhe.

Theyyasaṁvāsakavatthukathāvaṇṇanā

110. **Theyyasaṁvāsakoti** ettha kiñcāpi byañjanatthavasena saṁvāsatthenakova theyyasaṁvāsakoti paññāyati, atha kho tayo theyyasaṁvāsakā. **Samvāsoti** cettha na ekakammādiko saṁvāso, kintu bhikkhuvassagaṇanādiko kiriyabhedo idha saṁvāso nāma. Imañhi sakkā theyyāya kātum, netaranti aṭṭhakathāya adhippāyo. Videsaṁ gantvā pabbajitehi pucchite “dasavasso”ti-ādiṁ bhaṇantassa doso. Gihīnaṁ vutte doso natthīti keci. Rājabhayādīhi gahitaliṅgānaṁ “gihī maṁ samaṇoti jānātū”ti vañcanacitte satipi bhikkhūnaṁ vañcetukāmatāya, tehi saṁvasitukāmatāya ca abhāvā doso na jāto. “**Sabbapāsāṇḍiyabhattānīti** vihāraṁ āgantvā saṁghikaṁ gaṇhantassa saṁvāsaṁ pariharitum dukkaraṁ, tasmā vuttan”ti ca likhitaṁ. “Sūpasampanno”ti vuttattā gahaṭṭhampi sace upasampādentī, sūpasampannoti āpannaṁ, “anupasampannakāleyevā”ti iminā sace upasampannakāle suṇāti, sūpasampanno eva anārocentopīti dasseti. **Andhakaṭṭhakathāyaṁ porāṇagaṇṭhipadesu** ca dussīlabhikkhu “theyyasaṁvāsako”ti vutto “theyyāya vo bhikkhave raṭṭhapiṇḍo bhutto”ti¹ iminā kira pariyāyenāti veditabbaṁ. Tenevāha “**taṁ na gahetabban**”ti. “Mahāpeḷādīsū”ti etena gihisantakaṁ dassitaṁ.

Sayaṁ sāmaṇero va kūṭavassāni gaṇetvā gaṇhanto pārājiko hoti, theyyasaṁvāsako pana na hoti, tathā bhikkhupi, so pana bhaṇḍagghena kāretabboti iminā adhippāyena “**sayaṁ sāmaṇerovā**”ti-ādi vuttaṁ. Ayaṁ pana theyyasaṁvāsako nāma yasmā pabbajitova hoti, nāpabbajito, tasmā “theyyasaṁvāsako bhikkhave apabbajito na pabbājetabbo, pabbajito nāsetabbo”ti vattum na sakkāti katvā imassa vasena paṇḍakato paṭṭhāya “anupasampanno na upasampādetabbo”ti-ādinā pāḷi ṭhapitā, na upasampadāmatasseva abhabbattā ekādasannampi nesam pabbajjārahabhāvappasaṅgato. Apica anīṭṭhadosappasaṅgato tathā eva pāḷi ṭhapitā. Yasmā titthiyapakkamaṇaṁ, saṁghabhedanañca upasampannasseva hoti, nānupasampannassa,

1. Vi 1. 115 piṭṭhe.

so duvidhopi pabbajitova hoti, nāpabbajito, tasmā “titthiyapakkantako bhikkhave apabbajito na pabbājetabbo”ti-ādipāḷiyā sati te ubhopi apabbājetabbā hontīti anitṭhappasaṅgo āpajjatīti. Tīsu pana theyyasamvāsakesu sāmaṇerālayaṃ karonto liṅgatthenako, upasampannālayaṃ karonto samvāsatthenako, ubhayatthenako ca. Na hi sāmaṇerasamvāso idha samvāso nāma, teneva **aṭṭhakathāyaṃ** “bhikkhuvassagaṇanādiko hi sabbopi kiriyabhedo imasmim atthe samvāso”ti vuttanti eke. Yathāvuddhaṃ vandanasādiyanāsanapaṭibāhanānaṃ sāmaṇerasamvāsasāmaññato nevāti ācariyo.

Theyyasamvāsakavatthukathāvaṇṇanā niṭṭhitā.

Titthiyapakkantakathāvaṇṇanā

Titthiyapakkantako bhikkhaveti-ādi attano nidānabhūte pasūravatthusmim eva vattabbaṃ samānampi tattha vārita-adhikārābhāvā abhabbā. Idheva theyyasamvāsakena vinā sambhavato vutto. Tattha “atha kho na pabbājetabbopī”ti idheva vacanaṃ pasūrassa upasampadāya eva yācanicchāya dassanena, “so āgato na upasampādetabbo”ti bhagavato upasampadāmatṭapaṭisedhanena ca pabbajjānumatidosappasaṅgabhayāti veditabbaṃ. Tesam liṅge ādinnamatte laddhiyā gahitāyapi aggahitāyapi titthiyapakkantako hoti, avandanīyasessa naggaliṅgassa seṭṭhabhāvaṃ vā upagacchati, na muccati, ettha “padavāre dukkaṭaṃ, ājīvako bhavissanti visamacittavasena gatattā naggo hutvā na gamanena”ti vadanti. Ubhinnaṃpi vasena yuttanti mama takko. **Tāva nam laddhi rakkhati** asampaṭicchitattā. **Upasampannabhikkhunā kathitoti** kathaṃ paññāyati? Aṭṭhakathāvacanappamāṇatovāti eke. Nidānavasenāti eke. Pasūrassa upasampannattā upasampannānaṃ eva titthiyapakkantatāvacanatotī eke. Yathāha “upajjhāyo pakkanto vā hoti, vibbhanto vā, kālaṃkato vā, pakkhasaṅkanto vā”ti ācariyo. **Pakkhasaṅkanto vāti** sāmaṇeranāsanāvattḥūsu abhāvatoti eke. Aññatitthiyapubbassa upasampannassa sato pakkhasaṅkantabhayā anupasampannakāle upasampadatthaṃ parivāsapaññāpanenāti

eke. Pabbajjatthampīti ce? Na, pubbe vicāritattā, apabbajitassa adhisīlābhāvato ca. Pātimokkhasīlañhi adhisīlaṃ nāma, tañca apabbajitassa natthi. Imassa ca parivāsavatte adhisīlaṃ vuttaṃ. Yathāha “puna caparaṃ bhikkhave aññatitthiyapubbo tibbacchando hoti uddese paripucchāya adhisīle”¹. Apica “sace bhikkhave jātiyā sākiyo aññatitthiyapubbo āgacchati, so āgato upasampādetabbo”² ettha upasampadāmattaparidīpanato. Upasampadāmattaparidīpanañhettha tasseva parivāsadānasiddhito. Parivāsadānattanidassanatthe hesā pāḷi.

Titthiyapakkantakakathāvaṇṇanā niṭṭhitā.

Tiracchānagatavatthukathāvaṇṇanā

111. **Nāgayoniyāti** nāgayonito, attano nāgajātihetūti adhippāyo. Kiṃ kāraṇā? Abhikkhaṇaṃ sakajātiyā methunapaṭisevane, viṣaṭṭhaniddokkamane ca sabbesampi.

Tiracchānagatavatthukathāvaṇṇanā niṭṭhitā.

Mātughātakādivatthukathāvaṇṇanā

112-5. **Apavāhananti** pakkhalanaṃ, kāsāyavatthanivāsaṇaṃ icchamānanti attho. Duṭṭhacittena. Kīdisena? Vadhakacittenaṃ adhippāyo. Lohituppādanavasena duṭṭhacittanti keci, taṃ na sundaraṃ.

Mātughātakādivatthukathāvaṇṇanā niṭṭhitā.

Ubhatobyañjanakavatthukathāvaṇṇanā

116. “Yadi paṭisandhiyaṃ uppannaliṅgena etaṃ nāmaṃ labhantīti adhippāyo”^{ti} likhitaṃ.

Ubhatobyañjanakavatthukathāvaṇṇanā niṭṭhitā.

1. Vi 3. 100 piṭṭhe.

2. Vi 3. 101 piṭṭhe.

Anupajjhāyakādivatthukathāvaṇṇanā

117. “Keci ‘kuppatī’ti vadanti, taṃ ‘na gahetabban’”ti yaṃ vuttaṃ, taṃ “pañcavaggakaraṇīyañce bhikkhave kammaṃ bhikkhunipañcamo kammaṃ kareyya, akammaṃ na ca karaṇīyan”ti-ādinā¹ nayena vuttattā paṇḍakādīnaṃ gaṇapūraṇabhāve eva kammaṃ kuppati, na sabbanti katvā suvuttaṃ, itarathā “paṇḍakupajjhāyena kammaṃ kareyya, akammaṃ na ca karaṇīyan”ti-ādikāya **pāliya** bhavitabbaṃ siyā. Yathā aparipuṇṇapattacīvarassa upasampādanakāle kammavācāyaṃ “paripuṇṇassa patthacīvaran”ti asantaṃ vatthum kittetvā upasampadāya katāya tasmim asantepi upasampadā ruhati, evaṃ “ayaṃ buddharakkhito āyasmato dhammarakkhitassa upasampadāpekkho”ti avatthum paṇḍakupajjhāyādim, asantaṃ vā, vatthum kittetvā katāyapi gaṇapūrakānamatthitāya upasampadā ruhateva. “Na bhikkhave paṇḍakupajjhāyena upasampādetabbo, yo upasampādeyya, āpatti dukkaṭassa, so ca puggalo anupasampanno”ti-ādivacanassābhāvā ayamattho siddhova hoti. Na hi buddhā vattabbayuttaṃ na vadanti, tena vuttaṃ “yo pana bhikkhu jānaṃ ūnavīsativassam -pa- so ca puggalo anupasampanno”ti-ādi². Tathā “byattena bhikkhunā paṭibalena saṅgho ñāpetabbo”ti³ vacanato theyyasaṃvāsakādi-ācariyehi anussāvanāya katāya upasampadā na ruhati tesam abhikkhuttā”ti vacanampi na gahetabbaṃ. Kiñca bhiiyo “imāni cattāri kammāni pañcahākārehi vipajjantī”ti-ādinā⁴ nayena kammānaṃ sampattivipattiyā kathiyamānāya “sattahi ākārehi kammāni vipajjanti vatthuto vā ñattito vā anussāvanato vā sīmato vā parisato vā upajjhāyato vā ācariyato vā”ti akathitattā na gahetabbaṃ. “Parisato vā”ti vacanena ācariya-upajjhāyānaṃ vā saṅgho katoti ce? Na, “dvādasahākārehi parisato kammāni vipajjantī”ti etassa **vibhaṅge** tesamanāmaṭṭhattā. Ayamattho “yasmā tattha tattha sarūpena vuttapāḷivaseneva sakkā jānitum, tasmā nayamukhaṃ dassetvā saṅkhittoti ayamassa yuttigavesanā”ti vuttaṃ. Tatridaṃ vicāretabbaṃ—anupajjhāyakaṃ upasampādentā te bhikkhū yathāvuttanayena abhūtaṃ taṃ vatthum kittayimsu, udāhu musāvādabhaya tāneva padāni na sāvesunti. Kiñcetha yadi tāva

1. Vi 3. 440 piṭṭhe. 2. Vi 2. 170 piṭṭhe. 3. Vi 3. 72 piṭṭhe. 4. Vi 5. 380 piṭṭhe.

upajjhāyābhāvato na sāvesuṃ, “puggalaṃ na parāmasatī”ti vuttavipattippasaṅgo hoti, atha sāvesuṃ, musāvādo nesaṃ bhavatīti? Vuccate—sāvesuṃyeva yathāvuttavipattippasaṅgabhayā, “kammaṃ pana na kuppati”ti aṭṭhakathāya vuttattā ca, na musāvādassa asambhavato, musāvādenāpi kammāsambhavato¹ ca. Na hi sakkā musāvādena kammavipattisampattiṃ kātunti. Tasmā “anupajjhāyakam upasampādentī”ti vacanassa ubhayadosavinimutto attho pariyesitabbo.

Ayañcetha yutti—“yathā pubbe pabbajjupasampadupajjhāyesu vijjamānesupi upajjhāyaggahaṇakkamena aggahitattā ‘tena kho pana samayena bhikkhū anupajjhāyakan’ti-ādi vuttaṃ, tathā idhāpi upajjhāyassa vijjamāneseva sato aggahitattā ‘anupajjhāyakam upasampādentī’ti vuttaṃ. Kammavācācariyena pana gahito tena upajjhāyoti saññāya upajjhāyaṃ kittetvā kammavācam sāvetabbaṃ, kenaci vā kāraṇena kāyasāmaggiṃ adentassa upajjhāyassa chandaṃ gahetvā kammavācam sāveti, upajjhāyo vā upasampadāpekkhassa upajjhaṃ datvā pacchā upasampanne tasmim² tādise vatthusmim samanuyuñjijyamāno vā asamanuyuñjijyamāno vā upajjhāyadānato pubbe eva sāmaṇero paṭijānāti, sikkhāpaccakkhātako vā antimavatthu-ajjhāpanako vā paṭijānāti, chandahārakādayo viya upajjhāyo vā aññasimāgato hoti, ‘kammavācā ruhatī’ti vatvā ‘anujānāmi bhikkhave paccantimesu janapadesu vinayadharapañcamena gaṇena upasampadan’ti³ vuttattā keci ‘vinayadharapañcamena upajjhāyena sannihiteneva bhavitabban’ti vadantī”ti **porāṇagaṇṭhipade** vuttaṃ. So ce pāṭho pamāṇo majjhimesu janapadesu tassa vacanassābhāvato. Asannihitepi upajjhāye kammavācā ruhatīti āpajjatīti ce? Na, kasmā? Kammasampattiyaṃ “puggalaṃ parāmasatī”ti vuttapāṭhova no pamāṇaṃ. Na hi tattha⁴ asannihito upajjhāyasaṅkhāto puggalo parāmasanaṃ arahati, tasmā tattha saṅghaparāmasanaṃ viya puggalaparāmasanaṃ veditabbaṃ. Saṅghena gaṇena upajjhāyena upasampādentī tesam atthato puggalattā. Paṇḍakādi-upajjhāyena upasampādentī upasampādanakāle aviditattāti porāṇā.

1. Kambāsambhavato (Ka)

3. Vi 3. 287 piṭṭhe.

2. Datvā upasampanno, tasmā (Ka)

4. Tattha hi (Ka)

Apattakādivatthukathāvaṇṇanā

118. **Apattacīvaram upasampādentī**ti kammavācācariyo “paripuṇṇassa pattacīvaran”ti saññāya, kevalam atthasampattim anapekkhitvā santapadanihārena vā “paripuṇṇassa pattacīvaran”ti kammavācam sāveti. Yathā etarahi matavippavutthamātāpitikopi “anuññātosī mātāpitūhī”ti puṭṭho “āma bhante”ti vadati. Kim bahunā, ayam panettha sāro—“tasmim samaye cattāri kammāni pañcahākārehi vipajjantī”ti lakkhaṇassa na tāva paññattattā anupajjhāyākādim upasampādentī, vajjanīyapuggalānam avuttattā paṇḍakupajjhāyādim upasampādentī. Terasantarāyapucchāya adassanattā apattacīvarakam upasampādentī. “Anujānāmi bhikkhave ñatticatutthena kamma upasampādetun”ti¹ evam sabbapaṭhamam anuññātakammavācāya “paripuṇṇassa pattacīvaran”ti avacanamettha sādhakanti veditabbam. Tañhi vacanam anukkamenānuññātanti.

Hatthacchinnādivatthukathāvaṇṇanā

119. Idam tāva sabbathā hotu, “mūgam pabbājenti badhiram pabbājentī”ti idam katham sambhavitumarahati-ādito paṭṭhāya “anujānāmi bhikkhave imehi tīhi saraṇagamanehi pabbajjan”ti-ādinā² anuññātattāti? Vuccate—“evaṇca pana bhikkhave pabbājetabboti. Evam vadehīti vattabbo -pa-. Tatiyampi saṅgham saraṇam gacchāmī”ti ettha “evam vadehīti vattabbo”ti imassa vacanassa micchā attham gahetvā mūgam pabbājesum. “Evam vadehī”ti tam pabbajjāpekkham āṇāpetvā sayam upajjhāyena vattabbo “tatiyam saṅgham saraṇam gacchāmī”ti, so pabbajjāpekkho tathā āṇatto upajjhāyavacanassa anu anu vadatu vā, mā vā, tattha tattha bhagavā “kāyena viññāpeti, vācāya viññāpeti, kāyena vācāya viññāpeti, gahito hoti upajjhāyo. Dinno hoti chando. Dinnā hoti pārisuddhi. Dinnā hoti pavāraṇā”ti vadati. Tadanumānena vā kāyena tena pabbajjāpekkhena viññattam hoti saraṇagamananti vā lokepi kāyena viññāpento “evam vadati”ti vuccati, tam pariyāyam gahetvā mūgam pabbājentīti veditabbam. **Porāṇaganṭhipade** “mūgam katham pabbājentī”ti puccham katvā tassa kāyappasādasambhavato

1. Vi 3. 70 piṭṭhe.

2. Vi 3. 29 piṭṭhe.

kāyena pahāraṃ datvā hatthamuddāya viññāpetvā pabbājesun”ti vuttaṃ. Kim bahunā, ayaṃ panettha sāro—yathā pubbe pabbajjādhikāre vattamāne pabbajjābhilāpaṃ upacchinditvā “paṇḍako bhikkhave anupasampanno na upasampādetabbo”ti-ādinā nayena upasampadavaseneva abhilāpo kato. Theyyasaṃvāsakapade asambhavato kiñcāpi so na kato pabbajjāva tattha katā, sabbattha pana upasampadābhilāpena adhippetā tadanubhāvato. Upasampadāya pabbajjāya vāritāya upasampadā vāritā hotīti katvā. Tathā idha upasampadādhikāre vattamāne upasampadābhilāpaṃ upacchinditvā upasampadameva sandhāya pabbajjābhilāpo katoti veditabbo. Kāmaṃ so na kattabbo, mūgapade asambhavato tassa vasena ādito paṭṭhāya upasampadābhilāpova kattabbo viya dissati, tathāpi tasseva mūgapadassa vasena ādito paṭṭhāya pabbajjābhilāpova kato micchāgahaṇanivāraṇatthaṃ. Kathaṃ? “Mūgo bhikkhave appatto osāraṇaṃ, tañce saṃgho osāreti, sosārito”ti¹ vacanato mūgo upasampanno hotīti siddhaṃ. So “kevalaṃ upasampannova hoti, na pana pabbajito tassa pabbajjāya asambhavato”ti micchāgaho hoti. Taṃ pariccajāpetvā yo upasampanno, so pabbajitova hoti. Pabbajito pana atthi koci upasampanno, atthi koci anupasampanno. Imaṃ sammāgāhaṃ uppādeti bhagavāti veditabbaṃ.

Apica tesāṃ hatthacchinnādīnaṃ pabbajitānaṃ supabbajitabhāvadīpanatthaṃ, pabbajjābhāvāsāṅkānivāraṇatthañcetta pabbajjābhilāpo kato. Kathaṃ? “Na bhikkhave hatthacchinno pabbājetabbo”ti-ādinā paṭikkhepena, “pabbajitā supabbajitā”ti vuttaṭṭhānābhāvena ca tesāṃ pabbajjābhāvappasāṅkā bhaveyya. Yathā pasāṅkābhāve, tathā pasāṅkaṃ ṭhāpeyya. **Khandhake** upasampadaṃ sandhāya “hatthacchinno bhikkhave appatto osāraṇaṃ, tañce saṃgho osāreti, sosārito”ti-ādinā¹ nayena bhagavā nivāreti. Teneva pana nayena pabbajitā te sabbepi supabbajitā evāti dīpeti, aññathā sabbepete upasampannāva hontī, na pabbajitāti ayamaniṭṭhappasaṅgo āpajjati. Kathaṃ? “Hatthacchinno bhikkhave na pabbājetabbo, pabbajito nāsetabbo”ti vā “na bhikkhave hatthacchinno pabbājetabbo, yo pabbājeyya, āpatti dukkaṭassa,

1. Vi 3. 444 piṭṭhe.

so ca apabbajito”ti vā tantiyā ṭhapitāya campeyyakkhandhake “sosārito”ti vuttattā kevalaṃ “ime hatthacchinnādayo upasampannāva honti, na pabbajitā”ti vā “upasampannāpi ce pabbajitā, nāsetabbā”ti vā anitṭhakoṭṭhāso āpajjatīti adhippāyo.

Idaṃ panettha vicāretabbaṃ—“so ca apabbajito”ti vacanābhāvato mūgassa pabbajjasiddhippasaṅgato pabbajjāpi ekatosuddhiyā hotīti ayamaniṭṭhakoṭṭhāso kathaṃ nāpajjatīti? Pabbajjābhilāpena upasampadā idhādhippetāti sammāgāhena nāpajjati, aññathā yathābyañjanam atthe gahite yathāpaññattadukkaṭābhāvasaṅkhāto aparopi anitṭhakoṭṭhāso āpajjati. Kathaṃ? “Na bhikkhave mūgo pabbājetabbo, yo pabbājeyya, āpatti dukkaṭassā”ti vuttadukkaṭam pabbajjapariyosāne hoti, na tassāvippakatāya. Pubbapayogadukkaṭameva hi paṭhamam āpajjati, tasmā mūgassa pabbajjapariyosānasseva abhāvato imassa dukkaṭassa okāso ca sabbakālam na sambhaveyya. Upasampadāvasena pana atthe gahite sambhavati kammanipphattito. Teneva **pāliyam** “na bhikkhave paṇḍako upasampādetabbo, yo upasampādeyya, āpatti dukkaṭassā”ti dukkaṭam na paññattam. Apaññattattā pubbapayogadukkaṭameva cettha sambhavati, netaram, ettāvataṃ siddhametaṃ “pabbajjābhilāpena upasampadā ca tattha adhippetā, na pabbajjā”ti.

Etthāha—sāmaṇerapabbajjā na kāyapayogato hotīti kathaṃ paññāyatīti? Vuccate—kāyena viññāpetīti-ādittikādassanato. Hoti cettha—

“Appeva sasako koci, patiṭṭheyya mahaṇṇave.

Na tveva catugambhīre, duggāho vinayaṇṇave”ti.

Brahmujugattoti ettha “niddosatthe, seṭṭhatthe ca brahma-saddam gahetvā niddosam hutvā uju gattam yassa so brahmujugatto”ti likhitam. Atha vā kāmabhogittā devindādayo upamāvasena aggahetvā brahmā viya ujugatto brahmujugatto. Mahākucchito ghaṭo mahākucchighaṭo. Tena samāno vuccati “**mahākucchiḡaṭasadiṣo**”ti. **Galagaṇḍīti** desanāmettamevetanti kathaṃ paññāyatīti? “Na bhikkhave pañcahi ābādhehi phuṭṭho

pabbājetabbo”ti vacanato. Kilāsopi idhādhippetoti na kevalam so eveko, kintu pañcahi ābādhehi phuṭṭho, **pāliyam** āgatā rājabhaṭādayo dāsapariyosānā, **rāhulavattumhi** āgatā ananuññātamātāpitaro cāti dasapi janā idhādhippetā. Tadatthadīpanatthameva likhitakakasāhatalakkhaṇāhate pubbe vuttepi ānetvā **upālithero** idha hatthacchinnapāliyam āha. Teneva **campeyyakkhandhake** “atthi bhikkhave puggalo appatto osāraṇam, tañce saṅgho osāreti, ekacco sosārito, ekacco dosārito”ti¹ imassa **vibhaṅge** “pañcahi ābādhehi phuṭṭhā, rājabhaṭā, corakārabhedaka-īṇāyikadāsā, ananuññātamātāpitaro cā”ti satta janā na gahitā, na ca labbhanti, aññathā imepi tassa vibhaṅge vattabbā siyūm. Na vattabbā tattha abhabbattāti ce? Evaṃ sante “saṅgho osāreti, ekacco dosārito”ti imassa **vibhaṅge** vattabbā paṇḍakādayo viya, na ca vuttā. Ubhayattha avuttattā na cime anubhayā bhavitumarahanti, tasmā avuttānameva dasannam yathāvuttānam saṅgaṇhanattham puna likhitakādayo vuttāti. Atha kimattham te idha uppaṭipāṭiyā vuttāti? Iṇāyikadāsānam sosāritabhāvepi iṇāyikadāsā sāmikānam dātabbāti tadadhīnabhāvadassanattham. Teneva tattha vuttam “palātopi ānetvā dātabbo”ti-ādi. Yo panettha coro katakammo pabbajati, rājābhaṭo vā sace katadoso, iṇāyikaggahaṇeneva gahitoti veditabbo. Atha vā yathāvuttalakkhaṇo sabbopi iṇāyikadāsānam “sosārito”ti vattabbāraho na hotīti katvā tesam parivajjanattham uppaṭipāṭiyā desanā upari ārohati, na heṭṭhāti dīpanato. Likhitako “sosārito”ti vuttattā desantaram netabbo. Tathākārabhedakādayopīti veditabbarā.

Ettāvatā bhagavatā attano desanākusalatāya pubbe gahitaggahaṇena yathāvuttānam dasannampi pabbajjupasampadākammanipphatti, uppaṭipāṭivacanena puggalavemattatañca desanāya kovidānam dīpitaṃ hotīti veditabbarā. Hoti cettha—

“Vattabbayuttam vacanena vatvā, ayuttamiṭṭham nayadesanāya.

Sandīpayantam sugatassa vākyam, cittam vicittamva² karotipī”ti.

1. Vi 3. 443 piṭṭhe.

2. Cittivicittamva (Ka)

Etthāha—**campeyyakkhandhake** ūnavīsativasso ubhayattha avuttattā anubhayo siyāti? Na siyā avuttattā eva. Yadi hi tatiyāya koṭiyā bhavitabbaṃ, sā avassaṃ bhagavatā vattabbāva hoti, na ca vuttā, tasmā na so anubhayo hoti. Atha katarāṃ pakkhaṃ bhajatīti? Dosāritapakkhaṃ bhajati. Atha kasmā na vuttoti? Sikkhāpadena paṭisiddhattā. **Upanāhaṃ bandhitvā**ti puna bandhanaṃ katvā. “Nānāvidhehi osadhehi pādaṃ bandhitvā āvātake pavesetvā kattabbavidhānassetāṃ adhivacanan”ti likhitaṃ. Kappasīso vā hatthī viya. **Gobhattanālikā** nāma gunnaṃ bhattapānatthaṃ katanālikā. **Upakkamukho** nāma kudhitamukho vuccati, **vātaṇḍiko** nāma aṇḍakesu vuḍḍhirogena samannāgato. **Vikaṭo** nāma tiriyaṃ gamanakapādehi samannāgato. “**Guṇi kuṇī**”ti duvidho kira pāṭho. **Yesañca pabbajjā paṭikkhittā, upasampadāpi tesāṃ paṭikkhittāvā**ti-ādi yasmā hatthacchinnādayo upasampadāvaseneva vuttā, tasmā te eva hatthacchinnādayo sandhāyāha.

Hatthacchinnādivatthukathāvaṇṇanā niṭṭhitā.

Alajjīnissayavatthukathāvaṇṇanā

120. “Na bhikkhave alajjīnaṃ nissayo dātabbo”ti iminā alajjīhi bhikkhūhi, sāmaṇerehi vā saddhim dvepi dhammāmisaparibhogā paṭikkhittā honti nissayabhāve bhāvato tesāṃ. Yathāha “ācariyena bhikkhave antevāsiko saṅgahetabbo anugahetabbo uddesena paripucchāya ovādena anusāsaniyā”ti-ādi¹ upajjhāyassapi nissayappaṇāmanasambhavato, sopi saddhivihārikassa nissayoti veditabbaṃ, tasmā upajjhāyo ce alajjī hoti, na taṃ nissāya vasitabbanti siddhaṃ hoti. Bhikkhūnaṃ sammāpaṭipattiyā samānabhāgo bhikkhu sabhāgo. Tassa bhāvo bhikkhusabhāgatā. Taṃ **bhikkhusabhāgataṃ**. Yāva jānāmīti adhippāyena vasitum vaṭṭati. Bhikkhūhi sabhāgataṃ. Kim taṃ? Lajjibhāvaṃ. “**Sattāhaṃ -pa- gahetabbo**”ti ettha “sattāhamattaṃ vasissāmi, kim

1. Vi 3. 82 piṭṭhe.

bhikkhusabhāgatājānanenāti jānane dhuraṃ nikkhipitvā vasitum na labhatīti attho”ti likhitam. “Bhikkhusabhāgataṃ pana jānanto sveva gamissāmi, kim me nissayārocanenā”ti aruṇaṃ uṭṭhabetum na labhati. “Pure aruṇaṃ uṭṭhahitvā gamissāmī”ti ābhogena sayantassa ce aruṇo uggacchati, vaṭṭati.

Gamikādinissayavattukathāvaṇṇanā

121. “Addhānamaggappaṭipannena bhikkhunā nissayaṃ alabhamānena anissitena vatthunti avassakāleyeva vassakāle addhānagamanassa pāliyaṃyeva paṭikkhittatā”ti vuttaṃ, taṃ appamāṇaṃ sattāhaṃ vassacchedādivasena addhānagamanasambhavato, gacchantasseva vassakālagamanasambhavato ca. **Antarāmagge -pa- anāpattīti** nissayadāyakābhāveyeveva. “**Tassa nissāyā**”ti pāṭhānurūpaṃ vuttaṃ, taṃ nissāyāti attho. “Yadā patirūpo nissayadāyako āgacchissatī”ti vacanena ayaṃ vidhi avassakāle evāti siddhaṃ. “Antovasse pana kassaci āgamanābhāvā”ti vuttaṃ. Sace so jalapaṭṭane vā thalapaṭṭane vā vasanto vassūpanāyikāya āsannāya gantukāmo suṇāti “asuko mahāthero āgamissatī”ti, taṃ ce āgamenti, vaṭṭati. Āgamentasseva ce vassūpanāyikadivaso hoti, hotu, gantabbaṃ tattha, yattha nissayadāyakaṃ labhatīti. Pātimokkhuḍdesakābhāvena ce gantum vaṭṭati, pageva nissayadāyakābhāvena. Sace so gacchanto jīvitantarāyaṃ, brahmacariyantarāyaṃ vā passati, tattheva vasitabbanti eke.

122. “Nāhaṃ ussahāmi therassa nāmaṃ gahetun”ti itthannāmo itthannāmassa āyasmatoṭi lakkhaṇato āha. “Gottenāpi”ti vacanato yena vohārena vohariyanti, tena vaṭṭatīti siddhaṃ, tasmā ‘ko nāmo te upajjhāyo’ti puṭṭhenāpi gottameva nāmaṃ katvā vattabbanti siddhaṃ hoti, tasmā catubbidhesu nāmesu yena kenaci nāmena anussāvanā kātabbā”ti vadanti. Ekassa bahūni nāmāni honti, tattha ekaṃ nāmaṃ ñattiyā, ekaṃ anussāvanāya kātum na vaṭṭati, atthato, byañjanato ca abhinnāhi anussāvanāhi bhavitabbanti. Katthaci “āyasmato buddharakkhitattherassā”ti vatvā katthaci kevalaṃ

“Buddharakkhitassā”ti sāveti, “sāvanam hāpeti”ti na vuccati nāmassa ahāpitattāti eke. Sace katthaci “āyasmato buddharakkhitassā”ti vatvā katthaci “buddharakkhitassāyasmato”ti sāveti, pāṭhānurūpattā khattameva otiṇṇantipi eke. Byañjanabhedappasaṅgato anussāvane¹ taṃ na vaṭṭatīti eke. Sace pana sabbatṭhānepi tatheva vadati, vaṭṭati bhagavatā dinnalakkhaṇānurūpattā. Lakkhaṇavirodhato aññathā na vaṭṭatīti ce? Na, payogānurūpattā. Tattha tathā, idha aññathā payogoti ce? Na, vipattilakkhaṇānam virodhato. Na sabbena sabbaṃ, sāvanāhāpanā eva hi **pāliyaṃ** tadatthavibhāvane āgatāti aññapadesu sāvanesu parihāro na sambhavati āciṇṇakappavirodhato. Sopi kiṃ pamāṇanti ce? Pamāṇam ācariyuggahassa pamāṇattā.

123. **Dve ekānussāvaneti** ettha **gaṇṭhipade** tāva evaṃ likhitam “ekato pavatta-anussāvane”. **Idaṃ sandhāyāti** nānupajjhāyaṃ ekācariyaṃ anussāvanakiriyaṃ sandhāya, tañca anussāvanakiriyaṃ ekenupajjhāyena nānācariyehi anujānāmīti attho. Nānupajjhāyehi ekenācariyena na tveva anujānāmīti atthoti. **Porānagaṇṭhipade**pi tatheva vatvā “tiṇṇam uddham na kenaci ākārena ekato vaṭṭatī”ti vuttam, taṃ yuttam, na hi saṅgho saṅghassa kammaṃ karotīti ācariyo. Idaṃ panettha cintetabbaṃ. Kathaṃ? Cattāro vā atirekā vā upasampadāpekkhā saṅghavohāraṃ na labhanti bhikkhubhāvaṃ appattattā. Kevalam bhagavatā paricchinditvā “tayo”ti vuttattā tato uddham na vaṭṭatīti no takkoti ācariyo. **Anugaṇṭhipade**pi ayamevattho bahudhā vicāretvā² vutto. Tathā **andhakatṭhakathāyampi**. Na sabbattha imasmim atthavikappe matibhedo atthi. Yā panesā ubho paripuṇṇavāsativassā, ubhinnamekupajjhāyo, ekācariyo, ekā kammavācā, eko upasampanno, eko anupasampannoti parivārakathā, taṃ dassetvā eko ce ācariyo dvinnam, tiṇṇam vā upasampadāpekkhānam ekaṃ kammavācam ekenupajjhāyena sāveti, vaṭṭatīti eke. Taṃ ayuttam, na hi sakkā sithiladhanitādibyañjanalakkhaṇasampannam tasmim khaṇe kammavācam dassetuṃ vimuttadosādīsū patanato. Visuṃ visuṃ karaṇam sandhāya idaṃ vuttanti dīpanattham “tayo

1. Anussāvanena (Ka)

2. Vitthāretvā (Ka)

paripuṇṇavīsativassā, tiṇṇamekupajjhāyo, ekācariyo, ekā kammavācā, dve upasampannā, eko anupasampanno”ti na vutto. Evañhi vutte sakkā tīsu ākāsaṭṭhamapanetvā sīmaṭṭhānaṃ dvinnamanurūpaṃ kammavācaṃ dassetuṃ, tamaniṭṭhappasaṅgaṃ nivāretuṃ “ubho”ti vuttaṃ. “Tattha paripuṇṇavīsativassavacanena vatthusampatti, parisāya padhānattā, ācariyupajjhāyavacanena parisasampatti, kammavācāya anussāvanasampatti dassitā, sīmasampatti evekā na dassitā. Tato vipatti jātā kammavācānaṃ nānākkhaṇikattā. Ekakkhaṇabhāve sati ubhinnaṃ sampatti vā siyā vipatti vā, na ekasseva sampatti ekassa vipattīti sambhavati vimuttādibyañjanadosappasaṅgato”ti vuttaṃ, taṃ vacanaṃ ubhopi cete sīmagatāva honti, ubhinnaṃ ekato kammasampattidīpanato dvinnaṃ ekato anussāvanaṃ ekena upajjhāyena ekenācariyena vaṭṭatīti sādheti. Dvinnaṃ, tiṇṇaṅca ekato sasamanubhāsanā ca **pāḷiyam**yeva dassitā, taṅca anulometi. **Aṭṭhakathācariyehi** nānuññātāṃ, na paṭikkhittaṃ, vicāretvā gahetabbanti ācariyo, taṃ dhammatāya virujjhati.

Ayañhi buddhānaṃ dhammatā—yadidaṃ yattha yattha vacananānattamatthi, tattha tattha garukesu ṭhānesu vattabbayuttaṃ vadanti. Dūtena upasampadādayo cettha nidassanaṃ. Yasmā cettha pubbe anuññātakammavācāya nānattaṃ natthi, tasmā “anujānāmi bhikkhave dve tayo ekānussāvane kātun”ti vatvā “evaṅca pana bhikkhave kātabbo”ti na vuttaṃ. Nānatte satipi tattha tattha dvinnaṃ, bahūnaṃ vā vasena vuttakammavācānusāreṇa gahetabbato avuttanti ce? Na hi lahukesu ṭhānesu vatvā garukesu avacanaṃ dhammatāti ācariyo. Aññatarasmim̐ pana **gaṇṭhipade** evaṃ papañcitaṃ **dve ekānussāvaneti** dve ekato anussāvane. “Ekena” iti pāṭho, ekena ācariyenāti attho. **Purimanayenevāti** “ekena vā dvīhi vā ācariyehi”ti vuttanayena eva, tasmā ekenācariyena dve vā tayo vā anussāvetabbā. “Dvīhi vā tīhi vā”ti pāṭho. **Nānācariyā nānupajjhāyāti** ettha “taṅca kho ekena upajjhāyena, na tveva nānupajjhāyenā”ti vuttattā na vaṭṭatīti ce? Vaṭṭati. Kathaṃ? Ekena anussāvane ekānussāvaneti viggahassa pākaṭattā līnameva dassetuṃ “ekato anussāvane”ti viggahova vutto, tasmā ujukattameva

sandhāya tañca kho ekena anussāvanam ekānussāvanam, ekena upajjhāyena anujānāmi, na tveva nānupajjhāyenāti attho¹. Idam sandhāya hi dvidhā viggaho, tasmā “nānācariyehi nānupajjhāyā na vaṭṭantīti siddhamevā”ti aññathāpi vadanti. Tañca kho ekena upajjhāyena ekassa upajjhāyassa vā vattabham anussāvanam, na tveva nānupajjhāyena anujānāmīti attho. Kim vuttam hoti? “Eko ācariyo, dve vā tayo vā upasampadāpekkhā dvinnam tiṇṇam vā upajjhāyānam na tveva anujānāmī”ti kira vuttanti. Aparasmim pana **gaṇṭhipade** “ekena anussāvaneti viggahassa pākaṭattā tam pakāsetum ‘ekenā’ti vuttam. Evaṃ vutte avassam paṇḍitā jānanti. Tam pākaṭattā ce jānanti, ekenāti iminā kinti ce? Kiñcāpi jānanti, vivādo pana hoti aladdhalesattā, jānituñca na sakkā, ‘ekenā’ti vutte pana tam sabbam na hotīti vuttan”ti likhitam. Evaṃ ettha aneke ācariyā ca takkikā ca anekadhā papañcenti, tam sabbam suṭṭhu upaparikkhitvā garukulam payirupāsivā vamsānugatova attho gahetabbo. “Na sabbattha imasmim atthavikappe matibhedo atthī”ti vuttameva.

Upasampadāvidhikathāvaṇṇanā

125. **Kuṭṭham gaṇḍoti** ettha kuṭṭhādiggahaṇena hatthacchinnādayopi gahitāva hontīti porāṇā, tasmā “manussosi purisosī”ti etehi bhabbābhabbapuggalaparivajjanam karoti. “Bhujissosi aṇaṇosī”ti-ādīhi pubbe hatthacchinnādhikāre vutta-atthavikappesu dutiyam vikappam upathambheti. Tattha “aṇaṇosī bhujissosī”ti anukkamena avatvā uppaṭipāṭiyā vacanena bhujisso hoti, na ca rañño bhattavetanavasena bhaṭo. Rājadhīnattā pana so rājabhaṭapakkham bhajatīti tabbipakkhabhāvapucchanattham “**nasi rājabhaṭo**”ti vuttam. Aññathā pañcahi ābādhehi phuṭṭhānam gahaṇeneva sabbesam gahaṇe siddhe itare na vattabbā. Atha vattabbā, sabbepi vattabbā siyum.

Cattāronissayādikathāvaṇṇanā

128-9. “**Tāvadeva chāyā metabbā**”ti-ādi “bhikkhūnam pāde vandāpetvā”ti vacanato therātherabhāvajānanattham vuttam. “Cirena agamāsī”ti kira porāṇapāṭho, ciram akāsīti catthi.

130. **Anāpatti sambhoge saṁvāseti** ukkhittakena saddhiṁ sambhogasaṁvāsapaccayā pācittiyāpatti paññattā, tato anāpattīti attho. Kathaṁ paññāyatīti? Saṁvāsggahaṇe. Alajjinā saddhimsambhogapaccayā āpajjitabbaṁ dukkaṭaṁ pana āpajjati eva, na saṁvāsapaccayā. Na hi alajjinā saddhiṁ saṁvāso paṭikkhitto. Saṁvāso panettha sahaseyyappahonake āvāse sahavāso, na “pārājiko hoti asaṁvāso”ti ettha vuttasaṁvāso. Ayaṁ saṁvāso ukkhittakena saddhiṁ na vaṭṭati. Alajjinā saddhiṁ ekacco vaṭṭati. Dhammasambhogavinimuttovetaro¹. Idaṁ pana “ukkhittako vibbhamī”ti-ādisuttaṁ imasmiṁ upasampādetabbānupasampādetabbadīpanasāmaññato vuttaṁ. Kiñca bhiyyo paṭipattikkamatova āpattito suddhi hoti, na vibbhamena, tasmā upasampanno bhikkhu antamaso dubbhāsītampi āpajjitvā aparabhāge vibbhamitvā āgato upasampajjati, taṁ āpattiṁ desetvāva sujjhati, na aññathāti upasampannassa suddhikkamadassanattamaṁ. Asādhāraṇāpattiyā adassanapaccayā ukkhittakassa liṅgaparivattanena āpattito vuṭṭhitassa puna ce pakatiliṅgamevuppajjati, nānāsaṁvāsakatāva, vibbhamitvā āgatepi yathāvuttanayeneva upasampādetvā na vuṭṭhitattāti ce? Na liṅgantaraṇapātubhāvā. Na vibbhamena kammāsujjhanato. Na² kammāsujjhane puna upasampadākammavipattippasaṅgato. Na ca kammavipatti, na ca kammaṇipattippassaddhi. Vibbhamena ca anupasampanno nānāsaṁvāsakabhāvena kammaṁ kopeti dhammissarena āhacca bhāsītattā. Teneva “passissasī”ti anāgatavacanaṁ kataṁ. Tādiso pana gahaṭṭho nikkhattavattapārīvāsiko viya pakatattabhūmiyaṁ vibbhamādinā anupasampannapakatiyaṁveva tiṭṭhatīti imassa sabbassapi atthavikappassa dassanattamidaṁ vuttanti vedittabbaṁ. Pubbe vuttappakāro pana parivattitaliṅgo hutvā puna pakatiliṅge ṭhita-ukkhittako puna pucchitabbo “passasī”ti. “Āma passāmī”ti vadanto osāretabbo. “Desehī”ti na vattabbo liṅgaparivattanena vuṭṭhitattā. Tappaṭikamma³ ukkhittako pucchitabbo “paṭikammaṁ kiṁ te katan”ti, “āma katan”ti vadanto osāretabbo. “Kattabbaṁ me paṭikammaṁ na hotī”ti vadanto na osāretabboti eke. Asādhāraṇāpattimhi idaṁ vidhānaṁ, na sādhāraṇāya. Tattha

1. Dhammasaṁvāsinimuttovetaro (Ka) 2. Katthaci natthi. 3. Appaṭikamma (Ka)

ukkhittako liṅgaparivattaneneva paṭippassaddhakammoti eke. Vicāretvā yuttataram gahetabbanti ācariyo. **Anugaṇṭhipade** pana “alajjiparibhogo sahatthadānādivasena paricchinditabbo, ‘sāraṇīyadhammapūrakādayo dassetvā alajjissa sahatthā dātuṃ vaṭṭatī’ti vadantānaṃ vādo paṭisedhetabbo. Kathaṃ? Ukkhittakassa sahatthā dātuṃ na vaṭṭatīti vinicchayānusārena. Dāpetuṃ pana vaṭṭatevāti ca. Kiñcāpi alajjiparibhogavasena dukkaṭaṃ, atha kho ayaṃ alajjī na hoti, tasmā sabbākārena nirāpattitaṃ sandhāya ‘anāpatti sambhoge saṃvāse’ti vuttaṃ. Kathaṃ paññāyatīti? Viññeyyo atthato ucchurasakasaṭānaṃ sattāhakālikayāvajīvikattā ‘vaṭṭati vikāle ucchuṃ khādituṃ’ti saññaṃ uppādetvā taṃ khāditvā tappaccayā pācittiyaṃ na passati, vaṭṭatīti tathāsaññitāya. Yo vā pana āpattiṃ āpannabhāvaṃ paṭijānitvā ‘na paṭikaromī’ti abhinivisati, ime dve—

‘Sañcicca āpattiṃ āpajjati, āpattiṃ parigūhati.

Agatigamaṇaṅca gacchati, ediso vuccati alajjipuggalo’ti¹—

vuttalakkaṇe apatanato alajjino na honti, tasmā ‘yo āpattidesanapaṭikammāni na karoti, tena saddhiṃ sambhogādikaraṇe anāpattī’ti visesetvā vuttavacanena, itarenapi saddhiṃ kiñcāpi rūpiyasamvohāro na hoti, atha kho kayavikkayena āpatti hotiyevāti nayo dinno hoti, pañcahi saddhiṃ sabbathāpi anāpattīti nayo ca. Evaṃ sāpattiṭṭhānesu visesetvā ca vacanato idha tathā avuttattā tena saha alajjiparibhogo natthi. Bhajāpiyamāno pana alajjipakkaṃ bhajatīti imināpi upāyena sabbattha taṃ taṃ saṃsanditvā attho pariyesitabboti apare. Ācariyā pana evaṃ na vadantī’ti vuttaṃ. “Sacāhaṃ na passissāmīti vadati, na pabbājetabbo”ti vuttattā pubbe āpannāpattiyo uppabbajitassāpi na paṭippassambhantīti siddhaṃ, teneva ācariyā āpattiṃ desāpetvāva sikkhāpaccakkhānaṃ kārapentīti ca anāpatti sambhoge saṃvāseti idaṃ pubbe āpannaṃ santim eva āpattiṃ na passatīti āsaṅkitabbo. Sā paṭippassaddhāti nāpanatthaṃ

1. Vi 5. 279 piṭṭhe.

vuttanti ca eke. “**Passissasī**”ti gahaṭṭhattā desetum na vaṭṭatīti anāgatavasena vuttaṃ. “**Upasampādetvā passissasī**”ti parivāsādinā kattabbassa atthibhāvena “passasī”ti avatvā anāgatavasena vuttaṃ, **osāretvā**ti abbhānavasena. Tattha puna kātabbassa abhāvā “passasī”ti vuttaṃ. Idam sabbam sabbattha paṭijānaṃ sandhāya vuttaṃ. Ekatrāpi puna na paṭijānāti, etena saha tassā āpattiyā anurūpena saṃvāso na kātabbo, alajjibhāvenāti vuttaṃ hoti. **Diṭṭhiyā**ti-ādīsu osāraṇaṃ nāma samānakammādinā karaṇanti attho. **Anāpatti sambhogeti** ukkhittakena sambhoge anāpatti. Kasmā? Ukkhittakakammassa gahaṭṭhabhāvena paṭippassaddhattā, teneva “alabbhamānāya sāmaggīyā”ti vuttaṃ. Idāni bhikkhubhāve kattabbatoti keci. Dvīsupi vāresu kammaṭippassaddhividhānaṃ teyeva jānanti, tasmā sabbavāresu yuttamayuttaṅca suṭṭhu sallakkhetvā kathetabbaṃ.

Yo khandhakaṃ pabbajjanāmadheyyaṃ,
 Nānānayaṃ sāsanaṃulabhūtaṃ.
 Ñatvā pakāseti parassa sammā,
 Tassādhipaccaṃ munisāsanaṃsminti.

Mahākhandhakavaṇṇanā niṭṭhitā.

2. Uposathakkhandhakavaṇṇanā

Sannipātānujānanādikathāvaṇṇanā

132-3. **Tena samayenā**ti attano ovādapātimokkhuddese dhuraṃ nikkhipitvā bhikkhūnaṃyeva visuṃ uposathakaraṇaṃ anujānitvā ṭhitasamayena. Ko pana soti? Majjhimbodhiyaṃ pātimokkhuddesappahonakasikkhāpadānaṃ pariniṭṭhānakālo. Tenevāha “tāni nesaṃ pātimokkhuddesaṃ anujāneyyaṃ”ti. **“Evañca pana bhikkhave uddisitabban”**ti nidānuddesaṃ paññāpetukāmatāya ca sikkhāpadānaṃ uddesaparicchedanidassanattañca vuttaṃ. Aññathā “evañca pana bhikkhave imaṃ sikkhāpadaṃ uddiseyyathā”ti sabbasikkhāpadānaṃ uddisitabbakamassa dassitattā idāni “evañca pana bhikkhave uddisitabban”ti idaṃ niratthakaṃ āpajjati, idañca sabbasaṃghuposathaṃ sandhāya vuttaṃ.

134. “Yannūna ayyāpi -pa- sannipateyyun”ti bahūnaṃ adhikārapavatti. Tatrāpi vinayaṃ āgamma vutto bhikkhu sāmi, na kevalaṃ saṃghattheroti dassanattaṃ, saṃghassa gāravayuttavacanārahataḍassanattañca **“suṇātu me bhante”**ti āha. Tattha sayāṃ ce thero, bhikkhuṃ sandhāya “āvuso”ti vattuṃ yujjati. Kathaṃ paññāyati? Buddhakāle saṃghatthero abyatto nāma dullabho. Sabbakammavācāya payoganidassane ca “suṇātu me bhante saṃgho” icceva bhagavā dasseti ce? Evametāṃ tathā dassanato. Saṃghaṃ upādāya saṃghattherenāpi “suṇātu me bhante saṃgho”ti vattabbaṃ, bhikkhuṃupādāya “āvuso”ti mahākassapassa kammavācāya payogadassanato, pārisuddhi-uposathe ca therena bhikkhūnā “pārisuddho ahaṃ āvuso”ti payogadassanato ca. **“Yadi saṃghassa pattakallaṃ”**ti parato paññāpetabbe uposathakaraṇantarāye sandhāyāha. Uposathassa bahuvidhattā sarūpato vattuṃ **“pātimokkhaṃ uddiseyyā”**ti-āha. Ettāvataṃ ñattim niṭṭhapesi. Ñattidutiyakammato eva hi uposathakammaṃ. Na, tatiyānussāvanasambhavatoti ce? Na, aññehi ñatticatutthakammehi asadisattā. Na hi ettha catukkhattuṃ “suṇātu me”ti ārabhīyatīti. Aññehi ñattidutiyehi asadisattā ñattidutiyampi mā hotūti ce? Na,

ñattidutiyakammasa aññathāpi kattabbato. Tathā hi ñattidutiyakammañ ekaccañ apalokanavasenapi kātuñ vaṭṭati, na aññañ aññathā kātuñ vaṭṭati. Kathaṃ paññāyatīti? Idameva uposathakammañ ñāpakam.

“Kiṃ saṅghassa pubbakiccan”ti idaṃ na ñatti niṭṭhapetvā vattabbañ, tañhi ñattito puretameva karīyatīti. Tasmā “suṇātu me bhante saṅgho, kiṃ saṅghassa pubbakiccam, yadi saṅghassā”ti vattabbañ siyāti? Tathāpi na vattabbañ, na hi taṃ ñattiyā antokarīyatīti. Yadi evaṃ sabbattha na vattabbañ payojanābhāvāti ce? Na, yathāgataṭṭhāneyeva vattabbato, parapadāpekkhatāyāti vuttañ hoti. Idaṃ pubbakiccam akatvā uposatham karonto saṅgho, puggalo vā ṭhapanakkhattātikame āpajjati. Na hi tasmīñ khette atikkante sammajjanāsanodakapadīpakaraṇe āpattimokkha hoti. Uposathakammato pubbe kattabbakiccākaraṇapaccayattā tassā āpattiyā, na sā kamma-pariyosānāpekkhā etthāgatasampajānamusāvādāpatti viya, tasmā pātīmokkhuddesako bhikkhu “pārisuddhiṃ āyasmanto ārocethā”ti vattukāmo paṭhamāmyeva parisuddhāparisuddhapaccayaṃ pubbakiccam sarāpeti. Tañhi kataṃ parisuddhapaccayo hoti, akataṃ aparisuddhapaccayo, teneva ubhayāpekkhādhippāyena “kataṃ na katan”ti avatvā “**kiṃ saṅghassa pubbakiccam**”iccevaḥa. Tattha akatapakkhe tāva pārisuddhi-ārocanakkamanidassanattaṃ parato “yassa siyā āpatti, so āvi kareyyā”ti ca, katapakkhe “asantiyā āpattiyā tuñhī bhavitabban”ti ca vakkhati.

Pārisuddhiṃ āyasmanto ārocetha. Kiṃ kāraṇā? Yasmā pātīmokkhañ uddisissāmi. Ettha ca “uddisāmi”ti vattamānakālaṃ aparāmasitvā “uddisissāmi”ti anāgatakālaparāmasanena yvāyaṃ “dāni nesam pātīmokkhuddesaṃ anujāneyyan”ti ettha vuttapātīmokkhuddeso, taṃ sandhāya “pātīmokkhañ uddisissāmi”ti vuttanti eke. Yasmā “pañcime bhikkhave pātīmokkhuddesā”ti¹ vuttañ, tasmā vattamānassa nidānuddesasañkhātassa pātīmokkhassa yadetaṃ ante “kaccittha parisuddhā”ti-ādikaṃ yāvattiyānussāvanam, tasseva āpattikhettattā, avayavepi avayavīvohārasambhavato ca idha āpattikhettameva sandhāya “**pātīmokkhañ**

1. Vi 3. 151 piṭṭhe.

uddisissāmī”ti vuttaṃ. Evañhi vutte yasmā parato āpattikhettam āgamissati, tasmā āpattibhīrukā tumhe sabbeva paṭhamameva pārisuddhiṃ ārocethāti ayamatto sambhavati. Vattamānakālavasena vutte “pārisuddhiṃ āyasmanto ārocethā”ti vacanameva na sambhavati tadārocanassa¹ paṭhamam icchitabbattā, pageva tassa karaṇabhāvena² “pātimokkham uddisissāmī”ti vacanam. Ayam nayo santiyā āpattiyā ārocane yujjati, na tuṇhībhāve, akamma-pariyosānā tuṇhībhāvappattito, evam santepi tasmim yujjateva. Pātimokkhuddesako hi aññamaññam āpatti-āvikaraṇam akatvā tuṇhībhūte bhikkhū passivā teneva tuṇhībhāvena ārocitapārisuddhiko hutvā “suṇātu me bhante”ti pātimokkhuddesam ārabhi.

Etthāha—paṭhamam “saṅgho uposatham kareyya, pātimokkham uddiseyyā”ti vuttattā idhāpi “saṅgho uposatham karissati, pātimokkham uddisissati”ti vattabbam, atha “puggalassa uddesā”ti lakkhaṇattā yathārutameva vattabbam, tathāpi “uposatham karissāmi, pātimokkham uddisissāmī”ti vattabbanti? Na vattabbam lakkhaṇavirodhato, anīṭṭhappasaṅgato ca. Puggalassa uddesā eva hi saṅghassa uposatho kato hoti, na puggalassa uposathakaraṇena. Tañca sova karissati, na saṅghoti anīṭṭhappasaṅgova āpajjati. “Suṇāthā”ti vutte acittasāmaggipasaṅgabhayā “**suṇomā**”ti vuttaṃ. “Suṇissāmā”ti vattabbam “uddisissāmī”ti vuttattāti ce? Na vattabbam, āpattikhettadassanādhippāyanirapekkhatāya “suṇoma” icceva vattabbam. Ekapadeneva hissa tadadhippāyo atikkantoti. Yadi evam kimattham tam sabbeheva āraddhanti ce? “Uddisissāmī”ti iminā asādhāraṇavacanena āpannassa acittasāmaggipasaṅganivāraṇattham. **Saramānenā**ti iminā cassa sampajānamusāvādassa sacittakataṃ dasseti. **Antarāyiko dhammo vutto bhagavatā**ti evam akiriyasamuṭṭhānassāpi evam parittakassa imassa musāvādassa mahādīnavataṃ dasseti. **Visuddhāpekkhenā**ti sāvasesam āpattim upādāya anāpattibhāvasaṅkhātam anavasesaṅca upādāya gihibhāvasaṅkhātam visuddhiṃ icchantena kasmā āvi kātābbā? Antarāyabhāvānupagamanena phāsuvihārapaccayattā.

1. Tathārocanassa (Ka)

2. Karaṇabhāvena (Ka)

Idha “ajjuposatho pannaraso”ti na vuttam̄ parato divasaniyamassa kattukāmatādhippāyena avuttattā. Evaṃ pana te bhikkhū sabbadivasesu uddisimsu.

135. “**Ādimetan**”ti silapātimokkameva vuttam̄, kiñcāpi ganthapātimokkho adhippeto. “**Pañcannam̄ vā**”ti mātikāyam̄ vuttānam̄ vasena vuttam̄. **Anajjhāpanno vāti** puggalādhiṭṭhānadesanā. **Porānagaṇṭhipade** pana “uposatham̄ kareyyā”ti ettavatā ñatti hoti. Yāvataṭṭiyānussāvanā nāma ‘yassa siyā āpatti’ti-ādivacanattayam̄, ante ‘dutiyaṃpi tatiyaṃpi pucchāmī’ti idañcāti duvidham̄. Tattha paṭhamam̄ āpattim̄ saritvā nisinnassa, dutiyam̄ asarantassa sāraṇatthan”ti vuttam̄. “**Vacīdvāre**”ti pākaṭavasena ujukameva vuttam̄. Kiñcāpi kāyaviññattiyāpi karīyati, kāyakammābhāvā pana vacīviññattiyāyeva āvi kātābbā. “Saṃghamajjhe vā”ti-ādi lakkhaṇavacanam̄ kira. Saṃghuposathakaraṇattham̄ saṃghamajjhe ce nisinno, tasmim̄ saṃghamajjhe. Gaṇuposathakaraṇatthañce gaṇamajjhe nisinno, tasmim̄ gaṇamajjhe. Ekasseva santike ce pārissuddhi-uposatham̄ kattukāmo, tasmim̄ ekapuggale āvi kātābbāti, “etena na kevalam̄ saṃghamajjhe evāyam̄ musāvādo sambhavati, atha kho ettha vuttalakkhaṇena asatipi ‘pārissuddhim̄ āyasmanto ārocethā’ti-ādividhāne gaṇuposathepi sāpattiko hutvā uposatham̄ kattukāmo anārocetvā tuṇhībhūtova karoti ce, sampajānamusāvādāpattim̄ āpajjatīti imassatthassa āvikaraṇato lakkhaṇavacanam̄ kiretan”ti vadanti takkikā. Aññathā “gaṇamajjhevā”ti na vuttanti tesam̄ adhippāyo. Ārocanādhippāyavasena vuttanti no takkoti ācariyo. Ārocento hi saṃghassa ārocenti adhippāyena āvi karonto saṃghamajjhe āvi karoti nāma. Attano ubhatopasse nisinnānam̄ ārocento gaṇamajjhe. Ekassevārocessāmī sabhāgassāti adhippāyena ārocento ekapuggale āroceti nāma. Pubbe vibhattapadassa puna vibhajanam̄ atthavisesābhāvadāpanatthanti veditabban̄.

136-137. “**Na bhikkhave devasikam̄ -pa- dukkaṭassā**”ti vatvā “**anujānāmi bhikkhave uposathe pātimokkham̄ uddisitun**”ti idam̄ anuposathe eva tam̄

dukkaṭaṃ, uposathe pana devasikampi vaṭṭatīti dīpeti, tasmā te bhikkhū cātuddasiyaṃ uddisitvāpi pannarasiyaṃ uddisimsu, tenāha “**sakim pakkhassā**”ti. Tattha purimena sāmaggīdivaso uposathadivaso evāti dīpeti. Ubhayena aṭṭhamiṃ paṭikkhipitvā devasikaṃ paṭikkhepassa atippasaṅgaṃ nivāreti. Kim vuttaṃ hoti? Bhinno ce saṅgho pāṭipadadivase samaggo hoti, tasmim divase sāmaggī-uposathaṃ karonto ubhayampi dukkaṭaṃ āpajjanto ubhayena ekībhūtena nivārito hotīti vuttaṃ hoti. Aññathā sāmaggī-uposatho na devasiko. Ce, ahorattaṃ kātabbo. Tasmīṃca pakkhe pakati-uposatho na devasiko. Ce, ahorattaṃ kātabbo. Tasmīṃca pakkhe pakati-uposatho anuddiṭṭho. Ce hoti, sāmaggī-uposatho kātabboti āpajjati. Na apavādanayena gahetabbatīti ce? Na, aniṭṭhappasaṅgato. Kim vuttaṃ hoti? Sāmaggīdivase sāmaggī-uposathaṃ katvā puna tasmim pakkhe pakati-uposathadivase sampatte pakati-uposatho na kātabboti. Apavādoti. Apavāditabbaṭṭhānato aññattha ussaggavidhānaṃ nivāreti.

Kittāvatā nu kho sāmaggīti etthāyamadhippāyo—sāmaggī nāmesā sabhāgānaṃ sannipāto. Sabhāgā ca nāma yattakā sahadhammikā, te sabbepi honti, udāhu āvāsasabhāgatāya sabhāgā nāma hontīti. Tattha yadī sahadhammikānaṃ sāmaggī sāmaggī nāma, sabbesaṃ puthuvibhattānaṃ sāmaggī icchitabbā. Athāvasathavasena, ekāvāsasabhāgānanti vuttaṃ hoti. Aññathā ekāvāse sāmaggīti āpajjati. **Mā no agamāsīti** agato mā hohi.

Sīmānujānanakathāvaṇṇanā

138. Ekāvāsagatānaṃ vasena sāmaggim paṭikkhipitvā ekasīmagatānaṃ vasena anujānitukāmo bhagavā “**anujānāmi bhikkhave sīmaṃ sammannitun**”ti āha. Atha āvāsaparichedaṃ vattukāmo bhaveyya. Ettāvatā ekāvāso yāvatā ekāsīmā. “Anujānāmi bhikkhave sīmaṃ sammannitun”ti vadeyya. Tasmā na idha anuññātabaddhasīmāvasena ekāvāsaparichedo hoti, upacārasīmāvaseneva hotīti veditabbaṃ. Kathaṃ jānitabbanti ce? Pāḷitova, yathāha “tena kho pana samayena

āyasmā upanando sakyaputto eko dvīsu āvāsesu vassaṃ vasi -pa-ekādhīpāyan”ti¹. Aññathā vassacchedoti aniṭṭhappasaṅgova, katham? Ekāvāsavaseneva ce sāmaggī, bahu-āvāsa-anāvāsesu na sambhaveyya. Tato so taṃ āvāsaṃ gacchanto bahiddhā uposathaṃ karoti. “Na bhikkhave tadahuposathe sabhikkhuko anāvāso gantabbo”ti-ādi²pāḷivirodho satipi saṃghe anāvāse uposathassa akattabbato. Anāvāsepi ce sāmaggī labbhati, “ettāvata sāmaggī, yāvata ekāvāso”ti na vattabbari, tasmā sabbathā purimanayo pacchimeneva paṭikkhittoti katvā nānāvāsavasenapi sāmaggīti veditabbari. “Taṃ kammaṃ karomāti vatvā na akaṃsū”ti-ādīsu viya anāgatampi apekkhati, tasmā ‘karomā’ti vutte na vaṭṭatī”ti vadanti. “Sīmaṃ asodhetvāpi nimittaṃ kittetuṃ vaṭṭatī”ti likhitaṃ. Heṭṭhimakoṭiyā aḍḍhaṭṭhamaratanubbedho **hatthippamāṇo**. **Sace eko baddho hoti, na kātabboti** ettha “catūsu disāsu catunnaṃ pabbatakūṭānaṃ heṭṭhā piṭṭhipāsāṇasadise pāsāṇe ṭhitattā ekābaddhabhāve satipi pathavito uddham tesam sambandhe asati heṭṭhā pathavigatasambandhamatte abbohārikaṃ katvā kittetuṃ vaṭṭati. Teneva ‘piṭṭhipāsāṇo atimahantopi pāsāṇasaṅkhyameva gacchatī’ti vuttaṃ. Pathavito heṭṭhā tassa mahantabhāve gayhamāne pabbatameva hotī”ti **anugaṇṭhipade** vuttaṃ. “Cinitvā katapaṃsupuñje tiṇagumbarukkhā ce jāyanti, pabbato hotīti **dhammasiritthero**. Nevāti **upatissatthero**”ti vuttaṃ.

Pāsāṇoti “sudhāmayapāsāṇopi vaṭṭatī”ti vadanti. Vīmaṃsitabbari iṭṭhakāya paṭikkhittattā. **Dvattīṃsapalaguḷapiṇḍappamāṇo** tulatāya, na tulagaṇanāya. **Sopīti** khāṇuko viya uṭṭhitapāsāṇo.

Catupañcarukkhanimittamattampīti ekaccesu nimittasaddo natthi. Ettha tayo ce sāraruḅbhā honti, dve asāraruḅbhā, sāraruḅbhānaṃ bahuttaṃ icchitabbari. “Susānampi idha ‘vanamevā’ti saṅkhyam gacchati sayamjātattā”ti vuttaṃ. Keci pana “catūsu dve antosārā ce, vaṭṭati. Antosārā adhikā, samā vā, vaṭṭati. Tasmā bahūsipi dve ce antosārā atthi, vaṭṭatī”ti vadanti.

1. Vi 3. 416 piṭṭhe.

2. Vi 3. 189 piṭṭhe.

Parabhāgeti ettha “etehi baddhaṭṭhānato gatattā vaṭṭati. Tathā dīghamaggepi gahitaṭṭhānato gataṭṭhānassa aññattā”ti vadanti.

Anvaddhamāsanti ettha “anubaddho addhamāso, addhamāsassa vā anū”ti likhitaṃ. “Antaravāsako temiyatī”ti vuttattā tattakappamaṇa-udakeyeva kātuṃ vaṭṭatīti keci. **Temiyatī**ti iminā heṭṭhimakoṭiyā nadilakkhaṇaṃ vuttaṃ. Evarūpāya nadiyā yasmiṃ ṭhāne cattāro māse appaṃ vā bahum vā udakaṃ ajjhottharivā pavattati, tasmim ṭhāne appodakepi ṭhatvā kātuṃ vaṭṭatīti eke. “Pavattanaṭṭhāne nadinimittan’ti vuttattā setuto parato tattakaṃ udakaṃ yadi pavattati, nadī evā”ti vadanti.

Jātassarādīsu ṭhitodakaṃ jātassarādīpadesena anantarikampi nimittaṃ kātuṃ vaṭṭati nadipārasīmāya nimittaṃ viya. Sace so padeso kālantarena gāmakhettabhāvaṃ pāpuṇāti, tattha aññaṃ sīmaṃ sammannituṃ vaṭṭati. **Ukkhepimanti** uddharivā gahetabbakaṃ.

Abaddhasīmavihārānaṃ sīmāya upacāraṃ ṭhapetvāti “āyatim sammannitabbāya okāsaṃ ṭhapetvā”ti likhitaṃ. **Antonimittagātehi panā**ti “ekassa upaḍḍhaṃ antokattukāmatāya sati sabbesaṃ āgamane payojanaṃ natthīti katvā ‘antonimittagātehi’ti vuttaṃ, tañca sāmīcivasenā”ti vadanti. **Anāgamanampi vaṭṭatī**ti “sīmāya abaddhattā vaggāṃ nāma na hotī”ti likhitaṃ. “Aññasmiṃ gāmakhette ṭhatvā nimittakittanakāle, samānasaṃvāsakasīmāya sammannanakāle ca āgamanapayojanaṃ natthī”ti vuttaṃ. **Bherisaññaṃ vā**ti “sammannanapariyosānaṃ karomāti vatvā”ti likhitaṃ, tena tādise kāle taṃ kappatīti siddhaṃ hoti. Kim iminā? **Sukhakarāṇatthanti** mahājanasannipātanaparissamaṃ akatvā appatarehi sukhakarāṇatthaṃ. Yadi mahāsīmābandhanakāle antarāyo hoti, tattakenapi sukhavihāroti dassanatthaṃ “**paṭhamaṃ**”ti vuttanti eke. **Tato oraṃ na vaṭṭatī**ti kathaṃ paññāyatīti? Vīsativaggakaraṇīyaparamattā saṃghakammaṃ. Kammārahena saddhim ekavīsati bhikkhū ce gaṇhāti, vaṭṭati. Tattakappamaṇaṃ sukhanisajjavasena veditabbaṃ. Tameva nimittaṃ aññepi kittetvā sace bandhanti, vaṭṭatīti eke.

“**Evam baddhāsu pana -pa-. Sīmantarikā hi gāmakhettaṃ bhajati**”ti na āvāsavasena sāmaggīparicchedo, kintu sīmāvasenevāti dassanatthaṃ vuttaṃ. “**Nimittupagapāsāṇe ṭhapetvā**”ti sañcārimanimittassa tapparato vuttaṃ. Ito paṭṭhāya gaṇṭhipadakkamo hoti—**na sakkhissantīti** te avippavāsam asallakkhetvā “samānasamvāsakameva samūhanissāmā”ti vāyāmantā samūhanitum na sakkhissantī. “**Ekaratanappamāṇā**”ti suviññeyyantarā hotīti katvā vuttaṃ. Ekaṅgulamattampi vaṭṭateva. Khaṇḍasīmato paṭṭhāya bandhanaṃ āciṇṇaṃ. Āciṇṇakaraṇena vigatasammoho hotīti. **Kuṭigeheti** kuṭighare bhūmighare. **Udukkhalaṃvāti** bhūmi-udukkhalaṃ viya khuddakāvāṭaṃ. “**Pamukhe**”ti bhūmikuṭim sandhāya vuttanti eke. **Heṭṭhā na otarati**ti bhittito oraṃ nimittāni ṭhapetvā kittitattā heṭṭhā ākāse¹ na otarati, upari kate pāsādeti attho. **Bhittilaggeti** bhittinissitake. Ime kira bhittilaggaṇi “ekābaddhā”ti na vuccanti. **Sabbo pāsādo sīmaṭṭho hotīti** ekābaddho vā hotu, mā vā. **Tālamūlakapabbato** nāma anupubbena tanuko. **Ākāsapabbhāranti** aparikkhepapabbhāraṃ. **Susirapāsāṇo** nāma leṇaṃ hoti. **Antoleṇanti** pabbatassa antoleṇaṃ. Dvāraṃ pana sandhāya parato “orato”ti vuttaṃ, sabbathāpi sīmato bahileṇena otarati adhippāyo.

Mahāsīmaṃ sodhetvāti sīmaṭṭhaṃ dūragatampi sīmagataṃ sīmasambandhaṃva, tasmā taṃ anāmasitvā ṭhātabbanti adhippāyo. Yadi evaṃ “tannissitakaṃ apanetvā kammaṃ kātuṃ vaṭṭati”ti vattabbaṃ. **Mahā-aṭṭhakathāyampi** “sīmaṃ sodhetvā kātabban”ti ettakameva vuttaṃ. Mahātherāpi “sodhetabbam”icceva vadantīti eke. “Mahāsīmaṃ sodhetvā vā kammaṃ kātabban”ti ca pāṭho atthi. “Vuttanayenevā”ti ca parato vakkhati, tasmā sādharmaṇapāṭhova sundaroti eke. **Purimanayepīti** khaṇḍasīmāya uṭṭhahitvā mahāsīmāya onatepīti attho. **Ukkipāpetvā kātuṃ na vaṭṭati.** Kasmā? Anto ṭhitattā. Rukkhasa heṭṭhā pathavigataṃ mūlaṃ khaṇḍasīmāva hoti, abbohārikaṃ vāti apare. “Majjhe pana chinne mahāsīmāya ṭhitamūlaṃ mahāsīmameva bhajati, khaṇḍasīmāya ṭhitaṃ khaṇḍasīmameva bhajati tadāyattapathavirasādīhi anuggahitattā”ti vuttaṃ. “Sīmāya pacchā uṭṭhitarukkhe nisīditvā kammaṃ kātuṃ

1. Okāse (Ka)

vaṭṭati pacchāsīmāyaṃ katagehe viyā”ti vatvā “bandhanakāle ṭhitarukkhe nisīditvā kātuṃ na vaṭṭati uparisīmāya agamanato”ti kāraṇaṃ vadanti. Evaṃ sati bandhanakāle puna ārohaṇaṃ nāma natthi, bandhitakāle eva āruhatīti āpajjati. Pacchā uṭṭhitarukkho pana tappaṭibaddhattā sīmasaṅkhyameva gato, evaṃ pubbe uṭṭhitarukkhopīti gahetabbaṃ. “Yaṃ kiñcipī”ti vacanato tiṇādiṭṭhi saṅgahitaṃ. Mahātherāpi tiṇaṃ sodhetvāva karontīti.

140. Yasmā majjhato koṇaṃ hoti, tasmā “**koṇato koṇaṃ**”ti vuttaṃ. “Āpattiṅca āpajjati acittakattā”ti vadanti. **Pārayatīti** ajjhottharati. Kā sā? Sīmā. “**Yā sabbanti mena -pa- vahatī**”ti tato heṭṭhimā nāvāsaṅkhyāṃ na gacchatīti katvā vuttanti eke, taṃ na yuttaṃ dutiyapārājike nāvaṭṭhabhaṇḍādhikāre tassāpi adhippetattā. Majjhimapurisassa bhārappamaṇena vuttanti eke. Bhikkhunīnampi nadīpārasīmāsambhavato tāsāṃ “ekā vā nadīpāraṃ gaccheyyā”ti vuttadosapariharaṇatthanti ācariyassa takko. Ubhayatthāpi **dhuva**-saddo gahito. Tena uposathantarāya parihaṇatthāṃ uposathadivaso niyamatova vutto. Ettha ca **nāvā** nāma pamāṇayuttā sabbasādhāraṇā thambhanāvā adhippetā, na kullānāvāti no takkoti ācariyo. Rukkhaṃ chinditvā katoti attho. Sace ekaṃ gāmakhettaṃ, sabbanimittānaṃ anto ṭhite bhikkhū hatthapāsagate katvā sammannitabbā. Nānāgāmakhettaṃ ce, anāgamanampi vaṭṭati. Ubhayatīre nimittakittanamattena dīpako saṅgahito na hoti, tasmā dīpake nimittāni kittetabbāneva. “Nadiyā heṭṭhā nisinnabhikkhu kammaṃ kopeti. Upariyeva hi nadī hotī”ti vadanti.

Sīmānujānanakathāvaṇṇanā niṭṭhitā.

Uposathāgārādīkathāvaṇṇanā

141. “Yaṃ saṅgho ākaṅkhati vihāraṃ vā -pa- guhaṃ vā”ti vacanato na kevalaṃ pathaviyaṃyeva, vihārādīnaṃ uparipi sīmā anuññātā hoti uposathakammaṇapadhānattāti siddhaṃ. Tappadhānā sīmāti kathaṃ paññāyatīti ce? Tadadhikārānuññātattā, sammutiyaṃ “samānasāmvāsā”ti

ettāvatā siddhe visum “ekūposathā”ti vacanato ca. “Uposatham ṭhapetvā sesakammāni **samānasamvāsā** nāmā”ti likhitam. “Ekaṁ samūhanitvā”ti pālipātho.

142. **Katovassāti** ekasīmāya samagge sandhāya vuttam. Aññathā nānāsīmāyaṁ ṭhitānaṁ savanaṁ pamāṇaṁ, ekasīmāyapi hatthapāsam muñcitvā ṭhitānaṁ vā savanameva pamāṇanti aniṭṭham āpajjati. Tattha **sammatāya vā asammatāya vā**ti uposathāgārasammutiyā, na sīmāsammutiyā. Kathaṁ paññāyatīti? Adhikārato, parato chandadānapaññattito, pārisuddhidānapaññattito ca. Tattha purimaṁ kāraṇaṁ purimaṁ aniṭṭham nivāreti, pacchimaṁ pacchimanti veditabbaṁ. Uposathamukhanti¹ uposathaṭṭhānaṁ. “**Uposathamukhassāti** uposathāgāraṭṭhānassā”ti likhitam. **Yāni kānici nimittāni kittetuṁ vaṭṭetī**ti idaṁ kathaṁ paññāyatīti? “Paṭhamaṁ nimittā kittetabbā nimitte kittetvā”ti ettakameva vuttattā. Paṭhamaṁ vuttattā na vuccantīti ce? Taṁ pana akāraṇaṁ, na hi buddhānaṁ desanāya ālasiyaṁ atthi. Sīmāsamūhananakāle uposathāgāraṁ samūhanitvāva sīmāsamūhananaṁ ijjatīti eke. Taṁ ayuttaṁ abaddhāya sīmāya uposathāgārasammutisiddhitoti no takkoti ācariyo. **Uposathamukhanti** uposathāgarassa mukhanti ācariyā. Uposathamukhassa nimittakittanā sīmāya vuttanayena kātabbā. Ekenāpi kittetuṁ vaṭṭatīti eke. “Pāsādo vā hotu, maṇḍapādīsu vā aññataro. Kammavācāya pana ‘uposathamukham’icceva vattabban”ti vadanti. “Porāṇako āvāso nāma mūlāvāso”ti likhitam. Vadati ghaṭamattā iti hi lakkhaṇaṁ.

Avippavāsasīmānujānanakathāvaṇṇanā

143-4. “Manamhi vūlho”ti vā pātho. Tattha **manamhi vūlho**ti manam vūlho amhīti attho. **Ṭhapetvā gāmañca gāmūpacārañcā**ti antaragharasaṅkhātaṁ gāmañca gāmūpacārañca ṭhapetvā. Keci “parikkhittam gāmaṁ sandhāya ‘gāmaṇ’ti vuttam, aparikkhittam sandhāya ‘gāmūpacāraṇ’”ti vadanti, taṁ pana aṭṭhakathāya virujjhati. Tasmā nivesanaracchādayo sandhāya gāmaṁ, parikkhēpārahaṭṭhānāni sandhāya “gāmūpacāraṇ”ti ca vuttam. Ettha pana anekadhā paṭhanti. Kim tena,

1. Uposathappamukham (Pāḷi)

pāḷiṅca aṭṭhakathaṅca suṭṭhu upaparikkhitvā yathā samenti, tathā gahetabbaṃ. **Bhikkhūnaṃ purimakammavācā na vaṭṭatīti** gāmagāmūpacāre antokatvā samānasamvāsakasīmāya sammatāya upari avippavāsasīmāsammutiyaṃ yujjati. Yattha pana kevalaṃ araṅṅāmyeva sammataṃ, tattha kathaṃ na vaṭṭatīti. Tattha “ṭhapetvā gāmaṅca gāmūpacāraṅca”ti vacanaṃ na sātthakanti ce? Vuccate—evametaṃ, kintu anussāvanahānippasaṅgato taṃ vacanaṃ vattabbamevāti imināva adhippāyena “purimakammavācā na vaṭṭatī”ti vuttaṃ siyā. Ekasmiṃ vā atthe kammavācādvayābhāvatoti vuttaṃ. “Na hi te aññaṃaññaṃsa kamme gaṇapūrakā hontī”ti vuttattā ubhinnāṃ nānāsamvāsakasamghānampi ayameva vidhi āpajjeyyāti ce? Nāpajjati paṭiggahasannidhīnaṃ anuññātattā¹, omasanādipaccayā avisesato, kammaṇṇapassaddhimattāpekkhatāya ca. **Tassāti** bhikkhunisamghassa. **Na kammavācaṃ vaggam karontīti** kammanā na kopentīti attho. **Etthāti** ṭhapetvā gāmanti ettha. “Yadi bhikkhūnaṃ avippavāsasīmā gāmaṅca gāmūpacāraṅca na otarati, atha kasmā gāme sīmābandhanakāle avippavāsaṃ sammannatīti ce? Āciṅṅakappena, na tato aññaṃ kiṅci atthaṃ apekkhitvā”ti likhitaṃ. “Atthato hi sā bahiddhāpi abaddhā eva hotī”ti vuttaṃ. Antaragāme baddhā samānasamvāsasīmā yasmā gāmasaṅkhyāṃ na gacchati, tasmāti eke. **Sopi sīmāsaṅkhyameva gacchatīti** avippavāsasīmāsaṅkhyāṃ gacchatīti attho. Idaṃ panettha vicāretabbaṃ—gāmaṃ antokatvā baddhāya sīmāya puna avippavāsasammutiyaṃ araṅṅapadesa ṭhatvā avippavāsakammavācā kātabbā, udāhu gāme ṭhatvāti? Gāme ṭhatvā katāyapi kappiyabhūmiyā pharatīti. Bahisīme ṭhitasammatadosānalomattā akappiyabhūmiyaṃ ṭhatvā na kātabbāti no takko, esa nayo samūhananepīti ācariyo. **Khaṇḍasīmāyaṃ ṭhatvā avippavāsasīmāti-ādīsu mahāsīmā kira** “avippavāsasīmā”ti vuttā.

146. “Yassāyasmato khamati etissā sīmāya samānasamvāsāya ekūposathāya samugghāto, so tuṅhassā”ti **andhakapotthake**, **sīhaḷapotthakesu** ca kesuci paṭho atthi. Kesuci “samugghāto etissā sīmāya”ti paṭhamāṃ likhanti, kesuci “etissā sīmāya samugghāto”ti ca.

1. Ananuññātattā (bahūsu)

Gāmasīmādikathāvaṇṇanā

147. **Sā cāti** sā paricchinditvā dinnagāmasīmā ca itarā ca. Sā katamāti ce? **“Pakatigāmā”**ti-ādimāha. **Baddhasīmāsadisāyeva** hontīti sā ca hoti itarā ca hotīti adhippāyo, tasmāyeva “ticīvaravippavāsaparīhāraṃ labhatī”ti ekavacanāṃ kataṃ, taṃ na yuttaṃ ubhinnaṃpi gāmatṭāti eke. “Honti, na labhantī”ti ca bahuvacanāṃpi karontīti. “Sā ca itarā cā”ti vuttā “majjhe bhinditvā dinnagāmasīmā pakatigāmādayo abhinnā”ti ca vadanti. “Bhikkhu vasatī”ti pāṭho, “vasantī”ti ca likhitāṃ. “Athassa ṭhitokāsato”ti vuttattā ekavacanameva yuttaṃ. **Sabbā bhikkhave nadī asīmāti** kataraṃ sīmaṃ paṭikkhipatī? Baddhasīmaṃ, ekādasavipatti sīmaññatarappasaṅgatoti ācariyā. Sace paṭhamaṃ sīmāya baddhāya pacchā nadi-ādayo honti, paṭikkhepoti pasaṅgo āpajjati, tasmā abaddhasīmameva paṭikkhipati. Yathā sabbo gāmo gāmasīmā, tathā sabbā nadī asīmā. Kintu tassa tassa bhikkhuno udakukkhepasīmāti sīmānānatthaṃ dassatīti no takkoti ācariyo. **Yaṃ majjhimassa purisassa samantā udakukkhepāti** pana ekissā nadiyā catuvaggādīnaṃ saṃghānaṃ visuṃ catuvaggakaraṇīyādīkammakaraṇakāle sīmāparicchadadassanatthaṃ vuttaṃ. Ticīvarena vippavāsāvippavāsaparicchadadassanatthampi sattabbhantarasīmāya paricchadadassanaṃ viyāti ācariyā, tasmā udakukkhepparicchadābhāvepi antonadiyaṃ kammaṃ kātum vaṭṭatīti siddhaṃ.

Ayaṃ pana viseso—tatha nāvāgato ce, nāvāyaṃ vuttanayena. Satthagato ce, satthe vuttanayena. So ce atirekacātumāsani viṭṭho, gāme vuttanayena ticīvarāvippavāso vedītabbo. Tatthāpi ayaṃ viseso—sace sattho udakukkhepassa anto hoti, udakukkhepasīmāpamāṇanti eke. Satthova pamāṇanti ācariyā. **Sace panettha bahū bhikkhūti**-ādimhi keci adhiṭṭhānuposathaṃ, keci gaṇuposathaṃ, keci saṃghuposathanti vattukāmatāya “bahū saṃghā”ti avatvā “bhikkhū”ti vuttaṃ. **Ūnakaṃ pana na vaṭṭatīti** ettha sīmāsambhedasambhavatoti **upatissatthero**. Ṭhapente hi ūnakaṃ na ṭhapetabbaṃ. “Aṭhapetumpi vaṭṭati evā”ti vuttaṃ. **Gacchantiyā panāti** ettha “udakukkhepamanatikkamitvā parivattamānāya kātum vaṭṭatī”ti likhitāṃ. **Aññissā sīmāya ñattīti**-ādi kiṃ sīmato kammavipattibhayā

vuttam, udāhu parisatoti? Ekakammasa nānāsīmāya asambhavato sīmatoti. Ekakammasa nānāsīmaṭṭhasaṅghena asambhavato parisatotipi eke. “Savanam hāpeti”ti vuttadosappasaṅgatoti no takko. Ekissā hi sīmāya ekaṃ kammaṃ aniṭṭhapento hāpetīti ācariyo.

Bahinaditīre jātarukkhasa antonadiyam pavitṭhasākhāya vāti ettha ca **naditīre khāṇukam kottetvāti** ettha ca **sace pana setu vā setupādā vā bahitīre patiṭṭhitāti** ettha ca sīmāsodhanam nāma gāmasīmaṭṭhe hatthapāsānayanam. Khaṇḍasīmāya utṭhitarukkhatō viyojetvā kātum vaṭṭati. Kasmā? Tīraṭṭhe rukkhe baddhanāvāya gāmo ādhāroti. “Ubhatobhāgena gāmasīmam phusitvā ṭhitasetu khaṇḍasīmāmahāsīmāyo phusitvā ṭhitarukkheṇa upametabbo”ti ca likhitam. Tattha purimanaye tāva idam vicāretabbam—tādise ṭhāne katakammaṃ kim nadiyam katasānkhyam gacchati, udāhu gāmasīmāyam, atha ubhayatthāti? Kiñcetha tam ce nadiyam katasānkhyam gacchati, udakukkhepasīmāva sodhetabbā, na itarā. Atha gāmasīmāyam katasānkhyam gacchati, udakukkhepasīmā na sodhetabbā. Yadi ubhayattha katasānkhyam gacchati, dvīsu sīmāsu ekakammaṃ kātum vaṭṭatīti aniṭṭhappasaṅgo āpajjati. Tato “aññissā sīmāya ñatti, aññissā anussāvanā hoti”ti idaṅca “khaṇḍasīmāmahāsīmaṭṭhānam kāyasāmaggiyā kammaṃ kātum vaṭṭati”ti idaṅcāniṭṭham āpajjati? Ettha vuccate—yathāvuttam kammaṃ ubhayattha katasānkhyam gacchati, na ca yathāvuttam aniṭṭham āpajjati. Kasmā? “Ñatti-anussāvanānam ekekasīmāyam pavattattā, kārakabhikkhūnam vā ekekasīmāyam ṭhitattā”ti vadanti. Ubhayatthāpi ṭhātum sakkuṇeyyatāya pana tam akāraṇam. Ekībhāvam upagatasīmaṭṭhāne katattāti idam acalākāraṇam. Ekībhāvam upagatāsu hi dvīsu nadīgāmasīmāsu kammaṃ kātum vaṭṭatīti ca. Sattabbhantarasīmāyam ce nadī hoti, samuddo vā, jātassaro vā. Tesu ṭhitabhikkhu sattabbhantarasīmāyam ṭhitasānkhyam na gacchati. Tattha ce nadi-ādīlakkhaṇam appatto dīpako, pāsāṇo, rukkho vā hoti, sattabbhantarasānkhyam gacchati. Manussehi vaḷaṅjanatṭhānam ce tam hoti, gāmakhettasānkhyam gacchati. Kataragāmakhetam? Yato manussā sañcaranti, sabbe ce sañcaranti, visum gāmakhettasānkhyam gacchatīti ca ācariyā.

Pacchimanaye sace setu nadīlakkhaṇaṭṭhānaṃ aḥusitvā ṭhito, gāmasīmāsankhyam gacchati. Tattha eko ce gāmo, taṃ sodhetvā, dvīsu tīresu sace dve, dvepi gāme sodhetvā kammaṃ kātabbam. Evañhi kataṃ ubhayatra kataṃ hoti. Iminā nayena dvīsu nadīsu, jātassaresu ca ekakammapasiddhi veditabbā. Ayaṃ pana nayo khaṇḍasīmāmahāsīmānampi labbhateva. Sace setu nadīlakkhaṇaṭṭhānaṃ phusitvā ṭhito, udakukkhepasīmāpi sodhetabbā.

Sīmānameva cekattam, vehāsaṭṭham vinā gato¹.

Viditvā ekakammasa, sīmato idamādise.

Ekasīmaṃ dvisīmaṃ vā, tisīmaṃ catusīmaṃ.

Ekakammaṃ siyā tassa, kopo parisato siyāti.

Ayaṃ panettha viseso—nadiyaṃ karontānaṃ udakukkhepato bahi rukkhādisambandho appamāṇaṃ. Gāme karontānaṃ nadiyaṃ sambandharukkhasa udakukkhepato bahi ṭhitabhikkhu appamāṇaṃ, tato oraṃ pamāṇaṃ. Baddhasīmāya sambandharukkhasa baddhasīmāya ṭhitabhikkhu pamāṇanti veditabbam, teneva vuttam “sīmaṃ sodhetvā kammaṃ kātabbam”ti. “Sace pana setu vā setupādā vā bahitīre patiṭṭhitā kammaṃ kātum na vaṭṭati”ti vacanampi porohādīsu viya sakalasīmāsodhanameva kātabbanti sādheti, vīmaṃsitabbam. **Ativuṭṭhikāle panāti** ettha ativuṭṭhi nāma yathā cātumāsikāyāti veditabbā, tasmā cātumāsam ativuṭṭhiyeva sace hoti, sabbopi oghena otthaṭokāso nadī eva. Atha ekissāpi ativuṭṭhiyā ogho cātumāsam tiṭṭhati, sandati vā, bahitīre patiṭṭhita-oghena otthaṭokāso sabbopi nadī eva. **Nadim ottharivā sandanaṭṭhānato paṭṭhāyāti** tameva vā nadim aññaṃ vā apubbam vā padesaṃ attano pavattavasena nadilakkhaṇappattam ottharivā sandanaṭṭhānato paṭṭhāya vaṭṭati. **Gāmanigamasīmaṃ ottharivāti** cātumāsappavattim sandhāya vuttam. “**Agamanapatheti** tadahu gatapaccāgataṃ kātum asakkuṇeyyake”ti likhitaṃ. Yaṃ pana **andhakatṭhakathāyam** vuttam, taṃ na gahetabbam. Kasmā? Nadiyampi taṃdosappasaṅgato. **Tipusakādīti** ettha **ādi**-saddena kamaluppalādīnipi saṅgaham

1. Tato (Ka)

gacchanti. **Sabbopi ajātassaro hoti, gāmasīmāsaṅkhyameva gacchatīti** yehi kataṃ, tesaṃ gāmasīmāsaṅkhyāṃ vā, samantato tīraṭṭhagāmehi ce kataṃ, sabbagāmasaṅkhyāṃ vā, aññehi gāmakhetthehi asambandhaṭṭhānaṃ ce, visumgāmasīmāsaṅkhyāṃ vā gacchatīti attho.

148. **Samsaṭṭhaviṭapāti** iminā āsannattaṃ dīpeti, tena padesambhindaṇā idha sambhedoti dīpeti. **So pana vaḍḍhanto sīmāsaṅkaraṃ karotīti** baddhasīmaṭṭhānappavesanavasena “ekadesabaddhasīmā”ti vattabbato saṅkaradoso hoti. **Na bhikkhave sīmāya sīmā sambhinditabbāti** ettha “paṭhamāṃ baddhasīmāya pacchā attanā bandhitabbasīmā na sambhinditabbā”ti eke adhippāyaṃ samvaṇṇayanti. Paṭhamāṃ sammatasīmāyaṃ sambhedābhāvato svādhippāyo ajjhottharaṇena yujjati, tasmā pacchā bandhitabbasīmāya paṭhamāṃ baddhasīmā na sambhinditabbā. Sakalaṃ vā ekadesato vā nimittānaṃ antokaraṇena paṭhamāṃ baddhasīmāya sīmantarīke akittetvā sammannanato hi sambhindati nāma, paresāṃ baddhasīmaṃ sakalaṃ vā ekadesato vā nimittānaṃ antokaraṇena ajjhottharati nāma, tenevāha “sīmaṃ sammannantena sīmantarīkaṃ ṭhapetvā”ti-ādi. Tassattho—paṭhamāṃ baddhasīmāya sīmantarīkaṃ pacchā bandhitabbasīmāya nimittabhūtaṃ ṭhapetvā pacchā sīmaṃ sammannitunti. Imā dvepi vipattiyo bhikkhubhikkhunīsīmānaṃ aññamaññaṃ na sambhavanti. **So pana vaḍḍhanto sīmāsaṅkaraṃ karotīti** ettha kevalaṃ sīmāsaṅkaraṃ eva karoti. Tasmaṃ katakammāni na kuppantīti keci, taṃ nayuttaṃ sākhāpārohachedanāsīmāsodhanānaṃ vuttattā. Idaṃ sabbaṃ suṭṭhu vicāretvā garukule payirupāsivā gahetabbayuttakaṃ gahetabbaṃ, itaraṃ chaḍḍetabbaṃ.

Uposathabhedādikathāvaṇṇanā

149. “Dveme bhikkhave uposathā”ti tadā sāmaggī-uposathassa ananuññātattā vuttaṃ. Sāmaggī-uposathassa pubbakicce “ajjuposatho sāmaggī”ti vattabbaṃ, na ca kammavācāya bhagavatā payogo dassito, pāḷinayato aṭṭhakathācariyehi uddisitabbakkamo dassito. Tathā pañcannaṃ pātīmokkhuddesaṇaṃ uddesakkamo siddhoti veditabbaṃ. **Tayo vā dve vā pātīmokkhaṃ uddisanti, adhammena samaggaṃ nāma hotīti** ettha

kāmaṃ saṃghassa sāmaggī nāma hoti vaggakathāya yathākammaṃ sāmaggīvavattḥānato, tathāpi vaggapaṭipakkhabhāvena samaggaṃ, samaggapaṭipakkhabhāvena ca vaggam nāma kataṃ. Āveṇikato vā gaṇakammādisambhavato, tassa ca samaggavaggabhāvasambhavato vuttanti veditabbaṃ. **Dhammena vagganti** ettha pārisuddhikaraṇaṃ dhammiṃ, saṃghasseva chandāgamaṇaṃ, na gaṇassāti katvā vaggam nāma hoti. “Ekavāraṃ kataṃ sukataṃ, āpattiṃ pana āpajjati, puna kātum na labhanti”ti vadanti. “Pañcasu ekassa chandaṃ āharitvā catūhi pātimokkhaṃ uddisitum vaṭṭati”ti vadanti, taṃ yuttam, chandahāraṇe bhikkhūnaṃ santikaṃ patte tena saṃgho pahoti, tasmā chando saṃghapatto hotīti katvā vuttam.

Pātimokkhuddesakathāvaṇṇanā

150. **Mātikāṭṭhakathāyaṃ**¹ “suṇātu me bhante saṃgho -pa- āvikatā hissa phāsu hoti, tatthāyasmante pucchāmi -pa- tasmā tuṇhī. Evametam dhārayāmi”ti vatvā ‘uddiṭṭham kho āyasmanto nidānaṃ’ti-ādinā nayena avasese sutena sāvite uddiṭṭho hoti”ti vuttattā “evametam dhārayāmiṃ sutā kho panāyasmantehi”ti ettha “dhārayāmi”ti vatvā “uddiṭṭham kho āyasmanto nidānaṃ”ti vacanaṃ saṃkhittanti gahetabbaṃ, teneva khuddakapeyyālavasena likhitaṃ. Evaṃ **mātikāṭṭhakathāyaṃ**pi “āvikatā hissa phāsu hoti, tatthāyasmante”ti etthāpi “uddiṭṭham kho āyasmanto nidānaṃ”ti vacanaṃ saṃkhittanti gahetabbanti eke. Keci “avivadamaṇehi sikkhitabbaṃ”ti vutte nidānuddeso niṭṭhito nāma hoti, tasmā anāvikaṇṇo āpattiṃ āpajjati”ti vadanti, taṃ na yuttam. Kasmā? “Nidānaṃ uddisitvā”ti niṭṭhānavacanaṃ hi nidānassa niṭṭhitabhāvo vutto, nidānavasāne ca āpatti vuttati. “**Sarabhaññaṃ** nāma sareṇa bhaṇanaṃ”ti likhitaṃ. **Sajjhāyaṃ adhiṭṭhahitvā**ti “sajjhāyaṃ karomī”ti cittaṃ uppādetvā. “Āpucchāmi vuttamattena kathetum vaṭṭati”ti vadanti. Taṃ tuṇhībhave yujjati. “Athāpi lābhādinā abhibhūto vāreti, taṃ na pamāṇaṃ”ti vadanti. **Eseva nayoti** kathento yadi vicchindati, puna āpucchitabbanti.

1. Kaṅkhā-Ṭṭha 84 piṭṭhe.

Adhammakammaṭṭikkosanādikathāvaṇṇanā

154. “**Tesaṃ anupaddavattḥāyā**”ti saṃgho saṃghassa kammaṃ na karoti, aññopi upaddavo bahūnaṃ hoti, tasmā vuttaṃ.

Pātimokkhuḍdesaka-ajjhesanādikathāvaṇṇanā

155. “Therādhikaṃ pātimokkhaṃ”ti vatvāpi pacchā avisesena “yo tattha byatto paṭibalo, tassādheyyaṃ”ti vuttatā “bhante”ti vacanaṃ therassaṃpi atthīti siddhaṃ hoti. “Gacchāvuso saṃkhittena vā vitthārena vā”ti vacanato asatipi antarāye thāmaṃ pamāṇanti siddhaṃ hoti.

Disaṃgamikādivatthukathāvaṇṇanā

163. “Sacassa saddhimcarā bhikkhu-upaṭṭhākā atthī”ti pāṭho. “**Utuvasseti** utusaṃvacchare hemantagimhesū”ti likhitaṃ.

Pārisuddhidānakathāvaṇṇanā

164. **Pārisuddhiṃ dammī**ti “sāpattiko therānaṃ deti, sampajānamusāvāde dukkaṭaṃ sambhavatī”ti ācariyena likhitaṃ. Kim nu kho kāraṇaṃ? Sampajānamusāvādena¹ dukkaṭāpatti nāma kevalaṃ bhagavatā vuttatā akiriyasamuṭṭhānā hotīti. “Pārisuddhiṃ dammī”ti ettha pana kiriyā paññāyati, tasmā sampajānamusāvāde pācittiyā viya dissati, suṭṭhu upaparikkhitabbaṃ. Mahantā hi te ācariyā nāma. Tattha “dammī”ti attano uposathakammanibbattinimittaṃ vuttaṃ. “Harā”ti ca “ārocehi”ti ca hāraḥkassa anārocanapaccayā dukkaṭamocanattaṃ vuttaṃ. Eseva nayo chandadānepi. Tattha “dammī”ti attano cittaśāmaggiḍḍipānavacanaṃ, sesaṃ vuttanayameva, evaṃ **upatissatthero** vaṇṇeti. Atha vā paṭhamaṃ samaggabhāvaṃ sandhāya, dutiyaṃ pacchā vidhātābbabhāvaṃ², tatiyaṃ chandahāraḥkassa dukkaṭamocanattaṃ vuttaṃ. Ubhayatthāpi “saṃghappatto pakkamaṭī”ti-ādivacanato saṃghe samagge eva chandapārisuddhidānaṃ ruhati, nāsamaggeti siddhaṃ. “Saṃghappatto ukkhittako paṭijānāti, āhaṭā hoti pārisuddhī”ti-ādivacanato ukkhittakādīnampi chandapārisuddhidānaṃ ruhatīti siddhaṃ, tañca

1. Kiñcetha, sampajānamusāvādena (bahūsu)

2. Dātābbabhāvaṃ (Ka)

kho pakatattasaññāya, no aññathāti takko. Jānitvā sāmaṇerassa dinne na yāti¹, āpatti ca, ajānitvā dinne yāti ca², anāpattīti eke. **Biḷālasaṅkhalikā nāma pārisuddhīti** ettha saṅkhalikā nāma anantarena sambajjhāti, aññena ca saṅkhalikenāti kevalaṃ saṅkhalikā parisuddhi nāma hotīti **upatissatthero**. Evaṃ sante visesaṇaṃ niratthakaṃ hoti. Biḷālasaṅkhalikā baddhāva hoti antogehe eva sampayojanattā. Yathā sā na katthaci gacchati, tathā sāpi na katthaci gacchatīti kira adhippāyo.

Chandadānādikathāvaṇṇanā

165-7-8. “Chandaṃ datvā khaṇḍasīmaṃ vā sīmantarikaṃ vā bahisīmaṃ vā gantvā āgato bhikkhu kammaṃ na kopeti, tasmā gamikabhikkhūnaṃ³ chandaṃ gaṇhitvā khaṇḍasīmaṃ bandhitvā puna vihārasīmaṃ bandhituṃ tesam chandaṃ na gaṇhantī”ti vadanti. “Muhuttaṃ ekamantaṃ hothā”ti-ādivacanato yaṃ kiñci bhikkhukammaṃ gahaṭṭhādīsu hatthapāsagatesu na vaṭṭatīti siddhaṃ. **Nissīmanti** bahisīmaṃ. **Tassa sammutidānakkiccam natthīti** tasmim satipi vaṭṭatīti attho. Āsanena saha udakanti attho. **Pannarasopīti** apisaddo cātuddasiṃ sampiṇḍeti, tena vuttaṃ **mahā-aṭṭhakathāyaṃ** “yadi no etan”ti. “Ajja me uposatho pannaraso”ti adhiṭṭhānaṃ sadā na kiñci, na aññathāti eke.

Āpattiṭṭhāyikammavidhikathādivaṇṇanā

169-70. **Paṭidesemīti** yāya kāyaci bhāsāya vutte desanā ca paṭiggaho ca hotiyeva diṭṭhāvikkammaṇa visuddhiyā vuttattāti keci. Vematikena “ahaṃ bhante ekissā thullaccayāpattiyā vematiko, yadā nibbematiko bhavissāmi, tadam taṃ āpattim paṭikarissāmi”ti vattabbaṃ. Evaṃ kate yāva nibbematiko na hoti, tāva sabhāgāpattim paṭiggahetuṃ na labhati, aññesañca kammānaṃ parisuddho nāma hoti. Puna nibbematiko hutvā desetabbaṃ. Na cāti neva pāliyaṃ na aṭṭhakathāyaṃ atthi, desite pana doso natthīti. Tathā **īto vuṭṭahitvā taṃ āpattim paṭikarissāmīti** ettha ca sakalasaṅghe

1. Dinnena yāti (Ka)

2. Dinnena yāti ce (Ka)

3. Gāmiyabhikkhūnaṃ (Ka)

sabhāgāpattim āpanne, vematike ca. Tathā ca “Sabbo saṅgho sabhāgāpattim āpajjitvā yadā suddham passissatī”ti, “tadā tase santike tam āpattim paṭikarissatī”ti vatvā ‘uposatham kātum labhatī”ti ca likhitam.

Anāpattipannarasakādikathāvaṇṇanā

172-3. “Atthaññe”ti pubbavāre, “athaññe”ti pacchāvāre¹ pāṭho. Sīmam okkante vā okkamante vā passanti. Dhammasaññino pana aññāṇena honti. “Vematikapannarasakam uttānamevā”ti pāṭho.

Sīmokkantikapeyyālakathāvaṇṇanā

178. “Na akāmā dātabbā”tivacanato icchāya sati dātabbāti siddham.

Liṅgādidassanakathāvaṇṇanā

180. **Nābhivitarantī**ti ettha laddhinānāsamvāsakā kira te. Kammanānāsamvāsakañhi diṭṭhim paṭinissajjāpetvā tassa osāraṇakammam kātabbam. Evañhi kate tena saddhim uposatham kātum vaṭṭati. Itarena laddhinissajjanamattena kātunti vuttam. Āpattiyā adassane appaṭikamme ukkhittakañca diṭṭhiyā appaṭinissagge ukkhittakañca jānitvā tena saddhim karontassa pācittiyam, tasmā ime ukkhittānuvattakāti veditabbāti eke.

Nagantabbagantabbavāarakathāvaṇṇanā

181. **Na gantabboti** kim sandhāya? “Aññatra saṅghenā”ti vacanato yasmim vihāre satam bhikkhū viharanti, te sabbe kenacideva karaṇīyena dasa dasa hutvā visum visum nānā-udakukkhepasīmādīsu ṭhatvā uposatham kātum labhanti. Navakammasālādikā nānāsīmakoṭi uposathādhiṭṭhānattham sīmāpi nadīpi na gantabbā. Garukam pātimokkhuddesam vissajjitvā lahukassa akattabbatā “aññatra saṅghenā”ti vacanam sādheti. Tattha “yasmim

1. Pacchāvāreti (Ka)

āvāse uposathakārakā -pa- akatvā na gantabbo”ti vacanato vissatṭha-uposathāpi āvāsā gantum vaṭṭatīti siddham. “Tato pārisuddhi-uposathakaraṇattham̐ vissatṭha-uposathā gantum vaṭṭati, khaṇḍasīmaṃ vā pavisitunti apare vadanti”ti vuttam̐. **Iminā neva uposathantarāyoti** “attano uposathantarāyo”ti likhitam̐.

Vajjanīyapuggalasandassanakathāvaṇṇanā

183. “Antimavatthum̐ ajjhāpannessa nisinnaparisāya kalahādibhayena nāham̐ karissāmī”ti cittam̐ uppādetvā nisīditum̐ vaṭṭati. Aññakamme tassa nisinnaparisāya āpatti natthīti eke. “Na ca bhikkhave anuposathe uposatho kātabbo aññatra saṃghasāmaggiyā”ti¹ vacanato sāmaggīdivaso anuposathadivasoti atthato vuttam̐ viya dissati. “Dveme bhikkhave uposathā”ti vuttavacanavasenetam̐ vuttam̐, aññathā **parivārapāliyā** virujjhatīti ācariyā. Cātuddasiyam̐, pannarasiyam̐ vā ce saṃgho samaggo hoti, “ajjuposatho sāmaggī”ti avatvā pakatinīhāreneva kattabbanti dassanattham̐ yathādesanā katāti no takko. Aññathā yathāvuttadvaye ce sāmaggī hoti, tattha uposatham̐ akatvā anuposathadivase eva sāmaggī-uposatho kātabboti āpajjati. Aññathā pubbe paṭisiddhattā idāni paṭisedhanakiccam̐ natthi. “Na bhikkhave devasikam̐ pātimokkham̐ uddisitabban”ti² pubbe hi vuttam̐. Atha vā “anujānāmi bhikkhave uposathe pātimokkham̐ uddisitun”ti pubbe vuttattā “sakim̐ pakkhassa cātuddase vā pannarase vā”ti ca “dveme bhikkhave uposathā”ti³ ca pacchā vuttattā tato aññasmim̐ divase uposatho na kātabboti atthato āpannam̐ aniṭṭham̐, sati saṃghasāmaggiyā añño divaso pakativasena anuposathopi uposathadivaso nāma hotīti dassanavasena nivāretumpi evam̐desanā katāti veditabbā.

Uposathakkhandhakavaṇṇanā niṭṭhitā.

1. Vi 3. 190 piṭṭhe.

2. Vi 3. 142 piṭṭhe.

3. Vi 3. 150 piṭṭhe.

3. Vassūpanāyikakkhandhakavaṇṇanā

Vassūpanāyikānujānanakathāvaṇṇanā

184. **Mahā-aṭṭhakathāyampi** “saṅkāsayissantī”ti pāṭho, dīpavāsino “saṅkāpayissantī”ti paṭhanti kira. “**Kati nu kho vassūpanāyikā**”ti cintāyaṃ “kiṃ nimittan”ti vutte “anujānāmi bhikkhave vassam upagantun”ti yaṃ vassūpagamanam vuttam, tam “imaṃ temāsam vassam upemi”ti vatvā upagantabbam. Vassānamāsā ca cattāro. Tattha paṭhamam temāsam, pacchimam temāsanti duvidham temāsam. Tenāyaṃ tesam bhikkhūnam cintā ahoṣi.

Vassānecārikāpaṭikkhepādikathāvaṇṇanā

185. **Anapekkhagamanena vā aññattha aruṇam uṭṭhāpanena vā āpatti veditabbā**ti ettha paṭhamam tāva so sattāham anāgatāya pavāraṇāya sakaraṇīyo pakkamati. “Āgaccheyya vā so bhikkhave bhikkhu tam āvāsam na vā āgaccheyya, tassa bhikkhave bhikkhuno purimikā ca paññāyati, paṭissave ca anāpatti”ti¹ vacanato oram sandhāya vuttanti veditabbam. Tathā hi “so tadaheva akaraṇīyo pakkamati, sakaraṇīyo pakkamati, tassa bhikkhave bhikkhuno purimikā ca na paññāyati, paṭissave ca āpatti dukkaṭassā”ti¹ vuttam.

Sattāhakarāṇīyānujānanakathāvaṇṇanā

187-8. Dutiyam pana “so tam sattāham bahiddhā vītināmeti, tassa bhikkhave bhikkhuno purimikā ca na paññāyati, paṭissave ca āpatti dukkaṭassā”ti¹ vacanato sattāhato param veditabbam. Tathā hi “so tam sattāham anto sannivattam karoti, tassa bhikkhave bhikkhuno purimikā ca paññāyati, paṭissave ca anāpatti”ti² vuttam. Satipi kāraṇadvaye vassacchedakāraṇābhāve āpatti veditabbā, tasmā tīṇipi etāni vacanāni yathāsambhavam yojitāni viggahāni honti. **Tīṇi**³ **parihīnānī**ti tāsam natthitāya.

1. Vi 3. 216 piṭṭhe.

2. Vi 3. 215 piṭṭhe.

3. Niraviggahāni hontīti tīṇi. (Ka)

Pahiteyeva-anujānanakathāvaṇṇanā

199. “Anujānāmi bhikkhave saṅghakaraṇīyena gantum, sattāhaṃ sannivatto kātabbo”ti vacanato antovasse saṃhārikabhāvena gantum vaṭṭati. Tattha dhammachandavasenapi āgate saṅghassa āyamukhaṃ vinassati. Tato “senāsanāni katvā”ti ca vuttaṃ. **Āgatanti** āgamaṇaṃ. Bhāvettha tapaccayoyaṃ¹. **Saṅghakaraṇīyena gantunti** ettha “senāsanapaṭisaṃyuttesu eva saṅghakaraṇīyesu, na aññesū”ti **dhammasiritthero** vadati kira. **Aṭṭhakathāyampi** taṃ padaṃ uddharitvā “yaṃ kiñci uposathā gārādīsu senāsanesū”ti-ādīnā senāsanameva dassitaṃ, tasmā upaparikkhitabbaṃ.

Animantitena gantum na vaṭṭatīti tassa ratticchedo ca dukkaṭāpatti ca hoti, taṃ “vassacchedo”ti ca vadanti. **Nimantitoyeva nāma hotīti** ettha upāsakehi “imasmiṃ nāma divase dānādīni karoma, sabbe sannipatantū”ti katāyapi katikāya gantum vaṭṭati. Pavāraṇāya navamito paṭṭhāya paṃsukūlikacīvaram pariyesitum kāvīrapaṭṭane viya sabbesaṃ gantum vaṭṭati anusaṃvaccharaṃ niyamato upāsakehi sajjitvā ṭhapanato. Vuttampi cetāṃ **andhakatṭhakathāyaṃ** “bhikkhusaṃghena vā katikā katā ‘samantā bhikkhū gacchantū’ti, ghosanaṃ vā kataṃ upāsakehi, tattha gacchantassa ratticchedo natthīti tathā ‘anusaṃvaccharaṃ āgacchantū’ti sakiṃ nimantitepi vaṭṭatī”ti ca “cīvarakālato paṭṭhāya niyamaṃ katvā samantato āgatānaṃ sajjitvā dānato kāvīrapaṭṭane ghosetvā karaṇākāro paññāyatīti apare”ti ca. Ācariyā pana evaṃ na vadanti.

Antarāye-anāpattivassacchedakathāvaṇṇanā

201. “Sace dūraṃ gato hoti, sattāhavārena aruṇo uṭṭhāpetabbo”ti vacanato ‘yasmiṃ antarāye sati vassacchedaṃ kātuṃ vaṭṭati, tasmīṃ antarāyeva vassacchedamakavā sattāhakarāṇīyena vītināmetum vaṭṭatīti dīpitanti apare”ti vuttaṃ. Vinayadharā pana na icchanti, tasmā “sattāhavārena aruṇo uṭṭhāpetabbo”ti idaṃ tatrappādādinimittaṃ vuttanti veditabbaṃ. Taṃ sandhāya “ācariyā pana evaṃ na vadantī”ti vuttaṃ.

1. Bhāvettatapaccayoyaṃ (Ka)

Gāvurū vāti balibaddham vā. **Bahisīmāya** **ṭhitānanti** tehi khaṇḍasīmāya **ṭhitehipīti upatissatthero**. Vassacchede assa **vassacchedassa**. Vihārā aññattha vuṭṭhāpentehi tатheva sannipatitvā “iminā ca iminā ca kāraṇena imasmim nāma padese imam vihāram netvā vuṭṭhāpemā”ti anussāvetvāva kātābbanti.

Vajāḍisuvassūpagamanakathāvaṇṇanā

203. **Vajena saddhim gatassa vassacchede anāpattīti** vassacchedo na hotīti kira adhippāyo. Satthassa avihārattā “imasmim vihāre”ti avatvā “idha vassam upemī”ti ettakam vattabbam. “**Satthe pana vassam upagantum na vaṭṭatīti** ‘imasmim vihāre imam temāsan’ti vā ‘idha vassam upemī’ti vā na vaṭṭati, ālayakaraṇamatteneva vaṭṭatīti adhippāyo”ti likhitam. Tam pana aṭṭhakathāya virujjhati. “Idha vassam upemīti tikkhattum vattabban”ti hi vuttam. Aṭṭhakathāvacanampi pubbāparam virujjhatīti ce? Na, adhippāyājānanato. Sattho duvidho ṭhito, sañcāroti. Tattha ṭhite kuṭikāya “idha vassam upemī”ti vatvā vasitabbam. Idañhi sandhāya “anujānāmi bhikkhave satthe vassam upagantum”ti vuttam, sañcārimhi pana satthe kuṭikāya abhāvato vassam upagantum na vaṭṭati. Sati sivikāya vā sakaṭakuṭikāya vā vaṭṭati, tathā vajepi. Tīsu ṭhānesu bhikkhuno natthi vassacchede āpatti.

Pavāretuñca labhatīti etthāyam vicāraṇā—“anujānāmi bhikkhave yena vajo, tena gantum”ti idam kim vassarakkhaṇattham vuttam, udāhu vassacchedāpattirakkhaṇatthanti? Kiñcetha yadi vassarakkhaṇattham, “na bhikkhave asenāsanikena vassam upagantabban”ti idam virujjhati. Atha vassacchedāpattirakkhaṇattham vuttanti siddham na so pavāretum labhatīti, kā panettha yutti? Yato ayameva tividho pavāretum labhati, netaro. Vāḷehi ubbāḷhādiko hi upagataṭṭhānapariccāgā¹ labhati. Pariccāgā na labhatīti ayamettha yutti. Yena gāmo, tathā gatopi pavāretum labhatīti ekenāti ācariyo. Yo hi pubbe “idha vassam upemī”ti na upagato, “imasmim vihāre”ti upagato,

1. Ubbāḷhādito hi upagataṭṭhānapariccāgā (Ka)

so ca pariccatto. Aññathā vinā vihārena kevalaṃ gāmaṃ sandhāya “idha vassaṃ upemī”ti upagantuṃ vaṭṭatīti. Āpajjatūti ce? Na, “anujānāmi bhikkhave vaje satthe nāvāya vassaṃ upagantun”ti vacanaṃ viya “gāme upagantun”ti vacanābhāvato. Yasmā “tisu ṭhānesu bhikkhuno natthi vassacchede āpattī”ti vacanaṃ tattha vassūpagamaṇaṃ atthīti dīpeti tadabhāve chedābhāvā, tasmā “satthe pana vassaṃ upagantuṃ na vaṭṭatī”ti kuṭiyā abhāvakālaṃ sandhāya vuttanti siddhaṃ. **Tisu ṭhānesu bhikkhuno natthi vassacchede āpattīti** “tehi saddhiṃ gacchantasseva natthi, virujjhivā¹ gamane āpatti ca, pavāretuñca na labhatī”ti likhitaṃ, tasmā yaṃ vuttaṃ **aṭṭhakathāyaṃ** “atha sattho antovasseyeva bhikkhunā patthitaṭṭhānaṃ patvā atikkamati -pa- antarā ekasmiṃ gāme tiṭṭhati vā vippakirati vā”ti-ādi, tam ettāvata virujjhivā gatānampi virujjhivā² gamaṇaṃ na hoti, tasmā pavāretabbanti dassanatthanti veditabbaṃ.

Tattha “padaracchadanaṃ kuṭiṃ katvā upagantabban”ti vacanato senāsanatthāya rukkhaṃ āruhituṃ vaṭṭatīti siddhaṃ hoti, na pālivoṛodhatoti ce? Na, tappaṭikkhepeneva siddhattā, imassa idha punapi paṭikkhepanato. “Na bhikkhave asenāsanikena vassaṃ upagantabban”ti iminā paṭikkhepena siddhe “na bhikkhave ajjhokāse vassaṃ upagantabban”ti paṭikkhepo viya siyāti ce? Na, ajjhokāse asenāsanabhāvānumatippasaṅgato. Ajjhokāso hi “ajjhokāse palālapuñje”ti³ vacanato senāsananti siddhaṃ. Catusāla-ajjhokāse vasantopi “catusālāya vasatī”ti vuccati, tasmā tattha vaṭṭatīti āpajjati, tasmā idha asenāsaniko nāma attanā vā parena vā attano nibaddhavāsatthaṃ apāpitasenāsanikoti veditabbaṃ. Aññathā dvinnaṃ paṭikkhepanaṃ aññatarātirekatā ca⁴ rukkhamūlepi nibbakosepi vassaṃ upagantuṃ vaṭṭatīti ca, apāpitasenāsanikenāpi gabbhe vasituṃ vaṭṭatīti ca āpajjati, sadvārabandhameva senāsaṇaṃ idha adhippetanti kathaṃ paññāyatīti ce? Nidānato. Ayañhi asenāsanikavassūpagamaṇāpatti “tena kho pana samayena bhikkhū asenāsanikā vassaṃ upagacchanti, sītenapi uñhenapi kilamantī”ti imasmiṃ nidāne paññattā,

1. Vissajjitvā (Ka)

2. Vissajjitvā gatāhi vissajjitvā ca (Ka)

3. Ajjhokāseti ajjhokāsaṃ palālapuñjanti (Ka)

4. Aññatarātirekatāya (Ka)

tasmā sītādipaṭikkhepameva idha senāsananti adhippetabbanti siddham. Evaṃ sante siddham pubbapakphanidassananti ce? Na, pubbe aparatthapavattisūcanato. **Dutiyaajjhānaniddese**¹ “vitakkavicārānaṃ vūpasamā avitakkaṃ avicāraṃ”ti vacanāni nidassanaṃ. Ajjhokāsapaṭikkhepanidānena bahi-ajjhokāsova paṭikkhitto, na catusālādimaajjhagato ajjhokāsoti āpajjati, tasmā na nidānaṃ pamāṇanti ce? Na, niyamato. Kiñci hi sikkhāpadaṃ nidānāpekkham hotīti sādhitametam. Idaṃ sāpekkham, idaṃ anapekkhanti katham paññāyati, na hi ettha **ubhatovibhaṅge** viya sikkhāpadānaṃ padabhājanaṃ, anāpattivāro vā atthīti? Idhāpi desanāvidhānato paññāyati. “Deve vassante rukkhamūlampi nibbakosampi upadhāvanti”ti hi imehi dvīhi nidānavacanehi bahi vā anto vā sabbaṃ ovassakaṭṭhānaṃ idha ajjhokāso nāma. Anovassakaṭṭhānampi anibbakosameva idha icchitabbanti siddham hoti. Tena na **upagantabbanti** na ālayakaraṇapaṭikkhepo, “idha vassaṃ upemī”ti vacanapaṭikkhepo. Chavasārāraṃ dahitvā chārikāya, aṭṭhikānañca atthāya kuṭikā kariyatīti **andhakaṭṭhakathā**vacanaṃ. “**Ṭaṅkitamañcoti** kasikuṭikāpāsāṇagharan”ti likhitaṃ. “Akavāṭabaddhasenāsane attano pāpīte sabhāgaṭṭhāne sakavāṭabaddhe vasati ce, vaṭṭati”ti vuttaṃ. Payogopi atthi, “asenāsanikena vassaṃ na upagantabban”ti **pāli** ca **aṭṭhakathā** ca, tasmā upaparikkhitabbaṃ.

Adhammikakatikādikathāvaṇṇanā

205. **Mahāvibhaṅge** vuttanti ettha ayaṃ **andhakaṭṭhakathā**vacanaṃ ūnapanarasavassena sāmaṇerena idha vihāre na **vatthabbā**, na paṃsukūlaṃ āhiṇḍitabbaṃ, na coḷabhikkhā gahetabbā, na aññavihāre bhuñjitabbaṃ, na aññassa bhikkhussa vā bhikkhuniyā vā santakaṃ bhuñjitabbaṃ, aññamaññaṃ neva ālapeyyāma na sallapeyyāma, na sajjhāyitabbaṃ, mattikāpattena vaṭṭati, na aparipuṇṇaparikkhārassa vāsoti.

206. **Musāvādoti** visamvādo adhippeto. Keci “visamvādanavasena paṭissuṇitvāti vuttan”ti ca, “rañño² vuttavacanānurūpato musāvādoti gahaṭṭhā gaṇhantīti vuttan”ti ca vadanti.

1. Dī 1. 70; Ma 1. 214 piṭṭhādīsu.

2. Athañño (Ka)

207. **“Purimikā ca na paññāyati.** Kasmā? ‘Dutiye vasāmī’ti citte uppanne paḥamasenāsanaggāho paṭippassambhati. Puna ‘paḥame-eva vasāmī’ti citte uppanne dutiyo paṭippassambhati. Ubhayāvāse vidhānaṃ natthī”ti likhitam. **Porāṇagaṇṭhipade** pana “paḥamaṃ gahitaṭṭhāne avasitvā aññasmim vihare senāsanam gahetvā dvīhatīham vasati, tato paḥamaggāho paṭippassambhatīti purimikā ca na paññāyati. Pacchimaggāho na paṭippassambhati. Idañhi divasavasena paṭippassambhanaṃ nāma hoti. Atha pacchimaṃ temāsaṃ aññasmim vasati, purimikā ca na paññāyati, idaṃ senāsanaggāhānaṃ vasena paṭippassambhanaṃ nāmā”ti vuttam. Ubhopena atthavikappā idha nādhippetā. Yatthāyaṃ paṭissuto, tattha purimikā ca na paññāyati, paṭissave ca āpatti dukkaṭassa. Kattha pana purimikā paññāyatīti? Antarāmagge dvīsu āvāsesu yattha tadaheva pacchimaggāho, tattha paḥamaṃ gahitaṭṭhāne sattāhakarāṇīyena gacchato na vassacchedo, **so tadaheva akaraṇīyo pakkamatīti**-ādimhi **“karaṇīyaṃ** nāma sattāhakarāṇīyan”ti likhitam.

Pālimuttakaratticchedavinicchaye “dhammassavanādī”ti vuttam. Ādimhi catūsu vāresu nirapekkhapakkamanassādhippetattā “sattāhakarāṇīyena”ti na vuttam tasmim sati nirapekkhagamanābhāvato. Tattha purimā dve vārā vassaṃ anupagatassa vasena vuttā, tasmā upagatassa tadaheva sattāhakarāṇīyena gantvā antosattāhaṃ āgacchato na vassacchedoti siddham. Pacchimā dve vārā upagatassa nirapekkhagamanavasena vuttā, “sattāhaṃ anāgatāya pavāraṇāya sakaraṇīyo pakkamatī”ti tato bahiddhā sattāhaṃ vītināmentassa vassacchedoti dassanattam vuttam. Tattha “akaraṇīyo pakkamatī”ti vacanābhāvā vinā ratticchedakāraṇena gantum na vaṭṭatīti siddham. Pavāretvā pana gantum vaṭṭati pavāraṇāya¹ tamdivasasannissitattā. Tattha **na vā āgaccheyyāti** antarāyena. Ācariyo pana “na puna idhāgacchāmī”ti nirapekkhopi sakaraṇīyova gantum labhatīti dassanattam akaraṇīyo’ti na vuttan”ti vadati. “Sīhaḷadīpe kira cūlapavāraṇā nāma atthi, tam pavāraṇam katvā yathāsukham sakaraṇīyā gacchanti, payogañca dassentī”ti vuttam. “Tattha cha aruṇā antovasse

1. Pavāraṇāruṇassa (Ka)

honti, eko bahi, tasmā so temāsaṃ vuttho hotīti apare”ti ca, “ācariyo evaṃ na vadatī”ti ca vuttaṃ. Sabbattha **vihāraṃ upetīti** attano vassaggena pattaḡabbhaṃ upetīti **porāṇā. Asatiyā pana vassaṃ na upetīti** ettha “imasmim vihare imaṃ temāsaṃ”ti avacanena. “**Aṭṭhakathāyaṃ** vuttaratticchedakāraṇaṃ vinā tirovihāre vasitvā āgacchissāmīti gacchatopi vassacchedan”ti likhitam.

208. **Paṭissuto hoti pacchamikāyāti** antarā pabbajitabhikkhunā, chinnavassena vā paṭissuto, aññena pana purimaṃ anupagantvā pacchamikāyaṃ paṭissavo na kātabbo. Ratticchede sabbattha vassacchedoti sanniṭṭhānaṃ katvā vadanti. Keci pana na icchanti. Taṃ sādhetuṃ anekadhā papañcenti. Kim tena.

Vassūpanāyikakkhandhakavaṇṇanā niṭṭhitā.

4. Pavāraṇākkhandhakavaṇṇanā

Aphāsukavihārakathāvaṇṇanā

210. “Saṃghaṃ āvuso pavāremī”ti vuttattā pacchāpi “vadatu maṃ saṃgho”ti vattabbaṃ viya dissati. Ayaṃ panettha adhippāyo—yasmā ahaṃ saṃghaṃ pavāremi, tasmā tattha pariyāpannā therā, majjhimā, navā vā avisesenāyasmanto sabbepi maṃ vadantūti.

Pavāraṇābhedaṇṇanā

212. **Dvemā bhikkhave pavāranā**ti ettha tādise kicce sati yattha katthaci pavāretuṃ vaṭṭati. Teneva **mahāvihāre** bhikkhū cātuddasiyaṃ pavāretvā pannarasiyaṃ kāyasāmaggiṃ idānipi denti. **Cityagirimahādassanattampi aṭṭhamiyaṃ** gacchanti, tampi cātuddasiyaṃ pavāretukāmānaṃyeva hoti. “Sattāhaṃ anāgatāya pavāraṇāya sakaraṇīyo pakkamati, anāpattīti vacanato idaṃ āciṇṇan”ti likhitaṃ. “No ce adhiṭṭhaheyya, āpatti dukkaṭassā”ti ekassa vuttadukkaṭaṃ, tasseva vuttaṃ pubbakiccaṅca saṃghagaṇānampi netabbaṃ.

Pavāraṇādānanujānanakathāvaṇṇanā

213. **Tena ca bhikkhunā**ti pavāraṇādāyakena.

Anāpattipannarasakādikathāvaṇṇanā

“Tassā ca pavāraṇāya ārocitāya saṃghena ca pavārite sabbesaṃ suppvāritaṃ hotīti vacanato kevalaṃ pavāraṇāya pavāraṇādāyakopi pavāritova hotī”ti vadantīti.

222. **Avuṭṭhibhāya parisāyā**ti pavāretvā pacchā aññamaññaṃ kathentiya. **Ekaccāya vuṭṭhitāyā**ti ekaccesu yathānisinnesu ekaccesu sakasakaṭṭhānaṃ gatesu. **Puna pavāretabbanti** punapi sabbehi

samāgantvā pavāretabbaṃ. **Āgacchanti samasamā, tesam santike pavāretabbanti** “gate anānetvā nisinnānaṃyeva santike pavāretabbaṃ, uposathakkhandhakepi eseva nayo”ti likhitaṃ. **Sabbāya vuṭṭhitāya parisāya āgacchanti samasamā, tesam santike pavāretabbanti** “yadi sabbe vuṭṭhahitvā gatā, sannipātetuñca na sakkā, ekacce sannipātāpetvā pavāretuṃ vaṭṭati”ti vadanti. Kasmā? Ñattiṃ ṭhapetvā kattabbaśaṃghakammābhāvā vaggam na hoti kira. Ettha pana ekaccesu gatesupi sabbesu gatesupi sabbe sannipātāpetvā ñattiṃ aṭṭhapetvā kevalam pavāretabbaṃ. Ekacce sannipātāpetvā pavāretuṃ na vaṭṭati “saṃgham bhante pavāremi”ti vacanato. Sabbepi hi sannipatitā pacchā diṭṭham vā sutam vā parisankitam vā vattāro honti. Anāgatānam atthibhāvam ñatvāpi ekaccānam santike pavāraṇāvacaṇam viya hoti. Sammukhībhūte cattāro sannipātāpetvā nissaggiyam āpannacīvarādinissajjanam viya pavāraṇā na hoti sabbāyattattā. “Samaggānam pavāraṇā paññattā”ti vacanañcettha sādhamam. “Ito aññathā na vaṭṭati **aṭṭhakathāyam** ananuññātattā”ti **upatissatthero** vadati. “Thokatarehi tesam santike pavāretabbaṃ ñattiṃ aṭṭhapetvāvā”ti vuttam. **Āgantukā** nāma navamito paṭṭhāyāgatā vā vajasatthanāvāsu vutthavassā vā honti.

237. “Dasavatthukā micchādiṭṭhi hoti tathāgatoti-ādī”ti likhitaṃ. “Natthi dinnanti-ādī”ti vuttam.

239. “Upaparikkhitvā jānissāmāti tena saha pavāretabban”ti likhitaṃ.

Pavāraṇākkhandhakavaṇṇanā niṭṭhitā.

5. Cammakhandhakavaṇṇanā

Soṇakoḷivisavattthukathāvaṇṇanā

242. **Asītiyā -pa- kāretīti** “asīti gāmikasahassāni sannipātāpetvā”ti imassa kāraṇavacanaṃ. Tattha “gāmānaṃ asītiyā sahasseṣū”ti vattabbe “asītiyā gāmasahasseeṣū”ti vuttaṃ. Gāmappamukhā **gāmikā**, tesam sahasāni. **“Kammacittikatāni”**ti upacārena vuttaṃ. Kammappaccaya-utusamuṭṭhāne hi tesam añjanaṇṇabhāvo. “Kenacideva karaṇiyenā”ti vattabbe kenacidevā”ti vuttaṃ. Ettha evaṃ-saddo opamme pavattati.

Evamupamānopadesapucchāvadhāraṇapaṭiññāta-opamme. **Purato pekkhamānānanti** anādaratthe sāmivacanaṃ. Tato pana bhagavato gandhakuṭiyā kavāṭaṃ subaddhaṃ passivā icchitākāraṇakusalatāya iddhiyā gantvā kuṭim pavisivā ārocesi. **Vihārapacchāyāyanti** vihārassa vaḍḍhamānacchāyāyaṃ. **“Aho nūnāti** aho mahanto”ti likhitaṃ. Bhagavato sambahulehi saddhiṃ āhiṇḍanaṃ āyasmato soṇassa vīriyārambhanidassanena anāraddhavīriyānaṃ uttejanatthaṃ, evaṃ sukhumālānaṃ pādarakkhaṇatthaṃ upāhanā anuññātāti dassanatthaṃca.

Soṇassapabbajjākathāvaṇṇanā

243. **Tattha ca nimittaṃ gaṇhāhīti** tesam indriyānaṃ ākāraṃ upalakkhehi.

244. **Adhimutto hotīti** paṭivijjhivā paccakkhaṃ katvā ṭhito hoti. **Nekkhammādhimuttoti**-ādīhi nibbānaṃ, arahattaṃca vuttaṃ. “Taṃhi sabbakilesehi nikkhantattā ‘nekkhammaṃ’ti ca gehato pavivattattā ‘paviveko’ti ca byāpajjābhāvato ‘abyāpajjaṃ’ti ca arahatthaṃ upādānassa khayante uppannattā ‘upādānakkhaya’ti ca taṇhāya khayante uppannattā ‘taṇhakkhaya’ti ca sammohābhāvato ‘asammoho’ti ca vuccatī”ti vuttaṃ. Sabbehi arahattaṃ vuttanti keci. **Siyā kho evamassāti** kadāci evamassa, assa vā āyasmato evaṃ siyā. **Paccāgacchanto jānato. Karaṇiyamattānanti** attano. So eva

vā pāṭho. **Nekkhammādhimuttoti** imasmimīyeva arahattaṃ kathitaṃ. Sesesu nibbānanti keci. **Asammohādhimuttoti** ettheva nibbānaṃ. Sesesu arahattanti keci. “Sabbesvevetesu ubhayampī”ti vadanti. **Pavivekañca cetaso, adhimuttassa, upādānakkhayassa cāti** upayogathe sāmivacanaṃ. Āyatanānaṃ uppādañca vayañca disvā.

Sabbanīlikādiṭṭhikāpakathāvaṇṇanā

246. “Rañjanacoḷakena puñchivā”ti pāṭho. “**Khallakādīni apantvā**”ti vuttatā dve tīṇi chiddāni katvā vaḷaṅjetuṃ vaṭṭatī”ti vadantānaṃ vādo na gahetabbo.

Yānādiṭṭhikāpakathāvaṇṇanā

254. “Caturaṅgulādhikānī”ti vuttatā caturaṅgulato heṭṭhā vaṭṭatīti eke. **Ubhatolohitakūpadhānanti** ettha “kāsāvaṃ pana vaṭṭati, kusumbhādirattameva na vaṭṭatī”ti likhitaṃ.

Sabbacammaṭṭhikāpakathāvaṇṇanā

255. **Kissa tyāyanti** kissa te ayaṃ.

256. **Gihivikatanti** gihīnaṃ atthāya kataṃ. “Yattha katthaci nisīdituṃ anujānāmīti attho”ti likhitaṃ. Kiñcāpi **dīghanikāyaṭṭhakathāyaṃ** “ṭhapetvā tūlikaṃ sabbāneva gonakādīni ratanaparisibbitāni vaṭṭantī”ti¹ vuttam, atha kho vinayapariyāyaṃ patvā garuke ṭhātabbato idha vuttanayenevettha attho gahetabbo. “Tattha pana suttantikadesanāya gahaṭṭhādīnampi vasena vuttatā tesam saṅgaṇhanattham ṭhapetvā ‘tūlikaṃ -pa- vaṭṭantī’ti vuttam viya khāyatīti apare”ti vuttam.

259. **Migamātukoti** tassa nāmaṃ. Vātamigoti ca tassa nāmaṃ. “Kāḷasīho kāḷamukho kapī”ti likhitaṃ. **Cammaṃ na vaṭṭatīti** yena pariyāyena cammaṃ vaṭṭissati, so parato āvi bhavissati. “Attano

1. Na vaṭṭanti (Ṭṭha)

puggalikavasena parihāro paṭikkhitto”ti vuttaṃ. “Na bhikkhave kiñci cammaṃ dhāretabban”ti ettāvatā siddhe “na bhikkhave gocammaṃ”ti idaṃ parato “anujānāmi bhikkhave sabbapaccantimesu janapadesu cammāni attharaṇāni”ti ettha anumattippasaṅghayā vuttanti vedittabbaṃ.

Cammakkhandhakavaṇṇanā niṭṭhitā.

6. Bhesajjakkhandhakavaṇṇanā

Pañcabhesajjādikathāvaṇṇanā

260. “**Yaṃ bhesajjañceva assā**”ti parato “tadubhayena bhiiyoso mattāya kissā hontī”ti-ādinā virodhadassanato nidānānapekkhaṃ yathālābhavasena vuttanti veditabbaṃ. Yathānidānaṃ kasmā na vuttanti ce? Tadaññāpekkhādhippāyato. Sabbabuddhakālepi hi sappi-ādināṃ sattāhakālikabhāvāpekkhāti tathā vacanena bhagavato adhippāyo, teneva “āhāratthañca phareyya, na ca oḷāriko āhāro paññāyeyyā”ti vuttaṃ. Tathā hi **kāle paṭiggahetvā kāle paribhuñjitunti** ettha ca kālaparicchedo na kato. Kutoyeva pana labbhā tadaññāpekkhādhippāyo bhagavato mūlabhesajjādīni tāni paṭiggahetvā yāvajīvanti kālaparicchedo. Yaṃ pana “anujānāmi bhikkhave tāni pañca bhesajjāni kāle paṭiggahetvā kāle paribhuñjitun”ti vacanaṃ, taṃ “sannidhiṃ katvā aparāparasmīṃ divase kāle eva paribhuñjitun anujānāmi”ti adhippāyato vuttanti veditabbaṃ. Aññathā atisayattābhāvato “yaṃ bhesajjañceva assā”ti-ādi vitakkuppādo na sambhavati. Paṇītabhojanānumatiyā pasiddhattā ābādhānurūpasappāyāpekkhāya vuttānīti ce? Tañca na, bhiiyoso mattāya kisādibhāvāpattidassanato. Yathā “ucchurasam upādāya phāṇitan”ti vuttaṃ, tathā “navanītaṃ upādāya sappin”ti vattabbato navanītaṃ visum na vattabbanti ce? Na, visesadassanādhippāyato. Yathā phāṇitaggaḥaṇena siddhepi parato ucchuraso visum anuññāto ucchusāmaññato guḷodakaṭṭhāne ṭhapanādhippāyato. Tathā navanīte visesavidhidassanādhippāyato navanītaṃ visum anuññātanti veditabbaṃ. Visesavidhi panassa **bhesajjasikkhāpadatṭhakathā**vasena veditabbaṃ. Vuttañhi tattha “pacitvā sappim katvā paribhuñjitukāmena adhotampi pacitum vaṭṭati”ti¹. Tattha sappi pakkāva hoti, nāpakkā. Tathā phāṇitampi. Navanītaṃ apakkameva.

Etthāha—navanītaṃ viya ucchurasopi sattāhakālikapāḷiyam eva vattabboti? Na vattabbo. Kasmā? Sattāhakālikapāḷiyam

1. Vi-Ṭṭha 2. 290 piṭṭhe.

vutte ucchuraso guḷāpadesena yathā agilānassa phāṇitaṃ paṭisiddhaṃ, tathā ucchurasopīti āpajjati, avutte pana guḷaṃ viya so phāṇitasankhyaṃ na gacchati. Idha avatvā pacchā vacanena guḷodakaṭṭhāneva ṭhapito hoti. Tadatthameva pacchābhattaṃ vaṭṭanakapānakādhikāre vutto, tasmā eva yāmakālikoti ce? Na, aṭṭhakathāvirodhato. Na upādāyathassa nissayatthattāti ce? Kim vuttaṃ hoti—“ucchurasāṃ upādāya ucchuvikati phāṇitanti veditabbā”¹ti yadetaṃ nissaggiyaṭṭhakathāvacaṇaṃ, tattha “upādāyā”²ti imassa nissāya paccayaṃ katvāti atthoti. Na, parato aparakiriyaṃ adassanato. Yathā “cakkhuṇca paṭicca rūpe cā”³ti-ādīsu² “paṭiccā”⁴ti imassa ussukkavacaṇassa “uppajjati”⁵ti aparakiriyaṃ dissati, na tathā “ucchurasāṃ upādāyā”⁶ti ettha aparakiriyaṃ dissatīti. Ayuttametaṃ tattha tadabhāvepi siddhattā. Yathā “cattāro ca mahābhūtā catunnaṇca mahābhūtānaṃ upādāya rūpan”⁷ti³ ettha aparakiriyaṃ abhāvepi ussukkavacaṇaṃ siddhaṃ, tathā etthāpi siyāti? Na, tattha pāṭhasēsāpekkhattā. Yathā cattāro mahābhūtā upādāya vuttaṃ, pavattakaṃ vā rūpanti imaṃ pāṭhasesaṃ sā pāḷi apekkhati, na tathā idaṃ **aṭṭhakathā**vacaṇaṃ kañci pāṭhaṃ apekkhati. Paripuṇṇavādino hi aṭṭhakathācariyaṃ. Saññākaraṇamattaṃ vā tassa rūpassa. “Atthi rūpaṃ upādāyā”⁸ti-ādīsu⁴ hi saññākaraṇamattaṃ, evamidhāpīti veditabbāṃ. Idha pana “ucchurasāṃ upādāyā”⁹ti ucchurasāṃ ādiṃ katvā, tato paṭṭhāyāti attho, tasmā “ucchurasena saṃsaṭṭhaṃ bhattaṃ agilāno bhikkhu viññāpetvā bhuñjanto paṇītabhojanasikkhāpadena kāretabbo, bhikkhunī pāṭidesaniyenā”¹⁰ti vuttaṃ, taṃ ayuttanti eke. Te visesahetuno abhāvaṃ, dassetvā paññāpetabbā.

Ettāvata “ucchurasāṃ upādāyāti ucchurasāṃ ādiṃ katvā”¹¹ti-ādīnaṃ padānaṃ atthaṃ micchā gahetvā yadi “ucchurasāṃ upādāyā”¹²ti vacanena ucchuraso phāṇitaṃ siyā, “apakkā vā”¹³ti vacanaṃ niratthakaṃ apakkavacaṇena ucchurasassa gahitattā. Atha “pakkā vā”¹⁴ti vacanena ucchuraso phāṇitanti siddhaṃ, “ucchurasāṃ upādāyā”¹⁵ti vacanaṃ niratthakanti uttaraṃ vuttaṃ, taṃ anuttaranti sādhitāṃ hoti. **So cetehi apakkā vāti sāmaṃ bhikkhunā**

1. Vi-Ṭṭha 2. 294 piṭṭhe.

2. Ma 1. 158, 326; Ma 3. 328, 332; Saṃ 1. 301 piṭṭhādīsu.

3. Abhi 1. 145 piṭṭhe.

4. Abhi 1. 146 piṭṭhe.

apakkā vā. **Avatthukapakkā vāti** bhikkhunāva sāmāṃ vinā vatthunā pakkā vāti attho. Tasmā aññathā “savatthukapakkā vā”ti ca vattabbanti attho dassito, so duṭṭhu dassito. Kasmā? **Mahā-aṭṭhakāthāyaṃ** “jhāma-ucchuphāṇitaṃ vā koṭṭita-ucchuphāṇitaṃ vā purebhattameva vaṭṭatī”ti vuttattā, “savatthukapakkā vā”ti vacanassa ca laddhivirodhato avuttattā. **“Mahāpaccariyaṃ** pana ‘etaṃ savatthukapakkāṃ vaṭṭati no vaṭṭatī’ti pucchāṃ katvā ‘ucchuphāṇitaṃ pacchābhattaṃ no vaṭṭanakaṃ nāma natthī’ti vuttaṃ, taṃ yuttan”ti¹ vuttattā ca savatthukapakkā vāti attho ca vuttoyeva hoti, tasmā duddassitoti siddham. **Āhāratthanti** āhārapayojanaṃ. Āhāra-kiccaṃ yāpananti atthoti ca.

262. **Telaparibhogenāti** sattāhakālikaparibhogena.

263. **Sati paccayeti** ettha satipaccayatā gilānāgilānavasena dvidhā veditabbā. Vikālabhojanasikkhāpadassa hi anāpattivāre yāmakālikādīnaṃ tiṇṇampī avisesena satipaccayatā vuttā. Imasmim **khandhake** “anujānāmi bhikkhave gilānassa guḷaṃ, agilānassa guḷodakaṃ, anujānāmi bhikkhave gilānassa loṇasovīrakaṃ, agilānassa udakasambhinnan”ti vuttaṃ. Tasmā siddham satipaccayatā gilānāgilānavasena duvidhāti. Aññathā asati paccaye guḷodakādīsu āpajjati. Tato ca pāḷivirodho.

Piṭṭhehīti pisitatelehi. **Koṭṭhaphalanti** koṭṭharukkassa phalaṃ. “Madanaphalaṃ vā”ti ca likhitaṃ. **Hiṅgujatu** nāma hiṅgurukkassa daṇḍapallavapavāḷapākanipphannā. **Hiṅgusipāṭikā** nāma tassa mūlasākhapākanipphannā. **Takaṃ** nāma tassa rukkhassa tacapākodakaṃ. **Takapattīti** tassa pattapākodakaṃ. **Takapaṇṇīti** tassa phalapākodakaṃ. Atha vā “**takaṃ** nāma lākhā. **Takapattīti** kittimalomalākhā. **Takapaṇṇīti** pakkalākhā”ti likhitaṃ. **Ubbhidaṃ** nāma ūsapāṃsumayaṃ².

264. **Chakaṇaṃ** gomayaṃ. **Pākatikacuṇṇaṃ** nāma apakkakasāvacuṇṇaṃ, tena “ṭhapetvā gandhacuṇṇaṃ sabbaṃ vaṭṭatī”ti vadanti. **Cālitehīti** parissāvitehi.

265. **Nānāsambharehi katanti** nānosadhehi.

1. Vi-Ṭṭha 2. 294 piṭṭhe.

2. Ussadapaṃsumayaṃ (Ka)

Gulādi-anujānanakathāvaṇṇanā

274. Sāmaṃ pakkam̐ samapakkanti duvidham̐ viya dīpeti, tasmā khīrādīsu uṇhamattameva pāko. Tena uttaṇḍulādisamānā honti.

276-278. “Buddhappamukhan’ti āgataṭṭhāne ‘bhikkhusaṃgho’ti avatvā ‘saṃgho’ti vuccati bhagavantampi saṅgahetun’ti vadanti. **Nāgoti** hatthī.

279. **Sambādheti** vaccamagge bhikkhussa bhikkhuniyā ca passāvamaggepi anulomato. Dahanam̐ paṭikkhepābhāvā vaṭṭati. Satthavattikammānulomato na vaṭṭatīti ce? Na, paṭikkhittapaṭikkhepā, paṭikkhipitabbassa tapparamatādīpanato, kim̐ vuttam̐ hoti? Pubbe paṭikkhittampi satthakammaṃ sampiṇḍetvā pacchā “na bhikkhave -pa-thullaccayassā”ti dvikkhattum̐ satthakammaṃ paṭikkhepo kato. Tena sambādheṃ sāmāntā dvaṅgulaṃ paṭikkhipitabbam̐ nāma. Satthavattikammato uddham̐ natthīti dīpeti. Kiñca bhiyyo pubbe sambādheyeva satthakammaṃ paṭikkhittam̐, pacchā sambādheṃ sāmāntā dvaṅgulampi paṭikkhittam̐, tasmā tasseva paṭikkhepo, netarassāti siddham̐. Ettha “sattham̐ nāma satthahāraṃ vāssa pariyeseyyā”ti-ādīsu viya yena chindati, tam̐ sabbam̐. Tena vuttam̐ “**kaṇṭakena vā**”ti-ādi. Khāradānam̐ panettha **bhikkhunivibhaṅge** pasāke lepamukhena anuññātanti vedītabbam̐. Eke pana “satthakammaṃ vā”ti pāṭham̐ vikappetvā vatthikammaṃ karonti. “**Vatthī**”ti kira agghikā vuccati. Tāya chindanam̐ vatthikammaṃ nāmāti ca attham̐ vaṇṇayanti, te “satthahāraṃ vāssa pariyeseyyā”ti imassa padabhājanīyam̐ dassetvā paṭikkhipitabbā. **Aṇḍavuddhīti** vātaṇḍako. **Ādānavattīti** ānahavatti.

Manussamaṃsapaṭikkhepakathāvaṇṇanā

280. “Na bhikkhave manussamaṃsam̐ -pa- thullaccayassā”ti vuttattā, “na ca bhikkhave appaṭi -pa- dukkaṭassā”ti ca vuttattā appaṭivekkhaṇadukkaṭaṅca thullaccayañcāti dve āpajjati, tasmā kappiyamaṃsepi appaṭivekkhaṇapaccayā dukkaṭameva. Keci “maṃsabhāvaṃ jānantova āpajjati. Pūvādīsu ajānantassa kā paccavekkhaṇā”ti vadanti. Ajānantopi āpajjati sāmāññena vuttattāti keci.

Hatthimaṃsādīpaṭikkhepakathāvaṇṇanā

281. **Imesaṃ -pa- sabbaṃ na vaṭṭatī**ti idaṃ dasannampi manussamaṃsādīnaṃ akappiyabhāvamattaparidīpanavacanāṃ, nāpattivibhāgadassanavacanāṃ. **Yaṃ kiñci ñatvā vā añatvā vā khādantassa āpattiyevā**ti idampi aniyamitavacanameva “ayaṃ nāma āpattī”ti avuttattā. Tadubhayampi heṭṭhā manussādīnaṃ maṃsādīsu thullaccayadukkaṭāpattiyo hontīti gahitanayehi adhippāyo jānitum sakkāti evaṃ vuttam. Tatrāyaṃ adhippāyo—yasmā etesaṃ manussādīnaṃ maṃsādīni akappiyāni, tasmā manussānaṃ maṃsādīsu thullaccayāpatti. Sesānaṃ sabbattha dukkaṭāpattīti. Pāṭheyeva hi lohītādīṃ maṃsagatikāṃ katvā “na bhikkhave manussamaṃsaṃ -pa- thullaccayassā”ti vuttam. Tattheva hatthādīnaṃ maṃsādīsūpi dukkaṭāpatti paññattā. Tena vuttam **sīhaḷaṭṭhakathāyaṃ** “manussamaṃse vā kese vā nakhe vā aṭṭhimhi vā lohite vā thullaccayamevā”ti vuttam. Iminā eva—

“Aṭṭhipi lohitaṃ cammaṃ, lomamesaṃ na kappatī”ti¹—

khuddasikkhāgāthāpadassa attho ca adhippāyo ca suviññeyyoti.

Paṭiggahaṇeti ettha anādariyadukkaṭaṃ vuttam.

“Udakamanussādīmaṃsampi na vaṭṭatī”ti vadanti. Nāgarājena vuttādīnave satipi ujjhāyanādhikārameva gahetvā “**paṭikūlatāyā**”ti vuttam.

Yāgumadhugoḷakādīkathāvaṇṇanā

283. **Yathādhammo kāretabboti** idaṃ saṅgītikāravacanāṃ. Na hi bhagavā tameva sikkhāpadam dvikkhattum paññapesi, evaṃ evarūpesūti eke. Paṭhamapaññattameva sandhāya vuttam, tathāpi na ca te bhikkhū sāpattikā jātā. Kathaṃ? **Paramparabhojanasikkhāpadassa** aṭṭhuppattiyā. “Apica mayam kālasseva piṇḍāya caritvā bhuñjimhā”ti vuttam.

Mātikāvibhaṅge² ca paramparabhojanaṃ nāma pañcannaṃ bhojanānaṃ aññatarena bhojanena nimantito, taṃ ṭhapetvā aññaṃ pañcannaṃ bhojanānaṃ aññataraṃ bhojanaṃ bhuñjati, etaṃ paramparabhojanaṃ nāmā”ti vuttam, tasmā aññaṃ bhojanaṃ nāma nimantanato laddhaṃ yaṃ kiñcīti siddhaṃ. Yasmā na bhojjayāgunimantanato laddhabhojanaṃ,

1. Maṃsesu ca akappiyanti uddesassa niddese tatiyagāthāyaṃ. 2. Vi 2. 105 piṭṭhe.

tasmā “ettha anāpatti”ti te bhikkhū paribhuñjimsūti. Ettha “yathādhammo kāretabbo”ti vuttattā pana aññanimantanato laddhabhojanameva bhuñjantassa āpatti, netaranti anuññātam. Tato paṭṭhāya tassa anāpattivāre “niccabhatte salākabhatte pakkhike uposathike pāṭipadike”ti vuttam. Pubbe vesāliyā paññattakāle natthi, yadi atthi, aṭṭhuppattimātikāvibhaṅgavirodho, tasmā “apica mayam kālasseva piṇḍāya caritvā bhuñjimhā”ti aṭṭhuppattiyam vuttattā, padabhājanepi “aññam pañcannam bhojanānam aññataram bhojanam bhuñjati”ti avisesena vuttattā ca paṭhamam vā pacchā vā nimantitam bhojanam ṭhapetvā animantitameva bhuñjantassa āpatti, netaranti kiñcāpi āpannam, “na bhikkhave aññatra nimantitena aññassa bhojjayāgu paribhuñjitabbā”ti vuttattā pana paṭhamanimantitabhojanato aññam pacchā laddham nimantitabhojanam, niccabhattādīni ca bhuñjantassa āpattīti āpajjamānam viya jātanti anupaññattippasaṅganivāraṇam, animantanabhojane āpattippasaṅganivāraṇaṅca karonto, paṭhamapaññattisikkhāpadameva iminā atthena pariṇāmento ca “yathādhammo kāretabbo”ti bhagavā āha, tasmā tato paṭṭhāya pacchā nimantanabhojanam bhuñjantasseva āpatti. Tesu na niccabhattādīnīti āpannam. Tenevāasmā **upālitthero** tassa anāpattivāre “niccabhatte”ti-ādīni pañca padāni pakkhipitvā saṅgāyi. Adhippāyaññū hi te mahānāgā, tasmā paṭhamameva yam bhagavatā vuttam “pañca bhojanāni ṭhapetvā sabbattha anāpatti”ti vacanam, pacchāpi tam anurakkhantena abhojanam madhugoḷakam aparāmasitvā bhojjayāgu eva vuttāti evam ācariyo.

Etthāha—yathā pacchāladdhalesena therena niccabhattādipakkhepo kato, evam **kathinakkhandhake** paramparabhojanam pakkhipitvā “atthatakathinānam vo bhikkhave cha kappissantī”ti kimattham na vuccanti? Vuccate—yathāvuttalesanidassanattham. Aññathā idam sikkhāpadam vesāliyam, andhakavinde cāti ubhayattha upaḍḍhupaḍḍhena paññattam siyā. No ce, sāpattikā bhikkhū siyūm, na ca te sāpattikā appaṭikkhittepi tesam kukkucadassanato. “Tena hi brāhmaṇa bhikkhūnam dehīti. Bhikkhū kukkucāyantā na paṭiggaṇhanti”ti hi vuttam. Tesañhi “paribhuñjathā”ti bhagavato āṇattiyā paribhuttānampi “odissakam nu kho idam amhākan”ti vimatippattānam vimativinodanattam “anujānāmi bhikkhave yāguṅca

madhugoḷakañcā”ti vuttaṃ. Evamidhāpete paññattaṃ paramparabhojanasikkhāpadaṃ omadditvā paramparabhojanaṃ kathaṃ bhuñjissantīti. Etthāhu keci ācariyā paramparabhojanasikkhāpadeneva “aññassa bhojanaṃ na kappatī”ti jānantāpi “anujānāmi bhikkhave yāguñcā”ti visuṃ anuññātattā “paṭaggidānamahāvikaṭādi viya kappatī”ti saññāya bhuñjimsu. Tena vuttaṃ “apica mayāṃ kālasseva bhojjayāguyā dhātā”ti-ādi, taṃ ayuttaṃ tatha aṭṭhuppattimātikāvibhaṅgavirodhena anāpattivāre niccabhattādīnaṃ asambhavappasaṅgato, bhikkhūnaṃ sāpattikabhāvānatikkamanato, micchāgāhahetuppasaṅgena bhagavatā anuññātappasaṅgato ca. Te hi bhikkhū yasmā bhagavā katthaci vinayavasena kappiyampi “gāthābhigītaṃ me abhojaneyyan”ti¹ paṭikkhipati, tasmā bhagavato adhippāyaṃ pati “kukkuccāyantā na paṭiggaṇhanti”ti vuttaṃ, sikkhāpadaṃ pati bhagavāpi attano adhippāyappakāsanatthameva “anujānāmi bhikkhave yāguñcā”ti āha. Duravaggāho hi bhagavato adhippāyo. Tathā hi bhāradvājassa pāyāsaṃ abhojaneyyanti akataviññattippasaṅgato paṭikkhipi. **Ānandattherena** viññāpetvā sajjitaṃ tekaṭulayāguṃ pana “yadapi ānanda viññattaṃ, tadapi akappiyan”ti avatvā “yadapi ānanda antovutthan”ti-ādimevāha. Tena no ce taṃ antovutthaṃ kappatīti adhippāyadassanena paṇītabhojanasūpodanaviññattisikkhāpadāni upatthambheti bhagavatopi kappati, pageva amhākanti.

284. **Gilānasseva bhagavatā guḷo anuññātoti** “yāni kho pana tāni gilānānaṃ bhikkhūnaṃ paṭisāyanīyāni”ti² vacanavasena vuttaṃ, teneva te idha paṭiggahaṇe kukkuccāyimsu. Idha pana “anujānāmi bhikkhave gilānassa guḷodakan”ti vattabbe guḷādhikārattā pubbe anuññātāñca vatvā agilānassa guḷodakāṃ anuññātāṃ, tena gilānena satī paccaye guḷo paribhuñjitabbo, guḷodakāṃ asatī paccayepi vaṭṭatīti imaṃ visesaṃ dīpeti. Tatha “guḷodakāṃ kālikesu sattāhakālikāṃ, bhagavatā odissānuññātattā sattāhātikkamena dukkaṭaṇ”ti vadanti, taṃ na yuttaṃ, udakasambhinnattā sattāhakālikabhāvaṃ jahati. “Yathā ambādi udakasambhinnaṃ yāmakālikāṃ jātaṃ, tathā sattāhakālikāṃ jahitvā

1. Saṃ 1. 169; Khu 1. 292; Khu 11. 222 piṭṭhesu.

2. Vi 1. 363 piṭṭhe.

tadanantare yāvajīvike ʘhitan”ti vadanti, taṃ yuttam, tañca bhagavatā odissānuññātattā paccavekkhaṇābhāve doso natthi. “Guḷodakan’ti vuttattā udakagatikan”ti vadanti. Yadi udakamissam udakagatikam hoti, madhupi siyā tam tathā anuññātattā. Mā hotu, appaṭiggahetvā paribhuñjītabbam siyā udakagatikattā, tañca na hoti, “sabbatthāpi upaparikkhitvā gahetabban”ti aññatarasmim **ganṭhipade** vuttam.

285. **Suññāgāranti** catutthajjhānam.

Kappiyabhūmi-anujānanakathāvaṇṇanā

295. **Oravasaddanti** mahāsaddam. **Bahūhi samparivāretvāti** ettha ekenāpi vaṭṭati. “Bahūsu ekassapi vacanena saha siyāti vuttan”ti vadanti. “Āmasitvā”ti vuttattā anāmasite na vaṭṭati. “Doso natthi”ti vacanena sesāpi anuññātā. “Bhittiñce upasante pacchā tam pūrenti, tattha kātum na vaṭṭati, pakatibhūmiyamyeva kātum vaṭṭati”ti vadanti. Tam upari **aṭṭhakathāyam** “iṭṭhakādīhi katācayassā”ti-ādinā virujjhati viya. **Mattikāpiṇḍam vāti** ettha “asatiyā anadhiṭṭhitāya saritaṭṭhānato paṭṭhāya ce upari adhiṭṭhitā, heṭṭhā ʘhitam bhaṇḍam akappiyam, upariṭṭhitameva kappiyam, ayamettha viseso”ti vuttam. **Ettha kappiyakuṭi laddhum vaṭṭatī** evamvidhe puna kātabbāti attho. **Kappiyakuṭim kātum demāti** ettha kappiyakuṭikkiccam kātunti adhippāyo. Bhojanasālā pana senāsanameva, tasmā tattha kātabbanti apare. “Akatepi vaṭṭati”ti vuttam.

“**Mukhasannidhi** nāma bhojanakāle sannidhī”ti likhitam. Mukhasannidhī tassa nāmam. “Yadi sannidhi hoti, pācittiyam bhaveyya, mukhasannidhi pana dukkaṭam, tasmā sannidhi anadhippetā”ti vuttam. “Tassa santakam katvā”ti vuttattā anapekkhavissajjanam nādhippetam. Cīvaravikkappane viya kappiyamattam ñātābanti keci.

Keṇiyajaṭilavatthukathāvaṇṇanā

300. “Attanā paṭiggahitam purebhattameva pariccajivā sāmaṇerādīhi pānakam katvā dinne purebhattameva vaṭṭati, na pacchābhattam savatthukapaṭiggahitattā”ti vadanti, tattha puna paṭiggahaṇe niddosattā, purebhattameva

paṭiggahaṇassa nissaṭṭhattā, attanā ca aggahitattā doso na dissati,
 upaparikkhitvā gahetabbaṃ. **Sālūkā** nāma kandā, “ito kiñcitakan”ti
 voharanti. “**Phārusakanti** goḷavisaye eko rukkho”ti ca likhitam.
 “Pakkaḍākarasan”ti visesitattā “apakkaṃ vaṭṭatī”ti vuttam.
Kurundivacanenapi siddhameva. Taṇḍuladhovanodakampi **dhaññaraso** eva.
 “Nikkasaṭo ucchuraso sattāhakāliko”ti likhitam. **Sāvittīti** gāyanti.
Chandasoti vedassa. “Na bhikkhave pabbajitena akappiye
 samādapetabban’ti vuttattā anupasampannassāpi na kevalaṃ dasasu eva
 sikkhāpadesu, atha kho yaṃ bhikkhussa na kappati, tasmimpīti adhippāyo”ti
 vuttam.

305. **Dve paṭā desanāmenevāti** cīnapaṭṭasomārapaṭṭāni. **Tīṇīti**
 pattuṇṇena saha tīni. **Iddhimayikaṃ** ehibhikkhūnaṃ nibbattam.
 Devadattiyam **anuruddhattherena** laddham. “Yāmābhikkame sannidhivasena
 sattāhātikkame bhesajjasikkhāpadavasenā”ti likhitam.

Bhesajjakkhandhakavaṇṇanā niṭṭhitā.

7. Kathinakkhandhakavaṇṇanā

Kathinānujānanakathāvaṇṇanā

306. “**Kathinanti** pañcānisaṁse antokaraṇasamatthatāya thiranti attho”^{ti} likhitaṁ. “Pañca kappantī”^{ti} avatvā “kappissantī”^{ti} anāgatavacanāṁ “vo”^{ti} imassa sāmivacanapakkhe yujjati tesāṁ tasmim̐ khaṇe anattatakathinattā. Dvīsu panetesu atthavikappesu pacchimo yutto sabbesampi tesāṁ pāveyyakānaṁ sabbadhutaṅgadharaṭṭā. Nimantanaṁ sādīyantasseva hi anāmantacāro paññatto, tathā gaṇabhojanaṁ. Asamādānacāro anadhiṭṭhitaticīvarassa natthi atecīvarikassa yāvadatthacīvaracatutthādicīvaraggahaṇasambhavato. Itarassāpi anadhiṭṭhānamukhena labbhati. Cīvaruppādo apaṁsukūlikasseva. “**Kathinatthasīmāyan**”^{ti} upacārasīmaṁ sandhāya vuttaṁ. Upacārasīmattassa matakacīvarādibhāgiyatāya baddhasīmāya tatrappādābhāvato viññeyyamaṭṭaṁ upacārasīmāvettha adhippetāti. **Kathinatthāraṁ ke labhantī** ke sādhentī attho. Pañca janā sādheti. Kathinadussassa hi dāyakaṁ pacchimakotiyaṁ cattāro honti. Eko paṭiggāhakoti. “Tatra ce bhikkhave yvāyaṁ catuvaggo bhikkhusaṁgho ṭhapetvā tīṇi kammāni upasampadaṁ pavāraṇaṁ abbhānaṁ”^{ti}¹ **campeyyakkhandhake** vuttattā “na pañcavaggakaraṇīyaṁ”^{ti} gahetabbaṁ. “Yassa saṁgho kathinadussaṁ deti, taṁ hatthapāse akatvāpi bahisīmāya ṭhitassapi dātum vaṭṭatī”^{ti} vadanti, taṁ hatthapāse katvā eva dātabbaṁ. Kasmā? “Tassa kammappattattā”^{ti} vuttaṁ. “Tatrappādena taṇḍulādinā vattesu cetāpitesu atthatakathinānameva tāni vatthāni pāpuṇanti. Vatthehi pana taṇḍulādīsu cetāpitesu sabbesaṁ tāni pāpuṇantī”^{ti} vuttaṁ. **Paṭhamapavāraṇāya pavāritā labhantī** idaṁ ukkaṭṭhakoṭiyaṁ vuttaṁ. Antarāyena appavāritānampi vutthavassānaṁ kathinatthārasambhavato itare gaṇapūrake katvā kathinaṁ attharitabbanti kathaṁ paññāyatīti ce? “Dvinnaṁ puggalānaṁ atthataṁ hoti kathinaṁ atthāraṁ ca anumodakassa cā”^{ti}² **parivāre** ekavacanakaraṇato, tattheva “saṁghassa atthataṁ hoti kathinaṁ, gaṇassa puggalassa atthataṁ hoti kathinaṁ”^{ti}³ vacanato ca.

1. Vi 3. 439 piṭṭhe.

2. Vi 5. 302 piṭṭhe.

3. Vi 5. 310 piṭṭhe.

Aññasmiṃ vihāre vutthavassāpi na labhantīti idaṃ kiṃ ekasīmasmiṃ, udāhu nānāsīmasminti? Kiñcetha—yadi tāva ekasīmasmiṃ, parato “sace pana ekasīmāya bahū vihārā honti, sabbe bhikkhū sannipātetvā ekattha kathinaṃ attharitabbaṃ, visuṃ visuṃ attharituṃ na vaṭṭatī”ti iminā **aṭṭhakathā**vacanena virujjhati. Idañhi vacanaṃ sabbesaṃmyeva eko kathinatthāroti dīpeti. Atha nānāsīmasmiṃ, upanandassa ekādhippāyadānānumatiyā virujjhati. Vuttañhetam “detha bhikkhave moghapurisassa ekādhippāyan”ti¹. Idañhi vacanaṃ dvīsupi āvāsesu tassa kathinatthārasiddhiṃdīpetīti. Avirodhova icchitabbo appaṭṭisiddhattā, tasmā ekasīmasmiṃ vā nānāsīmasmiṃ vā nānūpacāre aññasmiṃ vihāre vutthavassāpi na labhantīti adhippāyo veditabbo. “Pacchimikāya upasampanno paṭhamapavāraṇāya pavāretumpi labhati, vassiko ca hoti ānisaṃsaṅca labhatīti sāmaṇerānaṃ vassūpagamaṇaṃ anuññātaṃ hoti, sāmaṇerā kathinānisaṃsaṃ labhantī”ti vadanti.

Tiṇṇaṃ cīvarānaṃ aññatarappahonakanti idaṃ “na aññatra saṅghāṭiyā uttarāsaṅgena antaravāsakena atthataṃ hoti kathinan”ti imāya **pāliya** virujjhanam viya dissati. Ayañhi pāli tiṇṇaṃ cīvarānaṃ aññataravirahenāpi na atthataṃ hoti kathinanti dīpetīti ce? Na, tadatthajānanato, na tiṇṇaṃ cīvarānaṃ aññataravirahena na atthataṃ hoti kathinanti hi dīpetukāmo bhagavā tam pālimāha. Yadi evam “aññatra saṅghāṭiyā uttarāsaṅgena antaravāsakenā”ti na vattabbā siyāti ce? Na, adhippāyajānanatova. Yo saṅghāṭiyā attharitukāmo, tassa aññatra saṅghāṭiyā na atthataṃ hoti. Esa nayo itaratthāpīti ayamettha adhippāyo. Teneva sukkaṃpakke “saṅghāṭiyā atthataṃ hotī”ti-ādinā nayena ekameva cīvaraṃ vuttaṃ, evaṃ sante “catuvīsatiyā ākārehi anattataṃ hoti kathinaṃ, sattarasahi ākārehi atthataṃ hoti kathinan”ti yathārahaṃ ukkaṭṭhakoṭiyā vuttanti veditabbaṃ, tasmā kaṇhapakke ullikhita -pa- nissīmaṭṭhānumodanānaṃ catuvīsatiyā ākāraṇaṃ sambhavantānaṃ sabbena sabbaṃ abhāvenapi nimittakatādīnaṃ asambhavantānaṃ aññatarabhāvenapi na atthataṃ hoti kathinanti

1. Vi 3. 416 piṭṭhe.

evamadhippāyo veditabbo. Sukkapakkhepi ahatāhatakappa -pa-sīmaṭṭhānumodanānaṃ sattarasannaṃ ākārānaṃ sambhavantānaṃ aññatarabhāvenapi itaresaṃ sabbena sabbaṃ abhāvenapi atthataṃ hoti kathinanti evamadhippāyo veditabbo. Aññathā aññamaññavirodho, yathāsambhavaṃ yojetvā veditabbo.

Tatridaṃ mukhamattanidassanaṃ—kaṇhapakkhe “uttarāsaṅgena atthate kathine na aññatra saṅghāṭiyā na aññatra antaravāsakena atthataṃ hoti kathinan”ti vacanappamāṇato taṃ kathinaṃ anattataṃ siyā. Sukkapakkhe ca “animittakatena atthataṃ hoti kathinan”ti vacanappamāṇato animittakatena kathine atthate tañce parikathā kataṃ, tathāpi atthameva kathinaṃ hotīti ayaṃ duvidhopi virodho. Yathāvuttanayena adhippāye gahite parihāro hotīti veditabbaṃ.

Yo ānisaṃsaṃ bahuṃ detīti iminā paccayalolabhāvaṃ viya dīpeti, tathāpi bhagavatā yāvadaṭṭhacīvarapariyesanapaññāpanamukhena dvāraṃ dinnanti katvā saṅghānuggahatthaṃ hoti. “**Akātuṃ na hotīti** anādariyena akarontassa dukkaṭaṃ”ti likhitaṃ. **Anumodāmāti** ettha sabbasaṅghikavasena evaṃ vuttaṃ. “Anumodāmī”ti ekakena vattabbaṃ, itarathā “na vaṭṭatī”ti **mahā-atṭhakathāyaṃ** kira vuttaṃ. Kathinacīvaraṃ adhiṭṭhahitvā “imāya saṅghāṭiyā kathinaṃ attharāmī”ti vācāya bhinnamattāya puggalassa atthataṃ hoti. “**Kammavācā pana ekāyeva vaṭṭatīti** kathinadussassa eva kammavācā, sesacīvaradāne apalokanamevāti attho”ti likhitaṃ. **Ekasīmāyāti** eka-upacārasīmāyāti, attho yujjati. Keci pana “baddhasīmā adhippetā ekasīmāya ekaṭṭhāne attharite sabbattha attharitaṃ hoti ‘sabbe bhikkhū sannipatitvā’ti vuttattā, tehipi anumodantehi atthariteva hoti, upacāraparicchinne tattha tattha laddhaṃ tehi tehi laddhabbaṃ hoti. Tattha pavīṭṭhehipi labhitabbaṃ sabbehipi attharitatā, ayaṃ viseso. **Mahā-atṭhakathāyampi** evameva vuttan”ti vadanti, vīmaṃsitabbaṃ.

308. Catuvīsati ākāravantatāya **mahābhūmikaṃ**. “**Dīghasibbitanti** pacchākatasibbanāṃ, ovaṭṭitvā sibbanāṃ vā”ti likhitaṃ. **Kaṇḍusaṃ** nāma pubbabandhanaṃ. **Paṭhamacimilikā ghaṭetvā ṭhapitā hotīti** kathinadussaṃ dubbalaṃ

disvā taṃ balavatā attano pakatidussena saddhim ghaṭetvā dupaṭṭaṃ katvā sibbitukāmehi kathinadussato pakatidussassa mahantatāya paṭhamam tappamāṇānurūpaṃ bandhakaṇḍuse ghaṭetvā rajjukehi bandhitvā kataṃ hotīti adhippāyo. Kathinacīvarassa appatāya paṭhamam baddhadussam **kucchicimilikā** hoti, **mahāpaccariyam**, **kurundiyañca** vuttavacana-nidassanam, byañjane eva bhedo¹, atthe natthīti dassanattham katanti vedītabbam. “Iminā kim dīpetīti ce? Tathākataṃ dupaṭṭacīvaram pakaticīvarassa mahantatāya pakaticīvarasaṅkhyameva gacchati, na kathinacīvarasaṅkhyanti kassaci siyā, nevaṃ daṭṭhabbam. Evaṃ kucchicimilikabhāvena ṭhitampi kathinacīvaram. Mahantampi taṃ pakaticīvaram attano kathinacīvarevāti. Heṭṭhimakoṭiyā pañcakassa icchītabbattā kathinadussam khaṇḍākhaṇḍam bahudhā chinditvā sibbitukāmo kathinacīvarato paṭṭam gahetvā aññasmiṃ akathinacīvare paṭṭamāropetī”ti likhitam. Atha vā bahūni kathinadussāni paṃsukūlāni khuddakakhuddakāni ekacīvaratthāya, mahantāni ca unatthāya dinnāni honti. **Kathinacīvaratoti**² bhikkhu ekacato kathinacīvarato paṭṭam gahetvā aññasmiṃ āropeti. Etthāha—kim paṃsukūlāni kathinadussāni vikappanupagapacchimāni dātabbāni, udāhu khuddakānipīti? Ettha acīvarasaṅkhyattā khuddakāni dātuṃ na vaṭṭati. Kammavācā tattha na ruhatīti eke. “Paṃsukūlena atthataṃ hotī”ti **pāliyam** nayadānato kucchicimilikabhāvena ṭhitassa kathinadussassa attano sabhāvena anadhiṭṭhānupagassa purāṇacīvarabhāveneva adhiṭṭhānārahassapi kathinacīvarabhāvānumatimukhena **aṭṭhakathāyam** padānato ca khuddakānipīti dātuṃ vaṭṭati. Tañhi kathinatthārako ghaṭetvā kathinacīvaram karissatīti katvā kappatīti eke, yuttataram gahetabbam.

Nicayasannidhi saṃghāyattā saṃghena katattā. Rattātikantaṃ nissajjitabbattā “**nissaggiyam**”ti vuccati. Pañca khaṇḍāni paṭṭāni pamāṇam assāti **pañcakam**. Tena vā atirittena vāti attho. **Tadaheva sañchinnenāti** saṃghena kathinatthārakassa kammavācam vatvā dinneneva tadaheva sañchinnena samaṇḍalikatena bhavitabbam. Evaṃ dinnamyeva hi **parivāre** “pubbakaraṇam sattahi dhammehi saṅgahitan”ti³ vuttaṃ, na dāyakena diyyamānam, tasmā pariniṭṭhitapubbakaraṇameva

1. Virodho (Ka)

2. Tato hi (Ka)

3. Vi 5. 306 piṭṭhe.

ce dāyako saṅghassa deti, sampatiçchitvā kammavācāya dātabbāṃ. Tena ca tasmim̄ yeva sīmāmaṇḍale adhiṭṭhahitvā attharivā saṅgho anumodāpetabbo katapubbakaraṇassa puna kattabbābhāvato. Atthārakassa hatthagatameva hi sandhāya “na ullikhitamattenā”ti-ādi vuttāṃ. Pariniṭṭhitapubbakaraṇampi puna dhovivā visibbitvā kātabbameva vacanapamāṇatoti ce? Na, chinnassa puna chedāsambhavato. Aññasmim̄ ṭhāne chinditabbamevāti ce? Na, pabbajjādhikāre “kesamassum̄ ohārāpetvā”ti vacanappamāṇato muṇḍikassa chinnepi kese pariyesivā sirasmim̄ ṭhapetvā puna ohārāpetvā pabbājetabbappasaṅgato, na idha na-kārena paṭisiddhattāti ce? Na, “na aññatra saṅghāṭiyā”ti na-kārena paṭisiddhattā uttarāsaṅgena atthate anattataṃ hotīti aniṭṭhappasaṅgato, tasmā abhiniveso na kātabbo. “Bahī-upacārasīmāya ṭhito”ti vuttattāpi pubbe vuttavinicchayova gahetabbo.

309. **Asannidhikatena atthataṃ hoti kathinanti** ettha kiṃ

kathinatthāramāseyeva duvidhopi sannidhi adhippeto, udāhu tato pubbepi, dāyakena vā kadā dātabbāṃ, kiṃ kathinatthāramāseyeva, udāhu tato pubbepi, kathinatthāramāsepi asukasmim̄ divaseyeva atthāratthāya dammīti dātum̄ vaṭṭati na vaṭṭatīti idaṃ vicāretabbāṃ. Kathinatthāramāse eva duvidhopi sannidhi. Dāyakenāpi vassāvāsikaṃ viya kathinacīvaram̄ uddissa dinnāṃ na vaṭṭati. Kasmā? “Kathinadāyakaṃ vattāṃ atthi”ti-ādinā¹ nayena **atthakathāyam̄** vuttattā. Ukkatṭhamattametanti ce? Na, “kathināṃ nāma atī-ukkatṭham̄ vaṭṭatī”ti² vuttattā. Na āgamanāṃ sandhāya vuttanti ce? Na, idampi āgamanameva sandhāya vuttāṃ, pubbe dinnāṃ na vaṭṭatīti.

310. **Kathinassāti** kathinatthārassa. **Ubbhārāyāti** vūpasamāya, appavattiyāti attho. Kimatthiyāṃ ubbhāranidassananti ce? Pañcahi anāpattikālapariyantadassanena tesu saṃvaruppādanatthāṃ. Aññathā “cīvarakālasamayo nāma anattate kathine vassānassa pacchimo māso, atthate kathine pañca māsā”ti³ **vibhaṅge** vuttattā antarāpakkamanantikādi-ubbhārābhāvepi pañcahi pañcasu māsesu anāpattiyevāti micchāgāho

1. Vi-Ṭṭha 3. 389 piṭṭhe.

2. Vi-Ṭṭha 3. 392 piṭṭhe.

3. Vi 1. 375 piṭṭhe.

siyā. Tato āpattikhette anāpattikhettasaññāya taṃ taṃ āpattiṃ āpajjati, itaresaṅca bhikkhūnaṃ lābhantarāyaṃ karotīti veditabbaṃ.

Ādāyasattakakathāvaṇṇanā

311. **Sanniṭṭhānantike dvepi palibodhā ekato chijjantīti** idha, **parivāraṭṭhakathāyaṅca** vuttaṃ imissā khandhakapāḷiyā sameti ekato ubhinnampi dhuranikkhepassa katattā. “Idaṃ bahisīmāyameva vuttaṃ sanniṭṭhānantikaṃ sandhāya vuttaṃ. Yaṃ pana vuttaṃ **parivāre** ‘cattāro kathinuddhārā siyā antosīmāya uddhariyyanti, siyā bahisīmāya uddhariyyanti, niṭṭhānantiko sanniṭṭhānantiko nāsanantiko āsāvachediko”¹. Tattha bahisīmāya sanniṭṭhānantiko uddhariyyatīti idha dassitanayova. Kathaṃ antosīmāya sanniṭṭhānantiko? Akatacīvaramādāya ‘na paccessan’^{ti} gato, gatagataṭṭhāne phāsuviḥāraṃ alabhanto tameva viḥāraṃ āgacchati, tassa cīvarapalibodho ṭhito. So ca ‘nevimaṃ cīvaraṃ kāressan’^{ti} citte uppannamatte chijjati, tasmā antosīmāya uddhariyyati, tasmā duvidho sanniṭṭhānantiko”^{ti} **porāṇaganṭhipade** likhitaṃ, taṃ yuttaṃ, aññathā antosīmāya “nevimaṃ cīvaraṃ kāressan”^{ti} pavatta-ubbhāro itaresu samodhānaṃ na gacchatīti atiritto siyā. **Sīmātikantikoti** cīvarakālasīmātikantiko. Sa-ubbhāre cīvarapalibodho paṭhamam chijjanto viya khāyati, atha kho sāpekkhatāya cīvarakaraṇe sa-ussāhova hotīti lesaṃ sandhāya **parivāravasena** “dve palibodhā apubbaṃ acarimaṃ chijjantī”^{ti}² vuttaṃ. “Katacīvaro”^{ti} vuttattā idha na sambhavati.

316. Sabbaṃ attano parikkhāraṃ anavasesetvā pakkamanto “samādāya pakkamatī”^{ti} vuccati. “Kathinuddhāre viseso natthi. Puggalādhippāyavisesena kevalaṃ vāradassanattamaṃ samādāyavārā vuttā”^{ti} sabbesu **ganṭhipadesu** likhitaṃ. Idha pana puggalādhippāyena payojanaṃ vīmaṃsitabbaṃ. Pakkamanantikassa abhāvā “**yathāsambhavan**”^{ti} vuttaṃ. Vipakatepi dhuranikkhepavasena pakkamanantikatā sambhavati, tasmā pakkamanantikavāropi vattabboti ce? Na, sanniṭṭhānantikalakkhaṇappasaṅgato. Akatacīvarassa na savanantikatā ca.

1. Vi 2. 312 piṭṭhe.

2. Vi-Ṭṭha 3. 394 piṭṭhe.

Tatrāyaṃ ādito paṭṭhāya vāravibhāvanā—ādāyavārā satta, tathā samādāyavārāti dve sattakavārā. Tato pakkamanantikam vajjetvā vippakatacīvarassa ādāyavārā, samādāyavārā cāti dve chakkavārā. Tato param niṭṭhānasanniṭṭhānanāsanantikānam vasena tīṇi tikāni dassitāni, tattha paṭhamattikam antosīmāya “na paccessan”ti imam vidhim anāmasitvā bahisīmāyam eva “na paccessan”ti pavattam, tasmā pakkamanantikasīmātikantika-ubbhārā tattha na yujjanti. “Āsāvachediko sambhavantopi yathāvuttakāraṇena na vutto. Dutiyattikam antosīmāya ‘na paccessan’ti pavattam, ettha kiñcāpi pakkamanantiko sambhavati, tathāpi yehi cīvarapalibodho chijjati, tesamyevādhippetattā na vutto”ti **porāṇagaṇṭhipade** vuttam. Sabbasmimpi pannarasake vippakatacīvarassevādhippetattāti takko. Adhiṭṭhānupage ca vippakate sati na niṭṭhānantiko. Niṭṭhānavasese sati na nāsanantikoti **porāṇā**. Tatiyattikam anadhiṭṭhita-padena visesetvā pavattam, atthato paṭhamattikena sameti. Tassa atthadassanapayojanam kira tam. Yasmā ime tayo atthavikappā imehi eva tīhi kathinuddhārehi sakkā dassetuṃ, tasmā imeva yojitā ekasambandhavasena, aññathā paṭhamattikam chakkam bhavēyya imassa pannarasakassa ante chakkam viya. Tatiyattikānantaram catutthattikam sambhavantam “antosīmāyam ‘paccessan’ti vacanavisesena sambhavati. Tathā ca yojiyamānam itarehi savanantikādīhi aviruddhakkamam hoti, tasmā catutthattikam ahutvā chakkam jātanti veditabbam. Evam tīṇi tikāni ekam chakkañcāti paṭhamam pannarasakam veditabbam. Idāni idameva pannarasakam upasaggavisesena dutiyam samādāyapannarasakam nāma katam. Puna vippakatacīvaram ādāyāti tatiyam pannarasakam, samādāyāti catuttham pannarasakam dassitam. Evam cattāri pannarasakāni veditabbāni. Tattha paṭhamadutiyesu pannarasakesu sabbena sabbam akatacīvaram adhippetam, itaresu dvīsu vippakatanti yojetabbam. “Pubbe nibaddhaṭṭhāne cīvarāsāya gahetabbam, aññattha na vaṭṭati. Upacchinnāya ce cīvarāsāya cīvaram uppannam, na tam cīvarapalibodham karotī”ti **porāṇagaṇṭhipade** vuttam. Nissaggiyesu tatiyakathine āgatacīvarapaccāsā idha cīvarāsāti takko. Yattha cīvarāsā, tam ṭhānam adhikaraṇūpacārena “cīvarasā”tveva vuccatīti katvā “tam cīvarasam payirupāsati”ti-ādi vuttam, tasmā **anāsāya labhatīti** anāsāyitaṭṭhāne labhatīti-ādinā

attho gahetabbo. Ettha niṭṭhānasanniṭṭhānanāsanā-āsāvachedikavasena eko vāroti idamekaṃ catukkaṃ jātaṃ, tasmā pubbe vuttāni tīṇi tikāni āsāvachedikādhikāni tīṇi catukkānīti ekaṃ anāsāyadvādasakanti veditabbaṃ. Tadanantare āsāyadvādasake kiñcāpi paṭṭhamadvādasakkamo labbhati, tathāpi taṃ nibbisesanti tamekaṃ dvādasakaṃ avuttasiddhaṃ katvā visesato dassetuṃ ādito paṭṭhāya “antosīmāya paccessan”ti vuttaṃ, taṃ dutiyacatukka “so bahisīmāgato suṇāti”ti-ādivacanassa tatiyacatukka savanantikādīnañca okāsakaraṇatthanti veditabbaṃ. Idam paṇa dvādasakaṃ anāsāya vasena labbhamānampi iminā avuttasiddhaṃ katvā na dassitanti veditabbaṃ. Evamettha dve dvādasakāni uddharitāni. Karaṇiyadvādasakepi yathādasita-anāsāyadvādasakaṃ, avuttasiddhaṃ āsāyadvādasakañcāti dve dvādasakāni uddharitabbāni. Idāni disaṃgamikanavakaṃ hoti. Tattha yasmā “disaṃgamiko pakkamatī”ti vacaneneva “na paccessān”ti idam avuttasiddhameva, tasmā taṃ na vuttaṃ. Ettāvata āvāsapalibodhābhāvo dassito.

312. “Cīvarapaṭivīsāṃ apavilāyamāno”ti iminā cīvarapalibodhasamaṅgitamassa dasseti. **Paṭivīsoti** attano pattabbo cīvarabhāgo. **Apavilāyamānoti** ākaṅkhamāno. Tassa cīvaralābhe sati vassamvuttāvāse niṭṭhānasanniṭṭhānanāsanantikānaṃ vasena ekaṃ tikāṃ, tesamyeva vasena antarāmagge ekaṃ, gataṭṭhāne ekanti tiṇṇam tikānaṃ vasena ekaṃ navakaṃ veditabbaṃ. Tato paraṃ niṭṭhānasanniṭṭhānanāsanantikāsīmātikkantika sa-ubbhārānaṃ vasena phāsuvihārapañcakaṃ vuttaṃ. Ubhayattha sesakathinuddhārāsambhavo pākaṭova. Ayaṃ panettha pañcake viseso—samādāyavāro na sambhavati “**paccessan**”ti paccāgamanādhippāyato.

325. **Dveme bhikkhave kathinassa palibodhāti** kathinatthārassa anupabandhanapaccayāti.

Kathinakkhandhakavaṇṇanā niṭṭhitā.

8. Cīvarakkhandhakavaṇṇanā

Jīvakavatthukathāvaṇṇanā

326. **Rājagahakoti** rājagahavāsī.

328. Amohajātikattā **na cirasseva viññutaṃ pāpuṇi**. Ahaṃ te pitā, kenatthena? Yasmā tvaṃ mayā posāpito.

329. “Sakke vissaṭṭhamatte”¹ti pāṭho, aṭṭhamasikkhāpade² vissaṭṭhamattova.

Pajjotarājavatthukathāvaṇṇanā

334. **Bhuñjituṃ nisinnassāti** ettha “**dhammapade** ‘bahinagare disvā’^{ti} vuttaṃ, tasmā dvīsu divasesu dinnam tena tesu ekekaṃ gahetvā dvīsu **aṭṭhakathāsu** vuttanti yujjati”^{ti} vadanti.

Samattimsavirecanakathāvaṇṇanā

336. **Kabaḷe kabaḷeti** ettha kiñcāpi guḷādīsu pakkhitam, tam pana bhagavāva paribhuñji, tasmā natthi doso.

Varayācanakathāvaṇṇanā

337. **Mahāpiṭṭhiyakojavaṃ** nāma atirekacaturaṅgulapupphaṃ kira.

Kambalānujānanādikathāvaṇṇanā

340. **Upacāreti** susānassa upacāre. Bahipi vaṭṭatīti eke. Katikakaraṇam dassetvā “mayham santakam tava ca mama ca hotū”^{ti} vatvā itarena ca tathāvutte vaṭṭatī”^{ti} samānaparikkhāravidhiṃ vadanti.

342. “Khaṇḍasīmāyapi sammannituṃ vaṭṭatī”^{ti} vuttatā sesakammānīpi tattha nisīditvā kātuṃ vaṭṭatī”^{ti} vuttaṃ. “Evaṃ sante corikāya katasadisam

1. Sakkena vissaṭṭhamatte (Ṭṭha)

2. Atha sikkhāpade (Ka)

hoti, tasmā na vaṭṭatī”ti dīpavāsino vadanti kira. “Corikāya gahitattā na pāpuṇātī”ti **senāsanakkhandhake** āgatasuttañca sādhanā”ti vadanti, tasmā tesam matena idam āveṇikalakkhaṇanti veditabban.

Bhaṇḍāgārasammuti-ādikathāvaṇṇanā

341. “**Idam pana bhaṇḍāgāraṇti** āveṇikalakkhaṇan”ti vuttam.

Cīvararajanakathāvaṇṇanā

344. Gomaye āpatti natthi, virūpattā vāritam. “Kuṅkumapuppham na vaṭṭatī”ti vadanti. “Allikāyā”tipi pāṭho atthi.

Nisīdanādi-anujānanakathāvaṇṇanā

353. **Aṭṭhānametanti** ettha **rūpakaṇḍe** “catusamuṭṭhānikan”ti vuttattā kammamuṭṭhānam rāgacittābhāvā na muccatīti vā rāgapaccaye sati kammamuṭṭhānam hotīti vā vicāretvā gahetabban kathāvatthunā ca.

362. **Aggaḷaguttiyeva pamāṇanti** imehi catūhi nikkhepakāraṇehi ṭhapentena aggaḷaguttivihāreyeva ṭhapetum vaṭṭatīti adhippāyo.

Saṃghikacīvaruppādakathāvaṇṇanā

363. No ce atthataṃ hoti “ekam cīvaramāsan”ti na vattabban. Kasmā? “Anujānāmi bhikkhave tasseva tāni cīvarāni yāva cīvaramāsā”ti vacanassa abhāvato, tasmā anattatakathinassa ananuññātanti ce? Na, heṭṭhā anuññātattā, tato līnatthadīpanatthamidha tathā vuttattā ca. Heṭṭhā hi “akālacīvaram nāma anattate kathine ekādasamāse uppannam, atthate kathine sattamāse uppannam, kālepi ādissa dinnam, etam akālacīvaram nāmā”ti¹ vacanato anattatakathinānam ekacīvaramāse uppannam, tesamyeva hotīti siddham, tasmā idha tam avatvā ekopi tayo gaṇapūrake labhitvā kathinam attharitam labhatīti imam līnattham pakāsetum “**yāva kathinassa ubbhārāyā**”ti vuttam. Itarathā ayamatto na ñāyati.

1. Vi 1. 304 piṭṭhe.

“**Jānitabbo ca vinayadharehī**ti tathā vuttoti apare”ti vuttaṃ. Atthataṃ hoti, pañca māse sabbam tasseva bhikkhuno hotīti sambandho.

Accantasamyogavasena upayogavacanam. “Idha vassamvutthasamghassā”ti niyamitattā “vassāvāsikam demā”ti ettha ca “idhā”ti adhikārattā tasmim vutte labhati. “**Piṭṭhisamaye uppannattā**ti cīvarakālassāsannattā ca anathatakathinānampi vutthavassānañca anuññātaṭṭhānattā eva vuttan”ti aññatarasmim **ganṭhipade** likhitam. Keci pana “yam pana idam ‘idha vassamvutthasamghassā’ti-ādim katvā yāva ‘anāgatavasse’ti padam, tāva pucchitvā ‘kasmā? Piṭṭhisamaye uppannattā’ti idam parato ‘tatra sammukhībūtānam sabbesam pāpuṇātī’ti imassa pariyosāne ‘kasmā? Piṭṭhisamaye uppannattā’ti likhitabbam. Kasmāti ce? parato ‘cīvaramāsato paṭṭhāya yāva hemantassā’ti vuttena nibbisesattā, tasmā eva ekaccesu paṇḍitanti vadantī”ti vadanti. Idha pana idha-saddena visesitam, tattha natthi, tasmā aññamaññavirodho natthīti gahetabbam. “Mayhimāni cīvarāni pāpuṇantī”ti vacanamevādhiṭṭhānam, idamettha ukkaṭṭhavasena vuttaṃ. “Mayhimāni cīvarāni”ti vuttepi adhiṭṭhitameva hotī”ti vuttaṃ. “Mayhimāni”ti vutte tassa cīvarāni nāma natthi, tasmā ‘cīvarāni pāpuṇantī’ti vattabbamevā”ti vadanti. **Duggahitānī**ti samghikāneva hontī. “Gahitameva nāmā”ti imassa idam pattanti kiñcāpi na viditam, te pana bhāgā tesam atthato pattāyevāti adhippāyo”ti likhitam. “Ekasmim apatite puna āgatā labhantī”ti vuttaṃ.

Upanandasakyaputtavattukathāvaṇṇanā

364. “Na bhikkhave aññatra vassamvutthenā”ti cīvarasamayam upādāya paṭikkhepo kato. Ekasmim vihāre “rājavihāre viya nānāpariveṇesu vā idha vā vuttā labhatū”ti vatvā dinnam. “**Sattāhavārena aruṇameva utṭhāpetī**ti etaṃ vacanamattameva ekavihāre sattāhakiccābhāvā”ti ca likhitam.

Matasantakakathāvaṇṇanā

369. **Bhikkhussā**ti bhikkhusmim kālamkate. Tattha “pattacīvare”ti padhānaparikkhāradassanamukhena sabbaparikkhāranidassananti veditabbam. Adhammena

uppannaṃ cetam̃ hoti, saṃghassa kappiyameva matattāti¹ eke. Noti takko pattacatuḅke sabbathā akappiyapattanayavirodhato. Adhammena uppannasenāsane ca vasato anāpatti. Aññatarasmim̃ āvāse dve bhikkhū vasanti, tatha ceko kālam̃kato, itaro tassa parikkhāraṃ apāpetvā tam̃ theyyacittena gaṇhāti, saṃghasantakaṃ gahitaṃ hoti, bhaṇḍagghena kāretabbo. Anāvāse gaṇhāti, na kāretabbo assāmikassa gahitattā. Maraṇasamaye vattum̃ asahanto ce citteneva deti, puññaṃ pasavati, saṃghova tassa sāmī. Paro vā avissāsiko sayameva gaṇhāti, gahaṇaṃ na ruhati, theyyacittena ce, bhaṇḍagghena kāretabbo. Tassa ca āvāsagatassa ko sāmī. “Saṃgho sāmī”ti vacanato saṃghena balakkārena so vāretabboti eke. Jīvamānakāle gahitattā na saṃgho sāmīti eke. Sāmiko ce sayam̃ passivā acchinditum̃ labhati, saṃghopi labhati sāmīṭhāne ṭhitattāti itare, vicāretvā gahetabbaṃ.

Matakassa hiraññādi-akappiyabhaṇḍaṃ hoti. Uggahitaṃ cetam̃ hoti, uggahite vuttanayena paṭipajjītabbaṃ. Dhammena uppannaṃ ce, kappiyakārako ācikkhitabbo. Dāso ce gahito hoti, na saṃgho sāmī, ārāmiko ce, saṃgho sāmī. Gāvīmahimsī-ādayo honti, āvāsagatānaṃ saṃgho sāmī, anāvāsagatānaṃ na saṃgho sāmī. Saṃgho ce āvāsaṃ ānetvā attano santakaṃ katvā pacchā samīpe bahisīmāya ṭhapeti, kārakasaṃgho sāmī, tathā ārāmike. Matakassa parikkhāro nikkhepavasena ṭhapito hoti, esova sāmī. Mahaggho ce hoti, sesassa saṃgho sāmī. “Kenaci gilānupaṭṭhākenā”ti vattabbakkamo etena dassito. Puna upaṭṭhākānaṃ bahubhāve sati sabbesaṃ dātabbakammaṃ² dassentena bhagavatā kammavācāyaṃ “gilānupaṭṭhākānan”ti vuttaṃ. Sāmaṇeravāre “cīvaran”ti pāṭho. “Imaṃ tuyhaṃ demi dadāmi dajjāmi oṇojemi pariccajāmi vissajjāmi nissajjāmi”ti vā ‘itthannāmassa demi -pa- nissajjāmi’ti vā vadati, ‘sammukhā vā parammukhā vā³ vutte dinnaṃyeva hoti’ti dānalakkhaṇassa ca ‘tuyhaṃ gaṇhāhi’ti vutte ‘mayhaṃ gaṇhāmi’ti vadati, ‘sudinnaṃ suggahitañcā’ti⁴ gahaṇalakkhaṇassa ca vuttattā

1. Pavattattāti (Ka)

2. Dātabbaṃ, kammaṃ (Ka)

3. Sammukhāpi parammukhāpi (Ṭṭha)

4. Vi-Ṭṭha 2. 231 piṭṭhe.

‘mama santakaṃ tava ca mama ca hotū’ti evamādivacanena samānāparikkhāraṃ kātuṃ vaṭṭatīti ācariyā”ti likhitaṃ.

Anugaṇṭhipade pana atīva papañcaṃ katvā puna “idamettha ācariyānaṃ sanniṭṭhānaṃ—sace sambahulā, dve vā samānāparikkhāraṃ kattukāmā honti, te sabbe attano santakaṃ vattamānaṃ uppajjanakena saddhiṃ pesalassa ekassa pariccajanti, so puna tesameva pariccajati, ettāvataṃ te samānāparikkhārikā hontīti. Idam samānāparikkhāralakkaṇaṃ pāli-ādīsu vuttalakkaṇe yeva patanato acalappattaṃ hoti, tathāpi poraṇavidhiṃ ajjhottharivā vattanato paṭisedhetabbo, ācariyānaṃ matānusārena kātabbaṃ kātukāmenāti apare”ti vuttaṃ, “vassaṃvutthasāmaṇero pañcasu sikkhāpadesu ekaṃ atikkamitvā puna gahito lābhaṃ na labhati, antimavatthuṃ ajjhāpanno nāma hotī”ti vadanti.

Vassaṃvutthānaṃ nuppannacīvarakathāvaṇṇanā

275. **Uppanne cīvare abhājite pakkamatīti** ettha “saṃghena tatrūpādato ekekassa bhikkhuno ettakaṃ vassāvāsikaṃ dātuṃ saṃghassa ruccatī”ti sāvitepi vibbhamati, tato na labhati, puna pabbajitvā upasampajjitvā cīvarabhājanaṃ sambhāventopi na labhatiyeva pubbapakatito bhaṭṭhattā. Atha pāpīte vibbhamati, labhatī”ti ca vuttaṃ.

Saṃghebhinnecīvaruppādakathāvaṇṇanā

376. **Parasamuddeti jambudīpe.**

Aṭṭhacīvaramātikākathāvaṇṇanā

379. Yasmā aparikkhittassa parikkhepārahaṭṭhānaṃ dubbijānaṃ, tasmā “apicā”ti-ādi vuttaṃ. Tattha dhuvasannipātaṭṭhānampi pariyantagatameva gahetabbaṃ. “**Mahāpaccariyaṃ pana bhikkhūsupi -pa- pāpuṇā**tīti ‘upacārasīmāya demā’ti evaṃ dinnameva sandhāya”ti likhitaṃ. “Samānasaṃvāsakasīmāyā”ti vutte khaṇḍasīmādīsu ṭhitānaṃ na pāpuṇāti tāsaṃ visuṃ samānasaṃvāsakasīmattā. Samānasaṃvāsaka-avippavāsasīmānaṃ idaṃ nānattaṃ—“avippavāsasīmāya dammi”ti dinnam gāmaṭṭhānaṃ na pāpuṇāti. Kasmā? “Ṭhapetvā

gāmañca gāmūpacārañcā”ti vuttatā. “Samānasamvāsakasīmāyā”ti dinnam pana yasmim ṭhāne avippavāsasīmā atthi, tattha ṭhitānam, itaratra ṭhitānañca pāpuṇāti. “Khaṇḍasīmāyaṃ ṭhatvā ‘sīmaṭṭhakaśaṃghassa dammi’ti vutte upacārasīmāya eva paricchinditvā dātabban”ti vuttam. “Avippavāsasīmāya demā”ti khaṇḍasīmāyaṃ ṭhatvā dinne tattheva pāpuṇātīti keci.

Yojanasatampi pūretvā nisīdantīti ettha viharūpacāre hatthapāsenā, bahigāmādīsu dvādasahatthena upacāroti eke. “Imasmim viharē saṃghassā”ti vutte ekābaddhā hutvāpi parikkhepaparikkhepārahatthānam atikkamitvā ṭhitānam na pāpuṇātīti eke. “Bhikkhunivihārato bahi yattha katthaci ṭhatvā ‘saṃghassā’ti vutte bhikkhusaṃghova samī”ti vadanti. **Ekopi gantvāti** ettha sabbesaṃ vā pāpetvā gantabbaṃ, ānetvā vā pāpetabbaṃ, itarathā gatassa na pāpuṇāti. Samānalābhakatikā mūlāvāse sati siyā, mūlāvāsavināsenā katikāpi vinassati. Samānalābhavacanaṃ sati dvīsu, bahūsu vā yujjati. Teneva ekasmim avasiṭṭhe yujjatīti no mati.

“Tāvakālikakālena, mūlacchedavasena vā.

Aññesaṃ kammaṃ aññassa, siyā nāvāsasaṅgamo”ti—

Ācariyo.

Sabbattha dinnamevāti “samānabhāgova hotī”ti vadanti. “Ekamekaṃ amhākaṃ pāpuṇātīti ce vadati, vaṭṭatī”ti vadanti vibhāgassa katattā. “Bhikkhusaṃghassa cīvare dinne paṃsukūlikānaṃ na vaṭṭatī”ti vadanti. “Ubhatosaṃghassā”ti vutte “bhikkhusaṃghassā”ti avuttattā bhikkhunisaṃghena missitattā, tattha apariyāpannattā ca puggalo visuṃ labhati. Evaṃ sante “bhikkhusaṃghassa ca bhikkhunisaṃghassa ca dammī”ti vuttepi “ubhatosaṃghassa dinnameva hotī”ti iminā virujjhatīti ce? Na virujjhati, taṃ dvinnam saṃghānam dinnabhāvameva dīpeti, na ubhatosaṃghapaññattim, tasmā eva “bhikkhusaṃghassa ca bhikkhunisaṃghassa ca tuyhañcā”ti vāro na vutto. Atha vā aṭṭhakathāvacanameva pamāṇam, na vicāraṇāti eke. Yasmā eko addhānādiyako¹ viya duvidho na hotī, tasmā ubhatosaṃghaggaṇaena eko bhikkhu na gahitoti. “Sabbāvāsassa ca cetiyassa ca

1. Anādiyako (Ka)

dhammassa cā'ti vutte sabbavihāresu cetiyadhammānaṃ ekekassa bhikkhuno bhāgo dātabbo”ti vadanti. “Bhikkhusaṃghassa ca cetiyassa cā”ti vutte na virujjhatīti ce? Na, tattha “bhikkhusaṃghassa”ti vuttattā, idha vihārena ghaṭitattā ca tamhi tamhi vihāre ekabhāgaṃ labhitabbamevāti pariharanti. **Attano pāpetvāti** vikāle aparibhogattā sakalopi vaṭṭeyyāti ce? “Bhikkhusaṃghassa harā”ti vuttattā, tena “harāmī”ti gahitatta ca na vaṭṭati. **Pacchimavassaṃ vutthānampīti** ettha **api**-saddo avadhāraṇattho pacchimavassaṃvutthānamevāti attho, itarathā samuccayattha gahite “lakkhaṇaññū vadantī”ti vacanaṃ niratthakaṃ siyā. **Kasmāti** ārabhitvā papañcaṃ karonti. Kim tena, parato “cīvaramāsato paṭṭhāya -pa-atītavassaṃvutthānameva pāpuṇātī”ti iminā siddhattā na vicāritaṃ, tena vuttaṃ “lakkhaṇaññū”ti acalavasena. **Sace pana bahi-upacārasīmāya ṭhito -pa- sampattānaṃ sabbesaṃ pāpuṇātīti** yattha katthaci vutthavassānanti adhippāyo “yattha katthaci vutthavassānaṃ sabbesaṃ sampattānaṃ pāpuṇātī”ti¹ **kaṅkhāvitaraṇiyaṃ** vuttattā. Gimhānaṃ paṭhamadivasato paṭṭhāya vutte pana yasmā anantarātītaṃ hemantaṃ eva vutthā nāma honti, na vassaṃ, tasmā “mātikā āropetabbā”ti vuttaṃ. Ye vā therehi pesitā, tesāṃ pāpuṇātīti kira attho.

Cīvarakkhandhakavaṇṇanā niṭṭhitā.

1. Kaṅkhā-Ṭṭha 162 piṭṭhe.

9. Campeyyakkhandhakavaṇṇanā

Dvenissāraṇādikathāvaṇṇanā

395. **Appatto nissāraṇanti** ettha nissaraṇaṃ nāma kuladūsakānaṃyeva anuññātaṃ, ayaṃ pana kuladūsako na hoti, tasmā “appatto”ti vutto. Yadi evaṃ kathaṃ sunissārito hotīti? **Cūlavagge** “ākaṅkhamāno saṅgho pabbājanīyakammaṃ kareyyā”¹ vuttatā. “Tassapāpiyasikakammārahassa tassapāpiyasikakammaṃ karontī”ti vacanato cakkaṃ bandhanti ñātappaṃ.

Upālipucchākathāvaṇṇanā

400. “**Paratoti upālipucchato paran**”ti likhitaṃ. **Dosāritapāliyaṃ** “ūnavāsativasso na āgato vippannavatthukattā”ti vuttaṃ. Imasmiṃ campeyyakkhandhake adhammakammāniyeva dvidhā katvā pañcāgatānīti veditappaṃ. Teneva **parivāre** imasmiṃ khandhake “pañca adhammikānī”ti vuttaṃ. “Andhamūgabaddhiro sosārito”ti iminā apabbajitassapi upasampadā ruhatīti siddham.

Campeyyakkhandhakavaṇṇanā niṭṭhitā.

10. Kosambakakkhandhakavaṇṇanā

Kosambakavivādakathāvaṇṇanā

451. **Suttanti koti** ettha kiñcāpi “vinayadharo mātikādharo”ti vuttam, ubhatovibhaṅgam pana sandhāya vuttam, na khandhakabhāṅako hoti. **Āvuso ettha āpattī**ti vacanam upādāya “so tassā āpattiyā āpattidiṭṭhi hoti”ti vuccati. Pacchā vinayadharo “vatthumhi sati pamāṇam, na paññattiyam”ti satim paṭilabhivā tassā āpattiyā āpattidiṭṭhi ahosi, tena vuttam ante “aññe bhikkhū tassā āpattiyā āpattidiṭṭhino hontī”ti.

455. “Yathā mayā ñattī”ti likhanti “paññattā”ti ekavacanattā.

Dīghāvuvatthukathāvaṇṇanā

458. “Bhūtapubbam bhikkhave bārāṇasiyam brahmadatto”ti likhanti. **Purāṇapotthakesu** “bārāṇasiyam”ti natthi, “natthibhāvova sundaro”ti vadanti.

Pālileyyakagamanakathāvaṇṇanā

467. **Rakkhitavanasandeti** saṅgītittherehi suviññeyyam katvā vuttam. “**Pālileyyoti** gāmo, tassa vasenā”tipi vadanti, tam **dhammapadaṭṭhakathāya** na virujjhati.

Aṭṭhārasavatthukathāvaṇṇanā

473. **Na tveva -pa-** paṭibāhitabbanti vadāmīti ettha senāsanārahassa yo senāsanam paṭibāhati, tasseva āpatti dukkaṭassa. “Kalahakārakādīnamettha okāso natthī”ti-ādikam saṅghassa katikam vatvā tam na paññapentassa vā ‘aham buddho’ti pasayha attanā attano paññāpetvā gaṇhantam ‘yuttiyā gaṇhathā’ti vatvā vārentassa vā doso natthi. Idha kalahavūpasamanattham āgatānam kosambikānampi ‘yathāvuḍḍhan’ti avatvā ‘vivitte asati vivittam katvāpi dātabban’ti vuttattā vivittam katvā

dentam paṭibāhentasseva āpattīti kira ayamattho pārivāsikādīnam vihārapariyantadāpanena sādhitabbo”ti likhitam.

Samghasāmaggīkathāvaṇṇanā

475. “Atha kho te ukkhittānuvattakā bhikkhū tam ukkhittakam bhikkhum osāretvā yena ukkhepakā bhikkhū -pa- tassa vatthussa vūpasamāya samghasāmaggim karomā”ti vacanam duviññeyyavinicchayam vinayalakkhaṇakusalassa. Vijjamāne hi kārakasamghe itaro samgho osāritum na labhati. Osārento ce, te bhikkhū kārakasamghena samānaladdhikabhāvam pattattā tena samānasamvāsakā honti, tato ukkhepakānam chandam aggahetvā osārentānam kammaṃ kuppam, tasmā “tena hi bhikkhave tam bhikkhum osārethā”ti¹ bhagavato vacanena ukkhittānuvattakā osāresum, udāhu nissīmam gantvā, udāhu itaresam chandam gahetvā osāresum, nanu etesamaññatarenettha bhavitabbam, na ca panetam **sabbagaṇṭhipadesu** vicāritam. Ayam panettha takko—

“Yasmim vatthusmim samghena, katakammassa bhikkhuno.
Sati tasmim na aññassa, paṭippassambhanam khamam.

Viramante tato doso, api samgho akārako.
Osāretum alam yasmā, kārako anulomiko”ti.

477. “Aṭṭha dūtaṅgāni nāma sotā ca hoti, sāvetā ca uggahetā ca dhāretā ca viññātā ca viññāpetā ca kusalo ca sahitāsahitadassano ca akalahakārako cāti etāni”ti vuttam.

Kosambakakkhandhakavaṇṇanā niṭṭhitā.

Mahāvaggassa līnatthapakāsanā niṭṭhitā.

Cūlavaggavaṇṇanā

Namo tassa Bhagavato Arahato Sammāsambuddhassa.

1. Kammakkhandhakavaṇṇanā

Adhammakammadvādasakakathāvaṇṇanā

4. **Asammukhā kataṃ hotī**ti-ādayo tikā kevalaṃ desanāmatameva. Na hi tīhi eva aṅgehi samodhānehi adhammakammaṃ hoti, ekenapi hoti eva, ayamatto “tiṇṇaṃ bhikkhave”ti-ādipāḷiyā¹ sādhetabbo. “**Appaṭiññāya kataṃ hotī**”ti lajjim sandhāya vuttaṃ. Kaṇhapakkhe “adesanāgāminiyā āpattiyā kataṃ hotī”ti sukkaṇṇapakkhe “desanāgāminiyā āpattiyā kataṃ hotī”ti idaṃ dvayaṃ parato “tīhi bhikkhave aṅgehi samannāgatassa bhikkhuno ākaṅkhamāno saṅgho tajjanīyakammaṃ kareyya. Adhisīle sīlavipanno hotī”ti iminā virujjhati, adesanāgāminim āpanno hi “adhisīle sīlavipanno”ti vuccatīti. Yuttametam, kattu adhippāyo ettha cintetabbo. Etthāha **upatissatthero** “tajjanīyakammasa² hi visesena bhaṇḍanakāraṇakattaṃ aṅgaṃ’ti **atṭhakathāyaṃ** vuttaṃ, taṃ pāḷiyā āgatanidānena yujjati, tasmā sabbattikesupi bhaṇḍanaṃ āropetvā bhaṇḍanapaccayā āpannāpattivasena idaṃ kammaṃ kātappaṃ, tasmā ‘adhisīle sīlavipanno’ti etthāpi pubbabhāge vā aparabhāge vā codanāsāraṇādikāle bhaṇḍanapaccayā āpannāpattivaseneva kāretappaṃ, na kevalaṃ saṅghādisapaccayā kātappaṃ”ti. “Adesanāgāminiyā āpattiyāti pārājikāpattiyā’ti ettakamattaṃ vatvā parato ‘adhisīle pārājikasāṅghādisese ajjhācārā’ti **porāṇagaṇṭhipade** vuttaṃ”ti likhitaṃ. “Adhisīle sīlavipanno’ti saṅghādisesaṃ sandhāyā’ti **gaṇṭhipade** likhitaṃ. Idaṃ **porāṇagaṇṭhipade** purimavacanena sameti, tasmā tattha pacchimaṃ pārājikapadaṃ atthuddhārasena vuttaṃ

1. Vi 5. 9 piṭṭhe.

2. Tajjanīyassa (Ṭṭha)

siyā, **atṭhakathāyañca** “adesanāgāminiyāti pārājikāpattiyā vā saṅghādisesāpattiyā vā”ti vuttam, tattha pārājikāpatti atthuddhāravasena vuttā siyā. Yato **gaṇṭhipade** “adhisīle sīlavipanno”ti saṅghādisesam sandhāyā”ti ettakameva likhitam, tasmā sabbattha **gaṇṭhipade** sakalena nayena pārājikāpattipaccayā uppannabhaṇḍanahetu na tajjanīyakammaṃ kātabbam payoanābhāvā, saṅghādisesapaccayā kātabbanti ayamatto siddho hoti. Na, sukkapakkhe “desanāgāminiyā āpattiyā kataṃ hoti”ti¹ vacanatoti ce? Na, ekena pariyāyena saṅghādisesassapi desanāgāminivohārasambhavato.

Yena kammaṃ santajjanam karīyati, tam **tajjanīyakammaṃ** nāma. Yena kammaṃ nissāya te vatthabbanti nissiyati bhajāpiyati niyasso, tam **niyasakammaṃ** nāma. Yena tato āvāsato, gāmato ca pabbājenti kuladūsakam, tam **pabbājanīyakammaṃ** nāma. Yena kammaṃ akkuṭṭhagahaṭṭhasamīpameva paṭisāriyati so akkosako pacchā pesiyati, tam **paṭisāraṇīyakammaṃ** nāma. Yena samānasamvāsakabhūmito ukkhipiyati. Chaḍḍiyati sātisāro bhikkhusaṅghena, tam kammaṃ **ukkhepanīyakammaṃ** nāmāti veditabbam.

11. “Nissāya te vattabban”ti garunissayam sandhāya vuttam, na itaranti.

21. **Assajipunabbasukavatthusmim** “tesu vibbhantesupi kammaṃ paṭippassambhetum anuññātampi sammāvattantānamyevā”ti likhitam. Sammukhā vuttameva ghipaṭisamyuttam nāma. Parammukhā vuttam desanam gacchati.

41. Khamāpentena “khamāhī”ti vattabbamattameva, na ukkuṭṭikādisāmīcinā payoananti. **Anudūtanti** sahāyanti attho.

50. **Adassaneyeva ukkhepanīyam kātabbam**, na aññathā. “Tajjanīyādikaraṇakāle āpattim ropetvā tassā adassane, appaṭikamme vā bhaṇḍanakārakādi-aṅgehi kātabbam”ti likhitam.

Tajjanīyakammādīsu ayam pakiṇṇakavinicchayoti veditabbo. Kim tajjanīyakammaṃ, tajjanīyakammaṃ kim mūlam, kim vatthu, kim pariyosānam,

kasmā “tajjanīyakamman”ti vuccatīti? **Kim tajjanīyakammanti** vatthusmim sati karaṇasampatti. **Tajjanīyakamma** **kim mūlanti** saṅgho mūlaṃ. **Tajjanīyakamma** **kim vatthūti** kalahajātāpattivatthu. **Kim pariyosānanti** bhāvanāpariyosānaṃ. **Kasmā tajjanīyakammanti vuccatīti** saṅgho kalahakārapuggalaṃ kalahe ca bhede bhayaṃ dassetvā khantiyā janeti, upasame janeti, tasmā “tajjanīyakamman”ti vuccati. Kathaṃ tajjanīyakammaṃ kataṃ hoti, kathaṃ akataṃ. Kinti ca tajjanīyakammaṃ kataṃ hoti, kinti ca akataṃ. Kena ca tajjanīyakammaṃ kataṃ hoti, kena ca akataṃ. Kattha ca tajjanīyakammaṃ kataṃ hoti, kattha ca akataṃ. Kāya velāya tajjanīyakammaṃ kataṃ hoti, kāya velāya akataṃ hoti? **Kathaṃ tajjanīyakammaṃ kataṃ hotīti** samaggena saṅghena ñatticatutthena kammaena. **Kathaṃ akataṃ hotīti** vaggena saṅghena ñatticatutthena kammaena. **Kinti ca kataṃ hotīti** karaṇasampattiyā. **Kinti ca akataṃ hotīti** karaṇavipattiyā. **Kena ca kataṃ hotīti** saṅghena. **Kena ca akataṃ hotīti** gaṇena puggalena. **Kattha ca kataṃ hotīti** yassa puggalassa saṅgho tajjanīyakammaṃ karoti, tassa puggalassa sammukhībhūte. **Kattha ca akataṃ hotīti** yassa puggalassa saṅgho tajjanīyakammaṃ karoti, tassa puggalassa asamukhībhūte. **Kāya velāya kataṃ hotīti** yadā kalahajātāpatti samvijjati. **Kāya velāya akataṃ hotīti** yadā kalahajātāpatti na samvijjati. Katihākārehi tajjanīyakammaṃ pattaṃ hoti, katihākārehi apattaṃ? Sattahākārehi tajjanīyakammaṃ pattaṃ hoti, sattahākārehi apattaṃ. Katamehi sattahākārehi pattaṃ, katamehi sattahākārehi apattaṃ hoti? Kalahajātāpatti na samvijjati, so vā puggalo asamukhībhūto hoti, saṅgho vā vaggero hoti, asaṃvāsiko vā puggalo tassaṃ parisāyaṃ samvijjati, acodito vā hoti asārīto vā, āpattim vā anāropito. Imehi sattahākārehi tajjanīyakammaṃ pattaṃ hoti, itarehi sattahākārehi pattaṃ hoti. Evaṃ sesakammesūti.

Kammakkhandhakavaṇṇanā niṭṭhitā.

2. Pārivāsikakkhandhakavaṇṇanā

Pārivāsikavattakathāvaṇṇanā

75. Pārivāsikakkhandhake “mā maṃ gāmapavesanaṃ āpucchathā”ti vutte anāpucchāpi gāmaṃ pavisitum vaṭṭatī”ti vadanti. Saṃgho attano pattaṭṭhāne gahetum vaṭṭati. **Oṇojanaṃ** nāma vissajjanaṃ. “Taṃ pana pārivāsikena pāpitassa attanā sampatiçchitasseva punadivasādi-atthāya vissajjanaṃ kātabbaṃ, asampatiçchitvāyeva ce vissajjeti, nu labhatī”ti vuttaṃ.

76. **Pakatiyāva nissayoti** ettha “antevāsikānaṃ ālayasabbhāve yāva vassūpanāyikadivaso, tāva kappati, tassa ālayassa sabbhāve nissayo na paṭippassambhatīti ce? Na vaṭṭati. Tattha idāni khamāpeyyāmīti-ādinā vaṭṭatī”ti vuttaṃ. Tattha ekantena vissaṭṭhattā, idha pana ekanteneva dvinnampi samabhāvo icchitabbo evāti eke. **Paṭibalassa vā bhikkhussāti** ettha “laddhasammutikena āṇatopi garudhammehi, aññehi vā ovaḍitum na labhatī”ti likhitam. **Tato vā pāpiṭṭhatarāti** ettha “asañcicca āpannasañcarittato sukkavissaṭṭhi pāpiṭṭhatarāti ayampi nayo yojetabbo”ti vuttaṃ. **Paccayanti** vassāvāsikam. **Senāsanam na labhati** seyyapariyantabhāgitāya. “Uddesādīni dātumpi na labhatī”ti vadanti. “Sace dve pārivāsikā gataṭṭhāne aññamaññaṃ passanti, ubhohipi aññamaññaṃ ārocetabbaṃ avisesena ‘āgantukena ārocetabbaṃ, āgantukassa ārocetabban’ti vuttattā”ti vuttaṃ. Aññavihāragatenāpi tattha pubbe ārocitassa punārocanakiccaṃ natthi. “Anikkhattavattassa bahi ārocitassa yathā puna vihāre ārocanakiccaṃ natthi, evaṃ ‘āgantukasodhanattham uposathadivase ārocetabban’ti vacanam hettha sādhanam”ti vadanti.

81. Ekacchanne nisinnassāpi ratticchedadukkaṭāpattiyo hontīti eke. **Avisesenāti** pārivāsikassa ukkhittakassāti imaṃ bhedaṃ akatvā. “Tadahupasampannepi pakatatte”ti vacanato anupasampannehi vasitum vaṭṭati. “Samavassāti etena apacchā apurimaṃ nipajjane dvinnampi vattabhedāpattibhāvaṃ dīpetī”ti likhitam.

Pārivāsikavattakathāvaṇṇanā niṭṭhitā.

Mūlāyapaṭikassanārahavattakathāvaṇṇanā

86. **Attano attano navakataranti** pārivāsikādinavakatarāṃ. Paṭhamāṃ saṃghamajjhe parivāsaṃ gahetvā nikkhattavattena puna ekassapi santike samādiyitum, nikkhipituñca vaṭṭati. Mānatte pana nikkhipitum vaṭṭati. Ūne gaṇe caraṇadosattā na gahetunti eke. Paṭhamāṃ ādinnavattāṃ ekassa santike yathā nikkhipitum vaṭṭati, tathā samādiyitumpi vaṭṭatīti **porāṇagaṇṭhipade**.

Pārivāsikakkhandhakavaṇṇanā niṭṭhitā.

3. Samuccayakkhandhakavaṇṇanā

Sukkavissatṭhikathāvaṇṇanā

97. “**Vedayāmī**ti jānāmi, cittena sampatīcchitvā sukham anubhavāmi, na tappaccayā aham dukkhitoti adhippāyo”ti likhitam. Yassa mālake nārocitam, tassa ārocetvā nikkhipitabbam. Yassa ārocitam, tassa puna ārocanakiccam natthi, kevalam nikkhipitabbameva. Vattam nikkhipitvā vasantassa upacārasīmāgatānam sabbesam ārocanakiccam natthi. Diṭṭharūpānam sutasaddānam ārocetabbam, adiṭṭha-assutānampi antodvādasahatthagatānam ārocetabbam. “Idam vattam nikkhipitvā vasantassa lakkhaṇam”ti vuttam. “Parikkhittassa vihārassa parikkhepato’ti-ādi kiñcāpi **pāliyam** natthi, atha kho aṭṭhakathācariyānam vacanena tathā eva paṭipajjitabban”ti ca vuttam. “**Atthibhāvam sallakkhetvā**ti dvādasahatthe upacāre sallakkhetvā, anikkhittavattānam upacārasīmāya āgatabhāvam sallakkhetvā sahavāsādikam veditabban”ti ca vuttam. “Nikkhipantena ārocetvā nikkhipitabbam, payojanam atthi”ti ca vuttam, na pana tam payojanam dassitam. **Ciṇṇamānatto bhikkhu abbhettabboti** ciṇṇamānattassa ca abbhānārahassa ca ninnānākāraṇattā aññathā “abbhānāraho abbhettabbo”ti vattabbam siyā. Ukkhepanīyakammakatopi attano laddhiggahaṇavasena sabhāgabhikkhubhi sati tassa anārocāpetum na labhati.

Parivāsakathāvaṇṇanā

102. “Anantarāyikassa pana antarāyikasaññāya chādayato acchannāvā”ti pāṭho. Averibhāvena sabhāgo **averisabhāgo**. “Sabhāgasamghādisesam āpannassa pana santike āvi kātum na vaṭṭatī”ti pasaṅgato idheva pakāsitam. Lahukesu paṭikkhepo natthi. Tattha ñattiyā āvi katvā uposatham kātum anuññātattā lahukasabhāgam āvi kātum vaṭṭatīti. Sabhāgasamghādisesam pana ñattiyā ārocanam na vaṭṭatīti kira. “Tassa santike tam āpattim paṭikarissatī”ti¹ vuttatthā

1. Vi 3. 170 piṭṭhe.

lahukassevāyamanuññātā. Na hi sakkā suddhassa ekassa santike saṃghādisesassa paṭikaraṇaṃ kātun”ti likhitaṃ. Lahukesupi sabhāgaṃ āvi kātun na vaṭṭatīti, tasmā eva hi ñattiyā āvikaraṇaṃ anuññātā, itarathā taṃ niraṭṭhakaṃ siyā. Aññamaññārocanassa vaṭṭati, tato na vaṭṭatīti dīpanatthameva ñattiyā āvikaraṇamanuññātā, teneva idha “**sabhāgasamghādisesaṃ āpannassā**”ti-ādi vuttaṃ. Ayamatto “ettāvata te dve nirāpattikā honti, tesāṃ santike sesehi sabhāgāpattiyo desetabbā”ti¹ vacanena **kaṅkhāvitarāṇiyaṃ** pakāsitova. Saṃghādisesaṃ pana ñattiyā ārocetvā uposathaṃ kātun vaṭṭati. Tassā ñattiyā ayamatto yadā suddhaṃ bhikkhuṃ passissati, tassa santike ārocanavasena paṭikarissati. Evaṃ paṭikate “na ca bhikkhave sāpattikena pātimokkhaṃ sotabbaṃ, yo suṇeyya, āpatti dukkaṭassā”ti² vuttāpattimo mokkho hotīti, tasmā “garukaṃ vā hotu lahukaṃ vā, ñattiyā āvi kātun vaṭṭatī”ti vuttaṃ, ubhosu navesu yuttataraṃ gahetabbaṃ.

Nāmañceva āpatti cāti “tena tena vītikkaṃ nāpānāpatti āpatti. **Nāmañti** tassā āpattiyā nāmaṃ”ti likhitaṃ. **Ārocetvā nikkhipitabbanti** ettha ārocanāṃ vattabhedadukkaṭaparīharaṇappayojananti veditabbaṃ. **Akāraṇametanti** “sambahulā saṃghādiseso āpattiyo āpajjī”ti vutte vuṭṭhānato.

Dasasatāṃ rattisatanti dasasatāṃ āpattiyo rattisatāṃ chādetvāti yojetabbaṃ. **Agghasamodhāno nāma** sabhāgavatthukāyo sambahulā āpattiyo āpannassa bahurattim paṭicchāditāpattiyāṃ nikkhipitvā dātabbo, itaro nānāvattukānaṃ vasenāti ayametesāṃ visesoti.

Parivāsakathāvaṇṇanā niṭṭhitā.

“Gāmassāti na vuttan”ti vacanato kira gāmūpacārepi vaṭṭatīti adhippāyo”ti likhitaṃ. Vuttañca **“ayaṃ pana viseso”**ti. “Ettha aṭṭhakathācariyāva pamāṇaṃ. Yuttaṃ na dissatī”ti likhitaṃ. **Anugaṇṭhipade** pana “ayaṃ pana viseso, āgantukassa -pa- okkamitvā gacchati, ratticchedo hotiyevā”ti vacane heṭṭhā “anto-aruṇe eva nikkhamitvā gāmūpacārato

1. Kaṅkhā-Ṭṭha 92 piṭṭhe.

2. Vi 4. 424 piṭṭhe.

dve leḍḍupāte atikkamitvā”ti-ādinā nayena garuṃ katvā vacanato, bhikkhunīnaṃ garukavaseneva tattha tattha sikkhāpadānaṃ paññattattā ca tadanurūpavaseneva aṭṭhakathācariyena bhikkhūnīnaṃ garuṃ katvā mānattacaraṇavidhidassanattamā “yattakā purebhattamā vā”ti-ādi vuttamā. **Kurundi-**ādīsu vuttavacanena karontassapi doso natthīti dassetuṃ kevalam lakkhaṇamattameva vuttamā, tadubhayampi tena tena pariyāyena yujjati, vinicchaye patte lakkhaṇe eva thātabbato **kurundi-**ādīsu vuttavacanam pacchā vuttamā. Payogo pana purimova. Yathā cettha, tathā sace kāci bhikkhunī dve leḍḍupāte anatikkamitvā aruṇam uṭṭhapeti, doso natthi, tathāpi **sabbatṭhakathā**su vuttattā “purimameva āciṇṇan”ti vuttamā. **Parivāsavattādīnanti** “parivāsaniṣṣayaapaṭippassaddhi-ādīnaṃ upacārasīmāya paricchinnattā bhikkhunupassayassa upacārasīmāva gahetabbā, na gāmo”ti likhitam. “**Tasmim gāme bhikkhācāro sampajjati**”ti-ādi pavāritavasena vuttamā. Na hi tattha antogāme vihāro atthi”ti ca likhitam, “tampi tena pariyāyena yujjati, na atthato”ti ca.

Paṭicchannaparivāsādīkathāvaṇṇanā

108. “**Visuṃ mānattham caritabbanti** mūlāya paṭikassanaṃ akatvā visuṃ kammavācāyā”ti ca likhitam. “Saṃghādisesāpattī”ti vuttattā ekova, ekavattumhi āpannā saṃghādiseso thullaccayadukkaṭamissakā nāma. **Makkhadhammo** nāma chādetukāmatā.

143. **Dhammatāti**¹ dhammatāya, tathatāyāti attho “alajjitā”ti ettha viya.

148. **Purimam upādāya dve māsā parivasitabbāti** ettha “parivasitadivasāpi gaṇanūpagā hontī”ti likhitam.

184. **Tasmim bhūmiyanti** tassam bhūmiyam. **Sambahulā saṃghādisesā āpattiyo āpajjati parimāṇampīti-**ādi jātivasenekavacanaṃ.

Samuccayakkhandhakavaṇṇanā niṭṭhitā.

1. Dhammatā (Pāḷiyam)

4. Samathakkhandhakavaṇṇanā

Sammukhāvinayakathāvaṇṇanā

186-7. Yattha yattha kammavācāya “ayan”ti vā “ime”ti vā sammukhānidhesaniyamo atthi, sabbaṃ taṃ kammaṃ sammukhākaraṇīyameva, na kevalaṃ tajjanīyādipaṅcavidhameva. Paṅcavidhasseva pana uddharitvā dassanaṃ kammakkhandhake tāva tasseva pāḷi-āruḷhattā, catuvīsatiyā pārājikesu vijjamānesu pārājikakaṇḍe āgatānaṃyeva catunnaṃ uddharitvā dassanaṃ viyāti veditabbaṃ. Tattha “puggalassa sammukhatā hatthapāsūpagamaṃevā”ti vuttaṃ, taṃ kāraṇaṃ sammukhākaraṇīyassapi sammukhānidhesaniyamābhāvato. Kāmaṃ ayamatto **kammakkhandhake**yeva “tīhi bhikkhave aṅgehi samannāgataṃ tajjanīyakammaṃ adhammakammaṃca hoti -pa- asamukhākataṃ hotī”ti¹ vacaneneva siddho, tattha pana āpatti na dassitā. Idha “yo kareyya, āpatti dukkaṭassā”ti tattha bhavitabbāpattidassanattaṃ idaṃ āradhanti veditabbaṃ. “Sammukhāvinayapatirūpakena vūpasantampi sammukhāvinayeneva vūpasantagaṇanaṃ gacchatīti dassetuṃ ‘adhammavādī puggalo’ti-ādi āradhan”ti vuttaṃ, likhitaṃca. Evaṃ vūpasantaṃ sammukhāvinayapatirūpakena vūpasantaṃ nāma hoti, na sammukhāvinayena ca aññena kenacīti dassetuṃ idamāradhanti ācariyo.

Sativinayakathāvaṇṇanā

195. Dabbassa kammavācāya “saṅgho imaṃ āyasmantaṃ dabban”ti sammukhānidheso natthi, tathāpi “paṭhamaṃ dabbo yācitabbo”ti vacanena sammukhākaraṇīyatā tassa siddhā. Tathā aññatthāpi yathāsambhavaṃ lesa veditabbo. Sativepullappattassa dātabbo vinayo **sativinayo**.

Amūḷhavinayakathāvaṇṇanā

196-7-9. “Yassa ummattakassa taṃtaṃvītikkamato anāpatti, tādissasseva amūḷhavinayaṃ dātuṃ vaṭṭatīti amūḷhassa kattabbavinayo amūḷhavinayo”ti likhitaṃ, taṃ yuttaṃ “saṅgho gaggassa bhikkhuno amūḷhassa

amūḷhavinayaṃ detī”ti vacanato. “Tīṇimāni bhikkhave adhammikāni amūḷhavinayassa dānāni”ti imassa **vibhaṅge** “na sarāmī”ti vacanaṃ vītikkamakālaṃ sandhāya tassa vibhaṅgassa pavattattā. Amūḷhavinayadānakāle panassa amūḷhatā vinicchitabbā.

Paṭiññātakaraṇakathāvaṇṇanā

200. “Appaṭiññāya bhikkhūnaṃ kammāni karonti”ti ārabhantassa kāraṇaṃ vuttameva. Paṭiññātena karaṇaṃ **paṭiññātakaraṇaṃ**.

Tassapāpiyasikākathāvaṇṇanā

207. “Tīhi bhikkhave aṅgehi samannāgataṃ tassapāpiyasikākammaṃ”ti ārabhitvā pañca aṅgāni dassetvā pāḷi gatā, “sā peyyālena saṅkhipitvā gatāti ñātabban”ti likhitaṃ. Tathā sukkapakkhepi.

Tiṇavatthāarakādikathāvaṇṇanā

214. “Sabbeheva ekajjhaṃ sannipatitabban”ti chandadānassa paṭikkhattattā **pavāraṇakkhandhakatthakathāyañca** “bhinnassa hi saṅghassa samaggakaraṇakāle, tiṇavatthāarakasamathe, imasmiñca pavāraṇasaṅgaheti imesu tīsu ṭhānesu chandaṃ dātuṃ na vaṭṭatī”ti¹ vuttattā idha **āgantvā vā chandaṃ datvā pariveṇādisu nisinnāti** idam virujjhati viya khāyatīti ce? Na khāyati adhippāyaññūnaṃ. Ayañhettha adhippāyo—visujjhitukāmehi sabbeheva sannipatitabbaṃ, asannipatitassa natthi suddhi chandadāyakassa. Kevalaṃ taṃ kammaṃ sannipatitānaṃ sampajjati. **Atthakathāyaṃ** visujjhitukāmānaṃ chandaṃ dātuṃ na vaṭṭatīti² adhippāyo. Itarathā pāḷiyā ca virujjhati. “Ṭhapetvā ye na tattha hotī”ti hi ayaṃ pāḷi sannipātaṃ āgantvā chandaṃ datvā ṭhitānaṃ atthitaṃ dīpeti. Nissīmagate sandhāya vuttaṃ siyāti ce? Nissīmagate ṭhapetvā idha kiṃ, tasmā yo sāmaggī-uposathe chandaṃ datvā tiṭṭhati ce, nānāsamvāsakabhūmiyaṃyeva tiṭṭhati, tassa chandadāyakassa pavāraṇasaṅgahopi natthi. Yo ca tiṇavatthāarakakamme nāgacchati, so tāhi āpattīhi na sujjetitī veditabbaṃ. Yassa etaṃ na rucati, tassa **parivāre** vuttapariso

1. Vi-Ṭṭha 3. 362 piṭṭhe.

2. Dātuṃ vaṭṭatīti (Ka)

kammavipattilakkhaṇaṃ virujjhati, tattha hi kevalaṃ chandārahānaṃ chando anāhaṭo hoti sace, akataṃ tabbiparītena sampattidīpanatoti vuttaṃ hoti. Tathā pattakallalakkhaṇampi virujjhati. Tesu tīsu ṭhānesu kammappattāyeva sabbe, na tattha chandāraho atthīti ce? Na, catuvaggādikaraṇavibhājane avisesetvā chandārahassa āgatattā, taṃ sāmāññato vuttaṃ. Idañca āveṇikalakkhaṇaṃ, teneva satipi diṭṭhāvikkamme idaṃ paṭikuṭṭhakataṃ na hotīti ce? Na, nānattasabhāvato. Idha hi ye pana “na metaṃ khamatī”ti aññamaññaṃ diṭṭhāvikkammaṃ karontī”ti¹ vacanato na saṃghassa diṭṭhāvikkammaṃ kataṃ. Tasmim sati paṭikuṭṭhakatameva hoti. Aññathā pubbhāgā tā² ñattiyo niratthikā siyūṃ, na ca

parivāraṭṭhakathāyaṃ chandārahādhiḱāre nayo dinno.

Pavāraṇakkhandhakatṭhakathāyaṃ “tīsu ṭhānesu chandaṃ dātuṃ na vaṭṭatī”ti³ vuttattā virujjhatīti ce? Na, aṭṭhakathāya pamāṇabhāve sati “idha chandaṃ datvā pariveṇādīsu nisinnā”ti-ādi vacane suddhikāmato eva gahite sabbaṃ na virujjhatīti eke. “Āgantvā vā chandaṃ datvā pariveṇādīsu nisinnā, te āpattīhi na vuṭṭhantī”ti idaṃ na vattabbaṃ. Kasmā? Heṭṭhā “sabbeheva ekajjhaṃ sannipatitabbaṃ”ti chandadānassa paṭikkhepavacanato **aṭṭhakathāyaṃ** “tīsu ṭhānesu chandaṃ dātuṃ na vaṭṭatī”ti vuttattā, **andhakatṭhakathāyampi** tattheva vuttattā cāti? Na,⁴ ekajjhameva kamme karīyamāne yo idha “suṇātu me bhante saṃgho, amhākaṃ -pa-gihipaṭisaṃyuttan”ti sādharmaṇaṇattim ṭhapetvā puna “suṇantu me āyasmantā”ti-ādinā asādharmaṇaṇattiyō ṭhapetvā “suṇātu me bhante saṃgho, amhākaṃ -pa- evametaṃ dhārayāmi”ti ekatopakkhikānaṃ sandhiyā katāya tadanantare kenaci karaṇīyena chandaṃ datvā gacchati, tassa āpattīti vuṭṭhānaṃ natthi. Aparesampi⁵ ekatopakkhikānaṃ abbhantare ṭhitattā vibhūtattā karaṇassa ayamatthova vutto. Sādharmaṇavasena dutiyāya ñattiyā ṭhapitāya ye tasmim khaṇe ñattidutiyakammavācāsu anāraddhāsu, apariyositāsu vā chandaṃ datvā gacchanti, tesampi na vuṭṭhātī eva. **Ye na tattha hontīti** padassa ca ye vuttappakārena nayena tattha na hontīti attho gahetabbo. Vuttappakāratthadīpanatthañca **aṭṭhakathāyaṃ** “chandaṃ datvā pariveṇādīsu nisinnā”ti

1. Vi-Ṭṭha 4. 39 piṭṭhe.

2. Pubbhāgāti (Ka)

3. Vi-Ṭṭha 3. 362 piṭṭhe.

4. Vuttattā ca (Ka)

5. Aparehipi (Ka)

idameva avatvā “ye pana tehi vā saddhim āpattim āpajjitvāpi tattha anāgatā, āgantvā vā chandaṃ datvā pariveṇādīsu nisinnā”ti vuttaṃ, evaṃ pubbenāparaṃ sandhīyati. **“Paḷiyā** ca tattha diṭṭhāvikkammaṃ kammaṃ akuppatā veditabbā”ti vuttaṃ.

Adhikaraṇakathāvaṇṇanā

220. **Cittuppādo vivādo.** Vivādasaddopi kāraṇūpacārena kusalādisaṅkhyāṃ gacchati. Taṃ sandhāya **“samathehi ca adhikaraṇīyatāya adhikaraṇan”**ti vuttaṃ. Atha vā vivādahetubhūtaṃ cittuppādassa vūpasameṃ sambhavassa¹ saddassapi vūpasame hotīti cittuppādassapi samathehi adhikaraṇīyatā pariyāyo sambhavati. “Kusalacittā vivadanti”ti vuttavivādepi “vipaccatāya vohāro”ti vuttaṃ, na vuttavacanahetuvasenāti veditabbaṃ.

222. “Āpattim hi āpajjanto kusalacitto vā”ti² vacanato kusalampi siyāti ce? Na taṃ āpattādhikaraṇaṃ sandhāya vuttaṃ, yo āpattim āpajjati, so tīsu cittesu aññatarasittasamaṅgī hutvā āpajjatīti dassanattamaṃ³ “yaṃ kusalacitto āpajjati”ti-ādi vuttaṃ³. Yo “paññattimattaṃ āpattādhikaraṇan”ti vadeyya, tassa akusalādi bhāvopi āpattādhikaraṇassa na yujjateva vivādādhikaraṇādīnaṃ viyāti ce? Na, “natthāpattādhikaraṇaṃ kusalan”ti iminā virodhasambhavato. **Anugaṇṭhipade** pana “āpattādhikaraṇaṃ nāma tathāpavattamaṃ-akusalacittuppādarūpakkhandhānametaṃ adhivacanaṃ. Avasiṭṭhesu kusalābyākatapaññattīsu ‘āpattādhikaraṇaṃ siyā akusalaṃ siyā abyākatan’ti vacanato paññattitāva paṭisiddhā kusalattike apariyāpannattā. Kusalapāṭisedheneva tena samānagatikattā kiriyābyākatānampi paṭisedho veditabbo, kiriyābyākatānaṃ viya anugamanato vipākābyākatānampi paṭisedho katova hoti, tathāpi abyākatasāmaññato rūpakkhandhena saddhim vipākakiriyābyākatānampi adhivacanaṃ veditabbaṃ”ti vuttaṃ. Tattha “kusalacittaṃ aṅgaṃ hoti”ti vinaye apakataññuno sandhāya vuttaṃ apaharitakaraṇādike sati. **Tasmāti**

1. Samabhāvassa (Ka)

2. Kaṅkhā-Ṭṭha 112 piṭṭhe.

3-3. Etthantare pāḷho kesuci potthakesu natthi.

yasmā “natthi āpattādhikaraṇaṃ kusalan”ti vattuṃ na sakkā, tasmā kusalacittaṃ aṅgaṃ na hotīti attho. Yadi evaṃ kasmā “ticiṇṇaṃ tivedanaṃ”ti vuccatīti ce? Taṃ dassetuṃ **“nayidan”**ti-ādi āraddhanti eke. Āpattisamuṭṭhāpakacittaṃ aṅgappahonakacittaṃ nāma. **“Ekantatoti** yebhuyyenaṃ attho, itarathā virujjhati. Kasmā? ‘Yassā sacittakapakkhe cittaṃ akusalameva hotī’¹ vuttattā”ti vadanti. Tena kiṃ? Vipāko natthi, kasmā? Ekantākusalattā, tasmā kathāva tattha natthi. Yattha pana atthi, taṃ dassento **“yaṃ pana paṇṇattivajjan”**ti-ādimāha. **Asañcicca pana kiñci ajānantassa** -pa- **abyākataṃ hotīti** bhikkhumhi kammaṭṭhanagatacittena nipanne, niddāyante vā mātugāmo ce seyyaṃ kappeti, tassa bhikkhuno vijjamānampi kusalacittaṃ āpattiyā aṅgaṃ na hoti, tasmā tasmiṃ khaṇe seyyākārena vattamānarūpameva āpattādhikaraṇaṃ nāma. Bhavaṅgacitte vijjamānepi eseva nayo. Tasmiṃhi khaṇe uṭṭhātabbe jāte anuṭṭhānato rūpakkhandhova āpatti nāma, na vipākena saddhiṃ. Sace pana vadeyya, tassa evaṃvādino acittakānaṃ kusalacittaṃ āpajjeyya. Kiṃ vuttaṃ hoti? Eḷakalomaṃ gahetvā kammaṭṭhānāmanasikārena tiyojanaṃ atikkamantassa, paṇṇattim ajānitvā padaso dhammaṃ vācentassa ca āpajjitabbāpattiyā kusalacittaṃ āpajjeyyāti. Āpajjatiyevāti ce? Nāpajjati. Kasmā? “Natthi āpattādhikaraṇaṃ kusalan”ti vacanato.

Calito kāyo, pavattā vācā, **aññatarameva aṅganti** aññatarameva āpattīti attho. Kevalaṃ paññattiyā akusalādhivāsambhavato āpattitā na yujjati. Āpattim āpajjanto tisu aññatarasamaṅgī hutvā āpajjatiṃ dassanattam **“yaṃ kusalacitto”**ti-ādi vuttaṃ. Tassattho—pathavīkhaṇaṇādīsu kusalacittakkhaṇe vīttikamavasena pavattarūpasambhavato kusalacitto vā abyākatāpattim āpajjati. Tathā abyākatacitto vā abyākatarūpasāṅkhātāṃ abyākatāpattim āpajjati, pāṇātipātādīsu akusalacitto vā akusalāpattim āpajjati, rūpaṃ panettha abbohārikaṃ. Supinapassanakālādīsu pāṇātipātādīm karonto sahaseyyādivasena āpajjitabbāpattim āpajjanto

1. Kaṅkhā-Ṭṭha 112 piṭṭhe.

akusalacitto abyākatāpattim āpajjatīti veditabbo. **Idaṃ vuccati āpattādhikaraṇaṃ akusalanti** akusalacittuppādo. **Porāṇagaṇṭhipadesu** pana “puthujjano kalyāṇaputhujjano sekkho arahāti cattāro puggale dassetvā tesu arahato āpattādhikaraṇaṃ abyākatameva, tathā sekkhānaṃ, tathā kalyāṇaputhujjanassa asaṅcicca vītikkamakāle abyākatameva. Itarassa akusalampi hoti abyākatampi. Yasmā cassa saṅcicca vītikkamakāle akusalameva hoti, tasmā vuttaṃ ‘natthi āpattādhikaraṇaṃ kusalan’ti. ¹Sabbattha abyākataṃ nāma tassa vipākabhāvamattaṃ sandhāya evaṃnāmakam jātan”¹ti¹ likhitaṃ, vicāretvā gahetabbaṃ.

224. **Vivādo vivādādhikaraṇanti** yo koci vivādo, so sabbo kiṃ vivādādhikaraṇaṃ nāma hotīti ekapucchā. “**Vivādo adhikaraṇanti** vivādādhikaraṇameva vivādo ca adhikaraṇaṅcāti pucchati. Tadubhayaṃ vivādādhikaraṇamevāti pucchatīti vuttaṃ hotī”ti **porāṇagaṇṭhipade** vuttaṃ. Kesuci potthakesu ayaṃ pucchā natthi. Yadi evaṃ imāya na bhavitabbaṃ vivādo vivādādhikaraṇaṃ, vivādādhikaraṇaṃ vivādo, vivādādhikaraṇaṃ vivādo ceva adhikaraṇaṅcāti pañcapanhāhi bhavitabbaṃ siyā. Kesupi potthakesu tisso, kesuci catasso, pañca natthi. Tattha dve vibhattā. Itarāsu **adhikaraṇaṃ vivādoti** yaṃ kiñci adhikaraṇaṃ, vivādasan̄khyameva gacchati, **vivādo adhikaraṇanti** yo koci vivādo, so sabbo adhikaraṇasaṅkhyam̄ gacchatīti pucchati. Esa nayo sabbattha.

228. **Sammukhāvinayasminti** sammukhāvinayabhāve.

230. “**Antarenāti** kāraṇenā”ti likhitaṃ.

233. Ubbāhikāya khiyyanake pācitti na vuttā tattha chandadānassa natthitāya.

236. **Tassa kho etanti**² esoti attho “etadaggaṃ”ti ettha viya.

1-1. Evaṃ sabbattha, evaṃ abyākatanti vipākabhāvappattaṃ sandhāya vuttanti (sārattha)

2. Tassa kho taṃ (Pāliyaṃ)

238. “Kā ca tassa pāpiyasikā”ti kira pāṭho.

242. “Kiccameva kiccādhikaraṇaṇ”ti vacanato
apalokanakammādīnametaṃ adhivacanam, taṃ vivādādhikaraṇādīni viya
samathehi sametabbaṃ na hoti, kintu sammukhāvinayena sampajjatīti attho.

Samathakkhandhakavaṇṇanā niṭṭhitā.

5. Khuddakavatthukkhandaḥakavaṇṇanā

Khuddakavatthukathāvaṇṇanā

244. Puthupāṇinā kattabbaṃ kammaṃ **puthupāṇikaṃ**.

245. “Kaṇṇato nikkhantamuttolambakādīnaṃ kuṇḍalādīnaṃ”ti likhitaṃ. “Kāyūraṇ”ti pālīpāṭho. “Keyūrādīni”ti ācariyenuddhaṭṭaṃ.

248. “**Sādhugītaṃ** nāma parinibbutaṭṭhāne gītaṃ”ti likhitaṃ. **Dantaḡītaṃ** gāyitukāmānaṃ vākkakaraṇīyaṃ. Dantaḡītaṃssa vibhāvanatthaṃ “**yaṃ gāyissāmā**”ti-ādimāha.

249. **Caturassavattaṃ** nāma catuppādagāthāvattaṃ. “Taraṅgavattādīni uccāraṇavidhānāni naṭṭhapayogaṇī”ti likhitaṃ. **Bāhiraḡominti** bhāvanapumsakaṃ, yathā tassa uṇṇapāvārassa bahiddhā lomāni dissanti, tathā dhārentassa dukkaṭṭanti vuttaṃ hoti.

251. **Virūpakkhehī**ti-ādi sahaḡogakaraṇavacanāṃ. **Sarabūti** gehaḡolīkā. Sā kira setā savisā hoti. **Sohanti** yassa me etehi mettaṃ, sohaṃ namo karomi bhagavatoti sambandho. **Aññamhi -pa- chetabbamhī**ti rāḡanusaye.

252. **Uṭṭitvāti** pakkhipitvā. **Otaratūti** iddhiyā otāretvā gaṇhātu. **Anupariyāyīti** anuparibbhami.

253. Na **acchupiyantūti** na lagganti. **Rūpakākiṇṇānīti** itthirūpādīhi vokiṇṇāni.

254. **Ālindakamiḡḡhikādīnanti** pamukhamiḡḡhikādīnaṃ. **Parivattetvā tatthevāti** ettha “parivattetvā tatiyavāre tattheva miḡḡhiyā patiṭṭhātī”ti likhitaṃ. **Paribhaṇḡaṃ** nāma gehassa bahi kuṭṭapādassa thirabhāvattaṃ katā

tanukamiḍḍhikā vuccati. Ettha “**parivaṭṭitvā**¹ **patto bhijjatī** adhikaraṇabhedāsaṅkāya abhāve ṭhāne ṭhapetuṃ vaṭṭatī”ti likhitam². Pattamāḷako vaṭṭitvā pattānaṃ apattanatthaṃ vaṭṭam vā caturassaṃ vā iṭṭhakādīhi parikkhipitvā māḷakacchannena kato. “Pattamaṇḍalikā pattapacchikā tālapattādīhi katā”ti ca likhitam. Miḍḍhante ādhārake ṭhapetuṃ vaṭṭati pattasandhāraṇatthaṃ vuttattā. Mañce ādhārakepi na vaṭṭati nisīdanapaccayā vāritattā. Āsannabhūmikattā **olambetuṃ vaṭṭati**.

255. “Aṃsakūṭe laggetvā”ti vacanato aggahatthe laggetvā aṅke ṭhapetuṃ na vaṭṭatī”ti keci vadanti, na sundaram, “**na kevalam yassa patto**”ti-ādi yadi hatthena gahitapatte bhedasaññā, pageva aññena sarīrāvayavenāti katvā vuttam. **Paḷiyam** pana pacuravohārasena vuttam. Ghaṭikapālamayaṃ **ghaṭikaṭāham**. **Chavasīsassa pattanti** “silāputtakassa sarīram, khīrassa dhārāti-ādivohārasena vuttam. Mañce nisīdituṃ āgatoti attho. “**Pisācillikā**ti pisācadārakā”tipi vadanti. **Dinnakameva** paṭiggahitameva. **Cabbetvā**ti khādītva. Aṭṭhikāni ca kaṇṭakāni ca **aṭṭhikakaṇṭakāni**. “Etesu sabbesu paṇṇattim jānātu vā, mā vā, āpattiyevā”ti likhitam.

256. **Vipphāletvā**ti phāletvā. **Kiṇṇena pūretunti** surākiṇṇena pūretuṃ. **Bidalakam** nāma diguṇakaraṇasaṅkhātassa kiriyāvisesassa adhvacanam. Kassa diguṇakaraṇam? Yena kilañjādīnā mahantaṃ kathinamatthataṃ, tassa. Tam hi daṇḍakathinappamāṇena³ pariyaṇte saṃharitvā diguṇam kātabbam. Aññathā khuddakacīvarassa anuvātaparibhaṇḍādividhānakaṇṇe hatthassa okāso na hoti. Salākāya satī dvinnam cīvarānaṃ aññataram ṇātvā sibbitāsibbitam sukham paññāyati. Daṇḍakathine kate na bahūhi sahāyehi payojanam. “Asaṃkuṭitvā cīvaram samaṃ hoti. Koṇāpi samā hontī”ti likhitam, “haliddisuttena saññākaraṇam”ti vuttattā haliddisuttena cīvaram sibbetumpi vaṭṭatīti siddham. Tattha hi keci akappiyasaññino. Paṭiggaho nāma aṅgulikoso.

1. Papatitvā (Ṭṭha)

2. Siddham (Ka)

3. Paribhaṇḍakathinappamāṇena (Ka)

257-9. **Pātīti** paṭiggahasaṅṭhānaṃ. **Paṭiggahatthavikanti** aṅgulikosatthavikaṃ. Sūcisatthakānaṃ pubbe āvesanatthavikāya anuññātattā “**anujānāmi bhikkhave bhesajjatthavikan**”ti vuttaṃ. Ettha sūcisatthakādīnīpi ṭhapetabbānīti nidānaṃ sūceti. Sacepi upanando bhikkhu alajjī, tathāpi santakametaṃ amūlacchedakatabhikkhuno lajjinopi samānassa kappatīti yujjati. **Na sammatīti** na pahoti.

260-1. Bahi kuṭṭassa samantato nīcavatthukaṃ katvā ṭhitam “**maṅḍalikan**”ti vuccati. Jantāgharappaṭicchādīnā channassa naggiyaṃ yassa na paññāyati, tasseva parikammaṃ kātammaṃ. Esa nayo udakavatthapaṭicchādīsipi.

262-3. **Paṇiyā** nāma paṇiyakārakā. **Ākaḍḍhanayantaṃ** ākaḍḍhiyamānaṃ kūpassa uparibhāge paribbhamati. **Arahaṭaḅhaṭiyantaṃ** sakaṭacakkasaṅṭhānayaṃ. Tassa are are ghaṭikāni bandhitvā ekena, dvīhi vā paribbhamiyamānassa udakanibbāhanaṃ veditabbaṃ. **Āviddhapakkhapāsā** nāma yattha maṅḍalākārena pakkhapāsā bajjhanti āviddhavatthatā viya āviddhapakkhapāsakā. Pubbe pattasaṅgopanattham, idāni ṭhapetabbaṃ bhuñjitum ādhārako anuññāto.

273. **Paragalaṃ gacchatīti** imassa payogābhāvā vaṭṭati. **Kammasatenāti** mahatā ussāhena.

277-8. **Lohabhaṇḍam** nāma kaṃsato sesalohabhaṇḍam. **Muddikakāyabandhanaṃ** nāma caturassaṃ akatvā sajjitam. **Pāmaṅgadasā** caturassā. **Mudiṅgasanṭhānenāti**¹ saṅghāṭiyā mudiṅgasibbanākārena² varakasīsākārena. **Pavanantoti** pāsanto. “Dasāmūlan”ti ca likhitam. Akāyabandhanaena sañcicca vā asañcicca vā gāmappavesane āpatti. “Saritattṭhānato bandhitvā pavisitabbaṃ, nivattitabbaṃ vā”ti likhitam.

279. Sattaṅgulaṃ vā aṭṭhaṅgulaṃ vāti ettha “**sugataṅgulenā**”ti avuttattā pakati-aṅgulena sārūppatthāya vaḍḍhetvāpi karonti ce, na doso.

280. Tālavaṇṭākārena sīhalitṭhīnaṃ viya.

Khuddakavatthukkhandhakavaṇṇanā niṭṭhitā.

1. Muddikasaṅṭhānena (Ka)

2. Muddikasibbanākārena (Ka)

6. Senāsanakkhandhakavaṇṇanā

Vihārānujānanakathāvaṇṇanā

294. Nilīyanti bhikkhū etthāti viharādayo **leṇāni** nāma. Āgata-vacanena tassāgatasamghova sāmī, na anāgatoti keci, tam na yujjati samānalābhakatikāya siddhattā.

296-7. **Dīpinaṅgutthenā**ti ettha “dīpinā akappiyacammaṃ dasseti”ti likhitam. **Thambhakavātapānam** nāma tiriyaṃ dārūni adatvā ujukaṃ ṭhiteheva dārūhi kattabbaṃ. Bhisīnaṃ anuññātaṃ vaṭṭatīti bimbohane vaṭṭatīti attho. Tūlapūritaṃ bhisīṃ apassayitum na vaṭṭati uṇṇādīnamyeva anuññātattā. Nisīdananipajjanaṃ sandhāya vuttaṃ, tasmā apassayitum vaṭṭatīti ce? Akappiyanti na vaṭṭatīti keci. Yadi evaṃ akappiyamañcaṅca apassiyitum na vaṭṭeyya. Yasmā vaṭṭati, tasmā doso natthi. Apica gilānassa bimbohanaṃ nipajjitumpi anuññātaṃ, tasmā bhisipi vaṭṭati apassayitum. Ācariyā ca anujānanti, vaḷaṅjenti cāti eke. Simbalitūlasuttena sibbitam cīvaraṃ vaṭṭati. Kasmā? Kappāsassa anulomato. “Akkaphalasuttamayampi akkavākamayameva paṭikkhittan”ti te eva vadanti.

298. **Anibandhanīyo** alaggo. **Paṭibāhetvā**ti maṭṭhaṃ katvā. “Setavaṇṇādīnaṃ yathāsaṅkhyam ikkāśādayo bandhanatthaṃ vuttā”ti likhitam.

300. **Pakuṭṭam** samantato āviddhapamukhaṃ.

302. **Sudhālepoti** sudhāmettikālepo.

305. **Āsatti** taṅhā. **Santiṃ** adaraṃ.

307. **Ketunti**¹ kayena gahetum.

308. **Citāti** iṭṭhakāyo kabaḷena niddhamanavasena chinditvā katāti attho.

1. Ketum santharissāmāti pāṭhena bhavitabbaṃ.

310. **Chabbaggiyānaṃ bhikkhūnaṃ antevāsikā**ti ettha vīsativassaṃ atikkamitvā chabbaggiyā uppannā. “Ārādhayimsu me bhikkhū cittaṃ”ti¹ vuttatā aññasmiṃ kāle sāvattigamane uppannaṃ vatthum idha āpattidassanattamaṃ āharitvā vuttanti yuttam viya, vicāretvā gahetabbaṃ. **Vuddhanti** vuddhataram.

313. **Santhareti** tiṇasantharādayo.

Senāsanaggāhakathāvaṇṇanā

318. “**Seyyaggenā**ti mañcaṭṭhānaparicchedena. **Vihāraggenā**ti ovarakaggenā”ti likhitaṃ. **Thāvarā**ti niyatā. **Paccayeneva hi tanti** tasmiṃ senāsane mahātherā tassa paccayassa kāraṇā aññattha agantvā vasantāyeva naṃ paṭijaggissantīti attho. Aghaṭṭanakammaṃ dassetuṃ “**na tattha manussā**”ti-ādimāha. “Vitakkaṃ chinditvā suddhacittena gamanavatteneva gantabbaṃ”ti pāṭho. **Muddavedikā** nāma cetiyassa hammiyavedikā. **Paṭikkammā**ti apasakkivā. Samānalābhakatikā mūlāvāse sati siyā, mūlāvāsavināsenā katikāpi vinassati. Samānalābha-vacanaṃ sati dvīsu bahūsu vā yujjati, teneva ekasmiṃ avasiṭṭheti no mati. Tāvakālikam kālena mūlacchedanavasena vā aññesaṃ vā kammaṃ aññassa siyā nāvāyaṃ saṅgamoti ācariyo. **Puggalavaseneva kātabbanti** apalokanakāle saṅgho vassaṃvutthabhikkhūnaṃ pāṭekkaṃ “ettakaṃ vassāvāsikaṃ vattham deti, ruccati saṅghassa”ti puggalameva parāmasitvā dātabbaṃ, na saṅghavasena kātabbaṃ. Na saṅgho saṅghassa ettakaṃ detīti. “Ekasmiṃ āvāse saṅghassa kammaṃ karotī”ti vacanato saṅghavasena kātabbaṃ”ti likhitaṃ. Na hi tathā vutte saṅghassa kiñci kammaṃ kataṃ nāmā hoti. “Sammata senāsanaggāhāpakato aññena gāhitepi gāho ruhati agghitupajjhāyassa upasampadā viyā”ti likhitaṃ. “Kammavācāyapi sammuti vaṭṭatī”ti likhitaṃ.

Aṭṭhapi soḷasapi janeti ettha kiṃ visuṃ visuṃ, udāhu ekatoti? Ekatopi vaṭṭati. Na hi te tathā sammatā saṅghena kammakatā nāma

1. Ma 1. 175 piṭṭhe.

honti, teneva **sattasatikakkhandhake** ekato aṭṭha janā sammatāti. **Tesaṃ sammuti kammavācāyapīti** ñattidutiyakammavācāyapi. Apalokanakammasa vatthūhi sā eva kammavācā labbhamānā labbhati, tassā ca vatthūhi apalokanakammameva labbhamānaṃ labbhati, na aññanti veditabbaṃ. Imaṃ nayaṃ micchā gaṇhanto “apalokanakammaṃ ñattidutiyakammaṃ kātuṃ, ñattidutiyakammañca apalokanakammaṃ kātuṃ vaṭṭati”ti gaṇhāti, evañca sati kammasaṅkaradoso āpajjati. **Maggo pokkharañīti** ettha **maggo** nāma magge katadīghasālā, **pokkharañīti** nahāyitum katapokkharañī. **Etāni hi asenāsanānīti** ettha bhattasālā na āgatā, tasmā taṃ senāsananti ce? Sāpi ettheva pavīṭṭhā vāsathāya akatattā. Bhojanasālā pana ubhayattha nāgatā. Kiñcāpi nāgatā, upari “bhojanasālā pana senāsanamevā”ti¹ vuttattā senāsanam. “Kappiyakuṭi ca ettha kātabbā”ti vadanti, taṃ neti eke. Rukkhamūlaveḷugumbā channā kavāṭabaddhāva senāsanam. **“Alābhakesu āvāsesūti alābhakesu senāsanesu”**ti likhitam, taṃ yuttam. Na hi pāṭekkam senāsanam hoti. **Tam saññāpetvāti** ettha paññattim āgacchante balakkārenapi vaṭṭati. **Ayampīti** paccayopi.

Upanibandhitvāti tassa samīpe rukkhamūlādīsu vasitvā tattha vattam katvāti adhippāyo. Pariyattipaṭipattipaṭivedhavasena **tividhampi**. “Dasakathāvatthukam dasa-asubham dasa-anussatin”ti pāṭho. **“Paṭhamabhāgam muñcivāti** idam ce paṭhamagāhitavatthuto mahaggham hoti”ti likhitam. **Chinnavassānam vassāvāsikam** nāma pubbe gahitavassāvāsikānam pacchā chinnavassānam. **Bhatiniviṭṭhanti** bhatim katvā viya nivīṭṭham pariyaṭṭham. **“Saṃghikam pana -pa- vibbhantopi labhatevā”**ti idam tatrappādam sandhāya vuttam. Iminā apalokanameva pamāṇam, na gāhāpananti keci. Vinayadharā pana “ambhākam vihāre vassam upagātānam ekekassa ticivaram saṃgho dassatī”ti-ādinā apalokitepi abhājitam vibbhantako na labhati. ‘Apalokanakammaṃ katvā gāhitan’ti vuttattā, ‘abhājite vibbhamatī’ti evam pubbe vuttattā cā”ti vadanti. **“Paccayavasenāti** gahapatikam vā aññam vā vassāvāsikam paccayavasena gāhitan”ti likhitam. **“Ekameva vattham dātābanti** tattha nisinnānam

1. Vi-Ṭṭha 4. 71 piṭṭhe.

ekamekaṃ vatthaṃ pāpuṇātī”ti likhitam. **Dutiyo therāsaneti** anubhāgo. Paṭhamabhāgo aññathā therena gahitoti jānitabbaṃ.

Upanandavatthukathāvaṇṇanā

320. **Tivassantarenāti** tiṇṇaṃ vassānaṃ anto ṭhitena. Hatthimhi nakho assāti **hatthinakho**. Pāsādassa nakho nāma heṭṭhimaparichedo. **Gihivikaṭaṇihārenāti** gihīhi katanihāreneva. “Tehi attharivā dinnāneva nisīdituṃ labbhanti, na bhikkhunā sayam attharivā vissajjitabbaṃ saṃghena attharāpetvā vā”ti likhitam.

Avissajjiyavatthukathāvaṇṇanā

321. “Na vissajjetabbaṃ saṃghena vā gaṇena vā puggalena vā”ti vacanaṃ “yaṃ agarubhaṇḍaṃ vissajjiyaṃ vebhaṅgiyaṃ saṃghikaṃ, taṃ gaṇo ce tasmim āvāse vasati puggalopi vā, gaṇena vā puggalena vā vissajjitaṃ saṃghena vissajjitasadisameva hotī”ti **aṭṭhakathāyaṃ** vuttavacanaṃ sādheti, aññathā ettha gaṇapuggalaggahaṇaṃ niratthakaṃ. **Arañjaro** udakacāṭi, alaṅjalo, bahu-udakagaṇhanakoti attho. “Vattacāṭi viya hutvā thokaṃ dīghamukho majjhe paricchedaṃ dassetvā kato”ti likhitam. Maṃsa dibba dhamma buddha samantacakkhuvasena pañca.

Garubhaṇḍena ca garubhaṇḍanti saṃhārimaṃ sandhāya vuttaṃ. **Pattacīvaraṃ nikkhipitunti** aṭṭakacchannena kate mañce. **Vaṭṭalohaṃ** nāma pītavaṇṇaṃ. **Pārihāriyaṃ na vaṭṭatī**ti āgantukassa adatvā paricārikahatthato attano nāmaṃ likhāpetvā gahetvā yathāsukhaṃ pariharitum na vaṭṭati. “**Gihivikaṭaṇihārenevāti** yāva attano kammanibbatti, tāva gahetvā detī”ti likhitam. **Sikharaṃ** nāma yena paribbhamantā chindanti. **Pattabandhako** nāma pattassa gaṇṭhi-ādikārako. “Paṭimānaṃ suvaṇṇādipattakārako”tipi vadanti. “**Aḍḍhabāhūti** kapparato paṭṭhāya yāva aṃsakūṭaṇ”ti likhitam. **Ito paṭṭhāyāti** imaṃ pāḷim ādim katvā. **Daṇḍamuggaro** nāma yena rajitacīvaraṃ pothenti. ‘Paccattharaṇagatikan’ti vuttatā, “tampi garubhaṇḍamevā”ti vuttatā ca **api**-saddena pāvārādipaccattharaṇaṃ sabbaṃ garubhaṇḍamevā”ti vadanti.

Eteneva suttena aññathā atthaṃ vatvā “pāvārādipaccattharaṇaṃ na garubhaṇḍaṃ, bhājanīyameva, senāsanatthāya dinnapaccattharaṇameva garubhaṇḍaṃ”ti vadanti, upaparikkhitabbaṃ. **Gaṇṭhikā**ti cīvaragaṇṭhikā. **Bhañjako** nāma sarako.

Navakammadānakathāvaṇṇanā

323-4. Aggaḷabandhasūcidvārakaraṇamattenapi¹. “**Kapotabhaṇḍikā** nāma vaḷabhiyā upari ṭhapetabbavalayaṃ vā tiṇacchadanagehassa piṭṭhivaṃsassa heṭṭhā ṭhapetabbaṃ vā ubhayamassa gatā dārū”ti likhitaṃ. **Kārantarā**ti tadā puna pavisaṭṭhaṃ pubbapayojitānānaṃ vacanapātasenāsanavāso. Na pana patisaṭṭhatoti daṭṭhabbaṃ. Sabbattha vinaṭṭhavāso na ca paṭisedhako hotīti daṭṭhabbo. Dvāravātapānādīni apaharivā dātum asakkuṇeyyato “**paṭidātabbāniyevā**”ti vuttaṃ. Gopānasi-ādayo dentassa vihāro palujjatīti “**mūlaṃ vā dātabbaṃ**”ti-ādi vuttanti eke. “Nevāsikā pakatiyā anattatāya bhūmiyā ṭhapenti ce, tesampi anāpattiyevā”ti likhitaṃ. “Dvāravātapānādayo aparikkammakatāpi apaṭicchādetvā na apassayitabbā”ti likhitaṃ.

Samghabhattādi-anujānanakathāvaṇṇanā

Uddesabhattakathāvaṇṇanā

325. **Yā** bhattuddesaṭṭhānabhūtāya **bhojanasālāya pakatiṭhitikā**. **Dinnaṃ panā**ti yathā so dāyako deti, taṃ dassento “**saṃghato bhante**”ti-ādimāha. **Ekavaḷañjanti** ekadvārena vaḷañjitabbaṃ. **Ticīvaraparivāranti** ettha “udakamattalābhī viya aññopi uddesabhattaṃ alabhitvā vatthādimanekappakāraṃ labhati ce, **tasseva tan**”ti likhitaṃ. “Uddesapatte dethā”ti vatvā gahetvā āgatabhāvena saṃghassa pariccattaṃ na hotiyeva tasseva hatthe gatattā, tasmā tehi vuttakkamena sabbehi bhājetvā bhuñjitabbaṃ”ti vuttaṃ. **Paṭipātipattaṃ vā** ṭhitikāya ṭhitapattaṃ vā. “**Kūtaṭṭhitikā nāma** aggahetabbānampi gāhitattā”ti likhitaṃ, “paṇītabhattaṭṭhitikaṃca ajānitvā missetvā gāhitepi evameva

1. Aggaḷavaṭṭikaraṇamattenapi (Ṭṭha)

paṭipajjitabban”ti ca likhitam. **Tañce theyyāya haranti** pattahārakā, ānāpakassa **gīvā** hoti. **Atikkantampi ṭhītikam ṭhapetvā**ti ettha “taṃdivasameva ce bhikkhā labbhati, aparadivasato paṭṭhāya na labbhati kirā”ti likhitam. Pacchā “sabbo saṃgho paribhuñjatū”ti avuttepi bhājetvā paribhuñjitabban. “Ettake bhikkhū saṃghato uddisitvā dethā”ti avatvā ‘ettakānam bhikkhūnam bhattam gaṇhathā’ti dinnam saṃghikanimantanamāmā”ti likhitam.

Nimantanabhattachakathāvaṇṇanā

Paṭipāṭiyāti yathāladhapaṭipāṭiyā. **Vicchindivā**ti bhattam gaṇhathāti padam avatvā. **Ālopaṇkhepenā**ti ayam nayo nimantanāyameva, uddesabhatte pana ekassa pahonakappamāṇe eva ṭhītikā tiṭṭhati. “**Ekavāranti** yāva tasmim āvāse vasanti bhikkhū, sabbeva labhanti”ti likhitam.

Salākabhattachakathāvaṇṇanā

Na hi bahisīmāya saṃghalābhoti ettha “uddesabhattachādīsu bahisīmāya ṭhitassapi ce upāsakā denti, gahetum labhanti, attanopi pāpetvā gahaṇam anuññātam, tathā idha na vaṭṭatī”ti vuttam. Na pāpuṇantīti uddisitvāpi. **Vāragāmanti** dūrattā varena niggahena gantabbagāme. **Phātikammamevā**ti atirekalābhā ca bhavanti. **Sammukhībhūtassā**ti yebhuyyena ce bhikkhū bahisīmam gatā, sammukhībhūtassa pāpetabban. Sabhāgattā hi ekena laddham sabbesam pahoti, tasmimpi asati attano pāpetvā dātabban. “**Laddhā vā aladdhā vā**”ti vacanasiliṭṭhavasena vuttam. **Vihāre apāpitaṃ pana -pa- na vaṭṭatī**ti salākabhattacham vihāre uddisiyati. **Tena pana** dinnasalākena. **Tassā**ti gahetvā gatassa. Salākā gahetabbāti vuttam viya. Sabbapotthakesu “gāhetabbā”ti pāṭho, tasmā **tenā**ti salākaggāhāpakenāti attho. “Corikāya gahitattā na pāpuṇatī”ti vacanato “kuṭīsodhanam vaṭṭatī”ti ca dīpavāsino vadanti kira. **Ekam mahātherassā**ti mahāthero vihārato yebhuyyena na gacchati, itare kadāci gacchati, tasmā sabhāgā ce, attano pāpetvā puna itaresam diyyati. **Vihāre therassa pattasalākabhattachanti** mahāthero ekakova vihāre ohīno, “avassam sabbasalākā attano pāpetvā

ṭhito”ti paṭissayaṃ gantvā āgantukabhikkhūnampi adassanato kukkucçaṃ akatvā bhuñjanti.

Pakkhikabhattakathāvaṇṇanā

Uposathadivase āpattidesanaṃ sandhāya “**parisuddhasīlānaṃ**”ti āha. Lekhaṃ katvā nibaddhāpitaṃ. “**Āgantukabhattampi gamikabhattampi**”ti āgantukova hutvā gacchantaṃ sandhāya vuttaṃ. Anāthagilānupaṭṭhākopi tena dinnāṃ bhuñjati ce, tassapi pāpetabbameva. **Gulapiṇḍaṃ** tālapakkamattaṃ.

Senāsanakkhandhakavaṇṇanā niṭṭhitā.

7. Saṃghabhedakakkhandhakavaṇṇanā

Chasakyapabbajjākathāvaṇṇanā

330. “Anupiyaṃ nāmā”ti ekavacanena dissati, sattamiyaṃ pana “anupiyāyaṃ”ti. “Kāḷudāyippabhutayo dasa dūtā”ti pāṭho. “Na heṭṭhāpāsādā na heṭṭhāpāsādaṃ vā”ti likhitam.

332. **Pubbe** pubbakāle. “Rañño sato”ti ca “rañnova sato”ti ca pāṭho.

333. Na lābhataṇhā idha kāmataṇhā, jhānassa nesā parihāni hetu. Buddhataṣilaṃ pana patthayanto jhānāpi natṭhoti. Nanu pattabhāvanā. **Manomayanti** jhānamanomayaṃ.

334. **Satthāro**ti gaṇasatthāro.

339. **Potthanikanti** churikaṃ.

340. **Manusseti** purise.

341. Ekarattādhikārena rakkhaṃ paccāsīsantā īdisāti dasanattamaṃ “**pañcime**”ti-ādi vuttam. “Pubbe rakkhassetan”ti vuttattā mayhaṃ pana rakkhaṇe kiccaṃ natthīti dassanattamaṃ vuttam. **Parūpakkamena tathāgataṃ jīvitā voropeyyāti** idam āṇattiyā āgatattā evaṃ vuttam.

342. **Mā āsadoti** mā vadhakacittena upagaccha. **Itoti** imamahā jīvitamahā. “**Yatoti** yasmā, yatoti vā gatassā”ti likhitam. “**Paṭikuṭitoti** apasakkivā saṅkucito hutvā vā paṭisakkatī”ti likhitam.

343. **Tikabhojananti** tīhi bhuñjitabbabhojanam. “Tikabhojanīyaṃ”tipi pāṭho. Parikappato hi¹ tiṇṇam bhuñjituṃ anujānāmi, tato uddham gaṇabhojanameva hoti, tassāpi idameva vuttam. Idha apubbam natthi.

“Akataviññattiladdham tiṇṇam bhuñjantānam kiñcāpi tam gaṇabhojanam nāma na hoti, viññattivaseṇa pana na vaṭṭatī”ti likhitam. **Tayo atthavase paṭiccā**ti etthāpi “mā pāpicchāpakkaṃ nissāya saṃgham bhindeyyun”ti pesalānam bhikkhūnam phāsuvihārāti yojetabbaṃ. **Kulānuddayatāya cāti** kulānam pasādarakkhaṇattham. **Vajjanti** vajjameva. “Vajjamimaṃ phuseyyā”ti likhitam. “Vajjanīyam puggalam phuseyyā”ti vuttam. “Imassa mano na phuseyyā”ti vattabbampi siyā. **Cakkabhedanti** sāsanabhedam. **Āyukappanti** ettha kiñcāpi avīcimhi āyuparimāṇam natthi, yena pana kammena yattakam anubhavitabbaṃ, tassa āyukappanti veditabbaṃ.

345. “Aññataram āsanam gahetvā nisīdī”ti vacanato visabhāgaṭṭhānam gatassa pesalassapi bhikkhuno tesam āsane nisīditum vaṭṭatīti siddham. **Āgilāyatīti** rujjati. **Ādesanāpāṭihāriyānusāsaniyāti** tassa tassa cittācāram ādissa ādissa desanā, ādesanāpāṭihāriyānusāsani. Iddhi eva pāṭihāriyam **iddhipāṭihāriyam**, iddhipāṭihāriyasamyuttāya anusāsaniyā ovadatīti attho. **Nanu tam āvusoti**¹ ettha tam vacanam nanu mayā vuttosīti attho.

346-9. **Suvikkhālitanti** sudhotam. **Samkhāditvāti** suṭṭhu khāditvā. “**Mahim vikubbatoti** mahāvisālo”ti likhitam. Tassa bhisam ghasamānassa. Tattha **nadisu jaggatoti** pālentassa. “Kim? Hatthiyūtham gantun”ti vadanti. “Asampāto”ti pāṭho, apatto hutvāti “attho”ti likhitam. “Apāyabahuttā puna dassito”ti vuttam. “**Evamsateti** evam assa te āsavā”ti likhitam.

350. “**Vosānam** pariniṭṭhānam² vā”ti ca likhitam. **Jātūti** dalhatthe nipāto. **Mā udapajjathāti** mā uppajjeyya. “So pamādamanuyuñjanto”ti pāṭho. **Anādaram** kusalesu. **Udadhi mahāti** kittako mahā? Bhesmā yāva bhayānako, tāva mahāti vuttam hoti.

351. **Na kho upāli bhikkhunī saṃgham bhindatīti** ettha bhikkhu saṃgham na bhindati, bhikkhunī saṃgham bhindatīti keci, netam gahetabbaṃ. Kevalam

1. Nanu tvaṃ āvuso (Ṭṭha)

2. Parihāniṭṭhānam (Ka)

“Saṃgho”ti vutte bhikkhusaṃghova adhippeto. “Saṃghassa deti, ubhatosaṃghassa deti cā”ti¹ mātikāvacanampi sādheti. Tasmim adhammadiṭṭhibhede dhammadiṭṭhi siyā. “Sīlasatitedesupi samāno dhammaṃ kātunti saṃghabhede vematikopi tādiso vā”ti likhitam. **Vinidhāyā**ti attano vañcanādhippāyatam chādetvā.

Saṃghabhedakakkhandhakavaṇṇanā niṭṭhitā.

8. Vattakkhandhakavaṇṇanā

Āgantukavattakathāvaṇṇanā

357. Ekasmiṃ gāme aññavihārato āgatopi āgantukova. Tattha keci evaṃ vadanti “āvāsiko katthaci gantvā sace āgato, ‘tenāpi āgantukabhattaṃ bhuñjitabban’ti vuttattā dūrāgamaṇaṃ vuttaṃ hoti, na gāme, tasmā na yuttan’ti. Te vattabbā “āgantukabhattaṃ nāma gahaṭṭhepi ṭhapitaṃ. Yasmiṃ nibaddhaṃ, tato aññagāmatoti āpannaṃ. Tathā vihārādhikārattā aññavihārato āgatopi āgantuko vā”ti ācariyānaṃ sannitṭhānaṃ. **Pāṇīyaṃ pucchitabbaṃ, paribhojanīyaṃ pucchitabbanti** uddharitvā ghaṭasarāvādigataṃ sandhāya paṭhamaṃ, dutiyaṃ kūpataḷākādigatanti ācariyo. Dutiyavāre attano vasanaṭṭhānattā visuṃ pucchitabbameva, tasmā vuttaṃ etaṃ “paricchinnabhikkho vā gāmo”ti. Bahūsu potthakesu duvidhāpi yujjati.

Anumodanavattakathāvaṇṇanā

362-4. Pañcame anumodanattāya nisinne. “**Manussānaṃ parivisanatṭhānanti** yattha manussā saputtadārā āvasitvā denti”ti likhitaṃ. Imasmiṃ khandhake āgantukāvāsikagamikānumodanabhattachagapiṇḍacārikāraññakasenāsana jantāgharavaccakuṭi-upajjhācariyasaddhivihārikantevāsikavattāni **cuddasa mahāvattāni** nāma. Aggahitaggahaṇena gaṇiyamānāni **asīti khandhakavattāni** nāma honti.

Vattakkhandhakavaṇṇanā niṭṭhitā.

9. Pātimokkhaṭṭhapanakkhandhakavaṇṇanā

Pātimokkhuddesayācanakathāvaṇṇanā

383-4-7-8. “Nandimukhī”ti likhitam. **Āyatakenevāti**-ādimhi eva. **Yanti** yasmā. Savantiyo **mahānadiyo**. “Mahantabhūtānan”ti pāṭho. **Pattāti** patvā. “Samūlikāya ṭhabeti akatāyā”ti ṭhapanakassa saññāmūlavasena vuttam. Tam vatthum avinicchinitvāva parisā vuṭṭhāti.

Attādāna-aṅgkathāvaṇṇanā

398-9. “**Attādānanti** sayam parehi codito attānam sodhetum anādiyitvā paresam vipaṭipattim disvā sāsanaṃ sodhetum attanā āditabban”ti likhitam. **Vassārattoti** vassakālo. **Sappaṭimāsoti** ākaḍḍhanayuttoti adhippāyo.

401. **Upadahātabboti** uppādetabbo, vipaṭisāramukhena dhāretabboti adhippāyo.

Pātimokkhaṭṭhapanakkhandhakavaṇṇanā niṭṭhitā.

10. Bhikkhunikkhandhakavaṇṇanā

Mahāpajāpatigotamīvattukathāvaṇṇanā

402-3. **Sūnehī**ti sutehi. “Setaṭṭikā nāma rogajāṭī”ti pāḷi. “Setaṭṭhikā”ti aṭṭhakathā. “Paṭisambhidāpattakhīṇāsavaggahaṇena jhānānīpi gahitāneva honti. Na hi nijjhānikānaṃ sabbappakārā sampatti ijjhatī”ti likhitāṃ.

Bhikkhunī-upasampadānujānanakathāvaṇṇanā

404. **Yadaggena** yaṃ divasaṃ ādim katvā. **Tadevā**ti tasmim eva divase. “Anuñattiyā”ti pāṭho. “Anupaññattiyā”ti na sundaraṃ.

405. “Paṭiggaṇhāmi yāvajīvaṃ anatikkamanīyo”ti vatvā idāni kiṃ kāraṇā varaṃ yācatīti ce? Parūpavādavivajjanatthaṃ. Dubbuddhino hi keci vadeyyuṃ “mahāpajāpatiyā paṭhamaṃ sampaṭicchitattā ubhatosaṃghassa yathāvuḍḍha-abhivādanaṃ na jātaṃ. Gotamī ce varaṃ yāceyya, bhagavā anujāneyyā”ti.

408. **Vimānetvā**ti aparajjhivā.

410-3-7. **Kammappattāyopī**ti kammārahāpi. **Āpattigāminiyopī**ti āpattim āpannāyopi. **Dve tisso bhikkhuniyoti** dvīhi tīhi bhikkhunīhi. “Manosilikāyā”ti pāṭho.

420. “Tena ca bhikkhu nimantetabbo”ti sāmīcivasena vuttaṃ.

422-3. “Anujānāmi -pa- tāvakālikan”ti puggalikaṃ sandhāya vuttaṃ, na saṃghikanti ācariyo. “Anujānāmi bhikkhave utuniyā kaṭisuttakan”ti vacanato bhikkhussa vinibandhaṃ kaṭisuttakaṃ na vaṭṭati. **Paggharanti** visaviṇā. **Vepurisikā** massudāṭhī.

425. **Tayo nissayeti** rukkhamūlaṃ hi sā na labhati.

426. Bhattagge sace dāyakā bhikkhunisaṅghassa bhuttavato catupaccaye dātukāmā honti, yathāvuddhameva.

427. **Vikāleti** yāva vikāle honti, tāva pavāresunti attho. **Ajjattanāti** ajjatanā.

428. **Anuvādanti** issariyaṭṭhānaṃ. Idaṃ sabbaṃ “ajjatagge ovaṭo bhikkhunīnaṃ bhikkhūsu vacanapatho”ti paññattassa garudhammassa vītikkama-āpattipaññāpanattham vuttanti veditabbaṃ, aññathā yesaṃ garudhammaṇaṃ paṭiggahaṇena bhikkhunīnaṃ upasampadā anuññātā, tesaṃ vītikkame anupasampannāva siyāti āsaṅkā bhaveyya.

429. **Itthiyuttenāti** itthīti gāvī-ādīhi dhuraṭṭhāne yuttana. **Purisantarenāti** purisena antarikena. “Purisadutiyeṇā”ti likhitaṃ, purisasārathināti adhippāyo. “Bāḷhataraṃ aphāsū”ti vacanato gilānāya vaṭṭaticceva siddhaṃ, bhagavantaṃ āpucchitvā anuññātaṭṭhāne upasampajjissāmīti adhippāyo.

430. **Sā kenacideva antarāyenāti** sabbantarāyasaṅghanavacanaṃ, tasmā taṃ na antarāyaṃ kittetvā, vuttantarāyena “rājantarāyena”ti sādhetabbanti ācariyo.

431-2. “Navakammanti katvā ‘ettakāni vassāni vasatū’ti apaloketvā saṅghikabhūmidānaṃ”ti likhitaṃ. “Sāgāraṇ”ti vuttattā agārapaṭisaṃyuttarahonisajjasikkhādivajjitāti keci, yuttametaṃ. Kasmā? “Sahāgāraseyyamattaṃ ṭhapetvā”ti **aṭṭhakathāyaṃ** vuttattā. “Anujānāmi bhikkhave posetun”ti vacanato posanayuttakammaṃ sabbaṃ vaṭṭati mātuyā, na aññesaṃ. Vasitum ce na sakkoti dutiyaṃ vinā, sammannitvāva dātabbā tāya iti no mati. Kittakaṃ kālaṃ? Vasitvā ce dutiyā gantumicchati, aññaṃ sammannitum yuttāva. Sā vijātā lābheti ācariyo.

434. “Idaṃ odissa anuññātaṃ vaṭṭatīti ekato vā ubhato vā avassave¹ satipi vaṭṭatī”ti likhitaṃ. “Kesacchedādikaṃ kammaṃ anujānāmi

sādituṃ”¹ icceva vuttattā vuttaṃ “**tadaññe sādītun**”²ti. “Kesacchedādikaṃ kammaṃ anujānāmi bhikkhave”³ti avatvā ettakaṃ yasmā “sādītun”⁴ti bhāsitaṃ, tasmā sā vicikicchāya ubhatopi avassave³ api pārājikakhettena sā pārājikaṃ phusati. Iti aṭṭhakathāsvetam sabbāsupi vinicchitaṃ. Odissakābhilāpo hi aññathā nibbisesato taṃ pamāṇaṃ. Yadi tathā bhikkhussa kappati vicikicchā.

Kālamodissa naṃ padaṃ⁴, na sattodissakaṃ hi taṃ.

Atha bhikkhuniyā eva, kālamodissa bhāsitaṃ.

Evam pārājikapatti, sithilāva katā siyā.

Sabbaso pihitaṃ dvāraṃ, sabbapārājikasminti.

Niratthakabhāvato, ubbhajāṇumaṇḍale.

Tasmā na sādiantīti, nidānavacanakkamaṃ.

Nissāya satthunā vuttaṃ, sādītunti na aññathā.

Attano paṇhisamphassaṃ, sādītun yena vāritaṃ.

Api pārājikakkhette, kathaṃ dvāraṃ dadeyya so.

Tathāpi buddhaputtānaṃ, buddhabhāsitaḥāsitaṃ.

Vacanañca samānento⁵, no cettha yuttikathā dhīrā⁶.

Kesacchedādikammaṃ, avassaṃ karaṇīyato.

Cittassa cātilolattā, gaṇassa ca aṅgasampadā-

Bhāvā bhikkhūnīnaṃ mahesinā, rakkhituñca asaṅkattā⁷.

Nanu modissakaṃ katanti.

Bhikkhunikkhandhakavaṇṇanā niṭṭhitā.

1. Harituṃ (Ka) 2. Aṭṭhakathāyaṃ na dissati. 3. Avayave (Ka)

4. Paraṃ (Ka) 5. Pamāṇento (Ka)

6. Thirā (Ka)

7. Asakkattā (Ka)

11. Pañcasatikakkhandhakavaṇṇanā

Saṅgītinidānakathāvaṇṇanā

437. **Chinnapātanti** bhāvanapuṁsakam, tenākārena patantīti attho. **Upaddutā ca mayam homāti** atītatthe vattamānavacanam, ahumhāti attho. Atha vā tasmim sati homa. “Pañca bhikkhusatānī”ti gaṇanavasena vatvā “vassam vasantā”ti puggalaniddeso kato.

Khuddānukhuddakakathāvaṇṇanā

443. “Vassikasāṭikam akkamitvā”ti vacanato bhagavato catutthacīvarampi atthīti siddham. Tenevāha **cīvarakkhandhake** “catuttham cīvaram pārupī”ti.

444. “**Apica yatheva mayā**”ti-ādi saṅgītiyā aggahaṇādhippāyavasena vuttam, kintu susaṅgītā āvuso therehi dhammo ca vinayo ca. **Apicāham nāma tathēvāham dhāressāmīti** yatheva mayā bhagavato sammukhā sutam sammukhā paṭiggahitam, tatheva therehi bhagavatā sayameva etadaggam āropitehi, tasmā susaṅgahitā saṅgītīti vuttam hotī.

Brahmaṇḍakathāvaṇṇanā

445. “Tvamyeva āṇāpehī”ti ettakameva vuttam, therā pana brahmaṇḍam katvā vuttamyeva “**channassā**”ti-ādimāhamsūti veditabbam. Ettha ca ānandatthero viya aññopi saṅghena āṇatto bhikkhu brahmaṇḍakatena bhikkhunā ālapitum labhati, na añño. **Ujjavanikāyāti** paṭisotagāminiyā. Āgamā nu kho idha **āgamā nu khvidha**. Āgamā kho idha, te orodhā idha āgamā kho. “**Bhisicchavīti** bhisitthavikā”ti likhitam. **Sabbevmeti** sabbameva. **Kulavam gamentīti** niratthakavināsam gamenti. Kucchito lavo kulavo, anayavināsoti vuttam hoti. Imāya kho pana “dhammavinayasaṅgītiyā”ti vattabbe visesena vinayassa sāsanaṃulabhāvadassanattham, tasmim ṭhite sakalasāsanaṭṭhisiddhidīpanatthañca “idam vo kappati, idam vo na kappati”ti vatthusmim āraddhattā, imissā ca pariyattiyā vinayapaṭakattā “**vinayasaṅgītiyā**”ti idha vuttam.

Pañcasatikakkhandhakavaṇṇanā niṭṭhitā.

12. Sattasatikakkhandhakavaṇṇanā

Dasavatthukathāvaṇṇanā

446. **Nikkhattamaṇisuvaṇṇā**ti sikkhāpadeneva paṭikkhattamaṇisuvaṇṇā. Tattha maṇiggahaṇena sabbaṃ dukkaṭavattthu, suvaṇṇaggahaṇena sabbaṃ pācittiyavattthu gahitaṃ hoti. **Bhikkhaggena** bhikkhugaṇanāyāti vuttaṃ hoti.

447. **Mahikā**ti himaṃ. **Posā**ti sattā. **Sarajā**ti sakilesarajā. **Magā**ti magasadisā. Tasmim̐ tasmim̐ visaye, bhave vā netīti netthi, taṇhāyetaṃ adhivacanaṃ, tāya saha vattantīti **sanettikā**.

450-2. **Ahogaṅ**goti pabbatassa nāmaṃ. **Anumānessāmā**ti paññāpessāma. **Āsutā**ti sajjitā, “asuttā”ti vā pāḥho, anāvilā apakkā taruṇā.

453. **Ujjavimsu** paṭisotena gacchimsu.

455. **Appeva nāmā**ti sādhu nāma. **Mūlā dāyakā** pesalakā. **“Kullakavihārenā**ti khuddakavihārenā”ti likhitaṃ. Rūpavatārattā **kullakavihāro** nāma. Kathaṃ panetaṃ paññāyati, yena sannidhikataṃ yāvajīvikaṃ yāvakālikena tadahupaṭiggahitena sambhinnarasam̐ tadahupaṭiggahitasaṅkhyam̐ āgantvā sannidhikatāmisasaṅkhyameva gacchatīti? Vuccate—“yāvakālikena bhikkhave yāvajīvikaṃ tadahupaṭiggahitaṃ”ti¹ vacanato purepaṭiggahitaṃ yāvajīvikaṃ tadahupaṭiggahitenāmisena ce sambhinnaṃ, purepaṭiggahitasaṅkhyameva gacchatīti siddham̐. Aññathā “sattāhakālikena bhikkhave yāvajīvikaṃ paṭiggahitaṃ sattāham̐ kappatī”ti¹ vuttaṭṭhāne viya idhāpi “yāvakālikena bhikkhave yāvajīvikaṃ paṭiggahitaṃ kāle kappatī”ti vadeyya, tañcāvuttaṃ. Tasmā purepaṭiggahitaṃ taṃ āmisasambhinnaṃ āmisagatikamevāti veditabbaṃ. **Gaṇṭhipade** pana “sannidhikāraṃ khādanīyam̐ vā bhojanīyam̐ vā”ti² vuttaṃ. Byañjanamattaṃ na gahetabbaṃ.

1. Vi 3. 349 piṭṭhe.

2. Vi 2. 116 piṭṭhe.

457. **Idhā**ti imasmim̐ pāṭhe. “Kāle kappati, vikāle na kappatī”¹ vuttavacanamattena ‘vikāle kappatī’^{ti} vikālabhojanapācittiyam̐ āvahan̐ hotīti attho, ‘**na kappatī**’^{ti} sannidhibhojanapācittiyam̐ āvahan̐ hotīti attho, yadi sambhinnarasam̐ ajjapaṭiggahitampi yāvajīvikanti attho”^{ti} likhitam̐. **Suttavibhaṅge**ti mātikāsāṅkhāte sutte ca tassa padabhājanīyasāṅkhāte vibhaṅge cāti attho. Idam̐ āgatameva. Kataranti? “**Atikkāmayato chedanakan**”^{ti} idam̐.

Tividatthipamāṇaṅce, adasam̐ tam̐ nisīdanam̐.

Nisīdanam̐ katham̐ hoti, sadasam̐ tañhi lakkhaṇam̐.

Tividatthipamāṇam̐ tam̐, dasā tattha vidatthi ce.

Tam̐nisīdananāmattā, tasmim̐ chedanakam̐ siyā.

Anisīdananāmamhi, katham̐ chedakakam̐ bhava.

Iti ce neva vattabbam̐, nisīdanavidatthito.

Kappate sadasāmattam̐, nisīdanamiti kāraṇam̐.

Katham̐ yujjati no cetam̐, nisīdanassa nāmakam̐.

Nisīdananti vuttattā, pamāṇasamatikkamā.

Tassānumatihetuttā, tattha chedanakam̐ bhava.

Jātarūpakappe—

Jātarūpaṃ paṭikkhittam̐, puggalasseva pāḷiyam̐.

Na saṃghassāti saṃghassa, tañce kappati sabbaso.

Vikālabhojanañcāpi, puggalasseva vāritam̐.

Na saṃghassāti saṃghassa, kappatīti katham̐ samam̐.

Sattasatikakkhandhakavaṇṇanā niṭṭhitā.

Cūlavaggavaṇṇanā niṭṭhitā.

Parivāraṇṇanā

Namo tassa Bhagavato Arahato sammāsambuddhassa.

Soḷasamahāvāraṇṇanā

Paññattivāraṇṇanā

1-2-3. Sālasamādhipaññāvimuttivimuttiñāṇadassanasāṅkhātassa **dhammakhandhasarīrassa** sāsāneti attho. Parivāroti saṅgahaṃ yo samāruḷho, **tassa** parivārassa. Vinayabhūtā paññatti **vinayapaññatti**. “Paññattikālaṃ jānatā”ti dukanayavasena vatvā puna suttantanayena vattum “**apica pubbenivāsādīhī**”ti vuttam. Tatha **passanaṃ** nāma dassanattā dibbacakkhunā yojitaṃ paṭivedhañāṇadassanaṃ. **Desanāpaññāya passatāti** āsayānusayādike. **Pucchāyāti** sattamī. **Punapi etthāti** pucchāvissajjane. **Micchādīṭṭhī**ti natthikadīṭṭhi antaggāhikadīṭṭhi. “Ājīvahetu paññattānī”ti vacanato imāni cha sikkhāpadāni ṭhapetvā sesā ācāravipatti nāmāti veditabbarā. **Kāyena pana āpattim āpajjati**ti ettha “pubbabhāge sevanacittamaṅgaṃ katvā kāyadvārasāṅkhātāṃ viññattim janayitvā pavattacittuppādasāṅkhātāṃ āpattim āpajjati, kiñcāpi cittaena samuṭṭhāpitā viññatti, tathāpi cittaena adhippetassa atthassa viññattiyā sādhitattā “kāyadvārena āpajjati”ti vuttan”ti imamatthaṃ sandhāya vuttam, na bhaṇḍanādittayavūpasamaṃ. **Āpāṇakoṭikanti** jīvitapariyantam katvā. **Porāṇakehi mahātherehī**ti sīhaḷadīpe mahātherehi potthakaṃ āropitakāle ṭhapitāti attho. “Catutthasaṅgītisadisā potthakāruḷhasaṅgīti ahoṣī”ti vuttam.

Mahāvibhaṅge paññattivāraṇṇanā niṭṭhitā.

Katāpattivārādivaṇṇanā

166. Katāpattivāre “saṃghikaṃ mañcaṃ vā”ti-ādi ajjhokāsattā vihārabbhantarepi āpajjanato leḍḍupātātikkamavasena vuttaṃ. Dutiye **seyyam̐ santharivā**ti abbhantare santharitabhāvato vihārato bahigamanepi taṃdivasānāgame āpajjanato “parikkhepaṃ atikkāmeti”ti vuttaṃ.

171. **Sañcicca pāṇaṃ jīvitaṃ voropento catasso āpattiyoti** ettha kiñcāpi tasmim̐ sikkhāpade tiracchānagatapāṇova adhippeto, atha kho pāṇoti vohārasāmaññato atthuddhārasena “catasso”ti vuttaṃ. Esa nayo aññesupi evarūpesu ṭhānesu.

173. Vikāle gāmapavesane “paṭhamāṃ pādāṃ parikkhepaṃ atikkāmeti, āpatti dukkaṭassā”ti vuttattā upacāre nāpajjati, parikkhepaṃ atikkamitvāva āpajjatīti siddhamevā”ti vadanti.

193. Paccayavāre purimavārato viseso atthiyeva, “methunaṃ dhammaṃ paṭisevanto kati āpattiyo āpajjatī”ti vutte jatumaṭṭhakassokāso na jāto, idha pana “methunaṃ dhammaṃ paṭisevanapaccayā”ti vutte puggalaniddesābhāvā jatumaṭṭhakañca pavitṭhaṃ, evaṃ viseso atthi. Tathā evarūpesu ṭhānesu.

Mahāvibhaṅge ca bhikkhunivibhaṅge ca

Soḷasamahāvāraṇṇanā niṭṭhitā.

Samuṭṭhānasīsavaṇṇanā

257. **Anattā**ti attavirahitā “alavaṇabhojanan”ti-ādīsu viya. Karuṇāsītalabhāvena candasadiso. Kilesatimirappahānato **ādicco**. Yasmā te desayanti, tasmā **aṅgīrasopi**. **Piṭake tīṇi desayi** tesam aññatarattāti attho. Vinayo yadi tiṭṭhati, evaṃ paṭipattisaddhammādi **nīyati** pavattatīti attho. Ayam pana katham tiṭṭhatīti? Āha “**ubhato cā**”ti-ādī. Parivārena ganthitā tiṭṭhantīti attho. Tasseva parivārassa sutte. Niyatasamuṭṭhānaṃ kataṃ, vuttanti adhippāyo. **Asambhinnasamuṭṭhānāni** asaṅkarasamuṭṭhānāni, aññehi asadisasamuṭṭhānānīti attho. Yasmā parivāre sati vinayo tiṭṭhati, vinaye sati saddhammo tiṭṭhati, yasmā samuṭṭhānāni¹ ca sutte dissanti, tasmā sikkheti attho. “**Dhammakāmo supesalo**”ti parivāre gāravajananattham vuttam. **Tatthā**ti “dissanti”ti tattha. “**Ekena samuṭṭhānena samuṭṭhātī**ti paṭhamapārājikam ekena samuṭṭhānena samuṭṭhātī”ti vuttam. **Pāḷiyañhi** niddiṭṭhasamuṭṭhānaṃca dissati. “Tasseva parivārassa, samuṭṭhānaṃ niyato katan”ti vuttam purimanayeti attho. **Yathāññāyanti** yathābhūtam. “Sañcarittābhāsanañcā”ti pāṭho. “Sañcarittānubhāsanañcā”tipi atthi. **Nayavajjehi** vinayavajjehīti attho.

Paṭhamapārājikasamuṭṭhānavāṇṇanā

258. **Nānubandhe pavattininti** “yā pana bhikkhunī vutthāpitaṃ pavattinim dve vassāni nānubandheyyā”ti vuttasikkhāpadañca. Ayam pāṭho ekaccesu potthakesu na dissati. **Chasattati** paṭhamapārājikasamuṭṭhānā.

Dutiyapārājikasamuṭṭhānavāṇṇanā

259. “**Kukkuccam cīvaraṃ datvā**ti kukkuccuppādanañca dhammikānaṃ kammānaṃ chandaṃ datvā khīyanañca cīvaraṃ datvā khīyanañcā”ti pāṭho. “**Datvā**”ti uppaṭipāṭiyā vuttam, tasmā “kukkuccam dhammikam datvāti pāṭho sundaro”ti vadanti, vicāretvā gahetabban.

269. **Akatanti** abhinavam.

Antarapeyyāla

Katipucchāvāraṇṇanā

271. **Paṭiniddesanti** punappunam niddisanam. Āpattikkhandhehi **vinītāni** samvarānīti attho. **Etehi** āpattikkhandhehi. “**Ārakā**”ti nivatti-atthena vuttattā tam puna sarūpena vatthukāmo “**bhusā vā**”ti āha. “Geham dhūmena puṇṇam ādhūmitan”ti-ādīsu viya rāgādiveram maṇati vināseti. **Etāyāti viratiyā**. Vela calane. **Niyyānam** maggam sinoti bandhatīti setu. “**Setughātoti** vīttikamapaṭipakkhabhūtā virati, tadatthanibbattikaracittuppādo vā”ti vuttam. “**Dhammassavanagganti** dhammam suṇantānam samūhan”ti likhitam. Sace na gacchati, vikkhitto vā nisīdati. **Kāyappāgabbhiyam** kāyaduccaritam. “Pamāde”ti vatvā tadattham dassetum “**sativippavāse**”ti vuttam.

272-3-4. **Saparasantāne vāti** sasantāne vā parasantāne vā. **Tathā vivadantā panāti** bhedakaravatthūni nissāya vivadantā. **Ubhayehipīti** theranavehi. **Nanti** mettam kāyakammaṃ. Yesam puggalānam piyam karoti, tesam **mettākāyakammasaṅkhāto dhammo**. **Ettakanti** āmisavibhattidassanam. **Asukassa cāti** puggalavibhattidassanam. “Dussīlassa adātumpi vaṭṭatī”ti vuttattā eva alajjiparibhogo vārito. **Sabbesam dātabbamevāti** sannitṭhānena ajānantena vibhāgam akatvā dātabbabhāvam dīpetīti eke. “Sabbesam dātabbamevā”ti vuttam **aṭṭhakathāsu**. Tattha “alajji-ukkhittakānam paribhogasīsenā sahatthā na dātabbam, dāpetabbanti apare”ti vuttam. Vicinitvā dānam **viceyya dānam**¹. Yasmā ayam viseso kātabboyevāti ayam karoti, tasmā puggalavibhāgo na katoti sambandho. Pakativāṇṇena **visabhāgavaṇṇena**. “Idam nāma āpanno”ti parehi aparāmasitabbato **aparāmaṭṭhāni**. Anulomehi gahitasāṅkhārārammaṇehi nibbānārammaṇam katvā **niyyāti**.

Cha-āpattisamuṭṭhānavārādivaṇṇanā

276. “**Paṭhamena āpattisamuṭṭhānena dubbhāsitam āpajjeyyāti na hīti vattabban**”ti vuttam vācācittavasenevāpajjitabbato.

1. Dātum (Ṭṭha)

277. **Kuṭṭim karotīti** ettha sañcarittamavatvā dukkaṭathullaccayasamghādisesānaṃ ekasmim vatthusmim paṭipāṭiyā uppattidassanattamidaṃ vuttaṃ. Na hi sañcaritte eva āpajjati. “Iminā pana nayena sabbattha paṭipāṭiyā aggahaṇe kāraṇaṃ veditabban”ti vuttaṃ.

283. **Vivekadassināti** tadaṅgavivekādipañcavidhavivekadassinā.

284. **Attano duṭṭhullanti** samghādisesaṃ.

288. **Vivādādhikaraṇapaccayāti** aññehi, attanā vā pubbabhāge āpannapaccayāti attho. **Omasatīti** “ayaṃ dhammo, ayaṃ vinayo”ti vivadanto “tvaṃ kiṃ jānāsī”ti-ādinā omasati. **Tīhi samathehi** sammukhāvinayaapaṭiññātakaraṇaṭiṇavattārakehi. “Sammukhāvinayañcetta sabbattha icchitabbato ‘sammukhāvinayena ceva paṭiññātakaraṇena cā’ti-ādinā dvīhipi yojitaṃ. Esa nayo sabbatthā”ti vuttaṃ.

291. **Ṭhapetvā satta āpattiyoti** ettha “kiñcāpi avasesā natthi, tathāpi paṭipāṭiyā pāṭavajananattham pucchā katā”ti vuttaṃ.

Antarapeyyālaṃ niṭṭhitaṃ.

Samathabhedavaṇṇanā

Adhikaraṇapariyāyavārādivaṇṇanā

293-4. Lobhakāraṇā vivādanato “lobho pubbaṅgamo”ti vuttaṃ. Evaṃ sesesu. **Ṭhānānī**ti-ādīni kāraṇavevacanāni. Kāraṇāñhi tiṭṭhanti etthāti **ṭhānaṃ**, vasanti etthāti **vatthu**, bhavanti etthāti **bhūmī**ti vuccati. Ke tiṭṭhanti vasanti bhavanti cāti? Vivādādhikaraṇādayo. Kusalākusalābyākatacitto hutvā vivādanato “nava hetū”ti vuttaṃ. Kodhano hoti upanāhīti-ādīni **dvādasa mūlāni**. Akkosantena hi catūsu vipattīsu ekena anuvādanato “catasso vipattiyo **ṭhānānī**”ti vuttaṃ. **Cuddasa mūlānī**ti vivādādhikaraṇe vuttā dvādasa, kāyo, vācā ca.

295-6. **Satta āpattikkhandhā ṭhānānī**ti ettha “āpattiṃ āpajjitvā paṭicchādentassa yā āpatti hoti, tassā āpattiyā pubbe āpannā āpatti ṭhānaṃ hoti”ti vuttaṃ. “Natthi āpattādhikaraṇaṃ kusalan’ti vacanato natthi āpattādhikaraṇassa kusalahetu, kusalacittaṃ pana aṅgaṃ hoti”ti likhitaṃ. **Cattāri kammāni ṭhānānī**ti ettha “evaṃ kattabban’ti ṭhitapāḷi **kammaṃ** nāma. ‘Yathāṭhitapāḷivasena karontānaṃ kiriyā **kiccādhikaraṇaṃ** nāmā”ti vuttaṃ, “pāḷi-anusārena paṭikātabbalakkhaṇaṃ vā **kammaṃ**. Tatheva karaṇaṃ **kiccādhikaraṇaṃ**”ti ca. Ñattiñattidutiyañatticatutthakammāni **ñattito** jāyanti, apalokanakammaṃ **apalokanato**, “kiccādhikaraṇaṃ ekena samathena sammati sampajjatīti attho”ti likhitaṃ. **Siyunti** honti. **Kathaṅca siyā**ti kathaṃ hoti. **Vivādādhikaraṇassa** dveti te dve ṭhapetvā aññehi na sammati.

297. **Sādhāraṇā**ti taṃ sametabbā.

298. **Tabbhāgiyā**ti taṃkoṭṭhāsā.

299. Ekādhikaraṇaṃ sabbe samathā samaggā hutvā sametuṃ bhabbāti pucchanto “**samathā samathassa sādhāraṇā**”ti āha. Samathā samathassā siyā sādhāraṇā siyā asādhāraṇā.

300. Samathā samathassa tabbhāgiyavārepi eseva nayo.

301. Ime samathā samathā, na sammukhāvinayoti attho.

302. “Samathā vinayo”tipi vuccati, tasmā vinayo sammukhāvinayoti vinayavāro uddhaṭo siyā. **Na sammukhāvinayoti** sammukhāvinayaṃ ṭhapetvā sativinayādayo sesasamathā.

303. Saṃghassa sammukhā paṭiññāte taṃ paṭijānanam saṃghassa sammukhatā nāma hotīti “tassa paṭijānanacittam sandhāya ‘**sammukhāvinayo kusalo**’ti-ādi vuttan”ti vadanti. **Natthi sammukhāvinayo akusaloti** dhammavinayapuggalasammukhatāhi tivaṅgiko sammukhāvinayo etehi vinā natthi. Tattha kusalacittehi karaṇakāle kusalo, arahantānam karaṇakāle abyākato, etesaṃ akusalapaṭipakkhattā akusalassa sambhavo natthi, tasmā ‘natthi sammukhāvinayo akusaloti vuttan’ti likhitam. “**Yebhuyyasikā** adhammavādīhi vūpasamanakāle salākaggāhāpake dhammavādimhi kusalā, dhammavādīnampi adhammavādimhi salākaggāhāpake jāte akusalā, sabbattha arahato vaseneva abyākatatā, anarahato sañicca sativinayadāne **sativinayo** akusaloti, **amūlḥavinayo** anumattakassa dāne, **paṭiññātakarāṇam** mūlḥassa ajānanato paṭiññāyakaṇe, **tassapāpiyasikā** suddhassa karaṇe, **tiṇavatthārakam** mahākalahe, sañicca karaṇe ca akusalanti”ti likhitam.

Yatthavāra, pucchāvāraṇṇanā

304. **Labbhatīti** pucchā.

Samathavāra, vissajjanāvāraṇṇanā

305. **Yasmiṃ samaye sammukhāvinayena cāti-ādi tassā** vissajjanam. Yasmiṃ samaye sammukhāvinayena ca yebhuyyasikāya ca adhikarāṇam vūpasammati, tasmīṃ samaye yattha yebhuyyasikā labbhati, tattha sammukhāvinayo labbhati evaṃ sabbattha sambandho. **Yattha paṭiññātakarāṇam labbhati, tattha sammukhāvinayo labbhati** ettha ekaṃ vā dve vā bahū vā āpattiyo

āpanno bhikkhu “imaṃ nāma āpattiṃ āpannosī”ti pucchito “āmā”ti āpattiṃ paṭijānāti, dvepi labbhanti. Tattha saṃghasammukhatā dhamma vinaya puggalasammukhatāti evaṃ vuttasammukhāvinaye saṃghassa purato paṭiññātaṃ kataṃ ce, saṃghasammukhatā. Tattheva desitaṃ ce, dhammavinayasammukhatāyopi laddhā honti. Avivadantā aññamaññaṃ paṭijānanti ce, puggalasammukhatā. Tasseva santike desitaṃ ce, dhammavinayasammukhatāyopi laddhā honti. Ekasseva vā ekassa santike āpattidesanakāle “passasi, passāmī”ti vutte tattha dhammavinayapuggalasammukhatāsaññito sammukhāvinayo ca paṭiññātakarāṇaṃca laddhaṃ hoti.

Saṃsaṭṭhavārādivaṇṇanā

306. Adhikaraṇānaṃ vūpasamova samatho nāma, so adhikaraṇaṃ vinā natthi, tasmā na ca labbhā vinibhujjitvā nānākaraṇaṃ kātuṃ.

309-10. **Samathā samathehi sammantīti** ettha **sammantīti** sampajjanti. Adhikaraṇā vā pana sammanti vūpasammantīti attho, tasmā “yebhuysasikā sammukhāvinayena sammatī”ti imāya sammukhāvinayena saddhiṃ sampajjati, na sativinayādihi tesāṃ tassā anupakārattāti attho. **Samathā adhikaraṇehi sammantīti** ettha samathā abhāvaṃ gacchantīti attho.

311. “Sammukhāvinayo vivādādhikaraṇena na sammatī”ti pāṭho. Yebhuysasikāya samānabhāvato ca avasāne “sammukhāvinayo na kenaci sammatī”ti¹ vuttattā ca sammukhāvinayo sayāṃ samathena vā adhikaraṇena vā sametabbo na hotīti katvā vutto. Sativinayo kiccādhikaraṇena sammati. Amūḷhavinayatassapāpiyasikaṭiṇavatthārakāpi kiccādhikaraṇena sammanti.

313. **Vivādādhikaraṇaṃ kiccādhikaraṇena sammatīti** “suṇātu me bhante -pa- paṭhamaṃ salākaṃ nikkhipāmī”ti evaṃ vivādādhikaraṇaṃ kiccādhikaraṇena sammati. Anuvādādhikaraṇa-āpattādhikaraṇāpi kiccādhikaraṇena sammanti. “Akataṃ kammaṃ dukkaṭaṃ kamman’ti evaṃ kiccādhikaraṇampi kiccādhikaraṇena

sammatīti evaṃ pāṭho vedītabbo”ti likhitam. Aññatarasmim̐ pana **gaṇṭhipade** “samathā adhikaraṇehi sammantī”ti ettha yasmā sabbe samathā kiccādhikaraṇena sammanti, tasmā ‘samathā kiccādhikaraṇena sammantī’ti pāṭho gahetabbo”ti vuttam.

314. **Vivādādhikaraṇam̐ katamam̐ adhikaraṇam̐ samuṭṭhāpetī** “nāyam̐ dhammo”ti vuttamattena kiñci adhikaraṇam̐ na samuṭṭhāpeti.

318-9. “Katamādhikaraṇapariyāpannan”ti pāṭho. **Vivādādhikaraṇam̐ vivādādhikaraṇam̐ bhajatī**ti paṭhamuppannavivādam̐ pacchā uppanno bhajati. **Vivādādhikaraṇam̐ dve samathe bhajatī**ti “imam̐ vūpasametum̐ samatthā tumhe”ti vadantam̐ viya bhajati “mayam̐ tam̐ vūpasamesamā”ti vadantehi viya dvīhi samathehi saṅgahitam.

Samathabhedavaṇṇanā niṭṭhitā.

Khandhakapucchāvāraṇṇanā

Pucchāvissajjanāvaṇṇanā

320. **Nidānam̐** nāma kālaṅca nagaṅca deso ca bhagavā ca. Vatthupuggalādi **niddeso**. Yāni **tattha** upasampadakkhandhake “na bhikkhave ūnavīsativasso puggalo upasampādetabbo”ti-ādinā nayena uttamāni padāni vuttānīti sambandho. **Sā sā tassa tassa padassa āpattīti vuccatīti** yā “na bhikkhave ūnavīsativasso puggalo upasampādetabbo”ti padena paññattā āpatti, sā tassa padassāti adhippāyo. **Cammasaṃyutteti** cammakhandhake.

Ekuttarikanayavaṇṇanā

Ekakavāraṇṇanā

321. Ekuttarikanaye āpatti jānitabbāti ettha āpatti nāma kim paramatthasabhāvā, udāhu na vattabbasabhāvāti? Na vattabbasabhāvā. Vuttañhi parivāre “vatthu jānitabbaṃ, gottaṃ jānitabbaṃ, nāmaṃ jānitabbaṃ, āpatti jānitabbā”ti etesaṃ padānaṃ vibhaṅge “methunadhammoti vatthu ca gottañca. Pārājikanti nāmañceva āpatti cā”ti. Nāmañca gottañca “nāmagottaṃ na jīratī”ti¹ vacanato sammutimattaṃ, tasmā “kusalattikavinimuttā na vattabbadhammabhūtā ekaccā sammuti evā”ti vuttaṃ. Yaṃ pana vuttaṃ samathakkhandhake “āpattādhikaraṇaṃ siyā akusalaṃ, siyā abyākatan”ti², taṃ “vivādādhikaraṇaṃ siyā kusalaṃ, siyā akusalaṃ, siyā abyākatan”ti³ ettha viya pariyāyato vuttaṃ. Atthato hi vivādo nāma ekacco sammutiviseso. Yo cittasamaṅgino, so “taṃ cittapariyāyena pana siyā kusalan”ti-ādi vohāraladdho, tathā āpattādhikaraṇampīti daṭṭhabbaṃ. Teneva vuttaṃ aṭṭhakathāyaṃ “āpattim āpajjamāno hi akusalacitto vā āpajjati kusalābyākatacitto vā”ti⁴. Aññathā samathehi adhikaraṇīyatā na sambhavati. Na hi samathā kusalādiṃ akusalādiṃ vā adhikicca pavattanti, samathavasena vā kusalādi sammati. Na ca kusalassa vivādassa, anuvādassa vā kusalādisamathehi vūpasametabbatā āpajjatīti tesam adhikaraṇamattameva na sambhaveyya, tasmā adhikaraṇānaṃ, samathānañca kusalādiḥhāvo pariyāyadesanāya labbhati, no aññathā, teneva sammukhāvinaye viya āpattādhikaraṇe tikaṃ na pūritaṃ. Sañcicca āpattim āpajjamānassa yasmā sañcetanā ekantato akusalāva hoti. Itarassa sacittakassa vā acittakassa vā tadābhāvamattaṃ upādāya “abyākatan”ti vuttaṃ. Yathā hi “tikkhattum codayamāno taṃ cīvaraṃ abhinipphādeyya, iccetaṃ kusalan”ti-ādīsu⁵ na kusalasaddo sukhavipāko, “samparāyikānaṃ akusalānaṃ dhammānaṃ paṭighātāyā”ti-ādīsu⁶ na akusalā vā hoti. Itarassa

1. Saṃ 1. 40 piṭṭhe.

2. Vi 4. 217 piṭṭhe.

3. Vi 4. 216 piṭṭhe.

4. Kaṅkhā-Ṭṭha 112 piṭṭhe.

5. Vi 1. 325 piṭṭhe.

6. Vi 5. 385 piṭṭhe.

sacittakassa vā acittakassa vā tadābhāvamattaṃ upādāya “abyākatan”ti vuttaṃ. Yathā hi dvikkhattuṃ codayamāno taṃ cīvaraṃ abhinipphādeyya, yaṃ panettha “āpattādhikaraṇaṃ akusalan”ti vuttaṃ, tassa vasena tadakusalato satta vinītavatthūni veditabbāni, tato cīvaranti sambhavato acīvarakā, antarāpattikā ca. Anantarikalakkhaṇappattassa vasena niyatā ca nāmāti veditabbaṃ. Sammutiniddese garukalahukaniddesopi sambhavati. Aññathā “anantarāyikā paṇṇattivajjā, anavajjāpaṇṇatti”ti ca vuttā. Kuṭikāramahallakāpatti antarāyikā lokavajjasāvajjapaṇṇattito. Sampajānamusāvādo omasavādādito garukādi na sambhaveyya, tato vā ayaṃ lahukādīti idaṃ sabbaṃ ekaccānaṃ ācariyānaṃ mataṃ, “sabbaṃ ayuttan”ti vadanti. Kasmā? Yasmā “pārājikanti nāmañceva āpatticā”ti vacanena ce āpatti na vattabbadhammo siyā, vatthu ca na vattabbadhammo siyā gottena samānādhikaraṇabhāvena vuttattā, tasmā “methunadhammo”ti padaṃ ajjhācārasaṅkhātāṃ vatthuñca dīpeti. Ajjhocārasaseneva āpattiyā laddhanāmaṃ asādhāraṇanāmattā “gottan”ti ca vuccatīti ayaṃ tattha attho.

“Āpattādhikaraṇassa kiṃ pubbaṅgamanti? Lobho pubbaṅgamo, doso, moho, alobho, adoso, amoho pubbaṅgamo”ti “kati hetūti? Cha hetū tayo akusalahetū, tayo abyākatahetū”ti ca vuttattā nippariyāyeneva “āpattādhikaraṇaṃ siyā akusalaṃ, siyā abyākatan”ti vuttaṃ.

Samathakkhandhake¹ pana sandhāyabhāsitasena tathā eva vuttaṃ. Tasmā āpattādhikaraṇaṃ sabhāvato nippariyāyeneva akusalā cattāro khandhā, rūpa-abyākatā ca honti. “Natthi āpattādhikaraṇaṃ kusalan”ti¹ vuttattā kusalameva paṭikkhittā, khīṇāsavānaṃ kiriyābyākatāṃ nāma hotīti kusale paṭikkhittite kiriyābyākatampi paṭikkhittameva hoti. Tasmim paṭikkhittite sabbatthā avāvaṇaṃ vipākābyākatāṃ paṭikkhittameva hoti. Nibbānābyākate vattabbameva natthīti eke, taṃ ayuttaṃ “cha hetuyo”ti vuttattā. Kiñcāpi vuttaṃ sāmāññena, tathāpi vipākahetuyeva tattha adhippeto, na kiriyāhetu, te hi kusalasabhāvā ca, tasmā rūpaṃ, vipākābyākatāñcāpatti. Tattha akusalāpattito vinītavatthūni. Itarassāpi ādito chādanā kusalacittattoti

1. Vi 4. 217 piṭṭhe.

vuttaṃ hoti. Antarāyikaniyatasāvajjapaññattibhāvopi cassā vevacanasena veditabbo paṇṇattivajjāya, sañcicca āpannāya ca, tasmā “jīvitindriyaṃ siyā sārammaṇaṃ siyā anārammaṇaṃ”ti vacanaṃ viya ekantākusalaṃ anekantākusalañca lokavajjaṃ, ekantābyākataṃ bhūtārocanaṃ anekantābyākatañca sesaṃ paṇṇattivajjaṃ ekato sampiṇḍetvā “āpattādhikaraṇaṃ siyā akusalaṃ siyābyākataṃ”ti vuttaṃ.

Samathakkhandhake pana paṇṇattivajjameva sandhāya tathā vuttaṃ. Vuttañhetam **aṭṭhakathāyaṃ, gaṇṭhipade ca**¹ “āpattādhikaraṇaṃ siyā akusalaṃ, siyā abyākataṃ, natthi āpattādhikaraṇaṃ kusalaṃ”ti ettha sandhāyabhāsitasena attho veditabbo. Yasmiṃ hi pathavikhaṇaṇādike āpattādhikaraṇe apakataññuno sandhāya appaharitarakaṇādikāle kusalacittaṃ aṅgaṃ hoti, khaṇaṇādipayogasaṅkhātaṃ rūpābyākataṃ āpattisamuṭṭhāpentaṃ hotīti adhippāyo”ti. Yaṃ sandhāya vuttaṃ **“atthāpatti kusalacitto āpajjati, kusalacitto vuṭṭhāti”**ti-ādi. Tasmiñhi sati na sakkā vatthuṃ “natthi āpattādhikaraṇaṃ kusalaṃ”ti. Yasmā āpattisamuṭṭhāpakaṃ cittaṃ sandhāya vuttaṃ na hoti², tasmā na yidaṃ aṅgappahonakacittaṃ sandhāya vuttaṃ. Yadi taṃ sandhāya vuttaṃ, “siyā kusalaṃ”ti ca vattabbaṃ bhaveyya, na ca vuttaṃ. Tasmā idaṃ pana sandhāya vuttaṃ—yaṃ tāva āpattādhikaraṇaṃ lokavajjaṃ, taṃ ekantato akusalameva, tattha “siyā akusalaṃ”ti vikappo natthi. Yaṃ pana paṇṇattivajjaṃ, taṃ yasmā sañcicca “imaṃ āpattiṃ vītikkamāmī”ti vītikkamantasseva akusalaṃ hoti, asañcicca pana kiñci ajānantassa sahaseyyādivasena āpajjato rūpavipākaṃ abyākataṃ hoti anuṭṭhānato. Tasmā tassa paṇṇattivajjassa³ sañciccāsañciccavasena imaṃ vikappabhāvaṃ sandhāya idaṃ vuttaṃ “āpattādhikaraṇaṃ siyā akusalaṃ, siyā abyākataṃ, natthi āpattādhikaraṇaṃ kusalaṃ”ti.

Sace pana koci vinaye apakataññū “yaṃ kusalacitto āpajjati, idaṃ vuccati āpattādhikaraṇaṃ kusalaṃ”ti vadeyya, tassevaṃvādino acittakānaṃ eḷakalomādisamuṭṭhānānampi kusalacittasamaṅgikāle tāsāṃ āpattīnaṃ kusalacitto āpajjeyya, na vā⁴

1. Aṭṭhakathāya gaṇṭhipade ca (?)

2. Vuttaṃ hoti (Ka)

3. Tasmā tattha (Ṭṭha)

4. Na ca (?)

āpajjati. Kiṃ kāraṇaṃ?¹ Na ca tattha vijjamānampi kusalacittaṃ āpattiyā aṅgaṃ. Attabhāvo sabhāvo pakatīti vuttaṃ hoti. Kataraṃ pana tassā āpattiyā tadā aṅgasabhāvoti? Vuccate—kāyavacīviññattivaseṇa pana calitassa kāyassa, pavattāya vācāya cāti etesaṃ dvinnaṃ calitappavattānaṃ kāyavācānaṃ aññatameva aṅgasabhāvo, tañca rūpakkhandhapariyāpannattā abyākatanti. Kiṃ vuttaṃ hoti? Kāyo, vācā ca tadā āpattādhikaraṇanti vuttaṃ hoti. Yā panettha akusalāpattikkhaṇe kāyavācāyo abyākatabhāvo, tā² abbohārikā honti kāyavacīkammakāle manokammaṃ viya. Tadā hi kāyavācāyo āpattikarādiṭṭhāne tiṭṭhanti. Yaṃ sandhāya vuttaṃ “āpattikarā dhammā jānitabbā. Kati mūlānīti cha āpattisamuṭṭhānāni mūlānī”ti-ādi. Yadā pana kāyavācāyo āpattiyā aṅgameva honti, tadā “cittaṃ cittādhipeyyan”ti³ vacanaṃ viya pubbapayogānaṃ aparapayogassa paccayabhāvato āpattikarādipaññattiṃ na vijahanti. Yathā tabbhāvepi “āpattādhikaraṇassa kati vatthūnīti? Satta āpattikkhandhā vatthūni. Kati bhūmiyoti? Satta āpattikkhandhā bhūmiyo”ti vuttaṃ. Tathā tabbhāvepi āpattikarā “āpattisamuṭṭhānā”ti icceva vuccantīti veditabbā. Ettāvatā āpatti nāma cattāro akusalakkhandhā sañcicca vītikkamakāle bhūtārocanaṃ ṭhapetvā sabbāpi avisesato, visesato pana sabbāpi ekantākusalā akusalā, anekantākusalā pana giraggasamajjaccittāgārasaṅghāni-itthālaṅkāra gandhavaṇṇakavāsītipiññākappabhedā, bhikkhuni-ādīnaṃ ummaddanaparimaddanappabhedā cāti dasappabhedā sakanāmehi paricchinditvā vatthujānanasacittakakāle eva akusalā, tadabhāvato acittakakāle vinā anāpattādhikaraṇena kammaṭṭhānādisīseṇa kusalacittena taṃ taṃ vatthum vītikkamantassa āpatti kevalaṃ rūpa-abyākatameva.

Keci panettha “appakāse ṭhāne kaṭisuttakasaññāya saṅghāṇiṃ, mattikāsaññāya gandhavaṇṇakādiṃ vā dhārentiyāpi āpatti, tasmā acittakāyevā”ti vaṇṇayanti. Te “saṅghāṇiyā asaṅghāṇisaññāya dhāreti, āpatti pācittiyassā”ti pāṭhābhāvaṃ dassetvā paṭikkhipitabbā. Surāpānāpatti pana acittakāpi ekantākusalāva.

1. Āpajjatīti kāraṇaṃ (Ka)

2. Tasmīṃ sati (Ka)

3. Abhi-Ṭṭha 1. 106 piṭṭhe.

Teneva “majje amajjasaññī pivati, āpatti pācittiyassā”¹ti vuttam. Yasmā panettha ābādhapaccayāpi na sakkā vinā akusalena surāpānam pāturū, tasmā yathāvuttesu anekantākusalesu viya lokavajjesu idha “surāpānesu anāpatti ābādhapaccayā”ti na vuttam. Sūpasamṇpākādi pana amajjameva. Tattha kukkuccavinodanattam “anāpatti”ti vuttam udakadantapoṇe viya. Bhūtārocanāpatti rūpābyākatameva, acittakakāle sahaseyyādi rūpavipākābyākatameva, tattha supinanto vijjamānampi akusalam anaṅgattā abbohārikam hoti. Kusale kathāva natthi anāpatti sabhāvattā kusalassa. Tathā kiriyāti iminā nayena sabbattha yathāsambhavam akusalam vā suddharūpam vā savipākam vāti tidhā bhijjatīti ayamatto dassito hoti.

Tattha ṭhapetvā surāpānam ekaccañca paṇṇattivajjam, ekantākusalañca sacittakameva, bhūtārocanam acittakameva, sesam saha surāpānena anekantākusalam lokavajjañca anekantābyākatam paṇṇattivajjañca yebhuyenasacittakācittakanti sabbasikkhāpadam tippabhedam hoti. Yam panettha sacittakameva, tam methunādivatthujānanacitteneva sacittakam, sabbam sekhiyam paṇṇattijānanacitteneva sacittakam “anādariyam paṭicca”ti vacanatoti sacittakam duvidham hoti. Ekantācittakam paṇṇattijānanacittābhāvena, na vatthujānanacittābhāvena. Tadabhāvato ekantākusalam surāpānam, ekantābyākatam sañcarittam, vatthujānanacittassa vā paṇṇattijānanacittassa vā ubhinnam abhāvena acittakabhāvena acittakam hoti. Surāpānam pana sacittakam hoti vatthujānanacitteneva. Ariyapuggalānam itaresam ubhinnam vā aññatarassa bhāvena sesam cittakācittakam. Visesto ca vatthujānanacittābhāvena, apakataññuno paṇṇattijānanacittābhāvena vā acittakabhāvena acittakam hoti. Tattha ekantācittakañca sacittakañca “acittakam”icceva vuccati. Ayam tāva “**āpatti jānitabbā**”ti ettha vinicchayo.

Mūlavissuddhiyā antarāpattīti antarāpattim āpajjitvā mūlayapaṭikassanam katvā ṭhitena āpannāpatti. Ayam **agghavissuddhiyā**

1. Vi 2. 146 piṭṭhe.

antarāpattīti sambahulā āpattiyo āpajjitvā tāsu sabbacirapaṭicchannavasena agghasamodhānaṃ gahetvā vasantena āpannāpatti. “Punapi āpajjissāmī”ti **sa-ussāheneva cittaena**. “Ayaṃ bhikkhuniyā evā”ti likhitam.
“Pārājikamevā”ti idaṅca bhūtavasena dassetuṃ vuttam. “Evaṃ desite pana yā kāci āpatti na vuṭṭhātīti apare, taṃ na gahetabban”ti vuttam.
 “Dhammikassa paṭissavassa asaccāpane”ti vuttattā adhammikapaṭissave dukkaṭam na hoti. “Pubbe suddhacittassa ‘tumhe vibbhamathā’ti vutte ‘sādhū’ti paṭissuṇitvā sace na vibbhamati anāpatti, evaṃ sabbatthā”ti ca vuttam. “Āvikaro jānitabbo”tipi **pāḷi**. Kālena vakkhāmi, no akālenā”ti-ādīsu **pañcadasasu dhammesu**. **Bhabbāpattikā** nāma āpattiṃ āpajjituṃ bhabbā.

Dukavāraṇṇanā

322. **Nidahane** ātape. “Ekarattampi ce bhikkhu ticīvarena vippavaseyya¹. Chārattaparamaṃ tenā”ti-ādinā² vuttāpattiko **gaṇapūra**ko **hutvāpi kammaṃ kopeti** nānāsamvāsakattā. **Kammaena vā salākaggāhena vāti ettha uddeso ceva kammaṅca ekanti** ettha pātimokkhuddesoti vā kammanti vā atthato ekameva, tesu yaṃ kiñci kate saṅghabhedo hotīti attho. **Pubbabhāgā**ti saṅghabhedato pubbabhāgā. **“Pamāṇan”**ti imesaṃ dvinnaṃ aññatarena bhedo hoti, na itarehīti vuttam. Vinaye siddhā **vinayasiddhā**, romajanapade jātaṃ **romakaṃ**, anuññātaloṇattā dukesu vuttāti.

Tikavāraṇṇanā

323. **Vo** tumhehi na samudācaritabbaṃ. **Vacīsampayuttaṃ kāyakiriyaṃ katvāti** kāyena nipaccakāraṃ katvāti attho. **Upaghātetī** vināseti. **Omadditvāti** abhibhavitvā. **Vadatoti** vadantassa. “Bālassa nissayo dātabbo”ti duke āgataṃ, idha pana **“na dātabbo”**ti vuttam, āpattibāhullaṃ sandhāya nādātabbaṃ, “imasmā vihārā paraṃ mā nikkhamāhi, vinayadharānaṃ vā santikaṃ āgaccha vinicchayaṃ dātun”ti vutte tassa vacanaṃ na gahetabbanti attho. **Tikabhojanaṃ** nāma sace tayo hutvā bhuñjanti,

1. Vi 1. 297 piṭṭhe.

2. Vi 1. 377 piṭṭhe.

gaṇabhojanena anāpatti, idaṃ sandhāya tikam. **“Pasutto”**ti bāhullato vuttam. Atha vā nipajjitvāti attho. “Idaṃ ṭhapetvā gacchāmi, tāvakālikam bhante dethā”ti vutte ‘navakammādi-attham vinā dātum na vaṭṭatī”ti likhitam. Vikappetvā ṭhapatam vassikasāṭikam pacchime pāṭipadadivase nivāsento dukkaṭam āpajjatīti attho. **Apaccuddharitvāti** paccuddharaṇam akatvāti attho. “Vikappetun”ti vacanato avikappanapaccayā āpatti hemante āpajjati, vikappanā pana kattikapuṇṇamadivase kātabbāti dassanattam vuttanti nātabbam. Ayaṃ nayo avikappanam sandhāya, purimo vikappitaparibhogapaccayāpattim sandhāya. **Vatthapaṭicchādi sabbakappiyatāyāti** vatthapaṭicchādi sabbattha kappiyattāti attho. Keci imamattham asallakkhetvā “vatthapaṭicchādi sabbakappiyatā tāya paṭicchannenā”ti likhanti. “Vatthameva paṭicchādi vatthapaṭicchādī”ti viggahattā “tāyā”ti na yujjati. “Tenā”ti bhavitabbattāti idaṃ sabbam aññatarasmim **gaṇṭhipade** likhitam, vicāretvā gahetabbam.

Catukkavāraṇṇanā

324. **Catūhākārehi āpattim āpajjati -pa- kammavācāya āpajjatīti** ettha yañhi āpattim kammavācāya āpajjati, na tattha kāyādayoti āpannam, tato kammavācāya saddhim āpattikarā dhammā sattāti āpajjati, evam sati “cha āpattisamuṭṭhānānī”ti vacanavirodho, tāni eva āpattikarā dhammā nāma. Atha tatthāpi kāyādayo ekato vā nānāto vā labbhanti, catūhākārehīti na yujjatīti “chahākārehi āpattim āpajjatī”ti vattabbam siyāti evam etāni suttapadāni virodhitāni honti. Katham avirodhitāni? Saviññattikāviññattikabhedabhinnattā. Kāyādīnam yā kiriyā āpatti, nam ekaccam kāyena saviññattikena āpajjati, ekaccam saviññattikāya vācāya, ekaccam saviññattikāhi kāyavācāhi āpajjati, yā pana akiriyā āpatti, tam ekaccam kammavācāya āpajjati, tañca kho avasiṭṭhāhi aviññattikāhi kāyavācāhiyeva, na vinā “no ce kāyena vācāya paṭinissajjati, kammavācāpariyosāne āpatti saṃghādisesassā”ti¹ vacanato, avisesena vā ekaccam āpattim kāyena āpajjati, ekaccam

1. Vi 1. 267 piṭṭhe.

vācāya, ekaccaṃ kāyavācāhi. Yaṃ panettha kāyavācāhi, taṃ ekaccaṃ kevalāhi kāyavācāhi āpajjati, ekaccaṃ kammavācāya āpajjatīti ayamattho veditabboti evaṃ avirodhitāni honti.

Tatrāyaṃ samāsato atthavibhāvanā—**kāyena āpajjatīti** kāyena saviññattikena akattabbaṃ katvā ekaccaṃ āpajjati, aviññattikena kattabbaṃ akatvā āpajjati, tadubhayampi kāyakammaṃ nāma. Akatampi hi loke “katan”ti vuccati “dukkaṭaṃ mayā, yaṃ mayā puññaṃ na katan”ti evamādisu, sāsane ca “idaṃ te āvuso ānanda dukkaṭaṃ, yaṃ tvaṃ bhagavantaṃ na pucchī”ti¹ evamādisu, evamidha vinayapariyāyena kāyena akaraṇampi “kāyakammaṃ”ti vuccati. Ayameva nayo “vācāya āpajjati”ti-ādisu. Puratīti **puriso**, pura aggagamane. **Puratīti** purato gacchati sabbakammesu pubbaṅgamo hoti. **Paṭhamuppannavasenāti** paṭhamakappiyesu hi paṭhamaṃ purisaliṅgaṃ uppajjati, “puriman”ti saṅkhaṃ gataṃ purisaliṅgaṃ jāyatīti attho. **Sataṃ tiṃsa cāti** ettha asādhāraṇāpi pārājikā no antogadhāyeva jātā pārājikāpannānaṃ bhikkhubhāvāya abhābattā. “Asādhāraṇavacanena pana sāmāññena uddhaṭāni”ti vadanti. “Satañceva tiṃsañca sikkhāpadānīti pāṭho”ti ca vadanti. **Bhikkhussa ca bhikkhuniyā ca catūsu pārājikesūti** sādharmaṇesu eva. **Atthi vatthunānattatā no āpattinānattatāti** paṭhamapañho idha dutiyo nāma. **Atthi āpattisabhāgatā no vatthusabhāgatāti** etena viseso natthi. **Mantābhāsāti** matiyā bhāsā. “**Abhivādanārahāti** yathānisinnāva sīsāṃ ukkhipitvā vandanti. Navamabhikkhunito paṭṭhāya anuṭṭhitabbato āsanā na paccuṭṭhenti. **Avisesenāti** upajjhāyassa, itarassa vā vipakatabhojanassa, samīpagato yo koci vuḍḍhataroti attho. Vipakatabhojanenāpi hi uṭṭhahitvā āsanaṃ dātābbaṃ. **Idha na kappantīti vadantopīti** paccantimajanapadesu ṭhatvā “idha na kappantī”ti vadanto vinayātisāradukkaṭaṃ āpajjati. Kappiyañhi “na kappatī”ti vadanto paññattaṃ samucchindati nāma. Tathā **idha kappantīti-ādisupi** ṭhatvā “idha kappantī”ti vadanto vinayāgatabhikkhu vinayo pucchitabboti attho.

1. Vi 4. 485 piṭṭhe.

Pañcakavāraṇṇanā

325. **Na upeti** puggalo. “Nimantito sabhatto samāno santam bhikkhum anāpucchā”¹ti vacanato nimantanābhāvā piṇḍapātikassa anāmantacāro vaṭṭati. “Gilānasamayo”²ti-ādinā ābhogaṃ katvā bhojanaṃ adhiṭṭhahitvā **bhojanaṃ** nāma. “Mayhaṃ bhattapaccāsaṃ itthannāmassa dammi”²ti evaṃ **avikappanā**. Parammukhe aguṇavacanaṃ **ayaso**. Sammukhā **garahā**. Siladiṭṭhibyasanānaṃ vinayapariyāpannattā tehi saddhim itare pañcakam pūretum vuttā. “Vinayadharapañcamena gaṇenā”²ti vuttattā pañcakam jātam. Aññatarasmim vihare eko theroti attho. “**Yonakavisayatoti cīnaṭṭhānā**”²ti likhitaṃ. **Aṭṭha kappe anussarīti** pubbenivāsañānaṃ nibbatesīti attho. Anantare ṭhāne ṭhatvāti attho. **Ñattiyā kammappatto hutvāti** ñattiṭṭhapitakāle kammappatto hoti. Puna kammavācāya kammassiddhi. **Ñattikhettanti** ñattiyāva kātabbaṭṭhānaṃ tassā khettaṃ, ñattidutiyādikamme paṭhamatṭhapanam tassā **okāso** nāma. Āraññake idañcīdañcānisamsanti evaṃ **idamatthitanti** attho.

Chakkavāraṇṇanā

326. “**Chabbassaparamatā dhāretabban**”²ti **vibhaṅge** pāṭhattā evaṃ vuttam. **Cuddasaparamāni** nava chakkāni honti. Katham? Paṭhamam ekam chakkaṃ, sesesu aṭṭhasu ekekena saddhim ekekanti evaṃ tīni chakkāni antarapeyyāle vuttāni. Katham? “Catutthena āpattisamuṭṭhānena cha āpattiyo āpajjati”²ti-ādinā nayena pañcamena, chaṭṭhena ca **tīni chakkāni**. Lobhādayo **cha vivādamūlāni**, tathā anuvādassa. **Dīghaso cha vidatthiyo** vassikasāṭikāya. **Tiriyam cha vidatthiyo** sugatacīvarassa. Vipakatacīvaram ādāya pakkamane niṭṭhānantiko, sannitṭhānanāsana savana sīmātikantikasahubbhārāti cha, samādāya vārepi chāti chakkadvayam. **Sattake** pakkamanantikena saha satta.

1. Vi 2. 134 piṭṭhe.

2. Vi 3. 288 piṭṭhe.

Sattakavāraṇṇanā

327. **Chakke vuttāniyeva sattakavasena yojetabbānīti** chakke vuttacuddasaparamāni sattakavasena yojetabbāni. **Sattame aruṇuggamane nissaggiyanti** “chārattaparamaṃ tena bhikkhunā tena cīvarena vippavasitabbaṃ, tato ce uttari vippavaseyyā”ti evaṃ vuttaṃ nissaggiyaṃ hoti. **Campeyyakkhandhake** sugatacīvarabhāṇavārassa parato “idha pana bhikkhave bhikkhussa na hoti āpatti daṭṭhabbā, tamenam codeti saṃgho vā sambahulā vā ekapuggalo vā”ti-ādinā nayena vuttasattakāti.

Aṭṭhakavāraṇṇanā

328. Tena saddhiṃ uposathādikaraṇaṃ **ānisaṃso**, akaraṇaṃ **ādīnavo**, tasmā ete aṭṭhānisaṃse sampassamānenāti attho. **Ayaso** akkoso”ti vuttaṃ. Pubbevassa hoti “musā bhaṇissan”ti, bhaṇantassa hoti “musā bhaṇāmī”ti, bhaṇitassa hoti “musā mayā bhaṇitan”ti, vinidhāya diṭṭhiṃ khantiṃ ruciṃ bhāvaṃ saññanti evaṃ akappiyakataṃ hoti appaṭiggahitakatanti-ādayo **aṭṭha anatirittā**. Sappi-ādi aṭṭhame aruṇuggamane nissaggiyaṃ hoti. **Aṭṭhavācikā** bhikkhunīnaṃ upasampadā ubhatoñatticatutthattā. Vassikasāṭīkadānādīni **aṭṭha varāni**.

Navakavāraṇṇanā

329. Navahi bhikkhūhi bhijjati. Manussamaṃsavajjehi **nava maṃsehi** vinicchayo. Sundaraṃ na sundaranti saṅghāṭi-ādīni **nava cīvarāni**. Tāneva adhiṭṭhitakālato paṭṭhāya **na vikappetabbāni**, adhiṭṭhitakālato paṭṭhāya apaccuddharitvā na vikappetabbānīti adhippāyo. **Nava vidatthiyo** sugatacīvarassa. “Vaggaṃ bhikkhunisaṃghaṃ vaggasaññī ovadatī”ti-ādinā nayena adhammakamme dve navakāni pācittiyavasena vuttāni.

Dasakavāraṇṇanā

330. “Oramattakañca adhikaraṇaṃ hoti, na ca gatigatan”ti-ādinā¹ **dasa adhammikā salākaggāhā**. Viparītā **dhammikā**. Samathakkhandhake

1. Vi 4. 205 piṭṭhe.

vuttehi samannāgato hotīti sambandho. “**Samkaccikaṃ vā pakkhipivā dasā**”ti vuttam kappiyattā etesaṃ. Māturakkhitādayo **dasa itthiyo**. Dhanakkītādayo **dasa bhariyā**. “Sikkhāsammūtiṃ datvā dasavassāya tassā dvādasavassakāle sayampi dvādasavassā bhavissatī”ti **vuṭṭhāpanasammūti sādītābbā**. “Vinayadharasseva ‘āpattānāpattim na jānātī’ti ārabba yāva ‘ubhayāni kho panassa -pa- anubyañjanaso’ti pañcaṅgāni vatvā punapi ‘āpattānāpattim na jānātī’cceva ārabba yāva ‘adhikaraṇe ca na vinicchayakusalo hotī’ti pañca vuttā, te tathā tathā pañca pañca katvā dasa hontī”ti likhitaṃ. “Dasavassāya bhikkhuniyā nissayo dātabbo”ti ekaccesu potthakesu natthi, kiñcāpi natthi, pāṭho eva pana hoti.

Ekādasakavāraṇṇanā

331. Na **vodāyanti** na pakāsentī. Rogameva **rogātāṅkaṃ**. Rogantarāyam vā.

Ekuttarikanayavaṇṇanā niṭṭhitā.

Uposathādipucchāvissajjanāvaṇṇanā

332. “Saṃghaṃ bhante pavāremī”ti-ādi **pavāraṇakathā** nāma vinītagāthāsu viya.

Atthavasapakaraṇavaṇṇanā

334. **Dasa atthavase paṭiccāti** ettha tassa tassa sikkhāpadassa paññāpane guṇavisesadīpanato, apaññāpane ādinavadassanato ca saṃghasutṭhūtā hoti. Tattha yathāsambhavaṃ lokavajjassa apaṇṇattisambhavassa paññāpane payogavisuddhi guṇo. Paṇṇattisambhavassa pana sekhiyassa lokavajjassa paññāpane paṭipattivissuddhi guṇo, paṇṇattivajjassa āsayavisuddhi guṇo appicchādiguṇāvahanato, tenevāha “subharatāya suposatāya appicchatāya appicchassa vaṇṇaṃ bhāsivā”ti. Samaṇācāravisuddhi cassa guṇoti vedītābbam. Atha vā lokavajjassa

paññāpane saṅghasuṭṭhutā hoti pākaṭādinavato, paṇṇattivajjassa paññāpane saṅghaphāsutā hoti pākaṭānisamsattā. Tathā paṭhamena dummaṅkūnaṃ niggaḥo, dutiyena pesalānaṃ phāsuvihāro, paṭhamena samparāyikānaṃ āsavānaṃ paṭighāto, dutiyena diṭṭhadhammikānaṃ, tathā paṭhamena appasannānaṃ pasādo, dutiyena pasannānaṃ bhīyyobhāvo, tathā paṭhamena saddhammaṭṭhiti, dutiyena vinayānuggaḥo hotīti veditabbo. **Parivāranayena** vā paṭhamena pāpicchānaṃ bhikkhūnaṃ pakkhupacchedo, dutiyena gihīnaṃ anukampā hoti. Vuttañhetāṃ “dve atthavase paṭicca tathāgatena sāvakānaṃ sikkhāpadaṃ paññattaṃ gihīnaṃ anukampāya pāpicchānaṃ pakkhupacchedāyā”¹. Tathā diṭṭhadhammikasamparāyikānaṃ verānaṃ vajjānaṃ akusalānaṃ vasenāpi yojanā kātabbā. Vuttañhetāṃ “dve atthavase -pa- paññattaṃ diṭṭhadhammikānaṃ verānaṃ samparāyikānaṃ verānaṃ paṭighātāyā”²ti-ādi¹. Apicettha sabbampi akataviññattipaṭisaṃyuttaṃ, gihīnaṃ pīlāpaṭisaṃyuttaṃ, tesāṃ pasādabhogakkhayarakkhāpaṭisaṃyuttaṃca gihīnaṃ **anukampāya paññattaṃ** nāma, kuladūsakagaṇabhojanāni pāpicchānaṃ pakkhupacchedāya paññattaṃ. Sabbaṃ lokavajjaṃ diṭṭhadhammikasamparāyikaverādipaṭighātāya, mātugāmena saṃvidhānaṃ diṭṭhadhammikaverādisaṃvarāya paññattanti veditabbaṃ. Apicettha ādito paṭṭhāya dasa atthavasapakaraṇameva nissāya vinicchayo veditabbo.

Vatthuvītikkamena yaṃ, ekantākusalaṃ bhave.

Taṃ saṅghasuṭṭhubhāvāya, paññattaṃ lokavajjato.

Pārājikādīm,

Paññattijānaneneva, yatthāpatti na aññathā.

Taṃ dhammaṭṭhitiyā vāpi, pasāduppādabuddhiyā.

Dhammadesanāpaṭisaṃyuttaṃ itaraṅca sekhiyaṃ, idaṃ paṇṇattisambhavaṃ **lokavajjaṃ** nāma. Vatthuno, paññattiyā vā vītikkamacetanāyābhāvepi paṭikkhittassa karaṇe, kattabbassa akaraṇe vā sati yattha āpatti pahoti, taṃ sabbaṃ ṭhapetvā surāpānaṃ **paṇṇattivajjanti** veditabbaṃ. Tattha ukkoṭanake pācittiyaṃ, “yo pana bhikkhu dhammikānaṃ kammānaṃ chandaṃ datvā pacchā khīyanadhammaṃ āpajjeyya, pācittiyaṃ², yo pana bhikkhu saṅghe vinicchayakathāya

1. Vi 5. 385 piṭṭhe.

2. Vi 2. 199 piṭṭhe.

vattamānāya chandaṃ adatvā uṭṭhāyāsanā pakkameyya, pācittiyaṃ¹, yo pana bhikkhu samaggena saṃghena cīvaraṃ datvā pacchā khīyanadhammaṃ āpajjeyya -pa- pācittiyaṃ”ti² evamādi saṃghaphāsutāya paññattaṃ. “Aññāvādake vihesake pācittiyaṃ³, pārājikādīhi anuddhamsane saṃghādisesādi ca dummaṅkūnaṃ niggahāya, anupakhajjanikkaddhana-upassūtisikkhāpadādi pesalānaṃ phāsuvihārāya, sabbaṃ lokavajjaṃ diṭṭhadhammikasamparāyikānaṃ āsavānaṃ paṭighātāya, sabbaṃ paṇṇattivajjaṃ diṭṭhadhammikānameva saṃvarāya. Sabbaṃ ghipaṭisaṃyuttaṃ appasannānaṃ vā pasādāya pasannānaṃ vā bhīyyobhāvāya ca. Visesena ariṭṭhasamaṇuddesasikkhāpadaṃ, sāmāññena paccayesu mariyādapaṭisaṃyuttaṃca saddhammaṭṭhitiyā, “appicchassāyaṃ dhammo, nāyaṃ dhammo mahicchassā”ti⁴adisuttamettha sādhaṅgaṃ. “Sikkhāpadavivaṇṇake⁵ mohanake pācittiyaṃ”ti-ādi⁶ vinayānuggahāya paññattanti veditabbaṃ. “Bhūtagāmapātibyātāya pācittiyaṃ”ti⁷ idaṃ kimatthanti ce? Appasannānaṃ pasādāya, pasannānaṃ bhīyyobhāvāya ca. Kathaṃ?—

“Bhūtagāmo sajjīvoti, avipallattadiṭṭhino.

Tassa kopanasaññāya, pasādo buddhasāvake.

Nijjīvasaññitaṃpetam, akopento kathaṃ muni.

Jīvaṃ kopeyya niddoso⁸, macchamaṃsānujānane.

Evampi—

Tassa kopanasaññāya, pasādo buddhasāvake.

Yato tithakarāvime, viratā bhūtagāmato.

Lokassā cittarakkhatthaṃ, tatopi virato munī’ti—

Pasannānaṃ bhīyyobhāvo hoti.

Vivitta⁹ senāsanabhogataṇhā

Vasena nijjīvamitārakkhaṃ¹⁰.

Buddhobhinnaṃca vivajjayanto,

Sikkhāpadaṃ tattha ca paññapesi.

1. Vi 2. 200 piṭṭhe.

4. Dī 3. 249; Am 3. 66 piṭṭhesu.

7. Vi 2. 52 piṭṭhe.

10. Nijjīvamapetarakkhaṃ(?)

2. Vi 2. 202 piṭṭhe.

5. Vi 2. 188 piṭṭhe.

8. Niddeso (Ka)

3. Vi 2. 55 piṭṭhe.

6. Vi 2. 190 piṭṭhe.

9. Vicitta (Ka)

Nijjīvassāpi maṃsassa, khādanakaṃ yatim̃ pati.
 Nindamānaṃ janaṃ disvā, bhūtagāmaṃ pariccaji.
 Tikotiṃparisuddhattā, macchamaṃsānujānane.
 Paṭicca maṃsānujānanaṃ, kamme diṭṭhippasāṅgabhayā.
 Aparikkhakassa lokassa, parānuddayatāya ca.
 Bhūtagāmapātabyatāya, pāṇātipātappasāṅgabhayā.

Tattha pariyāyavacanaṃ anujāni bhagavā, uddissa kataṃ paṭikkhipi
 parassa vā pāpappasāṅgabhayena. Idha pana bhūtagāmapātabyatāya
 pāpābhāvañāpanatthaṃ attuddesikaṃ vihāraṃ, kuṭiṃca anujānīti veditabbaṃ.
 Pakiriyanti ettha te te payojanavisesasaṅkhātā atthavasāti
atthavasapakaraṇanti.

Mahāvaggavaṇṇanā niṭṭhitā.

Paṭhamagāthāsāṅgaṇikavaṇṇanā

Sattanagaresu paññattasikkhāpadavaṇṇanā

335. Vacanasampañicchanatthe vā nipātoti attho. **Adḍhuddhasatānī** tīṇi satāni, paññāsāni ca. **Viggahanti** manussaviggahaṃ. **Atirekaṃ vā** dasāhaparamaṃ atirekacīvaraṃ. **Kāḷakanti** “suddhakāḷakānaṃ”¹ vuttakāḷakaṃ. **Bhūtanti** bhūtārocanaṃ. **Paramparabhattanti** paramparabhojanaṃ. **Bhikkhunīsu ca akkosoti** yā pana bhikkhunī bhikkhuṃ akkoseyya vā paribhāseyya vā². **Antaravāsakanti** aññātikāya bhikkhuniyā cīvarapaṭiggahaṇaṃ. **Rūpiyanti** rūpiyasabbohāraṃ. **Suttanti** sāmaṃ suttaṃ viññāpetvā tantavāyehi. **Ujjhāpanaketi** ujjhāpanake khīyanake. **Pācitapiṇḍanti** bhikkhunīparipācitapiṇḍapātaṃ. **Cārittanti** nimantito sabhatto samāno santaṃ. **Cīvaraṃ datvāti** samaggena saṃghena cīvaraṃ datvā. **Vosāsantīti** bhikkhū paneva kulesu nimantitā bhuñjanti³, tattha cesā. **Giraggacariyāti** “yā pana bhikkhunī naccaṃ vā gītaṃ vā”⁴ ca “antovassaṃ cārikaṃ careyyā”⁵ ca vuttadvayaṃ. **Chandadānenāti** pārivāsikachandadānena sikkhamānaṃ vuṭṭhāpeyya⁶. **Pārājikāni cattāri**, bhikkhunīnaṃ saññācīkakuṭṭiṇca kosiyamissasanthataṇca seyyā ca anupasampanna saha pathavīkhaṇanaṃ. **Gaccha devateti** bhūtagāmapātabyatā sappāṇaka-udakasiñcananti attho. **Mahāvihāro** mahallakavihāro. **Aññanti** aññavādakaṃ. **Dvāranti** yāvadvāraḥkosā. “Anādariyapācittīti ca sahadhammikaṃ vuccamāno”⁷ ti pāṭho. **Payopānanti** surusurukāraḥkaṃ. **Ēḷakalomāni patto cāti** ēḷakalomadhovāpanaṇca ūnapanāṇca bandhanapatto ca. **Ovādo ceva bhesajjanti** bhikkhunupassaṃ upasaṅkamitvā ovādo taduttaribhesajjavīññāpanaṇca. **Sūci araññakoti** “atṭhimayaṃ vā dantamayaṃ vā visāṇamayaṃ vā sūciḥaran”⁷ ti⁷ ca “yāni kho pana tāni āraññakāni senāsānāni sāsāṅka -pa- paṭidesetabban”⁸ ti⁸ ca. **Ovādoti** yā pana bhikkhunī ovādāya vā saṃvāsāya vā na gaccheyya⁹. **Pārājikāni cattārīti**-ādi dvīsu nagaresu paññattasampiṇḍanaṃ.

1. Vi 1. 332 piṭṭhe.

2. Vi 2. 406 piṭṭhe.

3. Vi 2. 230 piṭṭhe.

4. Vi 2. 350 piṭṭhe.

5. Vi 2. 390 piṭṭhe.

6. Vi 2. 448 piṭṭhe.

7. Vi 2. 217 piṭṭhe.

8. Vi 2. 235 piṭṭhe.

9. Vi 2. 414 piṭṭhe.

Catuvipattivaṇṇanā

336. **Ekatimsā ye garukāti** ubhato aṭṭha pārājikā, bhikkhūnaṃ terasa, bhikkhunīnaṃ dasa ca saṅghādisesā. Sādhāraṇāsādhāraṇavasena aṭṭha anavaseso nāma pārājikāni. **Tadevāti** silavipattimyeva. Vitthārato dassetum “pārājikan”ti-ādinā apucchitameva vissajjitaṃ. “Tattha yo cāyaṃ, akkosati hasādhippāyo”ti pāṭho. Duṭṭhullavibhāvanavasenāgatavipattiṃ ṭhapetvā pucchāpaṭipāṭiyā yāvatatīyakapañhaṃ vissajjitumārabhi. **Ukkhittānūvattikā** bhikkhunī aṭṭha yāvatatīyakasaṅghādisesā idha pucchitattā **anantarapañhā** nāma jātā.

Chedanakādivaṇṇanā

337. Pamāṇātikantamañcanisīdanakaṇḍupaṭicchādivassikasāṭikā-sugatacīvarappamāṇaṃ bhikkhunīnaṃ udakasāṭikāti **cha chedanakāni**. Cīvaravippavāsasammuti-ādayo **catasso sammutiyo**. “Ayaṃ tattha sāmīci”ti evaṃ āgatā **satta sāmīciyo**.

Asādhāraṇādivaṇṇanā

338. Pubbe vuttacuddasaparamāneva antarapañhe niṭṭhapetvā **purimapañhaṃ** vissajjento. **Dhovanañca paṭiggahoti** gāthā aṭṭhakathācariyānaṃ. **Dve lomāni** eḷakalomatīyojanaparamāni.

“Dvevīsati khuddakāti—

Sakalo bhikkhunivaggo, paramparañca bhojanaṃ.

Anatirittaṃ abhihaṭaṃ, paṇītañca acelakaṃ.

Jānaṃ duṭṭhullachādanaṃ.

Ūnaṃ mātugāmena saddhim¹, yā ca anikkhantarājake.

Santaṃ bhikkhuṃ anāpucchā, vikāle gāmappavesanaṃ.

Nisīdane ca yā sikkhā, vassikāya ca sāṭikā.

Dvāvīsati imā sikkhā, khuddakesu pakāsita”ti—

1. Ūnaṃ duṭṭhullachādanaṃ, mātugāmena saddhim ca (Ṭṭha)

pāṭho. “Kulesu cārīttāpattī”ti pāṭho na gahetabbo sādharmaṇattā tassa sikkhāpadassa. **Chacattārīsā cimeti** chacattārīsa ime. “Pārājikāni saṅghādiseso”ti evaṃ vuttasikkhāpade eva vibhajitvā vuttattā **vibhattiyo** nāma. **Sādhāraṇanti** aṭṭhannampi sādharmaṇaṃ. Pārājikabhūtā vibhattiyo **pārājikavibhattiyo**. Sādhāraṇe sattavajjo saṅghādiseso. Aññatarasmiṃ **gaṇṭhipade** “atha vā ‘dve uposathā dve pavāraṇā cattāri kammāni pañceva uddesā caturo bhavanti, naññathā’ti pāḷiṃ uddharanti. Tattha ‘cattāri kammāni’ti visesābhāvā uddharitapotthakameva sundaraṃ, pubbepi vibhattimattadassanavaseneva cetam vuttam. ‘Na samethehi vūpasamanavasenā’ti vatvā cattāri kammavibhajane ‘samathehi vūpasammatī’ti na visesitam uposathappavāraṇānaṃyeva vibhāgattā. Kasmā? Etthāpi ‘uposathappavāraṇānaṃyeva visesetvā nayaṃ dethā’ti vuttattā, adhammena vaggādikammena āpattiyopi vūpasammatīti āpajjanatoti veditabban”ti vuttam, vicāretabban. **Dvīhi catūhi tīhi kiccam ekenāti** dvīhi vivādādhikaraṇam, catūhi anuvādādhikaraṇam, tīhi āpattādhikaraṇam, ekena kiccādhikaraṇam sammatīti attho.

Pārājikādi-āpattivāṇṇanā

339. **Nibbacanamattanti** vevacanamattam. **Seseti-ādito** sesā majjhantā. **Padanti** sikkhāpadam. **Saddhācittam** pasannacittanti attho, “santācittan”ti vā pāṭho. **Anāliyanti** daliddam. Kiñcāpi idam nibbacanam “garukam lahukañcā”ti-ādipaṇhe natthi, “handa vākyam suṇoma te”ti iminā pana vacanena saṅgahitassatthassa dīpanattham vuttanti veditabban. “Ākāso pakkhinam gatī”ti¹ ca pāṭho atthi, so jātivaseṇa yujjati. **Pakkhīnanti** ujukameva.

Paṭhamagāthāsāṅgaṇikavāṇṇanā niṭṭhitā.

1. Pakkhinam pathan”ti (Ka)

Adhikaraṇabhedavaṇṇanā

Ukkoṭanabhedādivaṇṇanā

340. **Adhikaraṇa-ukkoṭena samathānaṃ ukkoṭaṃ dassetunti** adhikaraṇāni sattahi samathehi sammanti, tāni ukkoṭento satta samathe ukkoṭeti nāmāti adhippāyo. **Pasavatīti** sambhavati. “**Anuvādādhikaraṇe labbhanti**”ti-ādīni ‘dhammo adhammo’ti-ādīnaṃ samānattā tesu visesato labbhanti”ti vuttaṃ. **Anihatanti** sutṭādinā. **Avinicchitanti** “āpatti-anāpatti”ti-ādīnā. “Tattha jātaṃ adhikaraṇaṃ ukkoṭeti -pa- tiṇavattḥāraṃ ukkoṭeti”ti daseva vuttā. “Sammukhāvinayapaṭiññātakaraṇa yebhuyyasikā avuttattā ukkoṭetuṃ na sakkā, kammavācāpi tesāṃ natthi. Tasmā te ukkoṭetuṃ na sakkāti vadanti”ti likhitaṃ. **Pāḷimuttakavinicchayenevāti** vinayalakkhaṇaṃ vinā kevalaṃ dhammadesanāmattavasenevāti attho. Khandhakato vā parivārato vā ānītasuttena. **Nijjhāpenti** dassenti. Pubbe dhammavinayena vinicchitaṃ adhikaraṇaṃ upajjhāyādīnaṃ atthāya “adhammaṃ dhammo”ti-ādīni dīpetvāti attho. Visamāni kāyakammādīni nissitattā **visamanissito**. Evaṃ sesesu.

Adhikaraṇanidānādivaṇṇanā

342-3. **Kim sambhāranti** kim parikkhāraṃ, ettha **kinti** liṅgasāmaññaṃabyayaṃ. Pubbe uppannavivādaṃ nissāya pacchā uppajjanakavivādo **vivādanidānaṃ** nāma. **Āpattādhikaraṇapaccayā catasso āpattiyo āpajjati**ti bhikkhunī jānaṃ pārājikaṃ dhammaṃ paṭicchādeti pārājikaṃ, vematikā paṭicchādeti thullaccayaṃ, bhikkhu saṃghādisesaṃ paṭicchādeti pācittiyāṃ, ācāravipattiṃ paṭicchādeti dukkaṭaṃ. Pubbe kata-ukkhepaniyādikkiccam nissāya uppajjanakakiccānaṃ. Kīdisānaṃ? Samanubhāsanādīnaṃ vasena. **Taṃ hīti** adhikaraṇaṃ.

344. Adhikaraṇesu **yena adhikaraṇena sammanti, taṃ dassetunti** yadā adhikaraṇehi sammanti, tadā kiccādhikaraṇeneva sammanti, na

aññehīti dassanattham vuttaṃ, na ekantato adhikaraṇeneva sammantīti dassanattham.

348. **Āpattādhikaraṇe saṅgho vivadatīti āpattānāpattīti evaṃ.**

353. Samuṭṭhānābhāvato sammukhāvinaye kammaṃsa kiriyaṅkaraṇamiccādinā avibhajitvāva sativinayādīnaṃ channaṃyeva cha samuṭṭhānāni vibhattāni. Tam kasmā? Kammasaṅgahābhāvena, sativinayādīnaṃ viya saṅghasammukhatādīnaṃ kiccayatā nāma natthīti adhippāyo.

Adhikaraṇabhedavaṇṇanā niṭṭhitā.

Dutiyagāthāsaṅgaṇikavaṇṇanā

Codanādipucchāvissajjanāvaṇṇanā

359. Viggāhikakathanti attho. **Nisāmayāti** sallakkhehi. “Kāraya” iti pāṭho. Pubbāparaṃ na jānāti, tasmā akovido hotīti eke. Ayaṃ pana duvidhepi kicce kenaci iriyāpathena.

Codanākaṇḍavaṇṇanā

Anuvijjakakiccavaṇṇanā

360. Anuvijjakapucchane ājīvavipatti na pucchitā. Pañcāpattikkhandhavasena ācāravipatti pucchitā. “Ājīvavipattiyāpi tatheva, saṅgahagamanato”ti vadanti. “Ajjhāpajjanto”ti pāṭho.

363. Tasmā na ca āmisam nissāyāti sambandhitabbaṃ.

Cūlasaṅgāmaṅṅana

Anuvijjakassapaṭipattivaṅṅana

365. **Ṭhānanisajjavatthādinissitā**ti “evaṃ ṭhātabbaṃ evaṃ nisīditabbaṃ”ti evamādikā. **Saññājananattanti** “evaṃ vattabbaṃ”ti evaṃ sañjānanattamaṃ. **Anuvidhiyantenā**ti citte ṭhapentenāti attho. **Lajjā sā nu khoti**¹ kiṃ sā lajjā ayaṃ parisāti adhippāyo. **Anuyogavattaṃ kathāpetvā**ti “kimanuyogavattaṃ jānāsī”ti pucchitvā teneva kathāpetvā. **Ajānanappasaṅgā**² nāma aññānaṃ.

367. **“Bhayena bhayā gacchatī”**ti bhayena bhayahetu bhayā gacchatīti hetuvasena vuttaṃ. Yathā “rattattā pana duṭṭhattā ca chandā dosā ca gacchatī”ti hi vuttaṃ, evaṃ.

Mahāsaṅgāmaṅṅana

Voharantenajānitabbādivaṅṅana

375. **Vaṅṅavaṅṅoti** nīlādivaṅṅavasena ca ārogyatthādi-avaṅṅavasena ca vuttasukkavissaṭṭhi.

402. **Bhūmipucchā**ti bhūmi puthavī jagatī cāti sabbāni pathavivevacanāni.

1. Lajjiyā nu kho (Ṭṭha)

2. Pāliyaṅca aṭṭhakathāyaṅca na diṭṭhaṃ.

Kathinabhedavaṇṇanā

Kathina-atthatādivaṇṇanā

403-4. **Kinti** kathaṃ. Anādiyadānaṃ tāvakālikavatthu. “**Anāgatavasena anantarā hutvā**”ti udakāharaṇādipayogassa dhovanādipubbakaraṇassa pacchā uppajjanato, dhovanādikiriyañca sandhāya payogakaraṇato vuttam. Purejātapaccaye panesa payogoti attho. **Ekam dhammampi na labhati** attano purejātassa natthitāya.

Kathinādi jānitabbavibhāgavaṇṇanā

412. **Rūpādidhammesūti** vaṇṇagandhādi-aṭṭhakesu. “Vassānassa pacchimo māso”¹ti vuttatā pacchime māse yasmiṃ vā tasmim vā divase attharituṃ vaṭṭatīti siddham.

415. “Ādiccabandhunā”ti vuttattā theravacanan”ti vadanti.

Palibodhapañhābyākaraṇakathāvaṇṇanā

415-6. Sanniṭṭhānantiko kathaṃ bahisīmāya uddharīyati? Bhikkhu akatacīvaraṃ samādāya pakkamati “na paccassan”ti, tassa bahisīmāgatassa evaṃ hoti “nevimaṃ cīvaraṃ kāressan”ti, evametassa bahisīmāgatassa uddharīyati. Kathaṃ antosīmāya? Akatacīvaraṃ samādāya pakkamati “na paccassan”ti, tato tattha phāsuvihāraṃ alabhanto tameva vihāraṃ āgacchati, tassa cīvarapalibodhoyeva ṭhito, so ca “nevimaṃ cīvaraṃ kāressan”ti citte uppanne chijjati, tasmā “**antosīmāya uddharīyati**”ti vuttam. Sanniṭṭhānantikaṃ duvidham “na paccassan”ti āvāsapalibodham chinditvā tato punapi tameva vihāraṃ āgantvā “nevimaṃ cīvaraṃ kāressan”ti sanniṭṭhānaṃ karoti, bahisīmāya ṭhatvā “nevimaṃ cīvaraṃ kāressan na paccassan”ti cittuppādena sanniṭṭhānantikaṃ hoti. Gāthāyampi “**dve palibodhā apubbaṃ acariman**”ti idaṃ imameva sandhāya. “Āsāvachediko kathaṃ

antosīmāya? Āsīsitena ‘tumhe vihārameva patthetha, ahaṃ paṇiṇissāmī’ti vutto pubbe ‘na paccassan’ti āvāsapalibodhaṃ chinditvā gato puna taṃ vihāraṃ gantvā tena ‘nāhaṃ sakkomi dātun’ti pahito hotī”ti likhitaṃ. “**Atthāre hi sati uddhāro nāmā**”ti atthāraṃ vinā uddhāraṃ na labhanti, tasmā vuttaṃ. **Purimā dveti** “dve kathinuddhārā ekuppādā ekanirodhā”ti vuttādhikāre paṭhamaṃ vuttā antarubbhārasahubbhārā. Na pakkamanantikādayo dve. **Ekato nirujjhantīti** uddhārabhāvaṃ pāpuṇantīti attho.

Kathinabhedavaṇṇanā niṭṭhitā.

Paññattivaggavaṇṇanā niṭṭhitā.

Upālipaṅcakaṇṇanā

Anissitavaggavaṇṇanā

419. **Kāyika-upaghātikā** nāma kāyena vītikkamo.

Nappaṭippassambhanavaggavaṇṇanā

420. **Omaddakārakoti** omadditvā abhibhavitvā kārako.

Vohāravaggavaṇṇanā

424. Bhedakaravatthūni nissāya vivādādhikaraṇaṃ samuṭṭhāti, evaṃ yathāsaṅkhyāṃ gacchati. Kodhohanāhādidvādasamūlapayogaṃ vivādādhikaraṇaṃ, tathā sesesu. Osāraṇādīsu navasu ṭhānesu kammañattiyā karaṇaṃ. Dvīsu ṭhānesu ñattidutiyañatticatutthakammesu. Yasmā **mahā-aṭṭhakathāyaṃ** vuttanayeneva ubhatovibhaṅgā asaṅgahitā, tasmā yaṃ **kurundiyaṃ** vuttaṃ, taṃ gahetabbanti sambandho.

Diṭṭhāvikkammavaggavaṇṇanā

425. Tiṇṇannaṃ upari saha āpattiṃ desetum na labbhanti. Kammanānāsamvāsakānaṃ laddhiggahitakova **laddhinānāsamvāsako**. “**Avippavāsasīmāya ṭhitassā**”ti mahāsīmaṃ kira sandhāya vuttaṃ.

433. “Ummādā cittakkhepā”ti pāṭho.

Musāvādavaggavaṇṇanā

444. **Pariyāyena jānantassāti** yassa kassaci jānantassa pariyāyena vuttamusāvādoti attho.

446. **Anuyogo na dātābhoti** tena vuttaṃ anādiyitvā tuṅhī bhavitabbanti attho.

Bhikkhunovādavaggavaṇṇanā

454. **Vohāraniruttiyaṃ** saddaniruttiyaṃ. Maggapaccavekkhaṇādayo ekūnavīsati.

Ubbāhikavaggavaṇṇanā

455. **Pasāretā** mohetā.

Adhikaraṇavūpasamavaggavaṇṇanā

458. “**Yathārattanti** anupasampanne apekkhatī”tipi vadanti.
“**Yathāvuddhanti** upasampanne apekkhatī”ti likhitaṃ.

Kathinatthāravaggavaṇṇanā

467. “**Ekāvatto**”tipi paṭhanti, tassa kuddho kodhābhibhūtoti kirattho. Ekavatthotipi keci, uttarāsaṅgaṃ apanetvā ṭhitoti kirattho, taṃ sabbaṃ **aṭṭhakathāyaṃ** uddhaṭapāliya virujjhatīhi. Ekāvattoti¹ hi uddhaṭaṃ, tasmā na gahetabbaṃ. **Antarā vuttakāraṇenāti** “kiccayapasutattā vandanam asamannāharanto nalāṭaṃ paṭihaññeyyā”ti-ādivuttakāraṇena.

Upālīpañcakavaṇṇanā niṭṭhitā.

Āpattisamuṭṭhānavaṇṇanā

470. **Pubbe vuttamevāti** sahaseyyādīpaṇṇattivajjaṃ. **Itaranti** sacittakaṃ. **Desento, domanassiko** aññehi timsāpanādīni katvā āpattiṃ āpajjitvāti adhippāyo.

1. Ekāvattoti (Ṭṭha)

Dutiyagāthāsaṅgaṇikavaṇṇanā

Kāyikādi-āpattivaṇṇanā

474-5. Nidānuddesaṃ vinā sesuddesābhāvā
“sabbapātīmokkhuddesānañca saṅgaho hotī”ti vuttaṃ. Vinaye garukā
vinayagarukā. Idam̐ pana dvīsu gāthāsu kiñcāpi āgataṃ, aññehi pana
missetva vuttabhāvā nānākaraṇaṃ paccetabbaṃ. **Navasu ṭhānesu kammaṃ
hotī**ti kammañatti hoti. **Vācā**ti vacīsambhavā. **Addhānahīno** unavīsativasso.
“**Apicethā**ti kurundivādo”ti vuttaṃ. **Vanappatinti** evaṃ adinnādāne āgataṃ
vanappatiṃ. **Vissatṭhichaddaneti** sukkavissatṭhiyaṃ. **Dukkaṭā katā**ti
dukkaṭaṃ vuttaṃ. **Āmatadhaññaṃ viññāpetvā bhuñjantiyā** pubbapayoge
dukkaṭaṃ, ajjhohāre pācittiyaṃ.

Pācittiyavaṇṇanā

476. Mahāsaṅghikā sāmaṇerepi āpattiṃ desāpenti kira, tena vuttaṃ “**na
desāpetabbā**”ti, **daṇḍakammaṃ pana tesam̐ kātabbaṃ** tathārūpe
oḷārikavītikkame.

Avandanīyapuggalādivaṇṇanā

477. **Dasasataṃ āpattiyoti** sahasaṃ āpattiyo. **Campāyaṃ
vinayavatthusminti** campeyyakkhandhake. **Adhammena** vagganti-ādīni
cattāri kammāniyeva bhagavatā vuttānīti attho. Na kevalaṃ āpattiyeva, **atha
kho cha samathā -pa- sammukhāvinayena sammanti, samāyogaṃ gacchanti**
sammukhāvinayena sampayogaṃ gacchantīti attho. Vinā samathehi
sammati, samathabhāvaṃ gacchati. Paṭisedhatthe sati **vinā samathehī**ti
samathehi vināti attho.

Soḷasakammādivaṇṇanā

478. **Asuttakanti** suttavirahitaṃ, usuttaṃ tatra natthīti adhippāyo.

Dutiyagāthāsaṅgaṇikavaṇṇanā niṭṭhitā.

Sedamocanagāthāvaṇṇanā

Avippavāsapañhāvaṇṇanā

479. **Tahinti** tasmim̐ puggale. **Akappiyasambhogo** nāma methunadhammādi. “Varasenāsanarakkhaṇatthāya vissajjetvā paribhuñjitum vaṭṭati”ti **garubhaṇḍavinicchaye** vutto. Ekādasāvandiye paṇḍakādayo **ekādasa**. **Upeti** sapaṛisaṃ. **Na jīvati** nimmitarūpattā. “Ubbhakkhake na vadāmi”ti iminā mukhe methunadhammābhāvaṃ dīpeti.

Adhonābhivivajjanena vaccamaggappassāvamaggesu.

Gāmantarapariyāpannaṃ nadipāraṃ okkantabhikkhunim̐ sandhāyāti bhikkhuniyā gāmāpariyāpannaparatīre nadisaṃpameva sandhāya vuttā. Tattha paratīre gāmūpacāro ekaledḍupāto nadipariyantena paricchinnō, tasmā paratīre ratanamattampi araññaṃ na atthi, tañca tiṇḍāḍi paṭicchannattā dassanūpacāravirahitaṃ karoti. Tattha attano gāme āpatti natthi. Paratīre pana ekaledḍupātasankhāte gāmūpacāreyeva padaṃ ṭhapeti. Antare abhidhammasena araññabhūtaṃ sakagāmaṃ atikkamati nāma, tasmā gaṇamhā ohīyanā ca hotīti nātappaṃ. Ettāvatāpi santosamakattvā vicāretvā gahetappaṃ. Bhikkhūnaṃ santike upasannaṃ pañcasatā mahāpajāpatippamukhā. Mahāpajāpatipi hi ānandattherena dinna-ovādassa paṭiggahitattā bhikkhūnaṃ santike upasannaṃ nāma.

Pārājikādīpañhāvaṇṇanā

480. “**Dussakuṭim̐ sandhāyā**”ti saha dussena vītikkamanassa sakkuṇeyyatāya vuttaṃ. Liṅgaparivatte paṭiggahaṇassa vijahanato sāmaṃ gahetvā bhūñjitum na vaṭṭati. **Kāka-ūhadanaṃ vāti** kākena ūhadanaṃ vā. “Tayo purisepi upagantvā”ti pāṭhaseso.

Pācittiyādīpañhāvaṇṇanā

481. **Methunadhammapaccayā** nāma kāyasamsaggo. Tamhetu methunadhammassa pubbhāgabhūtaṃ kāyasamsaggam̐ vāyāmantiyāti aṭṭhavatthupūraṇaṃ sandhāya.

Paribhogappaccayāti paribhogakāraṇā. **Tasmā**ti yasmā paribhogappaccayā āpajjati, tasmā bhojanapariyosāne hotīti attho. **Porāṇapotthakesu** “tassā”ti pāṭho. “Kāraṇavacanam sundaram bhojanaparicchedadassanato”ti vadanti.

Sedamocanagāthāvaṇṇanā niṭṭhitā.

Pañcavagga

Kammavaggavaṇṇanā

483. “Ummattakasammutim ummattake yācitvā gate asammukhāpi dātum vaṭṭatī”ti vuttam. Tattha nisinnepi na kuppati niyamābhāvā. Asammukhā kate dosābhāvaṃ dassetum **“asammukhākataṃ sukataṃ hotī”**ti vuttam. Dūtena upasampadā panettha sammukhā kātum na sakkā. Kammavācānānattasabhāvā pattanikkujjanādayo hatthapāsato apanetvā kātabbā, tena vuttam **“asammukhā kataṃ sukataṃ hotī”**ti. “Pucchitvā codetvā sāretvā kātabbam apucchitvā acodetvā asāretvā karotī”ti ayam vacanattho. **Ṭhapetvā kattikamāsanti** so pavāraṇāmāso, **dve ca puṇṇamāsiyoti** paṭhamadutiyavassūpagatānaṃ pavāraṇā puṇṇamāsā dve.

485. Padaṃ vā chaḍḍetīti attho. Ka-vaggādīsu **pañcasu. Garukanti** dīghaṃ, saṃyogaparañca. “Buddharakkhitattherassa yassa nakkhamatī”ti ettha ta-kāraka-kārā saṃyogaparā. **Dīghe vattabbe rassanti** “so tuṅhī assā”ti vattabbe so tuṅhi assāti vacanaṃ.

486. Sesatthakathāsu vuttavacanaṃ **kurundiyaṃ** pākāṭaṃ katvā **“nisīditum na sakkontī”**ti vuttam.

487-8. **Parisuddhasīlā cattāro bhikkhūti** pārājikaṃ anāpanā. **Na tesam chando vā pārisuddhi vā etīti** tīsu, dvīsu vā nisinnesu ekassa, dvinnam vā chandapārisuddhi āhaṭāpi anāhaṭāva.

Apalokanakammakathāvaṇṇanā

495-6. Kāyasambhogasāmaggidānasahaseyyapaṭiggahaṇādi imassa apalokanakammaṃ ṭhānaṃ hotīti evampi apalokanakammaṃ pavattatīti attho. Kammaññeva lakkhaṇanti kammalakkhaṇaṃ. Osāraṇanissāraṇabhaṇḍukammādayo viya kammañca hutvā aññañca nāmaṃ na labhati, kammameva hutvā

upalakkhīyatīti kammalakkhaṇaṃ upanissayo viya.

Hetupaccayādīlakkhaṇavimutto hi sabbo paccayaviseso tattha saṅgayhati, evampi “kammalakkhaṇamevā”ti vuttaṃ. Kammalakkhaṇaṃ dassetuṃ “**acchinnacīvarajīṇṇacīvaranaṭṭhacīvarānan**”ti-ādi vuttaṃ. “Tato atirekaṃ dentena apaloketvā dātabban”ti vuttaṃ apalokanaṃ kammalakkhaṇameva. Evaṃ sabbattha lakkhaṇaṃ vedītabbaṃ. **Ṇapalibodhampīti** sace tādisaṃ bhikkhuṃ iṇāyikā palibujjhanti. Tatruppādato dātuṃ vaṭṭati.

“**Antarasannipātoti** uposathappavāraṇādīmahāsannipāte ṭhapetvā antarā maṅgaluccāraṇādi. **Upanikkhepatoti** cetiyassa āpadatthāya nikkhittato.

“**Aññā katikā kātābbā**”ti ye rukkhe uddissa pubbe katikā katā, tehi imesaṃ aññattāti vuttaṃ. “Sace tattha mūle”ti pubbe “ito paṭṭhāya bhājetvā khādantū”ti vacanena puggalikaparibhogo paṭikkhitto hoti. **Anuvaritvāti** pacchato pacchato gantvā. Tesāṃ santikā paccayaṃ paccāsīsentenāti attho. **Mūlabhāganti** dasamabhāgaṃ katvā. Pubbakāle dasamabhāgaṃ katvā adamsu, tasmā “**mūlabhāgo**”ti vuttaṃ. **Akatāvāsaṃ vā katvāti** uppanna-āyena. **Jaggitakāleyeva na vāretabbāti** jaggitā hutvā pupphaphalabharitakāleti attho. **Jagganakāleti** jaggituṃ āradhakāle. **Ñattikammaṭṭhānabhede panāti** ñattikammaṃ ṭhānabhede.

Idaṃ panettha pakiṇṇakaṃ—atthi saṅghakammaṃ saṅgho eva karoti, na gaṇo, na puggalo, taṃ apalokanakammaṃ kammalakkhaṇekadesaṃ ṭhapetvā itaraṃ catubbidhampi kammaṃ vedītabbaṃ. Atthi saṅghakammaṃ saṅgho ca karoti, gaṇo ca karoti, puggalo ca karoti, taṃ pubbe ṭhapitaṃ. Vuttañhetāṃ “yasmaṃ vihāre dve tayo janā vasanti, tehi nisīditvā katampi saṅghena katasadisameva. Yasmaṃ pana vihāre eko bhikkhu hoti, tena bhikkhunā”ti-ādi¹. Atthi gaṇakammaṃ saṅgho ca karoti, gaṇo ca karoti, puggalo ca karoti, taṃ yo pārisuddhi-uposatho aññesaṃ santike karīyati, tassa vasena vedītabbaṃ. Atthi gaṇakammaṃ gaṇova karoti, na saṅgho, na puggalo, taṃ yo pārisuddhi-uposatho aññamaññaṃ ārocanavasena karīyati, tassa vasena vedītabbaṃ. Atthi puggalakammaṃ puggalova karoti, na saṅgho, na gaṇo, taṃ

1. Vi-Ṭṭha 4. 254 piṭṭhe.

adhiṭṭhānuposathavasena veditabbaṃ. Atthi gaṇakammaṃ ekaccova gaṇo karoti, ekacco na karoti, tattha añattikaṃ dveveva karonti, na tayo. Sañattikaṃ tayova karonti, na tato ūnā vā adhikā vāti.

Apaññattepaññattavaggaṇṇanā

500. Kakusandhakoṇāgamanakassapā eva hi satta āpattikkhandhe paññapesuṃ. Vipassī-ādayo pana ovādapātīmokkhaṃ uddisimsu, na sikkhāpadaṃ paññapesuṃ.

Nigamanakathāvaṇṇanā

Ubhatovibhaṅgakhandhakaparivārehi vibhattaṃ desanaṃ atthi tassa vinayapaṭakassa, nāmena **samantapāsādikā nāma samvaṇṇanā** “samantapāsādikā nāmā”ti vuttavacanasamvaṇṇanā samattāti āha. **Tattha** padhānaghare. **Iddhā** atthavinicchayādīhi.

Sammā udito samudito, te guṇe akicchena adhigato adhikappamāṇaguṇehi vā samudito, tena **samuditena** “gatānaṃ dhammānaṃ gatiyo samannesatī”ti vuttāya satiyā uppādītā saddhādayo **paramavisuddhā** nāma samannārakkhattā. Iti satipi saddhādīhi vuttā hoti. Evaṃ sante ettha vutte catubbidhe sīle pātīmokkhasamvarasīlaṃ saddhā maṇḍeti. Saddhāsādhanañhi taṃ.

Indriyasamvarājīvapārisuddhipaccayaparibhogasīlāni paṭimaṇḍenti sativīriyapaññāyoti yathāyogaṃ veditabbaṃ. Apica saddhā ca buddhirahitā avisuddhā hoti buddhiyā pasādahetuttā. Buddhiyo pana tassānubhāvena paramavisuddhā nāma honti. Paññā saddhārahitā kerāṭikapakkhaṃ bhajati, saddhāyuttā eva visuddhā hoti. Vīriyañca samādhirahitaṃ uddhaccāya samvattati, na samādhuyuttanti vīriyassa suddhavacanato samādhipi vutto hoti, evaṃ paramavisuddhā saddhādayopi pātīmokkhaṃ paṭimaṇḍentī nātabbaṃ. Kathaṃ? Paṭipattidesake satthari ca paṭipattiyañca paṭipattiphale ca saddhāya vinā sīlasamādānaṃ, samādinnavisodhanañca kāhuṃ na sakkāti saddhā pātīmokkhaṃ paṭimaṇḍeti. Tattha “itipi

so bhagavā”ti-ādinā¹ satthari ca pūjetum sakkoti. Paṭipattiyam sīlavipattisampattimūlake sandiṭṭhikasamparāyikaphale ca saddhāpavatti vitthārato ñātābbā, sīlavipattisampattinimittam ādinavamānisamsaṅca ādinavapariccāge, ānisamsasampādane ca upāyam disvā tathā pavattamānā paññā pātimokkhasamvaram paṭimaṇḍeti. “Atisītan”ti-ādinā appavattanāraham kosajjam “yo ca sītaṅca uṇhaṅcā”ti vuttānusārena pajahitvā anuppannuppannānam asamvarasamvarānam anuppādanapajahana-uppādanavaḍḍhanavasena pavattamānavīriyam pātimokkham paṭimaṇḍeti, iminā nayena indriyasamvarādīsipi yojetabbam. Catunnampi saṅgahavatthūnam anukūlasamudācāro idha ācāroti veditabbo. **Ajjava-**vacanena lābhasakkārahetu kāyaduccaritādikuṭilakaramāyāsāṭheyyapaṭipakkha-ajjavadhamma samāyogadīpanena alobhajjhāsayatā dīpitā. **Maddava-**vacanena kakkhaḷabhāvakarapaṭiḅhādipaṭipakkhabhūtamettādimaddavadhammasamāyogadīpanena hitajjhāsayādīni dīpitāni honti. **Ādisaddena** “khanti ca soraccaṅca sākhalyaṅca paṭisanthāro cā”ti-ādinā² vuttadhammehi samāyogo dīpito hoti. Idha vuttā ajjavamaddavādayo guṇā sīlasampattiyā hetū ca honti sīlasampattiphalaṅca taṁsampādanato. **Sakasamayoti** catuparisā. Etena sabhāgadukkhabhāvābhāvo sūcīto. Atha vā **sakasamayoti** sogataṁ³ piṭakattayam sakasamayo eva gahanam duddīpanattā, sakasamayassa sanniṭṭhānam sakasamayagahanam—

“Saccam satto paṭisandhi, paccayākārameva ca.

Duddasā caturo dhammā, desetūṅca sdukkarā”ti⁴—

Vuttattā yathā sakasamayassa gahanapadena yojanā vuttā, tathā parasamayassapi. **Paññaveyyattiyenā**ti anena tikhiṇena ñāṇena katasilānisitasatthasadisabhāvapaññā vuttā. Tipiṭakasaṅkhātāya pariyattiyā pabhedo **tipiṭakapariyattipabhedo**. Tasmim pabhede. Tanti ca tanti-attho ca **sāsanam** nāma. Idha “tanti evā”ti vadanti. Yasmim ayam samvaṇṇanā niṭṭhāpitā, tasmim kāle paṭivedhañāṇābhāvato sutamayam sandhāya **“appaṭihatañāṇappabhāvenā”**ti vuttam. Karaṇasampattiyā

1. Dī 1. 82; Ma 1. 45; Sam 1. 221 piṭṭhādīsu.

3. Sopadesam (Ka)

2. Abhi 1. 15 piṭṭhe.

4. Abhi-Ṭṭha 2. 123 piṭṭhe.

janitattā **sukhaviniggaṭaṃ**. Sukhaviniggaṭattā madhurodātavacanalāvaṇṇayuttenāpi yojetabbaṃ, īdisaṃ vacanaṃ sotasukhañca sannivesasampattisukhañca hoti. “Veyyākaraṇeṇā”ti avatvā “mahāveyyākaraṇeṇā”ti vuttattā sikkhāniruttichandovicityādipaṭimaṇḍitapaṇiniyanyāsādhāraṇadhāraṇasabhāv o sūcito bhavati. **Yuttavādināti**-ādīsu yuttamuttavādinā ṭhānuppattiyapaññāya samannāgatenāti attho. Ojābhedeṇi¹ āyusattikaraṇatādisāmatthayogānaṃ mahākavinā racitaganthassa mahantattā vā “tipiṭakapariyattippabhede”ti-ādīhi sāsane, hetuvisaye, sadde cāti imesu tīsu ṭhānesu pāṭavabhāvaṃ dīpento venayikabuddhisampattisabbhāvamassa sūceti. Yesaṃ puggalānaṃ pabhinnā paṭisambhidādi, te pabhinnapaṭisambhidādayo dhammā. Tehi parivārito ukkhittasantati-upacchedamakavā attano santāne uppādanavaḍḍhanavasena vārito so pabhinnapaṭisambhi dāparivāro. Tasmīṃ **pabhinnapaṭisambhidāparivāre** uttarimanussadhammeti attho.

Chalābhiññacatupaṭisambhidādippabhedaguṇapaṭimaṇḍite pana chalābhiññā uttarimanussadhammā eva. Catūsu paṭisambhidāsu atthapaṭisambhidāya ekadesova. Tadubhayaṃ sayāṃ uttarimanussadhammapariyāpannaṃ kathaṃ uttarimanussadhammaṃ paṭimaṇḍetīti ce? Rukkhaṃ rukkhaṃ avayavabhūtapupphādayo viya sayañca yesaṃ uttarimanussadhammānaṃ avayavattāti. Kāmāvacaradhammapariyāpannapaṭisambhidāñānaṃ uttarimanussadhammānaṃ anavayavabhūtaṃ uttarimanussadhammaṃ paṭimaṇḍeti, purisassa anavayavabhūto alaṅkāro viya purisaṃ. Atha vā kāmāvacarapaṭisambhidāparivāro chalābhiññāpaṭisambhidādippabhedaguṇe paṭimaṇḍeti. Lokuttarapaṭisambhidaṃ sandhāya puna paṭisambhidāvacanañca. Sāsane uppajjitvā sāsanaṃ alaṅkārabhūtena, yasmīṃ vaṃse uppanno, tasseva vā alaṅkārabhūtena. Saṅkhepavittāhesu itarītarakaraṇaṃ, appasannapasannānaṃ pasāduppādanābhivuddhikaraṇaṃ, vuttānaṃ gambhīrānaṃ gambhīruttānabhāvakaraṇanti evaṃ chabbidhācariyaguṇayogato **vipulabuddhi** nāma. Ye dhammacintanaṃ atidhāvantaṃ keci ucchedādinānappakāraṃ antaṃ vā gaṇhanti, “sabbaṃ ñeyyaṃ paññatti evā”ti vā “paramattho evā”ti vā gaṇhanti, tesāṃ buddhi micchādīṭṭhipaccayattā samalā nāma hoti, imassa pana buddhi dhammacintātidhāvanarahitattā visuddhā nāma hoti. Tena vuttam

1. Paññābhedeṇi (Ka)

“vipulavisuddhabuddhinā”ti. **Garūhi** “piyo garu bhāvanīyo”ti-ādinā¹
vuttagaṇehi yuttagarūhi. Gaṇehi thirabhāvaṃ gatattā **therena**.

Sīlena sīlassa vā visuddhiyā **sīlavissuddhiyā**. Avijjaṇḍakosaṃ padāletvā
paṭhamam abhinibbattattā **lokajettassa**. Lokassa vā gambhīre mahante
sīlādikkhandhe esi gavesīti **mahesīti**.

Ettāvatā samadhikasattavīsatisahassaparimāṇāya
samantapāsādikasaññitāya **vinayaṭṭhakathāya** sabbapadesu vinicchayaajātam
saṅkhipitvā **gaṇṭhiṭṭhānavikāsanā** katā hoti, tathāpi yaṃ ettha likhitam, tam
suṭṭhu vicāretvā **pāḷiṇca aṭṭhakathaṇca** sallakkhetvā ye ācariyā buddhassa
bhagavato mahānubhāvaṃ, vinayapiṭakassa ca vicitrānayaḡambhīratthataṃ
sallakkhetvā porāṇānaṃ kathāmaggaṃ avināsetvā attano matim pahāya
kevalam saddhammaṭṭhitiyā, parānuggahakāmatāya ca vinayapiṭakam
pakāsentā ṭhitā, tesam pādamūle vanditvā
khantisoraccādiguṇasamannāgatena hutvā vattasampattiyā tesam cittam
ārādhētva paveniyā āgataṃ vinicchayaṃ kathāpetvā upadhāretvā yaṃ tena
saṃsandati, tam gahetabbaṃ, itaraṃ chaḍḍetabbaṃ. Itarathā tuṇhībhūtena
bhavitabbaṃ. Vinicchayaṃsaṅkarakarena pana na bhavitabbameva. Kasmā?
Sāsanassa nāsahetuttā. Hoti cettha—

“Asambudham buddhamahānubhāvaṃ,
Dhammassa gambhīranayatthataṇca.
Yo vaṇṇaye tam vinayaṃ aviññū,
So duddaso sāsanānāsahetu.

Pāḷim tadatthaṇca asambudham hi,
Nāseti yo aṭṭhakathānayaṇca.
Anicchayaṃ nicchayato parehi,
Gāheti teheva purakkhato² so.

1. Surakkhato (Ka)

2. Am 2. 422; Khu 10. 142 piṭṭhesu.

Anukkameneva mahājanena,
Purakkhato paṇḍitamānibhikkhu.
Apaṇḍitānaṃ vimatiṃ akatvā,
Ācariyalīlaṃ purato karotī”ti.

Samantapāsādikāya gaṇṭhipadādhippāyappakāsanā samattā.

Vajirabuddhiṭkā niṭṭhitā.

Vajirabuddhiṭkāya

Samvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Aṃsabhaṇḍikaṃ	208	Agamanapathe	460
Akatam	509, 545	Agamāsi	451
Akatapabbhāre	296	Agāmake	360
Akatavatthum	207	Agārikabhūto	410
Akataviññattiyā	168	Aggaḷaguttiyeva	497
Akatāvāsam	585	Aggim katum	296
Akappiyakataṃ	318	Aggim ṭhapetum	297
Akappiyañca	260	Aggimanto	320
Akappiyameva	249	Agghavisuddhiyā	556
Akappiyasappinā	322	Agghasamodhāno	513
Akappiyasambhogo	577	Angam	519
Akaraṇīyo	472	Angīraso	545
Akātum	490	Acarimaṃ	173
Akāmakā	68	Acittakattā	257
Akāraṇam	513	Acittakabhāvena	239
Akāsi	53	Acittakāni	388
Akiriyato	108	Acīvarassa	234
Akiriyā	370	Accajantā	19
Akuppadhammattā	172	Accantameva	34
Akuppā vimutti	405	Accuggamma	398
Akusalaṃ	520	Accekacīvaram	279
Akusalacittam	361	Acchādetvā	411
Akusalo	549	Acchi	122, 320
Akkharam	43	Acchissanti	195
Akkharasamūho	291	Acchupiyanti	522
Agandhikapuppham	320		

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Ajātassaro	461	Aṭṭhikakaṇṭakāni	523
Ajānantassa	168	Aṭṭhitassa	16
Ajjatanā	538	Aṭṭhimiñjaṃ	427
Ajjava	582	Aḍḍhateyyahattham	345
Ajjhattam	152	Aḍḍhabāhu	528
Ajjhupekkhanam	146	Aḍḍhamāso	22
Ajjhesanam	18	Aṇaṇa	397
Ajjhokāse	300	Aṇimatā	41
Ajjhoharato	322	Aṇḍavuḍḍhi	482
Añatvā	483	Atakkāvacaro	397
Aññam	258	Atikkantampi	530
Aññam navam	252	Atikkanto	22
Aññatarappahonakam	489	Atikkamitvā	420
Aññatitthiyapubbo	422	Atikkāmayato	542
Aññathāpi	243	Aticchatha	26
Aññabhāgassa	200	Ativuṭṭhikāle	460
Aññabhāgiyassa	201	Atta	286, 287
Aññabhāgo	200	Attakilamathānuyogo	402
Aññamaññasāṅkaravirahite	24	Attanā	242
Aññassatthāya	244	Attanomati	88
Aññā	401	Attano vāde	286
Aññāsi	38	Attapaccakkhavacanam	21
Aññena	243	Attā	72
Aṭṭhakathānissito	291	Attādānam	536
Aṭṭhaṅgulapādakam	341	Attham	18, 24
Aṭṭhatvā	313	Atthataṃ	492
Aṭṭhannam pārājikānam	355	Atthato	304
Aṭṭhapi soḷasapi	526	Atthapadam	40
Aṭṭhasatatanḥāvicarītāni	41	Atthavase	533
		Atthāpatti	554

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Atthābhisaṃmayā	34	Anajjhāpanno	450
Atthāya	24	Anajjhāvutthakaṃ	191
Atthibhāvaṃ	512	Anativattanaṭṭhena	146
Attho	43	Anattā	545
Adaḍḍhāya	297	Anattukkaṃsanato	55
Adassaneyeva	508	Anatthasaṃhito	402
Adāsi	339	Ananuññātaṃ	68
Addhamāsaṃ	146	Anapekkhagamaṇena	467
Addhānamaggappaṭipannassa	255	Anariyā	356
Addhānasaṅkhāte	150	Anariyo	402
Adhammacaraṇena	349	Anākappasampannā	416
Adhammena	461	Anāgata	281
Adhikaraṇaṃ	35, 97, 201	Anāgamaṇampi	453
Adhikaraṇaṭṭho	199	Anādaraṃ	533
Adhikaraṇassa	201	Anāpatti	79
Adhikaraṇehi	550	Anāpattivāre	279
Adhikuṭṭanaṭṭhena	334	Anāpucchitvāpi	301
Adhiccasaṃuppanni-		Anāropite	298
kapakkhampi	27	Anāvilasaṅkappo	415
Adhiṭṭhahitvā	239, 462	Anibandhanīyo	525
Adhiṭṭhātabbā	275	Animantitacatutthaṃ	313
Adhiṭṭhātumaṃ	221	Animantena	468
Adhiṭṭhānasampannaṃ	146	Aniyamaṇiddesaṃvacanaṃ	32
Adhiṭṭhitā	313	Anuññāto	68, 206
Adhiṭṭheti	271	Anudūtaṃ	508
Adhipateyyaṭṭho	42	Anupaddavatthāya	463
Adhippāyamattaṃ	355	Anupariyāyi	522
Adhippāyo	85	Anupasampannaṃ	299
Adhimattaṃ	418	Anupasampannaṣaṅñī	337
Adhimutto	476	Anupasampanno	325
Anacchariyā	397		

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anupādāya	57	Antonimittagatehi	453
Anupādāparinibbānatthāya	29	Antoleṇaṃ	454
Anupādisesāya	21	Andharaṭṭhaṃ	28
Anuppādadhammā	44	Anvaddhamāsaṃ	453
Anuppādo	394	Apakkā	271
Anumānessāma	541	Apaccuddharitvā	558
Anumodāma	490	Apaññatte	69, 70, 238
Anuyogo	198, 402	Apattacīvaraṃ	435
Anuvadanti	199	Apadānena	207
Anuvādaṃ	538	Apanetabbā	168
Anuvaritvā	580	Apanetvā	477
Anullapanādhippāyo	173	Aparavasitā	41
Anussāganāyena	192	Aparāparaparivattane	265
Antamaso	85	Aparāmaṭṭhāni	546
Antaradhāyati	306	Aparikkhitte	420
Antarasannipāto	580	Apalokanato	548
Antarasamudde	126	Apavāhanam	432
Antarā ca	400	Apavilāyamāno	495
Antarāpatti	556, 557	Apākaṭā	201
Antarāyāya	335	Apātubhāvā	46
Antarāyiko	449	Apāpitaṃ	530
Antarāyena	538	Apāpuretam	397
Antarena	520	Apārutā	398
Antarā	401	Api	248, 304, 323
Antānantiko	27	Apubbaṃ	173
Antimamaṇḍalam	62	Appaṭikūlam	55
Antevāsikā	526	Appaṭiññāya	196
Anto	398	Appaṭipīlanam	152
Antodasāhe	275	Appaṭivekkhitvā	167
Antonadiyaṃ	459	Appaṭihataññappabhāvena	582

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Appatto	503	Amataṃ	26
Appamādo	26	Amataṭṭho	42
Appameyyaṃ	6	Amatadundubhiṃ	400
Apparajakkhajātikā	397	Amatassa dvāraṃ	397
Apparajakkhajātiko	398	Amarāvikkhepikapakkhampi	27
Appātaṅkaṃ	44	Amaribhukāmā	165
Appābādhaṃ	44	Amissaṃ	17
Appeva nāma	541	Amutra	51
Abbokiṇṇāni	57	Amūlakattaṃ	199
Abbhetabbo	512	Amūlakabhūtagāme	297
Abyākatam	519	Amūlḥavinayo	549
Abhājite	500	Ambātakam	319
Abhāvena	199	Arañjaro	528
Abhāsi	26	Araññaṃ	149
Abhi	175	Arañṇe	360
Abhiññāya	402	Arahaṭaḡaṭṭiyantaṃ	524
Abhiññeyyaṃ	154	Araho rahosaññī	163
Abhidosakālaṃkato	399	Ariyakena	98
Abhidhammaṃ	387	Ariyasaṃghaṃ	13
Abhidhammavirodho	179	Aruṇaṃ	467, 498
Abhinibbhidā	51	Aruṇuggamaṇe	237
Abhiniviṭṭhokāsassa	171	Alaṃvacanīyā	191
Abhinīhāraḡkhamam	49	Alabhīti labho	330
Abhisankhāresi	410	Alābhakesu	527
Abhisamayaṭṭho	34	Alābhesi	288
Abhisambhuṇāti	18	Allasarīre	104
Abhīto	413	Allīyanam	402
Abhūtagāmaṃmūlattā	297	Avakaṇṇakam	288
Amaccassa	29	Avajānāti	286

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Avajānitvā	216	Asammohādhimutto	477
Avadhāraṇatthe	38	Asādiyantena	247
Avatthukapakkā	271, 481	Asādhāraṇahetumhi	37
Avayave	179	Asisūnūpamā	334
Avikappanaṃ	315	Asīmā	458
Avikkhambhite	149	Asucino	145
Avijjādikilesajālaviddham- sino	11	Asuttakaṃ	576
Avijjāpaccayā	394	Asuttantavinibaddham	72
Aviññussa	98	Asuddhā	424
Avippavāsalakkaṇavavatthā- panatthaṃ	230	Asubhaṃ	145
Avippavāsasammutiṃ	230	Asubhakammaṭṭhānaṃ	149
Avippavāsasīmā	457	Asubhā	145
Avisaṅketam	170	Asubhāya	145
Aviseṣena	171	Asekkhaṅgāni	415
Avuṭṭhitāya	474	Asekkhena	422
Averisabhāgo	512	Asecanako	149
Asakkonto	165	Asenāsanāni	527
Asaṅkhataṭṭho	42	Assa	200, 341
Asañcicca	168	Assavanatā	397
Asante	360	Assāsakā	414
Asandhimittā	26	Assāsapassāse	153
Asannidhikatenā	492	Assāsavasena	148
Asabbaññū assa	204	Assudha	253
Asamanubhāsantassa	206	Ahuvuñca	297
Asambudhaṃ	11	Ahogaṅgo	541
Asambhinnasamuṭṭhānāni	545	Aho nūna	476
Asammatāya	456	[Ā]	
Asammohato	154	Ākaṅkhamānena	256
		Ākaḍḍhanayantaṃ	524

Padānukkamo	Piṭṭhaṅko	Padānukkamo	Piṭṭhaṅko
[Ā]		[Ā]	
Ākāsatāle	117	Ādesanāpāṭihāriyā-	
Ākāsapabbhāraṃ	454	nusāsaniyā	533
Ākāseṇa	22	Ādhārake	324
Ākāro	43	Ādhāro	200
Āgacchati	359	Ānāmanā	151
Āgataṃ	468	Ānisaṃsaṃ	490
Āgantukabhattampi	531	Āpattim	288
Āgantukā	475	Āpatti	101
Āgantvā	22	Āpattikkhandhā	548
Āgamabyattito	44	Āpattigāminiyopi	537
Āgamā	540	Āpatti dukkaṭassa	321
Āgametha	377	Āpattibhayā	205
Āgāminiyā	57	Āpattibhedadassanattamaṃ	193
Āgāḷhā	401	Āpattivuṭṭhānaṃ	179
Āgilāyati	533	Āpadāsu	305
Ācariyavādaṃ	88	Āpāṇakoṭikaṃ	543
Ācariyaparamparato	63	Āpāthāramaṇiyato	55
Ācariyuggaho	329	Āpucchanāṃ	301
Ācare	356	Āmakadhaññaṃ	369
Ājānissati	398	Āyatim	44
Ājīvo	56	Āyato	341
Āṇatto	276	Āyassa	53
Āṇacakkāṃ	22	Āyācanti	190
Āṇāpako	159	Āyāmi	414
Ādaratthavaseneva	58	Āyukappaṃ	533
Ādānavatti	482	Āyūhana	42
Ādi	50	Āraṇṇako	122
Ādicco	545	Ārakā	546
Ādittapariyāya	414	Āraggena	122
Ādīnava	408	Ārammaṇato	154

Padānukkamo	Piṭṭhaṅko	Padānukkamo	Piṭṭhaṅko
[Ā]		[Ā]	
Ārammaṇasantatāya	149	Āhāratthāya	319
Ārammaṇe	151	Āḷambaram	408
Ārāmādi-atthāya	207	[I - Ī]	
Ārāme ṭhitā	372	Īcchāvacarānaṃ	49
Ārocetvā	513	Īñjanā	151
Ārocetha	448	Īṭṭhakā	303
Ālindakamiḍḍhikādīnaṃ	522	Īṭṭhāniṭṭhaviparītaṃ	47
Āluva	319	Īti	405
Āloko	404	Ītthambhūtassa	38
Ālopasāṅkhepena	530	Ītthinimittam	105
Āvajjanavasī	153	Ītthiyuttana	538
Āvaṭṭetvā	28	Ītthilingam	112
Āvaraṇam	428	Īddhipāṭihāriyam	533
Āvāṭe	164	Īddhimayikam	487
Āvāsesu	527	Īddhiyā	173
Āviddhapakkhapāsam	524	Īndriyānaṃ	146
Āsatti	525	Īmesam sutvā	338
Āsado	532	Ītim	156
Āsabhiṃ	44	Īdisāni	177
Āsayabhedato	175	[U]	
Āsavā	54	Ukkiranti	122
Āsavehi	57	Ukkhipāpetvā	454
Āsutā	541	Ukkheṭito	172
Āsevanaṭṭhena	146	Ukkhepanīyam	508
Āhacca	150	Ukkhepanīyakammaṃ	508
Āhañchaṃ	400	Ukkhepimam	453
Āhatako	357	Uggahitakam	268
Āhāram	168	Ugghātetukāmo	298
Āhāraṭṭhitikā	39	Uccāraṇamattam	323
Āhārattham	481		

Padānukkamo	Piṭṭhaṅko	Padānukkamo	Piṭṭhaṅko
[U]		[U]	
Ucchumhā	270	Uddeso	557
Ucchurasam	271	Uddharaṇam	103
Ucchedavādī	27	Uddhumātakasaññā	94
Ujjavanikāyā	540	Upakārakattena	47
Ujjaviṃsu	541	Upakkamukho	439
Ujjavujjave	381	Upakkilesa	53
Uṭṭhāpanena	467	Upagantabbam	471
Uṭṭhāpeti	498	Upagantum	469
Uṭṭitvā	522	Upaghātetī	557
Uṇhīsato	425	Upacāram	291, 302
Uṇhodakena	269	Upacāre	496
Ututtayānukūlam	149	Upacāro	238
Utuvasse	463	Upacchindati	168
Uttamaṃ	40	Upacchinnā	235
Uttarapadena	68	Upaṭṭhānam	148
Uttaritam	165	Upaḍḍhakkhāyite	104
Udakavāhako	414	Upaḍḍhupaḍḍham	424
Udakukkhepā	458	Upadahātabbo	536
Udaggacittam	409	Upaddutā	540
Udadhi mahā	533	Upanāham	439
Udapajjatha	533	Upanikkhepaṃ	261
Udabbahi	288	Upanibandhitvā	527
Udānam udānesi	408	Upanibandhanathambhamūlam	152
Udicchare	413	Upanetabbam	363
Udukkhalaṃva	454	Upapattivasena	44
Uddāletvā	341	Upapannaphalo	56
Uddiṭṭhe	426	Uparibhāgamajjham	100
Uddisitabbam	447	Upavattanam	21
Uddisitum	450	Upavādo	58
Uddesam	210	Upasaṅkamantu	253

Padānukkamo	Piṭṭhaṅko	Padānukkamo	Piṭṭhaṅko
[U]		[U]	
Upasampadakammavācāsadisam	428	Uruvelā	392
Upasampannabhikkhunā	431	Usabhaka	319
Upasampādentī	435	Ussukkavacanam	155
Upādānakkhayassa	477	[Ū]	
Upādinnakena	185	Ūnakam	458
Upāyena	206	Ūnatarampi	192
Upāli	533	Ūnavīsativasso	337
Upāsako	55	[E]	
Upekkhānubrūhanā	145	Ekamsena	202
Upeti	473	Ekakulam	378
Uposathantarāyo	466	Ekaccasassatiko	27
Uposathamukham	456	Ekatiṃse	237
Uposathamukhassa	456	Ekato	312
Uposathe	450	Ekattupaṭṭhānassa	146
Uposatho	305	Ekaniḱāyikānam	316
Uppaṭipāṭiyā	150, 174	Ekaniḱātanam	22
Uppannam	413	Ekantato	519
Uppannattā	498	Ekapayogo	371
Uppaliniyam	397	Ekarapicchedāni	338
Ubbāḷhā	380	Ekaratanappamāṇā	454
Ubbhārāya	492	Ekarasatṭhena	146
Ubbhidam	481	Ekavalaḷaṅjam	529
Ubhatobyaṅjanāsi	188	Ekavāram	530
Ubhatosaṅghe	237	Ekasāṭakam	241
Ubhatosuddhiyāva	412	Ekasālake	34
Ubhayatīresu	359	Ekasīmāya	490
Ummattako	98	Ekānussāvane	441, 442
Ummādiya	320	Ekārakkhā	415
Ummukam	370	Ekindriyam	379
Uyyānam	380		

Padānukkamo	Piṭṭhaṅko	Padānukkamo	Piṭṭhaṅko
[E]		[O]	
Ekūnavīsativasso	333	Odissa	206
Ekūpacāro	230	Opapāyi	417
Eke	22	Opātetī	291
Ekevādo	242	Omadditvā	557
Eko baddho	452	Omasati	547
Eti	188	Oyācanti	190
Evaṃgotto	51	Oraṃ	453
Evaṃnāmo	51	Oravasaddaṃ	486
Evaṃsate	533	Oriṃatīrameva	359
Eso me attā	407	Orohātī	346
Esohamasmi	407	Orohitvā	409
Ehiti	198	Oloṇī	346
[O]		Osāreti	360
Okallako	99	Osāretvā	446
Okāraṃ	409	Oḷārikassa	46
Okāsaṃ	387	Oḷārikeneva	287
Okāsakammaṃ	200	[Ka]	
Okāsassa	159	Kacche	408
Okkantabhikkhuniṃ	576	Kaṅci desaṃ	201
Okkami	408	Kaṅjikaṃ	323
Ocinantā	62	Kaṭukaphalaṃ	320
Ojavanto	149	Kaṭasakkharā	296
Oṇojanaṃ	510	Kaṇṭakadvāraṃ	117
Otaratī	454	Kaṇṭakampi	207
Otaratu	522	Kaṇṭakena	482
Otiṇṇe	62	Kaṇṭhe	408
Otiṇṇo	180	Kaṇḍupaṭicchādi	342
Ottharivā	460	Kaṇḍusaṃ	490
Odātānaṃ	251	Kaṇṇasukhato	55

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Katatelam	269	Kammaṭṭhānaṃ	152
Katipāhaṃ	68	Kammadosaṃ	360
Katovassa	456	Kammappattāyopi	537
Kattā	196	Kammalakkhaṇaṃ	203
Kattikajuṇhapakkhassa	28	Kammavācā	490
Kathānusārena	304	Kammārabhaṇḍu	424
Kathinaṃ	488	Kammārahassa	298
Kathinacīvarato	491	Karaṇattho	35
Kathinatthatasīmāyaṃ	488	Karaṇāni	412
Kathinatthāraṃ	488	Karaṇīyaṃ	472
Kathetuṃ	304	Karamandaṃ	269
Kapimiddhapareto	179	Karuṇākiccaṃ	35
Kapotabhaṇḍikā	529	Karuṇāvippāraṃ	45
Kappaṃ	205	Karuṇāvihārena	34
Kappaṃ katvā	238	Kali	72
Kappagatikaṃ	357	Kalisāsaṇaṃ	72
Kappati	542	Kallaṃ nu	407
Kappanahutehi	416	Kallacittaṃ	409
Kappanti	559	Kavāṭavittārappamāṇo	303
Kappiyakuṭiṃ	486	Kasaṭaṃ	323
Kappiyabhaṇḍaṃ	249, 261	Kaseruko	319
Kappiyamaṃsakhīraṃ	324	Kahāpaṇo	124
Kappiyavasena	168	Kātabbaṃ	508
Kappiyākappiyaṃ	412	Kātumeva	424
Kappeti	199	Kāmasukhallikānuyogo	402
Kappo	5	Kāmitthiyo	414
Kabaḷe kabaḷe	496	Kāmupādānapaccayā	38
Kammaṃ	548	Kāmesu	402
Kammakāraḥkaṃghe	360	Kāyakammaṃ	330
Kammacittikatāni	476	Kāyacchavī	112

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kāyappāgabbhiyaṃ	546	Kirakammakārena	313
Kāyavicchindaniyakathaṃ	145	Kiriyāṃ	190
Kāyasamsaggaṃ	180	Kiriyato	108
Kāyānugatikattā	300	Kiriyā	370
Kāyikāni	322	Kiriyākiriyaṭo	188
Kāyena	107	Kiriyāviseso	159
Kāyo	150	Kilāsuno	57
Kārakagaṇassa	360	Kīṭāgiri	207
Kāraḱasaṃghasadiṣaṃ	87	Kīḷana-upavaṇaṃ	380
Kāraṇaṃ	62	Kukkuccaṃ	545
Kāraṇato	304	Kukkuccāyaṇto	311
Kāraṇtarā	529	Kucchicimilikā	491
Kārī	149	Kuṭiṃ karoti	547
Kāretabbaṃ	319	Kuṭiṃ karoṭha	194
Kāretabbo	322	Kuṭigehe	454
Kālaññū	62	Kuṭṭhaṃ	443
Kālattho	35	Kuṇī	439
Kālo	5, 62	Kudālapphāre	164
Kāsamaddaka	320	Kuntāla	320
Kāsāyāni	411	Kuyyaka	320
Kāsmarī	320	Kulavaṃ	540
Kāḷānusārī	167	Kulānuḱḱayaṭāya	533
Kiccaṃ	199	Kule	325
Kiccayaṭā	199	Kullakavihārena	541
Kiccasuḱḱhiyā	43	Kusalaṃ	205
Kiccādhikaraṇaṃ	548	Kusalacitto	519
Kicchena	397	Kusalatṭhikānaṃ	13
Kiṇṇena	523	Kusumamālaṃ	72
Kittetuṃ	456	Kūṭatṭṭhitikā	529
Kira	151, 409	Keṭubhaṃ	26

Padānukkamo	Piṭṭhaṅko	Padānukkamo	Piṭṭhaṅko
[Ka]		[Kha]	
Ketuṃ	525	Khāṇukaṃ	459
Ketumālā	26	Khādanam̐	267
Kesamissam̐	414	Khādanīyam̐	385
Kesavissajjanam̐	427	Khādantassa	483
Koṭi	332	Khādimsu	268
Koṭihi	204	Khāyitam̐	104
Koṭṭetvā	459	Khārakamūlam̐	319
Koṭṭhakam̐	418	Khārikājamissam̐	414
Koṭṭhaphalam̐	481	Khārakākoli	319
Koṇam̐	455	Khīravallikando	319
Koṇato	455	Khīlanamantaṃ	382
Koṇasuttapiḷakā	122	Khuddakapalibodhā	152
Kopetvā	114	Khettaṃ	13
Kosiyam̐	250	Khedam̐	6
Kosiyakārako	250	Khobhakarapaṇṇāpaccayo	177
[Kha]		[Ga]	
Khajjetvā	523	Gaṇanā	288
Khaṇo	34	Gaṇabhojanam̐	312
Khaṇḍasīmam̐	411	Gaṇassa	365
Khaṇḍasīmāyam̐	457	Gahaṇe	185
Khandha	391	Gaṇṭhi	319
Khandhakavattāni	535	Gaṇṭhikā	529
Khandhakovidā	391	Gaṇḍo	443
Khandhā	391	Gatassa	469
Khamati	53	Gato	6
Khamanīyam̐	44	Gantabbam̐	419
Kharabhāvo	45	Gantukāmā	305
Khale	249	Gabbhinim̐	384
Khāṇum̐	105	Gabbhokantikasamayo	34

Padānukkamo	Piṭṭhaṅko	Padānukkamo	Piṭṭhaṅko
[Ga]		[Ga]	
Gamanuppādanam	356	Gilānupaṭṭhākānam	499
Gamanena	39	Gihivikataṁ	477
Gamikabhattampi	531	Gihivikaṭaṇihārena	528
Gamenti	540	Gihibhāvaṁ	98
Gammo	402	Gīvā	357
Gayam	400	Guṇi	439
Gayamuggaram	122	Guttam	26
Garahā	58	Guḷapiṇḍam	531
Garu	584	Guḷo	485
Garukabhāvanam	152	Guḷhapaṭicchanno	311
Garubhaṇḍam	528	Gehassitapemaṁ	418
Garubhaṇḍena	528	Gocariyānam	251
Garumedhassa	99	Goṭṭhaphalam	320
Galagaṇḍi	437	Gotrabhuno	171
Gahakūṭam	23	Gonaso	100
Gahapati	379	Gopakā	28
Gahākāram	23	Gopphanam	207
Gahitattā	262	Gobhattanāḷikā	439
Gāmañca	456	Gomuttakam	122
Gāmadhammam	72	[Gha]	
Gāmanigamasīmam	460	Ghaṭayati	194
Gāmantarapariyāpannam	578	Ghaṭikaṭāham	523
Gāmantaragaṇanāya	310	Ghaṭikadāma-olambako	208
Gāmasīmāsankhyam	461	Ghaṭetvā	490
Gāmikā	476	Gharamaṅgalam	427
Gāmūpacārañca	456	[Ca]	
Gārayho	329	Ca	335
Gāham	198	Cakkabhedam	533
Giñjakāvasatho	121		
Gilānasseva	485		

Padānukkamo	Piṭṭhaṅko	Padānukkamo	Piṭṭhaṅko
[Ca]		[Ca]	
Cakkavīriyo	189	Cittena	108
Cakkhukaraṇī	402	Ciraṃ	57
Caccumūlaṃ	319	Cirapaṭikā	414
Catuddisā	410	Cirā	57
Catupañcarukkhanimittamattampi	452	Cīnamuggo	320
Caturassavattaṃ	522	Cīnavuṭṭhāni	28
Caturāpasseno	415	Cīvaram	282
Caturāsītikappasahassaparamāyupariyanto	51	Cīvarapaccāsā	234
Cattāro	312	Cīvarāsā	235
Cammaṃ	477	Cutūpapātañāyā	51
Cammasamyutte	551	Ceṭake	310
Cara	405	Ceṭako	99
Carukena	323	Cetanā	198
Cavitvā	26	Cetāpitaṃ	261
Cātuddasiko	305	Cetiyādi	164
Cāpo	348	Cetehi	480
Cārabhūmi	192	Cetokhilā	41
Cālitehi	481	Cellako	99
Citā	525	Coca	320
Ciṇṇamānatto	512	Coranāgassa	169
Cittaṃ	54	[Cha]	
Cittaṅgaṃ	108	Chakaṇaṃ	481
Cittapakhandanaṃ	146	Chaḍḍitapatita-uklāpā	22
Cittaviveko	46	Chaḍḍetvā	323
Cittavisuddhi	145	Chattamaṅgalaṃ	427
Cittayampayuttaṃ	99	Chadanameva	194
Cittuppādo	518	Chadanūpari	303
Citte	54	Chandaṃ	385
Cittekaggatathāni	48	Chandaso	487

Padānukkamo	Piṭṭhaṅko	Padānukkamo	Piṭṭhaṅko
[Cha]		[Ja]	
Chandāya	299	Jātaḷoṇī	320
Chando	150	Jātānaṁ	146
Channassa	540	Jātiphalaṁ	320
Chapakavatthusmiṁ	348	Jātisampannakulāni	28
Chabbaggiyānaṁ	526	Jātu	533
Chavasīsassa pattaṁ	523	Jānitabbā	201
Chasattaḷoṭṭhakāni	302	Jāpito	288
Chaḷaṅgā	415	Jālavitānaṁ	207
Chaḷaṅgupekkhā	46	Jīvati	576
Chāyā	443	Jīvantīpupphaṁ	320
Chijjati	332	Jīvamānakapurisassa	105
Chindantaṁ	169	Jīvaloko	11
Chinnapātaṁ	540	Jīvikaṁ	319
Chinnaṇaṭṭamakānussaraṇādīsu	50	[Jha - Ña]	
Chinnavassānaṁ	527	Jhānaṁ	173
Chetabbamhi	522	Jhānapaṭilābhapaccanīkānaṁ	49
Chedanakaṁ	542	Jhāyato	395
[Ja]		Ñatti	458
Jaggato	533	Ñattikammaṭṭhānabhede	585
Jagganattāya	179	Ñatticatutthena	94
Jaṅghappamāṇaṁ	28	Ñattito	548
Jajjharī	319	Ñatvā	112
Jaṭile	414	Ñāṇaṁ	40
Jammim	25	Ñāṇakaraṇī	402
Jaraṭṭhaṁ	319	Ñāṇakiccaṁ	34
Jallikā	271	Ñātakapavāritaṭṭhāne	369
Javakaṇṇakaṁ	288	Ñātikulaṁ	358
Jāgarantassapi	323	Ñāteyyaṁ	39
Jātarukkhassa	459	Ñāto	19

Padānukkamo	Piṭṭhaṅko	Padānukkamo	Piṭṭhaṅko
[Ṭa - Ṭha]		[Ta]	
“Ṭaṅkitamaṅco	471	Tathābhāvapaṭisedhano	149
Ṭatvā rakkhati	249	Tathābhūtassa	150
Ṭapitā	490	Tatheva	175
Ṭapite	258	Tadajagamā	192
Ṭapetvā	261	Tadatthāya	193
Ṭhānaṃ	548	Tadupagavīriyavāhanaṭṭhena	146
Ṭhānācāvanamatteneva	176	Tantikkamaṃ	19
Ṭhānāni	100	Tabbhāgiyavicāraṇāya	202
Ṭhāne	198	Tabbhāgiyā	548
Ṭhitam	103	Tambakam	319
Ṭhitāni	398	Tambulakallakavihāraṃ	169
Ṭhitikaṃ	530	Taruṇaphalaṃ	320
		Talasattikaṃ	336
		Tassapāpiyasikā	549
[Ta]		Tālapaṇṇaguḷakaṃ	207
Taṃ	18	Tālapaṇṇamuddikaṃ	186
Taṃ nissāya	203	Tālamūlakavabbato	454
Taṃ vibhāgam	243	Tālum	150
Takaṃ	320, 481	Timsāni	198
Takapaṇṇi	320, 481	Tikabhojanaṃ	532, 557
Takapatti	320, 481	Tikoṭiparisuddhaṃ	204
Tacchakakammaṃ	288	Tikkhabhāvo	45
Tajjanīyakammaṃ	508	Ticittam	334
Tajjanīyakammaṣṣa	509	Ticīvaraparivāraṃ	529
Taṇḍuleyyakaṃ	319	Ticīvarikeneva	243
Taṇhākkhaye	400	Tiṇaṇḍupakaṃ	186
Tatiyena	332	Tiṇavatthāraṅkaṃ	549
Tato mucchitvā	176	Tintiṇika	320
Tattakā	164	Tindukācīra	34
Tathāgata	68	Tipiṭakasabbapariyatti-	
Tathāgatassa	19, 44	bhedadharā	22

Padānukkamo	Piṭṭhaṅko	Padānukkamo	Piṭṭhaṅko
[Ta]		[Da]	
Tipusakādi	460	Dantagītaṁ	522
Tipusavātiṅgaṇa	320	Davakamyatā	289
Timbarusaka	320	Davāya	98
Tiracchānagatāyapi	85	Dasabhātikaṁ	28
Tilabījakaṁ	207	Dasamaṁ	215
Tivaṅgikaṁ	206	Dasasahassacakkavāḷe	62
Tivassantarena	528	Dasāhātikkantaṁ	219
Te	334	Dasāhena	280
Tejasā tejaṁ	413	Dassanaṭṭho	42
Tejova	413	Dassanāya	253
Tena nivattho	242	Dassite	167
Temiyati	453	Dahati	171
Telaparibhogena	481	Dātabbaṁ	527
[Tha - Da]		Dātabbāni	241
Thanudarā	387	Dātukāmo	267
Thambhakavātapānaṁ	525	Diṭṭhadhammanibbānavādī	27
Thāvarā	526	Diṭṭhadhammasukhavihāra-	
Thullaccayaṁ	104, 168	samayo	34
Theyyaṁ	125	Diṭṭhasantonena	198
Theyyasamvāsako	430	Diṭṭhassa	288
Theyyāya	530	Diṭṭhādino	203
Theraṁ	56	Diṭṭhiyā	446
Therapitā	191	Diṭṭhisīlasaṅghātena	37
Therassa	530	Diṭṭhena	326
Therānaṁ	241	Dinnaṁ	413
Thomito	348	Dinnaṁ parikkhāraṁ	339
Daṭṭtheyyaṁ	39	Dinnakameva	523
Daṇḍamuggaro	528	Dibbacakkhuñṇāṇavijjā	53
Dantaṁ	26	Disaṁ gato	419
		Disā	40
		Dīghaṁ	150

Padānukkamo	Piṭṭhaṅko	Padānukkamo	Piṭṭhaṅko
[Da]		[Da]	
Dīghamūlakapaṇṇasevālam	207	Desanāsuddhi	262
Dīghasibbitam	490	Desayi	545
Dīghādino	203	Dvattimsapalaguḷa-	
Dīpakatittiro	27	piṇḍappamāṇo	452
Dīpavāsino	320	Dvāram	153
Dīpinaṅguṭṭhena	525	Dvārakosā	303
Dukkaṭam	160	Dvāravātapānakavāṭāni	271
Dukkarakārikasamayo	34	Dvāre	319
Dukkhavedanam	345	Dvihattappamāṇampi	345
Dukkhassa	34	Dvīhi meghehi	207
Duggandham	189	Dve	170
Duggahitāni	498	Dve tisso	305
Duccaritasamkilesam	24	[Dha]	
Duṭṭhullam	547	Dhajūpamehi	17
Dutiyapāduddhāre	359	Dhaññaraso	487
Dutiyassa	332	Dhaniṭṭhakam	288
Duddaso	397	Dhammam	19
Dunnivatthā	416	Dhammakathikā	195
Duppārutā	416	Dhammakamme	384
Dubbiññeyyo	35	Dhammacakkam	405
Dubbinibbhogam	249	Dhammacakkhum	405
Dubbhāsitam	546	Dhammacakkhu	28
Duranubodho	397	Dhammatā	196
Dussakuṭim	577	Dhammadesanasamuṭṭhānāni	349
Deddubho	122	Dhammadhātuṃ	45
Devamanussānam	37	Dhammadhātu	173
Desacārittam	424	Dhammappadīpassa	19
Desato	152	Dhammarajju	207
Desanāpaññāya	543	Dhammaratanavassam	62
Desanāmena	487	Dhammavaro	11

Padānukkamo	Piṭṭhaṅko	Padānukkamo	Piṭṭhaṅko
[Dha]		[Na]	
Dhammavinayo	411	Navamaṃ	215
Dhammasāmi	423	Navamālikā	320
Dhammassavanaggaṃ	546	Nāgamaṇḍalam	382
Dhammānulomaṃ	86	Nāgayoniyā	432
Dhammena vaggam	462	Nāgo	482
Dhammo	11	Nātho	8
Dhāti	384	Nānācariyā	442
Dhātukusalo	413	Nānāverajjakā	173
Dhāretabbaṃ	252	Nānāsambhārehi	481
Dhāressāmi	540	Nānupajjhāya	442
Dhārehi	98	Nānubandhe	545
Dhīro	34	Nānubhonti	24
Dhuraṃ katvā	171	Nābhivitaranti	465
[Na]		Nāmaṃ	267
Na	546	Nāmakaraṇasaññāya	200
Nakhapiṭṭhi	423	Nāvā	455
Nagaraparikkhārehi	189	Nāsitā	196
Najjā	392	Nikkhamanīyapuṇṇamāsī	332
Naṭanātakāni	319	Nikkhattaṃ	268
Naṭṭhakāyappasādaṃ	100	Nikkhattamaṇisuvaṇṇā	541
Nattamālaṃ	320	Nikkhipitabbaṃ	513
Natthetaṃ	172	Nikkhipitum	528
Nadāpetum	56	Niggahetum	297
Nadī	458	Nicayasannidhi	491
Nappahoti	234	Nijjhāmā	401
Namo	8	Nidahane	557
Nayavajjehi	545	Nidānaṃ	551
Navakataṃ	511	Nidānaṭṭho	42
Navadhoto	126	Nidānabhedo	79
		Niddā	177, 408

Padānukkamo	Piṭṭhaṅko	Padānukkamo	Piṭṭhaṅko
[Na]		[Na - Pa]	
Niddeso	43, 551	Nirodho	394
Nipajjanto	117	Nivattham	356
Nipajjitum	242	Nivatthampi	237
Nipannāya	378	Nivatthapārutam	254
Nippāditaṃ	310	Nivāsetum	309
Nibbaṭṭitattā	269	Nisāmentu	18
Nibbattaṃ	270	Nisinnāya	305
Nibbasanāni	21	Nisīdanam	330
Nibbānam bodhi	45	Nisīdanti	501
Nibbānadhātuyā	21	Nisīditum	242
Nibbānāya	402	Nissaggiyam	491
Nibbiṭṭharājabhaṭo	370	Nissaggiyavatthum	265
Nibbidāya	408	Nissando	53
Nibbedhabhāgiyam	149	Nissaye	537
Nimantitā	305, 312	Nissayo	419
Nimantitoyeva	468	Nissāya	419
Nimittam	100, 152	Nissāraṇam	503
Nimittupagapāsāṇe	454	Nissīmam	304
Nimitte	153	Nīyati	545
Nimittena	100	Nīlakahāpaṇā	123
Nimuggaposinī	398	Nīluppalavaṇṇā	112
Nimmitānam	196	Nīvaraṇadūrībhāvena	49
Niyametvā	99	Nīharitvā	85
Niyamitattā	159	Nekkhammādhimutto	476
Niyasakammaṃ	508	Nerañjarāya	392
Niyyāti	546	Nosulabhūpamehi	17
Niyyānam	42, 546	Paṃsukūlam	239
Nirayamhi	205	Pakati-āmise	322
Nirutti	43	Pakatigāmā	458
Nirodhadhammam	405	Pakatiṭṭhitikā	529

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pakatiyā	243	Pañcakaṃ	491
Pakatiyāva	510	Pañcaṅgā	415
Pakāsanam	43	Pañcasandhikaṃ	152
Pakuṭṭam	525	Pañham	304
Pakkantāsupi	357	Paññapenti	104
Pakkamati	472	Paññā	404
Pakkhandiyam	156	Paññāpanam	43
Pakkhassa	451	Paññāveyyattiyena	582
Paggāhikasālam	243	Paṭavilotikānam	266
Paggharantī	537	Paṭā	487
Paccakkhāti	98	Paṭikarissāmi	464
Paccatthikā	43	Paṭikuṭṭito	532
Paccabhāsi	398	Paṭikūlatāya	483
Paccayam	510	Paṭikūlā	145
Paccayakkhayassa	395	Paṭikkami	419
Paccayavasena	527	Paṭikkamma	526
Paccayeneva	526	Paṭikkūlavasena	348
Paccarī	18	Paṭiggaṇhāti	321
Paccavekkhaṇavasī	153	Paṭiggahaṇupagabhāram	323
Paccākatā	362	Paṭiggahaṇe	262
Paccāgacchanto	476	Paṭiggahatthavikam	524
Paccāmittā	43	Paṭiggahitam	321
Paccuddhārādisiddhito	234	Paṭiggahetabbāni	256
Paccekabuddhayānam	14	Paṭiggahetabbo	323
Paccessam	495	Paṭiggahetvā	479
Pacchimavayo	44	Paṭicarati	286
Pacchimavassamvutthānampi	502	Paṭicca	394
Pacchimikāya	473	Paṭijānāti	286
Pajānato	150	Paṭijānitvā	286
Pajjarakam	156	Paṭiññātakaraṇam	516

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṭiññāya	196	Paṭṭo	427
Paṭidātabbāniyeva	529	Paṭṭhamam	155
Paṭidesemi	464	Paṭṭhamakathine	235
Paṭiniddesam	546	Paṭṭhamacimilikā	490
Paṭipattiyā	44	Paṭṭhamapavāraṇāya	488
Paṭipadāvisuddhi	145	Paṭṭhamapāṭipadadivase	28
Paṭipāṭipattam	529	Paṭṭhamabhāgam	527
Paṭipāṭiyā	530	Paṭṭhamameva	193
Paṭipādentō	415	Paṭṭhamuppannavasena	559
Paṭipuggalo	400	Paṭṭhapetabbam	152
Paṭibandham	167	Paṇakam	207
Paṭibalassa	510	Paṇamanā	151
Paṭibāhetvā	525	Paṇiyā	524
Paṭibuddho	179	Paṇīto	397
Paṭimukkam	348	Paṇunnapaccekasacco	415
Paṭiyālokam	316	Paṇḍitavedanīyo	397
Paṭilabhitvā	258	Paṇḍito	34
Paṭilābhena	341	Paṇṇatti	198, 199
Paṭivattā	360	Paṇṇattivajjam	104
Paṭividdhākuppo	24	Paṇṇattivajjāni	388
Paṭivīso	495	Paṇṇattivajje	329
Paṭivedhavasena	149	Paṇṇasālampi	193
Paṭivedho	43	Patam	207
Paṭisamviditā	154	Patanarūpam	166
Paṭisalliyitum	146	Patitṭhāya	198
Paṭisāraṇīyakammam	508	Patitṭhitam	16
Paṭisevato	335	Patitṭhitā	459
Paṭissuto	373	Patitṭhitārapadesam	288
Paṭṭabandho	427	Patirūpam	417
Paṭṭamukhe	122	Patirūpā	340

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pattakallaṁ	447	Pamāṇacīvarassa	224
Pattakārako	267	Pamāṇato	192
Pattacatukke	250	Pamāṇe	164
Pattacīvaraṁ	528	Pamukhe	454
Pattatthavikādīsu	240	Payojanaṁ	62
Pattadhovanaṁ	348	Payojentassa	266
Pattabandhako	528	Paragalaṁ	524
Pattabbo	39	Parato	503
Pattasalākabhattaṁ	530	Parabhāge	453
Pattā	536	Paramavisuddhā	581
Patti	41	Paravādī	88
Pattena	413	Parasamayavivajjanato	63
Patto	523	Parasamudde	500
Patthayamāno	98	Parāmasanaṁ	185
Pathaviyā	297	Parikammaṁ	149
Padam	26	Parikkhakānaṁ	147
Padapaṭipāṭiyā	351	Parikkhārānaṁ	241
Padumakaṇṇikā	423	Paricchedabbhantare	171
Padhānavibbhanto	401	Paricchedātikkame	170
Pannabhārā	25	Pariññeyyaṁ	154
Pannarasopi	464	Pariṇāmenti	339
Pabbajjā	429	Parittam	170
Pabbājanīyakammaṁ	508	Paripuṇṇasaṅkappaṁ	62
Pabbājetvā	411	Paribhaṇḍam	522
Pabbājesi	99	Paribhāseyya	382
Pabbānaṁ	368	Paribhuñjitum	272
Pabhāvanā	151	Paribhogappaccayā	578
Pabhinnapaṭisambhidāparivāre	583	Paribhoge paribhoge	261
Pabhuti	13	Paribhojanīyaṁ	535
Pamāṇam	166, 171	Parimāṇampi	514

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pariyante	122	Pavāritā	383
Pariyādinno	413	Pavāretuñca	469
Pariyāyato	54	Pavāretvā	28
Pariyāyena	199	Paviṭṭham	103
Pariyesanakhettam	273	Paviṭṭhasākhāya	459
Pariyesitvā	168	Pavesanam	103
Parivaṭṭitvā	523	Pavesetvā	313
Parivattanam	312	Pasamsanti	105
Parivattanakathāyam	323	Pasannacittam	410
Parivattetvā	258	Pasādhito	190
Parivasitabbā	514	Pasutto	558
Parivāragāthānam	359	Pasupālakā	328
Parivāsavattādīnam	514	Passanam	543
Parivasanaṭṭhānam	535	Passāvaṭṭhānam	302
Pariveṇaṭṭhāne	29	Passāvamaggam	105
Parivesanāya	317	Pahīnavipallāsattā	177
Parisuddham	204	Pahīnā	44
Parisuddhasīlā	579	Pahūtam	385
Pariharaneyeva	301	Pākatikam	53
Pariharanti	40	Pākatikacuṇṇam	481
Parihāram	280	Pākatindriye	171
Parihīnāni	467	Pākammam	41
Parūpahārā	335	Pācinam	193
Paretehi	397	Pāṭipadadivase	28, 332
Palibodhaṭṭho	42	Pāṇam	544
Palibodhā	493	Pāṇātipātā	164
Pavattaphalabhojano	51	Pāti	524
Pavattinim	384	Pātimokkham	447
Pavananto	524	Pātubhūtam	112
Pavāraṇam	317	Pādakāni	48

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pādaṭṭhānā	300	Piṭṭhisamaye	498
Pāduddhārena	300	Piṭṭhehi	481
Pāde dhovivā	301	Pitucchā	168
Pānīyaṃ	535	Piturājā	169
Pāpakānaṃ	49	Pisācillikā	523
Pāpiṭṭhatarā	510	Pītisukhehi	196
Pāpuṇāti	500	Pīlana	42
Pāpuṇi	496	Pīlanaṭṭho	34
Pāpetvā	502	Puggalavaseneva	526
Pāpesi	288	Pucimando	37
Pāmaṅgadasā	524	Pucchāya	543
Pārājikaṃ	171	Pucchitabbaṃ	535
Pārājikā	101	Puññakāmā	263
Pāribandhakato	145	Puññābhisandaṃ	16
Pārisuddhim	448	Puṇṇacando	45
Pārisuddhi	579	Puṇṇamāsiyo	579
Pārihāriyaṃ	528	Puthupāṇikaṃ	522
Pārutaṃ	237, 356	Puna vasati	294
Pārupitabbaṃ	345	Pupphanāmo	28
Pārupitum	309	Pupphapaṭicchakaṃ	207
Pālileyyo	504	Pubbakiccaṃ	448
Pāvārikassa	364	Pubbabhāgā	557
Pāsāṇasakkharaṃ	126	Pubbācariyānubhāvaṃ	17
Pāsāṇo	452	Pubbāparaviruddhaṃ	369
Pāsādo	454	Pubbe	295
Pāhesi	414	Purati	559
Pāḷinissito	291	Purimaṃ purimaṃ	203
Pāḷiyā	257	Purimanaye	196
Pāṭake	545	Purimapadassa	68
Piṭṭhaṃ	319	Purimikā	472

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pha]	
Purisantarena	538	Phalamuttamaṃ	149
Puriso	559	Phāṇitaṃ	270
Pure	19	Phātikammameva	530
Pussaphala	320	Phārusakaṃ	487
Pūvagaṇanāya	316	Phāsukā	23
Pūgassa	311	Phāsuvihāro	44
Pūjaṃ	168	[Ba]	
Pūtimuttaṃ	418	Bakula	320
Pūritaṃ	208	Badarasāḷavaṃ	313, 368
Pūretuṃ	523	Baddhasīmāsadisāyeva	458
Pūretvā	501	Bandhitvā	439
Pekkhamaṇānaṃ	476	Balaṃ	44, 68
Petakiccatthāya	205	Balibaddhehi	192
Pesetvā	319	Bahi-upacārasīmāya	502
Pokkharaṃ	112	Bahitīre	459
Pokkharatṭhi	320	Bahinadītīre	459
Pokkharāṇī	527	Bahisīmāya	469
Pokkharavassaṃ	425	Bahuṃ deti	490
Poṭakitūlaṃ	341	Bahujanahitāya	37
Potthanikaṃ	532	Bahudhā	332
Pothujjaniko	402	Bahūni	276
Porāṇā	126	Bahū patte	268
Posā	541	Bāhiralomiṃ	522
[Pha]		Bidalakaṃ	523
Phaggava	320	Bibbohanaṃ	343
Pharati	126	Bimba	320
Pharasuṃ	297	Biḷālasaṅkhalikā	464
Phalaṃ	62	Bījato	186, 328
Phalakkhaṇe	54	Buddhaṃ	98

Padānukkamo	Piṭṭhaṅko	Padānukkamo	Piṭṭhaṅko
[Ba]		[Bha]	
Buddhacakkhunā	397	Bhaṇḍāgāraṃ	497
Buddhattā	40	Bhatiniviṭṭhaṃ	527
Buddhanisevitaṃ	11	Bhattamissake	318
Buddhayānaṃ	14	Bhattavissaggaṃ	237
Buddhasirivhayassa	18	Bhanti	40
Bubbuḷakaṃ	186	Bhavaṃ	11
Bodhiṃ	400	Bhavantaḅo	40
Bodhipaññānaṃ	99	Bhavā	11
Bodhirukkhamūle	393	Bhavo	38
Bodhetā	40	Bhavokkamanatthāni	48
Byañjanaṃ	43	Bhāgī	40
Byañjanasmim	356	Bhārabhūtā	262
Byākaritvā	168	Bhāvavikappākārena	98
Brahmacariyaṃ	405	Bhāvito	154
Brahmalokā	26	Bhāveti	38
Brahmaloke	38	Bhāsito	170
Brahmīpattaṃ	320	Bhimsanakatasmiṃ	57
Brahmujugatto	437	Bhikkhaggena	541
[Bha]		Bhikkhācāro	514
Bhagī	40	Bhikkhu	339
Bhaggamakāsi	40	Bhikkhunipanne	294
Bhajati	551	Bhikkhusabhāgataṃ	439
Bhajī	40	Bhijjati	523
Bhajjitapiṭṭhaṃ	317	Bhittim	129
Bhañjako	529	Bhittinissitaṃ	129
Bhañjitabbaṃ	241	Bhittilage	454
Bhaṭapathaṃ	370	Bhindati	533
Bhaṭiputtagaṇā	357	Bhinnena	268
Bhaṇati	288	Bhisim vā	343
		Bhisicchavi	540

Padānukkamo	Piṭṭhaṅko	Padānukkamo	Piṭṭhaṅko
[Bha]		[Ma]	
Bhujissam	424	Majjham	100
Bhuñjanti	312	Majjhimassa	458
Bhusā	546	Majjhimā	401
Bhūtam	295	Mañjūsam	145
Bhūmi	548	Maññe	337
Bhūmiyam	320	Maṇḍalikam	524
Bhedo	79	Maṇḍito	190
Bherisaññam	453	Matim	19
Bhesajjatthavikam	524	Matepi	167
Bhesajjehi	269	Mattikāpiṇḍam	486
Bhesajjodisam	271	Maddava	582
Bhojanasālāya	529	Madhumeham	288
Bhojanānam	312	Madhuramimam	55
Bhojanīyam	385	Manam	456
Bhojanena	312	Manasikārena	151
[Ma]		Manussagati	53
Maṃsakarambako	317	Manussānam	297
Maṃsacakkhunā	53	Manusse	532
Ma	40	Manomayam	532
Makkaṭassa	177	Mantābhāsā	559
Makkhadhammo	514	Maraṇatthikāva	167
Magā	541	Maraṇādhippāyassa	168
Maggakkhaṇe	54	Marati	165
Maggabrahamacariyam	43	Masālu	319
Magge	330	Mahā-upāsako	315
Maggena	171	Mahākāruṇikassa	8
Maggo	527	Mahākucchiḡaṭasadiṣo	437
Maggo bodhi	45	Mahāgatikkattā	51
Maccu	26	Mahājāni	399
		Mahājutikkattā	51

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Mahātherassa	530	Mukhadvāraṃ	323
Mahāthere	313	Mukhadvārikaṃ	428
Mahānadiyo	536	Mukhasannidhi	486
Mahāpadesā	86	Mukhena	322
Mahāpiṭṭhiyakojavaṃ	496	Muggarā	168
Mahābodhiyaṅgaṇaṃ	360	Muccitvā	175
Mahāyāgaṃ	62	Muñcitvā	100
Mahāvattāni	535	Muñjatiṇaṃ	297
Mahāvihārassa	17	Mudiṅgasanṭhānena	524
Mahāvīro	28	Muducittaṃ	409
Mahallako	53	Muddatiṇaṃ	297
Mahāsamaṇena	21	Muddavedikā	526
Mahāsīmaṃ	454	Muddā	288
Mahiṃ vikubbato	533	Munāti	306
Mahikā	541	Musāvādo	471
Mahimatā	41	Mūlaṃ	247
Mahesī	584	Mūlaṃ gahitaṃ	163
Mātāpitūhi	68	Mūlaṃ datvā	163
Mātikābhedo	79	Mūlaṃ labhitvā	267
Mātukucchismiṃ	155	Mūlakāraṇabhāvena	38
Mātulabhāgineyyā	28	Mūlakhādanīyaṃ	319
Mātuluṅga	320	Mūlaṭṭhasseva	160
Mānābhisamayā	34	Mūlapaṭiggahaṇameva	323
Mānusakaṃ	53	Mūlabhāgaṃ	580
Mārite	170	Mūlavisuddhiyā	556
Mārentu	170	Mūlasāmikānaṃ	266
Migamātuko	477	Mūlā dāyakā	541
Micchādiṭṭhi	543	Mūle	266
Micchāvācāpariyāpannā	287	Mūsikukкураṃ	296
Milakkhassa	98	Meghavanuyyānaṃ	28

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ya]	
Metabbā	443	Yācanā	62, 191
Mettam	38	Yācanti	168
Mettākāyakammasaṅkhāto	546	Yānena	173
Methunam	73	Yāpanīyam	44
Methunadhammapaccayā	577	Yāvakiṅvaṅca	405
Meyya	245	Yāvajīvikam	322
Moca	320	Yāvadattham	77
Moḷigallo	99	Yāvadatthapavāraṇāya	317
Moḷibaddho	99	Yuttavādinā	583
[Ya]		Yebhuyyasikā	549
Yamkiñci	207	Yojanasatampi	501
Yakkhapetarūpena	167	Yojetvā	186
Yakkhena	374	[Ra]	
Yattha katthaci	305	Rakkhitabbā	305
Yatthakāmāvasāyitam	41	Rakkheyyāsi	210
Yathāñāyam	545	Rajitvā	238
Yathādānameva	262	Raṭṭhabhede	309
Yathādāne	363	Ratanam	340
Yathādhippāyam	159	Ratanadāmam	72
Yathāniddiṭṭhaniddese	185	Ratiyā	195
Yathānusandhinā	167	Rattacitto	336
Yathāvuttana	152	Ratticchedo	56
Yathāsamādiṭṭhāya	194	Rattiyā	394
Yathāsambhavam	493	Rattisatam	513
Yathāsikkhāpadam	97	Rathikāya	309
Yadaggena	199, 537	Ravābhañṇena	99
Yamakasālānam	21	Rasena	85
Yāgupāne	381	Rasmiyo	28
Yāgumissakam	318		

Padānukkamo	Piṭṭhaṅko	Padānukkamo	Piṭṭhaṅko
[Ra]		[La]	
Rassaṁ	579	Lajjīhi	205
Raho	210	Laddhum	486
Rāgarattā	397	Labbhati	549
Rāgassa pahānaṁ	172	Lahu	417
Rāgā cittaṁ	172	Lahukaṁ āpattiṁ	203
Rājagahako	496	Lahuṭṭhānaṁ	44
Rājagahe	28	Lahuparivattā	177
Rājamāso	320	Lābho	339
Rājavallabhā	123	Laṅgabyattanayena	231
Rājāgārake	23	Lekhapaṇḍako	429
Rājāyatanaṁ	396	Leḍḍupāte	420
Rājikaṁ	320	Lesamattaṁ	201
Rāmā	397	Lokaṁ	39
Rukkhamūlaṁ	149	Lokajeṭṭhassa	584
Rukkhasūcidvāraṁ	117	Lokavajjaṁ	72
Rukkho bodhi	45	Lokavajjāni	388, 389
Rudradāmakko	123	Lokahitāya	6
Ruhati	297		
Rūpakākiṇṇāni	522	[Va]	
Rūpañca	407	Vaggaṁ karonti	457
Rūpārūpapariggaha	151	Vaggumudā	170
Recakaṁ	208	Vaggena	298
Romakaṁ	557	Vacanasāmaññaṭo	201
Rohaṇe	169	Vacīkammaṁ	330
		Vacīdvāre	450
[La]		Vacībhedena	99
Lakkhaṇato	153	Vajakali	319
Lakkhaṇappaṭivedhapāṭi-		Vajena	469
saṁyutto	304	Vajjaṁ	533
Laghimatā	41		
Lacchāma nu kho	56		

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vañcetvā	308	Vasantassa	173
Vaṭṭati	169	Vasalam	189
Vaṭṭaloham	528	Vasitum	419
Vaḍḍhanto	461	Vaseyyāma	413
Vaḍḍhamānaṃ	28	Vassacchedassa	469
Vaḍḍhim	266	Vassacchede	469
Vaṇṇaṃ	145	Vassāratto	536
Vaṇṇato	153	Vassāvāsikaṃ	527
Vaṇṇanāpi	20	Vassikasāṭikā	342
Vaṇṇā	150	Vassūpanāyikā	467
Vaṇṇāvaṇṇo	356	Vā	195
Vatathāya	207	Vāguraṃ	205
Vatthaṃ	527	Vācācittato	349
Vatthi	482	Vācāya	107
Vatthisīsaṃ	175	Vātaṇḍiko	439
Vatthum	153	Vādakkhitto	286
Vatthu	548	Vādo	240
Vatthugaṇanāya	191	Vāyaṃ	22
Vatthuppabhedo	63	Vāyāmaṃ	53
Vatthuleyyakaṃ	319	Vāragāmaṃ	530
Vatthusabhāgatāya	202	Vāritā	429
Vatthūnaṃ	111	Vāsijaṭe	341
Vadato	557	Vāḷayakkhavihāraṃ	169
Vadantopi	559	Vikaṭo	439
Vanabhaṅgiyaṃ	179	Vikappadvayepi	68
Varako	317	Vikāle	538
Varapotthakacittattharaṇaṃ	169	Vikkhepagatena	152
Varabhūrimedhaso	45	Vicaranti	359
Valeti	312	Vicikicchā	53
Vavatthānaṃ	378	Viceyya dānaṃ	546

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vicchinditvā	530	Vinītavatthūni	111
Vijahantassa	325	Vinītāni	546
Vijitasāṅgāma	397	Vinīvaraṇacittam	409
Vijjā	404	Vinīvaraṇatā	172
Vijjāsīsena	171	Vipatti	56
Viññatti	191	Vipattiyo	548
Viññattipathe	137	Vipariṇāmaṭṭho	34
Viññāpetabbaṃ	241	Vipariyesā	41
Viññāpeti	98	Vipassanābhūmidassanattam	154
Viññāpenti	268	Vipassanāyaṃ	151
Viññutaṃ	496	Vipassanupekkhā	46
Vitakkādisamatikkamena	49	Vipulabuddhi	583
Vitakko	62	Vippalapantiyo	408
Viditavelāyaṃ	395	Vippasannabhāvo	45
Videsaṃ	427	Vipphāletvā	523
Videso	427	Vibbhantopi	527
Vinamaṇā	151	Vibhajanāṃ	43
Vinayaṃ	387	Vibhajjavādī	27
Vinayakammaṃ	229	Vibhāvayaṃ	153
Vinayadhare	201	Vimānetvā	537
Vinayadharehi	498	Vimuccimsu	57
Vinayapaññatti	543	Vimuttam	54
Vinayavirodho	179	Vimuttisukhaṃ	393
Vinayasāṅgītiyā	540	Vimutto	400
Vinayasāsanapaccatthikā	335	Vimokkho	40
Vinayasiddhā	557	Virajaṃ	405
Vinaye	24	Viratiyā	546
Vinidhāya	534	Virāgite	185
Vinipātena	349	Virūpakkhehi	522
Vinibandhā	41	Vilomitam	192

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vivattati	150	Vuttappakārā	395
Vivadantā	546	Vuttasamathehi	199
Vivaraṇaṃ	43	Vuttā	352
Vivādādhikaraṇaṃ	550, 551	Vutthavassāpi	489
Vivādādhikaraṇapaccayā	547	Vutthavasso	28
Vivādādīnaṃ	199	Vūpasamā	46
Vivādo	518	Vūḷho	456
Vivekaṃ	396	Vejjakammaṃ	168
Vivekaṭṭho	42	Veṭṭhimaṃ	207
Vivekadassinā	547	Vedanāttika	108
Visaṅketaṃ	170	Vedayāmi	512
Visabhāgarogo	167	Vedānaṃ vā antaṃ	396
Visabhāgavaṇṇena	546	Vedehi antaṃ	396
Visibbanāpekkho	329	Vedhimaṃ	207
Visuddhassa	146	Veneyyasattā	62
Visuddhāpekkhena	449	Vepurisikā	537
Visūcikaṃ	156	Vemā	168
Visesādhigamaṃ	168	Veyyākaraṇaṃ	405
Vissajjetvā	385	Velāya	509
Vihatthatāya	238	Vo	557
Vihāraṃ	473	Vomissakāpattiyo	194
Vihāraggena	526	Voropento	544
Vihārapacchāyāyaṃ	476	Vosānaṃ	533
Vihāsi	34	Vohāravasena	129, 167
Vītamalaṃ	405	Vohāro	198
Vīmaṃsā	351		
Vīmaṃsitvā	172	[Sa]	
Vuṭṭhahitvā	464	Samkilesaṃ	409
Vuṭṭhāti	555	Samkhāditvā	533
Vuṭṭhāpitaṃ	384	Samghakaraṇīyena	468

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Samghato	237	Sajotibhūtānaṃ	413
Samghaphāsu	73	Sajjhāyaṃ	462
Samghalābho	173	Sañcetanikā	175
Samghasuṭṭhutā	73	Sañchinnena	491
Samghasuṭṭhutāya	72	Saññācikena	365
Samghādisesena	337	Saññāpetvā	527
Samyogatṭho	42	Saññivādādiko	27
Samvaṇṇanānayo	392	Sanṭhapesuṃ	401
Samvaratthāya	29	Sanṭhāti	408
Samvaro	150	Satiṃ akatvā	262
Samvāse	444	Sati paccaye	481
Samvāso	430	Satiyā	151
Samsaggabhedatopi	177	Sativinayo	515
Samsaṭṭhavitapā	461	Sativippavāse	546
Samharāpeyya	368	Satokārī	150
Sa-ussāhattā	257	Satta daddhammā	39
Sa-ussāheneva	557	Sattāhakālikāṃ	322
Sakasamayo	582	Sattāhavārena	498
Sakkaccaṃ	19	Sattisūlūpamā	334
Sakkhissāma	56	Sattumodako	317
Saggamaggagamane	304	Satthakena	323
Saṅkāsanāṃ	43	Satthavāha	397
Saṅkhataṭṭho	34, 42	Satthāro	532
Saṅkhārupekkhā	46	Satthe	469
Saṅghāṭicāraṃ	377	Sadasaṃ	330
Saṅghātaṃ	379	Saddhammasamvaṇṇana-	
Sacittakaṃ	325	kovidehi	17
Sacittakapakkhe	75	Sanettikā	541
Sacittakāni	388	Santaṃ	171
Sacchikāpaññatti	40	Santaṃ sukhaṃ	62
		Santatā	149

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Santaruttarena	243	Sabhitticchadanam	193
Santāpaṭṭho	34, 42	Sabhojane	325
Santiṃ	525	Samaṃ passati	46
Santiṭṭheyya	372	Samaggaṃ	461
Santo	397	Samaṅgībhūtaṃ	408
Santharivā	544	Samaṇakappehi	297
Santhare	526	Samatikkamā	46
Sandanaṭṭhānato	460	Samathappaṭipannassa	146
Sandiṭṭhikaṃ	99	Samathā	548
Sannamanā	151	Samathehi	547
Sannicayaṃ	267	Samadhikaṃ	207
Sanniṭṭhānantike	493	Samanubhāsanamuṭṭhānāni	349
Sannipatitamaṇḍapaṃ	294	Samanussaranto	18
Sannisinnāsu	423	Samantacakkhu	397
Saparasantāne	546	Samantato	40
Saparicchedaṃ	145	Samantā	458
Sappaṭimāso	536	Samannāgato	406
Sabbakappiyatāya	558	Samayaṅca	33
Sabbadisāhi	28	Samayappavādako	34
Sabbapadesu	168	Samayo	34
Sabbapāsaṅghiyabhattāni	430	Samavayasaṭṭhesano	415
Sabbarattiyō	408	Samavāyo	35
Sabbasaṅkhārasamatho	397	Samalehi	397
Sabbasaṅgāhakavasena	108	Samasamā	475
Sabbābhibhū	400	Samādapetvā	340
Sabhatto	325	Samādāyeva	56
Sabhāgasamghādisesaṃ	513	Samānavibhatti	68
Sabhāgā	419	Samānasamvāsā	456
Sabhāvato	39, 199	Samāpajjanavasī	153
Sabhāvasarikkhāsarikkhato	202	Samāpajjīm	173

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Samāhite	54	Samma samārabhissaṁ	18
Samitāvina	214	Sammā	34
Samitāvī	39	Sammukhāvinayasmim	520
Samuṭṭhāti	545	Sammukhāvinayo	549
Samuṭṭhānena	545	Sammukhībhūta	530
Samuṭṭhāpikā	38	Sammuti	527
Samudayadhammaṁ	405	Sammudidānakiccaṁ	230
Samudayanirodhasaṅkhāto	395	Sammodi	396
Samuditena	581	Sayaṁ yācitakena	364
Samuddodakena	324	Sayaṁvasitā	41
Samūhavohārena	179	Sayaṁ sāmaṇero	430
Sameti	258	Sayanigharaṁ	340
Samodakaṁ	398	Sayameva	299
Sampaṭicchitum	369	Sarajā	541
Sampaṭicchite	162	Saraṇaṁ	55
Sampattānaṁ	502	Sāraṇagamaṇaṁ	55
Sampatti	56	Sarabū	522
Sampadanti	309	Sarabhaññaṁ	462
Samparivāretvā	486	Saramānena	449
Sampasādanaṁ	46	Sarīraṭṭhapatto	204
Sampādessati	190	Salākaggāhena	557
Sambādhe	482	Sallakkhetvā	512
Sambuddhavaravayehi	17	Sallapeyya	372
Sambodhāya	402	Sallahukavutti	152
Sambhinditabbā	461	Sallekhiye	17
Sambhoge	444	Savatthukaṁ	203
Sammatāya	456	Savighātaṁ	427
Sammati	524	Sassatavādī	27
Sammanti	550	Saha	281
Sammannitum	451	Sahadhammikesu	313

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sākhā	297	Sāvitti	487
Sājīvaṃ	97	Sāveti	98
Sāṭakapatto	204	Sāvetukāmo	98
Sāṇipākāraṃ	27	Sāsanam	16
Sātasahagatā	94	Sāsaṅkasammato	233
Sāttham sabyañjanam	43	Sāsanadhammo	43
Sādītum	549	Sāsanapariyantā	57
Sādiyissasi	308	Sāsanabrahmacariyam	43
Sādhāraṇam	319	Sāsanārocanakāle	190
Sādhāraṇā	548	Sāhu	417
Sādhukīḷanam	22	Sikharam	528
Sādhukīḷitagītam	371	Sikkhā	97
Sādhugītam	522	Sikkhāpadam	97
Sādhu suṭṭhu	167	Sikkhāpade	69, 70
Sāpattiko	249	Sikkhāsājīvasamāpanno	81
Sāmam	276	Sikkhitasikkhena	345
Sāmaggī	451	Siggu	319
Sāmantavihārepi	208	Siddhatthakam	320
Sāmikā	371	Sinerussa	40
Sāmisena	322	Siyā	108
Sāmukkaṃsikā	410	Sirasā	14
Sāyam	414	Silakabuddho	348
Sārattam	185	Sītīkato	348
Sāraddhā	152	Sīmam	451
Sārapāmaṅgam	28	Sīmaṭṭho	454
Sālivikati	56	Sīmātikkantiko	493
Sālūkā	487	Sīmāya	458
Sāvakayānam	14	Sīmāsaṅkaram	461
Sāvakena	195	Sīmāsaṅkhyameva	457
Sāvasesam	104	Sīlam	56

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sīlavā	304	Suvikkhālitam	533
Sīlavisuddhiyā	589	Suvmuttacitto	415
Sīlasampanno	198	Suvmuttapaṇṇo	415
Sīsam	116	Susaṅṭhitassa	16
Sīhanādam	56	Susānaṃ maṇṇe	408
Sukatam	579	Susirapāsāṇo	454
Sukhaviniggaḥaṃ	583	Sussūsimsu	401
Sukhānaṃ	53	Sūcikaṃ	156
Sukhāya	37	Sūnehi	537
Sukhumālo	407	Sūrabhāvo	45
Suñṇāgāraṃ	486	Seṭṭham	40
Sutādīnaṃ	199	Seṭṭhānuseṭṭhīnaṃ	410
Suttaṃ	88	Setaparikkhāro	189
Suttantābhi-		Setu	459
dhammappacatthikā	335	Setughāto	546
Suttantikā	195	Setupādā	459
Suttantikānaṃ	19	Senāsanaṃ	152
Suttantiko	504	Seyyaṃ	544
Suttavibhaṅge	542	Seyyaggena	526
Suttānulomaṃ	88	Sele	397
Sutto	179	Sellu	320
Sudinna	68	Sevālam	207
Suddhakāḷakānaṃ	251	Seve	356
Suddhacittā	296	Sesam	189
Sudhālepo	525	Sesā	334
Supantassa	179	Sokajjhāyikā	377
Sumanamanaso	413	Sotāvadhānaṃ	29
Sumedha	397	Sodhanā	151
Sulasipaṇṇaṃ	320	Sodhetvā	454
Suvaṇṇapādukāyo	409	Somanassamayaṃ	23
Suvaṇṇena	186		

Padānukkamo	Piṭṭhaṅko	Padānukkamo	Piṭṭhaṅko
[Sa - Ha]		[Ha]	
Svepi	22	Hāyanavaḍḍhanaṃ	332
Haṃsapupphaṃ	167	Hī	35
Haṃsavatṭakacchadanena	145	Hiṅguṃ	320
Hatthato	163	Hiṅgujatūṃ	320
Hatthapāsātikkaṃ	323	Hiṅgujatu	481
Hatthapatto	168	Hiṅgusipāṭikā	481
Hatthi-assādīnaṃ	104	Hintālaṃ	320
Hatthinakho	528	Hīno	402
Hatthippamaṇo	452	Hupeyyāsi	400
Hatthisammaddaṃ	340	Heṭṭhāmukhajātaṃ	55
Hadayaṅgamato	55	Hetu	35
Handa	98	Hetu-attho	35
Harāpeti	258	Hetvattho	42
Hasanīyasmim	346	Hessati	20
Hasanto	188	Homa	540

Vajirabuddhiṅkāya lakkhitabbaṭṭhānāni

Padānukkamo

Piṭṭhaṅko

Anugaṅṭhipade... Yattha anugaṅṭhipadeti, tattha vajirabuddhittherassāti gahetabbaṃ.	96
Ācariyassa	
Ācariyena..... Yattha yattha ācariyena likhitanti vā ācariyassa takkoti vā vuccati, tattha tattha ācariyo nāma ānandācariyo kalasapuravāsīti gahetabbo.	36
Gaṅṭhipade..... Yattha yattha gaṅṭhipadeti vuccati, tattha tattha dhammasirittherassa gaṅṭhipadeti gahetabbaṃ.	95
Likhitam..... Kevalam likhitanti vutte gaṅṭhipade gahetabbaṃ.	132